

780
1996



საშუალო



5-6

1996

საშუალო

სამკაბეზარი
დამკაბეზარი



თბილისი (102)
ბიზნისცენტრი



შინაარსი

პროზა, პოეზია

ანტონ ჩახოვი. უცხოები კაცის ნაამბობი. მოთხრობა. რუსულიდან თარგმნა
ლილი მკედლიშვილმა 3

ფრადერიკ ღარი. სიკვდილი, რომელზეც უან მიაგობდი. ფრანგულიდან თარგმნა
მარინე ჭილაშვილმა 62

კრისტოფ კაინი. უცხო მებობარი. გერმანულიდან თარგმნა მათა მირიანაშვილმა . . 132

ფერილები

რენდოლფ ბორნი. კულტურა და ჩვენი პროვინციულიზმი. თარგმნა ნანა ახოზაძემ 214

ალექსანდრ კრაჰუკი. ალმოკატრა და ცეზარი. ნაწილი მეორე. პოლონურიდან
თარგმნა ამბროსი გრიშოკაშვილმა 220

ლასლო მსე. ვერდის რომ დღიურები ეწერა. თარგმნა ვალენტინა ტატიშვილმა . . 273

ბნაბვან შრი რაჯნეში. არც ეს, არც ის. გაგრძელება. გერმანულიდან თარგმნა
ლაშა ღაღიანმა 297

საქართველოს მწერალთა კავშირი
მსოფლიო ლიტერატურის ორთვიური ალმანახი

«САУНДЖЕ»
ДВУХМЕСЯЧНЫЙ АЛЬМАНАХ ВСЕМИРНОЙ ЛИТЕРАТУРЫ
На грузинском языке



1996 № 5—6

მთავარი რედაქტორი:
უროს ნიშნიანიძე

ნანა მარჩია
(მთავარი რედაქტორის მოადგილე)

ხარედაქციო კოლეგია:
ჯემალ აჯიაშვილი
მზია ბაძრაძე
ბახანა ბრეგვაძე
გურამ გოგიაშვილი
ნოდარ გურუშიძე
მეგალი თოდუა
ნოდარ კაკაბაძე
რენე კალანდია
გიორგი ნიშნიანიძე
დალი შანჭიკიძე
ნიკო ყიასაშვილი
გივი ქნელაძე
დავით წერეთელი

ტექნიკური რედაქტორი
ნანა ბართაია

ჩვენი მისამართი: თბილისი, 380026, ლესელიძის ქ. № 4. ტელეფონები: მთავარი რედაქტორი — 72-47-31. პასუხისმგებელი მდივანი — 99-60-22, განყოფილებათა გამგეები — 72-26-30.

გად. წარმ. 29.05.96 წ., ხელმოწ. დასაბუქდად 23.08.96 წ., ქაღალდის ზომა 70X108¹/₁₆
სააღრ. თ. 25,51. სასტ. თ. 28. საღებავის ვატ. 28,7, ტირ. 300. შეკვ. № 620.

ფასი 2 ლარი

გამომცემლობა „ხამშობლოს“ სტამბა,
თბილისი, მ. კოსტავას, 14.



მთხრობა

თარგმნა ლილი მჭედლიშვილმა

1.

მიზეზთა სხვათა და სხვათა გამო, რომელთა შესახებ ახლა ლაპარაკის დრო არ არის, ლაქიად უნდა დავდგომოდი ერთ პეტერბურგელ ჩინოვნიკს, ოცდათხუთმეტე-ოდე წლის ახალგაზრდა კაცს, სახელად გეორგი ივანიჩ ორლოვს.

ლაქიად დავუდექი მისი მამის, ცნობილი სახელმწიფო მოხელის გამო, რომელიც ჩემი საქმის სერიოზულ მტრად მიმაჩნდა. ასე მეგონა, მისი ვაჟიშვილის სახლში რომ ვიტრიალებდი, ხან საუბარს მოვკრავდი ყურს, ხან მაგიდაზე გაშლილ ქაღალ-დებსა და ჩანაწერებში ჩაფიხედავდი და ამით მამამისის გეგმებსა და გადაწყვეტილე-ბებში გავერკვეოდი.

ყოველ დილას, თერთმეტი საათისათვის, ჩემს ოთახში ელექტროზარი რომ აწკარუნდებოდა, ეს იმას ნიშნავდა, რომ ბატონმა უკვე გაიღვიძა. ჩექმებსა და გა-კრიალებულ სამოსში გამოწყობილი საძინებელში რომ შევიდოდი, გეორგი ივანიჩი ნამძინარევი, უფრო სწორად, ძილისაგან გასაუთებელი, მხრებჩამოყრილი იჯდა ლოკინზე, ერთ წერტილს მისჩერებოდა და ეტყობოდა, გაღვიძებით მაინცადამაინც ნასიამოვნები არ ბრძანდებოდა. მე მას ჩაცმაში ვეხმარები, ის კი ჩუმად, უხალისოდ შემორჩილება, ჩემს იქ ყოფნას ვერც კი ამჩნევს. მერე პირს დაიბანს, სუნამოს იპ-კურებს და ყავის დასაღევად სასაღილო ოთახისაკენ გასწევს. ზის მაგიდასთან, ყავას შეექცევა, გაზეთებს შლის, მე და მოსამსახურე ქალი პოლია კი ვდგავართ კართან და მოკრძალებით მივჩერებივართ. უნდა ვიდგეთ ეს ორი მოწიფული ადამიანი და დიდის სერიოზულობითა და თვალგაფაციცებით ვუყუროთ, ბატონი ყავას როგორ შეექცევა, ორცხობილას როგორ ახრამუნებს. ეს ყველაფერი, ცხადია, მეტად სასა-ცილო და უცნაურია, მაგრამ კარწინ ატუზული დგომა მაშინ რატომღაც დამცირე-ბად არ მიმაჩნდა, თუმცა მეც ისეთივე აზნაური და ისეთივე განათლებული გახლ-დით, როგორც ორლოვი.

სწორედ იმხანად ჭლექის ნიშნები დამეტყო. ჭლექი კი არა, მგონი, რაღაც უარესი მჭირდა. არ ვიცი, ავადმყოფობისაგან, არ ვიცი, იმის გამო, რომ ჩემს მსოფლმხედველობაში გარკვეული ცვლილებები ხდებოდა (თუმცა მაშინ ეს ჯერ კი-დეც ვაცნობიერებული არა მქონდა), დღითი დღე სულ უფრო მეტად და მეტად მე-უფლებოდა ჩვეულებრივი, ობივატელური ცხოვრების დაუოკებელი წყურვილი. სუ-ლიერი სიმშვიდის, ჯანმრთელობის, კარგი ჰაერისა და მაძლარი კუჭის მეტი არა-ფერი მინდოდა. ფლოტის გადამდგარ ლეიტენანტს ერთთავად ზღვა, ჩვენი ესკადრა

42907

საქართველოს
პარლამენტის
ეროვნული
ბიბლიოთეკა

და ის კორექტი მეღანდებოდა, რომლითაც თითქმის მთელი დედამიწა მქონდა შე-
მოვლილი. მინდოდა, ერთხელ კიდევ განმეცადა ის ენით უთქმელი გრძნობა, ტროპი-
კულ ტყეში სეირნობის დროს რომ გეუფლება, ანდა ბელგიის ყურეში ჩამაგალი მზის
ცქერისას აღტაცებით რომ გაირინდები და გულს სამშობლოზე სევდა შემოგაწვება.
ერთთავად მუსიკა, მთები და ქალები მესიზმრებოდა. პატარა ქვეყნულს ცნო-
ბისმოყვარეობით ვაცქერდებოდი, ყველაფერს გაფაციცებით მიყურებდი ამიტომაც,
როდესაც კართან ატუზული ვიდექი და მიეჩერებოდი, ორლოვი ყავას როგორ მი-
ირთმევდა, ჩემი თავი ლაქიად კი არა, იმ ადამიანად მიმაჩნდა, რომელსაც ამქვეყნად
ყველაფერი აინტერესებს, თავად ორლოვიც კი.

გარეგნობა ორლოვს ნამდვილი პეტერბურგელისა მქონდა: ვიწრო მხრები, ჩა-
ცვივნილი საფეთქლები, გრძელი წელი, გაურკვეველი ფერის თვალები, თხელი,
უფერული თმა და ასეთივე თხელი და უფერული წვერ-ულვაში, სახე მოვლილი, გა-
ცრეცილი და უსიამოვნო. განსაკუთრებით მაშინ იყო უსიამოვნო შესახედი, როდესაც
ეჩინა, ანდა რაღაცაზე ფიქრობდა. არ ვიცი, საჭიროთა თუ არა ასე უბრალო,
ყოვლად ჩვეულებრივი გარეგნობის აღწერა, მით უმეტეს აქ ესპანეთი კი არა, პე-
ტერბურგია, სადაც მამაკაცის გარეგნობას თავად სასიყვარულო საქმეებშიაც კი
არაფერს ანიჭებს მაინცდამაინც დიდ მნიშვნელობას და მხოლოდ წარმოსადეგი ლაქი-
ებისა და მეეტლეებისათვის თუ არის საჭირო. მაგრამ ორლოვის სახესა და თმის
ფერზე მხოლოდ იმიტომ წამოვიწყე საუბარი, რომ მის გარეგნობაში იყო რაღაც
ისეთი, რის აღნიშვნაც, ასეა თუ ისე, მნიშვნელოვნად მიმაჩნია. აიღებდა თუ არა
ხელში გაზეთსა ან წიგნს, რა გაზეთი და რა წიგნიც არ უნდა ყოფილიყო, ანდა შე-
ხედავდა თუ არა ვიღაცას, სულ ერთია, ვინც არ უნდა ყოფილიყო, თვალებში მაშინვე
დამცინავი ღიმილი ჩაუდგებოდა. ჯერ წაკითხული და მოსმენილი არა მქონდა რა-
ღაცა, რომ ირონია უკვე ფარდით მქონდა აფარებული სახეზე. ეს იყო ჩვეული, მის-
თვის სისხლხორცეული ირონია, რომელიც ამ ბოლო დროს თითქმის რეფლექსურად,
საკუთარი ნება-სურვილის გარეშე აღიბეჭდებოდა მის გამომეტყველებაში. პირველი
საათისათვის სახეზე აღბეჭდილი იმ თავისი ირონიული გამომეტყველებით მოჰკი-
დებდა ხელს ქალაქდებით გატენილ ჩანთას და წაბრძანდებოდა სამსახურში. სახლში
თითქმის არ სადილობდა, ამიტომაც შინ მუდამ რვა საათის შემდეგ ბრუნდებოდა.
გავუბღღვრიალებდი სახლდებითა და ლამბით კაბინეტს, ჩაეშვებოდა სავარძელში,
ფეხებს სკამზე დააღაგებდა და დაიწყებდა კითხვას ასე გაშხლართული. თითქმის
ყოველდღე ან თვითონ მოაყოლებდა მაღაზიიდან ახალ-ახალ წიგნებს ან ვიღაცას
მოჰქონდა. ჩემი ოთახის კუთხეებსა თუ საწოლის ქვეშ, რუსულსაც თუ არ ჩავთვლით,
ვინ მოსთვლის, სამ ენაზე დაწერილი რამდენი წიგნი იდო უკვე წაკითხული და დაუ-
დევრად მიგდებული. საოცრად სწრაფად კითხულობდა. ნათქვამია, მითხარი, რას
კითხულობ და გეტყვი, ვინა ხარო. ეს იქნებ მართალიც არის. მაგრამ ორლოვზე იმ
წიგნების მიხედვით მსჯელობა, რასაც ის კითხულობდა, ნამდვილად შეუძლებელია.
ეს იყო რაღაც დომხალი — ფილოსოფია, ფრანგული რომანები, ფინანსები, ახლად
წარმოჩენილ პოეტთა წიგნები თუ „პოსრედნიკის“ გამოცემები. ყველაფერს იმ თავისი
ირონიული გამომეტყველებითა და ერთნაირი გაფაციცებით ნთქავდა.

საღამოს ათი საათი რომ გახდებოდა, გამოეწყობოდა საგულდაგულოდ (უფრო
ხშირად ფრაკის ჩაცმა უყვარდა, თუმცა ხანდახან კამერ-იუნკრის მუნდირსაც იცვამ-
და), გავიდოდა სახლიდან და შინ მხოლოდ გამთენიისას ბრუნდებოდა.

ეცხოვრობდით წყნარად და მშვიდობიანად, ისე რომ, ჩვენ შორის არავითარი
გაუგებრობა არ ყოფილა... მაგრამ, როგორც წესი, ჩემს არსებობას იმდენად ვერ

ამჩნევდა, ჩემთან საუბრისას სახეზე ირონიული ღიმილიც კი არ უჩნდებოდა, ეტყო-
ბა, ადამიანადაც არ მთვლიდა.

მხოლოდ ერთხელ ვნახე გაბრაზებული. ეს იყო ჩემი ლაქიად დაღვრის ერთი
კვირის თავზე. ასე, ცხრა საათი იქნებოდა, შინ რომელიღაც წვეულებიდან რომ და-
ბრუნდა. სახეზე გაღიზიანება და დაღლილობა ეტყობოდა. სანთლებიდან ასანთებად
კაბინეტისაკენ რომ მივყვებოდი, უცებ მომიბრუნდა და მეუბნებოდა:

- სახლში რაღაც ყარს.
- ეს-ესაა გავანიავე, — ვუპასუხე.
- მე შენ გეუბნები, რაღაც ყარს! — გაიმეორა გულმოსულმა.
- არ ვიცი, სარკმელს ყოველდღე ვაღებ...
- ბევრს ნუ ლაპარაკობ, რეგვენო! — იყვირა გეორგი ივანიჩმა.

მე ძალიან ვიწყინე, მინდოდა შევკამათებოდი და ეინ იცის, რით დამთავრდე-
ბოდა ეს ამბავი, საქმეში პოლია რომ არ ჩარეულიყო, რომელმაც, ცხადია, ჩემზე
უკეთესად იცოდა თავისი ბატონის ხასიათი.

— პო, რაღაც ცუდი სუნი დგას, — თქვა პოლიამ და წარბები აწკიპა. — ნეტა-
ვი რა სუნია? სტეპან, სარკმლები გააღე და ბუხარი გაახურე.

პოლიამ ამოიოხრა, აფაციფუცდა — დადიოდა მიუღსოვან თანში ქვედა კაბის შა-
რიშურით და პულვერიზატორს დააშუშუნებდა. ორლოვი მაინც უგუნებოდ იყო.
გაბრაზება აშკარად რომ არ გამოეხატა, ეტყობა, თავს იკავებდა, იჯდა მაგიდასთან
და გამალებით რაღაც წერილს წერდა. რამოდენიმე სტრიქონი რომ დაწერა, ვაჯავ-
რებულმა წაიფრუტუნა, წერილი დახია და ისევ თავიდან შეუდგა წერას.

— ეშმაკსაც წაუღია! — ჩაიბურღუნა გეორგი ივანიჩმა, — გინდა თუ არა,
საოცარი მეხსიერება უნდა გქონდესო!..

ბოლოს, როგორც იქნა, წერილის წერას მორჩა, მაგიდიდან წამოდგა და მითხრა:

— ახლა შენ ზნამენსკაიაზე წახვალ, ზინაიდა ფეოდოროვნას ამ წერილს საკუთარ
ხელში გადასცემ. მაგრამ, ვიდრე გადასცემდე, შვეიცარს პკითხე, ქმარი, ესე იგი,
ბატონი კრასნოვსკი ხომ არ დაბრუნებულა. თუ შინ დაგიხვდა, წერილს ნულარ მის-
ცემ, უკან გამობრუნდი. მოიცა! ზინაიდა ფეოდოროვნამ თუ გკითხა, სტუმრად ხომ
არავინ ჰყავსო, ასე უთხარი, ორი საათიდან ვიღაც ბატონი უზის, რაღაცას წერენ-
თქო.

მართლაც, წავედი ზნამენსკაიაზე. ბატონი კრასნოვსკი ჯერ არ მობრძანებუ-
ლაო, მითხრა შვეიცარმა და მეც პირდაპირ მესამე სართულისაკენ გავემართე. კარი
მაღალმა, შავბაკებიანმა ზონზროსა ლაქიამ გამიღო და დაუდევრად, უკმუნად და
უხალისოდ, როგორც მხოლოდ ლაქია თუ დაელაპარაკება ლაქიას, მკითხა, რა გინ-
დაო. პასუხის თქმა ვერც კი მოვასწარი, რომ დარბაზიდან წინკარში მაღალი, შავ
კაბაში გამოწყობილი ქალი სწრაფი ნაბიჯით გამოვიდა და თვალმომჭურჭული მო-
მაჩერდა.

- ზინაიდა ფეოდოროვნა შინ ბრძანდება? — ვკითხე მე.
- დიას, მე გახლავართ, — თქვა ქალმა.
- გეორგი ივანიჩის წერილი მოგართვით.

წერილი მოუთმენლად გახსნა და ბრილიანტის ბეჭდებით დამშვენებულ ორივე
ხელში ჩაბლუჯულ ბარათს კითხვა დაუწყო. ამასობაში მე დაკვირვებით შევათვალი-
ერე მისი თეთრი, რბილნაკვობიანი სახე, წინ წამოწეული ნიკაპი და გრძელი, შავი
წამწამები. შესახედად ქალს, ასე, ოცდახუთ წელს თუ მისცემდი.

— მომიკითხეთ და ჩემი მადლობა გადაეცით, — მითხრა ქალმა, როდესაც კი-

თხვას მორჩა. — არის ვინმე გეორგი ივანიჩთან? — იკითხა ხალისიანად, რბილად, თითქოს ერიდება თავისი უნდობლობისაო.

— დიას, ვილაც ბატონია, რაღაცას წერენ, — ვუპასუხე მე.

— მოკითხვა გადაეცით და მადლობა უთხარით, — გაიმეორა სინაიდა ფეოდოროვნამ და წერილის კითხვა-კითხვით, ოდნავ გვერდზე თავდასხმული წინკარიდან უხმაუროდ გავიდა.

მაშინ მე იშვიათად ვხვდებოდი ქალებს, ამიტომაც ქალმა, რომელსაც სულ რაღაც ერთი წუთით შევხვდი, ჩემზე გარკვეული შთაბეჭდილება მოახდინა. შინ ფეხით წამოვედი. მოვდიოდი, მის სახესა და სუნამოს ნაზ სურნელს ვიხსენებდი და ვოცნებობდი. უკან რომ დავბრუნდი, ორლოვი უკვე შინ აღარ დამიხვდა.

2.

ასე და ამგვარად, ვცხოვრობდით მე და ჩემი ბატონი წყნარად და მშვიდობიანად. მიუხედავად ამისა, ის რაღაც დამამცირებელი და შეურაცხყოფელი, რისაც ასე მეშინოდა, როდესაც ლაქიად ვდგებოდი, უკვე ამკარა იყო. ვერა და ვერ ვშველდებოდი პოლიასთან. ეს გახლდათ კარგად ნაპატიები, ნებაზე მიშვებული ქმნილება, რომელიც ორლოვს მხოლოდ იმიტომ აღმერთებდა, რომ ბატონი ბრძანდებოდა, მე კი აბუჩად მხოლოდ იმიტომ მიგდებდა, რომ ლაქია ვიყავი. ნამდვილი ლაქიასა ან მზარეულისათვის ეს ქალი შეიძლება მომნიშვნელოვან ყოფილიყო — წითელი, პაჭუა ცხვირი, მოწკურული თვალები და სავსე, სიმსუქნეში გადასული სხეული... იპუდრებოდა, წარბებსა და ტუჩებს იღებავდა, იჭედებოდა კორსეტში, ატარებდა ტურნიურს, იკეთებდა მონეტებიან სამაჯურს, დადიოდა მოკლე ნაბიჯებით, ცეკვა-ცეკვით, სიარულის დროს მხრებსა და კურტუმს იქნევდა. დიდი დროით მასთან ერთად ოთახებს რომ ვალაგებდი, მისი ქვედა კაბის შარიშური, კორსეტის ტკაცუნი, მონეტებიანი სამაჯურის წკარუნი, ბატონისაგან მოპარული ტუალეტის წყლის, სუნამოსა და მისი ტუჩის პომადის უხამსი სუნი ისეთ გუნებაზე მაყენებდა, ასე მეგონა, მასთან ერთად მეც რაღაც სისაძაგლეს ჩავდიოდი.

იმის გამო, რომ მასავით არ ვქურდობდი, არ ვამქლავებდი არავითარ სურვილს, მისი საყვარელი გავმხდარიყავი, რაც, ადვილი შესაძლებელია, შეურაცხყოფდა კიდევაც, ანდა იმის გამოც, რომ უცხოვრებდი მიმიჩნევდა, პოლიამ პირველი დღიდანვე შემიძულა. ჩემი უნიათობა, არალაქიური გარეგნობა, ჩემი ავადმყოფობა მეტისმეტად უბადრუკი ეჩვენებოდა, მის გულში ზიზლის გრძნობას იწვევდა. იმ დროს სწორედ ძალიან მახველებდა, ჩვენს ოთახებს კი მხოლოდ ფიცრის თხელი ტიხარი ჰყოფდა და ჩემი ეს ხველა პოლიას ხანდახან ძილს უფრთხობდა.

— შენმა ხველამ არც წუხელ დამაძინა, ბატონის სახლში კი არ უნდა ცხოვრობდე. საავადმყოფოში უნდა იწვე, — მეტყოდა ხოლმე დილაობით.

ისე გულწრფელად სჯეროდა, მასთან შედარებით კაცი კი არა, მღილიც არ ვიყავი, რომ რომაელ მატრონათა მსგავსად, რომლებიც მონების თანდასწრებით ბანაობასაც არ ერიდებოდნენ, ჩემ წინ ღამის პერანგის ამარა ისე დადიოდა, ვითომც არაფერი.

ერთხელ ნასადილევს (სამიკიტნოდან ჩვენთან სადილად ყოველდღე შემწვარი ხორცი და წვნიანი მოჰქონდათ), როცა რაღაც საუცხოო გუნებაზე ვიყავი და გული ოცნებებით მქონდა სავსე, პოლიას ვკითხე:

— პოლია, ღმერთი თუ გწამთ?

— აბა, როგორ!

— ესე იგი, გწამთ, რომ დადგება განკითხვის დღე და ჩვენ ყველამ ყოველი ჩვენი უკეთური საქციელისათვის პასუხი უნდა ვაგოთ ღვთის წინაშე?

პოლიამ არაფერი მიპასუხა, მაგრამ სახე როგორღაც დამცინავად დაემანჯა. მე კი შევხედე მის მაძღარ, კერპ თვალებს და მივხვდი, რომ ამ მტკიცე, გაუტეხელი ხასიათის ადამიანს არც ღმერთი სწამდა, არც სინდის-ნამუსი, ~~არც~~ არც რიგი. ვიღაცის მოკვლა, გადაწვა ან მოტაცება რომ მომენდომებინებოდა, მასზე უკეთეს თანამონაწილეს ვერავის ვიპოვიდი — ფულის გულისათვის იგი არავის და არაფერს დაერიდებოდა.

უცხო გარემოში, თანაც შენობით მიმართვასა და გაუთავებელ ტყუილს მიუჩვეველს (მაგალითად, უნდა მეთქვა, ბატონი შინ არ არის-მეთქი, მაშინ, როდესაც იგი სახლში ბრძანდებოდა), პირველ დღეებში ორლოვთან ცხოვრება, მართალი გითხრათ, გამიჭირდა. ლაქიას ფრაკში თავს ისე ვგრძნობდი, როგორც აბჯარში. მაგრამ მერე და მერე თანდათან მივეჩვიე. როგორც ნამდვილ ლაქიას შეეფერება, ოთახებს ვალაგებდი, ვემსახურებოდი ბატონს, სხვადასხვა დავალებების შესასრულებლად წინ და უკან დავჭროდი. როდესაც ორლოვს ზინაიდა ფეოდოროვნასთან წასვლა არ მოესურვებოდა, ანდა როდესაც დაავიწყდებოდა, რომ მისვლას იყო შეპირებული, მე ვავრბოდი ზნაპენსკაიაზე, ზინაიდა ფეოდორვნას წერილს საკუთარ ხელში ვაბარებდი და რამდენსაც გნებავთ, იმდენს ვცრუობდი. საბოლოო ანგარიშში კი, გამოდიოდა არა ის, რასაც ვესწრაფოდი, რისთვისაც ვიყავი აქ მოსული, არამედ ის, რომ ჩემი ახალი ცხოვრების ყოველი ახალი დღე დაკარგული იყო როგორც ჩემთვის, ისე ჩემი საქმისათვის, ვინაიდან იმ ცნობილი სახელმწიფო კაცის შესახებ უწინდელივით მხოლოდ ის ვიცოდი, რასაც გაზეთებიდან და მეგობართა წერილებიდან ვიგებდი. ასობით ჩანაწერსა და ქაღალდს კი, რომელთაც ორლოვის კაბინეტში ვნახულობდი, შორეულადაც არაფერი ჰქონდა საერთო იმასთან, რასაც მე ვეძებდი. თვითონ ორლოვი სრულიად გულგრილი იყო თავისი მამის მოღვაწეობის მიმართ და თავი ისე ეჭირა, ვითომც სულაც არაფერი გაეგო მისი ამ მოღვაწეობის შესახებ, ის კი არა, მამა თითქოს დიდი ხანია უკვე ცოცხალიც აღარ ჰყავდა.

3.

ყოველ ხუთშაბათს ორლოვთან სტუმრები დადიოდნენ.

შევუკვთავდი რესტორანში როსტბიფს, ელისეევს ტელეფონით დავურეკავდი, რომ სიზილალა, ყველი, ხამანწკა და კიდევ რაიმე საუზმეული გამოეგზავნა, ვყიდულობდი ბანქოს. პოლია კი ვახშმისათვის უკვე დილიდანვე ამზადებდა სადილისა თუ ჩაის ჭურჭელს. სიმართლე გითხრათ, ეს მცირეოდენი საქმიანობა ჩვენს ერთფეროვან ცხოვრებას ცოტაოდენ სიხალისეს მატებდა, ამიტომაც ხუთშაბათი ჩვენთვის ყველაზე მნიშვნელოვანი დღე იყო. იმ სამ სტუმარს შორის კი, ყველაზე დარბაისელი და, თქვენ წარმოიდგინეთ, ყველაზე საინტერესოც კი იყო ვინმე პეკარსკი — მაღალი, ხმელ-ხმელი, ორმოცდახუთიოდე წლის მელოტი კაცი, ჰქონდა გრძელი, კეხიანი ცხვირი, დიდი, შავი წვერი, მსხვილი, გადმობურცული თვალები და ბერძენი ფილოსოფოსივით დინჯი, ჩაფიქრებული სახე. მსახურობდა რკინიგზის სამმართველოსა და ბანკში, იყო რომელიღაც სახელმწიფო დაწესებულების იურისკონსულტი, ჰქონდა უამრავი საქმიანი კავშირი სხვადასხვა კერძო პირებთან, როგორც მეურვეს, კონკურსების თავმჯდომარესა და სხვა და სხვა. მართალია, ჩინი სრულიად უმნიშვნელო ჰქონდა, მართალია, თავისთავს ნაფიც მსაჯულს უწოდებდა, მაგრამ ვაგლენა მართლაც უზარმაზარი ჰქონდა. საკმარისი იყო მისი სავიზიტო ბარათი, ანდა პატარა წე-

რილიც კი, რათა ურიგოდ მიეღე ცნობილ ექიმს, გზათა უფროსს ან რომელიმე დიდ ჩინოვნიკს. ამბობდნენ, მისი პროტექციით შევიძლია მეოთხე კლასის თანამდებობა იშოვო, უკიდურესად ჩაოსრებული საქმეც კი ჩაფარცხოო. ითვლებოდა ძალიან ჭკვიან კაცად, მაგრამ ეს იყო რაღაც უცნაური, განსხვავებული ჭკუა — ერთ წამში შეეძლო სამას სამოცდაცამეტი გაემრავლებინა ორას ცამეტზე, ანდა ყოველგვარი ცხრილებისა და ფანქრის გარეშე, სტერლინგები გადაეყვანა მარკებში, შესწავლავად იცოდა ფინანსები, იცოდა რკინიგზა, რაც შეეხება ადმინისტრაციულ საქმეს, აქ მისთვის არავითარი საიდუმლო არ არსებობდა. როგორც ამბობდნენ, სამოქალაქო საქმეთა ადვოკატურაში ბადალი არა ჰყავდა, ისე რომ, მასთან გაჯიბრება არც ისე იოლი გახლდათ. მაგრამ ამ არაჩვეულებრივი გონების კაცისათვის მრავალი ისეთი რამ, რაც ზოგიერთი აბუეტისათვისაც კი ჩვეულებრივსა და გასაგებს წარმოადგენდა, სრულიად გაუგებარი იყო. ასე მაგალითად, წარმოდგენა არა ჰქონდა, რატომ უნდა ყოფილიყო ადამიანი მოწყენილი, საერთოდ, რა ატირებდათ ადამიანებს, რატომ ესროდნენ ერთმანეთს, რატომ კლავდა ვიღაცა ვიღაცას, რატომ ღელავდნენ ისეთ ამბებსა თუ მოვლენებზე, რომლებიც მათ არ შეეხებოდათ პირადად, რატომ იცინოდნენ გოგოლის ან შჩედრინის კითხვისას... ყოველივე განყენებული, ყოველივე, რაც აზრებისა და გრძნობების უკან იფარებოდა, მისთვის ისეთივე გაუგებარი და მოსაწყენი იყო, როგორც მუსიკა სმენადახშულისათვის. ადამიანებს მხოლოდ საქმიანი თვალსაზრისით უყურებდა, მათ იგი ორ კატეგორიად ყოფდა — ნიჭიერებად და უნიჭოებად, სხვაგვარი დაყოფა პეკარსკისათვის წარმოუდგენელი იყო. მისთვის რომ გეკითხათ, პატიოსნება მხოლოდ ერთ-ერთი ნიშანი იყო ნიჭიერებისა. ქეიფი, ბანქო, მრუსობა... კი ბატონო, რატომაც არა, ოღონდ, არამც და არამც ამას ხელი არ უნდა შეეშალა საქმისათვის. მისი აზრით, ღვთის რწმენა დიდ სიბრძნეს არ წარმოადგენდა, მაგრამ რელიგია უთუოდ დაცული უნდა ყოფილიყო, ვინაიდან ხალხს რაღაც შემაკავებელი საწყისი ესაჭიროებოდა, ეს რომ არა, ხელს არავინ გაანძრევდა. რაც შეეხება დასჯას, დასჯა მხოლოდ დამინების მიზნით იყო საჭირო, წინააღმდეგ შემთხვევაში ხალხი შრომას გადაეჩვეოდა, არავინ არაფერს გააკეთებდა. კარგა ხნის დაქვრივებულ პეკარსკის არც შვილები ჰყავდა, მაგრამ მეოჯახე კაცივით ბევრს ხარჯავდა, მარტო ბინაში წლიურად სამი ათასს იხდიდა.

ორლოვის ხუთშაბათობების მეორე სტუმარი კუკუშკინი გახლდათ — დეისტვიტელნი სტატსკი სოვეტნიკი, ტანდაბალი, მეტისმეტად არასასიამოვნო გარეგნობის ახალგაზრდა კაცი, რისი მიზეზიც მისი სქელი, გაფიფვინებული ტანისა და პატარა, გაღეული სახის შეუსაბამობა გახლდათ. გულის მოყვანილობის ტუჩები ბაფთასავით ჰქონდა შეკონილი. შეკრეჭილი უღვაში ლაქით მიწებებულს მიუგავდა. ეს იყო კაცი, რომელიც სულ ხვლიკივით იგრიხებოდა. კი არ შემოდოდა, თითქოს მოხობავდა, თან სულ იცინოდა და სიცილის დროს კბილებს აკრეჭდა. იყო საგანგებო დავალებათა ჩინოვნიკი, მაგრამ არაფერს აკეთებდა, თუმცა ჯამაგირს ბლომად ღებულობდა, განსაკუთრებით ზაფხულობით, როდესაც მისთვის საგანგებოდ იგონებდნენ ნაირნაირ მივლინებებს. იყო კარიერისტი სულით ხორცამდე, თანაც წვრილფეხა კარიერისტი — მხდალი, საკუთარ თავში არცთუ დაჯერებული კაცი, რომელიც კარიერას ნასუფრალზე აშენებს. ოღონდ რაიმე უცხოური ჯვრით დაეჯილდოებინათ, ოღონდ გაზეთში გაეწერათ: პარაკლისსა ან პანაშვიდს სხვა წარჩინებულ პირებთან ერთად ისიც ესწრებოდათ, — არაფერს მოერიდებოდა, არავითარ თავის დამცირებას, დაპირებას, ხვეწნა-მუდარასა თუ პირფერობას. იმის გამო, რომ ძალმოსილ ადამიანებად მიაჩნდა და, რაც მთავარია, იმის გამო, რომ მშვიშარა და ლაჩარი იყო, პირში ეფერებოდა, ელაქუცებოდა ორლოვსა და პეკარსკის, რაკილა გავლენიან კაცს ვე-

მსახურებოდი, გველაქუცებოდა მე და პოლიასაც. ქურქის ყოველ გახდაზე — სტეპან, ცოლი თუ გყავსო, — მეტყოდა კრეჭა-ქირქილით და, ვითომდა ჩემდამი დიდი ყურადღების ნიშნად, უწმაწურ სიტყვასაც მოაყოლებდა. ეთილნიშნებოდა ორლოვის სისუსტეებს, მის გარყვნილებას, მის მოყირჭებულობას. თავი რომ მოეწონებინა, თავს დამცინავ, ავყია კაცად არვესებდა. მასთან ერთად კრეჭა-ქირქილი და ატრიხავებდა იმ ადამიანებს, ვის წინაშეც სხვაგან და სხვა ვითარებებში მისი პირმოთნეობდა. ვახშამზე სიტყვას ქალებსა და სიყვარულზე რომ ჩამოაგდებდნენ, თავი ნატიფ, დახვეწილ არშიყად მოქჳონდა. მოგეხსენებათ, პეტერბურგელ დარდიმანდებს საკუთარი გემოვნების განსაკუთრებულობაზე ლაპარაკს არაფერი ურჩევნიათ, თუმცა ზოგიერთი ახალგაზრდა სტატსკი სოვეტნიკი მშვენივრად სჯერდება თავისი მოახლისა ანდა ნევის პროსპექტზე მოსეირნე ვილაც გაუბედურებული ქალის აღერსს. თუ დაუჯერებ, იგი აღმოსავლეთისა და დასავლეთის ყოველგვარი მანკიერებით არის დაავადებული. არის ათობით საიდუმლო სამრახისი ორგანიზაციის საპატიო წევრი, ის კი არა, უკვე პოლიციასაც ჰყავს შემჩნეული... ასე უსინდისოდ ცრუობდა კუკუშკინი თავის თავზე, მაგრამ, მისი არათუ სჯეროდათ, მის მიერ მოყოლილ მთელ ამ ზღაპრებს, უბრალოდ, ყურადღებასაც არავინ აქცევდა.

ხუთშაბათობების მესამე სტუმარი ქართველი გახლდათ, განსწავლული გენერლის შვილი, ორლოვის თახატოლი, გრძელთმიანი, ახლომხედველი, ოქროს სათვალისანი ახალგაზრდა ქერა მამაკაცი. ახლაც თვალწინ მიდგას მისი მკრთალი, პიანისტივით გრძელი, ლამაზი თითები. მაგრამ მხოლოდ თითები როდი ჰქონდა ასეთი, მთელ მის აღნაგობაში იყო რაღაც მუსიკოსის, რაღაც ვირტუოზული, ასეთი აღნაგობის ადამიანები ორკესტრში პირველ ვიოლინოზე უკრავენ. სულ ახველებდა, შაკიკით იტანჯებოდა, სუსტი, ავადმყოფური გარეგნობის კაცი იყო. ბავშვივით შინ აღბათ სხვა ხდიდა და სხვა აცმევდა. დამთავრებული ჰქონდა სამართალმცოდნეობის ფაკულტეტი. ერთხანს სასამართლო უწყებაში მუშაობდა, მერე სენატში გადაიყვანეს, მაგრამ მალე სენატში მუშაობა მიატოვა და პროტექციით სახელმწიფო ქონების მართვის სამინისტროში მოეწყო, თუმცა, არც იქ გაჩერებულა დიდხანს, ჩემს დროს უკვე ორლოვის განყოფილებაში იყო მაგიდის უფროსად და მისთვის რომ გეკითხათ, მალე ისევ სასამართლო უწყებაში აპირებდა გადასვლას. მოკლედ, სამსახურსა და სამუშაო ადგილების ამ წარამარა ცვლას მეტისმეტად ფუქსავატურად ეკიდებოდა. მისი თანდასწრებით ჩინზე, ორდენებზე, ჯამაგირზე რომ ჩამოაგდებდნენ ლაპარაკს, კეთილად გაიღიმებდა და პროტეკციის აფორიზმს გაიმეორებდა: ჭეშმარიტებას კაცი მხოლოდ სახელმწიფო სამსახურში შეიცხობსო. ჰყავდა სახედანაოჭებული, ტანმორჩილი, ძალზე ეჭვიანი ცოლი და ხუთი გამხდარ-გაკნაჭული შვილი. ცოლს ღალატობდა, ბავშვები მაშინ ახსენდებოდა და უყვარდა, როცა ხედავდა. მოკლედ, ოჯახს საკმაოდ გულგრილად ეკიდებოდა, ის კი არა, ზოგჯერ აქილიკებდა კიდევაც. ცოლ-შვილს ვალებით არჩენდა. ხელსაყრელი შემთხვევა მიეცემოდა თუ არა, უფროსი იქნებოდა თუ კარისკაცი, ფულს ყველასაგან ერთნაირად სესხულობდა. ქარაფშუტა კაცი იყო. არაჩვეულებრივად ზარმაცი, თვით საკუთარი თავის მიმართაც კი გულგრილი. ცხოვრების ტალღებს აყოლილმა, თვითონაც არ იცოდა, საითა და რისთვის მიაქანებდა ამქვეყნიური მდინარება. იქით მიდიოდა, საითაც პირს უზამდნენ — სადმე გარყვნილების ბუნაგში წაიყვანდნენ, წავიდოდა, მიუტანდნენ ღვინოს — სვამდა, არ მიუტანდნენ — არ სვამდა; მისი თანდასწრებით ცოლებს თუ ავინებდნენ, ისიც ავინებდა, ირწმუნებოდა, რომ სწორედ იმ ქალმა აურიცა ცხოვრება. თუ აქებდნენ, ისიც აქებდა და, ძალიან მიყვარს ის საწყალიო, — გულწრფელად ამბობდა. ქურქი არა ჰქონდა, ეცვა პლედი, რომელსაც სულ ბავშვების სუნი უდიოდა. იჯდა ვახშამზე ჩაფიქრე-

ბული, პურის გულს აგორვლებდა და უამრავ წითელ ღვინოს სვამდა. საოცარია, მაგრამ მაშინ თითქმის დარწმუნებული ვიყავი, რომ ამ ადამიანში იყო რაღაც ისეთი, რასაც თავად იგი, მართალია, ბუნდოვნად კი შეიგრძნობდა, მაგრამ, გაუთავებელი ფუსფუსისა და ამქვეყნიურ უხამსობათა გამო, მის შეცნობასა და შეფასებას ვერ ასწრებდა. იგი ცოტ-ცოტას როიალზედაც უკრავდა. მიუხედავად, სანდუხანსაკრავს, ერთი-ორ აკორდს აიღებდა და ჩუმად ჩაილიღინებდა: „ნეტაჲნ უნდაჲნ შეჩადეს დღე ხვალინდელი“... მაგრამ იმავე წუთს, თითქოს რაღაცამ შეაშინაო, წამოდგებოდა და ვაეცლებოდა საკრავს.

სტუმრები ჩვეულებისამებრ ათი საათისათვის იკრიბებოდნენ. დასხდებოდნენ ორლოვის კაბინეტში და დაიწყებდნენ ბანქოს თამაშს, მე და პოლია ჩაით ვუმასპინძლდებოდით. და აი, მაშინ შევიგრძენი მთელი სიღრმითა და სიგრძე-სიგანით ლაქიობის „ეშხი და სიტკბოება“: ოთხი-ხუთი საათის განმავლობაში იდგე კარებწინ ატუხული, თვალყური ადევნო, ჭიქა არავის ედგას ცარიელი, საფერფლე დროზე გამოუცვალო, იატაკზე დავარდნილი ცარცის ნატეხისა ან ბანქოს მისაწოდებლად თვალის დახამხამებაში მაგიდასთან გაჩნდე და, რაც მთავარია, იდგე თვალეზღავე-ცებული, არც ხმა ამოიღო, არც ჩაახველო, არც გაიღიმო და ასე სარჩაყლაპულივით ელოდო, გარწმუნებთ, გაცილებით ძნელი და აუტანელია, ვიდრე მიწას ჩაჩერებული გლეხკაცის ჭაპანი. ოდესღაც, ზამთრის ქარბუქიან ღამეებშიაც კი, ზოგჯერ მთელი ოთხი საათი ვმდგარვარ ვახტზე, მაგრამ, ამასთან შედარებით, ისიც კი გაცილებით იოლი მეჩვენებოდა.

ორ-სამ საათამდე ბანქოს თამაშობდნენ, მერე წამოდგებოდნენ ზმორებ-ზმორე-ბით და სავანშმოდ, ანდა როგორც ორლოვი იტყოდა ხოლმე, წასახემსებლად სასადილოში გადიოდნენ. დასხდებოდნენ მაგიდასთან და გააბამდნენ საუბარს, რაც ჩვეულებისამებრ მუდამ იმით იწყებოდა, რომ თვალეზღავეცემებული ორლოვი რომელიმე ნაცნობის, ამასწინათ წაკითხული რაიმე წიგნის, ახალი განწესების ანდა რაღაც პროექტის ამბავს წამოიწყებდა, პირმოთნე და მლიქვნელი კუკუშკინიც მაშინვე მხარს აუბამდა და, იმდროინდელი ჩემი გუნებ-განწყობის მიხედვით თუ ვიმსჯელებთ, გაიწელებოდა და გაიწელებოდა მათი უხამსი და აუტანელი რატრატი. ორლოვისა და მისი ძმაკაცების ირონიას, რომ იტყვიან, სახლვარი არა პქონდა: ღმერთსა და რელიგიას ახსენებდნენ — ირონია, ლაპარაკობდნენ ფილოსოფიასა თუ ცხოვრების აზრსა და მიზანზე — ირონია, ხალხზე წამოიწყებდა რომელიმე საუბარს, ისევ ირონია... პეტერბურგში არის ერთი კატეგორიის ხალხი, რომელიც განურჩევლად ყველას და ყველაფერს დასცინის, არავის და არაფერს ინდობს. მშიერსა და თავისმკვლელსაც კი გვერდით ისე ვერ ჩაუვლის, რაიმე უმსგავსობა და სისაძაგლე არ მიაყოლოს. ორლოვი და მისი მეგობრები კი არ ხუმრობდნენ, კი არ ოხუნჯობდნენ, გესლს ანთხევდნენ. მათთვის რომ გეკითხათ, ღმერთი არ არსებობს, სიკვდილის შემდეგ ადამიანი სრულ არარაობად იქცევა, უკვდავება მხოლოდ ფრანგულ აკადემიაშია; ჭეშმარიტი კეთილდღეობა არ არის და არც შეიძლება იყოს, ვინაიდან მისი არსებობა ადამიანის სრულყოფილებით არის განპირობებული, ეს უკანასკნელი კი სრული ლოგიკური უაზრობაა; რუსეთიც ისეთივე მოსაწყენი და უბადრუკი ქვეყანაა, როგორც სპარსეთი; ინტელიგენცია უსასოოა და იმედისწარმკვეთი. პეკარსკის აზრით, მათ უდიდეს უმრავლესობას ის ადამიანები შეადგენენ, რომელთაც არც არაფრის თავი აქვთ, არც უნარი. ხალხი გალოთებული, გაზარმაცებული, გაცუღლუტებულია, იგი გადაგვარების გზაზეა დამდგარი. მეცნიერება არა გვაქვს, ლიტერატურა მოუქნელი და მოუხეშავია, ვაჭრობა სიცრუეზე — ვერ მოატყუებ, ვერ გაპყიდინზე ანუ თაღლითობაზეა აგებული — მოკლედ ყველაფერი ასეა და ყველაფერი ეს სასაცილოა...

ვახშმის ბოლოს ღვინო თანდათან მხიარულ გუნებაზე აყენებდათ და ახლა უკვე ლაზღანდარობაზე გადადიოდნენ: ცოლის ერთგულება ზღაპარია, ქვეყნად ისეთი ქალი არ არსებობს, რომლის დაუფლებაც გამოცდილ კაცს არ შეეძლოს, რსე, რომ სასტუმრო ოთახიდან გასვლაც არ დასჭირდეს, ქმარი თუნდაც იქვე, გვერდითა კაბინეტში ეჯდეს... გოგოები პატარაობიდანვე გაუუჭებულები არიან, ყველაფერი იციან, არაფერი გამოეპარებათ... ორლოვმა თქვა, ერთი თოდნები წლების გოგოს წერილი მაქვს შენახული, გიმნაზიიდან დაბრუნებისას თურმე ვიღაც ქეციან ოფიცერთან იმრუშა, რომელსაც შინ წაუყვანია და იქიდან მხოლოდ გვიან ღამით გამოუშვია, გოგოს კი, თავისი აღტაცება ვინმესთვის რომ გაეზიარებინა, მაშინვე ამხანაგთან წერილი უფრენიაო... მათთვის რომ გეკითხათ, პატიოსნება არც ყოფილა, არც არასოდეს იქნება, ესე იგი, საჭიროც არ არის, კაცობრიობა უმისოდაც შესანიშნავად გადიოდა იოლას. ამ ეგრეთ წოდებულ გარყვნილებას ადამიანისათვის დიდი ვნება მოაქვსო, რომ ამბობენ, ცხადია, გაზვიადებულია, გარყვნილება, რომლის დასჯაც ჩვენს წესდებაშია გათვალისწინებული, სულაც არ უშლიდა დიოგენს, ფილოსოფოსი და მასწავლებელი ყოფილიყო; ცეზარიცა და ციცერონიც ორივე გარყვნილი და ავხორცი, მაგრამ ამავე დროს დიდი ადამიანები იყვნენ; ბებერმა კატონმა ცოლად ჯერ კიდევ სრულიად ახალგაზრდა, ნორჩი ასული მოიყვანა, მაგრამ ბოლომდე ყველანი მკაცრ შემარცხენედ და პატიოსნების დამცველად სთვლიდნენო. მოკლედ, რაღაზე არ ლაზღანდარობდნენ — ქართველის ოჯახზე, კუკუშკინის წარმატებებსა თუ პეკარსკიზე, რომლის გასავლის წიგნშიაც ერთ გვერდს ვითომდა სათაურად ერთი ასეთი წარწერა პქონია: „საქველმოქმედო საქმეებისა და სხვა ფიზიოლოგიური მოთხოვნილებებისათვის“.

სტუმრები ღამის სამ-ოთხ საათზე იშლებოდნენ, ზოგჯერ ერთად ქალაქგარეთ ანდა ვიღაც ვარვარა ოსიპოვნასთან მიდიოდნენ. მე კი შევიდოდი ჩემს ოთახში და ხველისა და თავის ტკივილისაგან შეწუხებული კარგა ხანს ვერა და ვერ ვიძინებდი.

4.

იმ ამბიდან სამიოდე კვირის შემდეგ, რაც მე ორლოვს ლაქიად დავუდექი, ერთ კვირა დილას, მახსოვს, კარზე ვიღაცამ დარეკა. თერთმეტი საათი იყო და ორლოვს ჯერ ისევ ეძინა. კარის გასაღებად რომ წავედი, შეგიძლიათ წარმოიდგინოთ ჩემი გოცება, როდესაც კარს უკან, კიბის ბაქანზე, ვუალიანი ქალი დავინახე.

— გეორგი ივანიჩს ღვიძავს? — იკითხა ქალმა.

ხმაზე მაშინვე ზინაიდა ფეოდოროვნა ვიცანი, რომელსაც ამას წინათ ზნამენსკაიაზე წერილი მივუტანე. მის დანახვაზე ისე შეეცბი და დავიბენი, ისიც კი აღარ მახსოვს, პასუხის გაცემა მოვახერხე და მოვასწარი თუ არა. კაცმა რომ თქვას, ჩემი პასუხი არც სჭირდებოდა, თვალის დახამხამებაში გვერდით ჩამიქროლა, წინკარი თავისი სუნამოს სურნელით აავსო, რომლის კეთილსურნელება ახლაც შესანიშნავად მახსოვს, ოთახები გაიარა და მალე მისი ფეხის ხმა სრულიად მიწყდა. ყოველ შემთხვევაში, მთელი ნახევარი საათი ირგვლივ ჩამიჩუმიც არ ისმოდა. მაგრამ მალე კარზე კვლავ ზარის ხმა გაისმა. ამჯერად ვიღაც გამოპრანჭული ქალიშვილი, ეტყობა, რომელიღაც მდიდარი ოჯახის მოსამსახურე და ჩვენი შვეიცარი აღმოჩნდნენ, რომლებიც ორ ჩემოდანსა და ვეებერთელა კალათს აქოშინებულები ძლივს მოათრევდნენ.

— ეს ზინაიდა ფეოდოროვნას ბარგია, — თქვა ქალიშვილმა.

ამ სიტყვებით იგი გატრიალდა და წავიდა, მაგრამ ეს ყველაფერი ისეთი იდუ-

მალეებით იყო მოცული, პოლიამაც კი, რომელიც დიდის მოწინებით ეკიდებოდა ბატონის ყოველგვარ სიგიჟეზე, ეშმაკურად ჩაიცინა, აქაოდა, ხედავ, როგორები ვართო!.. მთელი ეს ხანი პოლია სულ ფეხისწვერებზე დადიოდა. ბოლოს ნაბიჯების ხმა გაისმა, წინკარში ზინაიდა ფეოდოროვნა სწრაფად შემოვიდა და ჩემი ოთახის კარებში რომ დამინახა, მითხრა:

— სტეპან, გეორგი ივანის ჩააცვით.

ტანისამოსითა და ჩექმებით ხელში ორლოვთან რომ შევედი, დათვის ტყავზე ფეხებგადმოყრილი იგი საწოლზე იჯდა და, ეტყობოდა, საოცრად გაოგნებული იყო. მე თითქმის ვერ მამჩნევდა, ცხადია, არც ჩემი ლაქიური აზრები და შეხედულებები იყო მისთვის ანგარიშში ჩასაგდები, მაგრამ, როგორც ჩანს, იგი თავად საკუთარ თავის წინაშე გრძნობდა სირცხვილსა და უხერხულობას. ისე ხმაამოუღებლად, ნელა, ზოზინ-ზოზინით იცვამდა, იბანდა, იწმინდებოდა და ივარცხნიდა, თითქოს დრო უნდა გაიყვანოს, რათა რაც შეიძლება კარგად აწონ-დაწონოს თავისი მდგომარეობათ. ზურგზედაც კი ეტყობოდა, რომ თავისი თავის უკმაყოფილო, შემცბარი და გაწბილებული იყო.

ყავა ერთად დალიეს. ზინაიდა ფეოდოროვნამ ყავადანიდან ჯერ თავისთვის დაისხა ყავა, მერე ორლოვს დაუსხა, მერე იდაყუებით მაგიდას დაეყრდნო და გაიცინა...

— ჯერ არც კი მჯერა, — თქვა ზინაიდა ფეოდოროვნამ, — ისეთი გრძნობა მაქვს, ხანგრძლივი მოგზაურობის შემდეგ ოტელში რომ მიხვალ, მაგრამ იცი, რომ მალე ისევ გზას უნდა დაადგე... რა სჯობია, თავისუფლად რომ ამოისუნთქავ.

იმ ადამიანის გამომეტყველებით, რომელსაც ძალიან უნდა იცელქოს და იგიჟმაყოს, ზინაიდა ფეოდოროვნამ შვეებით ამოისუნთქა და ისევ გაიცინა.

— მაპატიეთ, — თქვა ორლოვმა და თავი გაზეთისაკენ გადააქნია, — ყავის შემდეგ გაზეთის წაკითხვა ჩვეულებად შექცა, ვერა და ვერ ველევი. სამაგიეროდ, შემძლია, ორი საქმე ერთდროულად ვაკეთო — წავიკითხო კიდევაც და მოვისმინოთ კიდევაც.

— იკითხეთ, იკითხეთ!.. თქვენს ჩვევებს, თქვენს თავისუფლებას არავინ შეეხება, ხელს არავინ შეუშლის. მაგრამ, ცხვირ-პირი ასე რატომ ჩამოგტირით? დილ-დილობით მუდამ ასეთ გუნებაზე ხართ თუ მხოლოდ დღესა ხართ ასეთი? იქნებ არ გინახიათ?

— პირიქით... მაგრამ, გამოგიტყდებით, რომ, ცოტა არ იყოს, გაოცებული ვარ.

— რატომ? თქვენ ხომ საკმარისი დრო გქონდათ, რათა ჩემი ამ თავდასხმისათვის მომზადებულიყავით — მე ხომ ამით ყოველდღე გემუქრებოდით?

— დიას, მაგრამ, არ შეგონა, თქვენს მუქარას სწორედ დღეს შეასრულებდით.

— არც მე... მაგრამ, მე მგონი, ასე ჯობდა... დიას, ჩემო მეგობარო, მოსაცვლელი კბილი დროზე უნდა მოიცვალო.

— რა თქმა უნდა.

— ო, ჩემო საყვარელო! — უთხრა ზინაიდა ფეოდოროვნამ და თვალები მოჭრუტა, — ყველაფერი კარგია, რაც კარგად მთავრდება. მაგრამ, ვიდრე ყველაფერი კარგად დამთავრდებოდა, რომ იცოდეთ, რა სიმწარე გამოვიარე! იმას კი ნუ უყურებთ, ახლა რომ ვიცინი. მართალია, გახარებული და ბედნიერი ვარ, მაგრამ, სიმართლე რომ გითხრათ, უფრო მეტირება, ვიდრე მეცინება... გუშინ, რომ იტყვიან, ნამდვილი ომი გადავიტანე, — განაგრძო მან ფრანგულად, — მხოლოდ ერთმა ღმერთმა იცის, რა დღეში ვიყავი... სიცილით კი იმიტომ ვიცინი, რომ არ მჯერა. ასე მგონია, აი, ახლა თქვენ გვერდით რომ ვზივარ და ყავას ვსვამ, ეს ყველაფერი ცხადში კი არა, სიზმარშია.

იმ ამბის მოყოლისას, ქმარს გუშინ როგორ გასცილდა, თვალები ხან ცრემლით ევსებოდა, ხან სიცილისაგან უბრწყინავდა, თან ორლოვს აღტაცებული შეჰყურებდა. ასე თქვა:

— ქმარი უკვე დიდი ხანია ეჭვობდა, მაგრამ ახსნა-განმარტებას ელოდებოდა; ძალიან ხშირად ვჩხუბობდით, შუა ჩხუბში უცებ დადუმდებოდა და თავის კაბინეტში გარბოდა, ეშინოდა, გაცხარებულს არაფერი წამოსცდენოდა, ანდა მტენქონის არ წამომეწყო ჩემი ის ახსნა-განმარტება. თავს დამნაშავედ ვგრძნობდი, ხარბობად მიმაჩნდა, იმ ადამიანად, რომელსაც ერთი გაბედული ნაბიჯის გადადგმაც არ შეეძლო, ამის გამო საკუთარი თავიცა და ქმარიც ჩემთვის თანდათან აუტანელი ხდებოდა, ცხოვრება პირდაპირ ჯოჯოხეთად მექცა. გუშინ კი, ჩხუბის დროს, ჩემმა ქმარმა ცრემლნარევი ხმით რომ წამოიძახა — ღმერთო ჩემო, როდის... როდისღა უნდა მოედოს ბოლო ამ ამბავსო! — და ამ სიტყვებით თავისი კაბინეტისაკენ გასწია, როგორც კატა თავგვს, ისე გამოვეკიდე და, საშინლად ბძულხარ-მეთქი, მივაძახე, თან კარს ვეჯგაჯგურებოდი, შიგნიდან ჩაკეტვის საშუალებას არ ვაძლევდი. ბოლოს კაბინეტში რომ შემიშვა, ყველაფერში გამოვუტყდი, ასე ვუთხარი, სხვა მიყვარს, ჩემი კანონიერი ქმარი ის არის, ამიტომაც ჩემს მოვალეობად მიმაჩნია, რაღაც არ უნდა დამიჯდეს, ზარბაზანიც რომ მესროლონ, საცხოვრებლად დღესვე მასთან გადავიდემეთქი.

— მეტისმეტად რომანტიკული არსება ბრძანდებით, — შეაწყვეტინა ორლოვმა, ისე რომ გაზეთისათვის თვალი არ მოუცილებია.

ამ სიტყვებზე ზინაიდა ფეოდოროვნამ ერთი გაიცინა და განაგრძო მოყოლა. ყავით სავსე ფინჯანი წინ ისევ ხელუხლებელი ედგა. ლოყები აღეწვოდა, რის გამოც თავს, ეტყობა, უხერხულად გრძნობდა — დარცხვენილი ხან მე შემომხედავდა, ხან პოლიას. როგორც მისი შემდგომი მონაყოლიდან შევითქვე, ქმარმა ჯერ თურმე საყვედურები დააყარა, მერე დაემუქრა კიდევ, ბოლოს კი მწარე ცრემლებით ატირდა, ისე რომ, უფრო სწორი იქნება, თუ ვიტყვოდით, ომი თვითონ კი არა, მისმა ქმარმა გადაიტანაო.

— დიახ, ჩემო მეგობარო, ვიდრე დაძაბული ვიყავი, ნერვები დაჭიმული მქონდა, ყველაფერი მშვენივრად მიდიოდა, — განაგრძო ზინაიდა ფეოდოროვნამ, — მაგრამ, დაღამდა თუ არა, ფრთები ჩამოვყარე. თქვენ, ჟორჟ, ურწმუნო კაცი ხართ, ღმერთი არ გწამთ, მე კი, ცოტა არ იყოს, მორწმუნე გახლავართ, მეშინია, სამაგიერო არ მომეზლოს. ღმერთი ჩვენგან მოთმინებას, დიდსულოვნებასა და თავდადებას მოითხოვს, მე კი, აი, უარს ვამბობ ამ მოთმინებაზე და მინდა, ისე ავიწყო ცხოვრება, როგორც მესიამოვნება. მერედა, ვარგა ასე? ერთიც ვნახოთ, ღმერთისათვის მიუღებელი, უფრო მეტიც: დაუშვებელია ასეთი საქციელი, მაშინ? ღამის ორი საათი იქნებოდა, შემოვიდა ჩემი ქმარი ჩემს ოთახში და მეუბნება: აქედან ფეხსაც ვერ გადადგამთ, ერთ ჩხუბსა და დაეიდარაბას ავტებს, იცოდეთ, პოლიციის ძალით დაგაბრუნებთო. თრიოდე წუთსაც არ გაეგლო, რომ გავიხედე, ისევ ლანდივით აიმართა კარებში: — შემიბრალებთ, თქვენმა გაქცევამ შეიძლება სამსახურში ზიანი მომაყენოსო. ამ სიტყვებმა ჩემზე ძალიან იმოქმედა, გული თითქოს ჩამეჟანგა — ჩანს, ღმერთი უკვე სამაგიეროს მიხდის-მეთქი, შიშისაგან აცახცახებულმა ტირილი მოვრთე. ასე მეგონა, თავზე ჭერი მექცეოდა, საცაა დამავლებდნენ ხელს, პოლიციაში გამაქანებდნენ და თქვენც გადამიყვარებდით. მოკლედ, რა აღარ ვიფიქრე! მონასტერში წავალ, ანდა მომვლელად დავუდგები ვინმეს, უარს ვიტყვი ჩემს ბედნიერებაზე-მეთქი, მაგრამ, გამახსენდა, რომ გიყვარდით, რომ მე უფლება არა მქონდა, თქვენს დაუკითხავად რაიმე გადამეწყვიტა. თავში ყველაფერი ამერ-დამერია, სასოწარკვე-

თიღებაში ჩავარდნილს, აღარ ვიცოდი, რა მექნა, რა მეფიქრა. მაგრამ, აი, მზემ გამოანათა და გული მეც ისევ ხალისით ამევისო. მერე ცოტა ხანს შევიცადე და კარგად გათენდა თუ არა, ჩავჯექი ეტლში და თქვენთან მოვქრიალდი. ~~ო, რომ იცოდეთ,~~ როგორ დავიტანჯე, ჩემო საყვარელო! მთელი ორი ღამე თეთრად ვავათენე.

ძალიან დაღლილი და აღელვებული იყო. თან ეძინებოდა, ~~ეფიქრობდა~~ აჩერებდა, ერთდროულად უნდოდა, ეცინა, ელაპარაკა, ეტირა, სასტუმროს ~~ქვეშ~~ ~~ქვეშ~~ წასულიყო, რათა ეჭვიც აღარ შეჰპარვოდა, რომ მის თავისუფლებას აღარავინ ერჩოდა.

ყავა რომ დალია, მთელ ოთახებს ჩამოურბინა:

— მართალია, მყუდრო ბინა გაქვს, მაგრამ, ვფიქრობ, ორი ადამიანისათვის საკმარისი არ იქნება. მე? მე რომელ ოთახს მომცემ? ეს ოთახი მომწონს, აი, ეს! იცი, რატომ? რატომ და იმიტომ, რომ შენი კაბინეტის გვერდითაა.

ორი საათისათვის კაბინეტის გვერდითა ოთახში, რომელსაც უკვე თავის ოთახს ეძახდა, ტანისამოსი გამოიცვალა და ორლოვთან ერთად სასაუზმოდ გასწია. სადილიც რესტორანში მიირთვეს. საუზმესა და სადილს შორის მთელი ის ხანგრძლივ დრო კი მაღაზიებში სიარულს მოახდომეს. დაღამებამდე ნოქრებისა და მაღაზიებიდან გამოგზავნილი ხალხისათვის კარის გაღებასა და ნაირ-ნაირი ნავაჭრის ჩამორთმევას ველარ ავუდიოდი. სხვათა შორის, მოიტანეს აკრეთვე არაჩვეულებრივი ტრიუმო, ტუალეტის მაგიდა, საწოლი და ასევე არაჩვეულებრივი ჩაის სერვიზი, რომელიც ჩვენ სრულებითაც არ გვესაჭიროებოდა. მოყარეს და მოყარეს სიდიდის მიხედვით ერთმანეთს მიყოლებული სპილენძის ქვაბები, რომლებიც ჩვენს ცივსა და გამოცარიელებულ სამზარეულოში თაროზე ჩავამწკრივეთ. ჩაის სერვიზს რომ ვხსნიდით, თვალგაბრწყინებულმა პოლიამ ერთი-ორჯერ ისეთი სიძულვილითა და შიშით შემომხედა — ვაითუ იმას კი არა, მე მომეპარა პირველს ამ ნატიფ ფინჯანთაგან ერთ-ერთი. მერე ქალის საწერი მაგიდაც მოიტანეს, მეტისმეტად ძვირფასი, მაგრამ მეტისმეტად მოუხერხებელი. როგორც ჩანს, ზინაიდა ფეოდოროვნას გადაწყვეტილი ჰქონდა, მტკიცედ მოეკალათებინა ჩვენს სახლში. ორლოვი და ზინაიდა ფეოდოროვნა შინ რომ დაბრუნდნენ, უკვე ათი საათი იყო. იმ ამაყი შეგნებით აღსავსე — დიდი გაბედულება გამოვიჩინე, რაღაც არაჩვეულებრივი ჩავიდინეო — ორლოვისადმი მგზნებარე სიყვარულით გულანთებული და, როგორც თავად ეჩვენებოდა, ორლოვისათვისაც ასევე საყვარელი, — ღრმა, ნეტარი ძილის მოლოდინში, ზინაიდა ფეოდოროვნა თავისი ახალი ცხოვრების სიამით ტკბებოდა. მეტისმეტი სიამოვნებისაგან ხელებს იფშვნიტდა, ყველაფერი შესანიშნავადააო, ამბობდა და, საუკუნო სიყვარულში ეფიცებოდა ორლოვს. და ეს ფიცი, ეს გულუბრყვილო, თითქმის ბავშვური გულდაჯერებულობა, რომ ისიც მთელი არსებით უფვართ და ასევე საუკუნოდ ეყვარებათ, სულ ცოტა, ხუთი წლით მაინც აახალგაზრდავებდა. ბავშვივით სულ რაღაც სისულელეებს რომაედა და თავის ამ ბავშვურ ტიტინზე თვითონვე იცინოდა.

— არსებობს კი ადამიანისათვის უფრო დიდი სიკეთე, ვიდრე თავისუფლება! — ამბობდა იგი და თავს ძალას ატანდა, რაიმე უფრო სერიოზული და მნიშვნელოვანი ეთქვა. — ხომ წარმოგიდგენიათ, რა სისულელეა! საკუთარ აზრს, გონივრულიც რომ იყოს, არაფრად ვაგდებთ, მაშინ, როცა ღამის გვაკანკალებს ვინმე უგნურის ნათქვამზე. ამ უკანასკნელ წუთამდე ყველას ანგარიშს ვუწევდი, მეშინოდა, მაგრამ, როგორც კი საკუთარ თავს მოვუსმინე, როგორც კი გადავწყვიტე, ჩემს ნებაზე მეცხოვრა, თვალი ამეხილა, ჩემს სულელურ შიშს ვძლიე და აი, ბედნიერი ქალი ვარ, ნეტავი ყველა ასე ბედნიერი იყოს.

უცებ აზრის ძაფი გაუწყდებოდა და ახლა ახალ ბინაზე, შპალერზე, ცხენებსა

თუ შევიცარიასა და იტალიაში მოვზაურობაზე დაიწყებდა ლაპარაკს. ორლოვს, ეტყობა, ქანცი ჰქონდა გაწყვეტილი მაღაზიებსა და რესტორნებში სიარულისაგან და საკუთარი თავის წინაშე ახლაც ისეთსავე უხერხულობას განიცდიდა, როგორც ამ დილას. ღიმილით მართალია იღიმებოდა, მაგრამ არა სიამოვნებისაგან, არამედ ზრდილობის გამო. წამოიწყებდა ზინაიდა ფეოდოროვნა რაიმე სერტიფიკატს ლაპარაკს და ორლოვი მაშინვე ირონიულად შეაწყვეტინებდა: — ოო, რა უჭველად!

— სტეპან, სასწრაფოდ ერთი კარგი მზარეული უნდა მიშოვოთ, — მითხრა ზინაიდა ფეოდოროვნამ.

— ჯერჯერობით მოვეშვით სამზარეულოს, — თქვა ორლოვმა და თან ცივად გადმოძხვდა, — აი, გადავალთ ახალ ბინაში და...

ორლოვს არც ცხენები ჰყოლია, არც სამზარეულოს მოწყობაზე უფიქრია არასოდეს, ვინაიდან, როგორც თვითონ იტყოდა ხოლმე, „შინ ნავვის შემოტანა“ არ უყვარდა. მე და პოლიას კი თავის სახლში მხოლოდ იმიტომ გვითმენდა, რომ სხვა გამოსავალი არა ჰქონდა. ეგრეთ წოდებული ოჯახური კერა, თავისი ჩვეულებრივი სიზარულითა და ჩვეულებრივი კინკლაობებით ისევე შეურაცხყოფდა, როგორც უხამსობა. ორსულობა, ბავშვების გაჩენა და მასზე ლაპარაკი ცუდ ტონად მიაჩნდა, ამიტომაც ჩემთვის სრულიად წარმოუდგენელი იყო, ამ ორ ადამიანს ერთ ჭერქვეშ როგორ უნდა ეცხოვრა — კარგ მზარეულსა და ცხენებზე მეოცნებე ზინაიდა ფეოდოროვნას, შესანიშნავ მეოჯახეს, იმ თავისი ნაირ-ნაირი სპილენძის ქვაბებით, და ორლოვს, რომელიც ძმაკაცებთან საუბრისას სულ იმას ამბობდა, წესიერი, სისუფთავის მოყვარული ადამიანის ბინაში, ისე როგორც სამხედრო გემზე. ზედმეტი არაფერი უნდა იყოს — არც ქალი, არც ბავშვები, არც რაღაც ფანციფუნციები და არც ჭურჭელიო...

5.

ახლა მოგიყვებით, რა მოხდა შემდეგ ხუთშაბათს. იმ დღეს ორლოვმა და ზინაიდა ფეოდოროვნამ, არ ვიცი, კონტთან ისაუბრეს, არ ვიცი, დონონთან. რესტორნიდან ორლოვი შინ მარტო დაბრუნდა, ზინაიდა ფეოდოროვნა კი, როგორც შემდეგში შევიტყუე, პეტერბურგის მხარეს, თავის მოხუც გუგერნანტთან წასულა, რათა დრო გაეყვანა და შინ მანამდე არ დაბრუნებულიყო, ვიდრე სტუმრები არ წავიდ-წამოვიდოდნენ, ვინაიდან ორლოვს არ უნდოდა, იგი ძმაკაცებთან გამოეჩინა. ეს ამბავი დილით ყავაზე გავიგე, როდესაც ორლოვი ზინაიდა ფეოდოროვნას უმტკიცებდა, მენ რომ არ ინერვიულო, ხუთშაბათობებს საერთოდ მოვშლიო.

სტუმრები, როგორც წესი, მუდამ ერთსა და იმავე დროს იკრიბებოდნენ.

— ქალბატონი შინაა? — მკითხა ჩურჩულით კუკუშკინმა.

— არა, ბატონო, არ გახლავთ-მეთქი, — ვუპასუხე.

შინ რომ შემოვიდა, ეშმაკურად თვალეზინაბული კუკუშკინი სიცივისაგან და მზრალ ხელებს იფშვნეტდა და ჩუმად იღიმებოდა.

— მაქვს პატივი მოგილოცოთ, — ეუბნებოდა ორლოვს და მაამებლური, პირმოთნე სიცილისაგან სხეული უთახთახებდა, — „აღორძინდით და განმრავლდით, ვითარცა ნაძენი ღიბანისანი“.

მერე სტუმრები საძინებელ ოთახში შევიდნენ და საწოლსა და საწოლს შუა იატაკზე ჩაფენილი ხალიჩის, საწოლის თავზე გადაკიდებული ქალის ნაცრისფერი ზედატანისა და ფეხსაცმლის დანახვაზე, ერთი ხუმრობა და ქილიკი ატეხეს. ის, რომ ეს ჯიუტი, კერპი კაცი, რომელიც აბუჩად იგდებდა ყველაფერს, თუკი რამ ქალსა და სიყვარულს შეეხებოდა, თუნდაც სრულიად ჩვეულებრივსა და მარტივსაც კი,

ანაზღად თვითონაც ასევე ჩვეულებრივად და მარტივად გაება ქალის მახეში, მეტის-მეტად ამხიარულებდათ. „ნუ დასციინი სხვასაო, გადაგხდება თავსაო“, — რამოდენიმეჯერ გაიმეორა კუკუშკინმა, რომელსაც, სიტყვამ მოიტანა და, ერთი არცთუ ისე სასიამოვნო ჩვეულებაც ჰქონდა — საეკლესიო სლავური ტექსტებით თავის მოწონება უყვარდა. — ჩ-ჩ, წყნარად! — თქვა ჩურჩულით, როდესაც სხუდან კაბინეტის გვერდითა ოთახში გავედით და თითი ტუჩებთან მიხტანდა მარგარიტა აქ თავის ფაუსტზე ოცნებობს.

და ისე გადაფიჩინდა სიცილით, თითქოს რაღაც არაჩვეულებრივად სასაცილო ეთქვას. ვუყურებდი ქართველს და ველოდი, რომ მისი მუსიკალური სული ამ სიცილს ვერ გაუძლებდა, მაგრამ შევცდი. გამხდარი, მიგრძო, კეთილი სახე იმასაც სიამოვნებისაგან უბრწყინავდა. ბანქოს სათამაშოდ რომ სხდებოდნენ, სიცილით გაგუდულმა ბლუკუნ-ბლუკუნით ძლივს წარმოთქვა, სრული ბედნიერებისათვის ჟორჟინკას მხოლოდ გიტარა და ბლის ჩიბუხილა აკლიაო. პეკარსკი თავისთვის ჩუმად, დარბაისლურად იღიმებოდა, მაგრამ დაძაბულ გამოხედვაზე აშკარად ეტყობოდა, რომ ორლოვის ეს ახალი სასიყვარულო თავგადასავალი არცთუ ისე ძალიან მოსწონდა. უბრალოდ, ვერც კი გაეგო, რა ხდებოდა.

— მერედა, ქმარი? ქმარს რაღას უშვრებით? — ჰკითხა ორლოვს გაოცნებულმა, მეოთხე ხელის თამაშს რომ მორჩნენ,

— ეჰ, რა ვიცი... — უპასუხა ორლოვმა.

პეკარსკიმ თავისი დიდი წვერი თითებით ჩამოიფოცხა და ჩაფიქრდა. ვახშამმა ისე მოაწია, ხმა არ ამოუღია, მაგრამ ვახშმად რომ დასხდნენ, დინჯად, დარბაისლურად დაიწყო, თვითეულ სიტყვას წელავდა, აჭიანურებდა:

— ისე, ბოდიშს ვიხდი, მაგრამ, თქვენი — არც ერთისა და არც მეორისა არაფერი მესმის. ვინ გიშლიდათ, გყვარებოდათ ერთმანეთი, დაგერღვიათ მეშვიდე მცნება... კი ბატონო, რამდენიც გინდოდეთ და როგორც გუნებოთ... მაგრამ აი, მაგ თქვენი საიდუმლოს ქმრისათვის გამხელა რატომ დაგჭირდათ, ეგ კი სრულიად გაუგებარია ჩემთვის. არა, იყო კი საჭირო?

— ვითომ რა მნიშვნელობა აქვს?

— ჰმ... — ჩაფიქრდა პეკარსკი, — იცი, რას გეტყვი, ჩემო ძმაო... თუ როდისმე მეორედ ცოლის შერთვა გადავწყვიტე, შენ კი ჩემთვის რქების დადგმა მოგეპრიანა, ისე მოიქეცი, მე ვერაფერი გავიგო. ჯობია, მოატყუო კაცი, ვიდრე ცხოვრების ნირი მოუშალო, ჩირქი მოსცხო მის სახელს. კი ბატონო, მაგრამ, თქვენ გგონიათ, ასე თუ იცხოვრებთ, ამით არაჩვეულებრივ პატიოსნებასა და ღირსეულობას გამოიჩენთ? ჩემთვის კი, მართალი გითხრათ, აი, ის თქვენი... რა ჰქვია? ის თქვენი რომანტიზმი სრულიად გაუგებარია.

ორლოვმა არაფერი უპასუხა, გუნებაზე ვერ იყო და ლაპარაკის ხალისი არა ჰქონდა. პეკარსკიმ, რომელიც ისევ ისეთი გაოცნებული ჩანდა, მაგიდაზე თითები ააკაკუნა და დაფიქრებულმა განაგრძო:

— არა, მე მაინც არ მესმის თქვენი. არც შენა ხარ სტუდენტი და არც ის არის მკერავი. თქვენ ორივენი შეძლებული ხალხი ხართ. განა არ შეგეძლო, ამდგარიყავი და ცალკე გექირავებინა ბინა ზინაიდა ფეოდოროვნასათვის?

— არა, არ შემეძლო... ტურგენევი მაინც წაიკითხე!

— რატომ უნდა წავიკითხო, უკვე წაკითხული მაქვს.

— ჰოდა, ტურგენევი თავის ნაწარმოებებში გვასწავლის, კეთილშობილი, ამაღლებული სულის, პატიოსნად მოაზროვნე ქალი მზად უნდა იყოს, საყვარელ მამაკაცს

ცხრა მთას იქითაც კი ვაძევებს, მის იდეების მსახური იყოსო, — თქვა ირონიულად თვალბომჭურულმა ორლოვმა, — ცხრა მთას იქით, ეს licentia poetica-ა¹, სამყაროცა და ცხრა მთაც ქალისათვის საყვარელი მამაკაცის ხახლია, ამიტომაც ქალთან, რომელსაც უყვარხარ, ერთ ჭერქვეშ არ იცხოვრო, ეს იმას ნიშნავს, უარყო მისი მაღალი დანიშნულება და არ გაიზიარო მისი იდეალები... უფროსი ხუმრობა, ტურგენევი დაწერა, თავში ქვა კი მე უნდა ვიხალო. ბიზანტიზმი

— ჟორჟინკა, ვერ გამოგია, ტურგენევი რა შუაშია? — წყნარად ჩაილაპარაკა ქართველმა და მხრები აიჩეჩა, — აი, მისი „სამ ვერსზე“ ხომ გახსოვს? მიღის თავისთვის გვიან დამით სადღაც იტალიაში და უცებ ესმის: — Vieni pensando a me segretamente!² — წაიმღერა ქართველმა, — შესანიშნავია!

— კი მაგრამ, ძალად ხომ არ გადმოსულა? — თქვა პეკარსკიმ, — ალბათ შენც გინდოდა.

— არათუ არ მინდოდა, წარმოდგენაც არა მქონდა. უნდა გადმოვიდეო, რომ იტყოდა, მეგონა, ლამაზად ხუმრობდა.

ამაზე ყველამ გაიცინა.

— რანაირად უნდა მდომებოდა! — განაგრძო ორლოვმა ისეთი ხმით, თითქოს თავი უნდა იმართლოსო, — მე ხომ ტურგენევის გმირი არა ვარ! — ოდესმე ბულგარეთის განთავისუფლება თუ მომეპოვებინა, ამისათვის ქალი სულაც არ დამჭირდება... სიყვარული ჩემთვის უპირველეს ყოვლისა ჩემი ორგანიზმის მოთხოვნილებაა, ჩემი სულის მტერი და დამამცრობელი. იგი ან გონიერულად უნდა დაიკმაყოფილო, ანდა სრულიად უარი უნდა თქვა მასზე, თორემ შენს ცხოვრებაშიაც ისეთივე არაწმინდა ელემენტს შემოიტანს, როგორიც თვითონაა. სიყვარული წამებად კი არა, სიამოვნებად რომ შექცეს, ვცდილობ, გავალამაზო, ათასგვარი ილუზიებით შევავსო. ქალთან ისე არ წავალ, ვიდრე წინასწარ არ დავრწმუნდები, რომ იგი ლამაზი და მომხიბვლელი იქნება. არც მაშინ წავალ, ემხზე თუ არა ვარ. მხოლოდ ასე ვახერხებთ ერთმანეთის მოტყუებას — აქაოდა, ერომანეთი გვიყვარს, ძალიან ბედნიერები ვართო. თორემ რა გულმისასვლელი და მოსანდომებელია გაწეწილი, აბურდულ-დაბურდული თმა და სპილენძის ჯამ-ჭურჭელი. ან მე რაში მესიამოვნება, ვიღაცამ პირდაუხანელი და გუნებაარეული მნახოს. იმ თავისი გულუბრყვილობის გამო, ზინაიდა ფეოდოროვნას ჰგონია, ისეთ რამეს შემაუვარებს, რასაც მთელი ჩემი სიცოცხლე ვუფრთხოდი. უნდა, ეს ჩემი ბინა მაინცადამაინც სამზარეულოსა და ჭურჭლის მრეცხავების სუნით იყოს სავსე; ხმაურითა და ზარ-ზეიმით ახალ ბინაში გადასახლდეს, საკუთარი ცხენებით ისეირნოს, ჩემი თეთრეული თვალს და ჩემს ჯანმრთელობაზე იზრუნოს; ყოველ წუთს ჩემს პირად ცხოვრებაში ჩაერიოს, თვითეული ნაბიჯი დამითვალოს და თან გულწრფელად დამაჯეროს, რომ არც ჩემი ცხოვრების წესს შეეხება, არც ჩემს თავისუფლებას. იგი დარწმუნებულია, ვითარცა ახალშეუღლებულნი, სულ მალე სამოგზაუროდ წავალთ, ესე იგი, სურვილი აქვს, გვერდიდან წუთითაც არ მომცილდეს, არც კუბეში, არც ოტელში და საერთოდ, არსად, მაშინ, როდესაც მგზავრობის დროს ლაპარაკს ვერ ვიტან, მირჩევნია, ვიჯდე ჩემთვის ჩუმად და ვიკითხო.

— შენც ადექი და აუხსენი, — უთხრა პეკარსკიმ.

— როგორ, შენ გგონია გამოგებს? მაპატიეთ, მაგრამ ჩვენ ხომ სრულიად სხვადასხვანაირად ვაზროვნებთ!.. მისი აზრით, დედიკოსა და მამიკოსთან თუ არ იცხოვრებ, ანდა ქმარს მიატოვებ და საყვარელ მამაკაცთან წახვალ, დიდი ვაჟკაცობაა,

1. პოეტური თავისუფლება (ლათ.).

2. ჩუმად შემოდი, ჩემზე ფიქრით გულავსებული (იტალ.).

ყოველგვარ მოქალაქეობრივ გმირობას აღემატება. მაგრამ, მე თუ მკითხავ, ეს მხოლოდ ბავშვობაა და მეტი არაფერი. მისთვის კაცის შეყვარება, იმ კაცთან დაახლოება, ახალი ცხოვრების დაწყების ტოლფასია, პირადად ჩემთვის კი ეს ხრულიად არაფერს არ ნიშნავს. მისი ცხოვრების დედაარსს სიყვარული და მამაკაცი წარმოადგენს. მიდი და დაარწმუნე, სიყვარული უბრალო მოთხოვნილებაა, ისეთივე ჩვეულებრივი, როგორც საჭმელსა და ტანსაცმელზე; რომ სულაც არ ინგრევა ქვეყანა იმის გამო, უხეირო ქმრები ან ცოლები რომ არსებობენ, რომ შეიძლება კაცი გარყვნილი და მაცდუნებელი, მაგრამ ამავე დროს გენიალური და კეთილშობილი იყოს. მეორეს მხრივ, შეიძლება უარი თქვა სიყვარულით ტკობაზე, მაგრამ ამავე დროს უჭკუო, დესპოტი და მხეცივით მძვინვარე იყო. თანამედროვე კულტურული ადამიანი, ქვედა საფეხურზე მდგომიც კი, მაგალითად, ფრანგი მუშა, დღეში სადილზე ათ სუს ხარჯავს, ღვინოზე — ხუთ სუს, ქალზე ხუთიდან ათ სუმდე, თავის ჭკუასა და ნერვებს კი მთლიანად ხამუშაოს ახმარს. რაც შეეხება ზინაიდა ფეოდოროვნას, სიყვარული-სათვის იგი არათუ სუს, სიცოცხლესაც არ დაიშურებს. ჩემის ჭკუით, თითქოს ვარიგებ, მინდა რაღაც შევაგონო, გავაგებინო, ის კი გულამოსკვნილი ტირის, შენ დამღუპე, ცხოვრებაში უკვე აღარაფერი დამრჩენიაო.

— ადექი და ცალკე დაუქირავე შენც ბინა, ნურც კი ეტყვი იმას ნურაფერს.

— თქმა ადვილია...

მერე ცოტა ხანს იყუჩეს.

— სანდომიანი ქალია, — თქვა კუკუშკინმა, — მომხიბვლელი, ასეთი ქალები დაარწმუნებულები არიან, რომ მათ არასოდეს გადაიყვარებენ, ისინი მუდამ დიდის პათოსით ეძლევიან სიყვარულს.

— ჰო, მაგრამ, მხრებზე თავი ხომ უნდა გებას, ხომ უნდა განსაჯო! — თქვა თრლოვმა, — ის დიდი გამოცდილება, რომელიც ჩვენთვის ყოველდღიური ცხოვრების მიერაა ნაბოძები და ასობით რომანსა და დრამის ფურცლებზეა გადატანილი, გვიმტკიცებს, რომ ყოველგვარი ადიულტერი თუ ორი პატიოსანი ადამიანის ერთად ცხოვრება, როგორც და რა სიძლიერისაც არ უნდა იყოს მათი სიყვარული დასაწყისში, ორ ან დიდი-დიდი სამ წელიწადზე მეტს არასოდეს გრძელდება. ხომ უნდა იცოდეს ეს! ამიტომაც მთელი ეს გადაბარგ-გადმობარგება, ეს ნაირ-ნაირი ქვაბები თუ ნაირ-ნაირი ჯამ-ჭურჭელი, ეს რწმენა მარადიულ სიყვარულსა თუ ურთიერთგაგებაზე, სხვა არაფერია, თუ არა ჩემი და საკუთარი თავის გაბრიყვების სურვილი. ცხადია, ზინაიდა ფეოდოროვნა მეტად სანდომიანი და მომხიბვლელი ქალია, საკამათო აქ არც არის არაფერი, მაგრამ ჩემი ცხოვრების წესი და მდინარება ამ მეტად სანდომიანმა და მომხიბვლელმა ქალმა თავდაყირა დააყენა. ის, რაც აქამდე სისულელედ და წვრილმანად მიმაჩნდა, მაიძულებს, სერიოზული საკითხის დონეზე ავიყვანო. ესე იგი, გამოდის, იმ კერძს უნდა ვემსახურო, რომელიც ღმერთად არასოდეს მიწამებია. იგი ლამაზიცაა და მომხიბვლელიც, მაგრამ ახლა სამსახურიდან შინ რომ ვბრუნდები, ჩემს სულს რაღაც უამური გრძობა ეუფლება, ასე მგონია, შინ მოსულს რაღაც უსიამოვნო გარემო დამიხვდება. აი, მეზუხრეები ყველა ბუხარს რომ დაანგრევენ და მთელი სახლი აგურის ყორეებითაა სავსე. ერთი სიტყვით, სიყვარულს სუ კი არა, მთელი ჩემი ნერვები და სიმშვიდე უნდა მივახარჯო, რაც ჩემთვის მართლაც რომ აუტანელია.

— არაფერი მინდა, ამ უკეთურის სიტყვები ზინაიდა ფეოდოროვნას გააგონა, — ამოიოხრა კუკუშკინმა, — მოწყალეო ხელმწიფე, — წარმოთქვა მან თეატრალურად, — შემოძლია გაგანთავისუფლოთ იმ მძიმე მოვალეობისაგან, რომელიც ამ

მშვენიერი ქმნილების სიყვარულში მდგომარეობს — ზინაიდა ფეოდოროვნას მე წაგართმევთ.

— კი, ბატონო... — უპასუხა ორლოვმა.

კუკუშკინმა მთელი ერთი წუთი თავისი წვრილი ხმით იკიკინა, თან სხეული უთუხთუხებდა და ბოლოს ჩაილაპარაკა:

— იცოდეთ, არ ვხუმრობ! კეთილისებეთ და მერე ოტელის კაბაში წაიმიწყოთ!

ახლა იმაზე მოჰყენენ ლაპარაკს, როგორი დაუცხრომელი იყო კუკუშკინი სასიყვარულო საქმეებში, როგორი მიმზიდველი, მომხიბვლელი იყო ქალებისათვის, მამაკაცებისათვის კი საშიში და მისი ამ გარყვნილი ცხოვრებისათვის როგორ შებრაწავდნენ იმ ქვეყანას ეშმაკები ჯოჯოხეთის გეენაში. მათ ამ საუბარს კუკუშკინი თვალეზოჭუტული, პირუჩუმრა უსმენდა და რომელიმე ნაცნობ ქალს თუ დაასახელებდნენ, ნეკა თითით ემუქრებოდა — აქაოდა, სხვისი საიდუმლოს გამხელა რა წესიაო. ორლოვმა უცებ საათზე დაიხედა.

სტუმრები წასასვლელად მოემზადნენ. მახსოვს, ღვინით შეზარხოშებული ქართველი ამჯერად მეტისმეტად დიდხანს იცვამდა. ბოლოს, როგორც იქნა, გამოეწყო თავის ბავშვის კაპოტის მსგავს პალტოში, საყელო აიწია და რაღაც გრძელი ამბის მოყოლა დაიწყო. მაგრამ, როცა დაინახა, არავენ უსმენდა, ბავშვის სუნით გაყდენთილი პლუდი მხარზე გადაიკიდა და მობოდიშე, მუდარით სავსე თვალებით შემომხედა, ქუდი მომიძებნეო.

— ყორყინკა, ჩემო ანგელოზო! — ნაზად უთხრა ორლოვს, — გეთაყვა, დამიჯერეთ, ჯობია, ქალაქგარეთ წავიდეთ!

— თქვენ წადით, ჩემთვის კი არ შეიძლება — მე ახლა დაოჯახებული კაცი ვარ.

— ისეთი დიდებული ქალია, ვიცი, არ გაბრაზდება. ჩემო კეთილო უფროსო, ჩემო კარგო, წავიდეთ! ამინდი შესანიშნავია — ყინვა, ქარბუქი... ვფიცავ, ცოტა თუ არ გახალისდით, არ შეიძლება. დალახვროს ეშმაკმა, გატყობთ, გუნებაზე ვერ ბრძანდებით...

ორლოვი გაიზმორა, დაამთქნარა და პეკარსკის შესედა.

— წამოხვალ? — ჰკითხა ჩაფიქრებით.

— რა ვიცი, ალბათ წამოვალ!

— იქნებ დაგველია? ეჰ, რაც არის, არის, — თქვა ორლოვმაც ცოტაოდენი ყოყმანის შემდეგ, — წავალ, ფულს ავიღებ.

ორლოვმა კაბინეტისაკენ გასწია, უკან ქართველი აედევნა, მიდიოდა და პლედს იატაკზე მიათრევდა. ორიოდ წუთის შემდეგ ორივენი წინკარში იყვნენ. ოდნავ შემთვრალი და მეტისმეტად კმაყოფილი ქართველი ხელში ათმანეთიანს ჭმუჭნიდა.

— ხვალ გავსწორდებით, — ამბობდა იგი, — ზინაიდა ფეოდოროვნა კი კეთილი ქალია, არ გაბრაზდება... ჩემი ღიზას ნათლიაა, ძალიან მიყვარს, საბრალო. აჰ, ჩემო ძვირფასო! აჰ, პეკარსკი, სულო ჩემო! მართალია, ადვოკატისიმუსი ხარ, ცივი და უსულგულო, მაგრამ, აი, ქალები მაინც გიყვარს...

— სქელი ქალები-თქო, ესეც დაუმატეთ, — ამბობდა, ორლოვი და თან ქურქს იცვამდა, — ოღონდ ცოტა ჩქარა, თორემ აი, ნახავთ, კარის ზღურბლზე თუ არ დაგვიხვდება.

— Vieni pensando a me segretamente! — წაიძღერა ქართველმა.

ბოლოს, როგორც იქნა, წავიდნენ. იმ ღამეს ორლოვს შინ არ გაუთენებია. მეორე დღეს სახლში რომ მოვიდა, სადილოზე უკვე გადასული იყო.

6.

ერთ დღესაც ზინაიდა ფეოდოროვნას მამის ნაჩუქარი საათი დაეკარგა. დალი-
ოდა ოთახიდან ოთახში შემკრთალ-შემშინებული და მაგიდებსა და ფანჯრის რაფებზე
ამოდ ეძებდა დაბნეული.

ამ ამბიდან სამიოდე დღე იქნებოდა გასული, რომ საიდანძლე დაბრუნებულ
ზინაიდა ფეოდოროვნას წინკარში საფულე დაავიწყდა. ჩემდა საბედნიეროდ, იმჯე-
რად მე კი არა, პოლია ეხმარებოდა ვახდაში.

— რა საოცარია! — ამბობდა საგონებელში ჩავარდნილი ქალი, — შესანიშნა-
ვად მახსოვს, მეეტლისათვის ფულის გადასახდელად საფულე ჯიბიდან როგორ ამო-
ვიღე... მერე კი, აი, ავერ, სარკის წინ როგორ დავდე. საოცარია!

მართალია, საფულე მე არ ამიღია, მაგრამ ისეთი გრძნობა დამეუფლა, თითქოს
ქურდობაზე დამიჭირეს, თვალეში ცრემლიც კი ჩამიდგა. სადილად რომ სხდებოდ-
ნენ, ზინაიდა ფეოდოროვნამ ფრანგულად უთხრა ორლოვს:

— როგორც ჩანს, ჩვენს სახლს სულელები დაეპატრონენ. დღეს წინკარში საფულე
დამეკარგა, ახლა კი, ვხედავ, ავერ ჩემს მაგიდაზე დევს. მაგრამ სულელებს, ეტყობა,
არც ისე უანგაროდ მოუწყვიათ ჩემთვის ეს ფოკუსი, გასამრჯელოდ ერთი ოქროს
მონეტა და ოცი მანეთი ფული წაუღიათ.

ერთ წუთსაც არ გაეგლო, რომ ზინაიდა ფეოდოროვნას სრულიადც აღარ ახ-
სოვდა სულელების მიერ მოწყობილი ფოკუსი და სიცილით ჰყვებოდა, წინა კვირას
საფოსტო ქაღალდი როგორ შეუკვეთა, თავისი ახალი მისამართის შეტყობინება რო-
გორ დაავიწყდა და მაღაზიამ ქაღალდი ძველ მისამართზე — მისი ქმრის ბინაში
როგორ გაავზავნა ანგარიშითურთ, რამიაც ქმარს თორმეტი მანეთი უნდა გადაეხადა.
უცებ დაჟინებული მზერა პოლიაზე შეაჩერა, თან ისე გაწითლდა, ისე შეცბა, რომ
დაავიწყდა, რაზე ლაპარაკობდა და სხვა რაღაც საუბარს მოჰყვა.

კაბინეტში ყავა რომ შევიტანე, ორლოვი ბუხართან ზურგშექცევით იდგა, ზი-
ნაიდა ფეოდოროვნა კი მის წინ საგარძელში იყო ჩამჯდარი.

— არა, ცუდ გუნებაზე სრულებითაც არა ვარ, — ამბობდა იგი ფრანგულად, —
მაგრამ ახლა უკვე მივხვდი... ახლა ჩემთვის ყველაფერი ნათელია... შემიძლია, დღე
და საათიც კი დავასახელო, საათი როდის მომპარა. საფულე? საფულეზე ხომ ლაპა-
რაკიც ზედმეტია. ო-ო! — გაიცინა ზინაიდა ფეოდოროვნამ და ყავა გამომართვა, —
დიახ, დიახ, ჩემთვის ახლა უკვე ყველაფერი გასაგებია, ვიცი, რატომ მეკარგება ასე
ხშირად ხელთათმანები და ცხვირსახოცები. მუნ როგორც გინდა, მე კი ხვალვე გავუ-
შვებ ამ ქურდბაცაცა კაჭკაჭს. ხვალვე გავავზავნი სტეპანს ჩემი სოფიოს წამოსაყვა-
ნად. ის არც ქურდია და არც ასეთი... აუტანელი სიფათი აქვს.

— გატყობთ, ხასიათზე არა ხართ. აი, ხვალ უკვე სხვა გუნებაზე იქნებით და
მიხვდებით, რომ არ შეიძლება ადამიანი გაავდო მხოლოდ იმის გამო, რომ მის საქ-
ციელში რაღაც გეეჭვებათ.

— კი არ მეეჭვება, დარწმუნებული ვარ, — უპასუხა ზინაიდა ფეოდოროვნამ, —
ვიდრე ეჭვი ამ საცოდავი გამომეტყველების პროლეტარზე, ამ თქვენს ლაქიაზე
მქონდა, ხმა არ ამომიღია, სიტყვა არ დამიძრავს. უორე, იცით, ძალიან მწყინს —
მაინც რატომ არ მიჯერებთ?

— ის, რომ მე და თქვენ სხვადასხვა აზრისა ვართ ამა თუ იმ საგანზე, სულაც
არ ნიშნავს, რომ თქვენი არა მჯერა. დავუშვათ, მართალიც ხართ, — ამ სიტყვებით
ორლოვი ბუხრისაკენ შებრუნდა და პაპიროსი ცეცხლში ჩაავდო, — მიუხედავად
ამისა, განა ღირს ამაზე ფიქრი და ნერვიულობა? ისე, სიმართლე რომ გითხრათ, არ

მეგონა, ეს ჩემი პატარა მეურნეობა ამდენ სანერვიულოსა და საზრუნავს თუ გაგიჩენდათ. დავუშვათ, დაიკარგა მონეტა, ჯანდაბამდეც გზა ჰქონია, თუ გინდათ, ასე მონეტა აიღეთ მის მაგივრად, მაგრამ ამ სახლში დამკვიდრებული წესის შეცვლა, ქუჩიდან ახალი შინამოსამსახურის შემოყვანა და ლოდინი, აქაურობას როდის მიეჩვენება!.. ეს ხომ გრძელი, მოსაწყენი ამბავია, თანაც ასეთი რამეები სულაც არ შეესაბამება ჩემს ხასიათს. მართალია, ჩვენი ახლანდელი მოახლე ზედმეტად ჩასუსტებულია და ცხვირსახოცებსა და ხელთათმანებზე გიჟდება, მაგრამ საკმაოდ ზრდილი, წესრიგიანი ქალია და კუკუშკინის ჩქმეტაზე ერთ წივილ-კივილსა და ვაიუშველებელს არ იწყებს.

— ესე იგი, არ შეგიძლიათ მასთან განშორება... არ ჯობია, პირდაპირ თქვათ?

— ეჭვიანობთ?

— დიახ, ვეჭვიანობ, — მტკიცედ უპასუხა ზინაიდა ფეოდოროვნამ.

— გმადლობთ.

— დიახ, ვეჭვიანობ, — გაიმეორა ქალმა და თვალეში ცრემლი აუბრწყინდა.

არა, ეს ეჭვიანობა არ არის, ეს რაღაც ეჭვიანობაზე უარესია... მე ამის სახელის მოძებნაც კი მიჭირს. — ხელები საფეთქლებზე მიიჭირა და აღელვებულმა განაგრძო: თქვენ, მამაკაცები ისეთი აუტანელი, ზოგჯერ ისეთი საძაგლები ხართ, პირდაპირ საშინელებაა!

— მე აქ საშინელს ვერაფერს ვხედავ.

— არ ვიცი, არ მინახავს, მაგრამ ამბობენ, რომ თქვენ, კაცები, ჯერ კიდევ ბავშვობიდან იწყებთ შინამოსამსახურებთან არშიეს და ისე ეჩვევით, რომ მერე უკვე ზიზღსაც აღარა გრძნობთ. ეს მე წიგნებშიაც წამიკითხავს... ჟორჟ, შენ, რა თქმა უნდა, მართალი ხარ, — იგი ორლოვთან მივიდა და ახლა უკვე კილოშეცვლილმა ალერსითა და მუდარით უთხრა, — დღეს, ეტყობა, მართლაც გუნებაზე ვერა ვარ, მაგრამ შენც გამიგე... გამიგე, რომ სხვაგვარად არ შემიძლია. ძალიან მეზიზღება, მეშინია, მისი დანახვაც კი მზარავს.

— ნუთუ არ შეიძლება, ყურადღება არ მიაქციო ამ წვრილმანებს? — ორლოვმა მხრები გაკვირვებით აიჩეჩა და ბუნხარს მოშორდა, — აბა, ამაზე ადვილი რა არის? შენც ადექი და სულაც ნუ შეხედავ, მაშინ აღარც შეგეზიზღება და არც ამ სისულელეს გაიხდი დრამად.

ამ ლაპარაკში რომ იყვნენ, მე კაბინეტიდან გავედი და არ ვიცი, ორლოვმა რა პასუხი მიიღო. ასე იყო თუ ისე, პოლია ჩვენთან დარჩა. ერთი კია, მას მერე ზინაიდა ფეოდოროვნას პოლიასათვის აღარაფერზე მიუმართავს, ცდილობდა, უმისოდ გასულიყო იოლად. პოლია რაიმეს თუ მიართმევდა, ანდა იმ თავისი სამაჯურების წკარუნითა და ქვედა კაბის შარიშურით, უბრალოდ, გვერდით ჩაუვლიდა, საშინლად შეკრთებოდა, ფერს კარგავდა.

ასე მგონია, ორლოვისათვის ქართველს ან პეკარსკის რომ ეთხოვა პოლიას გაშვება, ორლოვი წუთითაც არ შეუყოყმანდებოდა, ახსნა-განმარტებებით თავსაც არ შეიწუხებდა. როგორც ყველა გულგრილი ადამიანი, ისიც ძალიან დამყოლი იყო. ზინაიდა ფეოდოროვნას მიმართ კი რატომღაც სიჯიუტეს იჩენდა, რაც ხანდახან უჯიათობამდეც კი მიდიოდა. მე უკვე წინასწარ ვიცოდი — ზინაიდა ფეოდოროვნას თუ მოეწონა, ესე იგი, არაფრით არ მოეწონებოდა ორლოვს. როდესაც მალაზიიდან დაბრუნებულ ქალს ერთი სული ჰქონდა, თავი მოეწონებინა ორლოვის წინაშე თავისი ახალი შენაძენით, იგი ერთს ცერად გადახედავდა და ცივად ეტყოდა — სახლში რამდენიც ზედმეტი ნივთია, იმდენად ნაკლები ჰაერიო. ზოგჯერ ფრაკი უკვე ჩაცმული ჰქონდა, უკვე წასასვლელად იყო გამზადებული, ზინაიდა ფეოდოროვნასაც

გამოემშვიდობებოდა, მაგრამ უცებ გადაიფიქრებდა წასვლას. მაშინ ასე მეჩვენებოდა, ორლოვი შინ მხოლოდ იმიტომ რჩება, თავი განგებ უბედურად იგრძნოს-მეთქი.

— რატომ არ წახვედით, — ეუბნებოდა ზინაიდა ფეოდოროვნა მოჩვენებითი გულისტკივილით და სიამოვნებისაგან ბრწყინავდა. — თქვენ ხომ მაჩვეული არა ხართ საღამოობით შინ ჯდომას. მე კი სრულებითაც არ მინდა, ^{ყველა} ~~ყველა~~ გულისათვის საკუთარი ცხოვრების წესს უღალატოთ. წადით, ძალიან გთხოვთ ~~წადით~~ ^{წადით} თუ არ გინდათ, რომ თავს დამნაშავედ ვგრძნობდე.

— კი მაგრამ, გადანაშაულებთ თქვენ ვინმე? — ეტყოდა ორლოვი.

მერე საბრალო მსხვერპლის გამოძეტყველებით სავარძელში ჩაეფლობოდა, შუბლზე ხელს შემოიდებდა და წიგნს ჩააჩერებოდა. მაგრამ მალე წიგნი ხელიდან გაუვარდებოდა, სავარძელში მძიმედ შეტრიალდებოდა და თითქოს თვალეში მზე აჭყეტავსო, ხელს მოიჩრდილებდა. ეტყობოდა, ახლა უკვე აშკარად ნანობდა შინ დარჩენას.

— შეიძლება შემოვიდე? — მიდგებოდა ზინაიდა ფეოდოროვნა კაბინეტის კართან, მაგრამ შიგნით შესვლას ვერ ბედავდა. — აჰ, კითხულობთ? მე კი მომენატრეთ, ვიფიქრე, მივალ, შევხვდავ-მეთქი.

მახსოვს, ერთ-ერთ ასეთ საღამოს, აი, ასევე გაუბედავად და უდროო დროს ზინაიდა ფეოდოროვნა ორლოვთან მივიდა და მის ფერხთით იატაკზე დაფენილ ხალზე ჩაჯდა. ფრთხილ, მოკრძალებულ მოძრაობაზე ეტყობოდა, ვერ მიმხვდარიყო, ორლოვი რა გუნებაზე ბრძანდებოდა.

— სულ კითხულობთ და კითხულობთ... — დაიწყო შემპარავად, როგორც ჩანს, უნდოდა რაღაცით ესიამოვნებინა: — იცით, ჟორე, კიდევ რა არის თქვენი წარმატებების საიდუმლო? ძალიან განათლებული და ჭკვიანი კაცი ხართ... ეგ რა წიგნია, რას კითხულობთ?

ორლოვმა უპასუხა. მერე რამოდენიმე წუთით სიჩუმე ჩამოწვა, რომელიც მე მეტიხმეტად გრძელი და უსასრულო მეჩვენა.

— მინდოდა რაღაც მეთქვა... — ჩუმად ჩაილაპარაკა ზინაიდა ფეოდოროვნამ და გაიცინა. — გითხრათ? ვიცი, დამცინებთ, აღსარებად ჩამითვლით, მაგრამ ძალიან... ძალიან მინდა ვიფიქრო, რომ დღეს თქვენ სახლში ჩემი გულისათვის დარჩით... რათა ერთად გაგვეტარებინა ეს საღამო. ასეა? შეიძლება ვიფიქრო ასე?

— იფიქრეთ, — თქვა ორლოვმა და თვალეზე ხელი მიიფარა, — ჭეშმარიტად ბედნიერია ის ადამიანი, ვისაც მხოლოდ ის კი არა სჯერა, რაც არის, არამედ ისიც, რაც არ არის.

— ისე გრძლად თქვით, მთლად კარგად ვერ გავიგე. ესე იგი, თქვენ გინდაო მითხრათ, რომ ბედნიერი ადამიანები მხოლოდ წარმოდგენებით ცხოვრობენ? ჰო, მართალია, ასეა, მიყვარს საღამოობით თქვენს კაბინეტში ჯდომა. ვზივარ და ფიქრები სადღაც შორს მიმაფრენენ. კარგია, ცოტას რომ წაიოცნებებ. ჟორე, მოდი ხმამაღლა ვიოცნებოთ!..

— მე ინსტიტუტში არ ვყოფილვარ, ეს მეცნიერება არ გამივლია.

— ცუდ გუნებაზე ხართ? — ჰკითხა ზინაიდა ფეოდოროვნამ და ხელზე ხელი მოჰკიდა. — მითხარით, რატომ ხართ ასეთ ცუდ გუნებაზე? იცით, როცა ასეთ განწყობაზე გხვდავთ, მე თქვენი მეშინია, ვერ გამიგია, თავი გტკივთ თუ ჩემზე ხართ გაბრაზებული.

სიჩუმეში ჩაიარა კიდევ რამოდენიმე გრძელმა წუთმა.

— ასე რატომ შეიცვალეთ? — თქვა ბოლოს ქალმა წყნარად, — რატომ აღარ ხართ ისეთი ნაზი და მხიარული, როგორიც ადრე, ზნამენსკაიაზე იყავით? აგერ

უკვე ერთი თვეა, თქვენთანა ვარ, მაგრამ ასე მგონია, ჯერ ცხოვრება არც კი დაგვიწყია, წესიერად არც კი დავლაპარაკებოვართ ერთმანეთს. თქვენ ან ხუმრობით მპასუხობთ ყველაფერზე, ანდა მასწავლებელივით ცივად, გრძლად და გაუგებრად. თქვენს ხუმრობაშიაც კი სიცივე იგრძნობა... რატომ დავივიწყეთ ჩემთან სერიოზული ლაპარაკი?

— მე მუდამ სერიოზულად გელაპარაკებით, სერიოზულად და გულწრფელად.

— პოდა, აი ვისაუბროთ... ღვთის გულისათვის, ჟორჟ... მოდი, ვისაუბროთ, კარგი?

— კი ბატონო, ვისაუბროთ, მაგრამ რაზე? რაზე ვისაუბროთ?

— ჩვენს დღევანდელ ცხოვრებაზე, ჩვენს მომავალზე... — ოცნებით წარმოთქვა ზინაიდა ფეოდოროვნამ. — აი, მე სულ ჩვენს მომავალ ცხოვრებაზე ვფიქრობ, რა გეგმებს აღარ ვაწყობ... ისეთი ბედნიერი ვარ, ჟორჟ, ისეთი ბედნიერი ვარ!.. ახლა კი პირველ რიგში უნდა გკითხოთ, სამსახურს როდის მიატოვებთ?

— მივატოვებ? რატომ? რატომ უნდა მივატოვო? — ორლოვმა მუბლიდან ხელი ჩამოიღო.

— თქვენი შეხედულებების კაცმა არ უნდა იმსახუროს, აბა, ეს რა სათქვენო საქმეა?

— ჩემი შეხედულებების კაცმა?.. ჩემი შეხედულებების?! — გაიმეორა ორლოვმა. — ჩემი მრწამსითა და ჩემი ბუნებით ნამდვილი ჩინოვნიკი, ზედგამოჭრილი შჩედრინის გმირი ვარ. გავბედავ და მოგასხენებთ, რომ თქვენ მე სულ სხვა ადამიანი გგონივართ.

— აი, ახლაც ხუმრობთ, ჟორჟ!

— სრულებითაც არა... შეიძლება ჩემი სამსახური დიდად არ მაკმაყოფილებდეს, მაგრამ სხვას მაინც ეს მიწჩვენია. ხალხსაც უკვე ნივეჩვიე, ყველა ისეთია, როგორც მე ვარ, ყოველ შემთხვევაში თავს იქ ზედმეტად არ ვგრძნობ, მოკლედ, მშვენივრად ვარ.

— ვიცი, გაძულთ, გეზიზღებათ ეგ სამსახური.

— პო? თქვენ გგონიათ, სამსახურს თავს თუ დავანებებ, ხმამაღლა ოცნებას თუ დავიწყებ და სხვა სამყაროში გადავსახლდები, იგი ჩემთვის ნაკლებ საძულველი იქნება, ვიდრე ეს სამყაროა?

— თქვენ ოღონდ ჩემი საწინააღმდეგო თქვათ, შეგიძლიათ ცილიც კი დასწამოთ საკუთარ თავს, — განაწყენებული ზინაიდა ფეოდოროვნა წამოდვა, — ვნანობ, რომ წამოვიწყე ეს საუბარი.

— რატომ ბრაზობთ? აი, მე ხომ არ ვიწყრებით, რატომ არ მსახურობთ-მეთქი. ყველა ისე ცხოვრობს, როგორც თვითონ უნდა.

— განა თქვენ ისე ცხოვრობთ, როგორც გინდათ? განა თქვენ თავისუფალი ადამიანი ხართ? მთელი სიცოცხლე ისეთი ქალაქები წერო, რაც შენს მრწამსს ეწინააღმდეგება, — განაგრძო ზინაიდა ფეოდოროვნამ და სასოწარკვეთილმა ხელი ხელს შემოჰკრა, — დაემორჩილო, ახალი წელი მიულოცო უფროსს, გაუთავებლად ითამაშო ბანქო... რაც მთავარია, ემსახურო ისეთი წესების დამკვიდრებას, რომელიც შეუძლებელია მოგწონდეს... არა, ჟორჟ, არა! ასე უხეშად ნუ ხუმრობთ, საშინელებაა!.. თქვენ იდეის კაცი ხართ, მხოლოდ იდეებს უნდა ემსახურებოდეთ.

— არა, თქვენ მე ნამდვილად სხვა გგონივართ, — ამოიხსრა ორლოვმა.

— ესე იგი, ჩემთან საუბარი არ გწადიათ, გეზიზღებით, — ჩაილაპარაკა ცრემლმორეულმა ზინაიდა ფეოდოროვნამ.

— იცით, რა, ჩემო ძვირფასო, — თქვა დამრიგებლური კილოთი ორლოვმა და

სავარძლიდან წამოდგა, — თვითონ არ მითხარით, ჭკვიანი და განათლებული კაცი ხარო. ჭკვიანსა და განათლებულს კი ხედმეტი წვრთნა და სწავლება კი არ რგებს, პირიქით, ვნებს. ის დიდი თუ მცირე იდეა, რომელიც თქვენ მხედველობაში გაქვთ, ჩემთვის დიდი ხანია უკვე ზედმიწევნითაა ცნობილი. ჰოდა, რადგან იმ იდეებს სამსახურსა და ბანქოს ვამჯობინებ, ესე იგი, მაქვს კიდევაც ამის საფუძველი, ეს ერთი. მეორეც: თქვენ, რამდენადაც ჩემთვის ცნობილია, არასოდეს ვგმობა ჩურჩული რამდენად თქვენი ცოდნა და მსჯელობა სახელმწიფო სამსახურზე მხოლოდ ანეკდოტებსა და უხეირო ნაწარმოებებზეა დაფუძნებული. აქედან გამომდინარე, ცუდი არ იქნებოდა, შევთანხმებულიყავით ერთხელ და სამუდამოდ, რომ არასოდეს ვისაუბრებდით იმაზე, რაც ჩვენთვის უკვე დიდი ხანია ცნობილია და არც იმაზე, რაც ჩვენს კომპეტენციაში არ შემოდის.

— ასე რატომ მელაპარაკებით? — ზინაიდა ფეოდოროვნამ შეძრწუნებულმა დაიხია: — რატომ?... რატომ?... ღვთის გულისათვის, ჟორჟ, გონს მოდიო!

ხმა უკანკალებდა, როგორც ჩანს, ცრემლის შეკავებას ცდილობდა. ბოლოს, ეტყობა, თავს ველარ მოერიდა და ხმამაღლა აქვითინდა.

— ჟორჟ, ჩემო ძვირფასო, ვიღუპები! — წარმოთქვა ფრანგულად, ორლოვის წინ სწრაფად დაეშვა და თავი მუხლზე დაადო. — დავიღალე, ძალა აღარა მაქვს, აღარ შემიძლია, დავიტანჯე... არა, მეტი აღარ შემიძლია... ბავშვობაში იყო და, გარყვნილი, საზიზღარი დედინაცვალი... მერე ქმარი... ახლა თქვენ — ჩემი დიდი, უზომო სიყვარულის პასუხად თქვენი ეს სიცივე და ირონია... ახლა ეს თავხედი, აუტანელი მოსამსახურეც და... — განაგრძობდა ზინაიდა ფეოდოროვნა ქვითინით, — დიახ, დიახ, ვხედავ, განა ვერა ვხედავ, მე თქვენთვის არც ცოლი ვარ, არც მეგობარი, არამედ ქალი, რომელსაც პატივს მხოლოდ იმის გამო არ სცემთ, რომ თქვენი საყვარელი გახდა... არა, აღარ შემიძლია, თავი უნდა მოვიკლა!

არ მეგონა, ქალის ეს სიტყვები და ტირილი ორლოვზე ასეთ ძლიერ შთაბეჭდილებას მოახდენდა. იგი გაწითლდა, სავარძელში მოუთმენლად აწრიალდა და ნაცვლად ირონიისა, სახეზე უაზრო, ბავშვური შიში აესახა.

— ძვირფასო, მე თქვენ ვერ გამიგეთ, — დაბნეულმა ჩაიბურღლუნა ორლოვმა და ქალს თმასა და მხრებზე მრეფერა. — მაპატიეთ... გთხოვთ, გემუდარებით, მაპატიოთ... რა თქმა უნდა, ვტყუი... საკუთარი თავი მეზიზღება.

— ვიცი, შეურაცხყოფთ ჩემი ამ წუწუნითა და ჩივილით... ვიცი, პატიოსანი, დიდსულოვანი... იშვიათი ადამიანი ხართ, ამას მე ყოველ წუთში ვგრძნობ, მაგრამ მე ხომ მთელი ეს დღეები აუტანელი სევდა მტანჯავდა...

ზინაიდა ფეოდოროვნამ ორლოვს მკლავები ფიცხლად მოხვია და ლოყაზე აკოცა.

— ოღონდ ძალიან გთხოვთ, ნუ ტირით, — ჩაილაპარაკა ორლოვმა.

— არა, არა, უკვე მოვიოხე გული ტირილით.

— რაც შეეხება შინამოსამსახურეს, ხვალიდან ამ სახლში იმას თვალითაც ვერავენ ნახავს, — თქვა სავარძელში ისევ ისე მოუსვენრად აწრიალებულმა ორლოვმა.

— არა, ჟორჟ, თავი დაანებეთ! გესმით? მე უკვე აღარ მეშინია მისი... მართალი ხართ, ადამიანი ამ წვრილმანებზე მაღლა უნდა დადგე, სისულელეებზე არ უნდა იფიქრო. თქვენ კი მართლაც იშვიათი... არაჩვეულებრივი ადამიანი ხართ!

მაღე ზინაიდა ფეოდოროვნამ ტირილი შეწყვიტა. წამწამებზე ცრემლებაბრწყინებული იგი ორლოვის მუხლებზე იჯდა და ჩურჩულით რაღაც გულისამაჩუყებელს, ჩანს, თავისი ბავშვობისა და სიყმაწვილის ამბებს უყვებოდა, თან სახეზე ნაზად ეფერებოდა, ჰკოცნიდა, ბეჭდიან ხელებსა და ძეწკვზე ჩამოკიდებულ ბრელოვს გულდასმით უთვალთვლებდა. ეტყობოდა, მოხიბლული იყო თავისი მონაყოლითაცა და

საყვარელ ადამიანთან სიახლოვეთაც. და ალბათ იმის გამო, რომ ცრემლმა განწმინდა, გადაახალისა მისი სული, ზინაიდა ფეოდოროვნას ხმა ახლა არაჩვეულებრივად გულწრფელი და ანკარა იყო. ორლოვი კი ქალს წაბლისყურ თმაზე ურამაშებოდა, ხელზე ნაზად, უხმოდ ჰკოცნიდა.

მერე კაბინეტში ჩაი დალიეს და ზინაიდა ფეოდოროვნამ ფრთხილად წარიღებები წაუკითხა. დასაძინებლად რომ წავიდნენ, უკვე პირველი ხელისუფლები იყვნენ.

იმ ღამეს ძალიან მტკიოდა გვერდი. გათენებამდე ვერ იქნა, ვერც გავთბი, ვერც დავიძინე. გავიგე, ორლოვი საძინებლიდან როგორ გამოვიდა და თავის კაბინეტში როგორ შევიდა. ერთი საათი არ იქნებოდა გასული, რომ დამირეკა. ტკივილისა და დაღლილობისაგან ყოველგვარი წესი და ზრდილობა დამავიწყდა, კაბინეტისაკენ ეგრევე საცვლების ამარამ და ფეხშიშველამ გავწიე. ხალათსა და ჩაჩში გამოწყობილი ორლოვი კაბინეტის კარებში იდგა და მუდოდა.

— როდესაც დაგიძახებენ, ჩაცმული უნდა მოხვიდე, — მითხრა მკაცრად, — სანთლები გამოცვალე.

მინდოდა ბოდიში მომეხადა, მაგრამ ერთბაშად ისეთი ხველა ამიტყდა, არ წავიქცე-მეთქი, ცალი ხელით კარის წირთხლს ჩავეჭიდე.

— თქვენ რა, ავადა ხართ? — მკითხა ორლოვმა.

მე მგონი, ჩვენი გაცნობის დღიდან ეს პირველი შემთხვევა იყო, ორლოვმა თქვენობით რომ მომმართა. მიზეზი რა იყო, ღმერთმა უწყის. როგორც ჩანს, ნიფხავ-პერანგიანმა და ხველებისაგან სახეშეშლილმა კარგად ვერ გავითამაშე ჩემი როლი, რის გამოც ახლა ნაკლებად ვგავდი ლაქიას.

— ავად თუ ხართ, რატომღა მსახურობთ?

იმიტომ რომ შიმშილით არ მოვკვდე-მეთქი, — ვუპასუხე.

— რა უხამსობაა! — ჩუმად ჩაილაპარაკა თავისი მაგიდისაკენ მიმავალმა.

ვიდრე მე ქურთუკმოსხურული შანდლებში სანთლებს ვცვლიდი, ორლოვი მაგიდასთან იჯდა და წიგნის ფურცლებს ჭრიდა.

კაბინეტიდან რომ გამოვედი, იგი უკვე წიგნის კითხვაში იყო გართული, რომელიც გუშინდელივით ხელიდან აღარ უვარდებოდა.

7.

ახლა, როცა ამ სტრიქონებს ვწერ, ბავშვობიდან ჩემს გულში ჩაბუდებული შიში — ვაითუ ვინმეს მგრძნობიარე და სასაცილო ვერცენო-მეთქი, ხელს მიბორკავს. ახლაც, როცა მინდა ვინმეს მოვეალერსო, ვინმეს რაიმე ნაზი სიტყვა ვუთხრა, ჩემს ეს მოქმედება გარეგნულად მუდამ კალბი და არაგულწრფელი ჩანს. აი, სწორედ ამ შიშისა და ჩემი ამ ხასიათის გამო, ვერც ახლა ვახერხებ იმის გამოხატვას, რაც მაშინ ჩემს სულში ხდებოდა.

არა, ზინაიდა ფეოდოროვნაზე შეყვარებული არ ვიყავი, მაგრამ ის ჩველებრივი ადამიანური გრძნობა, რასაც მაშინ მის მიმართ განვიცდიდი, ორლოვის სიყვარულზე გაცილებით დიდი, ახალგაზრდული და ხალისიანი იყო.

დილდილობით, ფეხსაცმლის საწმენდი ჯაგრისი მეჭირა თუ ცოცხი, გულისფანცქალით ველოდი, ზინაიდა ფეოდოროვნას ფეხის ხმას როდის გავიგონებდი. დგომა და იმის ყურება, ყავას როგორ სვამდა ანდა საუზმეს როგორ შეექცეოდა, წინკარში ქურქის მიმარჯვება, ანდა მის პატარა ფეხებზე კალოშების მორგება (სხვათა შორის, ჩაცმისას მუდამ მე დამეყრდნობოდა ხოლმე მხარზე), ლოდინი, მის შესახვედრად ქვემოდან შევიცარი როდის დამიძახებდა, ანდა შეციებულს, ვარდისფრად სახეშეფაკლულს, თოვლის თეთრი ფანტელებით მოფიფქულს კარებში რომ შევხვ-

დებოდი, ყინვასა ან მეეტლეზე მის ნაწყვეტ-ნაწყვეტ წამოძახილს რომ გაევიგონებდი, რომ იცოდეთ, რას წარმოადგენდა ეს ჩემთვის! მინდოდა, შეყვარებული ვყოფილიყავი, ჩემი ოჯახი მქონოდა, მინდოდა, ჩემი მომავალი ცოლი ასეთი ხმის, ხახის, სწორედ ასეთი შესახედაობისა ყოფილიყო. სადილად ვიჯექი თუ ქუჩაში მივდიოდი, დღე იყო თუ ღამე, სულ ოცნებაში ვიყავი. ორლოვი ზიზღით იშორებდა ყველაფერს, ქალის ჭინჭები იქნებოდა, ბავშვები, სამზარეულო თუ სპილენძის ქვაბები, მუცელს ოცნებაში ველოლიავებოდი, სიყვარულით თავს ვეველებოდი ამ ყველაფერს. ერთთავად საკუთარი ოჯახი, ცოლ-შვილი, ბავშვების ოთახი, ბილიკებით მოკირწყლული ბაღი და პატარა სახლი მელანდებოდა.

რომც შემეყვარებინა, მასაც შევუყვარდები-მეთქი, ამაზე ფიქრსაც კი ალბათ ვერასოდეს გავბედავდი, მაგრამ მე ეს სულაც არ მაწუხებდა. ჩემს მოკრძალებულ, ჩუმ გრძნობაში, რომელიც შეჩვევას უფრო ჰგავდა, ვიდრე სიყვარულს, ორლოვი-სადმი არათუ ეჭვი, იოტისოდენა შურიც კი არ იყო, ვინაიდან, ძალიან კარგად მესმოდა, ლაქიასათვის პირად ბედნიერებაზე ფიქრი მხოლოდ ოცნებაში თუ შეიძლებოდა.

ღამლამობით, როდესაც ზინაიდა ფეოდოროვნა თავისი ყორჯის მოლოდინში წიგნს უაზროდ ჩასჩერებოდა, ანდა ოთახში გავლილი პოლიას დანახვაზე უცებ საშინლად შეკრთებოდა, ფერი დაეკარგებოდა, მასთან ერთად მეც ვიტანჯებოდი, თავში სულ ის აზრი მიტრიალებდა, რაც შეიძლება მალე გამეხსნა პირი იმ საშინელი მუწუკისათვის, რაიმე ისეთი მომემოქმედებინა, რომ ზინაიდა ფეოდოროვნასათვის როგორმე გამეგებინებინა, რას ლაპარაკობდნენ ხუთშაბათის ვახშმობებზე, მაგრამ, არ ვიცოდი, როგორ მოექცეულიყავი, რა მექნა, როგორ ამესრულებინა ჩემი ეს სურვილი. ზინაიდა ფეოდოროვნას სულ უფრო ხშირად და ხშირად ვხედავდი აცრემლებულს. პირველ ხანებში სულ იცინოდა, მღეროდა, თვით იმ დღეებშიც კი, როდესაც ორლოვი მინ არ იყო. მაგრამ ერთ თვესაც არ გაევილო, რომ ჩვენს ბინაში სველის მომგვრელმა სიჩუმემ დაისადგურა.

ორლოვისაგან ერთი არაგულწრფელი ღიმილი ან კოცნა რომ დაემსახურებინა, რაღას არ აკეთებდა, ჩაიჩოქებდა მის წინ მუხლებზე და პატარა ფინიასავით ელაქუცებოდა. სარკის წინ რომ ჩაივლიდა, მაშინაც კი, როდესაც ძალიან უგუნებოდ იყო, არ შეეძლო, სარკეში არ ჩაეხედა, თავი არ შეეთვალაიერებინა და თმა არ შეესწორებინა. მიკვირდა, კვლავ ძველებურად რომ აინტერესებდა ლამაზი ჩასაცმელ-დასახური, კვლავ ალტაცებაში რომ მოჰყავდა თავის ნავაჭრ-ნაყიდებს. ეს თითქოს როგორღაც არ ესადაგებოდა მის გულწრფელ მწუხარებას. მოდას რომ არ ჩამორჩენოდა, ნაირ-ნაირსა და ძვირფას კაბებს იკერავდა. ვერ გამეგო, რად, ვისთვის ან რისთვის სჭირდებოდა. განსაკუთრებით ერთი ახალი, ოთხას მანეთიანი კაბა დამახსოვდა. ოთხასი მანეთი მისცე კაბაში, რომელიც სულ არ გჭირდება! და ეს მაშინ, როდესაც ჩვენი დღიურად მომუშავე ქალები თავის იმ კატორღულ შრომაში ერთ აბაზს იღებენ. როდესაც ვენეციულ და ბრიუსელელ მემაქმანეებს დღეში მხოლოდ ნახევარ ფრანკს უხდიან, იმ ანგარიშით, დანარჩენს გარყვნილებითა და მრუშობით იშოვნინანო. გაოცებული ვიყავი, ვერ გამეგო, რატომ ვერ ხვდებოდა ამას ზინაიდა ფეოდოროვნა, და გული მტკიოდა. მაგრამ, საკბარისია სახლიდან გასულიყო, რომ ეს წყენა უკვე მაგიწყდებოდა, ყველაფერს ვპატიობდი, ყველა მის საქციელს ახსნას ვუძებნიდი და ერთი სული მქონდა, ქვემოდან შევიცარი როდის დამირეკავდა.

თვითონ ისე მექცეოდა, როგორც ჩვეულებრივ ლაქიასა და მდაბიოს. ძალს შეიძლება ბეწვზე ხელს უსვამდე, ეფერებოდე, მაგრამ ვერ ამჩნევდე. მეც ასე ვიყავი — მიბრძანებდნენ, განკარგულებებს მაძლევდნენ, მავალბდნენ, მაგრამ ჩემს

არსებობას საერთოდ ვერ ამჩნევდნენ. ჩემს ბატონებს, გარდა იმისა, რასაც წესი და საჭიროება მოითხოვდა, ჩემთან საუბარს სათაკილოდ მიაჩნდათ. მათ საუბარში რომ ჩავრეულიყავი, ანდა გამცინებოდა რაიმეზე, როდესაც სადილზე ვემსახურებოდი, ალბათ გიჟად ჩამთვლიდნენ და მაშინვე დამითხოვდნენ. მიუხედავად ამისა, ზინაიდა ფეოდოროვნა მოწყალეს თვალთ მიყურებდა. სადმე საქმეზე მაგზავნიდა თუ იმას მიხსნიდა, ახალი ლამპა როგორ ამენტო, სახე არაჩვეულებრივად ნათელი სვეკითი სავსე და ალერსიანი ჰქონდა, ლაპარაკისას პირდაპირ თვალეში მომჩერებოდა. ამ დროს სულ ასე მეგონა, ალბათ ის თუ ახსენდება, ზნამენსკაიაზე მასთან ორლოვის წერილები რომ მიმქონდა და ჩემი მადლიერია-მეთქი. საქმეზე რომ დამირეკავდა, პოლია, რომელსაც მის ფავორიტად მივაჩნდი, რის გამოც თვალის დასანახავად ვძულდი, — წადი, შენი „ის“ გეძახისო, — გესლიანად ჩაიჭირქილებდა.

როგორც უკვე მოგახსენეთ, ზინაიდა ფეოდოროვნა ისე მეკიდებოდა, როგორც მდაბიოს, მაგრამ წარმოდგენაც არა ჰქონდა, რომ მთელ ამ სახლში თუკი ვინმე იყო დამდაბლებული, ეს თვითონ ზინაიდა ფეოდოროვნა ბრძანებოდა. აბა, რას წარმოიდგენდა, რომ მე, ერთი ვიღაც უბრალო ლაქია, მისი გულისათვის ასე ვიტანჯებოდი, დღეში ოცჯერ მაინც ვეკითხებოდი ჩემ თავს, ნეტავი რას მოელის მომავლისაგან, რით დამთავრდება მისი ეს მდგომარეობა-მეთქი. მდგომარეობა კი დღითი დღე უარესდებოდა. სამსახურზე რომ საუბრობდნენ, იმ საღამოს შემდეგ ორლოვს, რომელიც ცრემლის დანახვასაც ვერ იტანდა, აშკარად ეტყობოდა, რომ ეშინოდა და მასთან საუბარს გაურბოდა. ზინაიდა ფეოდოროვნა კამათს ან ხვეწნას რომ დაუწყებდა, ანდა როცა შეატყობდა, საცაა ატირდებაო, მოიმიზეზებდა რაღაცას და მაშინვე თავისი კაბინეტისაკენ გასწევდა. ის კი არა, შეიძლება სულაც სახლიდანაც წასულიყო. ორლოვი ახლა უკვე იშვიათად ათენებდა შინ ღამეს, სადილობით ხომ თითქმის სულ აღარ სადილობდა. ზინაიდა ფეოდოროვნა კი ისევ ძველებურად ოცნებობდა თავის სამზარეულოსა, ახალ ბინასა თუ საზღვარგარეთ მოგზაურობაზე, მაგრამ მისი ეს ოცნება ოცნებადვე რჩებოდა. სადილი ისევ რესტორნიდან მოჰქონდათ, რაც შეეხება ბინას, ორლოვმა სთხოვა, საზღვარგარეთიდან დაბრუნებამდე ამის შესახებ არაფერი ეთქვა. საზღვარგარეთ გამგზავრებაზე კი ასე ამბობდა, მანამდე ვერ წამოვალ, ვიდრე თმა არ ჩამომეზრდება, ვინაიდან სასტუმროდან სასტუმროში წანწალი და იდეის სამსახური გრძელი თმის გარეშე შეუძლებელიაო.

ყველაფერ ამას ისიც დაემატა, რომ ორლოვის შინ არ ყოფნისას საღამოობით კუკუშკინმა დაიწყო ჩვენს სახლში სიარული. მართალია, მის ამ საქციელში არაფერი განსაკუთრებული არ იყო, მაგრამ ვერა და ვერ ვივიწყებდი ორლოვისადმი ნათქვამ მის სიტყვებს — იცოდე, წაგართმევ ზინაიდა ფეოდოროვნასო. კუკუშკინს ჩაითა და წითელი ღვინით უმასპინძლებოდნენ, ის კი ხითხითებდა და ზინაიდა ფეოდოროვნას გული რომ მოეგო, ირწმუნებოდა, სამოქალაქო ქორწინება საეკლესიო ქორწინებაზე ყოველმხრივ მაღლა დგასო, და რომ თუ სადმე სამართალი იყო, ყოველ წესიერ ადამიანს თაყვანი უნდა ეცა ზინაიდა ფეოდოროვნასათვის.

8.

შობის დღეებმა უხალისოდ, რაღაც ცუდის მოლოდინში ჩაიარა. ახალი წლის წინა დღეს, დილით ყავას რომ შეექცეოდნენ, ორლოვმა მოულოდნელად გამოაცხადა, რომ უფროსები მას განსაკუთრებული უფლებამოსილებით რომელიღაც გუბერნიაში რევიზიისათვის წასულ სენატორთან აგზავნიდნენ.

— წასვლა სულაც არ მინდა, მაგრამ, აბა, რა მოვიმიზეზო... — თქვა ვითომ გულისტკივილით და დასძინა: — სხვა რა გზაა, უნდა წავიდე.

ამ სიტყვების გაგონებაზე ზინაიდა ფეოდოროვნას ერთბაშად თვალები ჩაუწითლდა:

— დიდი ხნით მიდიხარ?

— დაახლოებით ხუთი დღით.

— მართალი გითხრა, თუ წახვალ, გამიხარდება კიდევაც... — ჩაფიქრებულმა წარმოთქვა ზინაიდა ფეოდოროვნამ, — ცოტას გაერთობი, გაუმიჯნურდები ვილაცას, მერე კი ჩამოხვალ და ყველაფერს მომიყვები. ხომ ასეა, ძვირფასო?

ხელსაყრელი წუთები ჩაუვარდებოდა თუ არა, ზინაიდა ფეოდოროვნა ცდილობდა, ორლოვისათვის ეგრძნობინებინა, რომ იგი მას იოტისოდენადაც არ ზღუდავდა, და რომ ორლოვს შეეძლო, ისე მოქცეულიყო, როგორც თავად მოესურვებოდა, თუმცა კი ამ გულუბრყვილო, თეთრი ძაფით ნაბლანდი სიცრუით არათუ არავინ ტყუვდებოდა, პირიქით, ამით ორლოვს ერთხელ კიდევ შეახსენებდა, რომ იგი თავისუფალი არ იყო.

— ალბათ ამ საღამოს წავალ, — თქვა ორლოვმა და გაზეითი გაშალა.

ზინაიდა ფეოდოროვნამ გადაწყვიტა, სადგურამდე გაეცილებინა, მაგრამ ორლოვმა გადაათქმევინა:

— ამერიკაში, ანდა ხუთი წლით ხომ არ მივდივარ, ხუთ დღეში უკვე აქ ვიქნები...

ხუთი საათისაკენ ორლოვმა ზინაიდა ფეოდოროვნას ხელი მოხვია, გულში ჩაიკრა, შუბლსა და ტუჩებში აკოცა და გამოემშვიდობა:

— აბა, შენ იცი, როგორ ჭკვიანადაც მოიქცევი, არ მოიწყინო უჩემოდ, — ჩაილაპარაკა ისეთი თბილი, ალერსიანი ხმით, რომ მეც კი გული ამიჩუყა. — გფარავდეს უფალი.

ზინაიდა ფეოდოროვნამ სახეში ხარბად ჩახედა, რათა რაც შეიძლება კარგად აღებეჭდა გონებაში ძვირფასი ნაკვთები, მერე კისერზე მკლავები ნახად შემოხვია და თავი მკერდზე დაადო.

— ბოდიშს ვისღი ჩემი იმ ჭირვეულობისათვის, — თქვა მან ფრანგულად, — უჩხუბრად აბა მოყვარული ცოლ-ქმარი ვის უნახავს? მე კი გაგიყვებით მიყვარხარ... არ დამივიწყო... ხშირ-ხშირად მიღებეშე და დაწვრილებით შემატყობინე შენი ამბავი.

ორლოვმა ერთხელ კიდევ აკოცა და ოთახიდან დარცხვენილი უსიტყვოდ გავიდა. შიგნიდან საკეტმა რომ გაიჩხაკუნა, შუა კიბეზე ჩაფიქრებული შეჩერდა და ზევით, კარისაკენ აიხედა... ასე მგონია, იქიდან ერთი უბრალო ხმაც რომ გავგონა, უსათუოდ უკან მიბრუნდებოდა, მაგრამ ზემოდან ჩამიჩუმიც არ ისმოდა. ორლოვმა შინელი გაისწორა და საფეხურებს გაუბედავად დაუყვა.

სადარბაზოს წინ კარგა ხანია უკვე მეეტლეები ელოდნენ. ორლოვი ერთ ეტლში ჩაჯდა, მე კი ჩემი ჩემოდნებიანად მეორეში ჩავჯექი. ძლიერი ყინვა იდგა, გზაჯვარედინებზე კოცონები ბოლავდა. ცხენები სწრაფად მიაქროლებდნენ ეტლს და ამ სწრაფი ქროლვისაგან ცივი ქარი სახესა და ხელებს მისუსხავდა, სუნთქვას მიკრავდა. ვიჯექი ეტლში თვალმდაბუჭული და ვფიქრობდი: მართლაცდა, რა დიდებული, რა შესანიშნავი ქალია! რა დიდი სიყვარულით უყვარს! ეზო-ეზო დღეს გადასაყრელ ნივთებსაც კი აგროვებენ, საქველმოქმედო მიზნით ახლა იმასაც კი ჰყიდიან და იყენებენ, ვატეხილ მინასაც აღარავინ აგდებს, აი ასეთი ძვირფასი განძი, ასეთი იშვიათობა კი, როგორიც ამ ახალგაზრდა, გონიერი, წესიერი ქალის ნატოფი სიყვარუ-



ლია, ფუჭად და ამოდ იკარგება. ერთ ძველ სოციოლოგს ყოვლად უგვანო ვნებაც კი იმ ენერგიად მიაჩნდა, რომელიც მცოდნე, უნარიანი კაცის ხელში შეიძლებოდა დიდ ძალად ქცეულიყო. აქ კი, აი, გაჩნდა ვნება, მეტიმეტად ლამაზიც და მეტიმეტად კეთილშობილიც, მაგრამ გაჩენისთანავე დასაღუბად განწირული, ზინაიდან, არათუ გაუგეს და უთანაგრძნეს, არამედ გააუხამსეს კიდევაც.

ერთბაშად მეეტლეებმა ეტლები შეაჩერეს. თვალი რომ გავახილეთ ვნებაზე, სერგეევის ქუჩაზე, ერთი დიდი შენობის წინ, პეკარსკის სახლთან ვდგავართ. მარხილიდან ვადმოსული ორლოვი სადარბაზოს კარებში შევიდა. ხუთიოდე წუთის შემდეგ სადარბაზოში პეკარსკის თავშიშველა ლაქია გამოჩნდა და სიცივისაგან გულმოსულმა დამიძახა:

— ყრუ ხარ, თუ რა? მეეტლეები გაუშვი და ზევით ამოდი, გეძახიან!

მეეტლეები გაუშვი და მეორე სართულისაკენ გაწვიე. ვერ გავიგე, რა ხდებოდა. პეკარსკის ბინაში უწინაც ვყოფილვარ — წინა ოთახიდან ძვირფასი ავეჯით, ბრწყინვალე ჩარჩოებიანი სურათებითა და ბრინჯაოს ნივთებით მორთული დარბაზი მოჩანდა. უღიმღამო, პირქუში ქუჩიდან შემოსული მე მას მუდამ გაოცებაში მოყვავდი. და აი, ძვირფას, მოელვარე ნივთებს შორის ოთახში თვალი ქართველსა და კუკუშკინს მოვკარი, რომლებსაც მალე ორლოვიც შეუერთდა.

— იცი რა, სტეპან, — თქვა ორლოვმა და ჩემკენ წამოვიდა, — პარასკევსა ან შაბათამდე აქ ვიცხოვრებ. რაიმე წერილი ან ტელეგრამა თუ მოვიდა, მაშინვე მომიტანე. სახლში, რა თქმა უნდა, იტყვი, წავიდა-თქო. მოკითხვა არ დაგავიწყდეს. აბა, შენ იცი, ღმერთმა ხელი მოგიმართოს!

შინ რომ დავბრუნდი, ზინაიდა ფეოდოროვნა სასტუმრო ოთახში სოფაზე იწვა და მსხალს მიირთმევდა. ოთახში მხოლოდ კანდელაბრში ჩადგმული ერთადერთი სანთელი ციმციმებდა.

— მატარებელზე ხომ არ დაგაგვიანდათ? — მკითხა ზინაიდა ფეოდოროვნამ.

— არა, ქალბატონო... მიბრძანეს, მოკითხვა ვადმომეცა.

ვუთხარი ზინაიდა ფეოდოროვნას და მაშინვე ჩემი ოთახისაკენ გაწვიე. წაკითხვა არ მესალისებოდა, არც საქმე მქონდა არაფერი, ავდექი და ლოგინში ჩავწექი. არა, აღშფოთებული არ ვიყავი, არც გაოცებული, ოღონდ თავს ძალას ვატანდი, გონებას ვძაბავდი, რათა გამეგო, რისთვის დასჭირდა ორლოვს ეს სიცრუე. ასე ხომ მხოლოდ ცხვირმოუხოცავი ბიჭები ატყუებენ თავიანთ საყვარლებს, ნუთუ ამ მრავლის წამკითხავმა, ჭკუა-გონებით სავსე კაცმა უფრო გონივრული ვერაფერი მოიგონა-მეთქი. გამოვიტყდებით, მისი ჭკუა-გონების შესახებ მაშინ არცთუ ისე ცუდი აზრისა გახლდით. ვფიქრობდი, თავისი მინისტრის ან სხვა ვინმე ძალაუფლებით მოსილი კაცის მოტყუება რომ დასჭირებოდა, რას არ მოიფიქრებდა, რა ძალასა და ენერგიას არ დახარჯავდა, აქ კი, ქალის მოსატყუებლად, როგორც ჩანს, რაც პირველი მოაფიქრდა, ის იკმარა — გამოევა, ხომ კარგი, არადა, არც ეს არის დიდი უბედურება, მეორედაც ასევე ურცხვად და უტიფრად იცრუებს, თავს არც მაშინ არ შეიწყუბებს-მეთქი.

შუალამისას ზედა სართულზე ახალი წლის შესახვედრად სკამები რომ აახმაურეს, ვაშა რომ შესძახეს, კაბინეტის გვერდითა ოთახიდან ზინაიდა ფეოდოროვნამ დამირეკა. დიდხანს წოლისაგან მოთენთილი მაგიდასთან იჯდა და ქალაღლის ნაგლეჯზე რაღაცას წერდა.

— დეპეშა მინდა გავაგზავნო, — მითხრა და გაიღიმა, — სასწრაფოდ სადგურში წადით, სთხოვეთ, ახლავე გააგზავნონ.

ქუჩაში რომ გავედი, ქალაღის იმ ნაგლეჯს დავხედე: „გილოცავ ახალ წელს, გისურვებ ბედნიერებას. სასწრაფოდ მიდებეშე. ძალიან მენატრები. ასე მგონია, მთელი საუკუნე გავიდა. ვწუხვარ, დეპეშასთან ერთად ათასი კოცნისა და გულის გამოგზავნა რომ არ შემიძლია. აბა, შენ იცი, ჩემო სიხარულო, არ მოიწყინო. ზინა“.

ღებემა გავაგზავნე და ქვითარი მეორე დღეს ზინაიდა ფეოდოროვნას გადავეცი.

9.

ყველაზე ცუდი ის იყო, რომ თავისი საიდუმლო ორლოვმა უნებლიეთ პოლიასაც გაანდო — უბრძანა, პერანგები სერგეევის ქუჩაზე მიეტანა. ამ დღიდან პოლია ზინაიდა ფეოდოროვნას ჩემთვის სრულიად გაუგებარი ზიზღითა და ნიშნის მოგებით უყურებდა. სადაც არ უნდა ყოფილიყო, თავის ოთახსა თუ წინკარში, სიამოვნებისაგან სულ ფრუტუნებდა.

— ძალიან არ გაუტკბა! ახლა კი ეყოფა, კმარა! — ამბობდა იგი აღტაცებული. — არა, თვითონაც ხომ უნდა მიხვდეს!..

იგი უკვე ყნოსვით გრძნობდა, რომ ზინაიდა ფეოდოროვნას ჩვენს სახლში დიდხანს ცხოვრება აღარ ეწერა და შემთხვევას არ უშვებდა — თუ რამ თვალში მოუვიდოდა, ყველაფერს ჰპარავდა: ფლაკონებს, კუს ბაკნის თმის სარჭებს, თავსაფრებსა თუ ფეხსაცმელს. ახალი წლის მეორე დღეს ზინაიდა ფეოდოროვნამ თავის ოთახში მიხმო და, შავი კაბა დაშეკარგაო, — ჩურჩულით შემომჩივლა. მერე კი დადიოდა ოთახიდან ოთახში და აღელვებული თავისთავს ელაპარაკებოდა:

— წარმოგიდგენიათ?! არა, გინახავთ ამისთანა თავხედობა?!

სადილზე ზინაიდა ფეოდოროვნა წვნიანს რომ ისხამდა, ხელები უკანკალებდა, ტუჩები უთრთოდა, წვნიანით სავსე თეფშს უმწეოდ დასჩერებოდა და ელოდა, კანკალი როდის გაუელიდა. უცებ თავი ვედარ შეიკავა და პოლიას შეხედა:

— თქვენ, პოლია, შეგიძლიათ წახვიდეთ, სტეპანიც საკმარისია, მეტი არავინ მჭირდება.

— რა გვიჭირს, ვიდგებით, — უპასუხა პოლიამ.

— თქვენი აქ დგომა საჭირო არ არის, წადით აქედან... სულ წადით! — თქვა მეტისმეტად აღელვებულმა ზინაიდა ფეოდოროვნამ და წამოდგა. — შეგიძლიათ სხვაგან ეძებოთ სამუშაო... ახლავე, ახლავე წადით აქედან!

— ვიდრე ბატონი არ მიბრძანებს, არსადაც არ წავალ, მე თქვენ კი არა, ბატონმა დამიქირავა. !

— მე გიბრძანებთ, მე ვარ ამ სახლის დიასახლისი! — თქვა ზინაიდა ფეოდოროვნამ და გაწითლდა.

— რა ვიცი, შეიძლება ხართ კიდევაც, მაგრამ ჩემი დათხოვნა მარტო ბატონის საქმეა, ბატონმა დამიქირავა.

— როგორ ბედავთ! ახლავე... ახლავე წადით აქედან! — იყვირა ზინაიდა ფეოდოროვნამ და თეფშს დანა დაარტყა. — ქურდი ხართ, გესმით, ქურდი!

მერე ხელსახოცი მაგიდაზე დააგდო და საბრალო, გაწამებული სასადილო ოთახიდან გავარდა. მალე უკან ატირებული პოლიაც გაჰყვა. იგი ხმამაღლა მოთქვამდა. წვნიანი და გნოლი გაცივდა. რესტორნიდან მოტანილი, მაგიდაზე გაწყობილი მთელი ეს საუცხოო სადილი რატომღაც მწირი და პოლიასავე უბადრუკი მეჩვენა, განსაკუთრებით საინზე დადებული ორი ღვეხელი, რომლებიც თითქოს გეუბნებოდნენ — დღეს ჩვენ ისევ რესტორანში წავვიდებენ, ხვალ კი ჩვენს თავს ვინმე ჩინოვნიკს ან გამოჩენილ მომღერალს მიართმევენო.

— ოპ-ოპ, გამოძივიდა ესეც თავმომწონე ქალბატონი! — მოისმა პოლიას ოთახიდან. — რომ მომენდომებინა, სინდის-ნამუსზე ხელი რომ ამელო, დიდი ხანია მეც ასეთი ქალბატონი ვიქნებოდი! ვნასოთ, ჩვენ ორს შორის რომელი გავა ამ სახლიდან პირველი! დიას, დიას!

ამ დროს ზინაიდა ფეოდოროვნამ დამირეკა. ოთახში რომ შევიდა, დასჯილი ბავშვივით კუთხეში მიმჯდარმა მკითხა:

— დეპეშა ხომ არ მოუტანიათ?

— არა, ქალბატონო.

— შევიცართან მოიკითხეთ, იქნებ მასთან იყოს, ოღონდ სახლიდან არ გახვიდეთ, — მომაცოლა ზინაიდა ფეოდოროვნამ, — მარტო დარჩენის მეშინია.

მას მერე თითქმის საათში ერთხელ — დეპეშა ხომ არ არის-მეთქი, — შევიცართან გავრბოდი. უნდა გამოგიტყდეთ, მართლაც რომ საშინელი დღეები იყო. ვაითუ პოლიას შევეჩხვოთ, ზინაიდა ფეოდოროვნა კაბინეტიდან არ გამოდიოდა. ჩაისაც კაბინეტში სვამდა, სადილსაც იქ მიირთმევდა და ძალითაც იქვე, „ე“-ს მოყვანილობის მოკლე დივანზე ეძინა, ლოგინსაც თვითონ იშლიდა. პირველ დღეებში მის მიერ ორლოვთან გასაგზავნი დეპეშები მე მიმქონდა ფოსტაში, მაგრამ იმის გამო, რომ დეპეშებზე პასუხი არ ჩანდა და უკვე აღარ მენდობოდა, ტელეგრაფში ახლა თვითონ ზინაიდა ფეოდოროვნამ დაიწყო სიარული. მისი შემხედვარე მეც უკვე მოუთმენლად ველოდი, დეპეშა როდის მოვიდოდა. ეჭვი არ მეპარებოდა, ორლოვი ამჯერადაც რაიმე ახალ სიცრუეს მოიფიქრებდა, მაგალითად, განკარგულებას გასცემდა, დეპეშა რომელიმე სადგურიდან გამოეგზავნათ. ვთქვათ, თვითონ გადაჰყვებანქოს თამაშს, ანდა უკვე მოასწრო და ვიღაც სხვა ქალითაა გატაცებული, ეჭვი არ არის, ჩვენს თავს ქართველი და კუკუშკინი უსათუოდ შეახსენებენ-მეთქი, — ვფიქრობდი. მაგრამ, ამოდ... დღეში ხუთჯერ მაინც შევიდოდი ზინაიდა ფეოდოროვნასთან, რათა ბოლოს და ბოლოს დაწვრილებით მეთქვა ყველაფერი, სინამდვილეში რა იყო და რა ხდებოდა, მაგრამ, ისე უაზროდ შემომხედავდა, ისეთი მობუზული და მხრებჩამოყრილი იჯდა, ტუჩები ისე უთრთოდა, შევხედავდი და უსიტყვოდ უკანვე გამოვბრუნდებოდი. თანაგრძნობა და სიბრალული გამბედაობას მართმევდა, ხელ-ფეხს მიბორკავდა. სამაგიეროდ მხიარული და კმაყოფილი პოლია არხეინად დაფუსფუსებდა ბატონის კაბინეტსა და საძინებელში. კარადებში იქექებოდა, ჭურჭელს აჩხარუნებდა, ზინაიდა ფეოდოროვნას კარწინ რომ ჩაივლიდა, ხმამაღლა მღეროდა, ახველებდა, ზინაიდა ფეოდოროვნა კი რაც შეეძლო, თავს არიდებდა, ემალებოდა და პოლიაც მეტად კმაყოფილი იყო ამით. სადამოთბობით გავიდოდა პოლია სახლიდან და შინ ღამის ორ-სამ საათზე ადრე არასოდეს ბრუნდებოდა. ზარს დარეკავდა, გავუღებდი კარს და, რა არის, რამდენს ახველებო, მაშინვე საყვედურს მომაცოლებდა. იმავე წუთს ახლა მეორე ზარი აწკრილდებოდა და ახლა კაბინეტის გვერდითა ოთახისაკენ გავრბოდი, სადაც ზინაიდა ფეოდოროვნა უკვე კარებში თავგამოყოფილი მუდოდა. „ვინ იყო, ვინ დარეკა?“ — მკითხავდა და — დეპეშა ხომ არ უჭირავსო — ხელეში მომაჩერდებოდა.

შაბათს, როცა ბოლოსა და ბოლოს, როგორც იქნა, სადარბაზოს ზარი დარეკეს და კიბეზე ნაცნობი ფეხის ხმა გაისმა, ზინაიდა ფეოდოროვნა მეტისმეტი სიხარული-საგან ხმამაღლა აქვითინდა. იგი ორლოვის შესახვედრად გავარდა, გულში ჩაეხუტა, მკერდსა და სახელოებს უკოცნიდა და რაღაცას გაუგებრად ელაპარაკებოდა. მეკარემ ჩემოდნები შემოიტანა, გაისმა პოლიას მხიარული ხმა. ყველა ისეთი გახარებული იყო, თითქოს არდადეგებზე ჩამოსულ ოჯახის წევრს ხვდებოდა.

— რატომ არ მიდებეშე? — ამბობდა ზინაიდა ფეოდოროვნა და სიხარულისა-

გან ძლივს სუნთქავდა. — რატომ? რატომ? დავიტანჯე, ლამის სული ამომხდა შენს ლოდინში... ო, ღმერთო... ღმერთო ჩემო!

— რატომ და, მე და. სენატორი იმავე დღეს მოსკოვში წავედი, არც ერთი შენი დეპეშა არ მიმიღია... სადილის შემდეგ, ჩემო სულიკო, ყველაფერს დაწვრილებით მოგიყვები, ახლა კი უნდა ვიძინო და ვიძინო... რომ იცოდეს, როგორ დამღალა მატარებელში ჯდომამ და მგზავრობამ... — უთხრა ორლოვს.

მართლაც, აშკარად ეტყობოდა, რომ უძილო იყო — როგორც ჩანს, მთელი ღამე სმასა და ბანქოს თამაშში გაეტარებინა. ზინაიდა ფეოდოროვნამ იგი მაშინვე ლოგინში ჩააწვინა, ჩვენ კი, არ გაიდვიძოსო, შებინდებამდე ფეხისწვერებზე დავდიოდით. სადილმაც იმ დღეს მშვიდობიანად ჩაიარა, მაგრამ ყავის დასალევად კაბინეტში რომ შევიდნენ, ზინაიდა ფეოდოროვნამ ლაპარაკი გაუბა. რაღაცას ხმამაღლა ელაპარაკებოდა ფრანგულად და მისი ეს საუბარი ნაკადულის რაკრაკს ჰგავდა. მერე ორლოვის ხმამაღალი ოხვრა მომესმა.

— ღმერთო ჩემო, — თქვა იზანაც ფრანგულად, — ნუთუ სათქმელი სხვა აღარაფერი გაქვთ, როდემდე უნდა ილაპარაკოთ მაგ უკეთურ მოსამსახურეზე, არ მოგბეზრდათ ეგ ძველი ლათაიები?!

— კი, მაგრამ, ძვირფასო, მან ხომ გამძარცვა, რა აღარ მაკადრა.

— საინტერესოა, მე რატომ არ მძარცვავს, ჩემთან რატომ არ თავხედობს? რა მიზეზია, რომ მათ მე ვერასოდეს ვამჩნევ — მოსამსახურეებს, მეუზოვეებს, ლაქიებს? უბრალოდ, ჭირვეულობთ, ჩემო თვალისჩინო, არ გინდათ, ცოტა თავი შეიკავოთ. მე მგონი, ორსულად ხართ... ხომ გითხარით, გავუშვათ-მეთქი, თქვენ კი — გინდა თუ არა, იყოსო. ახლა ისევ მეუბნებით, გააგდეთ. თქვენ გინდათ, წავიდეს, მე კი, აი, მინდა რომ დარჩეს. მხოლოდ ასე თუ განვკურნავ თქვენს ნერვებს.

— კარგი, კარგი! — უთხრა შეშინებულმა ზინაიდა ფეოდოროვნამ, — ეს ლაპარაკი ხვალისათვის გადავდეთ. ახლა კი მოსკოვის ამბები მომიყევი, რა არის, რა ხდება ახალი მოსკოვში?

10.

მეორე დღეს, შვიდ იანვარს, იოანე ნათლისმცემლობას, ისაუხმა თუ არა, ორლოვი შავ ფრაკში გამოეწყო, ორდენი ჩამოიკიდა და სახელწოდების დღის მისალოცად მამასთან წასასვლელად მოემზადა. შინიდან ორ საათზე უნდა გასულიყო, მაგრამ ორის ნახევრისათვის იგი უკვე ჩაცმული და გამზადებული გახლდათ. აღარ იცოდა, რა ექნა, ეს ნახევარი საათი როგორ გაეყვანა. დადიოდა სასტუმრო ოთახში წინ და უკან და იმ მისალოც ლექსებს ამბობდა, ოდესღაც ბავშვობაში დედასა და მამას რომ უკითხავდა. არ ვიცი, მკერავთან, არ ვიცი, მაღაზიაში წასასვლელად გამზადებული ზინაიდა ფეოდოროვნაც იქვე იჯდა და ორლოვს გაღიმებული უსმენდა. რით დაიწყო მათი საუბარი, ვერ გეტყვით. მაგრამ, ორლოვს ხელთათმანები რომ მივუტანე, იგი ზინაიდა ფეოდოროვნას წინ იდგა და გაღიზიანებული, მუდარით სავსე გამომეტყველებით ეუბნებოდა:

— ღვთის გულისათვის, ყველა წმინდანის გულისათვის, კმარა, იმაზე მაინც ნუღარ ილაპარაკებთ, რაც უკვე ყველასათვის ცნობილია! ეს რა უბედური ნიჭი და უნარია, რა სჭირთ ამ ჩვენს ჭკვიან, მოაზროვნე ქალებს, ისეთ რამეებზე მსჯელობენ დიდის გატაცებითა და სერიოზულობით, რამაც კარგა ხანია თვით გიმნაზიის მოწაფეებსაც კი თავი მოაბეზრა. ეჰ, რა კარგი იქნებოდა, ჩვენი ცოლქმრული ცხოვრების

პროგრამიდან ყველა ეს სერიოზული საკითხი ამოგელოთ! რომ იცოდეთ, როგორ დამავალდებდით!

— ესე იგი, გამოდის, ქალებს საკუთარი აზრი არ უნდა გააჩნდეთ!

— მე თქვენ გაძლევთ სრულ თავისუფლებას, იყავით ლიბერალი, მოიყვანეთ რომელიც გნებავთ იმ ავტორის ციტატა, მაგრამ დამდეთ პატივი და ჩემი თანდასწრებით აი, ამ ორზე — მაღალი საზოგადოების უმაქნისობა-ბოროტებასა და ქორწინების შეუსაბამობაზე ნურასოდეს იმსჯელებთ. ბოლოს და ბოლოს ხომ უნდა მიხვდეთ, ხომ უნდა გაიგოთ, მაღალ საზოგადოებას მხოლოდ იმიტომ ლანძღავენ, რათა ვაჭრებს, მღვდლებს, გლეხებს, ვიღაც ნიკიტებსა და სიდორებს დაუპირისპირონ. მე ერთიც მიძულს და მეორეც, მაგრამ, რომ მკითხონ, ამ ორს შორის რომელს ამოირჩევო, არც კი დავფიქრებოდი, ისე დავასახელებდი მაღალ საზოგადოებას, ვინაიდან მთელი ჩემი გემოვნებით მაღალ საზოგადოებას ვეკუთვნი. ვთქვათ, ჩვენი საზოგადოება არის კიდევაც უხამსი, ვთქვათ, ქარაფშუტა და თავქარიანებიცა ვართ, სამაგიეროდ მე და თქვენ ფრანგულად მაინც შეგვიძლია რიგიანი საუბარი, რაღაც-რაღაცებს ანგარიშს ვუწევთ და მაშინაც კი, როდესაც ძალიან ეჩხუბობთ, არ ვიგინებით და გვერდებს არ ვუმტვრევთ ერთმანეთს. აი, სიდორებისა, ნიკიტებისა და მათი უღირსებულესობებისათვის კი — თუ არ გამიგონე, აეხლა ინგრე ჩაცხებ მაგ თავში, თვალებს გადმოგაყრევინებო, — ჩვეულებრივი ამბავია. ჩვეულებრივი ამბავია კერპთმსახურება და უხამს ზნე-ჩვეულებათა სრული აღვირახსნილობა.

— რომ იცოდეთ, სწორედ იმ სიდორებისა და ნიკიტებისაგან გიღვათ სული, ისინი გკვებავენ.

— ვთქვათ ასეა, მერედა, რა ვუყოთ? ეს არა მარტო მე მახასიათებს ცუდად, არამედ იმათაც. მასმევენ, მაჭმევენ, თან ფეხქვეშაც მეგებიან, ესე იგი, სხვაგვარი მოქცევისათვის არც ჭკუა ჰყოფნით, არც პატიოსნება. ისე, მე არც არავის ვლანძღავ, არც ვაქებ, მე მხოლოდ ერთი რამ მინდა ვთქვა: მაღალი საზოგადოებაა თუ დაბალი, ერთმანეთს არსად წაუვლენ. სიმართლე თუ გინდათ, გულითა და გონებით მე არც ერთი მომწონს, არც მეორე, მაგრამ ჩემი გემოვნება მაინც პირველს არჩევს. რაც შეეხება ქორწინებას... — განაგრძო ორლოვმა და თან საათს დახედა, — დროა გაიგოთ, რომ ამაში არანორმალური არაფერია, არის მხოლოდ რაღაც გაურკვეველი მოთხოვნები. არ ვიცი, მაინც რა გინდათ, რას მოითხოვთ ქორწინებისაგან? თანაცხოვრების — კანონიერი იქნება იგი თუ უკანონო, ყოველგვარი კავშირის — ცუდი იქნება ის თუ კარგი — არსი ერთია. აი, თქვენ, ქალები, მხოლოდ ამით ცოცხლობთ. თქვენი ცხოვრების დედაარსი მხოლოდ ესაა, იგი თქვენთვის ყველაფერია. უმისოდ თქვენს არსებობას თქვენსავე თვალში არავითარი აზრი და მნიშვნელობა არა აქვს. იმ არსის გარდა თქვენ არც არაფერი გინდათ, არც არაფერი გჭირდებათ და ღებულობთ კიდევაც, მაგრამ მას შემდეგ, რაც მოთხოვნების კითხვა დაიწყეთ, უკვე შეგრძნვით მისი მიღებისა, ამიტომაც აქეთ-იქით აწყდებით, წინდაუხედავად, განურჩევლად იცვლით მამაკაცებს და როგორმე მთელი ეს ალიაქოთი რომ გაამართლოთ, ქორწინების შეუსაბამობას აბრალებთ ყველაფერს. ვიდრე თქვენ არ შეგიძლიათ და არც გინდათ მოიშოროთ თქვენი ეს ყველაზე დიდი მტერი, თქვენი ეს სატანა, ვიდრე თქვენ მას ასე მონურად ემსახურებით, ყოველგვარ სერიოზულ საუბარზე ლაპარაკიც კი ზედმეტია! ყველაფერი, რაც არ უნდა მითხრათ, მხოლოდ სისულელე და თვალთმაქცობა იქნება, სულერთია, მე ვერასოდეს დაგიჯერებთ.

ამ საუბარში რომ იყვნენ, მე შევიცართან ჩავედი, რათა გამეგო, მეეტლე იყო თუ არა მოსული, მაგრამ უკან რომ დავბრუნდი, ისინი უკვე ჩხუბობდნენ. როგორც მუხღვაურები იტყვიან, ქარიშხალი თანდათან მატულობდა.

— ვხედავ, დღეს აი მაგ თქვენი ცინიზმით გინდათ დამამარცხოთ, — ამბობდა მეტისმეტად აღელვებული ზინაიდა ფეოდოროვნა და ოთახში მიმოდრიოდა. — არა, არ შემიძლია, თქვენი მოსმენა გულს მირევს. მე კი მოსანანიებელი არაფერი მაქვს, ვინაიდან სუფთა ვარ კაცისა და ღმერთის წინაშე. დიას, მივატოვე ქმარი და თქვენთან წამოვედი, მაგრამ მე მხოლოდ ვამაყოფ ამით.

— კი ბატონო, ასე იყოს.

ეროვნული
ბიბლიოთეკა

— თუ თქვენ პატიოსანი და წრფელი ადამიანი ხართ, თქვენც ასევე უნდა იამაყოთ ჩემი ამ საქციელით. იგი ჩვენ გვამაღლებს, მეცა და თქვენც იმ ათასობით ადამიანზე მაღლა გვაყენებს, რომლებიც სიამოვნებით მოიქცეოდნენ ისე, როგორც მე მოვიქეცი და მხოლოდ რაღაც წვრილმანი ანგარებისა თუ თავიანთი სულმოკლეობის გამო ვერ ბედავენ. მაგრამ, საქმე ისაა, რომ თქვენ პატიოსანი არა ხართ, თქვენ თავისუფლების გეშინიათ და სწორედ შიშის გამო დასცინით ჩემს ამ პატიოსან სწრაფვას თუ აღტაცებას. გეშინიათ, ვინმე უბირმა და უმეცარმა ეჭვის თვალით არ შეხედოს თქვენს წესიერებას... თქვენ ჩემი გეშინიათ, ყოველნაირად ცდილობთ, ნაცნობებთან არ გამომაჩინოთ, თქვენთვის ყველაზე დიდი სასჯელია, ჩემ გვერდით ქუჩაში ვინმემ რომ დაგინახოთ... რაო, განა მართალს არ ვამბობ? თუ ასეა, აქამდე მამათქვენთან და თქვენს ბიძაშვილთან რატომ არ წარმადგინეთ? რატომ?.. არა, მე უკვე მომბეზრდა ეს ყველაფერი, კმარა! — წამოიძახა ზინაიდა ფეოდოროვნამ და ფეხი დააბაკუნა. — მე მოვითხოვ იმას, რაც წესითაც მეკუთვნის და კანონითაც: კეთილინებუთ და წარმადგინეთ მამათქვენთან!

— თუ ეს თქვენთვის ასე აუცილებელია, ადექით და თქვენ თვითონ წარუდგინეთ თქვენი თავი! მიღება ყოველდღე აქვს, ათიდან თორმეტის ნახევრამდე.

— რა მდაბალი ადამიანი ხართ! — თქვა ზინაიდა ფეოდოროვნამ, იგი სასოწარკვეთილებისაგან ხელებს იმტვრევდა. — თუნდაც გულწრფელი არ იყოს თქვენი სიტყვები, თუნდაც იმას არ ამბობდეთ, რასაც ფიქრობთ, მხოლოდ ამ სიმკაცრისათვისაც კი შეიძლება შეგიძულეთ ადამიანმა. ღმერთო ჩემო, რა სულმდაბალი, რა უსინდისო ხართ!

— საქმეს ჩვენ მხოლოდ შორიანხლოს ვუტრიალებთ, მის ჭეშმარიტ არსზე არაფერს ვამბობთ. მისი ჭეშმარიტი არსი კი ის გახლავთ, რომ თქვენ ძლიერ შეცდით, ამისი ხმამაღლა აღიარება კი არა გსურთ... თქვენ მე გმირად წარმომიდგინეთ, რაღაც განსაკუთრებული იდეებისა და იდეალების პატრონად, ბოლოს კი ხელთ ერთი ჩვეულებრივი ჩინოვნიკი და ბანქოს მოთამაშე შეგვჩაბო, რომელსაც არავითარი სურვილი, არავითარი სწრაფვა არ გააჩნია იმ ევრეთ წოდებული იდეებისაკენ, და რომ მე ერთი ღირსეული ნაშეური ვარ იმ დამბალი საზოგადოებისა, რომელსაც თქვენ სწორედ მისი უშინაარსობისა და უხამსობის გამო გამოექეცით. არა, რატომ არ გინდათ, გულწრფელად აღიაროთ, რომ ჩემზე კი არა, საკუთარ თავზე ხართ გულმოსული, ვინაიდან ჩემში კი არა, საკუთარ თავში შეცდით.

— დიას, ვაღიარებ... ვაღიარებ რომ შევცდი.

— ღმერთსა მაღლი!.. როგორც იქნა, შევთანხმდით მთავარზე. ახლა რაც შეეხება დანარჩენს: თუ გნებავთ, თუ სურვილი გაქვთ, მომისმინეთ... თქვენამდე ამალღება ჩემთვის შეუძლებელია, ვინაიდან უკვე მეტისმეტად გარყვნილი და გაფუჭებული ვარ. დამდაბლებით კი, არც თქვენ არ შეგიძლიათ ჩემამდე დამდაბლება, რამეთუ მეტისმეტად მაღლა დგახართ. გამოდის, რომ მხოლოდ ერთიღა დაგვრჩენია.

— რა? რა დაგვრჩენია?! — წამოიძახა ქალღმერთით გაფითრებულმა ზინაიდა ფეოდოროვნამ და სუნთქვა შეიკრა.

— რა და, საჭიროა ლოგიკას მოვეუხმით საშველად...

— გეორგი, ასე რატომ მაწამებთ? — თქვა ხმაგაბზარულმა ზინაიდა ფეოდოროვნამ რუსულად. — რატომ? ნუთუ არ გესმით, როგორ ვიტანჯები?

არ იტიროსო, შეშინებულმა ორლოვმა კაბინეტისაკენ გასწია და წარმოდგენა არა მაქვს, რატომ და რა მიზეზით — იქნებ უნდოდა, მეტი გულიტკივილი მიეყენებინა, ანდა იქნებ ამგვარი შემთხვევების დროს, უბრალოდ, ასეა მიღებული — შევიდა თუ არა, კარი გასაღებით ჩაკეტა. ქალმა ერთი წამოიკივლა კარისკენ და კარისკენ თების შარიშურით უკან გაეკიდა.

— რა იყო, რა მოგივიდათ? — ეკითხებოდა და თან კარზე აკაკუნებდა. — რა დაგემართათ?... — თქვა ბოლოს მიმქრალი, გაოცებისაგან ათრთოლებული ხმით. — აა, ესე იგი... ჰოდა, რადგან ასეა, მძულხართ, მეზიზღებით! მორჩა, ჩვენ შორის ყველაფერი გათავებულია!..

მერე ერთბაშად ისტერიული ტირილი აუვარდა. ტიროდა და თან გიჟივით ხარხარებდა. ამ დროს სასტუმრო ოთახში მაგიდიდან, ეტყობა, რაღაც ჩამოვარდა და გატყდა. ორლოვმა მეორე კარით კაბინეტიდან წინკარში გადაინაცვლა. შინელს გამაღებით იცვამდა და შეშინებული აქეთ-იქით იყურებოდა. ბოლოს ცილინდრიც დაიხურა და სახლიდან გავიდა.

გაიარა ნახევარმა საათმა... ერთმა საათმა... ზინაიდა ფეოდოროვნა კი სულ ტიროდა და ტიროდა. გამასხენდა, რომ ამქვეყნად მას არავინ გააჩნდა, არც დედა, არც მამა, არც ნათესავი და მახლობელი, აქ კი იმ ორ მოძულე ადამიანს შორის ცხოვრობდა, რომელთაგან ერთი თვალისდასანახად ვერ იტანდა, მეორე კი, დროს იხელთებდა თუ არა, ძარცვავდა. ამის გაფიქრებაზე, ვერ წარმოიდგენთ, მისი ცხოვრება როგორი უნუგეშო და უსიხარულო მეჩვენა! მე ჰვითონაც არ ვიცი, რატომ შევედი მასთან სასტუმრო ოთახში. ზინაიდა ფეოდოროვნა, ბავშვივით უსუსური და უილაჯო ქალი, რომელიც ჩემთვის მუდამ სინაზისა და სინატიფის განსახიერება იყო, სწეულივით იტანჯებოდა. იგი ტახტზე იწვა, სახე ბალიშში ჩაერგო და მთელი სხეული უთრთოდა.

— რას მიბრძანებთ, ექიმო ხომ არ მოგიყვანოთ? — ეკითხე ჩუმად.

— არა, არ მინდა... არაფერია, — თქვა და ნამტირალევი თვალებით შემომხედა. — უბრალოდ, თავი მტკივა... მადლობელი ვარ.

მაშინვე ოთახიდან გამოვედი. ზინაიდა ფეოდოროვნამ მთელი ის საღამო წერილების წერაში გაატარა. ამ წერილებიდან ერთი პეკარსკისთან გამატანა, ერთი კუკუშკინთან, ერთიც ქართველიან და ბოლოს მიბრძანა, რაღაც არ უნდა დამჯდომოდა, ორლოვი სასწრაფოდ მომეძებნა და ეს წერილი მისთვის გადამეცა. სად არ წავედი, სად აღარ ვეძებე, მაგრამ ორლოვი ვერსად ვიპოვე. ზინაიდა ფეოდოროვნა ხან მთხოვდა, ხან მეჩხუბებოდა, მუჭაში ფულს ძირიდა, მემუდარებოდა, როგორმე მომეძებნა. მთელი ის ღამე თვალი არ მოუხუჭავს, იჯდა სასტუმრო ოთახში და საკუთარ თავს ელაპარაკებოდა. მეორე დღეს ორლოვი მინ შუადღისას დაბრუნდა. არ გაევლო ორიოდე წუთსაც, რომ ისინი უკვე შერიგებულები იყვნენ.

მაგრამ პირველსავე ხუთშაბათობაზე ორლოვმა ძმაკაცებთან მოიჩივლა, ცხოვრება ჩემთვის აუტანელი გახდაო. იგი ძალიან ბევრს ეწეოდა და აშკარად ეტყობოდა, რომ გაღიზიანებული იყო:

— ეს ცხოვრება კი არა, ინკვიზიციაა. ცრემლი, ქვითინი, პატიების თხოვნა, სინანული, მერე ისევ ცრემლი, ისევ ქვითინი და აი, გამოდის, რომ ახლა მე საკუთარი ჭერიც აღარა მაქვს, თავადაც გავწამდი, ისიც გავაწამე. მაინც რამდენ ხანს უნდა ვიყო ამ დღეში — ერთი თვე, ორი თვე...

— შენც ადექი და დაელაპარაკე, — უთხრა პეკარსკიმ.

— ვცადე, მაგრამ არაფერი გამომივიდა. დამოუკიდებელ, გონებადადინჯებულ ადამიანს შეგიძლია პირდაპირ, მოურიდებლად უთხრა ყველაფერი, მაგრამ აქ სომ ისეთ ადამიანთან გაქვს საქმე, რომელსაც არც ნებისყოფა გააჩნია, არც ხასიათის სიმტკიცე და არც ლოგიკა. მტირალი ქალის დანახვაზე მაშინვე ფარ-ხმოსა ვყრი. როგორც კი ზინაიდა ფეოდოროვნას ატირებულს დავინახავ, ცრემლი ყელში მეზღინება, მზად ვარ, საუკუნო სიყვარულიც კი შევფიცო.

პეკარსკიმ ვერაფერი გაიგო, შეფიქრებულმა ფართო შუბლი მოისრისა და უთხრა:

— ამდგარიყავი და დაგეჭირავენბინა ცალკე ბინა, მაგაზე ადვილი რა არის.

— იმას ბინა კი არა, მე ვუნდივარ. რა ვიცი, უკვე აღარ ვიცი, რა ვთქვა. — ამოიოხრა ორლოვმა. — ამდენს ვლაპარაკობთ, ვლაპარაკობთ, მდგომარეობიდან გამოსავალი კი არა და არ ჩანს. უდანაშაულო დამნაშავეც ამას პქვია! ნათქვამია, ვირს პიტნა ეჯავრებოდა და ცხვირში ატენიდნენო. მთელი ჩემი სიცოცხლე გმირის როლს გავურბოდი, ტურგენევის რომანები არასოდეს მიზიდავდა. და აი, ერთიც ვნახოთ, ნამდვილი გმირის როლში არ აღმოვჩნდი! აბა, სადაური გმირი მე ვარ-მეთქი, ვეფიცები, რა დამამტკიცებელი საბუთი აღარ მომყავს, მაგრამ ვინ გიჯერებს! რატომ არ მიჯერებს? რატომ და, ეტყობა, რალაც გმირული მაქვს გამომეტყველებაში.

— გირჩევ, გუბერნიაში წახვიდე რევიზიის ჩასატარებლად, — უთხრა სიცილით კუკუშკინმა.

— სხვა რა დამრჩენია.

ამ საუბრიდან ერთი კვირაც არ იყო გასული, რომ ორლოვმა განაცხადა, სენატორთან მივლინებაში მაგზავნიანო, და იმავე საღამოს თავისი ჩემოდნებიანად პეკარსკისთან გადაბარგდა.

11.

ზღურბლზე სამოცდაათიოდე წლის კაცი იდგა, ტანთ გრძელი, მიწამდე დაშვებული ქურქი ეცვა, თავზე თახვის ქუდი ეხურა.

— გეორგი ივანიჩი სახლშია? — იკითხა კაცმა.

თავდაპირველად გავიფიქრე, ალბათ ვიღაც მევახშეა, ქართველის რომელიმე კრედიტორი, ორლოვთან ხანდახან წერილმანი ვალების მისაღებად რომ მოდიან-მეთქი, მაგრამ წინა ოთახში რომ შემოვიდა, ქურქი გაიხსნა და ფოტოებიდან ჩემთვის უკვე კარგად ნაცნობი ჯიუტად მოკუმული ბაგე და ხშირი წარბები დავინახე, მაშინვე ვიცანი — ეს იყო ორლოვის მამა, ცნობილი სახელმწიფო მოხელე.

როდესაც ვუპასუხე, გეორგი ივანიჩი სახლში არ არის-მეთქი, ბერიკაცმა ტუჩები კიდევ უფრო მაგრად მოკუმა, გვერდზე გაიხედა და თავისი ხმელ-ხმელი, უკბილო პროფილი დამანახვა.

— ბარათს დაფუტოვებ, — თქვა მოხუცმა, — კაბინეტში შემიყვანე.

კალოშები წინკარში დატოვა და თავისი გრძელი, მძიმე ქურქის გაუხდელად კაბინეტისაკენ გაეშურა. აქ იგი საწერა მაგიდის წინ სავარძელში ჩაჯდა და ვიდრე კალამს ხელს მოჰკიდებდა, რამოდენიმე წუთით, თითქოს მზეს იჩრდილავსო, შუბლზე ხელმიდებული იჯდა, ზუსტად ისე, როგორც მის შვილს სჩვეოდა უგუნებოდ ყოფნისას. მოწყენილი სახე პქონდა, დაფიქრებული, ასეთი მორჩილი გამომეტყველება მე მხოლოდ მოხუცებისა და მორწმუნეების სახეებზე თუ მინახავს. ვიდექი მის უკან, მელოტ თავსა და ქეჩოზე მივჩერებოდი და აშკარად ვგრძნობდი, რომ ეს სწული, დაუძღურებული ბერიკაცი ახლა ჩემს ხელთ იყო, ვინაიდან მთელს იმ ბინაში

ჩემსა და იმ ჩემი მტრის მეტი არავინ ჭაჭანებდა. საკმარისი იყო ოდნავ ძალა მეხმარა, კვალის დასაფარავად მოხუცისათვის ხელიდან საათი წამეძრო, რომ იმაზე განუზომლად მეტი მიმეღო, რის მიღების იმედითაც ამ სახლში ლაქიად დავდექი. უკეთესი შემთხვევა მე ალბათ არასოდეს მომეცემა-მეთქი, — ვფიქრობდი გუნებაში. მაგრამ, იმის მაგივრად რომ შემოქმედა, ხან მის ძელოტ თავს ქვეჩქერებოდა გულგრილად, ხან მის ძვირფას ქურქს და თავის ერთადერთ ვაჟიმფილას ამქვეყნიანის დამოკიდებულებასა და იმაზე ვფიქრობდი, ძალაუფლებითა და სიმდიდრით განებივრებულ ადამიანებს ალბათ როგორ არ უნდოდათ სიკვდილი...

— დიდი ხანია, რაც ჩემს შვილს ემსახურები? — მეკითხებოდა მოხუცი და ქალღმერთი მსხვილი ასოები გამოჰყავდა.

— უკვე მესამე თვეა, თქვენო მაღალღმადობებულეზავ.

მოხუცმა წერილის წერა დაამთავრა და წამოდგა. მოქმედებისათვის დრო ჯერ კიდევ საკმარისად მქონდა. საკუთარ თავს ვაქეზებდი, მინდოდა გულში როგორმე იმ ადრინდელი სიძულვილის პატარა ნაპერწკალი მაინც გამეღვივებინა, ხელებს ვმუშტავდი, ვიხსენებდი, როგორი დაუოკებელი და მოუთოკავი იყო ჩემი სიძულვილი ამ ცოტაოდენი ხნის წინათ... მაგრამ, რამდენიც არ უნდა ეცადო, ფაშარი ქვით ცეცხლს ვერ გააჩაღებ! მისი მოტეხილი, სევდიანი სახე და ვარსკვლავთა ცივი ბზინვა ჩემს გულში მხოლოდ წერილმან, იაფფასიანსა და უმაქნის აზრებს იწვევდა, აზრებს წუთისოფლის ხანმოკლეობასა და ამქვეყნიური ცხოვრების წარმავლობაზე...

— მშვიდობით იყავი, ძამიკო! — მითხრა მოხუცმა, ქუდი დაიხურა და გავიდა.

ვიგრძენი, რომ ერთბაშად სხვა ადამიანი გავხდი, სულ სხვა განწყობილება დამეუფლა. საკუთარი თავი რომ შემემოწმებინა და ამაში კიდევ უფრო დავრწმუნებულყავი, შევეცადე, გამეხსენებინა რაღაც-რაღაცები, მაგრამ მაშინვე შიშმა ამიტანა, ასე მეგონა, ჩემდაუნებურად ბნელ, ნესტიან კუნჭულში ჩავიხედე. გამახსენდა ჩემი ნაცნობ-მეგობრები და, პირველი, რაც თავში მომივიდა, ის იყო, ახლა მე რომ რომელიმე მათგანს შევხვდე, ალბათ როგორ დავიბნევი და როგორ გავწითლდები-მეთქი. უკვე აღარ ვიცოდი, ვინ ვიყავი, რა მინდოდა, რა გამეკეთებინა, რა მეფიქრა, რა ვზას დავდგომოდი, სად წავსულიყავი ან რა აზრი მქონდა ჩემს ცხოვრებას. საკუთარი თავისა უკვე აღარაფერი გამეგებოდა, მხოლოდ ერთიღა იყო ჩემთვის ნათელი: ჩამელაგებინა მთელი ჩემი ბარგი-ბარხანა და რაც შეიძლება მალე გავცლოდი აქაურობას. მოხუცის გამოჩენამდე ჩემს ლაქიად ყოფნას კიდევ მქონდა რაღაც აზრი, ახლა კი ეს მხოლოდ სასაცილო იყო. ჩემი ცრემლი დაბადუპით ცვიოდა თავახდელ ჩემოდანში, გული ლამის გამხეთქვოდა, აუტანელი სევდა შემომაწვა, მაგრამ, ო, რა ძალიან მეწადა სიცოცხლე! მზად ვიყავი, მთლიანად მომეცვა, ჩემს ხანმოკლე ცხოვრებაში ჩამეტია ყოველივე, თუ რამ ხელმისაწვდომი იყო ადამიანისათვის. მინდოდა მეკითხა, მელაპარაკა, რომელიმე დიდ ქარხანაში ჩაქუჩი მეკაკუნებინა, ვახტწედაც ვმდგარიყავი, მეხნა კიდევაც და მეთესა კიდევაც. საით აღარ მიმიწევდა გული — ნევის პროსპექტისკენაც, მინდვრისკენაც და ხღვისკენაც, ყველგან, ყოველ მხარეს, რომელსაც კი ჩემი წარმოსახვა მისწვდებოდა... ზინაიდა ფეოლოროვნა რომ დაბრუნდა, კარს ვეცი, ქურქი არაჩვეულებრივი მოწიწებითა და სინაზით გავხადე და — ეს ალბათ უკანასკნელია-მეთქი, — გავიფიქრე.

მოხუცის გარდა იმ დღეს კიდევ ორი პიროვნება მოვიდა. უკვე კარგად შებინდებული იყო, რომ ორლოვს რაღაც ქალღმერთი უნდა წაეუღო, — მოულოდნელად ქართველი გვეწვია. მაგიდის უჯრა გამოწია, საჭირო ქალღმერთი მოძებნა, დაგრაგნა, მიბრძანა, წინკარში ჩემი ქუდის გვერდით დადო, და თვითონ ზინაიდა ფეოლოროვნასაკენ გაეშურა. ზინაიდა ფეოლოროვნა სასტუმრო ოთახში სოფაზე იწვა, ხელები

თავქვეშ ჰქონდა ამოდებული. მეექვსე დღე იწურებოდა, რაც ორლოვი „რევიზიაზე“ იყო წასული. არავინ იცოდა, როდის დაბრუნდებოდა. ზინაიდა ფეოდოროვნა უკვე არც ელოდა და არც აგზავნიდა დეპეშებს. პოლიას, რომელიც ჯერ ისევ ჩვენთან ცხოვრობდა, ზედაც არ უყურებდა, ვითომ ვერც კი ამჩნევდა. „ჯანდაბამდეც გზა ჰქონია!“ — ვკითხულობდი მის გულგრილ, ფერმკრთალ სახეზე, ორლოვის მსგავსად, მასაც ალბათ თავისი სიჯიუტე აიძულებდა, გინდა თუ არა უბედურეულო ფილი-უო; საკუთარი თავისა და მთელი ქვეყნიერების ჯინაზე, იწვა დილიდან დაღამებამდე სასტუმრო ოთახში და ცუდის მეტს არც არაფერს ელოდა, არც არაფერი ეწადა. ალბათ იმაზე თუ ფიქრობდა, ორლოვი როგორ დაბრუნდებოდა, როგორ იჩხუბებდნენ, როგორ გაუცივდებოდა ამის შემდეგ გული ორლოვს, წარმოიდგენდა მის დაღატაკს, მასთან განშორებას და ეს მტანჯველი აზრები იქნებ სიამოვნებასაც კი ჰგვრიდა. მაგრამ, ნეტავი რას იტყოდა, სიმართლე რომ გაეგო?

— ძალიან მიყვარხართ, ნათლია, — უთხრა ქართველმა და ხელზე აკოცა, — თქვენ ისეთი კარგი და კეთილი ხართ! აი, ჟორჟინკა კი გაემგზავრა. — იცრუა ქართველმა, — გაემგზავრა ის უკეთური, კისა!

მერე ოხერა-ოხერით დაჯდა და ხელზე ხელი ნაზად გადაუსვა:

— გეთაყვა, თუ ნებას მომცემთ, ამ ერთ საათს თქვენთან გავატარებ, შინ წასვლა მეზარება, ბირშოვებთან კი ჯერ ვერ მივალ, ადრეა. დღეს ბირშოვები თავიანთ კატიას დაბადების დღეს უხდიან. მართლაც რომ შესანიშნავი გოგონაა.

მე მას ერთი ჭიქა ჩაი და პატარა გრაფინით კონიაკი მივუტანე. ქართველმა ჩაი ნება-ნება, უხალისოდ დალია და ჭიქა რომ მომაწოდა, მორიდებულად მკითხა:

— ძმობილო, ხომ არაფერი გაქვს, ცოტა წაეიხუმრო... ჯერ ისევ უსადილო ვარ.

სახლში არაფერი გვქონდა, რესტორანში წავედი და ჩვეულებრივი, მანეთიან სადილი მოვუტანე.

— კარგად იყავით, გეთაყვა, გაგიმარჯოთ! — უთხრა მან ზინაიდა ფეოდოროვნას და ერთი სირჩა არაყი დალია. — ჩემმა პატარა გოგონამ, თქვენმა ნათლულმა მოგიკითხათ. საწყალს, საყმაწვილო სენი სჭირს. აჰ, ბავშვები, ბავშვები! — ამოიოხრა ქართველმა, — ნათლია, მართალი გითხრათ, რაც არ უნდა იყოს, სასიამოვნოა მამობა, აი, ჟორჟინკასთვის კი გაუგებარია ეს გრძობა.

თქვა და ისევ დალია. გამხდარი, ფერმკრთალი, გულზე ხელსახოცაფარებული საჭმელს მადიანად შეექცეოდა და პატარა ბიჭივით ხან ზინაიდა ფეოდოროვნას შეჰყურებდა მორიდებით, ხან მე. შიმშილი რომ დაიოკა, გამხიარულებულმა ბირშოვებზე რაღაც ამბის მოყოლა დაიწყო, მაგრამ როცა მიხვდა, სასაცილო ამაში არაფერი იყო და არც ზინაიდა ფეოდოროვნას ეცინებოდა, გაჩუმდა. ერთბაშად მოიწყინა. სადილის შემდეგ ისხდნენ ორივენი ერთი ლამპით სუსტად განათებულ სასტუმრო ოთახში და ხმას არ იღებდნენ — ქართველს ტყუილის თქმა უჭირდა, ზინაიდა ფეოდოროვნას კი უნდოდა რაღაც ეკითხა, მაგრამ ვერ ბედავდა. ასე გავიდა ნახევარი საათი. ბოლოს ქართველმა საათს დახედა:

— ოო, ჩემი წასვლის დროც მოსულა...

— არა, ცოტა ხანს იყავით... მინდა, რაღაც გითხრათ, — თქვა ზინაიდა ფეოდოროვნამ და გაჩუმდა.

ერთხანს ორივენი დუმდნენ. ბოლოს ქართველი როიალს მიუჯდა, ჯერ ერთ კლავისშს შეეხო, მერე საკრავი მთელი სმით ააყლერა და ხმადაბლა ჩაიმღერა: „ნეტავი რას მიქადის დღე მე ხვალინდელი...“ — მაგრამ, თავისი ჩვეულებისამებრ, მაშინვე წამოდგა და თავი გადააქნია.

— ნათლიამ, დაუკარით რაიმე, — სთხოვა ზინაიდა ფეოდოროვნამ.

— რა დაუკრა? — თქვა ქართველმა და მხრები აიჩეჩა, — ყველაფერი დამა-
ვიწყდა, დიდი ხანია არაფერი დამიკრავს.

მაგრამ ჩაიკოვსკის ორი პიესა მართლაც რომ საუცხოოდ, არაჩვეულებრივი
განცდით დაუკრა — თბილად, გონიერულად! უკრავდა და თითქმის რაღაცას/ისხე-
ნებსო, ჭერს მისჩერებოდა. სახე ისეთი ჰქონდა, როგორც ყოველთვის — არც მე-
ტისმეტად ჭკვიანური, არც უჭკუო. მართალი გითხრათ, ის, რომელიც ^{როგორც} ^{მეტისმეტად} ^{ჭკვიანური}, არც უჭკუო. მართალი გითხრათ, ის, რომელიც ^{როგორც} ^{მეტისმეტად} ^{ჭკვიანური},
ხილვასაც ყველაზე მდაბალ, ბინძურ ვარემოში ვიყავი მიჩვეული, შექმლო ასეთ
ამაღლებულ, ჩემთვის სრულიად მიუწვდომელ, უწმინდეს გრძობათა გამოვლენა,
ასეთ სიფაქიზემდე აღზევება, ნამდვილ სასწაულად მეჩვენა. ზინაიდა ფეოდოროვნას
ლოყები შეეფაკლა, სასტუმრო ოთახში წინ და უკან სიარულს მოჰყვა.

— მოიცა, ნათლია, მოიცა, თუ გავიხსენე, მე თქვენ ერთ შესანიშნავ რაღაცას
დაგიკრავთ, იგი სადღაც ვიოლონჩელოზე დაუკრეს.

და ჯერ ფრთხილად, შეპარვით, შემდეგ კი მტკიცედ, გულდაჯერებულად სენ-
სანსის „გედის სიმღერა“ ააუღერა. ბოლომდე ჩაათავა და ისევ გაიმეორა.

— ხომ მოგეწონათ? — თქვა ბოლოს.

აღელვებული ზინაიდა ფეოდოროვნა ქართველის წინ გაჩერდა და ჰკითხა:

— ნათლიამ, გულწრფელად მითხარით, მეგობრულად — რას ფიქრობთ, რა
აზრისა ხართ ჩემზე?

— აბა, რა გითხრათ? — ჩაილაპარაკა ქართველმა წარბაწევით. — მიყვარხართ
და მხოლოდ კარგს ვფიქრობ; მაგრამ, თუ გინდათ, იმ თქვენთვის საინტერესო სა-
კითხზე გელაპარაკოთ, — განაგრძო შებლშეკრულმა და იდაყვთან სახელო გაიფერ-
თხა, — იცით რა, ჩემო საყვარელო, საკუთარი გულისთქმის აყოლას მუდამ ბედნი-
ერება როდი მოაქვს კარგი ადამიანებისათვის. რათა კაცმა თავი ლაღად, ბედნიერად
იგრძნოს, მე მგონი, არასოდეს არ უნდა დაივიწყოს, ცხოვრება თავისი კონსერვა-
ტულობით როგორი მკაცრი, უხეში და გაუტანელია. და რომ ადამიანმაც ცხოვრებას
სწორედ იმითვე უნდა უპასუხოს, რის ღირსიც იგია. ერთი სიტყვით, თავისუფლები-
საკენ სწრაფვაში ადამიანიც ისეთივე მკაცრი, უხეში და უღმობელი უნდა იყოს,
როგორიც თვითონ ცხოვრებაა, ყოველ შემთხვევაში, მე ასე მიმაჩნია.

— სად შემიძლია! — სევდიანად ვაიღიმა ზინაიდა ფეოდოროვნამ, — უკვე ძა-
ლიან დავიღალე, ისე ვარ დაქანცული, თითის განძრევაც აღარ ძალმიძს საკუთარი
თავის გადასარჩენად.

— მონასტერში წადით, ნათლია, მონასტერში. — თქვა ხუმრობით ქართველმა,
მაგრამ ამ სიტყვებზე ზინაიდა ფეოდოროვნას, მერე კი თავად იმასაც, თვალეში
ცრემლი აუბრწყინდათ. — ახლა კი წაუედი, ჩემო საყვარელო ნათლია, ღმერთმა
ჯანმრთელად გამყოფოთ.

მერე ორივე ხელი დაუკოცნა, ხელზე ხელი ნაზად გადაუსვა და შეპირდა, ამ
დღეებში უსათუოდ მოგინახულებოთ. წინკარში ბავშვის კაპოტის მსგავს პალტოს
რომ იცვამდა, დიდხანს იჩხრიკა, დიდხანს აფათურა ჯიბეში ხელი, რათა ჩემთვის
ფული ეჩუქებინა, მაგრამ ვერაფერი იპოვა.

— კარგად იყავით, გეთაყვა! — თქვა მან და ოთახიდან გავიდა.

არასოდეს დამავიწყდება ის განწყობილება, რომელიც მაშინ იმ კაცმა დაგვი-
ტოვა. ზინაიდა ფეოდოროვნა კვლავ აღელვებული დადიოდა სასტუმრო ოთახში.
რაც მთავარია, კი არ იწვა, დადიოდა, და ეს უკვე რაღაცას ნიშნავდა. მინდოდა მე-
სარგებლა ამ განწყობით, მინდოდა, გულწრფელად მეთქვა ყველაფერი და უმაღ-
ლესად გავცლოდი. მაგრამ ქართველის გაცილება ძლივს მოვასწარი, რომ კარზე ვილაცამ
დარეკა. ამჯერად კუკუშკინი იყო.

— გეორგი ივანიჩი შინაა? — იკითხა კუკუშკინმა, — არ ჩამოსულა? აჰა, ესე იგი, თქვენ ამბობთ, რომ არ ჩამოსულა? ოო, ძალიანაც საწყენია! რადგან ასეა, მივალ, დიასახლისს ერთს ხელზე ვაკოცებ და ჰაიდა! მაშინვე გავიქცევი. შინაიდა ფეოდოროვნა, შეიძლება? — გასძახა კუკუშკინმა. — მინდა ხელზე გეამბოროთ... ბოდის გიხდით, ასე გვიან რომ მოვედი.

ერჩენსუა

სასტუმრო ოთახში დიდხანს არ დარჩენილა, სულ რაღაცა—ათორდუ კწუთი თუ იქნებოდა, მე კი ასე მეგონა, მთელი საუკუნეა აქა ზის, ალბათ არც არასოდეს წავამეთქი. აღშფოთებისა და წყენისაგან ტუჩებს ვიკვნეტდი და — რატომ არ გააგდებს-მეთქი, — უკვე მძულდა შინაიდა ფეოდოროვნა, საშინლად ვბრაზობდი, თუმცა ამ-კარა იყო, მასთან თავს იგი მოწყენილად ვრძნობდა.

ქურქს რომ ვაცმევდი, ვითომდა ჩემდამი განსაკუთრებული კეთილგანწყობის ნიშნად, მკითხა, უცოლოდ როგორ ძლებო?

— ისე, ვხედავ, არც შენ დაგიღია პირი, ბუზებს არც შენ ყლაპავ, — განაგრძო კუკუშკინმა სიცილით, — შენა და ის შენი პოლია, ეტყობა, აქ დიდ არშოყ-მარშოყში ხართ... აი, შე ცელქო!

მიუხედავად ჩემი ცხოვრებისეული გამოცდილებისა, მაშინ მე არცთუ ისე კარ-გად ვიცნობდი ადამიანებს. ადვილი შესაძლებელია, რაღაც უმნიშვნელოს ვაზვიადებ-ბდი, მნიშვნელოვანს კი სულაც ვერ ვამჩნევდი. მომეჩვენა, კუკუშკინი ტყუილად არ ხითხითებდა, ტყუილად არ ძეთითლიბაზებოდა, ალბათ იმის იმედი თუ ჰქონდა, აქაოდა, ლაქიააო, დავდგებოდი და სხვების საფარეშოებსა თუ სამზარეულოებში ენას ვადმოვაგდებდი, ორლოვის შინ არ ყოფნისას ჩვენთან როგორ დადიოდა და გვიან დაბემდე შინაიდა ფეოდოროვნას ოთახში როგორ იჯდა. მერე კი, როდესაც ჩემ მიერ გავრცელებული ეს ჭორი მისი ნაცნობების ყურამდე მიაღწევდა, თვალებს ძირს მო-რცხვად დახრიდა და ნეკა თითით დამექადნებოდა. შევყურებდი იმის სპილენძისფერ, გალუულ სახეს და გუნებაში ვფიქრობდი, არც თვითონ დაიხვალა, დღესვე ალბათ ბანქოს სათამაშოდ რომ დაჯდება, თავს მოიკატუნებს და ვითომ ისე, სხვათა შორის წამოაყრანტალებს, უკვე წავართვი ორლოვს შინაიდა ფეოდოროვნაო.

სიძულვილმა, რომელიც ასე მაკლდა დღეს შუადღისას ბერიკაცის მიმართ, ახლა მთელი ჩემი არსება მოიცვა. კუკუშკინი, როგორც იქნა, გავიდა, მე კი ვუსმენდი მისი კალოშების ფლატუნს და თავს ძლივს ვიკავებდი, რომ ერთი გემრიელად არ შემეკურთხებინა. როდესაც კიბეზე მისი ფეხის ხმა მიწყდა, წინკარში შემოვბრუნდი, ქაღალდების შეკვრას, რომელიც დღეს აქ ქართველს დაავიწყდა, გიჟივით ვეცი და უპალტოო და თავშიშველა კიბის საფეხურებზე დავემვი. ქურაში, მართალია, ძალიან არ ციოდა, მაგრამ ძლიერი ქარი უბერავდა და ხვავრიელად თოვდა.

— თქვენო აღმატებულება, თქვენო აღმატებულება! — ვცდილობდი დავწე-ოდი კუკუშკინს.

იგი ფარანთან გაჩერდა და გაოცებულმა უკან მოიხედა.

— თქვენო აღმატებულება! — მივაძახე სუნთქვაშეკრულმა, — თქვენო აღმა-ტებულება!

და იმის გამო, რომ უცებ ვერ მოვიფიქრე, რა მეთქვა, ქაღალდის შეკვრა ერთი-ორჯერ შიგ სახეში ვფერთხე. კუკუშკინი, რომელსაც ვერ გაევო, რა ხდებოდა, რომელიც ისე იყო ჩემი საქციელით შეცბუნებული, გაოცებაც კი ვერ მოეხერხებინა, ზურგით ფარანს მიეყრდნო და სახეზე ხელები აიფარა. სწორედ ამ დროს ვილაც სამხედრო ექიმმა ჩავვიარა, დაინახა, კაცს როგორ გამეტებით ვცემდი, მაგრამ ერთი გაკვირვებით შემოგვხედა და გზა განაგრძო.

მე ერთბაშად შემრცხვა ჩემი ამ საქციელის, გავტრიალდი და შინისაკენ გავიქეცი.

12.



თოვლით თმაგალუმბული და აქოშინებული ჩემს ოთახში შევეჭრე და გავიხადე, პიჯაკი და პალტო ჩავიცვი, დავაველე ჩემს ჩემოდანს ხელჩაღო და წავედი. ახლავე, ახლავე უნდა გავიქეცი! მაგრამ ვიდრე წავიდოდი, სასწრაფოდ მაგიდას მივუჯექი და წერილის წერა დავიწყე:

„გიტოვებთ ჩემს ყალბ პასპორტს, ბატონო პეტერბურგელი ჩინოვნიკო, ცრუ და თაღლითო კაცი! გთხოვთ, დაიტოვოთ სამახსოვროდ.“

ალბათ იტყვიან, სხვისი სახელით სხვის ოჯახში შეიპარო, ლაქის ნიღაბს ამოფარებულმა უთვალთვალო სხვათა ინტიმურ ცხოვრებას, ყველაფერს უყურო და უსმინო, რათა შემდეგ სიცრუეში ამხილო, როცა ამას შენ არავინ გეკითხება, ეს ხომ ნამდვილ ქურდობასა ჰგავსო! დიახ, მაგრამ ახლა მე კეთილშობილებისათვის არა მცხელა. მე შევესწარი ათობით თქვენს სადილსა და ვახშამს, როცა თქვენ იმას ამბობდით და აკეთებდით, რაც მოგეპრიანებოდათ, მე კი უნდა ვმდგარიყავი და თქვენი ამ თავნება საქციელისათვის ჩუმად მეცქირა. არა, ახლა აღარ გავჩუმდები! თანაც როცა თქვენს ირგვლივ ერთი ადამიანიც არ არის ისეთი, რომელიც პირფერობას კი არ დაგიწყებდათ, სიმართლეს გეტყვოდათ. ჰოდა რადგან ასეა, დაე, სტეფანე ლაქიამ მაინც ჩამოგბანოთ თქვენი ეგ დიდებული ფიზიონომია!“

მართალია, ეს დასაწყისი არ მომეწონა, მაგრამ არც გასწორების სურვილი მქონდა. განა სულერთი არ იყო?

მუქფარდენჩამოფარებული დიდი ფანჯრები, საწოლი, ძირს დაგდებული დაჭმუჭნული ფრაკი და იატაკზე აღბეჭდილი ჩემი სველი ნაფეხურები მკაცრად, სევდიანად შემომყურებდა. ირგვლივ გამეფებული სიჩუმეც რაღაც განსაკუთრებული იყო. ალბათ იმის გამო, რომ ქუჩაში წელან თავშიშველა და უკალოშო გამოგვარდი, ერთბაშად სიცხემ ამიწია, მუხლები მტეხდა, სახე მივარვარებდა. აზრები როგორღაც არეულ-დარეული, გაორებული მქონდა.

„მე ავადმყოფი ვარ, მორალურად დათრგუნული, — განვაგრძე, — და არ შემიძლია ისე მოგწეროთ და ის მოგწეროთ, რაც მინდა და რასაც ვფიქრობ. პირველ წუთებში მინდოდა, შეურაცხყოფა მომეყენებინა, დამემცირებინეთ. ახლა კი, ასე მგონია, ამის უფლება არა მაქვს. ჩვენ ორივენი — თქვენცა და მეც — ისე დავეციით, ალბათ ველარასოდეს წამოვდგებით. და ჩემი ეს წერილი ენამზიანი, მჭევრმეტყველური, ძალმოსილი და შიშის მომგვრელიც რომ იყოს, იგი მაინც კუბოს სახურავზე ამო ბრახუნს ემსგავსება, ვინაიდან რამდენიც არ უნდა აბრახუნო, მკვდარს ვერასოდეს გააცოცხლებ! დიახ, ახლა უკვე არავის და აღარაფერს ძალუძს თქვენი წყეული, გაყინული სისხლის გათბობა, თქვენ ეს ჩემზე უკეთესად მოგეხსენებათ. მაშ, რა აზრი აქვს, რატომღა გწერთ ამ წერილს? და მაინც განვაგრძობ წერილის წერას... გულზე ცეცხლი მიკიდია, თავი მიხურს, რატომღაც ძალიან ვღელავ, ვინაიდან მგონია, ამ წერილს ჯერ კიდევ შეუძლია თქვენი და ჩემი გადარჩენა. თავი ისე მიბრუნის, აზრები ვერ დამილაგებია, კალამი ქალაღზე უაზროდ დაწრიპინებს, მაგრამ კითხვა, რომელიც მინდა მე თქვენ დაგისვათ, ჩემ წინ ჩირაღდანით ბრიალებს.“

დროზე ადრე რატომ დავუძღურდი და რატომ დავეცი, ძნელი ასახსნელი არ არის: ბიბლიური დევგმირის მსგავსად, მთაზე ასატანად ზურგზე გახას კარიბჭე მოვიკიდე, მაგრამ როცა უკვე ქანცი გამიწყდა, როცა საბოლოოდ შემერყა ჯანმრ-

თელობა, მხოლოდ მაშინდა მივხვდი, რომ იმ კარიბჭის ზიღვა არ ხელმეწიფებოდა, რომ მხოლოდ საკუთარ თავს ვიტყუებდი. გარდა ამისა, ჩემი გული ერთთავად უსაზღვრო, უმძიმესი ტკივილით იყო სავსე. რა აღარ გამოვცადე — შიმშილი, სიცივე, ავადმყოფობა, თავისუფლების დაკარგვა. პირადი ბედნიერება არც მაქვს, არც მქონია, საყუდელი და თავშესაფარი არსად გამახნია, მკაცრია და უმძიმესი მოგონებები, ამიტომაც ჩემი სინდისი ხშირად თვალს უხუჭავს, უჭრის ის მშობლებს. მაგრამ, თქვენ? თქვენ რატომ დაეცით? რა მანკიერება მიზეზებმა, რა სატანამ შეგიშალათ ხელი, რათა თქვენი ცხოვრება ვაზაფხულის სრული ფერადოვნებით გაშლილიყო? რატომ აჩქარდით? რატომ მოიშორეთ ჰაიპარად, ისე რომ ცხოვრებაში შესვლა ვერც კი მოასწარიტ, თუ რამ ღვთისძიერი იყო თქვენში, რატომ დაემსგავსეთ იმ მხდალ ცხოველს, რომელიც სხვათა შესამინებლად მხოლოდ იმიტომ იყეფება, რომ თვითონ ეშინია? დიახ, თქვენ გეშინიათ ცხოვრებისა, გეშინიათ იმ აზიელივით, რომელიც მთელი დღეების განმავლობაში ლეიბზეა ფეხმორთხმული და ნარგილეს ექაჩება. თქვენ ბერს კითხულობთ, ევროპული ფრაკი ტანზე მშვენიერად გაქვო მორგებული, მაგრამ როგორი რუდუნებით, ნამდვილი აზიელი ყაენის მზრუნველობით იცავთ საკუთარ თავს სიცივის, შიმშილისა თუ ფიზიკური დაძაბულობისაგან, ტკივილისა თუ მღელვარებისაგან... რა აღრე შეიყუება თქვენი სული ჭინჭებში, რა სიმხდალე გამოიჩინეთ რეალური ცხოვრებისა და ბუნების წინაშე, რომელსაც ყოველი ჯანსაღი და ნორმალური ებრძვის და ეჭიდება. როგორ მყუდროდ, თბილად, რბილად და მოხერხებულად გრძნობთ თავს ამ ცხოვრებაში, მაგრამ როგორი მოწყენილი ხართ! დიახ, ზოგჯერ მარტოდმარტო ციხეში გამომწყვდეული კაცივით, მომაკვდინებელი, შავი სევდა გეუფლებათ, მაგრამ თქვენ ცდილობთ, ამ მტერსაც დაემალეთ და ამიტომაც მთელი რვა საათი ზანქოს ქალაქში ხართ თავწარგული.

ახლა თქვენი ირონია? ო, რა კარგად შესმის იგი! ცინცხალი, ლალი, ჯანსაღი... აზრი მაძიებელია და ძლევამოსილი... ო, რა აუტანელია იგი ზანტი, მცონარა გონებისათვის. მსგავსად ათასობით თქვენი თანატოლისა, იმ ლალ, ჯანსაღსა და ცინცხალ აზრს თქვენი მყუდროება რომ არ დაერღვია, სიყრმიდანვე დაეშურეთ, რათა ჩარჩოში მოგექციათ, სამაგიეროდ იარაღად ცხოვრებისადმი ირონიული დამოკიდებულება გაიხადეთ (ანდა, არ ვიცი, რაც გნებავთ, ის დაარქვით!)... თავშეკაფებული. შემკრთალი აზრი კი ეკრძალება, ვერ ბედავს გადალახოს ის ზღუდე, რომელიც მის წინ გაავლეთ. როცა თქვენ ასე დასცინით იდეებს, რომელთაგან თვითეული თითქოსდა ხუთი თითივით არის თქვენთვის ცნობილი, იმ დეზერტირს ჰგავხართ, რომელიც ბრძოლის ველიდან სირცხვილნაჭამი ვარბის, მაგრამ იმისათვის, რომ არავის დაანახოს ეს სირცხვილი, ომსაც დასცინის და ვაჟკაცურ შემართებასაც. ცინიზმი ტკივილს აყურებს. დოსტოევსკის რომელიღაც მოთხრობაში მოხუცი ფეხით თელავს თავისი საყვარელი ქალიშვილის პორტრეტს, ვინაიდან იცის, რომ თავად ტყუის მის წინაშე. თქვენ კი უხამსად, საძაგლად დასცინით სიკეთისა და სიმართლის იდეებს, ვინაიდან ძალა აღარ შეგწევთ მათთან დაბრუნების. ყოველი მართალი, გულწრფელი მინიშნებაც კი თქვენს სიმდაბლესა და დაცემაზე გაკრთობთ და გაშინებთ, ამიტომაც ირგვლივ მხოლოდ იმ ადამიანებს იკრებთ, რომელთაც შეუძლიათ ექლესონ და ეპირფერონ თქვენს სისუსტეებს... არა, ტყუილად როდი გეშინიათ ცრემლებისა!

ახლა რაც შეეხება თქვენს დამოკიდებულებას ქალებთან! ურცხვობა ჩვენ მემკვიდრეობით მივიღეთ სისხლთან და ხორცთან ერთად, მაგრამ ჩვენ ხომ ადამიანები სწორედ იმიტომ ვართ, რომ დავთრგუნოთ და დავამარცხოთ ჩვენში პირუტყვი. მოწიფულობაში შესულს, როცა თქვენთვის უკვე ცნობილი გახდა ყველა იდეა, შეუძლებელია არ დაგენახათ და არ შეგეცნოთ სიმართლე. რა თქმა უნდა, დაინახეთ და

შეიცანით კიდევაც, მაგრამ კი არ გაჰყევით იმ სიმართლეს, არამედ შეგეშინდათ და საკუთარი სინდისი რომ მოგეტყუებინათ, ხმამაღლა დაუწყეთ თავს მტკიცება, რომ დამნაშავე იყავით არა თქვენ, არამედ ქალი, და რომ ისიც ისეთივე ურცხვი და მდაბალია, როგორც თქვენი დამოკიდებულებაა მის მიმართ. განა თქვენი გულქვი, სკაბრეზული ანეკდოტები, უსულგულო ხვიხვინი, მთელი თქვენი თეორიები ქორწინების არსსა და რაობაზე, მისადმი რაღაც გაურკვეველი მოთხოვნები, თეორიები იმ ატ სუსზე, რომელსაც ფრანგი მუშა უხდის ქალს, თქვენი გაუთავებელი მინიმუმებიანი დედაკაცურ ლოგიკაზე, მატყუარობაზე, სისუსტეზე და ასე შემდეგ და ასე შემდეგ — განა ეს ყველაფერი არა ჰგავს იმ სურვილს, რაღაც არ უნდა დაგიჯდეთ, დაამცროთ, ტალახში ამოსვაროთ ქალი, რათა თავად იგი და თქვენი დამოკიდებულება მის მიმართ ერთი დონისა იყოს, ერთმანეთს არსად წაუვიდეს? თქვენ უნიათო, უსიმბათიო, უბადრუკი კაცი ხართ“.

სასტუმრო ოთახიდან როიალის ხმა გაისმა. ზინაიდა ფეოდოროვნა, როგორც ჩანს, ქართველის მიერ შესრულებული სენ-სანსის იმ პიესის გახსენებას ცდილობდა. მე წავედი და საწოლზე წამოვწექი, მაგრამ გამახსენდა, უკვე წასვლის დრო რომ იყო, დიდის გაჭირვებით წამოვდექი, სიცხისაგან თავდამძიმებული კვლავ მაგიდას მივუჯექი და წერილის წერა განვაგრძე:

„მაგრამ, საკითხავი ის არის, ასე რამ დაგვალა? რა მიზეზია, თავიდან ასეთი მგზნებარენი, კეთილშობილები, გულადები, ღვთის სიყვარულით აღსავსენი, ოცდაათი-ოცდათხუთმეტი წლის ასაკში უკვე გრძნობებისაგან სრულიად დაცლილნი და გაკოტრებულები რომ ვართ? რა მიზეზია, ერთს ჭლექი რომ სჭამს, მეორე შუბლში ტყვიას იცემს, მესამე არაყსა და ბანქოში რომ ეძიებს თავდავიწყებას? მეოთხე კი იმისათვის, რათა შიში და კაეშანი ჩაიხშოს, თავის უმანკო, მშვენიერი ახალგაზრდობის პორტრეტს ცინიკურად თელავს ფეხით. რატომაა, ჩვენ, ერთხელ დაცემულნი, წამოდგომას რომ აღარ ვცდილობთ და ერთს რომ ვკარგავთ, მეორეს აღარ ვეძიებთ? რატომ?“

ჯვარზე გაკრულმა ავაზაკმა შესძლო, კვლავ განეცადა ცხოვრების სიხარული, გულს იმედი ჩასახვოდა, თუმცა, ვინ იცის, ეგებ ერთი საათის სიცოცხლევ აღარ ჰქონდა დარჩენილი. წინ თქვენ კიდევ მრავალი გრძელი წელიწადი გელით და ალბათ არც მე მოგვცდები ისე ძალე, როგორც ეს ერთი შეხედვით გგონიათ. რა იქნებოდა, რაღაც სასწაულით ეს ყოველივე მხოლოდ სიზმარი, მხოლოდ კოშმარი ყოფილიყო და ამ სიზმრიდან ჩვენ ყველას განახლებულთ, განწმენდილთ, ჩვენი სიმართლით გაძლიერებულთ და ამაყებს გამოგვღვიძებოდა?.. უტკბილესი ოცნებები ცეცხლივით მწვავს და მღელვარებისაგან სუნთქვა შეკერის. სიცოცხლე მწადია, მინდა ვიცოცხლო, მინდა ჩვენი ცხოვრება ისეთივე წმინდა, ამალღებული და სიხარულის მომგვრელი იყოს, როგორც ეს ცის კამარაა. ამისათვის ვიცოცხლოთ! მზე დღეში ორჯერ არ ამოდის, არც სიცოცხლე ეძლევა ადამიანს ორჯერ, ჩაეჭიდეთ თქვენს ცხოვრების დარჩენილ დღეებს და გადაარჩინეთ იგი...“

წერილისათვის სიტყვა არ მიმიმატებია. გონებაში უამრავი აზრი მიტრიალებდა, მაგრამ თავს ვერ ვუყრდი, სტრიქონებად ვერ ვალაგებდი. წერილი არ დამიმთავრებია, ჩემი გვარი, სახელი და წოდება მივაწერე და კაბინეტისაკენ გავწიებულვოდა. ხელის ცეცებით მაგიდა მოვქებნე, წერილი ზედ დავდე, სიბნელეში, ეტყობა, რაღაცას წაეაწყდი და დავახმაურე.

— ვინ არის? — გაისმა ალელვებული ხმა სასტუმრო ოთახიდან.

სწორედ ამ დროს მაგიდაზე დადგმულმა საათმა სუსტი ხმით დარეკა — უკვე დამის პირველი საათი იყო.

ვიდრე სიბნელეში ხელისცეცებით კარს გავაღებდი, ნახევარი წუთი მაინც გავიდა. ბოლოს ნელა შევალე კარი და სასტუმრო ოთახში შევედი. ზინაიდა ფეოდოროვნა ტახტზე იყო წამოწოლილი, ჩემს დანახვაზე იდაყვზე წამოიწია, მომაჩერდა. მე ხმის ამოღება ვერ გავბედე და გვერდით ჩუმად ჩაუყარე. ზინაიდა ფეოდოროვნამ თვალი გამომაყოლა. წამით შეფერდი, მერე უკან გამოვბრუნდი და კვლავ უსიტყვოდ რომ ჩავუყარე, ზინაიდა ფეოდოროვნამ ახლა უკვე გაოცებულმა, ის კი არა, შეშინებულმაც კი შემომხედა. ბოლოს მიეუახლოვდი და ძლივს ამოვიღულულე:

— ტყუილად ელოდებით!

ქალი ფეხზე წამოიჭრა და გაოგნებული მომაჩერდა.

— ტყუილად ელოდებით! — გავიმეორე ისევ და გულმა ბაგაბუგი დამიწყო. — არ დაბრუნდება, რადგან პეტერბურგიდან ფენიცი არ გაუდგამს, მთელი ამ ხნის განმავლობაში პეკარსკის სახლში ცხოვრობდა.

ზინაიდა ფეოდოროვნამ გაიგო რასაც ვამბობდი, გაიგო და დაიჯერა. მე ამას იმავე წუთს მივხვდი, ვინაიდან ერთბაშად გაღიორდა, შიშითა და მუდარით სავსემ გულხელი დაიკრიფა. ეტყობა, გონებაში წუთიერად მთელმა ბოლოდროინდელმა ამბებმა გაუელვა, წუთიერად ყველაფერი გაიანზრა და მთელის სიცხადით დაინახა სიმართლე. მაგრამ მაშინვე ისიც გაახსენდა, რომ ლაქია ვიყავი, დაბალ საფეხურზე მდგარი არსება... ვიღაც თმაგაბურძენული ვიგინდარა, სიცხისაგან სახელეწილი, იქნება მთვრალიც კი, რაღაც უმსგავს პალტოში გამოწყობილი, რომელიც, ეკითხებიან თუ არა, უხეშად ერევა მის პირად ცხოვრებაში, და თავი შეურაცხყოფილად იგრძნო.

— ამას თქვენ არაფინ გეკითხებათ, მომცილდით! — მითხრა მკაცრად.

— დამიჯერეთ! — ვთქვი მისკენ ხელებგაწვდილმა გატაცებით, — მე ლაქია არა ვარ, მეც ისეთივე თავისუფალი ადამიანი ვარ, როგორიც თქვენ.

მერე ჩემი სახელი და გვარი ვუთხარი და ვაითუ შემაჩეროს, ანდა თავის ოთახში წავიდეს-მეთქი, სასწრაფოდ ავუხსენი, ვინ ვიყავი და ამ სახლში რატომ ვცხოვრობდი. ამ მეორე აღსარებამ იგი გაცილებით მეტად განაცვიფრა, ვიდრე პირველმა. სულ ცოტა ხნის წინ ჯერ კიდევ პქონდა რაღაცის იმედი, ვინაიდან, ეგონა, ლაქია ვიყავი და შეიძლებოდა მეცრუა, ან შეეშინებოდა, ანდა რაღაც სისულელე წამომეროშა. ახლა კი, როცა ჩემს ვინაობაში გამოვუტყდი, უკვე აღარავითარი ეჭვი აღარ პქონდა. ერთბაშად თვალსა და ხელს შუა თითქოს მოტყდა, დაუშნოვდა, შნო და ლაზათი დაეკარგა, მისმა საცოდავმა გამომეტყველებამ დამანახვა, რომ იგი საშინელ დღეში იყო და რომ არც ისე კარგად მოვიქეცი, როცა ეს საუბარი წამოვიწყე. მიუხედავად ამისა, მე მაინც მგზნებარედ განვაგრძე:

— სენატორიცა და რევიზიაც მხოლოდ თქვენს მოსატყუებლად მოიგონა, იანვარშიაც, ისე როგორც ახლა, მთელი ის დრო პეკარსკისთან გაატარა, ქალაქიდან ფენიცი არ გაუდგამს. მე მას ყოველდღე ვხვდებოდი, მეც ვმონაწილეობდი იმ სიცრუეში. თქვენი აქ ყოფნა აწუხებდათ, მათთვის ეს აუტანელი იყო, აბუჩად გიგდებდნენ... ჩუმად რომ გესმინათ, ისა და მისი მეგობრები თქვენცა და თქვენს სიყვარულსაც როგორ დასცინოდნენ, ამ სახლში წუთითაც აღარ გაჩერდებოდით. პოდა, წადით, გაიქეცით აქედან!

— რას იზამ! — ჩაილაპარაკა ზინაიდა ფეოდოროვნამ აკანკალებული ხმით და თმაზე ხელი გადაისვა. — რაც არის, არის, დაე, ასე იყოს!

თვალეები ცრემლით პქონდა სავსე, ტუჩები უკანკალებდა, განრისხებულ სახეზე მკვდრისფერი ედო. ორლოვის უხეშ, მდაბალ სიცრუეს აღმყოფობაში მოჰყავდა,

წარმოუდგენელ სისაძაგლედ თვლიდა, სასაცილოდ მიაჩნდა; იღიბებოდა, მე კი არ მომწონდა მისი ეს ღიმილი.

— რას იზამ! — გაიმეორა ქალმა და ხელი ისევ თმაზე გადაისვა. — დაე, ასე იყოს. ჰგონია, ვერ გადავიტან, მოვკვდები ამ დამცირებისა და შეურაცხყოფისგან, მე კი... მე კი მხოლოდ მეცინება... ტყუილად იმალება. — მერე როიალს მოსცილდა და მხრები აიჩეჩა: — პო, ტყუილად იმალება... ამ მალეასა და ვიღაცა ჩემს ბინებში წანწალს, განა არ ჯობდა, მოსულიყო და ყველაფერი ეთქვა? არაა რომ არა ვარ, მე ამას უკვე კარგა ხანია ვხვდები და მხოლოდ მის ჩამოსვლას ვუცდიდი, რათა საბოლოოდ გაგვერკვია ჩვენი ურთიერთობა.

მერე მაგიდის გვერდით სავარძელში ჩაჯდა, თავი დივნის სახელურზე ჩამოდო და მწარედ ატირდა. სასტუმრო დარბაზს ერთადერთი კანდელაბრში ჩადგმული სანთელი ანათებდა, ამიტომაც იმ სავარძელთან, სადაც ზინაიდა ფეოდოროვნა იჯდა, ბნელოდა. მიუხედავად ამისა, მე მაინც თითქმის გარკვევით ვხედავდი, თავი და მხრები როგორ უთრთოდა, ჩამოსვლილი თმა კისურს, სახესა და ხელებს უფარავდა. მის წყნარ, ქალურ, უხმო, არაისტერიულ ტირილში შეურაცხყოფა, დამცირებული თავმოყვარეობა, წყენა და ის უსასოობა იგრძნობოდა, რომელსაც ვერც ვერაფერს უშველი, ვერც შეერვევი ვერასოდეს. მისი ტირილი ჩემს მღელვარე, ტანჯულ სულში ექოსებურ გამოძახილს ჰპოვებდა. მე უკვე აღარაფერი მახსოვდა ამქვეყნად, საკუთარი აუადმოყოფობაც კი დამავიწყდა, დავდიოდი სასტუმრო ოთახში წინ და უკან და დაბნეული ვბურტყუნებდი:

— აბა, ეს რა ცხოვრებაა!.. არა, ასე ცხოვრება არ შეიძლება!.. არა, არ შეიძლება! ეს ცხოვრება კი არა სივიჟია, დანაშაულია!

— განა შეიძლება ასეთი დამცირება! — ამბობდა იგი ტირილით, — შენთან ერთად ცხოვრობს, გიღიმის, თვალეებში შემოგყურებს და თან თურმე არათუ ვერ გიტანს, სასაცილოდაც არ ჰყოფნიხარ... ო, რა დამცირებაა!

ზინაიდა ფეოდოროვნამ თავი ასწია, ჩამოსვლილი თმა გადაიწია და ნამტირალევი თვალეებით მომარერდა:

— ალბათ დამცინოდნენ, არა?

— დიას, იმ ხალხისათვის თქვენც სასაცილო ხართ, თქვენი სიყვარულიც და ტურგენევიც, რომელიც თურმე კარგა ბლომად გიკითხავთ. აი, ახლა ჩვენ ორივეს — მეცა და თქვენც სასოწარკვეთილებით სულიც რომ ამოგვხდეს, მათთვის ესეც სასაცილო იქნება. სასაცილო ანეკდოტსაც შეთხზავენ და თქვენს მომავალ პანაშვიდზე-დაც იქირქილებენ. ეპ, ღირს კი მაგათზე ლაპარაკი? — ვთქვი და ხელი ჩავიქნიე. — არა, მე აქ წუთითაც აღარ შემიძლია გაჩერება — უნდა გავიქცე, უნდა მოვშორდე აქაურობას.

ზინაიდა ფეოდოროვნა ისევ ატირდა, მე კი წავედი და როიალის გვერდით დავჯექი.

— რაღას ვუცდი? — ვკითხე ნაღვლიანად, — უკვე მესამე საათია.

— აღარაფერსაც აღარ ვუცდი... დავიღუპე, — თქვა ზინაიდა ფეოდოროვნამ.

— ასე რატომ ლაპარაკობთ? განა არ აჯობებს, ავდგეთ და ერთად მოვიფიქროთ, რა ვქნათ, რა ვიღონოთ. აქ აღარც თქვენი დარჩენა შეიძლება, არც ჩემი... რას ფიქრობთ, სად აპირებთ წასვლას?

უცებ წინკარში ზარის ხმა გაისმა და გული შემიქანდა: „ნეტავი ორლოვი ხომ არ არის? კუკუშკინმა ხომ არ მიჩივლა? ნეტავი რა პირით შევხვდავთ ერთმანეთს?..“ ამ ფიქრებში გართული კარის გასაღებად წავედი, მაგრამ იქ ორლოვი კი არა, პოლია დამიხვდა. წინკარში შემოვიდა, მოსასხამიდან თოვლი ჩამოიბერტყა და თავისი ოთა-

ხისაკენ უსიტყვოდ გასწია. უკან რომ შევბრუნდი, მიცვალებულივით სახეგაფითრებული ზინაიდა ფეოდოროვნა შუა ოთახში იდგა და გაფართოებული თვალებით მომჩერებოდა.

— ვინ იყო? — მკითხა მან ხმადაბლა.

პოლია მოვიდა-მეთქი, — ვუპასუხე.

ზინაიდა ფეოდოროვნამ თმაზე ხელი გადაისვა და ღონემინდილმა თვალები მილულა.

— წავალ, ახლავე წავალ აქედან, — თქვა ბოლოს, — ჰქენით სიკეთე, გამაცილეთ... ახლა რომელი საათია?

— სამს თხუთმეტი აკლია.

14.

ცოტა ხნის შემდეგ სახლიდან რომ გამოვედი, ქუჩაში თითქმის არავინ იყო, ბნელოდა, თოვდა, თოვლჭყაპით გაჯერებული ქარი სახეში გვცემდა. მახსენდება, სწორედ მარტის დასაწყისი იდგა, ჰაერში უკვე სითბოს სუნი ტრიალებდა, უკვე რამოდენიმე დღე იყო ხალხი მარხილებით კი არა, ეტლებით მგზავრობდა. შავი კიბის, სუსხიანი ამინდის, ტყაპუჭიანი მეზოვისა (რომელმაც, ვიდრე ჭიშკარში გაგვატარებდა, ყველაფერი ძირისძირობამდე გამოგვეკითხა) და წყვედიანი ღამის შთაბეჭდილებებით შემკრთალი ზინაიდა ფეოდოროვნა ერთბაშად მოეშვა, ყოველგვარი სულიერი მხნეობა დაკარგა. ღია ეტლში რომ ჩავსხედით და ზევიდან სახურავი გადავიხურეთ, მთელი სხეულით აკანკალებულმა აჩქარებით ჩაილაპარაკა, თუ რაოდენ მადლობელი იყო ჩემი.

— თქვენს კეთილგანწყობაში ეჭვიც არ მეპარება, მაგრამ ასე რომ გაწუხებთ, ძალიან მერიდება... — ბუტბუტებდა ზინაიდა ფეოდოროვნა, — ო, მესმის, ყველაფერი გასაგებია... დღეს აქ ქართველი რომ იყო, მაშინვე ვიგრძენი, რაღაცას ცრუობდა, რაღაცას მიმაღავედა. რას იზამ, რაც არის, არის! დაე, ასე იყოს! მიუხედავად ამისა, ასე რომ წუხდებით, სინდისი მქენჯნის.

ზინაიდა ფეოდოროვნას ბოლომდე ვერ დაეჯერებინა სიმართლე, ჯერ კიდევ ეჭვობდა რაღაცას. მისი ეს ეჭვი რომ საბოლოოდ გამეფანტა, მეეტლეს ვუბრძანე, სერგეევის ქუჩით ევლო. პეკარსკის სადარბაზოსთან რომ მივედით, ეტლი გავაჩერებინე, გადმოვედი და ზინაიდა ფეოდოროვნას გასაგონად შევიცარს ხმამაღლა ვკითხე:

— გეორგი ივანიჩი სახლშია?

— სახლშია, — მიპასუხა შევიცარმა, — ნახევარი საათია, რაც მოვიდა, ალბათ სძინავს კიდევაც. რა გინდა, რა საქმე გაქვს?

ზინაიდა ფეოდოროვნამ ვერ მოითმინა და ეტლიდან თავი გამოყო:

— დიდი ხანია, გეორგი ივანიჩი თქვენთან ცხოვრობს?

— უკვე მესამე კვირაა.

— ესე იგი, ამ სამი კვირის განმავლობაში არსად არ წასულა?

— არა, არსად არ წასულა, — უპასუხა შევიცარმა და გაკვირვებულმა შემომხედა.

— ხვალ დილას გაიდვიძებს თუ არა, გადაეცი, რომ ვარშავიდან და ჩამოუვიდა, — ვუთხარი მეკარეს და გამოვემშვიდობე.

ამის შემდეგ ჩვენ ისევ გზა განვაგრძეთ. ეტლს წინა საფარი არა ჰქონდა და

თოვლი ფანტელეზად გვეფინებოდა, ცივი ქარი, განსაკუთრებით ნევაზე გადასვლისას, ძვალ-რბილში გვატანდა. ასე მეგონა, რა ხანია გზაში ვართ, რა ხანია ასე ვიტანჯებით, რა ხანია ვზივარ ასე ზინაიდა ფეოდოროვნას გვერდით და ყურებში მისი მთრთოლვარე ხმა ჩამესმის-მეთქი.

ჩემმა უცნაურმა, უაზრო ცხოვრებამ წუთით თვალწინ ძილ-ბურანში მყოფივით გამიელვა და არ ვიცო, რატომ, მელოდრამა „პარიზელი ლატაკები“ გამახსენდა, რომელიც ერთი-ორჯერ ბავშვობაში მქონდა ნანახი. როგორმე ბურანშიდან რომ გამოვსულიყავი, გადმოხურული ეტლიდან თავი გამოვყავი. უკვე გათენებულყო, აღიონით გაციხროვნებულ ცას შეეხედე და უცბად წარსულის ყველა ხატი, ყოველი ბურუსით მოცული აზრი ერთ მყარ, ნათელ აზრად შეირწყა: მეცა და ზინაიდა ფეოდოროვნაც სამუდამოდ დაღუპულები ვართ-მეთქი, გავიფიქრე. ისე ვიყავი ამაში გულდაჯერებული, თითქოს ეს აზრი ნახამთრალ ზეცას ეწინასწარმეტყველებინოს. მაგრამ, ერთ წამსაც არ გაველო, რომ მე უკვე სხვაგვარად ვფიქრობდი და სხვაგვარად მჯეროდა.

— ახლა რა ვქნა? — ამბობდა სიცივისა და ნესტისაგან ხმაჩახლეჩილი ზინაიდა ფეოდოროვნა, — სად წავიდე, რა გზას დავადგე? ქართველმა მითხრა, მონასტერში წადიო... ეჰ, წავიდოდი კიდევაც, ყველაფერს შევიცვლიდი — საკუთარ სახეს, სახელს, ტანსაცმელს, საკუთარ აზრებს... ყველაფერს, ყველაფერს, რაც კი გამაჩნია... სამუდამოდ დავიმარხავდი თავს ცოცხლად, მაგრამ, აბა, მონასტერში ვინ მიმიღებს — მონასტერში ორსულ ქალს ვინ შეუშვებს?

— ხვალვე გავემგზავრებით საზღვარგარეთ, — ვუთხარი ზინაიდა ფეოდოროვნას.

— არა, ეგ შეუძლებელია, პასპორტი ქმართანაა, არ მომცემს.

— მე თქვენ უპასპორტოდ წავიყვანათ.

მეეტლემ ეტლი მუქად შედეხილი ორსართულიანი ფიცრული შენობის წინ გააჩერა და კარზე დავრეკე. ზინაიდა ფეოდოროვნამ პატარა, მსუბუქი კალათა, ჩვენს მიერ წამოღებული ერთადერი ხელბარგი რომ გამომართვა, როგორღაც ნაძალადევად გამიღიმა და მითხრა:

— ეს ჩემი bigoux-ა...!

მაგრამ ისე იყო ძალაგამოლეული, იმ თავისი bigoux-ის დაჭერის თავიც აღარ მქონდა. არ მახსოვს, სამი თუ ოთხი ზარის შემდეგ, ფანჯრებში სინათლე გაკრთა და ნაბიჯის ხმა, ხველა და ჩურჩული გაისმა. მოლოდინი, როგორც იქნა, გასაღებმა გაიჩხაკუნა, კარებში მსხვილი, წითური დედაკაცი გამოჩნდა და შეშინებულმა შემოგვხედა. მის უკან, ოდნავ მოშორებით, მომცროს ტანის, სიფრიფანა, მოკლედ თმაშეკრეჭილი ჭაღარა დედაბერი იდგა და ხელში სანთელი ეჭირა. ზინაიდა ფეოდოროვნამ წინკარში შეირბინა, დედაბერს ეცა და კისერზე მოესვია.

— ნინა, მომატყუეს! — თქვა და მწარედ ატირდა, — ტლანქად, საძაგლად მომატყუეს! ნინა! ნინა!

კალათი წითურსახიან დედაბერს გადავეცი. კარი უკვე კარგა ხანია მოხურული იყო, მაგრამ შიგნიდან ჯერ ისევ ისმოდა ზინაიდა ფეოდოროვნას ხმამაღალი ქვითინი: — „ნინა!.. ნინა!..“ მე კვლავ ეტლში ჩავჯექი და მეეტლეს ვუბრძანე, ნევის პროსპექტისაკენ წასულიყო, თან რაც შეიძლება ნელა ევლო, რათა ამასობაში ღამის გასათენებელი ადგილი მომეფიქრებინა.

1. ძვირფასეულობა (ფრ.).

მეორე დღეს, ვიდრე მოსალამოვდებოდა, ზინაიდა ფეოდოროვნასთან შევიარე. იგი საოცრად იყო შეცვლილი. მის ფერმკრთალ, მეტისმეტად გამხდარ სახეს ცრემლის ნაკვალევით აღარ ეტყობოდა, ის კი არა, გამომეტყველებაც უკვე სულ სხვაგვარი ჰქონდა. არ ვიცი, იმის გამო, რომ სხვა გარემოში ვხედავდი, რომელსაც არაფერი ჰქონდა საერთო იმ მდიდრულ გარემოსთან, არ ვიცი, ჩვენი ურთიერთობა იყო სხვაგვარი თუ იმ ძლიერმა ტანჯვამ და მწუხარებამ დაასვა უფრო დიდი მაგრამ ახლა უკვე ისეთი ნატიფი და მოხდენილი აღარ მეჩვენებოდა. თითქოს დაპატარავებულიყო, მოძრაობაზე, სიარულსა და სახეზე გადაჭარბებული სიფიცხე და ნერვიულობა ეტყობოდა. უკვე ღიმილშიაც აღარ ჰქონდა ის ჩვეული სათნოება და სინატიფე. ახლა მე ახალ, ძვირფას კოსტიუმში ვიყავი გამოწყობილი, რომელიც სწორედ დღეს და დღევანდელი დღისათვის შევიძინე. ზინაიდა ფეოდოროვნამ ყურადღებით შეათვალიერა ჩემი ჩაცმულობა, ხელში ჩაბღუჯული შლაპა და, თითქოს საგულდაგულოდ სწავლობსო, სახეზე გამომცდელად მომაჩერდა.

— თქვენი ეს გარდასახვა მე ჯერ ისევ სასწაულად მეჩვენება, — მითხრა ზინაიდა ფეოდოროვნამ, — მაპატიეთ, ასეთი ცნობისმოყვარეობით რომ შემოგყურებთ, თქვენ ხომ რაღაც სხვანაირი, განსაკუთრებული ადამიანი ხართ!

მე მას ერთხელ კიდევ მოუყევი, ვინ ვიყავი და რატომ ვცხოვრობდი ორლოვთან. ვუყვებოდი უფრო გრძლად და დაწვრილებით. იგი ერთხანს დიდის ყურადღებით მისმენდა, მაგრამ დამთავრება არ მაცალა და ჩაილაპარაკა:

— მორჩა, იმასთან უკვე ყველაფერი დამთავრებულია... იცით, ვერ მოვითმინე და წერილი მივწერე. ნახეთ, რა მიპასუხა!

ფურცელზე, რომელიც ზინაიდა ფეოდოროვნამ მომაწოდა, ორლოვის ხელით ეწერა: „თავის მართლებას არ დაეწყებ, მაგრამ ალბათ დამეთანხმებით, რომ შეცდით სწორედ თქვენ და არა მე... გისურვებთ ბედნიერებას, გთხოვთ, მალე დამივიწყოთ. თქვენი პატივისმცემელი გ. ო.“

P. S. გიგზავნით თქვენს ნივთებს“.

ორლოვის მიერ გამოგზავნილი კალათები და სკივრები ჯერ ისევ სასტუმრო ოთახში ელაგა, რომელთა შორის ერთი ჩემი უბადრუკი ჩემოდანიც იყო.

— ესე იგი... — დაიწყო ზინაიდა ფეოდოროვნამ და სათქმელი აღარ დაამთავრა.

მერე ორივენი გავჩუმდით. ქალმა ბარათი ხელში აიღო და რამოდენიმე წუთი თვალი აღარ მოუშორებია. სახეზე ახლაც ისეთივე მედიდური, გულცივი გამომეტყველება ჰქონდა, როგორც გუშინ. მერე უცებ ატირდა, თვალთაგან ცრემლი გადმოსცვივდა — მოკრძალებული, მწარე ცრემლი კი არა, არამედ ამაყი, ბრაზიანი.

— მომისმინეთ, — თქვა მან, ფიცხლად წამოდგა და სახეზე რომ არ შემეხედა, ფანჯარასთან მივიდა. — მე უკვე გადავწყვიტე; ხვალ თქვენთან ერთად წამოვალ საზღვარგარეთ.

— შესანიშნავია... თუ გნებავთ, დღესვე წავიდეთ, მე უკვე მზად ვახლავართ!

— მაქეზებთ? — მერე უცებ მომიტრიალდა და მკითხა: — ბალზაკი თუ წაგიკითხავთ? მითხარით, წაგიკითხავთ თუ არა? გახსოვთ, მისი რომანი „მამა გორიო“ რით მთავრდება? ნაწარმოების გმირი გორაკიდან პარიზს დაჰყურებს და ექაღნება, ახლა კი ჩამოვეხსნებით ერთმანეთსო!.. და იმ დღიდან ახალ ცხოვრებას იწყებს. მეც ასე — როდესაც ვაგონიდან პეტერბურგს უკანასკნელად გადავხედავ, ახლა კი ჩამოვეხსნებით ერთმანეთს-მეთქი, — დავექაღნები.

თავის ამ ხუმრობაზე ზინაიდა ფეოდოროვნამ გაიღიმა და რატომღაც მთელი სხეულით შეკრთა.

ვენეციაში პლევრიტული ტკივილები დაძეწყო. სადგურიდან Hotel bauer-ში რომ მივცურავდით, ეტყობა, სწორედ იმ საღამოს გავცივდი. რომ ჩავწექი, მთელი ორი კვირა ლოგინიდან არ ავმდგარვარ. ვიდრე ავად ვიყავი და ვიწექი, ზინაიდა ფეოდოროვნა ყოველდღე მნახულობდა, ყოველდღე შემოდითდა ჩემს ნოჰერში, ჯერ ყავას დავლევდით ერთად, მერე დაჯდებოდა და იმ ფრანგულ და რუსულ წიგნებს მიკითხავდა, რომლებიც საკმაოდ ბლომად შევიძინე ვენაში. ამ წიგნებს ან უკვე დიდი ხანია ვიცნობდი, ანდა, უბრალოდ, სულაც არ მაინტერესებდა, მაგრამ იმ წუთას ჩემთვის მთავარი ის იყო, რომ მარტო არ ვიყავი და მისი თბილი, სიკეთით სავსე ხმა მესმოდა. თავის ღიანაცრისფერ კაბასა და მსუბუქ ჩალის შლაპაში გამოწყობილი, მხიარული, გაზაფხულის მზით სავსე, სეირნობიდან რომ დაბრუნდებოდა, ჩამოჯდებოდა საწოლზე, თავს დაბლა დახრიდა, სახეს ლამის სახესთან მომიტანდა და ან ვენეციაზე მიყვებოდა რაღაცას ან მიკითხავდა და ვიყავი მეც ასე ნეტარებაში.

ღამიანობით მციოდა კიდევაც, მტკიოდა კიდევაც, მოწყენილიც ვიყავი, დღისით კი მართლაც რომ ვტკბებოდი ცხოვრებით — აივნის ღია კარსა და ფანჯრებში ბრდღვიალა მზე ჩახჩახებდა, ქვემოდან მხიარული გადაძახილ-ხადმოძახილი, ნიჩბების დგაფუნნი, ზარების რეკვა. შუადღისას ზარბაზნის გუგუნნი ისმოდა. მთელი ჩემი არსება საოცარ სილადეს და თავისუფლებას მოეცვა და ეს ყველაფერი ჩემზე მართლაც რომ სასწაულებრივად მოქმედებდა. ისეთი გრძობა მქონდა, მხრებზე თითქოს დიდი, ღონიერი ფრთები მესხა და, ღმერთმა უწყის, საით მიმაქროლებდა. ვერ წარმოიდგენთ, რა აუწერელ სიხარულს მგერიდა ის აზრი, რომ ჩემი ცხოვრების გვერდიგვერდ მოედინებოდა მეორე ცხოვრება, რომ მე ვიყავი მსახური, გუშაგი, მეგობარი, აუცილებელი თანამგზავრი აი ამ ახალგაზრდა, ღამაზი, მდიდარი, მაგრამ სუსტი, შეურაცხყოფილი, მიუსაფარი არსებისა! თქვენ წარმოიდგინეთ, ადამიანისათვის ზოგჯერ თვით ავადმყოფობაც კი სასიამოვნოა, თუ იცი, რომ შენს გამოჯანმრთელებას დღესასწაულივით ელიან. ერთხელ გავიგონე, კარს უკან ჩემს ექიმს ჩურჩულით როგორ ელაპარაკებოდა. ამის შემდეგ ჩემთან, ოთახში რომ შემოვიდა, თვალები ცრემლით მქონდა სავსე. ცხადია, ეს ჩემთვის სასიკეთოს არაფერს ნიშნავდა, მაგრამ ისე ვიყავი მისი საქციელით გულაჩუყებული, რომ ერთბაშად არაჩვეულებრივი შეება ვიგრძენი.

და აი, ბოლოს, როგორც იქნა, აივანზე გასვლის უფლება მომცეს. მზე და ზღვიდან მონაბერი გრილი სიო ნახად ეფერება ჩემს ავადმყოფ სხეულს. გავცქერი კარგად ნაცნობ, წყლის ზედაპირზე ქალური გრაციით, ნარნარით, დიდებულად მოსრიალე გონდოლებს და ასე მგონია, ისინიც ასევე შეიგრძნობენ ამ მომაჯადოებელი, თვითმყოფი კულტურის დიდმშვენიერებას. ირგვლივ ზღვის სურნელი ტრიალებს. საიდანღაც სიმების ელერა და ორხმიანი სიმღერა ისმის. რა კარგი, რა მშვენიერია! როგორ არა ჰგავს პეტერბურგის იმ ავდრიან საღამოს, ქარი და თოვლჭყაპი სახეში რომ მკვებდა. არხს გაღმა ზღვის ნაპირი მოჩანს. შორს, პორიზონტთან წყლის ზედაპირს მზე ისე ალივლივებს, თვალს ვერ გაუსწორებ. გული იქით, იმ მშობლიური, საყვარელი ზღვისაკენ მიმიწევს, რომელსაც მთელი ჩემი ახალგაზრდობა მივუძღვენი. სიცოცხლე მწყურია, მინდა, ვიცოცხლო, ვიცოცხლო და ვინარო ამ ცხოვრებით.

ორი კვირის მერე თავისუფლად დავიწყე სიარული. მიყვარდა მზეზე ჯდომა და გონდოლიერების ყურისგდება. შემეძლო საათობით ისე მესმინა, არაფერი გამეგო, საათობით მეცქირა იმ სახლისათვის, სადაც, ხალხის თქმით, დეზდემონა ცხოვრობდა — გულღია, სევდიანი, ქალწულებრივად უბიწო პატარა სახლისათვის, რომელიც

მაქმანივით მსუბუქი ჩანდა, ისეთი მსუბუქი და ჰაეროვანი, იფიქრებდი, რომ მოვინდომო, ცალი ხელითაც დავძრავო. ვიდრე კანოვას საფლავთან და მოწყენილ ლომს თვალს არ ვაცილებდი... დოქების სასახლეში კი გული მუდამ იმ კუთხისაკენ მიმიწევდა, უბედური მარინო ფალერო შავად რომ შეღებეს. კარგი იქნებოდა, პოეტი, მხატვარი ან დრამატურგი ვყოფილიყავი, მაგრამ რადგან ეს ჩემთვის მიუწვდომელია, ნეტავი მისტიციზმმა მაინც გამიტაცოს-მეთქი, ვფიქრობდი. იქვე იქვე კუმღვრეველ სიმშვიდესა და კმაყოფილებასთან ერთად, რომლითაც ასე აღსავსეა ჩემი სული, რა იქნება, მცირეოდენი რწმენაც გამაჩნდეს-მეთქი.

სალამობით ხამანწკებს შევექცეოდით, ვსვამდით ღვინოს, ვსვირნობდით ნავით. მახსოვს, როგორ ირწეოდა ჩვენი შავი გონდოლა წყლის ზედაპირზე. ქვემოდან ტალღების ყრუ, ძლივს გასაგონი დგაფუნის ისმოდა. აი, გლუვ ზედაპირს აქა-იქ ვარსკვლავებისა და ზღვისპირა სინათლეების ანარეკლი ათრთოლებს. სადღაც, შორიანლოს ფერადფარნიანი გონდოლაში ახალგაზრდები მღერიან, წყლის ზედაპირზე ფერადი ფარნების ანარეკლი ციმციმებს. ღამის სიბნელეს გიტარის, ვიოლინოსა და მანდოლინას ხმა არსევს, ისმის ქალებისა და მამაკაცების გნიასი. ჩემ გვერდით კი, თითქმის პირქუსი, ფერმკრთალი, მეტისმეტად სერიოზული ზინაიდა ფეოდოროვნა ტუჩებმოკუმული ზის, ხელები დაუმუშტავს და, ეტყობა, რაღაცაზე ფიქრობს, მე თითქმის არ მისმენს, ზის და წარბსაც არ ატოკებს; ხომ წარმოგიდგენიათ, როგორი კონტრასტია — ზინაიდა ფეოდოროვნას სახე, ჯდომის მანერა, არაფრის მთქმელი, გაქვავებული გამოხედვა... წარმოუდგენლად ნალვლიანი, შემადრწუნებელი, თოვლივით ცივი მოგონებანი... ირგვლივ კი გონდოლები, სინათლეები, მუსიკა, სიმღერა, რომელსაც რიხიანი, ვნებით სავსე შეძახილი ერთვის: „jam-mo!.. jam-mo!..“ შევეუბრებ მწუხარებით მოსილ, გაქვავებულ ზინაიდა ფეოდოროვნას და ასე მგონია, რომელიღაც ძველებური რომანის გმირები ვართ, რომანისა, რომელსაც სახელად „ბედშავი“, „მიტოვებული ქალი“ ან რაღაც ამდაგვარი ჰქვია. დიახ, ორივენი — ზინაიდა ფეოდოროვნაცა და მეც, მისი ერთგული, თავდადებული მეგობარი, მეოცნებე, თუ ვნებავთ, ხელმოცარული, ზედმეტი ადამიანიც კი, რომელსაც ხველის, ოცნებისა და თავგანწირვის მეტი არაფერი შეუძლია (მაგრამ, ვაი, რომ ჩემი ეს თავგანწირვა მას სულაც არ სჭირდებოდა)...

სალამობით, სვირნობის შემდეგ, დავსხდებოდით მის ნომერში, დავიდგამდით ჩაის და ვსაუბრობდით. არც ძველ, ჯერ კიდევ შეუხორცებელ ჭრილობებს ვერიდებოდით, პირიქით, როდესაც ორღოვთან ჩემი ცხოვრების ამბებს ვუყვებოდი, რატომღაც სიამოვნებასაც კი ვგრძნობდი. ასე იყო მაშინაც, როდესაც დაუფარავად ვესებოდი იმ ურთიერთობას, რომელიც ძალიან კარგად ვიცოდი და რომელიც შეუძლებელია არ მცოდნოდა.

— იყო წუთები, როდესაც მძულდით კიდევაც, — ვუთხარი ერთხელ ზინაიდა ფეოდოროვნას. — როდესაც ის ცრუობდა, ჭირვეულობდა, თავს მაღლა იჭერდა და ქედმაღლობდა, მიკვირდა, რატომ ვერაფერს ხედავდით, მაშინ, როცა ყველაფერი ასე დღესავით იყო ნათელი. ხედავდით კი არა, მის წინაშე მუხლებზე დგებოდით, ხელებს უკოცნიდით, როგორ აღარ ეპირფერებოდით...

— ხელებს იმიტომ... იმიტომ ვუკოცნიდი, მუხლებზე იმიტომ ვდგებოდი, რომ... მიყვარდა, — თქვა ზინაიდა ფეოდოროვნამ და გაწითლდა.

— ნუთუ ასე ძნელი იყო მისი გამოცნობა? თუმცა, ის ხომ სფინქსია! კამერიუნკერი სფინქსი! ღმერთმა დაიფაროს, მე თქვენ არაფერს ვსაყვედურობთ, — ვუბნებოდი და თან ვგრძნობდი, რომ ჩემი ეს საქციელი ხებრე კაცის საქციელი იყო. ვგრძნობდი, მაღალი წრისათვის ჩვეული დელიკატურობა და ის დახვეწილობა მა-

კლდა, რომელიც ყველაზე მეტად სწორედ მაშინ არის საჭირო, როდესაც მეორე ადამიანის სულთან გაქვს საქმე. უწინ, ვიდრე ზინაიდა ფეოდოროვნას გავიცნობდი, ჩემს ამ ნაკლს ვერ ვამჩნევდი. — არა, მაინც როგორ ვერ მიხვდით, როგორ ვერ გამოიცანით? — გავიმეორე ახლა უკვე ჩუმად, გაუბედავად.

— თქვენ გინდათ თქვათ, რომ კძულთ, უგულვებელყოფთ ჩემს წარსულს და მართალიც ხართ, — ამბობდა იგი აღელვებული, — თქვენ ეკუთვნით და ამიტომ განსაკუთრებულ ჯგუფს, რომელთაც ჩვეულებრივი არშინით ვერ გაზომავ, თქვენი ზნეობრივი მრწამსი განსაკუთრებული სიმკაცრით გამოირჩევა და ეს გასაგებია ჩემთვის. მიუხედავად ამისა, ხანდახან თუ მაინც გეწინააღმდეგებით, ეს იმას როდი ნიშნავს, თითქოს თქვენგან განსხვავებულად ვუყურებდე საგნებსა და მოვლენებს. უწინდელ სისულელეებზე კი მხოლოდ იმიტომ ვლაპარაკობ, რომ ჯერ კიდევ ვერ მოვასწარი ძველი სამოსისა თუ ძველი ცრურწმენების მოშორება. მე თვითონვე მძულს ჩემი წარსული, ორლოვი და ჩემი სიყვარული... აბა, ეს რა სიყვარულია! ის ყველაფერი ჩემთვის ახლა სასაცილოც კია. — ზინაიდა ფეოდოროვნა ფანჯარას მიუახლოვდა და არხს ჩახედა. — ყოველგვარი ასეთი სიყვარული გაურკვეველს ხდის შენს სინდისს, თავგზას გიბნევს. ცხოვრების აზრი მხოლოდ ბრძოლაშია. ქუსლით ისე უნდა გაუჭეჭყო თავი საზიზღარ უხსენებელს, სულის ამოთქმა ვერ მოასწროს. აი, რა არის მთავარი, აი, რასა აქვს აზრი! ან ეს, ან არაფერი!

მე მას ჩემი ცხოვრების რა გრძელი ამბავი, რა საოცარი, რა გაუგონარი თავგადასავლები აღარ მოვუყევი; მაგრამ იმ ცვლილებებზე კი, რომელიც ჩემს არსებაში მოხდა, სიტყვა არ დამიძრავს. ზინაიდა ფეოდოროვნა ყურადღებით მისმენდა და როცა რაღაც უფრო საინტერესოს ვუყვებოდი, ხელებს ისე იფშვინებდა, თითქოს სწყინდა, თვითონაც ამ ამბის, ამ შიშისა და სიხარულის მოზიარე და მონაწილე რომ არ იყო. მერე უცებ ჩაფიქრდებოდა, თავისთავში ჩაიკეტებოდა და სახეზე ვატყობდი, აღარ მისმენდა...

მერე არხისაკენ გამავალ ფანჯრებს ჩავკეტავდი და, ბუხარი ხომ არ აევანთომეთქი, — ვკითხავდი.

— არა, რა საჭიროა, არა მცირეა, — მიპასუხებდა უხალისო ღიმილით. — ეტყობა, ძალიან დავსუსტდი. იცით, ასე მგონია, ამ ბოლო დროს ზედმეტად დავჭკვიანდი. თავში ახლა მეტისმეტად ორიგინალური, არაჩვეულებრივი აზრები მიტრიალებს. აი, როდესაც ჩემს წარსულზე, ჩემს მაშინდელ ცხოვრებაზე... როდესაც ადამიანებზე ვფიქრობ, ეს ყოველივე ერთ სახედ, ჩემი დედინაცვლის ხატებად წარმომესახება: უხეში, უტიფარი, ცრუ, გარყვნილი და უსულგულო, ყოველივე ამ სიკეთესთან ერთად ნარკომანიც... მაშამ, უნებისყოფო, სუსტი ხასიათის კაცმა დედაჩემი მხოლოდ ფულის, სიმდიდრის გამო ითხოვა და მალე დააჭლექა კიდევაც, იმ თავის მეორე ცოლზე კი ვნებიანად, თავდავიწყებით იყო შეყვარებული... ღმერთო, რა არ გადავიტანე! ეჰ, ღირს კი ახლა ამაზე ლაპარაკი!.. ყველაფერი ცუდი ერთ სახედ — ჩემი დედინაცვლის ხატებად წარმომესახება-მეთქი, მაგრამ აი, იმასაც კი ვნატრობ, ნეტავი ის მაინც იყოს ცოცხალი.

— რატომ?
 — არ ვიცი... — მიპასუხა სიცილით და თავი ლამაზად გადააქნია. — ღამე მშვიდობისა. მალე გამოჯანმრთელდით. როგორც კი კარგად გახდებით, ჩვენს საქმეებს მივხედოთ, დროა...

ხელი უკვე კარის სახელურზე მევლო, ის-ისაა ოთახიდან უნდა გავსულიყავი, რომ ზინაიდა ფეოდოროვნამ შემაჩერა:

— როგორ გგონიათ, პოლია ისევ ცხოვრობს მასთან?

— ალბათ.

ამ სიტყვებით გამოვემშვიდობე და ჩემი ნომრისაკენ გავწიე. ასე ვიცხოვრეო მთელი თვე. ერთ ღრუბლიან შუადღეს, ჩვენ ორივენი ჩემი ნომრის ფანჯარასთან ვიდექით, ჩუმად შევეყურებდით ზღვიდან დაძრულ ღრუბელსა და ლურჯად მოლივლივე არხს და ველოდით, წვიმა თქრიალით როდის წამოვიდოდა. და აი, როდესაც წვიმის ფარდა ბლონდივით ჩამოეფარა ზღვისპირეთს, ანაზღადა ორივემ მოწყენილობა ვიგრძენით. იმავე დღეს მე და ზინაიდა ფეოდოროვნა ფლორენციაში გავემგზავრეთ.

16.

ეს ამბავი უკვე შემოდგომაზე, ნიცაში მოხდა. ერთ დღიას მასთან ნომერში რომ შევედი, ფეხი ფეხზე გადადებული, წელში მოხრილი, მხრებჩამოყრილი ზინაიდა ფეოდოროვნა სავარძელში იჯდა, სახეზე ხელები აეფარებინა და მწარედ, გულამოსკვნით ტიროდა, კრძელი, დაუვარცხნელი თმა მუხლებზე ქონდა ჩამოშლილი. საუცხოო, განსაცვიფრებელი ზღვით აღტაცებულს, საიდანაც ეს-ეს არის დავბრუნდი, მინდოდა, ჩემი აღტაცება მისთვისაც გამეზიარებინა, მაგრამ შევხედე თუ არა, ერთბაშად ყველაფერი გადამაფიწყდა და გული მწარედ შემეკუმშა.

— რა მოხდა, რა გატირებთ? — ვკითხე ზინაიდა ფეოდოროვნას, მან კი ხელი ამიქნია და, გადიო, მანიშნა. — მაინც რა იყო, რა მოხდა? — გავიმეორე მე და მთელი ჩვენი ნაცნობობის მანძილზე პირველად ვაკოცე ხელზე.

— არა, არა, არაფერი! — ჩაილაპარაკა სწრაფად. — არა, არაფერი... გადით, ხომ ხედავთ ჩაცმული არა ვარ.

ოთახიდან შეცბუნებული გამოვედი. ის მშვიდი, სასიამოვნო განწყობილება სიბრალულმა ერთბაშად ჩამიშხამა. გულმხურვალედ მეწადა, მუდარით ფეხებში ჩავვარდნოდი და მეთხოვა, ჩემთვისაც გაეზიარებინა თავისი მწუხარება, ასე მარტო არ ეტირა. ზღვის წყნარი შრიალი ყურებში ახლა უკვე რაღაც ავის მაუწყებლად ჩამესმა, თითქმის თვალნათლივ ვხედავდი — ახალ ცრემლს, ახალ მწუხარებას, ახალ-ახალ დანაკარგს... რა? რა ატირებს? — ვეკითხებოდი ჩემს თავს და მის სახეს, მის ტანჯულ გამოხედვას ვისხენებდი. მერე მომაგონდა, რომ ორსულად იყო. ყოველნაირად ცდილობდა, დაემალა თავისი მდგომარეობა, დაემალა არა მარტო გარემოეთვის, არამედ საკუთარი თავისთვისაც. შინ მუდამ განიერი ბლუზა ან მკერდზე ფართონაკეციებიანი კოფთა ეცვა. სახლიდან სადმე თუ წავიდოდა, კორსეტს ისე იჭერდა, სეირნობისას ორჯერ გულიც კი წაუვიდა. თავისი ორსულობის შესახებ ჩემთან არასოდეს არაფერი უთქვამს. და აი, ერთხელაც, როცა მე გაუბედავად შევაპარე, ცუდი არ იქნებოდა, ექიმისათვის რჩევა-დარიგება გეკითხათ-მეთქი, სახეზე ცეცხლი წაეკიდა და არაფერი მიპასუხა.

ცოტა ხნის შემდეგ ზინაიდა ფეოდოროვნასთან რომ შევედი, იგი უკვე ჩაცმულ-დახურული და დავარცხნილი დამიხვდა.

— კმარა, კმარა! — ვუთხარი მე, როდესაც დავინახე, რომ ისევ სატირლად იყო გამზადებული, — იცით რა, მოდი, ზღვაზე გავისეირნოთ, თან ვისაუბროთ კიდევაც.

— არა, არ შემიძლია. მაპატიეთ, მაგრამ ისეთ განწყობაზე ვარ, როცა კაცს ყველაფერს მარტოობა ურჩევნია. ვლადიმერ ივანოვიჩი, შემდეგში ჩემთან შემოსვლა რომ მოგინდებათ, ძალიან გთხოვთ, წინასწარ დააკაკუნოთ და ისე შემოხვიდეთ.

მისი ეს „წინასწარ“ ახლა რაღაც სხვაგვარად, არაქალურად იყო ნათქვამი. მე

მაშინვე ოთახიდან გავიდა. ვიგრძენი, ისევ შეუფლებოდა ის წყეული პეტერბურგული განწყობილება და ყველა ჩემი ნათელი ოცნება ისე იმცრობოდა და იგრაგნებოდა, როგორც ცეცხლში ჩაგდებული ფოთოლი. ისევ მარტო ვიყავი, ჩვენს შორის არავითარი სიახლოვე არ იყო. ვხედავდი, ზინაიდა ფეოდოროვნასათვის მცდე იგივე ვიყავი, რაც აი იმ პალმისათვის ის შემთხვევით ჩამოკონწიალებული აბლაბუდა, რომელსაც ხაცაა ქარი მოსწყვეტდა და წაიღებდა. ერთხანს იმ სკვერში ვისეინჯნე, მუსიკას უკრავდნენ. მერე კაზინოში შევედი. ვათვალისწინებდი ლამაზად გამოპირებულ, სუნამოს სუნით გაჟღენთილ ქალებს, რომელთაც თვითნებური ისე შემომყურებდა, თითქოს უნდოდა ეთქვა, მარტო ხარ და ძალიანც კარგი, მარტო რომ ხარო... მერე ტერასაზე გავიდა და დიდხანს, დიდხანს ვუცქირე ზღვას. შორს, პორიზონტზე არც ერთი აფრა არა ჩანდა. მარცხენა ნაპირზე მთები ლილისფერ ბურში იყო გახვეული. კოშკებს, სახლებს, ბალებს — ყველაფერს ირგვლივ შზის ჩახჩახა სხივები დასთამაშებდა, მაგრამ ჩემს გულს ახლო არაფერი ეკარებოდა, ჩემთვის ყოველივე სრულიად უცხო და გაუგებარი იყო. |

17.

ზინაიდა ფეოდოროვნა დილაობით ისევ ძველებურად მოდიოდა ჩემთან ყავის დასალევად, სადილობით კი უკვე აღარ ვსადილობდით ერთად. როგორც თვითონ ამბობდა, მაღა სულ არ ჰქონდა, ამიტომაც ყავით, ჩაითა და სხვა ამგვარი უმნიშვნელო რამითაც კმაყოფილდებოდა, მაგალითად, ფორთოხლით ან კარამელით.

ახლა აღარც საღამოობით ვსაუბრობდით ჩვეულებისამებრ. არ ვიცო, რა მოხდა, რატომ იყო ასე. მას შემდეგ, რაც ატირებულს შევუსწარი, როგორღაც სხვაგვარად დამიწყო მოქცევა, ზოგჯერ დაუდევრად, ის კი არა, ირონიულადაც კი. ახლა რატომღაც „ბატონო ჩემო“ მომმართაუდა. ის, რაც უწინ გმირობად და საოცრებად ეჩვენებოდა, ის, რაც მის გულში შურსა და აღფრთოვანებას იწვევდა, ახლა უკვე სრულიად აღარ აღელვებდა. მშვიდად, უხალისოდ მომისმენდა, ოღნაფ გაიზმორებოდა და სხვათა შორის მეტყვიდა:

— ჰო, იყო ამგვარი ამბავი პოლტავასთან, ბატონო ჩემო, იყო...

ხანდახან რამოდენიმე დღე ისე გაივლიდა, საერთოდ ვერ ვხვდებოდი. ვაკაკუნებ კარზე გაუბედავად, მორიდებით, შიგნიდან კი ჩამიჩუმში არ ისმის. ისევ ვაკაკუნებ კარზე, ისევ არ ისმის ჩამიჩუმში შიგნიდან... ვდგავარ კარს უკან, ვუსმენ, ვაყურადებ... მაგრამ, აი, ჩამივლის გვერდით მოახლე და ვითომც არაფერი, ცივად გამომიცხადებს: „madam est partie“. მერე დავდივარ სასტუმროს დერეფანში წინ და უკან, დავდივარ, დავდივარ... ირგვლივ ვიღაც ინგლისელები, ვიღაც მკერდსავსე დიაცები, ფრაკში გამოწყობილი გარსონები ტრიალებენ... დიდხანს, დიდხანს დავცქერი დერეფნის მთელ სიგრძეზე გაფენილ გრძელ, ზოლიან ხალიჩას და უცებ გონებაში გამიელვებს, რომ იმ ქალის ცხოვრებაში რაღაც უცნაურ, ყალბ როლს ეთამაშობ და რომ ამ როლიდან გამოსვლა ახლა უკვე სრულიად აღემატება ჩემს ძალ-ღონეს. შევეარდები ჩემს ნომერში, დავეცეპი ლოგინზე, ვფიქრობ, ვფიქრობ, მაგრამ ვერაფერი მომიფიქრებია, მხოლოდ ერთი რამ არის ჩემთვის ნათელი — ის, რომ სიცოცხლე მწყურია, რომ რაც უფრო უშნო, ცივ, უხალისო გამომეტყველებას დებულობს მისი სახე, მით უფრო ძვირფასი და მასლობელი სდება იგი ჩემთვის, მით უფრო ძლიერად და მტკივნეულად შევიგრძნობ მასთან სიახლოვეს. დაე, „ბატონო ჩემო“ ვიყო, დაე, ზერულე და აგდებული იყოს შენი ხმა და კილო, რაც გინდა ის

1. ქალბატონი გაემგზავრა (ფრ.).

ქენი, როგორც გინდა ისე მოიქეცი, ოღონდ კი ნუ მიმატოვებ, ჩემო საუნჯევ, ჩემთვის უკვე აუტანელია მარტოობა-მეთქი, — ვფიქრობ.

მერე ისევ ღერეფანში გავდივარ და ისევ შეშფოთებული ვაუროდებ... მთელი დღე ისე დაღამდა, პირში არაფერი ჩამიდვია, ისიც კი ვერ გავიგე, დღე როგორ მიილია. ღამის თერთმეტი საათი იქნებოდა, რომ ნაცნობი ფეხქვეშა მუშაკმა და კიბის მოსახვევეში ზინაიდა ფეოდოროვნაც გამოჩნდა.

— სეირნობთ? — მკითხა და გვერდით ჩამიარა. — სჯობდა გარეთ გესეირნათ... ღამე მშვიდობისა!

— კი მაგრამ, ველარ ვნახავთ დღეს ერთმანეთს?

— მე მგონი, უკვე გვიანია. ისე, როგორც გენებოთ.

— სად იყავით? — ვეკითხები ზინაიდა ფეოდოროვნას და მასთან ერთად ნომერში შევდივარ.

— სად ვიყავი? მონტე-კარლოში. — იგი ჯიბიდან ათ ცალ ოქროს მონეტას იღებს და მეუბნება: — აი, ნახეთ, ბატონო ჩემო, მოვიგე... ეს მე რულეტში მოვიგე.

— თამაში დაიწყეთ?!

— რატომაც არა? აი, ხვალაც წავალ.

წარმოვიდგინე, როგორ იდგა სათამაშო მაგიდასთან, შელახული, გადაფითრებული, ორსული, კორსეტგაქაჩული, კვკლუცი ქალებისა და გამობნეტილებული დედაბრების ბრბოში, რომლებსაც ისე იზიდავთ ოქრო, როგორც ფუტკარს თაფლი, და გამახსენდა, რომ მონტე-კარლოში იგი ჩემს უჩუმრად წავიდა...

— არა, მე თქვენი არა მჯერა, — ვუთხარი ერთხელაც ზინაიდა ფეოდოროვნას, — არა, თქვენ იქ აღარ წახვალთ.

— ნუ ღელავთ, ბევრს არ წავაგებ.

— წაგება რა შუაშია? — ვუთხარი დანანებით, — თამაშის დროს ნუთუ აზრად არასოდეს მოგსვლიათ, რომ ეს ოქროც, ეს ქალებიც, მოხუციცა და ახალგაზრდაც, ეს კრუპიეცა და მთელი ეს გარემოც, ხალხის შრომისა და გარჯის, შრომაში მოღუნილი ოფლის ბინძური დაცინვაა.

— რომ არ ვითამაშო, აბა, აქ სხვა რა გავაკეთო? — თქვა ზინაიდა ფეოდოროვნამ, — გარჯა, შრომაში მოღუნილი ოფლი... თქვენი ეგ მჭევრმეტყველება სხვა დროისათვის შეინახეთ, ახლა კი, მართალია, თქვენ დაიწყეთ, მაგრამ ნება მომეცით, მე გავაგრძელო და პირდაპირ დაგისვით კითხვა: რა ვქნა, ან ახლა და ან მომავალში რა ვაკეთო აქ?

— რა აკეთოთ? — ვთქვი მე და მხრები ავიჩიჩე, — ვერაფერს გეტყვით, ამ კითხვაზე პასუხის გაცემა ერთბაშად შეუძლებელია.

— ვლადიმერ ივანიჩ, მე მინდოდა თქვენგან კონკრეტული და გულახდილი პასუხი მიმეღო, — მითხრა ზინაიდა ფეოდოროვნამ და სახეზე სიბრაზე დაეტყო, — ეს კითხვა იმიტომ კი არ დაგისვით, პასუხად ზოგადი ფრაზები მომესმინა, — თქვა და მაგიდაზე ხელი ისე აათამაშა, თითქოს ტაქტს აყოლებსო, — აი, ვეკითხებით, რა ვქნა, რა გავაკეთო? მხოლოდ აქ კი არა, ნიცაში, საერთოდ, რა ვქნა?

გაჩუმებული ვიდექი და ფანჯრიდან ზღვას გავცქეროდი. გულმა საშინელი ძგერა დამიწყო.

— ვლადიმერ ივანიჩ, — მითხრა ზინაიდა ფეოდოროვნამ ჩუმად, ძლივს სუნთქავდა, ლაპარაკი უჭირდა. — ვლადიმერ ივანიჩ, თუ თქვენ თვითონაც არ გჯეროდათ ამ საქმისა, თუ თქვენ თვითონვე გულგატეხილი ხართ, მაშინ... მაშინ რაღას მომათრევდით პეტერბურგიდან? რატომ აღმითქვით, რატომ აღძარით ჩემს გულში ეს გიჟური იმედები? ის რწმენა აღარ გაქვთ, ახლა თქვენ სხვა ადამიანი გახდით.

რას იზამ, ამაში ვერავინ დაგაღანაშაულებთ, რწმენა რწმენაა, შენს სურვილზე არაა, მაგრამ... მაგრამ, ვლადიმერ ივანიჩ, ღვთის გულისათვის, რატომ ხართ ასე არა-გულწრფელი? — განაგრძობდა ჩუმად და თან მიახლოვდებოდა. — როდესაც მთელი იმ თვეების განმავლობაში ხმამაღლა ვოცნებობდი, ებოდავდი, ალტაცებულ ვიყავი საკუთარი გეგმებით, ახლებურად ვფიქრობდი ცხოვრების აწყობას, რატომ არ მეუბნებოდით სიმართლეს, რატომ დუმდით? ანდა რატომ მიყვებოდხართ ჩემს რწმენებს, რითაც მაქეზებდით კიდევაც, და თავი ისე გეჭირათ, ვითომ ძალისხმევაში ვიყავი? რატომ?

— ძნელია საკუთარი ბანკროტობის აღიარება, — ჩაფილანდა ჩუმად და შემოვბრუნდი, ისე რომ არ შემიხედავს მისთვის, — აღარაფრის მჯერა, დავილაღე, სულით დავეცი... მიჭირდა ყველაფრის გულწრფელად თქმა, ძალიან მიჭირდა, ამიტომაც ვდუმდი. ის, რაც მე გამოვცადე, ღმერთმა ნურავის გამოაცდევინოს.

მომეჩვენა, საცაა ავტირდები-მეთქი და გაეჩუმდი.

— ვლადიმერ ივანიჩ, — ზინაიდა ფეოდოროვნამ ორივე ხელი ხელში ჩამავლო, — ბევრი გადაიტანეთ, ბევრი გამოსცადეთ, ცხადია, ჩემზე მეტი იცით; კარგად დაფიქრდით და მითხარით — რა ვქნა, როგორ მოვიქცე? დამარიგეთ, მასწავლეთ რაიმე. თუ თქვენ უკვე აღარ შეგიძლიათ, წინ იართო და სხვებიც გაიყოლიოთ, მაშინ ის მაინც მითხარით, მე რა ვქნა, რა გზას დავადგე? მე ხომ ცოცხალი ადამიანი ვარ, რომელიც გრძნობს, აზროვნებს, განიცდის. ჩავარდე ასეთ ყალბ მდგომარეობაში, ითამაშო რაღაც უაზრო, სულელური როლი... აბა, წარმოიდგინეთ, რა ძნელი და აუტანელია ეს ჩემთვის. არა, კი არ გსაყვედურობთ, კი არ გადანაშაულებთ, გთხოვთ.

ამ დროს ჩაი შემოიტანეს.

— რას მეტყვით? — მითხრა ზინაიდა ფეოდოროვნამ და ჩაი მომაწოდა, — რას მიპასუხებთ?

— ზინაიდა ფეოდოროვნა, კიდევ რამდენი ადამიანია ჩემ ვარდა...

— მაშინ მიმითითეთ, ვინ არიან ის ადამიანები? მეც მხოლოდ იმას არ გთხოვთ! — გამოცოცხლდა ზინაიდა ფეოდოროვნა.

— კიდევ ერთსაც გეტყვით, — განვაგრძე მე, — თუ კაცს უნდა იდეას ემსახუროს, ამისათვის მხოლოდ ერთი სარბიელი როდია. შეგეშალა ან ერთზე გული ავიცრუვდა? ადექი და მეორე აირჩიე, რამეთუ ფართოა და ამოუწურავი იდეების სამყარო.

— იდეების სამყარო! — ჩაილაპარაკა ზინაიდა ფეოდოროვნამ და თვალებში დამცინავად შემომხედა, სახეზე გულისწყრომა და ზიზღი აღებუჭდა. — ყველა ებთქვენი მშვენიერი იდეა, ვატყობ, ერთადერთი, გარდაუვალი ნაბიჯისაკენ მიბიძგებს — ესე იგი, მე თქვენი საყვარელი უნდა გავხდე. აი, რა არის საჭირო. იყო იდეებით გატაცებული და არ ეკუთვნოდე იმ იდეებით გატაცებულ უპატიოსნეს ადამიანს, ეს იმას ნიშნავს, რომ სულაც არაფერი გაგეგება იმ შენი იდეებისა. სწორედ ამით უნდა დამეწყო — საყვარელი უნდა გავმხდარიყავი, დანარჩენი თავისით აეწყობოდა.

— თქვენ ახლა, უბრალოდ, გაღიზიანებული ხართ.

— არა, გულწრფელად გეუბნებით! — იყვირა სუნთქვაშეკრულმა, — დიახ, გულწრფელად გეუბნებით!

— შეიძლება გულწრფელადაც მეუბნებით, მაგრამ გეშლებათ. აი, ჩემთვის კი გულსატკენია თქვენი ებ სიტყვები.

— მეშლება, არა? — გაიცინა ზინაიდა ფეოდოროვნამ, — სხვას რომ ეთქვა, კიდევ მესმის, თქვენ კი, ბატონო ჩემო... დაე, მკაცრ, არადელიკატურ ადამიანად

ჩამთვალეთ, მაგრამ, ასეა თუ ისე, ხომ გიყვარვართ? თქვით, ხომ გიყვარვართ?

მე მხრები ავიჩიჩე.

— აი, ხედავთ, მხრებს იჩიჩავთ! — განაგრძო კვლავ დამცინავად, — ავად-
მყოფობის დროს თქვენი ის ბოდვა, თაყვანისცემით სავსე გამოხედვა, თხურა, სუ-
ლიერ ნათესაობაზე, სიახლოვეზე თქვენი ის კეთილგანზრახული საუბრები... რაც
მთავარია, რატომ არ იყავით აქამდე გულწრფელი? რატომ ფარავდით იმას, რაც
არის და რატომ ლაპარაკობდით იმაზე, რაც არ არის? გეთქვათ თავიდანვე, კერძოდ,
რომელმა იდეამ გაიძულათ, პეტერბურგიდან გამოგექციეთ და მეც მეცოდინებოდა,
რა იყო და როგორ იყო. მოვიწამლავდი თავს, როგორც მაშინ მქონდა გადაწყვეტი-
ლი და გათავდებოდა ამით ყველაფერი, აღარ იქნებოდა ახლა ეს მომაზებრებელი,
გულისგამაწვრილებელი კომედია... ეჰ, ღირს კი ამაზე ლაპარაკი! — ზინაიდა ფეო-
დოროვნამ ხელი ჩაიქნია და დაჯდა.

— ისეთ კილოზე მელაპარაკებით, თითქოს უპატიოსნებაში მდებდეთ ბრალს, —
ვუთხარი ნაწყენმა.

— რაც არის, არის. ახლა ამას რა აზრი აქვს. ეჭვი მე თქვენს განზრახვაში კი
არ მეპარება, არამედ იმაში, რომ არავითარი განზრახვა არ გქონიათ. რომ გქონო-
დათ, მეცოდინებოდა კიდევაც. მაგ თქვენი იდეებისა და მაგ თქვენი სიყვარულის
გარდა, სწორედაც რომ არაფერი გქონდათ. ამჟამად იდეა და სიყვარული, პერსპექ-
ტივაში კი თქვენი საყვარლობა — აი, რა მელის მომავალში. როგორც წესი, ასეა
ცხოვრებაში და ასეა რომანებშიაც... აი, თქვენ სულ კიცხავდით იმას, — თქვა და
ხელი მაგიდას დაარტყა. — მაგრამ, ვინდა თუ არა, იძულებული ხარ, დაეთანხმო —
ტყუილად კი არ დასცინის მაგ იდეებს!

— კი არ დასცინის, ეშინია! — ვიყვირე გაბრაზებულმა, — მშიშარაა, მფრთხა-
ლი და მატყუარა.

— კი ბატონო, ასე იყოს! დავუშვათ, მშიშარაა, მფრთხალი, ცრუპენტელა და
მეც მომატყუა, მაგრამ, თქვენ? ბოდვის ვიხდი ამ გულახდილობისათვის, თქვენ?
თქვენ რაღას წარმოადგენთ? იმან მომატყუა და პეტერბურგში მიმაგდო ბედის ანა-
ბარა, თქვენც მომატყუეთ, მაგრამ არა პეტერბურგში, არამედ აქ... აქ დამტოვეთ
ასევე ბედის ანაბარა. ტყუილთან ერთად ის იმ იდეებით მაინც არ მიტენიდა ყურებს,
თქვენ კი...

— ღვთის გულისათვის, აბა რაებს ლაპარაკობთ! — ვუთხარი მეტისმეტად შე-
წუხებულმა და ხელების ნერვული ფშვნებით სწრაფად მიუუახლოვდი, — არა, ზი-
ნაიდა ფეოდოროვნა, არა, ეს მხოლოდ ცინიზმია და მეტი არაფერი, განა შეიძლება
ასეთ სასოწარკვეთილებაში ჩავარდნა! იცით, რას გეტყვით, — განვაგრძე მე და
თავში გაელვებულ ბუნდოვან აზრს გამწარებული ჩავეჭიდე, ვინაიდან მომეჩვენა,
რომ მას ჯერ კიდევ შეეძლო ჩვენი — ჩემი და ზინაიდა ფეოდოროვნას გადარჩე-
ნა, — იცით, რას გეტყვით, ბევრი რამ გადავიტანე მთელი ცხოვრების მანძილზე,
იმდენად ბევრი, რომ მართო ვახსენებაზეც კი თავბრუ მესხმის. და აი, ახლა მთელი
ჩემი გონებით, ჩემი ტანჯული სულით ჩავხვდი, რომ ადამიანის ცხოვრებას ან არა-
ვითარი აზრი და დანიშნულება არა აქვს, ანდა მხოლოდ ერთში — მოყვასისადმი
თავდადებულ სიყვარულშია მისი ეს აზრი და დანიშნულება. აი, საით უნდა წავიდეთ,
აი, რა არის ჩვენი ცხოვრების აზრი და მიზანი... აი, რა არის ჩემი რწმენა!

მინდოდა საუბარი ახლა გულმოწყალებასა და ყოვლისშემწყნარებლობაზე გამე-
გრძელებინა, მაგრამ ვიგრძენი, რომ ხმაში სიყალბე გამერია და შევცბი.

— სიცოცხლე მწყურია! — ჩავილაპარაკე გულწრფელად, — მინდა ვიცოცხლო,
ვიცოცხლო... მინდა სიმშვიდე, სიწყნარე, მინდა სითბო, მინდა აი, ეს ზღვა და თქვენ-

თან სიახლოვე. ო, როგორ მწადია, თქვენც ასევე შთაგაგონოთ სიცოცხლის ეს დაუ-
ოკებელი წადილი! აი, ახლა სიყვარულზე ლაპარაკობდით, ჩემთვის კი თქვენ გვერ-
დით ყოფნა, თქვენი სახის დანახვა, თქვენი ხმის გაგონებაც საკმარისია...

ზინაიდა ფეოდოროვნა გაწითლდა და ლაპარაკის გაგრძელების საშუალებად რომ
არ მოეცა, სხაპასხუპით მომაყარა:

— აი, თქვენ გიყვართ ცხოვრება, მე კი მეზიზღება. ^{მეტი ვინ უნდა} ~~მეტი ვინ უნდა~~ ^{მეტი ვინ უნდა} ~~მეტი ვინ უნდა~~
რომ ჩვენი გზები სხვადასხვაა.

მერე ჩაი დაისხა, მაგრამ ხელი არ მიუყარებია, საძინებელ ოთახში გავიდა და
დაწვა.

— მე მგონი, უმჯობესია, შევწყვიტოთ ეს საუბარი, — გამომძახა საძინებელი
ოთახიდან. — ჩემთვის ყველაფერი დამთავრებულია, მე უკვე აღარაფერი მჭირდე-
ბა... ახლა ამ ლაპარაკს აზრი აღარა აქვს.

— არა, არ არის ყველაფერი დამთავრებული!

— კარგით, კარგით, ვიცი, რასაც ვამბობ! მე უკვე მომბეზრდა ყველაფერი,
კმარა!

ერთხანს გაოგნებული ვიდექი, მერე ოთახში გავიარ-გამოვიარე და დერეფანში
გავედი. უკვე გვიანი ღამე იყო, მისი ოთახის კართან რომ მივედი და მივაყურე —
ოთახიდან ტირილი შემომესმა.

მეორე დღეს, დილით, ლაქიამ ტანისამოსი შემომიტანა და ღიმილით შემატყო-
ბინა, ქალბატონი, რომელიც მეცამეტე ნომერში ცხოვრობს, მშობიარობსო. სასწრა-
ფოდ ჩავიცვი და ამ ახალი ამბით გაოგნებული, ზინაიდა ფეოდოროვნას ნომრისაკენ
გავიქეცი. ნომერში ექიმი, ბებია ქალი და ხანშიშესული ხარკოველი ბანოვანი —
დარია მიხაილოვნა დამიხვდნენ. ჰაერი ეთეროვანი წვეთების სუნით იყო გაჟღენთი-
ლი. ზღურბლს გადავაბიჯე თუ არა, ზინაიდა ფეოდოროვნას ჩუმი, საწყალობელი
კენესა შემომესმა და თითქოს რუსეთიდან ნიაჰმა მოიტანაო, ერთბაშად ორლოვი,
მისი მწარე ირონია, პოლია, ნევა, ფანტელ-ფანტელ წამოსული თოვლი, უწინასაფრო
ღია ეტლი, დილის გათოშილ ცაზე ჩემ მიერ ამოკითხული წინასწარმეტყველება და
ზინაიდა ფეოდოროვნას განწირული „ნინა!.. ნინა!..“ გამახსენდა.

— შემობრძანდით, — მითხრა დარია მიხაილოვნამ.

ნომერში რომ შევდიოდი, ისეთი გრძნობა მქონდა, თითქოს მე ვიყავი ბავშვის
მამა. ზინაიდა ფეოდოროვნა თვალეზდახუჭული იწვა, გამხდარი, ფერმიხდილი, თავ-
ზე თეთრი, მაქმანებიანი ჩაჩი ეხურა. ახლაც ნათლად მახსოვს მისი სახე — უხალისო,
გულგრილი, მიუყარებელი, თან საოცრად ბავშვური და უმწეო, ალბათ, იმ თე-
თრი ჩაჩის გამო. ოთახში როგორ შევედი, არ გაუგია. არ ვიცი, იქნებ გაიგო კიდე-
ვაც, მაგრამ ყურადღება არ მოუქცევია. მე კი ვიდექი, ვუყურებდი და ველოდი...

და აი, სახე უცებ ტკივილისაგან მოექცა, თვალი გაახილა და ჭერს ისე მიაჩერ-
და, თითქოს უნდოდა გაერკვია, სად იყო ან რა ხდებოდა მის თავს. მერე სახეზე ზი-
ზლი გამოეხატა და ჩუმად წაიჩურჩულა:

— რა საძაგლობაა...

— ზინაიდა ფეოდოროვნა, — დავუძახე ძლივს გასაგონად.

ზინაიდა ფეოდოროვნამ ცივად, უხალისოდ გადმომხედა და ისევ თვალები
მილულა.

ნომერში დიდხანს აღარ დავრჩენილვარ.

ღამით დარია მიხაილოვნამ შემატყობინა, რომ დაიბადა გოგონა და დასძინა,
მშობიარის მდგომარეობა ჯერ კიდევ მეტად მძიმე არისო. მესმოდა, როგორ დარ-

ბოდნენ, რა ხმაური და ფაცაფუცი იდგა ღერეფანში. მერე ისევ მოვიდა დარია მიხაილოვნა და სახეშემლილმა ხელების ფშვნეტით მითხრა:

— ღმერთო, რა საშინელებაა! ექიმს ეჭვი ეპარება, რომ საწამლაგი აქვს დაღე-
ული! ო, რა საშინლად იქცევინ აქ რუსები!

მეორე დღეს ნაშუადღევს იქნებოდა, რომ ზინაიდა ფეოდოროვნა გარდაიცვალა.

ბიზლიჩისეკა

18.

გაიარა ორმა წელმა. იმის გამო, რომ გარემოება შეიცვალა, მე კვლავ პეტერ-ბურგში დავბრუნდი, სადაც შემქმლო ახლა თავისუფლად, დაუფარავად მეცხოვრა. ახლა უკვე აღარ მეშინოდა იმისა, რომ შეიძლებოდა ვინმეს მგრძნობიარე ადამიანად ჩავეთვალე, აღარ მეშინოდა, მთელი ჩემი არსებით მამობრივ ანუ უფრო სწორად, კერპთაყვანისმცემლურ გრძნობებს მივცემოდი, გრძნობებს, რომელსაც ჩემს გულში სონია, ზინაიდა ფეოდოროვნას ქალიშვილი იწვევდა. მე მას ჩემი ხელით ვაჭმევდი, ვბანდი, ვაძინებდი, ღამეებს ვუთენებდი. ხანდახან მომეჩვენებოდა, ბავშვი გადიას ხელიდან უვარდება-მეთქი, და შეშინებული ვკიოდი. ჩვეულებრივი ობივატელური ცხოვრებისადმი სწრაფვა სულ უფრო მეტად და მეტად მეძალებოდა, მაგრამ ჩემი ყველაზე სანუკვარი ოცნებები სონიას არ სცილდებოდა, თითქოს მხოლოდ მასში აღმომეჩინოს ის, რაც მე მსურდა და მეწადა. მართლაც რომ თავდავიწყებით მიყვარ-და გოგონა, მასში მე ჩემი ცხოვრების გაგრძელებას ვხედავდი, არათუ მეჩვენებოდა, ვგრძნობდი, თითქმის მწამდა კიდევაც — როდესაც ჩემი სიცოცხლე ჩემს გაძვალ-ტყავებულ, აწოწილ, ბანჯგვლიან სხეულს მიატოვებდა, იგი ამ პატარა ცისფერ თვალბში, აბრეშუმის ამ ქერა თმასა და ფუნთუშა ხელებში გააგრძელებდა არსე-ბობას, რომლებიც ასე სიყვარულით დაფათურობდნენ ჩემს სახეზე და კისერზე მე-ხვეოდნენ.

მე უკვე მაფიქრებდა სონიას ბედი. ბავშვის მამა სინამდვილეში ორლოვი იყო, დაბადების მოწმობაში იგი კრასნოვსკაიად იყო ჩაწერილი, იმ ერთადერთ ადამიანს კი, ვისაც მისი არსებობა ახსოვდა და ვისაც მისთვის გული შესტკიოდა, ესე იგი, მე, დიდი დღე აღარ ეწერა. საჭირო იყო, უკვე სერიოზულად მეფიქრა სონიას ბედ-ილბაღზე.

პეტერბურგში ჩამოსვლის მეორე დღესვე ორლოვისაკენ გავეშურე. კარი ვილაც წითურმა, უულვაშო, ბაკებიანმა სქელმა კაცმა, როგორც შემდეგ გამოირკვა, გერ-მანელმა ლაქიამ გამიღო. პოლიამ, რომელიც ამ დროს ოთახს ალაგებდა, ვერ მიცნო, სამაგიეროდ, ორლოვმა მიცნო მაშინვე.

— ა-ა, ბატონო კრამოლნიკო! — მითხრა ორლოვმა სიცილით და ცნობისმო-ყვარედ ამათვალიერ-ჩამათვალიერა. — რა ქარმა გადმოგავდოთ?

იგი სრულიად არ იყო შეცვლილი — იგივე უსიამოვნო, ნაპატივები სახე, იგივე ირონია... მაგიდაზეც ისევ ისე იდო სპილოს ძვლის დანით ჩანიშნული რაღაც ახალი წიქნი, რომელსაც, როგორც ჩანს, კითხულობდა ჩემს მოსვლამდე. ორლოვმა დამსვა და სიგარა შემომთავაზა. ცდილობდა, დაეფარა ის უსიამოვნო გრძნობა, რომელსაც ჩემი სახე და ვალეული ტანი აღუძრავდა. მერე კარგად აღზრდილი ადამიანისათვის ჩვეული დელიკატურობით აღნიშნა, რომ სრულიად არ ვიყავი შეცვლილი და რომ მან მაშინვე მიცნო მიუხედავად მოშვებული წვერისა. ვისაუბრეთ ამინდზე, პარიზზე... ბოლოს იმისათვის, რომ რაც შეიძლება მალე მოეშორებინა თავიდან ის მძიმე, გარ-დაუვალი კითხვა, რომელიც ორივეს გვტანჯავდა, მითხრა:

— ზინაიდა ფეოდოროვნა გარდაიცვალა?

— გარდაიცვალა.

— მშობიარობას გადაჰყვა?

— დიას, მშობიარობას გადაჰყვა. ექიმი ეჭვობდა, მისი აზრით, სიკვდილის მიზეზი სხვა რამ უნდა ყოფილიყო, მაგრამ... ასეა თუ ისე, ჩვენ ორივენი, მეცა და თქვენც უფრო მშვიდად ვიქნებით, თუ ვიფიქრებთ, რომ იგი ნამდვილად მშობიარობას გადაჰყვა.

ორლოვმა ზრდილობისათვის ერთი ამოიოხრა და დადუმდა.

— ჰოო... აი, ჩემს ცხოვრებაში კი არაფერი შეცვლილა, განსაკუთრებული არაფერი მომხდარა, — თქვა ბოლოს ხალისიანად. — მამა, როგორც მოგეხსენებათ, სამსახურიდან გადადგა, უკვე აღარ მუშაობს, მე ისევ ძველ ადგილას ვარ. აი, პეკარსკი კი — ხომ გახსოვთ, პეკარსკი? — ზუსტად ისევეა, როგორც იყო. ქართველი დიფტერიით გარდაიცვალა შარშან... რაც შეეხება კუკუშკინს, ცოცხალია და თავსაც შესანიშნავად გრძნობს, თქვენც ხშირად გახსენებთ. ჰო, მართლა, — თქვა ორლოვმა და თვალები მორცხვად დახარა, — კუკუშკინმა რომ გაიგო, ვინც იყავით, ყველას უყვებოდა, თითქოს თავს დაესხით და მისი მოკვლა გინდოდათ... ძლივს გადავრჩიო, ამბობდა...

მე ხმა არ ამომიღია.

— ყოფილი მსახურები არ ივიწყებენ თავის ყოფილ ბატონებს... ეს მეტად სანაქებო საქციელი გახლავთ თქვენის მხრივ, — იხუმრა ორლოვმა. — ღვინოს ან ყავას ხომ არ მიირთმევდით? ახლავე ვუბრძანებ, მოიტანონ.

— არა, გმადლობთ... მე თქვენთან, გეორგი ივანიჩ, მეტად მნიშვნელოვან საქმეზე ვარ მოსული.

— მართალი ვითხრათ, „მნიშვნელოვანი საქმეების“ არცთუ ისე დიდი მოყვარული გახლავართ... რას მიბრძანებთ?

— მოგეხსენებათ, — დავიწყე მე აღელვებულმა, — ზინაიდა ფეოდოროვნას გოგონა ამჟამად ჩემთანაა, აქამდე მე ვზრდიდი და ვპატრონობდი, ახლა კი, როგორც ხედავთ, დიდი დღე აღარ მიწერია. არ მინდა, ისე წავიდეს ამ ქვეყნიდან, მისი მომავალი ცხოვრება მოგვარებული არ მეგულებოდეს.

ორლოვს სახეზე სიწითლემ გადაჰკრა, შუბლი შეიკრა და წამით მკაცრი მზერა შემავლო. როგორც ჩანს, ასე უსიამოვნოდ მასზე „მნიშვნელოვანმა საქმემ“ კი არა, დიდი დღე აღარ მიწერია-მეთქი, ჩემმა ამ ნათქვამმა უფრო იმოქმედა.

— ჰო, რაღაც უნდა მოვიფიქრო, — თქვა ორლოვმა და თითქოს მზეს იჩრდილავსო, თვალებზე ხელი მიიფარა. — გმადლობთ... მგონი, გოგონააო, არა?

— დიას, გოგონაა. არაჩვეულებრივი გოგონა!

— რა თქმა უნდა, სერიოზული მოფიქრებაა საჭირო. მოპსი ხომ არ არის, ადამიანია... მზად ვარ, მონაწილეობაც მივიღო და... დიდად დავალებული ვარ თქვენგან...

იგი წამოდგა, ფრჩხილების კენჭით ოთახში გაიარა და სურათის წინ შეჩერდა.

— რაღაც უნდა მოვიფიქრო, — ყრუდ ჩაილაპარაკა ჩემკენ ზურგშემობრუნებული ორლოვმა. — დღეს პეკარსკისთან მივდივარ, ვთხოვ, კრასნოვსკისთან შეიაროს, ვფიქრობ, კრასნოვსკი ბევრს არ გვახვეწნინებს, უარს არ იტყვის გოგონას წაყვანაზე.

— მაპატიეთ, მაგრამ, კრასნოვსკი რა შუაშია? — ამ სიტყვებზე მეც წამოვდექი და კაბინეტის მეორე კუთხეში დაკიდულ სურათთან მივედი.

— იმედი მაქვს, გოგონა კრასნოვსკის გვარს ატარებს? — შემიბრუნა კითხვა ორლოვმა.

— დიას, კანონით შეიძლება იგი ვალდებულიც არის მიიღოს და უპატრონოს

გოგონას, არ ვიცი, ვერაფერს ვეტყვი. მაგრამ, გეორგი ივანიჩ, მე თქვენთან კანონებსე სასაუბროდ არ მოვსულვარ.

— დიას, დიას, მართალი ხართ, — სწრაფად დამეთანხმა ორლოვი, — მგონი, სისულელეებს ვროშავ. მაგრამ, ნუ ღელავთ, ვიმსჯელოთ, გავარჩიოთ და ისე გადავწყვიტოთ, როგორც უკეთესი იქნება. ასე თუ არ დაგვიჯდება, ჭკვიანი სხვაგვარად მოვიფიქროთ, ისედაც თუ არ მოგვეწონება, მესამე გზა ავირჩიოთ. ასე, ამ საჩოთირო საკითხის გადაწყვეტა აუცილებელია. დარწმუნებული ვარ, პეკარსკი ყველაფერს მოაგვარებს. დამდეთ პატივი, თქვენი მისამართი დამიტოვეთ და გადავწყვეტთ თუ არა რაიმეს, მაშინვე შეგატყობინებთ. სადა ხართ გაჩერებული, სად ცხოვრობთ?

ორლოვმა მისამართი ჩაიწერა, ამოიოხრა და ღიმილით მითხრა:

— ღმერთო ჩემო, რა ძნელია პატარა გოგონას მამობა! არა უშავს, პეკარსკი ყველაფერს მოაგვარებს, ჭკვიანი კაცია. დიდხანს დაკავით პარიზში?

— დაახლოებით ორ თვეს.

მერე ორივენი გავჩუმდით. ორლოვს, ეტყობა, ეშინოდა, ისევ გოგონაზე არ დამეწყო ლაპარაკი და ჩემი ყურადღება სხვა რამეზე რომ გადაეტანა, მითხრა:

— თქვენ ალბათ დავაგიწყდათ კიდევაც ის წერილი, მე კი ვინახავ. მე კარგად მესმის თქვენი მაშინდელი განწყობილება და გამოგიტყდებით, რომ პატივისცემით ვეკიდები. „ცივი სისხლი“, „აზიელი“, „ხეივანი“, „სალახანა“... შესანიშნავია. შესანიშნავი და ზუსტი... — განაგრძო ორლოვმა ირონიული ღიმილით, — წერილის ძირითადი აზრიც, მართალი გითხრათ, სინამდვილესთან ახლოსაა, თუმცა შეიძლება დაუსრულებლად იკამათო ამაზე, ანუ, — ორლოვი ერთხანს შეეყოყმანდა, — იკამათო არა საკუთრივ აზრის, არამედ საკითხთან თქვენი დამოკიდებულების, ასე ვთქვათ, თქვენი ტემპერამენტის შესახებ. რა თქმა უნდა, ჩემი ცხოვრება ნორმალური არ არის, უხეიროა და არაფრის მაქნისი, ხოლო ახალი ცხოვრების დაწყებას სიმძდაღე არ მანებებს — ამაში ცამდე მართალი ხართ. მაგრამ, აი ის, რომ ყველაფერი გულთან ასე ახლოს მიგაჭვთ, ასე ღელავთ და სასოწარკვეთილებაში ვარდებით, უაზრობაა, ამაში სრულიად არა ხართ მართალი.

— ცოცხალმა ადამიანმა შეუძლებელია გულდამშვიდებით უცქიროს, როგორ იღუპება თვითონაც და როგორ იღუპებიან მის ირგვლივ მყოფი ადამიანებიც.

— რა თქმა უნდა! მე გულგრილობას სულაც არ ვქადაგებ, მე მხოლოდ ცხოვრებისადმი ობიექტური დამოკიდებულება მინდა მქონდეს. რაც უფრო ობიექტურია დამოკიდებულება, მით უფრო ნაკლებია შეცდომის რისკი. ძირისძირობამდე უნდა ჩასწვდე, ყოველი მოვლენის მიზეზთა მიზეზი უნდა ეძიო. ჩვენ სულ უფრო ქვევითა და ქვევით ვეშვებოდით, ვუძღურდებოდით, ბოლოს დავეცით კიდევაც. მთელი ჩვენი თაობა ნევრასთენიკები და არაფრის მაქნისები ვართ, მარტო იმაზე ვჯღავით, ქანცი გაგვიწყდა, დავიღალენითო. მაგრამ არც თქვენ ხართ ამაში დამნაშავე და არც მე. ჩვენ მეტისმეტად უმნიშვნელონი ვართ იმისათვის, რათა მთელი თაობის ბედი ჩვენზე იყოს დამოკიდებული. უნდა ვიფიქროთ, რომ აქ უფრო დიდი, ზოგადი მიზეზებია საძებარი, მიზეზები, რომელთაც ბიოლოგიური თვალსაზრისით თავიანთი სოლიდური არსი აქვთ. დიას, ჩვენ ყველანი ნევრასთენიკები, განდგომილნი და დუნენი, უსიცოცხლონი ვართ, მაგრამ ეს ყოველივე შეიძლება საჭირო და სასარგებლოც კი იყოს იმ თაობისათვის, რომელიც ჩვენ შემდეგ იცხოვრებს. ადამიანის თავიდან ერთი ღერი თმაც კი არ ვარდება მამაზეციერის ნება-სურვილის გარეშე, ანუ სხვა სიტყვით რომ ვთქვათ, არც ბუნებაში და არც საზოგადოებაში შემთხვევით არაფერი ხდება. თუ ეს

ასეა, მაშინ რაღას ვწერვიულობთ და სასოწარკვეთილებით სავსე წერილებს რაღატომ ვწერთ?

— ეს კი ასეა... — ვთქვი დაფიქრებულმა. — დარწმუნებული ვარ, მომავალი თაობებისათვის ცხოვრება უფრო იოლი და ნათელი იქნება, ჩვენი კამოცდილება დაეხმარებათ. მაგრამ, მართო მომავალი თაობებისათვის კი არა, გინდაც შენთვისაც იცხოვრო. სიცოცხლე ერთხელ გეძლევა ადამიანს და მხნედ, აზრიანად, ლამაზად გინდა გაატარო ეს ცხოვრება. გინდა გამოჩეული, დამოუკიდებელი, კეთილშობილი როლი შეასრულო, შექმნა ისტორია, რათა იმ თაობას უფლება არა ჰქონდეს, თვითულ ჩვეთაგანზე თქვას — არარაობა იყო, ანდა რაღაც ამაზე უარესი. ყველაფერი, რაც კი ჩვენ ირგვლივ ხდება, ვიცი აუცილებელიცაა და მიზანშეწონილიც, მაგრამ, აბა, რაში მეკითხება მე ეს მიზანშეწონილობა, რატომ უგულვებელყო ჩემი თავი, რატომ ჩავატარო ფუჭად ჩემი ცხოვრება?

— რას იზამ! — ამოითხრა ორლოვმა და წამოდგა, რითაც მანიშნა, რომ საუბარი უკვე დასრულებული იყო.

მეც წამოვდექი და ქუდი ხელში ავიღე.

— წარმოგიდგენიათ, მხოლოდ ნახევარი საათი ვისხედით, უამრავი საკითხი კი გადავჭერით. — ამ სიტყვებით ორლოვმა წინკარამდე მიმაცილა. — იმაზე უსათუოდ ვიზრუნებ, ეჭვი არ შეგეპაროთ... დღესვე ვნახავ პეკარსკის.

ეტყობოდა, ერთი სული ჰქონდა, როდის ჩავიცვამდი და როდის გავიდოდი სახლიდან.

— გეორგი ივანიჩ, დამიბრუნეთ ჩემი წერილი, — ვუთხარი ორლოვს წამოსვლის წინ.

— კი ბატონო.

ამ სიტყვებით იგი კაბინეტიდან გავიდა და ერთ წუთსაც არ გაეგლო, რომ წერილით ხელში უკანვე დაბრუნდა. ორლოვს მადლობა გადავუხადე და წამოვედი.

მეორე დღეს მისგან ბარათი მივიღე, რომელშიაც იგი საქმის კეთილად დაგვირგვინებას მილოცავდა: პეკარსკის ერთ ნაცნობ ქალს პანსიონი აქვს გახსნილი, რომელიც საბავშვო ბაღი უფროა, ვიდრე პანსიონი, მთლად პაწაწინა ბავშვებსაც კი იღებენ, შევიძლიათ, თავისუფლად ენდოთ იმ ქალს, მაგრამ ვიდრე შეუთანხმდებოდეთ, ცუდი არ იქნება, კრასნოვსკის მოლაპარაკებოლით, ამას ფორმალობა მოითხოვსო, — მწერდა ორლოვი და მიჩვენდა, დაუყოვნებლივ წავსულიყავი პეკარსკისთან, თან ბავშვის დაბადების მოწმობაც წამეღო, თუკი საერთოდ არსებობდა ასეთი რამ და ბოლოს ასე ამთავრებდა: „ერწმუნეთ თქვენი მონა-მორჩილის გულწრფელ პატივისცემასა და ერთგულებას“...

წერილს რომ ვკითხულობდი, სონია მაგიდაზე იჯდა და ისე ყურადღებით, ისე თვალდაუხამხამებლად მომჩერებოდა, თითქოს იცოდა, მისი მომავალი ბედი რომ წყდებოდა.



სიკვდილი, რომელზეც შენ მიამბობდი



ვეფხისტყაოსნის მემორიალი

ფრანგულიდან

თარგმნა მარინე ჭილაშვილმა

ფრანგი მწერალი ფრედერიკ დარი (1921 წ.) არაერთი ე. წ. „პოლიტიური რომანის“ ავტორია. მას განსაკუთრებული პოპულარობა მოუტანა რომანმა „სან ანტონიომ“, რომელიც 1961 წ. დაიბეჭდა და მშინვე ბესტსელერად იქცა.

„სიკვდილი, რომელზეც შენ მიამბობდი“ ფსიქოლოგიური ხასიათის დეტექტივია. იგი 1957 წ. გამოიცა წიგნად პარიზში.

წინამდებარე თარგმანით ქართველ მკითხველს პირველად ეცნობა ფრ. დარის შემოქმედებას.

ჯერ კიდევ ბაკუში ვმუშაობდი, როდესაც გაზეთში გამოცხადებული საგანგებო განცხადების მეშვეობით სახლი შევიძინე. მისმა ყოფილმა პატრონმა ადგილსამყოფელის უკეთ გასაცნობად უხარისხო ფოტოსურათები გამომიგზავნა. დაახლოებით კი წარმოვიდგინე იქაურობა, მაგრამ როცა სახლი მოვინახულე, სინამდვილეში უფრო მომეწონა. ფოტოსურათებზე პატარა ბაღში ჩადგმული ორსართულიანი თეთრი შენობა, გზის პირას ბენზინის სავაჭრო ფარდული და ზეთის გასაყიდი შემიწონდა. ამ სურათების მიხედვით სახლის მესაკუთრე, გულახდილად რომ ვითხრათ, კარ-მიდამოს ვერ ამშვენებდა. ის დონდლო სახის, ტანდაბალი, ღიპიანი კაცი იყო. მისი ნაღვლიანი მზერა ამაოდ დასძულ შევითხვას გამოხატავდა. არასოდეს არ შევხვედრივარ მას, რადგან, როგორც ვითხარით, ყველაფერი დაუსწრებლად მოხდა.

კაცი ქვრივი იყო და სახლსაც ამიტომ ჰყიდდა. თავის პირველ წერილში მიზეზად ხწორედ ამას მისახელებდა. როგორც უკვე მოგახსენეთ, წერილს ფოტოსურათებიც ჰქონდა დართული. პო, კიდევ ნოტარიუსის მიერ დადასტურებული ბენზინის საფასურიც. საწვავით ვაჭრობა იოლი საქმე კი იყო, მაგრამ ჩემთვის, სოლონის იმ მიყრუებულ გზაზე, ბენზინის გაყიდვა ზედმეტ ტვირთად მიმაჩნდა. ეს საქმიანობა თითქოს ჩემს ნაადრევ სიმართლეს კიდევ უფრო მახსენებდა. ოცდათექვსმეტი წლის კაცი ვიყავი და მიუხედავად ჩემი შეძლებისა, მიჭირდა საკუთარი თავის რანტიედ წარმოდგენა.

აფრიკიდან დაავადებული ღვიძლით და უსიამოვნო ილუზიებით ვბრუნდებოდი, მაგრამ მაინც მჯეროდა იმ ბედნიერებისა, რასაც მშვიდი ცხოვრება მომანიჭებდა. უბანვას ჯოჯოხეთურ სიცხეში მყოფი სოლონის მშვიდ ცხოვრებაზე

ვოცნებობდი, მის პატარა ქათამა ქუჩებზე, რომლებიც სუფთა ტყეებისკენ, ბედნიერებისკენ, შემოდგომის დამეხობით სევდიანი ტბებისკენ წამიყვანდნენ.

სახლს კოხტა ღობე ჰქონდა შემოვლებული. მოკირწყლული ხეები ბენზინის სადგომიდან ეზოში შემოდის. ჩემი სახლ-კარის სილამაზით მართლაც მოვიხიბლე. შენობა დაბალი და ოთხკუთხედი კი იყო, მაგრამ ფართო, სიფრიფანა ბადეებიანი ფანჯრები სახლს სიმსუბუქეს მატებდნენ.

ბაკუმიდან დაბრუნებული კაცისათვის აქაურობა სამოთხეს ჰგავდა, მითუმეტეს იმ კაცისათვის, რომლისთვისაც ფიქრშიც კი სატანჯველი იყო აფრიკაში ცხოვრება. მანქანა იქვე, ბეტონის ტროტუარზე, ბენზინის ამოსაქარ ტუმბოსთან შევაჩერე. ბაბუაწვერას ყლორტები თამამად გაშლილიყო, ხოლო რამდენიმე თვეში სარეველა ბალახს ისე დაეფარა აქაურობა, რომ არავითარი სწორი ხაზი აღარ მოჩანდა იმ არემარეში. ხის ღობე უბრალოდ ურდულით იკეტებოდა. კარის გამოსაღებად ხელი გადავყავი. საკეტს ჟანგი მოჰკიდებოდა და ისეთი უსიამოვნო, ყურისმომჭრელი ღრჭიალი გაიღო, რომ სახლის ერდოზე წამომჯდარი ნაცარა ფრინველი უმაღლესად გაფრინდა, ობობასაც დაექსელა შესასვლელი. ოთახის კარს ხელი ვკარი და შევაღე. ძველმა, ოთახიდან დახუთული ქაერი მეცემოდა, მაგრამ წარმოიდგინეთ, მთელი სახლი ხის წმინდა სურნელით იყო გაყვანილი.

ბინა დიდი, თეთრად შეღებილი პოლით იწყებოდა. სიღრმეში ასასვლელი კიბე მოჩანდა. მარცხნივ საერთო ოთახი იყო. სამი დიდი ფანჯრით, მარჯვნივ მისაღები და პატარა სამზარეულო. მზის სუსტი შუქი ისე ეფინებოდა ბინას, რომ ცარიელ ოთახებს სიცოცხლეს ჰმატებდა.

მეორე სართულზე ავედი და სამივე ოთახი დავათვალიერე, ნასყიდობის საბუთებში რომ იყო მოხსენიებული. კედლებზე ყვავილებიანი შპალური კოხტად იყო გაკრული, რის წყალობითაც ეს ცარიელი ბინა ხალისიანად გამოიყურებოდა.

მეორე დღეს ბარგი მივიღე. ძველი ავეჯის გამო ბინამ კოპწია იერი დაკარგა. ავეჯი სოფლის სასტუმროს უბრალო სტილისა არ გახლდათ, მემკვიდრეობით მქონდა მიღებული დედაჩემისაგან, ამიტომ ვერ შეველეოდი. ძველი, ნორმანდიული საათის მარჯვენა კუთხეში ერთმანეთზე მიყოლებული ამოკვეთილი ჭდეები ჩემი დავაჟაკების საფეხურებს მახსენებდნენ.

თითქმის ერთი კვირა დამჭირდა, ვიდრე ჩემი ძველი სამუხეუმო ავეჯი განვაღაგე. ოთახები მოვაწყე, მაგრამ სახლი მაინც ცარიელი მეჩვენა. მის კედლებს შორის უფრო მიჭირდა გზის გაკვლევა, ვიდრე იმ უღრან ტყეში, რომელიც აფრიკაში დავტოვე. სიმარტოვე, განსაკუთრებით საღამოობით, ყინულის ნემსებით მერჭობოდა ზურგში. ვცდილობდი წიგნი წამეკითხა, მაგრამ გულს ვერ ვუღებდი. ყოველი ფრაზა უჩვეულო მეჩვენებოდა. უარესიც მემართებოდა. ვერა და ვერ ვიძინებდი. სინუმეში ყოფნა, ბაკუმაში გატარებული აუტანელი დამეხობით, ისეთი დამლული იყო, რომ მაშინვე წამოვხტებოდი ხოლმე და გარეთ გავდიოდი, გზის პირას, რათა მთვარის შუქს მაინც შეევსო ჩემი სიცარიელე. ტყის იდუმალება ნაღველს მიქარწყლებდა. სახლიდან მოშორებული ჩემს ციხე-კოშკს უფრო ვეგუებოდი, შინ კი თავი პატიმარი მეგონა, რადგან არც ტყის ექო და არც ხეთა ჩურჩული აღარ მესმოდა.

ხანდახან ბენზინის გამო ვინმე მძლილი თუ გამოისროდა ერთ-ორ ქვას ჩემი ფანჯრის დარაბებისკენ, რომ ლოგინიდან წამოვეყენებინე კარბიურატორის შესავსებად. ვერ ვაჯერებდი, რომ ცისტერნა ცარიელი იყო და ლანჯლვა-გინებით მამკობდა.

ერთფეროვანი დღეები ნელნელ მიიზღაზნებოდნენ. გვიან ვდგებოდი, ვიძინებოდი ყავას (ძველი, სამხედრო ჩვეულებით) და პირდაუბანელი, გაუპარსავი

მივდიოდი ტყეში სასეირნოდ... რის გამოც ტყეებს თავვანს სცემენ, ამათ სწორედ ის აკლდათ. მე კი ისინი სწორედ ამ მეჩხერობის გამო მხიბლავდნენ. ირგვლივ ქვიშიან მიწას ხავსი არ მოჰკიდებოდა. ბაღახი უღონოდ მოხდებოდა ნიადაგს. აქაურობა პროვანსს მაგონებდა. ჩამოვჯდებოდი ხოლმე ხის ქელზე და ყურს ვუგდებდი ჩემთვის უცნობ ფრინველთა ფარფატს, ~~რომელიც~~ აფრიკის ფრინველებთან შედარებით ბევრად უფერული ბუმბულის ~~ქვეშ~~ მერე შინ ვბრუნდებოდი, რომ თავი წესრიგში მომეყვანა და შუადღისას სასაუზმოდ სოფლის სასადილოში წავსულიყავი. ისიც გზის პირას, ორი კილომეტრის დაშორებით მდებარეობდა. მისი პატრონი ერთი სქელი, ზინზლიანი ქალი გახლდათ. მძაღლე სუნი ასდიოდა. ალბათ სასმელის გადაკვრაც უყვარდა. ბევრს ქაქანებდა ყველაფერზე და არაფერზე. იმ ხალხზე მელაპარაკებოდა, ვისაც მე არ ვიცნობდი. მაინც მიყვარდა ეს ფარდული, მისი ფერადი ქალაღლებით, სარეკლამო კალენდრებით, მღაბით ნახატებით გულდასმით აჭრელებული კედლები.

ქალი ცუდი მზარეული არ იყო, არც ღვინო ჰქონდა ურიგო. მასთან ყოფნისას დრო უქმად არ გადიოდა. თითქმის მთელ დღეს იქ ვატარებდი. ჩემი ღვიძლის მიუხედავად, მეტი სმეტსა ვსვამდი. ხანდახან მე და ფარდულის პატრონი შაშის თამაშს ვაკვაჩაღებდით ხოლმე. საცოდავი მეტოქე ვიყავი. ქალი იგებდა და სახეზე კმაყოფილება ეხატებოდა. გამარჯვებას უთუოდ ვასველებდით. მერე ვსეირნობდით... ჩვენს საზიარო დღეს ვახშმით ვამთაერებდით. მერე კი ის უძილო დამეკები იწყებოდა, რომელზეც ზემოთ მოგახსენეთ.

ერთ საღამოს ფარდულის პატრონს დარაბების რკინის საკეტის შეკეთებაში მივეხმარე. ის იყო ამ გადაკარგული ფარდულიდან გამოვდიოდი, რომ ქალი ცნობისმოყვარეობამ უფრო გაათამამა, ვიდრე სასმელმა, თეალები მოწკურა და შემეკითხა:

— მაგ სახლში ღამე მარტო ყოფნა არ გიჭირთ?

მე გულიანად გამეცინა.

— ვალენტინა, ალბათ ვერ ამჩნევთ, რომ სრულწლოვანი ვარ? თანაც ვაი რომ ორჯერ მეტი ასაკის!

მან მხრები აიჩეჩა:

— ეს კი აშკარაა, მაგრამ... შიშის დროს ასაკს რა მნიშვნელობა აქვს. მე ვერ დაეიძინებდი თქვენს სახლში მარტო. ის ქალი ხომ იქ მოკვდა...

ბოლო სიტყვა, რომელიც ვალენტინამ წარმოთქვა, ყოველთვის უსიამოვნოა მოსასმენად, განსაკუთრებით კი იმ უკუნეთ ღამეში, ღვება ღრუბლებით მოქრულ შულ ცის ქვეშ. მე შემოვბრუნდი:

— ვინ ქალი?

— ნუთუ არ იცით, რომ თქვენი სახლის ყოფილი პატრონის ცოლი მანდ მოკვდა?

— არა... — ავლელდი მე. — თუმცა რა, ადამიანი საღდაც ხომ მაინც უნდა მოკვდეს, ისევ საკუთარ სახლში არა სჯობია?

— კი, ბატონო, მაგრამ ასეთნაირად?

— რანაირად?

— მოიწამლა...

— სოკოთი?

— სოკოთი კი არა, თავი მოიწამლა... საწამლაკი დალია.

ღიახაც არ მესიამოვნა, რომ ჩემი სახლის ჭერქვეშ, რომლითაც ასე ვამაყოფდი, თურმე ასეთი დრამა მომხდარა.

— რატომ? ქმარს უკან დასდევდა?

— დიახ, ქმარი დალატობდა.

გამახსენდა მისი ფოტოსურათი. ის ტანსრული, დონდლო სახის კაცი იყო, მოწყენილი იერით. იგი უფრო ჰგავდა ნევრასტინიკს, ვიდრე ცოლი.

— თქვენ იცნობდით იმ კაცს? — მკითხა ქალმა.

— პირადად არ ვიცნობდი, მაგრამ ფოტოსურათებზე მყავს ნანახი, კაზანო-
ვასი არაფერი სცხია.

— მაინცდამაინც კაზანოვა კი არ უნდა იყო, რომ გოგოებს დასდებოდა. გეტან-
ხმებით, ბლანშენი ლამაზი კაცი არ იყო, მაგრამ ფული უყვარდა. თქვენ წარმო-
იდგინეთ, ქალები გრძნობენ, როდესაც მამაკაცებს ფული უყვართ და ისინი ყვე-
ლაფერს ურჩევნიათ, თუნდაც ძალზე შეუხედავები იყვნენ.

უცებ მკვეთრად შევიგრძენი სიკვდილის არსი. სხვა დროს ამაზე არასოდეს
მიფიქრია. ძლიერი ბუნების კაცი ვიყავი, ოდნავ ველურიც კი. ცხოვრების კა-
ნონებს ყოველგვარად შესწავლის გარეშე ვემორჩილებოდი, მაგრამ სოლონის ამ
გზაზე, ამ პატარა, ნახევრად ბნელი ფარდულის წინ უიმედობამ შემიპყრო.
ვგრძნობდი ცხოვრების უჩინარ მუქარას. სიკვდილი... ის ყველგან სუფევს,
ყველგან არის ჩასაფრებული.

— მაშ იმ ქალმა თავი მოიკლა?

— დიახ, სწორედ იმ საღამოს, მისი ქმარი აქ, სასადილოში იმყოფებოდა...
ხანდახან შემომივლიდა ხოლმე... ზოგჯერ მეგობრებისთვის განკუთვნილ ოთახს
ნაცნობებზე ვაქირაუვდები. მაშინაც მდგმურებს წიწილას ვუწვავდი... ისინი ლა-
მისთევით იყვნენ... სწორედ იმ ღამეს მოკვდა ის ქალიც... დილით ბლანშენი
შინ დაბრუნდა, ნახევარი საათის შემდეგ მობრუნდა, ფერწასული, როგორც...

— სიკვდილი, — წავიჩურჩულე...

— ბლანშენს თავისი მეუღლე საწოლზე გაშოტილი უნახავს... ქალი მძინარეს
ჰგავდა. ცხენოსანი პოლიცია ექიმთან ერთად მოსულა. ისინი ქალაქის პატარა
ნაგლეჯს წააწყდნენ თურმე მაგიდაზე, რომელზეც ეწერა: „მშვიდობით! ჟერმენი“.

უცბად უხამსობად მომეჩვენა ამ თვითმკვლელობაზე ვალენტინასთან ჭორა-
ობა. ხელი ჩამოვართვი.

— ხვალამდე...

ის იყო გზიდან უნდა გადამეხვია, რომ მომამახა:

— ბატონო პოლ, ძილი ნებისა!..

შინ დავბრუნდი თუ არა, გადავწყვიტე აღარ მეფიქრა მადამ ბლანშენის სიკ-
ვდილზე. მერე რა, რომ ვიღაცამ ჩემს ჭერქვეშ მოიკლა თავი? დიდი ხნის აშე-
ნებულ სახლს უთუოდ ჰყავს თვისი მიცვალებული, ისევე როგორც გზებს, გზა-
ჯვარედინებს, მინდვრებს. ნემო, გახრწნილი ფოთლებიდან რომ იქმნება, განა ახ-
ლად ამოსულ ბალახს არ ანოყივრებს? ეს არის სიცოცხლის უსასრულობის კა-
ნონი. ქალბატონ ჟერმენ ბლანშენის სიკვდილმა ხომ გამითავისუფლა სახლი,
აღბათ ჩემი სიკვდილითაც სხვას გავუთავისუფლებ ადგილსამყოფელს, და ასე
შემდეგ და ასე შემდეგ... მანამ ამ სახლის კედლებს ჭინჭარი არ გადაუვლის.
კარი მოვიხურე და გავყუჩდი. ბინაში ყოველთვის ისმის რაღაცის ხან ჭრიალი,
ხან ღრჭიალი. ახლა კი ჩამიჩუმიც არსაიდან ისმოდა. სახლი ერთიანად დამუნ-
ჯებულიყო.

ძლივს ავდგი ფეხი კიბეზე და, ვიდრე მეორე სართულზე ავიდოდი, შევჩერ-
დი, ნეტავ რომელ ოთახში მოკვდა ის ქალი? ნუთუ იმ ოთახში, სადაც მე მძი-
ნავს? ეს კითხვები ეროსა და იმავე აზრებს მგვრიდა. თითქოს ვლამობდი, განუ-
ღილი დროის მიუხედავად, მეყნოსა სიკვდილის მოტკბო შმორის სუნი, მაგრამ,

ჩვენი გრძნობები ხშირად სდუმან. ცხვირში მხოლოდ ტყის იშვიათი სურნელი მცემდა.

ღაეწეკი. წიგნისკენ ხელიც არ წამცდენია. ვგრძნობდი, გულს ვერ დაუუღებდი. ვფიქრობდა ქალბატონ ბღანშენზე და ვცდილობდი წარმოქედგინა მისი სახე. ვერ ვახერხებდი. როგორც კი მოვხაზავდი ბაგეს, თვალებს, ნიკაბი ისე ჩამოიღვენთებოდა, როგორც ნახატი დაღრთქლილ მინაზე... ქალის სახე ვაღმჩობოდა. რებუსივით ძნელი იყო მისი შევსება. გატანჯულს ჩამეძინა.

მეორე დღეს კარგი დარი დაღვა. თუმცა ცოტა აგრიღდა. ვიფიქრე: ცეცხლის სურნელი აქაურობას გააჯანსაღებს-მეთქი, და სარღაფში ჩავედი. მინღოდა ღუმელი დამენთო. იქ შეშასთან ერთად ქვანახშირიც დაღხედა (იმ დროს ჯერ კიდევ იფიღებოდა). ოთახის კუთხეში ძველი, ქალღღებთი სავესე დიღი ყუთი იღვა. ავიღე რამღენიმე გაზეთი და, მანამ ღუმელის შავ ხახაში ჩავუძახებდი, ჯერ დავეხიე. უცებ იასამნისფერი, გუნდად დაჭმუჭნული ქალღღი ჩემს ფეხებთან დაეცა. მივხედი, წერიღი იყო. ეჭვიც არ შემპარვია, ქალის ხელით იყო დაწერიღი. მოგრძო, წვეტიანი ასოებით. წერიღი გავშალე. ქალბატონ ბღანშენის წერიღი იყო თავისი მეუღლისადმი:

„ჩემო ძვირფასო შარღ!

რახან არ მაღაპარაკებ, იძულებული ვარ მოვწერიო. ჩვენი ერთად ცხოვრება აღარ შეიძლება. რაკი მომატყუე და მასხარა გამხადე, ამ წერიღით მინდა გამოვხატო ჩემი აღშფოთება და ვიყვირო — კმარა! გაფრთხილებ, თუ არ შეიცვლები, გაგყვრები და ისე გაეშორღები აქაურობას, არც კი ვეტყვი...“

წერიღი უცებ წყღებოდა ფურცლის ბოღოს. მეორე მხარეს არაფერი ეწერა. ვიფიქრე, საბრღლო ქალმა აღბათ წერიღი სხვა ფურცელზე გააგრძელა-მეთქი, მაგრამ როცა წერიღი უფრო ახღოს მივიტანე თვალებთან, დავინახე, რომ ფურცელს ბოღო მოხეული ჰქონდა. წარმოვიღვინე, რომ ამ უიშედო წერიღს ვერმენ ბღანშენი ასე დაასრულღებდა: „...და ისე გავშორღები აქაურობას, რომ არ ვეტყვი მშვიღობით!

ვერმენი“.

როგორც ჩანს, კმარმა მოახია წერიღს ბოღო და ცოღი მოწამღა. სწორედ ამ ბოღო ორმა სიტყვამ დაიფარა იგი უბნის პოღიციის პირისპირ ყოფნისას (რადგან მაგიღაზე წერიღის სწორედ ის ნაგლეჯი იღო, საღაც ეწერა — „მშვიღობით! ვერმენი“).

წერიღი მოკვეცე და თაროზე შემოვღე. ფიქრმა შემიბყრო. ვჩქარობდი დასკვნები ჩამომეყაღბებინა. წინა დღეს არაფერი ვიცოღი ამ თვითმკვეღლობის შესახებ, დღეს კი მკვეღლიც აღმოვაჩინე და ეჭვიც არ მეპარებოდა ჩემს სიმართლეში.

ქალღღს ღუმელში ერთიანად მოეღო ცეცხლი და სარღაფი გაანათა. მერე ხმელი შეშაც მივუმატე. ცეცხღს საამოღ გაჰქონდა ტკაცატკუსი. მხოლოდ ეს ცეცხლი იყო სიცოცხღის ნიშანწყალი ამ გაციებულ კერაზე. დავიცადე, მანამ ღუმელში აღი კარგად დატრიაღღებოდა, რომ მერე შეშები ნიჩბით გამეწ-გამომეწია და ცეცხლი გამეღვივებინა. ისევ წერიღზე ვფიქრობდი. თანღათან ვრწმუნღებოდი, რომ ბღანშენმა ცოღი თვითონ მოკღა. ჩემს თავს ვეუბნებოდი: „უნდა წახვიღე, ნახო პოღიციელი და დაწერიღებით გამოჰკითხო რა იცის ამ გახმაურებული გამოსამშვიღობებელი უსტარის შესახებ“. შემღევ კი... მერე რა? ბოღოს და ბოღოს მე რაში მეკითხებოდა, ამ სახღის ყოფიღი მობინაღრე იყო თუ არ იყო მკვეღლი? ზნეობა ბუნღოვანი რამაა. ასეა თუ ისე, მაღამ ბღანშენი

მკვლარია. თუ იგი საკუთარმა ქმარმა მოკლა (ამაში ეჭვი არ მეპარება, რადგან წერილი არ იყო ისტერიული ადამიანის მიერ დაწერილი, პირიქით, ნაწერში ქალის დინჯი ბუნება გამოსჭვიოდა), სინდისს უთუოდ უნდა შეეწუხებინა... სამართალს მაშინ შეუძლია შეამსუბუქოს სასჯელი, თუ კაცი გამოტყდება დანაშაულში.

ცეცხლი კარგად აგუზგუზდა. ოთახში ავედი. სიმშვილე დასრულდა. თუქოს მოვეშვი კიდეც. იქნებ მკვლელს მიუტევოთ კიდეც, თუ დანაშაული ოსტატურად არის ჩადენილი და არა არის მოკვლეული? სიკვდილი ადამიანის კანივით უსუსურია და ცვალებადი. სხვადასხვა სახით გვევლინება, ახლობელი, თითქმის უცოდველი. ქალბატონი ბლანშენი სიცოცხლეს იმიტომ გამოესალმა, რომ თავისი წერილის ბოლო წინადადება ერთ ხაზზე ვერ დასტია. მისმა ხელწერამ უნებლიეთ მოითხოვა, რომ ქალს ცალკე სტრიქონზე დაეწერა სიტყვა „მშვიდობით“ და ეს სიტყვა ზუსტად მისი ხელმოწერის ზემოთ მოხვედრილიყო. ხომ ხდება, როცა ადამიანები ამაზე უფრო უბრალო საბაბის გამო კვდებიან.

თავი II

საიდუმლო, რომელიც ის-ის იყო აღმოვაჩინე, მარტოხელა კაცისთვის ვერაფერი თავშესაქცევი გახლდათ. რამდენიმე დღეში დაბეზლების ისეთმა სურვილმა შემიპყრო, რომ გადავწყვიტე, თავიდან ამომეგდო ეჭვის ჭია და ამ მიზნით კომბოსტოს ჩითილების გადარგვას შევუდექი, მაგრამ თუ კაცი მარტოხელაა, რაში ადგება ან ჯანმრთელობა ან ქონება.

სწორედ ამიტომ, ერთ მშვენიერ დილას, როცა პირს ვიპარსაუდი, სარკეში ყურადღებით დავაკვირდი საკუთარ თავს. ჩემს სახეს ბერბიჭას იერი დასტყობოდა. მარტოხელა ცხოვრებას თავისი დაღი დაესვა. ამაზე მეტყველებდა ბაგის კუთხეები და თავკერძა კაცის პირქუში მხერა, რომელიც სიკეთეს არ მოასწავებდა. დამუწული პირი ნაოჭივით დასმოდა სახეს. როგორც მეგობარს ისე ვურჩევ საკუთარ თავს, — წყალწაღებულივით ნუ ეხეთქები აქეთ-იქით, დროა, ძმაო, ოჯახს მოეკიდო-მეთქი!..

ეს აზრი ყოველთვის სიცოცხლს მგვრიდა, სათაკილოდაც კი მიმაჩნდა ფიქრი იმაზე, რომ ერთ-ერთი ქალთაგანი სამუდამოდ ჩემთან დარჩებოდა, შიშით მავსებდა, განსაკუთრებით მას შემდეგ, რაც შევიტყვე, თუ რას უქადის კაცს წყვილად ცხოვრება. ქალთმომუღლებოდა ხომ არ იყო მიზნები იმისა, რომ დონდლოსაჩიანი მკვლელის, ბლანშენის საქციელი შევიწყნარე?

დილით, მოვწესრიგდი თუ არა, სავარჯიშო კოსტუმი გადავიცვი და პიანინოს მივუჯექი. ყოველთვის ერთი საცოდავი დამკვრელი ვიყავი, მაგრამ ახალგაზრდობაში ხანდახან, თქვენ წარმოიდგინეთ, პატარ-პატარა რომანტიკულ პიესებსაც კი ვთხზავდი... ერთი საათი ეტანჯავდი კლავიატურას. მერე ინსტრუმენტი დავხურე და თითების ტკაცუნით წამოვდექი.

მორჩა და გათავდა! - ცოლი უნდა შევირთო, სახლს უფრო ესაჭიროებოდა დიასახლისი, ვიდრე მე, რადგან სახლი თვითონ ხომ ვერ გასწევდა ქალის მაგივრობას?

პოლის კუთხეში ჩამოვჯექი, რომ იქაურობისთვის რჩევა მეკითხა.

— სწორია ჩემი საქციელი? — ვკითხე და ამოვიოხრე.

ჩემ ირგვლივ ყველაფერი თანხმობას მიცხადებდა. ქალის ხელს მოწყურებული ავეჯი თითქოს ქალბატონის თეთრეულს უცდიდა შესანახად... სამზარეულო მარჯვე მზარეულს ნატრობდა, სარდაფიდან სხვენამდე აზიდული სიჩუმე

ქალის ნარნარა ხმას, სიმღერას ელოდა. სულ ეს ფიქრი მიტრიალებდა თავში. ამ საქმეს სიჩქარე არ მოუხდებოდა. ჩემში გამჯდარ მარტოხელა კაცის ჩვევებს ახალგაზრდა ქალი ბოლოს მოუღებდა, თუმცა ახალგაზრდა ქალი შვილებს გამოჩენდა... მერე კი შეიძლება უარესიც მომხდარიყო, — შემყვარებოდა. არა, მე უფრო ეკონომი ქალი მჭირდებოდა, ვიდრე მეუღლე. საშუალო ასაკის, მშვიდი, ჭკვიანი, რომელთანაც ლოგინს არ გავიზიარებდი. ჩემს წარმოდგენაში ას ღირსეული პიროვნება უნდა ყოფილიყო. კეთილი, არცთუ ისე დიდი ჭკუის პატრონი, მომთმენი, ალერსიანი, გამოცდილი ქალი. ასეთმა შეფასებამ სიხარულით ამავესო. ჭკუაში დამიჯდა დასახული გეგმის შესრულება.

ვალენტინას კაფეში მაგიდას მიუჯექი თუ არა, ავჭიკჭიკდი.

— რა ბედნიერი სახე გაქვს, — შემამჩნია ვალენტინამ, — რა მოხდა?

— ბედნიერისა რა მოგახსენოთ, მაგრამ კმაყოფილი კი ვარ... ჩემო ძვირფასო მეგობარო, გაუწყობთ, რომ ცოლს ვირთავ!

ვალენტინა წინ ჩამომიჯდა, კმაყოფილება დაეხატა სახეზე, რადგან ახალმა ამბავმა სალაპარაკო გაუჩინა. ცოტა კი დანადვლიანდა — ბედნიერი შემთხვევით მოვლენილ კლიენტს რომ კარგავდა.

— ცოლის შერთვა გადაწყვიტეთ?

— დიახ, გადაწყვეტილება ამ დღით მივიღე...

— ყოჩაღ! მეტი რაღა გითხრათ! — ვალენტინამ თავი ნაზად გაიქნია. — რა ჰქვია ქალბატონს?

— არ ვიცი.

ვალენტინას ეგონა დავცინოდი.

— როგორ, ქალის შესახებ არაფერი იცით?

— ჯერ კიდევ მოსამძებნი მყავს... — ძლივს გავბედე მეთქვა.

— მაშ, ჯერ საცოლე არა გყავს?

— არა, თქვენ გარდა არც ერთ ქალთან არა მაქვს ურთიერთობა.

ამ ნათქვამზე ვალენტინას გაეცინა. ალბათ იფიქრა, ჩემი საქორწინო გეგმები ხუმრობა იყო და ესხვა არაფერი.

— ტყეში ხომ არ აპირებთ კანონიერი ცოლის პოვნას?

— მეეჭვება, რომ იქ იყოს, რაღა იქ მოვძებნო?

— მაშ, რას აპირებთ?

— გაზეთში გამოვაცხადებ.

— რაო?

— სპეციალური გაზეთები არსებობს... ნახეთ, რამდენ პასუხს მივიღებ.

— იქნებ ორი ათასიც მიიღოთ, ჩემო ძვირფასო, მაგრამ იცით, ვინ იქნებიან თქვენი მოპასუხეები? კუზიანები, მარტოხელა დედები; ნორმალურ ქალს არ სჭირდება პატარ-პატარა განცხადებები შესაფერისი მამაკაცის საპოვნელად! პატარ-პატარა განცხადებები! მე რომ მკითხვით, ერთ ძროხასაც არ ვიყიდი მაგ პატარა განცხადებების საშუალებით, ბატონო პოლ!

— ძვირფასო ვალენტინა, მინდა შეგახსენოთ, რომ ძროხას სულაც არ ვყიბებ, ჩემი საცხოვრებელი სახლი განა ამ წესით არ შევიძინე? მაშ, რატომ ვერ შევხვდები ამ გზით უნაკლო ქალს?

ქალმა ცხვირ-პირი იდაყვით მოიწმინდა. მერე კი რახან თავისი მსხვილი მკლავი ჰაერში ჰქონდა აქნული, მაგიდას მუშტი დაჰკრა:

— უნაკლო ქალი არ არსებობს!

— ჭეშმარიტებაა, ჩემო ვალენტინა, მაგრამ იცოდეთ, რომ ყოველ მამაკაცს

ჰყავს ქალის საკუთარი იდეალი და სწორედ ამით აფასებს ქალს... მაშ უნდა მოეძებნო ისეთი, რომელიც ჩემს იდეალთან ახლოს იქნება.

— ო, რას გავიცინებთ! — იწინასწარმეტყველა ჩასუქებულმა დედამა. ნეტა რა იყო აქ სასაცილო?!

ეროვნული

ამ განცხადების ნაცნობი ტექსტის შედგენისას ვიგრძენი, თუ რა ძნელი ყოფილა ორი სიტყვით გამოძახება ამაღლებული მისწრაფებანი. მინდოდა ჩემი შედგენილი ტექსტი საკმაოდ გამორჩეული, თანაც სიტყვაძუნწი ყოფილიყო, ისეთი, რომ ჭკვიანი და თაუდაჭერილი ბუნების ქალი მიეზიდა. წერილი მრავალჯერ შევასწორე, გადავწერე და საბოლოოდ გადავწვიტე ასეთი შინაარსისა გამგზავნა:

„ორმოცი წლის კაცი ვარ (თავი განგებ დავიბერე) პროვინციიდან, სოლონში საკუთარი სახლი მაქვს, ორი ადამიანისათვის საკმარისი შემოსავალი გამაჩნია. გარეგნობით თავს ვერ მოვიწონებ. ველი ქალის პასუხს. თუკი შესაფერისად ჩათვლი, ცოლად შევირთავ. გამომიგზავნეთ ფოტოსურათი“.

ჩავაგდე თუ არა ჩემი წერილი მეზობელი სოფლის საფოსტო ყუთში, ისეთი განცდა დამეუფლა, თითქოს ჩაძირული გემის მგზავრით უკანასკნელი ბოთლი მოვისროლე ზღვაში.

ერთი სიამოვნებაა, როცა ბედისწერას ფულის მონეტასავით გაეთამაშები და უცდი, გაგიმართლებს თუ არა. რაც მეტს ვფიქრობდი, მით უფრო მეტად მხიბლაუდა ამ ხერხით ქალის მოპოვება. ამ გზით გავთავისუფლდი ყოველგვარი ტრაფარეტისაგან. არც ქალისადმი ყვავილების თაიგულის მირომევა დამჭირდებოდა, არც სასიყვარულო სერენადების სიმღერა იქნებოდა აუცილებელი ნავზე ან მთვარის შუქზე. ასე შეირთავ ცოლს კაცი თუ ისე, შეიძლება წრფელი გულით მოქმედებდე. ჩემს შემთხვევაში ადამიანი ქორწინებას უკარგავს თავის ეშხს, უფრო მის შინაარსზე ფიქრობს, ორი პიროვნების ერთობაზე, რომელთაც იჯახური ცხოვრება სურთ.

ისლა დამრჩენოდა პასუხებს დავლოდებოდი.

როგორც მეგონა, პასუხების რაოდენობამ ვერც ათასს მიაღწია, ვერც ხუთასს, ვერც ასს და ვერც ათს, მაგრამ ცხრა პასუხი მაინც მივიღე, რამაც ის მაფიქრებინა, რომ უოჯახო ქალები სინამდვილეში უფრო ნაკლები ყოფილან, ვიდრე წარმომედგინა.

რვა წერილს ქალთა სურათებიც მოჰყვა. ისინი ფოტოგრაფის მიერ შერჩეული კუთხიდან კი იყვნენ გადაღებული, მაგრამ ისეთი გაუბედურებული იერი ჰქონდათ, რომ ობიექტივმა მათი შეცვლა ვერ შეძლო. გაჭირვება სახეზე ეწერათ. ამ უშნო ქალთა გამოფენის ნახვით ისეთ გუნებაზე დავდექი, რომ წერილების წაკითხვის სურვილი სულ დამეკარგა. მხოლოდ მეცხრე წერილს ვავეცანი, რადგან მას ფოტოსურათი არ მოჰყოლია.

„ბატონო ჩემო!

წერილი ალბათ შემდეგი ტრაფარეტული ფრაზით უნდა დამეწყო „თქვენმა განცხადებამ, რომელიც დღეს ამოვიკითხე, ჩემი ყურადღება მიიქცია...“ მაგრამ ასე არ მოვიქეცი, რადგან ამ განცხადებამ მხოლოდ ღიმილი მომგვარა. თუ წერილს გწერთ, ეს იმიტომ, რომ თქვენი განცხადების ტექსტის სტრიქონებს შორის გონიერება ვიგრძენი. ეს თვისება დღევანდელ ჩვენს ცხოვრებაში ისეთი

იშვიათია, რომ სიამოვნებით გავყვებოდი ასეთ კაცს, თუ ცოტაოდენ წარმოსადეგიც იქნებოდა. ეჭვი არ მეპარება თქვენ ჩემი მოსაწონი ადამიანი ბრძანდებით. ვფიქრობ, ჩემი ფოტოსურათის გამოგზავნა ჩვენს შემთხვევით განპირობებულ შეხვედრას იღუძალებას დაუკარგავს. თუ თქვენ ცნობისმოყვარეობა გძლეოთ და ჩემი ნახვის სურვილი დაგებადებათ, მომწერეთ. პარიზი, ფურსტენსტრასე, ფოსტი განყოფილება. ქალბატონი გრიზარი. მოკითხვამდე (ეს ფორმე უმჯობესია). პაემანის დანიშვნა თქვენთვის მომინდვია, მე დროით შეზღუდული არ გახლავართ. ირწმუნეთ ჩემი თქვენდამი იქნებ ნაადრევი სიმპათიაც“. ხელმოწერა მკვეთრი და ელვასავით დაგრაგნილი ჰქონდა. წერილი ორჯერ გადავიკითხე და პასუხის დასაწერად ყველაზე კარგი კალამი მოვიძარჯვე.

„ქალბატონო!

რახან შეხვედრის არჩევანი მე მომანდეთ, მომავალ ოთხშაბათს, სამ საათზე, რესტორან „ფლორში“ დაგელოდებით. მე მგონი, უაზროა გარეგნულ ნიშნებზე წინასწარ შეთანხმება. თუ გვიწერია, ერთმანეთს შევხვდებით.

პოლ დიუტრა“.

მიხაროდა, რომ მომავალი ცივი გონებით განეჭვრიტე და ბედ-იღბალს ლაგამი ამოვდე.

თავი III

ქალბატონი გრიზარი რესტორან „ფლორში“ შესვლისთანავე შევამჩნიე. ის დარბაზის სიღრმეში, სკამის კუთხეში ჩამომჯდარიყო და ირგვლივ გულგრილად, მშვიდად იმზირებოდა. მაგიდაზე ერთი ბოთლი ლუდი ედგა, რამაც ცოტა არ იყოს გამაკვირვა. ქალები იშვიათად სვამენ ლუდს. ამ სასმელს უფრო მამაკაცები ეტანებიან. ქალს თვალი ვერ გავუსწორე და სულელივით ბოთლის მიოქრულ ეტიკეტს დაუწყე ყურება... კაფეში შესვლისთანავე მიეხედი, რომ ქალბატონს თავისი ადგილი სათვალთვალოდ კარგად ჰქონდა შერჩეული. მის მხერამში საოცარი სევდა ჩამდგარიყო.

ქალბატონ გრიზარის მაგიდასთან დავიხარე. არ ველოდი, თუ ასეთ ქალს შევხვდებოდი. არ ვიცი, რატომ, მაგრამ მეგონა, მამაკაცური, ხმელ-ხმელი გარეგნობისა იქნებოდა, გამოკვეთილი ცხვირით, წინ წამოწეული ნიკაპით. ნაკლებად მოსაწონი ქალის ნაცვლად ჭადარათმიანი ახალგაზრდა ქალი დამხვდა. მის დახვეწილ, ჭკვიან სახეს ფერუმარილის ნატამალიც არ ემჩნეოდა. ნაადრევი ჭადარა და უჩარჩო სათვალე მის ახალგაზრდობას ეერაფერს აკლებდა. სახეზე ერთი ნაოჭიც არ ჰქონდა. ამ პიროვნებაში რაღაც დაგუბებული შმაგი სული ტრიალებდა, რაც მის თავდაჭერილ საქციელში არ იხატებოდა, ის არც თავის ლამაზად მოყვანილი სხეულის გამოჩენას ცდილობდა...

ტანთ რუხი ფერის პიჯაკი ეცვა, თეთრი აბრეშუმის ბლუზა, თავზე ტანსაცმლის შესაფერისი პატარა, შავი ქუდი ეხურა. ქალბატონ გრიზარს რომ მოესურვა, შეძლებდა კიდევ ათასგვარი ფერის მაკიაჟით თავი გაეახალგაზრდაეებინა, მაგრამ გამოგიტყდებით და ვაფასებ, როცა ქალს თავისი ასაკის არ ეშინია და ყოველგვარი შენიღბვის გარეშე მოდის პაემანზე. მისი გულწრფელი საქციელით მოვიხიბლე.

— თუ ნებას დამრთავთ... — ვუთხარი და თან სკამი გავწიე.

მან დინჯად შემათვალიერა.

— ესეც მე... — ვთქვი და ამოვიოხრე... — ეს კი თქვენ ბრძანდებით... მაპატიეთ, ალბათ გაგეცინებათ, მაგრამ მერწმუნეთ ამ როლში პირველად ვარ.

მან სათვალე მოიხსნა. სახე გაუახალგაზრდავდა, გაუნათდა კიდეც.

— თქვენ სულ ახალგაზრდა ყოფილხართ! — თქვა მან.

— ოცდათექვსმეტი წლისა გახლავართ...

— თქვენ კი წერდით, რომ...

— განცხადებაში ჩემი ასაკი ხასიათით განვსაზღვრე. გულახდილად ვეტყვი, რომ ჩემი გუნება-განწყობის შესაბამისად უფრო დიდი ასაკი უნდა ჩამეწერა.

— ნუთუ?!

— დიახ.

— ო, თქვენ უდავოდ სცდებით, უხასიათო მამაკაცი ამ ნაკვს თავის თავს ვერ ამჩნევს; აი, სწორედ ეს არის ხნოვანების პირველი ნიშანი.

— ფილოსოფიაში გადაეშვიო?

— მე თქვენზე უფროსი ვარ, — წაიჩურჩულა ქალმა.

— შეიძლება შეგეკითხოთ, რამდენი წლით?

— ექვსი წლით.

— ესე იგი, ორმოცდაორი წლის ბრძანდებით?

— დიახ.

— ვერ დავიჯერებ... მე ვიტყვოდი, რომ დაახლოებით...

— რა მნიშვნელობა აქვს, რას იტყვოდით, მთავარია, მე რამდენი წლისა ვარ. ქმარსა და ცოლს შორის ექვსი წელი სხვაობა ნორმალურად ითვლება, როცა ქმარია უფროსი, ჩვენს შემთხვევაში კი... ცოტა უხერხულია.

— არა ხართ მართალი! — ისე წამოვავიწვიე ეს ფრაზა, რომ ქალს სევდიანად გაეღიმა. — არა ხართ მართალი. თქვენ უფრო ახალგაზრდულად გამოიყურებით, ვიდრე მე. პირიქით მგონია, რომ ეს სხვაობა წონასწორობის კანონის ძალით წაიშლება.

— რა ძალით წაიშლება?

— ნუთუ ქალთა ყოველკვირეულ გაზეთში არ წავიკითხავთ? ქალები უფრო მეტხანს ცხოვრობენ, ვიდრე მამაკაცები.

ეს ნათქვამი, ეტყობა, ესიამოვნა ქალბატონ გრიზარს.

— ჩვენ ხომ ჯერ არ დავბერებულვართ!

— საბედნიეროდ, არა... მინდოდა თქვენი ეჭვები გამექარწყლებინა.

ყოველგვარი შელამაზების გარეშე, რაც შეიძლება მოკლედ მოვყევით ჩვენ-ჩვენი თავგადასავალი. პირველად შევამჩნიე, რომ ჩემი ცხოვრება საკმაოდ ცარიელი და უფერული ყოფილა: ნებიერ ბავშვობას საშუალო სკოლაში სწავლა მოჰყვა, მერე მშობლები ავტოკატასტროფაში დამელუპნენ, მერე ჩრდილოეთ აფრიკის სამხედრო პოლკის ბაზაში ლეიტენანტის წოდებით ვიმსახურე; შემდეგ უფრო დაბალ თანამდებობაზე მოვიწვიე სამსახური... ამას მოჰყვა ჩემი დემობილიზაცია და მერე უბანგაში დავიწყე მუშაობა ადმინისტრატორის თანამდებობაზე... იქაურმა ექიმმა ჩემი ღვიძლის რენტგენის სურათი რომ ნახა, მირჩია იქაურობა დამეტოვებინა...

ქალბატონი გრიზარი ისეთი ყურადღებით მისმენდა, თითქოს თითოეული ჩემი წარმოთქმული სიტყვა უფაქიზესი აპარატის ხმარების წესს ეხებოდა. მომწონდა მისი მოციხფრო-მონაცრისფერო თვალები, სავსე ტუჩები, რუხი თმა. მისი ჯერ კიდევ ახალგაზრდა სახის იდუმალი სევდა ჩემზეც გადმოდიოდა.

— ესეც ჩემი ცხოვრება, — ვუთხარი ჩურჩულით. — ხომ ხედავთ, ერთი ჩვეულებრივი ცხოვრება მქონია.

მან მოწყალებად გაძილია.

— ყველა ხომ მარკო პოლოსავით ვერ იცხოვრებს. ჩემი ცხოვრება კიდევ უფრო უღიმღამოა; დეიდა მზრდიდა, მშობლები თქვენსავით, ახალგაზრდები დამელუბნენ. დეიდაჩემის აუტანელი ხასიათის გამო თურამეტი წლისა გავითხოვდი, მაგრამ მეუღლეს უარესი ხასიათი აღმოაჩნდა. ამ მიზეზით ჩვენ ძალზე დავცილდით, როგორც კი ვაჟი შემეძინა.

ბოლო ფრაზა ცივი წყალივით გადამესხა თავზე. ვაჟი! მე ხომ დიდზე დიდი შიში მქონდა ბავშვებისა... მე ხომ იმიტომ გადავწყვიტე მოწიფული ქალი შემერთო, რომ ბავშვები არ მყოლოდა!

მან შეამჩნია ჩემი იმედგაცრუება, ან კი როგორ ვერ შეამჩნევდა, ღმერთო ჩემო, მე ხომ ყველაფერი სახეზე მაწერია.

— მეოცნებე ხართ? — ხმადაბლა წარმოთქვა ქალმა. მის ხმაში ირონიასთან ერთად გულგატეხილობაც გამოსჭვიოდა.

— მაპატიეთ, მაგრამ მამობრივი გრძნობა არა მაქვს განვითარებული.

— ჩემი ვაჟი ოცდასამი წლისაა...

— რა თქვით?

— შვილი ქორწინებიდან ერთი წლის შემდეგ შემეძინა. აბა გამოთვალეთ: თურამეტს მივუმატოთ ერთი წელი — ცხრამეტი, ცხრამეტს მივუმატოთ ოცდასამი ხომ ორმოცდაორია?

ამ გამოთვლამ შვება სულაც არ მომგვარა.

„ჩემო პატარა პოლ, — ვუბნებოდი საკუთარ თავს, — შენ რა, ოცდათექვსმეტი წლის ასაკში ხომ არ აპირებ ისეთი ქალის შერთვას, რომელიც დღეს ზვალ ბებია შეიძლება გახდეს?“ სასაცილო იყო და, როგორც თვითონ ქალბატონმა გრიზარმა აღნიშნა, უხერხულიც.

— მე მგონი, ამაოდ ჩამოხვედით, — წაიჩურჩულა ქალმა. — პარიზში ჩამოსულ კაცს გერჩივნათ თეატრში წასულიყავით და საინტერესო პიესა გენახათ, მაშინ სადამოც უქმად არ ჩაივლიდა,

მხრები ავიჩეჩე. შემეძლო ისე მოვქცეულიყავი, თითქოს ეს ყველაფერი მე არ მეხებოდა, ვითომც აქ არაფერიო, ფეხის წვერებზე გავპარულიყავი, მაგრამ ჩემი ბუნება არ მაძლევდა ამის ნებას.

— ამ შემთხვევას აშკარად არ ველოდი, უნდა მოვიფიქრო...

— ჰო, უნდა მოიფიქროთ...

ქალბატონი გრიზარი გაღიზიანდა. ჩემმა ნათქვამმა, მგონი, გააბრაზა კიდევ, იმიტომ კი არა, რომ საკუთარ თავზე ვიფიქრე, მისთვის გასაგები იყო ჩემი საქციელი, არამედ იმიტომ, რომ ჩემი წამონაროში „უნდა მოვიფიქრო“ ქორწინების იმედს უნახვერებდა.

შევეცადე სულელური ნათქვამი გამომესწორებინა:

— ...ჩემი აზრი ასეთია: არა მგონია წამომყვეთ და თავი დაიმარხოთ იმ მიყრუებულ სოლონში.

მან პასუხი არ გამცა. ორივე გავჩუმდით. თითქოს ეს გარინდება ორივესთვის აუცილებელი იყო...

დარბაზში, სადაც ჩვენ ვისხედით, სიხალუათე შეინიშნებოდა, მომსვლელები უფრო ტერასაზე გადიოდნენ, მცხუნვარე მზეს ეტანებოდნენ.

— თქვენი ვაჟი ცოლიანია?

ეს აზრი უცებ მომივიდა თავში და მოულოდნელად წარმოვთქვი.

— არა, სტუდენტია, სამხატვრო აკადემიაში სწავლობს.

— კი მაგრამ...

მომერიდა შეკითხვისას მორიგი სისულელე არ წამომცდენოდა. ქალს ინტუიციასთან ერთად ჭკუაც უჭრიდა.

— ჰო, — ღრმად ამოიოხრა, — ის ჩემთან ერთად ცხოვრობს. წინასწარ ვიცო, გავხდები თუ არა დედამთილი, ოჯახს უნდა გავეცალო. იმ წინასწარ მოხუც დედებს არ ვეკუთვნი, შვილებს რომ თავს აბეზრებენ.

მან ჭიქა ბაგესთან მიიტანა და ფროთხილად მოსვა, ისე, როგორც უნდა დაწასმული ქალები ცდილობენ ხოლმე საღებავის შენარჩუნებას, თუმცა თავითონ შეუღებავი ტუჩები ჰქონდა. მერე ჭიქა მაგიდაზე დადგა.

— გამომშვიდობების დროც მოვიდა... გამოგიტყდებით, გულში სულაც არ ვნანობ თქვენთან შეხვედრას. ჩვენდა უნებურად პატარა თავგადასავლის მონაწილენი გავხდით. ქალი ასეთ შემთხვევას ხელიდან არ უშვებს, კიდევ რომ კეთილი ბოლო არ ჰქონდეს.

ქალბატონი გრიზარი წამოდგა. მე სულელივით ვიჯექი და თევზივით გაყინული თვალებით შევყურებდი.

— ცოტა ხანს დაიცადეთ...

ის მაგიდას მიეყრდნო. კოსტუმის ქვედატანი მრგვალ თემოებზე მჭიდროდ ჰქონდა მომდგარი და მის უნაკლო ტანს ამშვენებდა... სწრაფად წამოვდექი. ვგრძნობდი, თუ გრიზარი წავიდოდა, ვერასოდეს ენახავდი. ამ აზრთან შეგუება კი მიჭირდა. მხოლოდ მისი მოხდენილი ხელწერის წყალობით შევძელი მთელი ერთი კვირა მეფიქრა მასზე... ახლა კი თავად იდგა ჩემ წინაშე უცნაური და მშვენიერი, მშვიდი და მღელვარე. ხან მაწყნარებდა, ხან ვნებას მიშლიდა. მოსწრებული შეიღის, უბრალო ჩაცმულობის და ჭადარაშერეული თმის მიუხედავად, მაინც თვალში მოსახვედრი ქალი გახლდათ. უცნაურია ქალის ბუნება — დღეა თუ ღამე, ერთდროულად სიმშვიდისა და მღელვარებისათვის არიან შექმნილნი.

გრიზარის გამონაკვეთული ტანი ისეთ მხურვალეებას გამოსცემდა, რომ ვგრძნობდი, მისი სხეული მწყუროდა.

— არ წახვიდეთ!

— კი მაგრამ...

— დაბრძანდით!

ჩამოჯდა. არ იცოდა, რა ელოდა. მე რაღაც უნდა მეთქვა, რაღაც მომეხერხებინა.

— თქვენთვის მოულოდნელი იქნება ალბათ... ამ საღამოს ერთად ვისადილოთ თქვენს ვაჟთან ერთად. მე მგონი, აუცილებელიც არის გავიცნოთ ერთმანეთი.

— თქვენი ნებაა.

— თქვენმა ვაჟმა იცის ჩვენი ამბავი?

— ასე იცის, რომ მე წერილი მივიღე სამხედროში მყოფი დიდი ხნის მეგობრისაგან...

გრიზარს ნიადაგი შეუმზადებია, რა მეთქმოდა, სხვა ახსნა-განმარტება არც იყო საჭირო.

— წავიდეთ აქედან... — შეუთავაზე.

— სად?

— სად? მეც არ ვიცი. სხვაგან წავიდეთ... ჩვენ ხომ ქუჩაში ერთმანეთის გვერდით არასოდეს გვივლია...

— მართალი ხართ, — წაიხურჩულა, — ნაბიჯის შეწყობა არცთუ ისე იოლი საქმეა, იქნებ უფრო ძნელი, ვიდრე სხვა რამ.

ანგარიში ვაეასწორე და სენ-ჟერმენის ბულვარზე გამოვედი. ამ ადგილებში დიდი ხანია არ გამეკლო. უკანასკნელად, როცა ამ გზაჯვარედინზე ვიდექი, ზანგები თითო-ორიოლა თუ გამოჩნდებოდნენ, ხმაური არ ისმოდა, მოძრაობაც ნაკლები იყო... ახლა კი ბრბოს რია რია ცოტა არ იყოს მაშინებდა ამ აურზაურის შემდეგ ნუთუ სადამოს გაზეთები არც ერთ საავტომობილო კატასტროფას არ გამოაცხადებდნენ? სენ-მიშელის მიმართულებით ასწილენ მუტრი გავიარეთ.

— ერთად სიარული არ გვიჭირს, არა? — მითხრა მან.

მე შევჩერდი.

— რა გქვიათ?

— საბუთებით ანა-მარია მქვია, ისე კი მინას მეძახიან.

„მეძახიან“ — ეს სიტყვა არ მესიამოვნა. მაშასადამე, ვიეჭვებოდა. მინა! — ეს სახელი ცოტა ღიმილს კი მგვრიდა, მაგრამ ქალბატონ გრიზარს უხლებოდა.

თავი IV

მინას ვაჟს დომინიკი ერქვა. ჩემმა წარმოდგენამ არც აქ გამიმართლა. დედას არ ჰგავდა. მალალი, ჩაფსკვნილი ყმაწვილი გახლდათ. უხეშ სახეზე რკინის სავარცხლით დაყენებული ქერა, ოფოფივით აჩენილი ქონხორი ეღვა. მუქი ფერის მხიარული თვალები ჰქონდა. ტრადიციულად არ ეცვა — არც უჯრედებიანი პერანგი, არც ველურის ნაჭრის შარვალი, არც ხელოვნური ბეწვის ქურთუკი, მის ღიღილოსფერ პერანგს და შარვალს აქლემის ბეწვის მოხდენილი ქურთუკი ამშვენებდა. ერთობ მოღური ვინმე იყო. მის შემხედვარეს ცოტა არ იყოს ღიმილი მომპერია. შევშინდი კიდეც: რა საშინელი ბავშვია-მეთქი, გავიფიქრე, მაგრამ მალე მივხვდი, რომ დომინიკი, მართალია, თავნება პიროვნება ჩანდა, მაგრამ საკმაოდ თავდაჭერილიც გახლდათ. მინამ ერთმანეთი გაგვაცნო. ჩვენ უნდობლად, მოკრივეებივით შევეყურებდით ერთიმეორეს, რომელთაც ჯერ ერთმანეთის ძალა არ მოუსინჯავთ. მე ხელი გავუწოდე.

— მოხარული ვარ! — ვთქვი ხმადაბლა.

მან დაწვრილებით გამოძკითხა ყველაფერი.

— მაშ, თქვენ დედაჩემის მეგობარი ბრძანდებით, არა? ბოლო ხანს სულ თქვენზე მელაპარაკებოდა...

მინა გაწითლდა, თვალი ამარიდა. იქნებ ჩემი მხრივ სისულელე იყო, მაგრამ ბედნიერად ვიგრძენი თავი, როცა გავიგე, რომ მინა ჯერ არ მიცნობდა და თავის შეიღს მაინც სულ ჩემზე ელაპარაკებოდა.

— როგორც გავიგე, აფრიკიდან ჩამობრძანდით, არა?

— დიახ.

— ღირს იქ წასვლა?

— გააჩნია რა მიზნით.

— მხატვრისთვის არის საინტერესო?

— არა, იქ მეტი სმეტად მჭახე ფერები... რას იზამ, ღმერთის ნება ყველაფერი! ვან გოგის ნახატები ნისლიანი მოგეჩვენებათ იქაურ ფერებთან.

ვაჟმა გადაიხარხარა.

— გიყვართ მხატვრობა?

— გააჩნია... ხომ უნდა მომეწონოს. კარგ ნახატებად ითვლება ზოგი, მაგრამ მათი სილამაზე ჩემს გულს არ ეკარება.

— ჩემს ნახატებს გიჩვენებთ.

— სიამოვნებით ვნახავ.

სასადილოდ ელისეის მინდვრების ერთ დიდ რესტორანში წავედით, საუბარი დომინიკს მიჰყავდა. მე დროდადრო ვეხმობოდი. დედამისი გეისმენდა. ისინი ერთმანეთის გვერდით ისხდნენ და და-ძმას უფრო ჰგავდნენ, ვიდრე დედა-შვილს.

მართალია, დომინიკი მხატვრობაზე ლაპარაკობდა, მაგრამ ~~მხატვრობის~~ მხატვრის გასტოლებაა. დროდადრო საუბრის ძაფი მიწყდებოდა, რადგან ყურადღება ჩვენს ურთიერთდამოკიდებულებაზეც გადამქონდა. ცხოვრებაში ბევრი რამ ხდება მოულოდნელი. ვიჯექი დიდ რესტორანში ქალთან ერთად, რომელსაც დღეს დილითაც კი არ ვიცნობდი, თან ვაჟის თანდასწრებით, რომელიც მიმტკიცებდა მხატვრობაში ბრაკის გავლენას მოდერნისტულ მიმდინარეობაზე.

ყველაზე სასაცილო კი ის იყო, რომ მართლაც ვაპირებდი ამ ქალის ცოლად შერთვას. ეს კი იმას ნიშნავდა, რომ ამ ქერა ვოლიათის მამინაცვალი უნდა ვავმხდარიყავი. სუფრასთან სიჩუმე ჩამოდგა. ოცნებიდან გამოვფხიზლდი. დომინიკი დიმილით შემომცქეროდა.

— თქვენ სხვა რაღაცაზე ფიქრობთ, — მითხრა მან თითქმის საყვედურით.

— მართალი ბრძანდებით, მაპატიეთ... მე...

— რა თქვენ?

ჭალარათმიან ქალს შევხედე. სათვალის მოელვარე მინებიდან იასამნისფერი მზერა არ მცილდებოდა.

— დომინიკ, მინდა ახლავე ვითხრაო, რომ დედათქვენის ცოლად შერთვას ვაპირებ, თუ მისი სურვილიც იქნება...

ვაჟს პირზე დიმი შეაცივდა. ერთი წუთით გაშეშდა. მერე თავი მინასკენ მიაბრუნა.

— მართლა?

მინა თვალს არ მწყვეტდა. წესით ეს ჩემი მოურიდებელი განცხადება ძალმომრეობად უნდა მიეღო და არ დამხეებებოდა.

— ჰო, დომინიკ, მართლა.

თითქოს განგაშის ზარმა ჩამორეკა ჩემს სულში. მთელი არსებით ავფორიაქდი.

დომინიკმა შესვა თავისი ჭიქა ბურგუნდიული ღვინო. გრძნობდა, რომ მის საქციელს ვუთვალთვალეებით, და ყურადღება აღიზიანებდა.

— მერედა რა, — ჩაიბურღლუნა მან, — ნუ მიყურებთ ისე, თითქოს ჩემს თანხმობას ელით.

მე მხრები ავიჩეჩე.

— დიახ, ველით...

— ჩემგან რა პასუხს ელით, მამამისი ხომ არა ვარ, შვილი ვარ.

— სწორედ რომ მამის თანხმობის გარეშე შეიძლება გადაწყვეტილების მიღება, შვილის გარეშე კი არა!

— რა საჭიროა ასეთი ძალაღწერადოვანი სიტყვება, ისედაც ვიცი, რომ დედაჩემი ქალია. კეთილი, დაქორწინებით, იყავით ბედნიერი და გამიჩინეთ პატარა დაიკოები.

მინამ პირისაზე თავისი ვაჟისკენ მიაბრუნა. ის გაჩუმდა, გაწითლდა, მერე წაილულლულა:

— ჩემთვის მოულოდნელია ეს ამბავი, ხვდები თუ არა?

— ვხვდები...

— გამზარდე, ცხოვრება გაიმწარე, არა, დე, უარს ნუ იტყვი; მე ვიცი, რასაც ეამბობ, სამაგალითო იყავი... იფიქრე საკუთარ თავზე, გავიგებ, მით უმეტეს, რომ ჯერ კიდევ ახალგაზრდა ხარ, კარგი გარეგნობა გაქვს...

— კმარა, დომინიკ! — არ ესიაძონა დედას.

— თქვენც ხომ მეთანხმებით, ბატონო დიუტრა... მე სიცილი ამიტყდა.

ასე მოგვარდა ჩვენი ამბავი.

იმავე საღამოს ქორწინების თარიღი დავთქვით და სამი კვირის შემდეგ მეათე რაიონის მერიამი ხელი მოვაწერეთ.

მანამდე მინას არ სურდა რონშიეში ჩასვლა.

„თქვენს მამულს ხომ არ მიყვები ცოლად ან თქვენს სახლ-კარს, თქვენ უნდა გამოგყვეთ, — მეტყოდა ხოლმე, როცა შევთავაზებდი ჩემს მხარეში გასეირნებას, — თუ თქვენსას მაინც არ მოიშლით, პოლ, ჩვენი საქორწილო მოგზაურობა იქ მოვაწყობთ“.

ასეც მოხდა. ერთ დღით ჩვენ დავქორწინდით. მოწმეებად მერიის თანამშრომლები დავისწარით. დომინიკმა ამ ცერემონიალზე არ იხება მიბრძანება. წინა დღით ამხანაგებთან ერთად იტალიაში გაემგზავრა, შეგებირდა, ჩამოვიდოდა თუ არა, გვინახულებდა.

ვშიშობდი, ვაფის არყოფნა მინას დაანაღვლიანებდა, მაგრამ პირიქით, ქალი უდარდელად გამოიყურებოდა, თუმცა მეტისმეტად ღელავდა. მერიიდან რომ გამოედოლით, მთხოვა, რონშიეში წავიდეთო. მანქანაში ჩემ გვერდით იჯდა, ამ გარემოში სატრაბახოდ რაკეტაში ჩამჯდარ კაცს ვგავდი, შორეულ ვარსკვლავებში რომ მიდის სამოგზაუროდ. ამიერიდან კანონიერი ცოლი მყავდა. ჩემს უდიდამო, ეგოისტურ ცხოვრებაში რაღაც შეიცვალა.

მინამ წინა დღით ტანსაცმელი ჩემოდნით გააგზავნა რონშიეში. თავისი პატარა ბინის ავეჯი კი შვილისთვის უნდოდა დაეტოვებინა. ან კი რა საჭირო იყო, ჩემიც კმაროდა. ვცდილობდი ისეთი გარემო შემექმნა მინასთვის, რომ თავისი წარსული არ მოგონებოდა. ჩვენი ქორწინება სიცელქეს კი წაავადა, მაგრამ იქიდან თავს ვერ დავალწევდი. ჩვენ ერთმანეთის პირისპირ ვრჩებოდით, როგორც თაროზე დაწყობილი წიგნები...

ისე მივედით პიტივიემდე, ერთმანეთისთვის სამი სიტყვაც არ გვითქვამს. ჩემი მეუღლე გაშეშებული იჯდა და ბუნებას ათვალიერებდა. მე კი ვითომ მისი საქციელით ვიხიბლებოდი. ქალაქი გავიარეთ. უცებ მოვედი აზრზე, რომ შუადღე გადასულიყო და აღბათ გვშიოდა კიდევ.

— სასაუზმოდ აქ ხომ არ შევჩერდეთ?

— თქვენი ნებაა.

სურთით დაფარული ერთი სასტუმრო შევამჩნიე და მანქანა მის ფართო ეზოში დავაყენე შენობა სხვა სასტუმროებისაგან არ განსხვავდებოდა, გოთური წარწერებით და სპილენძის მოსართავებით. მინა ჩამოჯდა, მეც მის პირდაპირ ვაპირებდი დაჯდომას, მაგრამ მან თავის გვერდით მდგომ სავარძელზე მანიშნა:

— პოლ, ჩემ გვერდით დაჯექით...

შევეყოყმანდი. ვერ გამეგო, მეპატიჟებოდა თუ მიბრძანებდა. გზას ვადექი და სჯობდა გაუგებარ სიტუაციაში არ ჩამეყო ცხვირი, მაგრამ მინა ისე მიდიოდა, უარი ვერ შევბედე.

მას ტანთ რუხი ფერის შალის კაბა და იმავე ქსოვილის გამოყვანილი მანტო ეცვა. ტუჩები ოდნავ ჰქონდა შეღებილი, დაწვებიც ოდნავ მოეფიფქა პუდრით.

მართლაც ახალგაზრდად გამოიყურებოდა. მინა უფრო მასწავლებელ ქალს ჰგავდა, რომელსაც ყმაწვილების კლასი ჩააბარეს და ცდილობდა მკაცრი გამომეტყველება ჰქონოდა.

სადილად შემწვარი ხოხობი მუხუდოთი და ბაყაყი შევუკვეთვით, მინა თავის თეფშს დაჰყურებდა. საჭმლის ორთქლმა სათვალე დაუნისლა. მან სათვალე გასაწმენდად შეიხსნა. უსათვალოდ ისეთი ახალგაზრდა გამოჩნდა, რომ ვალცები-საგან წამოვიყვირე:

- უსათვალოდ ათი წლით პატარას ჰგავხართ!
- ვაი რომ..

სათვალე გამოვართვი და ცხვირზე ისე წამოვიცივი, როგორც ისინი, ვინც არ ატარებს.

- სათვალეს ყური არ მოწყდეს, — შემახსენა მინამ.

სწრაფი მოძრაობით სათვალე ხელთ მოიგდო. წარბშეჭმუხბუნულმა დავუთმე.

- მითხარით, ძვირფასო მინა...

მას თავისი დარბაისლური მშვიდი იერი დაუბრუნდა.

- ვისმენო, პოლ!

- თქვენს სათვალეს უბრალო მინები აქვს, არ აღიდეგენ, არა?

- როგორც ჩანს, — წაიხურჩულა, — მხოლოდ დამცველი თვისება აქვთ.

არც ბეცი ვარ და არც შორსმხედველი, მაგრამ სუსტი თვალეები მაქვს, ადვილად მიღიზიანდება. თუ სათვალეს არ გავიკეთებ, ერთ საათში რუსული ჯაშის წითელთვალეება კურდღელს დაუემსგავსებიან. მოგეწონებათ?

უგულოდ გამეცინა. გულახდილად გეტყვით, არ ვიცოდი, როგორ მოვქცეულიყავი მინასთან. არც ის მინდოდა სულელივით აღერსიანი მეუღლის როლი მეთამაშა; ჩვენი ნაცნობობა ისე დაიწყო, რომ დიდ თავდაჭერილობას ითხოვდა... მეორე მხრივ ჩემი დამაბული საქციელი ეკლესიის მსახურს მამსგავსებდა. ჭამის დროს ცოტას ვლაპარაკობდი. სიმუნჯის კარგი მიზეზი გვქონდა: ხორცი გემრიელი იყო.

მანქანაში ჩაჯდომისას ვიგრძენი, რომ სათქმელი უნდა მეთქვა და წერტილი უნდა დამესვა.

- მომისმინეთ, მინა...

მან თავი გაიქნია.

- პოლ, არ არის საჭირო, მე ყველაფერს ვხვდები...

- რას ხვდებით?

— რასაც ფიქრობთ. რაც პარიზიდან მოვდივართ, სულ თქვენს თავს უჩიჩინებთ, რომ სისულელე ჩაიდინეთ და თუ, გულისთქმას აჰყვებით, შეიძლება ვხად სადმე ჩამომსვათ კიდევ, არა?

- არა, მინა... ამას არ ვფიქრობ...

მუშტები შუბლზე ვიკარი.

— მინა, გამიგეთ, სულაც არ ვნანობ თქვენს შერთვას, მხოლოდ არ ვიცი... არ ვიცი, როგორ მოვიქცე, გესმით? ქორწინება ისეთი ცივი გონებით გადაწყვეილეთ, რომ...

ის წუთით გაიყურა.

- გასაგებია, პოლ, მე თქვენი თანამეცხედრე არ ვიქნები!

მინა სცდებოდა. ბოლმა მახრჩობდა. მანქანა უცებ დავამუხრუჭე და ფერდობზე შევჩერდი.

— ო, რა სულელი ხართ, ვერაფერს ხვდებით, მე... მე... — არ ვიცი, როგორ მოვაგვარე საქმე. გახსენებაც არ მინდა. ისე მოხდა, რომ ერთი წუთის შემდეგ

მინა სკამის ზურგზე აღმოჩნდა გადაწოლილი. ჩვენი ბავშვები შეერთდნენ, ჩემი მოუხერხებელი ხელები კი მისი კაბის კალთისკენ მიიწვევდნენ.

თავი V



არ შევუდგები იმის მოყოლას, თუ რა დღეები დამიდგა ჩვენი ქორწინების შემდეგ. ვიქნები სიტყვაძუნწი. ჩემს ცხოვრებაში ამ ბედნიერ დღეებს ვერასოდეს დავივიწყებ.

მართალია, ქორწინება ცივი გონებით გადავწყვიტე, მაგრამ ნელ-ნელა ვრწმუნდებოდი, რომ სიცხადე ამ გადაწყვეტილებას ეწინააღმდეგებოდა. მინა მხოლოდ გარეგნულად იყო დინჯი და მშვიდი, შინაგანად ნამდვილ ტაიფუნს ჰგავდა. საკუთარ თავზე ვბრაზდებოდი: "თუ ქორწინებას ასეთი ბედნიერების მოტანა შეეძლო, მაშ, ჩამოყალიბებული კრეტინი ვყოფილვარ, რომ ეს ნაბიჯი აღრე არ გადავდგი-მეთქი."

ხანდახან ისევ დაუდიოდით ფაშუაშა ეალენტინას სასადილოში. გზად ცოტა სუფთა ჰაერსაც ვყლაპავდით, მაგრამ ვალენტინა ჩვენ არ გაგვკარებია. მგონი, ეთაკილებოდა, რომ მისი წინასწარმეტყველება არ გამართლდა. სეირნობა მის სასადილოს არ სცილდებოდა. მთელი დროის ცხრა მეათედს ჩვენს თეთრ სახლში ვატარებდით, რომელიც მინას უზადო გემოვნებით იყო მოწყობილი. ყველაზე მეტად თვალი ლოგინისკენ გვეჭირა. დაუსრულებლად ვეხვეოდი, ვკოცნიდი, გულში ვიხუტებდი, ყურში სისულელეებს ვეჩურჩულებოდი. მართალია, მინა მღელვარე ბუნების ქალი იყო, მაგრამ მაინც ინარჩუნებდა ქალიშვილურ მოკრძალებას და ჩვენი სასიყვარულო ურთიერთობის ყველაზე ვნებიან წუთებში ისეთი თავშეკავება იცოდა, რომ სისხლს მიმღვრევდა.

ასეთი ცხოვრება ზუსტად ცხრა დღე გაგრძელდა. მეგონა, ბედნიერებას დასასრული არ ექნებოდა. ჩვენი სიმყუდროვე მინას ვაჟის მიერ გამოგზავნილმა წერილმა დაარღვია. ჯადოსნური დღეები შეწყდა, როგორც ანახლად მიწა გამოგეცლება! წერილი თავისთავად თბილი იყო. ახალგაზრდა კაცი გვატყობინებდა, რომ იტალიიდან ჩამოვიდა, ბედნიერებას გვისურვებდა და ბოდიშს იხდიდა, რომ, როგორც შეგვითანხმდა, რუანშენში ვერ გვეწვია. მიზეზი ის იყო, რომ ჩამოსვლისას ფეხი უტკენია და სახლიდან ვერ გამოდიოდა. ეს ამბავი ჩვენს ვნებით სავსე ცხოვრებას ცივი შხაპით გადაევლო. მინა ვიჟ დედად გადაიქცა. უარესი ამბის შიშმა შეიპყრო.

— უნდა დაებრუნდე, — მითხრა მან.

— ერთად წავიდეთ, ძვირფასო...

ქალმა ფარული ცრემლი მოიწმინდა.

— მარტო ნახვა არ კმარა, პოლ, ხომ გესმის. დომინიკს ტრილობა აქვს და სულ მარტოა ჩვენს პატარა ბინაში...

მინდოდა მეთქვა, რომ საღელვებელი არაფერი იყო, რადგან ვეჭვობდი, დომინიკს ქალის ხელი მოაკლდა და მოსავლელად დედა გამოიძახა. თავი შევიკავე. არაფერი მითქვამს. მინას ჩემი ეჭვი შეიძლება ვერც გაეგო.

მაშინვე გავემგზავრეთ. ორი საათის შემდეგ პარიზის ბინაში ვიყავით. კარი გასაღებზე არ იყო დაკეტილი. ჩარჩოში ქალაღი იყო განხერილი. „ნუ დარეკავთ, ისე შემოდით“. ჩვენც ასე მოვიქცით.

ლაძაზი დომინიკი მარტო იჯდა შინ, საშინაო ხალათში გამოწყობილი, გრძელ სკამზე ხატავდა. მარცხენა ფეხის კოჭი მაგრად ჰქონდა გადახვეული და ნატკენ ფეხს პუფზე ასვენებდა. როგორც კი დაგვინახა, ხატვა მიატოვა.

— ერთი შეხედვით, შეყვარებულები ჩამოსულან! — ხმადაბლა წარმოთქვა. მინა ტირილით გადაეხვია. მე კი მოწყენილი ვიდექი. დომინიკზე ვბრაზობდი. თაფლობის თვე ჩავვიმწარა. მაინც გავუღიძვე.

— რა მოგივიდა, მეგობარო?

— ნუ გამახსენებთ; მატარებლიდან ჩამოვდიოდი და უცებ ტყაპანი მოვიღე. ორი კვირა მაინც ვერ შევძლებ სიარულს.

მინდოდა ვცემოდი და მომეკლა... სიმპათიური კი იყო... ღამისი, საღამოსიანი თვალებით მიყურებდა.

— ერთმანეთს როგორ შეეწყვეთ? თქვენ გეკითხებით!

მე გავწითლდი. ეტყობა, შვილი განიცდიდა დუღის გათხოვებას. თავი კი თამამად ეჭირა, ღირსებას ინარჩუნებდა.

— გტკივა? — წუხდა მინა, ხედავდა რა, რომ დომინიკს ტკივილისაკან სახე ემანჭებოდა.

— ჰო, საკმაოდ მტკივა...

მინა ჩემკენ შემობრუნდა.

— მე აქ დავრჩები, პოლ, მანამ ბიჭი არ წამოდგება. იმედი მაქვს არ მიწყენთ... იმ წუთში არ ვიცოდი, რა შეპასუხა. მთელ ჩემს სხეულში მწუხარებამ დაი-სადგურა. მინას გარეშე ყოფნაზე ფიქრიც კი ავად მხდიდა... ამ მდგომარეობის გამოსწორებას რამდენიმე დღე არ ეყოფოდა. მინა მჭირდებოდა. მეორე მხრივ მისი საქციელიც გასაკვირი იყო. ავადმყოფ შვილს ცარიელ სახლში მართლად ხომ არ დატოვებდა.

— დომინიკ, იქნებ ჩვენთან წამოხვიდეთ... სოფლის ჰაერი მოგიხდებათ...

მან შემომხედა. სახე უცნაურად გაუნათდა.

— მართლაც მეუბნებით?

მინამ მთელი ძალით ხელი ჩამჭიდა. მისი ვნებიანი ალერსი ცეცხლის ალივით მომედო მთელ სხეულში.

— რა სულგრძელი ხართ, პოლ!..

— სულგრძელობა რა შუაშია, უბრალოდ, უნდა შევიგნოთ, რომ დღეიდან ჩვენ ერთი ოჯახი ვართ.

ყველაფერი სწრაფად მოგვარდა... მინამ უცებ ჩააღაგა შვილის ჩემოდანი. მე დომინიკს ჩაცმაში მივეხმარე, მერე ზურგზე მოვისვი და მანქანამდე მივიყვანე.

დომინიკი ჩემი სახლ-კარის ქებად იქცა. ყმაწვილ კაცს ყველაფერი ალაფრ-თოვანებდა. ჩემი დახვეწილი გემოვნება მოსწონდა და სულ მიმეორებდა, რომ ჩემნაირ ადამიანს არ შეხვედრია. დომინიკს საერთო ოთახში მივეუჩინეთ კუთხე, ფართო ფანჯარასთან, რომელიც ტყეს გასცქეროდა. ვაჟმა სახატავი ქაღალდები იქვე მოიწყო და უბედნიერეს კაცად იგრძნო თავი.

მოსაწონად ვერ ხატავდა. არ ვიცი, მხატვრობის რომელი სკოლის მიმდევარი იყო, მაგრამ ძალზე სუსტი მოსწავლე კი გახლდათ... ხატვას რომ დაამთავრებდა, მთელ ნამუშევარს თეთრი საღებავით გადაჯღაბნიდა ხოლმე. სიამოვნებას ჰგვრიდა ამგვარი საქმე და მეც მის ბოლო აკორდს მოსაწონად ვთვლიდი.

რონშიეში ვაჟის ჩამოსვლის შემდეგ ჩვენს ბედნიერებით აღსავსე ცხოვრებას ბზარი გაუჩნდა. ოჯახში რაღაც რიტმი შეიქმნა. ყველა მის წესს დავემორჩილეთ. ადრე ვდგებოდით, დროულად ვჭამდით. მინა გამიბრბოდა. შვილის ჩამოსვლამ თითქოს მოლიანად შესცვალა. თავდაჭერილად იქცეოდა და არაფერს გა-

მოხატაუდა. ხანდახან, შვილის თანდასწრებით, როცა ქალს წელზე ხელს მოკვ-
ვევდი, ელდანაკრავივით მიცილებდა.

უფრო მეტიც. მან ლოგინი გამიყო. განსაკუთრებით არც მე / მრმითხოვია
ჩემი უფლებები, მაგრამ ვგრძნობდი, როგორ ქრებოდა ბედნიერება. / დამეწყო
მოუსვენარი ღამეები. ამეკვიატა ქალბატონ ბლანშენზე ფიქრი, სულ იმის ძიებაში
ვიყავი, თუ რომელ ოთახში მოკვდა, ან საკუთარმა ქმარმა, ~~მართლა შეწამლა~~ თუ
არა. მაგრამ ყველაზე მეტად დომინიკის მიმართ მისი სიბოლო და მზრუნველობა
მიღრღნიდა სულს. სულ ერთად იყვნენ. როცა კი ოთახში მოულოდნელად შევი-
დოდი, სადაც ვაუბატონი გაშხლართულიყო, ყოველთვის ერთმანეთის ალერსში
ვხვდავდი. მინდოდა მეფიქვლა. მათი ერთობა მაფორიაქებდა. მინამ ჩემგან პირი
იბრუნა. იმ საღამოს შემდეგ, რაც მინა დაეპატრონა აქაერობას, პირველად
ვიგრძენი, რომ ის შემოიჭრა ჩემს სახლში, რომ საკუთარი სახლიდან მაძევებდ-
ნენ, სადაც უკვე უცხოვ ვგრძნობდი თავს. ისინი ერთმანეთს ჩურჩულით ელაპა-
რაკებოდნენ, თუ მივუახლოვდებოდი, ჩუმდებოდნენ...

ერთ დღეს ვეღარ მოვითმინე და წამოვიყვირე:

— თუ ხელს გიშლით, ისიც მითხარიო...

ღეღა-შეილი გაოგნებით შემომაცქერდა. მინა ჩემი ოთახისკენ წამო-
ვიდა, სადაც პროტესტის ნიშნად ვიკეტებოდი ხოლმე.

— პოლ, — წამჩურჩულა, — ვერ გამიგია თქვენი საქციელი...

თითქოს ყელში რაღაც წამიჭირესო, ისე გამაღიზიანა თქვენობით მომართ-
ვამ.

— რას ბრძანებთ...

— მე მგონი, თქვენ ვერ გვიტანთ ვერც დომინიკს და ვერც მე...

მისი გამოხედვა ისეთი იასამნისფერი და სევდიანი იყო, როგორც არას-
დროს.

მზერაში არ იყო საყვედური, უფრო გაოცება და გულისტკივილი გამოსჭვი-
ოდა.

— მინა, გამაგებინეთ, ოდესმე მაინც გიკითხიათ თქვენი თავისთვის, ამ კაცს
მართლა ვუყვარვარ თუ არა?!

ამ შეკითხვამ შეაკრთო.

— პოლ, დამიჯერეთ...

— გაჩუმდით, დამაცადეთ ვთქვა სათქმელი.

თავი ვერ შევიკავე და მინა ჩემკენ მივიზიდე. გული ძალუმაღ მიცემდა.

— ის ოდნავ უკან გადაიხარა და ვიგრძენი, როგორ შემეხო მისი სხეული.
მთელ არსებაში ცეცხლმა დამიარა.

— მინა, აკი ვითხარი, რომ შემეყვარდი, სიგიჟემდე შემეყვარდი... ჩემთვის
მინდიხარ, მხოლოდ ჩემთვის... შენთან ერთად მინდა ვიყო... მენატრება ჩვენი
ღამეები...

მან მკვახედ მომიშორა.

— პოლ, არსებობს რაღაც, რასაც თქვენ ვერასოდეს გაიგებთ...

— ვიცო, ღეღაშვილურ სიყვარულზე მეუბნებით... თანახმა ვარ, თქვენ ღეღა
ხართ, მაგრამ, ეშმაკმა დალახვროს, დომინიკი ალუა ხომ არ არის, კაცია!.. წამ-
დაუწუმ ეჩურჩულებით, ყურზე კბენთ, თმაზე ეთამაშებით... გულწრფელად გეუბ-
ნებით, უხერხულია!

— ოჰ!

— მით უარესი, თუ ჩემი არ გესმით, მე სიმართლეს ვამბობ. თქვენი საქციე-

ლი მწყინს. ხან მეჩვენება, რომ ხელს გიშლით. იმის მაგივრად, რომ თავი უცხოდ თქვენმა შვილმა იგრძნოს, მე შეუფლება ასეთი განცდა...

— კეთილი, პოლ, ჩვენ წავალთ... მხოლოდ იმას გთხოვთ, სადგურამდე გავაცილოთ...

თითქოს სილა გამაწნესო.

— რაო?

— ასეთი სიტყვების შემდეგ აღარაფერი გვაქვს ერთმანეთისთვის სათქმელი... — ალბათ კიბოსავით გავწითლდი. სახე მეწვოდა, თვალები ნალვერდალივით მიხურდა.

მინას ვეცი და მოვიმწყვდიე. ის შემეწინააღმდეგა, ეცადა მოვეშორებინე. მაგრამ მალე მიხვდა, რომ ვერაფერი შემიშლიდა ხელს, და ბედს დაემორჩილა. ქალს დავუფლეთ. ეს მალული ხეუნა-კოცნა, მგონი, უფრო ველური და შმაგა იყო, ვიდრე აღრინდელი.

ამ შემთხვევის შემდეგ ჩვენი ურთიერთობა გაუმჯობესდა. მხატვარს ნაკლებად ეალერსებოდა. მართალია, ცალკე იწვა, მაგრამ ჩემთვის კარი არ გამოუხურავს. ამ ვითარებაში სამი დღე გავიდა. გულწრფელად მიხლოდა დომინიკი მალე გამოჯანმრთელებულიყო, მაგრამ, სამწუხაროდ, მღვთმარეობის გამოსწორებას პირი არ უჩანდა. კოჭი ძალზე სტკიოდა და ფეხს მიწაზე ვერ აკარებდა. კარგ სპეციალისტს რომ გაესინჯა, არ მეთანხმებოდა. ამტკიცებდა, რომ თავისი ექიმის რჩევით მანამ ფეხის მოძრაობა მთლიანად არ აღდგებოდა, სახვევი არ უნდა მოეხსნა.

მეოთხე დღეს შუადღის შემდეგ შევამჩნიე, რომ მინას თვალის უბებში სილურჯე გასჩენოდა, ფერი დაჰკარგვოდა. ცუდად გამოიყურებოდა.

— მინა, აჟად ხომ არა ხართ?

დომინიკის წინაშე ვცდილობდით თქვენობით გველაპარაკა.

მან ხელი უნებურად გაიქნია.

— თავი მტკივა, მაგრამ არა უშავს, მალე გაიელის...

— სულ სახლში ზიხართ და აბა რა იქნება... ცოტა ჰაერზეც გჭირდებათ გავლა...

დომინიკი დამეთანხმა.

— დედა, დაუჯერე პოლს. სახეზე მიწისფერი გაღვეს... წადი, გაისეირნე პოლთან ერთად. ტყეში ამ დროს ხეტიალს რა სჯობს?... მე რომ შემეძლოს...

ნაცნობ ბილიკს დაეადექით, რომელიც ქვევით, ჭალისკენ მიიკლაკნებოდა, მერე ერთ ძველ ტბისკენ მივყავდით. გვიმრების საფარქვეშ ტბის წყალი დაჭაობებულიყო...

როგორც კი სახლს გავცდით, მინას წელზე ხელი შემოვხვიე. გამხმარი ტოტები სიარულის დროს ფეხქვეშ ტკაცუნობდნენ.

— მინა, ბედნიერი ხარ?

— ძალიან, პოლ, მენ გვერდით ყველა ბედნიერად იგრძნობს თავს.

— კარგი ერთი...

— პო, გეფიცები. ბევრი ვიფიქრე... უნდა გელაპარაკო...

ნაბიჯი არ შემინელებია, ველოდი. მან ლაპარაკი მაშინვე არ დაიწყო. გადახვეულებმა თითქმის კილომეტრი გავიარეთ. უღრანი ტყის სურნელი გვათრობდა, როგორც იყო ნათელში გამოვედით, სადაც გარინდებული ტბის ზედაპირი დაბინდულ სარკეს გვაგონებდა. ერთი ხის კუნძუზე ჩამოვსხედით. დიდხანს ვუყურებდით მომწვანო წყალს, სადაც დროდადრო ჰაერის ბუშტები ჩნდებოდნენ

და სკდებოდნენ.

მინამ გაიმეორა:

— პოლ, მინდა გელაპარაკო...

— გისმენ, ჩემო სიყვარულო.

მინამ ნერწყვი ჩაყლაპა. ასეთი შეწუხებული და საცოდავი სახე არასოდეს ჰქონია.

— პოლ, მე მხოლოდ ახლა ვაცნობიერებ ჩვენს ამბავს... დამიჯერე, თავი სიზმარში მგონია... შენნაირ კაცს წლობით ველოდი...

ეს სიტყვები ჩემს გულს მალამოსავით დაედო. თავზე მივუაღერსე. ვიგრძენი, როგორ კანკალებდა.

— პოლ, რაც ჩემი შვილი ჩამოვიდა, მიწაზე ორივე ფეხით დავდექი. ერთი მხრივ კი დასანანია, მაგრამ მეორე მხრივ სულ მეცხრე ცაზე ყოფნაც არ არის ადვილი.

რისი თქმა უნდოდა მინას? თავი ღინჯად ეჭირა და თვითდაჯერებულად ლაპარაკობდა.

— ერთი ისეთი რამ მინდა ვითხრა, რომელზეც არასოდეს გვილაპარაკნია. თქმაც ვერ მოვასწარი. ყველაფერმა გრიგალივით გადაიარა. საკითხი ფინანსებს ეხება.

მე მხრები ავიჩეჩე.

— რას ამბობ, რა ავი ფიქრები გქონია. მართალია, ძალიან მდიდარი არა ვარ, მაგრამ პატარა ქონება მაინც გამაჩნია. მადლობა ღმერთს, შემოსავალზე ფიქრი არ მჭირდება...

— შენ არ გჭირდება, მაგრამ მე... მე ღარიბი ვარ. ჩემი მცირე შემოსავალი ძლივს მყოფნის, რომ დომინიკს გავაწვდინო... მინამ მარტო გაიკვლევს გზას... ასე რომ, მე შენი შესანახი ვიქნები!

— რა უაზროდ მელაპარაკები! შენ ხომ ჩემი ცოლი ხარ?

— კი მაგრამ...

— მაშინ საკითხი ამოწურულია, გავანებოთ თავი...

მინას დაძაბულობისაგან სახე შეეცვალა.

— არავითარ შემთხვევაში, მე ისევ ჩემს აზრზე ვარ და გთხოვ გაიზიარო... უნდა დამითმო.

— კარგი, გისმენ, რა უცნაურობა გინდა მითხრა?

— პოლ, მე უფროსი ვარ შენზე... მოიცა, არ შემაწყვეტინო. უფრო მეტიც... მე, მე ავად ვარ...

კიდევ ერთხელ ვიგრძენი, როგორ დამეფუფქა გული. წინ ჩაუცუცქდი. გაფაციცებით შევეყურებდი. მინდოდა ავადმყოფობის კვალი მეპოვა მის დაღლილ სახეზე.

— მინა, ავად ხარ?

— ჰო, გული მაწუხებს. მე და ჩემი ექიმის ვარდა არავინ იცის... ინფარქტი გადავიტანე... ძლიერი შეტევა მქონდა ორი თვის წინ... კინალამ მოვკვდი... ჩემი ხელახალი გათხოვების ერთ-ერთი მიზეზი ესეც იყო... ალერსისა და სიმშვიდისათვის გავთხოვდი, რომელიც ყოველთვის მაკლდა, გესმის ჩემი?..

— ჩემო ძვირფასო, ჩემო სიყვარულო, შენ მოვლა გჭირდება. კარგ სპეციალისტებთან წაგიყვან, აი ნახავ...

— არა, არ არის საჭირო. ყველასთან ვიყავი... მხოლოდ ერთი აზრი აქვთ: ჩემი სიცოცხლე შეიძლება გახანგრძლივდეს და შემოკლდეს კიდევ... ხომ უნდა მეთქვა ეს ყველაფერი? ახლა თავს ვერ ვგრძნობ კარგად, ბევრი ვიდელვე, მერე

შენ განგირისხდი... — თავი ამიწია და მითხრა: — პოლ, წინასწარ რომ არ გაგაფრთხილე, ხომ არ გამაგლებ? შენი ნდობა ბოროტად გამოვიყენე, არა?

— გაჩუმდი, მინა, მიყვარხარ... აუცილებლად მოვარჩენ...

— მე ჩემი გეგმა ბოლომდე არ მითქვამს შენთვის...

მინამ ნაზად მაკოცა ბაგეზე. საოცრად რბილი და თბილი ტუჩები ჰქონდა.

— მითხარი, რა გეგმა გაქვს?

— საბოლოოდ მაშინ დავმშვიდდები, როცა ყველა საქმეს მოვაწესრიგებ და

შენ წინაშე ჩემს მორალურ ვალს მოვიხდი.

— შენ ჩემი არაფერი გმართებს.

— ვიცი, რასაც ვამბობ. თავი უნდა დავიზღვიო, ჩემო ძვირფასო!..

ამ სიტყვებმა გამაოგნეს.

— მინა, რამ გაგაგიჟა?

— შენს კისერზე უნდა ვიცხოვრო, ასე თუ მოვიქცევი, სინდისი სუფთა მექნება. თუ მოვკვდები, მეცოდინება, რომ ჩემი წილი რაღაც დაგიტოვე.

— შენ თუ რაიმე მოგივა, ყველაზე ძვირფასი სახსოვარი შენგან დატოვებული მოგონებები მექნება... თანხა, რომელსაც შენი სიკვდილი მომიტანს, უმძიმესი იქნება ჩემთვის.

— მე ასე მსურს, ნუ მეწინააღმდეგები!

— ჩემო ანგელოზო, თუ შენსას არ იშლი, მაშინ შენი შვილის სახელზე დაიზღვიე თავი!

მან თავი გაიქნია.

— დომინიკს ფული არ სჭირდება. ბიჭმა თვითონ უნდა გაიკვლიოს გზა...

შენ თუ მოისურვებ, ანდერძით შეგიძლია დაუტოვო თანხა.

მინას სიჯიუტე მალიზიანებდა. ეს აზრი ისე ჰქონდა აკვიატებული, რომ ვერაფერს ვხდებოდი.

ბოლოს შევთანხმდით. ქალს სადარდებელი მოვაშორე. ის თავის თავს დაიზღვევდა ხუთი მილიონის თანხაზე ჩემს სასარგებლოდ, მე კი ანდერძს დომინიკის სახელზე დავწერდი. მშობლები არ მყავდა, ამიტომ ზარალი არავის დაადგებოდა. გულახდილად რომ გითხრათ, ფინანსური საქმეების მიმართ გულგრილი ვიყავი, ჩვენი საუბრიდან მხოლოდ ერთი რამ ჩამრჩა გულში: მინა ძალზე ავად იყო, ყოველ წუთს შეიძლება დამეკარგა. აი, ეს მიკუმშავდა გულს.

მამულის შემენის შემდეგ უცნაური აკადემოფობა დამჩემდა... ჟერმენ ბლანშენის გარდაცვალების გაგებისთანავე სიკვდილზე ფიქრი ამეკვიატა და მტანჯავდა.

— პოლ, ხომ მპირდები, რომ ამ საქმეს ხვალვე მოვაგვარებთ?

— გეფიცები!

— მერე კი დავწყნარდები, ლაღად ამოვისუნთქავ!

მინას უბეები უფრო ჩალურჯებოდა.

— მინა, ცოტა ხანს უნდა დაწვე, მიხედო შენს თავს, არ უნდა გადაიღალო, დღეიდან მოსამსახურეს დაეიქირავენ...

— მეტიმეტია, პოლ, ნუთუ ჩვენი სიახლოვე უნდა მოიშალოს?

მე თვალი მოვარიდე. ჩვენი სიახლოვე! ჰმ, შენს შვილს უთხარი მადლობა! დომინიკი თავის გრძელ სკამში ჩამჯდარიყო. დახეული სახატავი ფურცლები იატაკზე დაეყარა. სთვლებდა. ჩვენ რომ მივედით, შეკრთა.

— რა მოხდა, დომინიკ, რა მოგივიდა? — მინამ ხელში აიღო დაუხრეწილი ნახატები. ვაჟბატონი აგზნებული დაგვხვდა. ყვრიმალეები წითლად უღვიოდა.

— არაფერი არ მომხდარა, თუ ხდება, ახლა ხდება, გესმით? საცოდავი ვარ, საცოდავი!

— ახლა ნუ დაიწყე!

— ჰო, ასეა, ერთი მჯღაბნელი კაცი ვარ!

ცნობისმოყვარეობამ მძლია და მივუახლოვდი. ბრისტოლუჩქიხტავქიქალაღლებს რომ ვკრეფდი, მისი ამონასუნთქი ვიყნოსე: ალკოჰოლტს ხუნტო მყუ გაუღენთილი. ამ ამბავმა შემაკრთო, რადგან სასმელი მეორე ოთახში მქონდა შენახული. დომინიკი ნასკამი იყო, მაგრამ არც ერთი ბოთლი არ ედგა ოთახში. ესე იგი, სასმელის გამოსატანად დერეფნის მეორე მხრიდან გავიდა. მაშ, სიარული შესძლებია... ისე კი იქცეოდა, თითქოს ფეხზე დგომა უჭირდა. ეშმაკობდა?

დედამისის წინაშე აღარაფერი ვთქვი, რომ არ აღელვებულყო. დომინიკის ნაჯღაბნებს შევხედე. ნატურმორტის დახატვა უცდია. მოდელისთვის მუსიკალური ინსტრუმენტი და ერთი ბოთლი შიანტი დაუდგამს. საგნების შინაარსის გადმოცემის მაგივრად გეომეტრიული ფორმების აბლაუბლა გამოუვიდა.

— ო, ბატონო პროფესორო, — ჩაიცინა მან, — როგორი აზრი გაქვთ?

მინა ოთახიდან გასულიყო. დომინიკი ბოროტად მიმხერდა. ეტყობოდა, ჩემზე ბრაზობდა, ვერ გამეგო, რატომ...

— სწორედ მოიქეცით, რომ ქალაღლები დახიეთ, — განვუცხადე ცივად. — ვერაფერი ბედენაა...

დომინიკი გაფითრდა, აწითლებული ყვრიძალები იისფერი გაუხდა.

— თქვენ ფიქრობთ, რომ უნიჭო ვარ, არა?

— მე არაფერს ვფიქრობ, თქვენ თვითონ აღიარებთ. ალაღი კაცი ვარ, რასაც მეუბნებიან, მჯერა.

დომინიკი ისე დაიბნა, რომ კარგ გუნებაზე დავდექი. ამ ამბის შემდეგ ის არარაობად იქცა.

— იმუშავე, ჩემო კარგო, — ვურჩიე. — კარგი ნახატის შექმნა აღვილი რომ იყოს, ფუნჯს ყველა შეიძენდა.

თავი VI

მეორე დღეს მინა თითქოს უქეიფოდ აღარ გრძნობდა თავს. დასვენებული იერი ჰქონდა. გამხიარულდა კიდევ. დაყინებით მოითხოვდა, რომ ჩვენი საქმე დიღიდანვე მოგვეგვარებინა. მის სურვილს უსიტყვოდ დავემორჩილე. ამიერიდან სულ შიშში უნდა მეცხოვრა, რომ მინა გულის შეტევის გამო წაქცეული არ მენახა. მის სახეს ისე ეაკვირდებოდა, როგორც მეთევზე უამინდობის შესატყობად გასცქერის ჰირიზონტს. სულ თან დავყვებოდი. ჩემი შინაყუდა კაცის ჯავშანი ჰა და ჰა უნდა დამსხვრეულიყო. განგებამ ასე ინება და მეც ბედნიერი ვიყავი.

ორღევანში გავემგზავრეთ. მინას არ დაუჩემებია, რომელ საღაზღვევო კომპანიისთვის მიგვეძართა. შევარჩიეთ უფრო ცნობილი საღაზღვევო საზოგადოება. მინა მოითხოვდა დაუყოვნებლივ შეედგინათ საღაზღვევო აქტი. მისმა ასეთმა დაყინებამ გააოცა კომპანიის მოსამსახურე. როცა შეიტყო, რომ მე ის კაცი ვიყავი, ვისაც დაზღვევის თანხა ერგებოდა, თვალი ვერ მომაშორა. ბოლომდე ვერ ჩავწვდი მის ფიქრს. იქნებ მოელანდა, რომ მეც მკვლელობა მქონდა ჩაფიქრებული როგორც ჩემს წინამავალ მობინადრეს?

დაზღვევის ცერემონიაღი საკმაოდ მძიმე აღმოჩნდა. მინა დღღავდა, უხაროდა. პირველი შესატანი საკუთარი თანხიდან გადაიხადა და, როცა საქმე მთღიანად მოთავდა, ღრმად ამოიოხრა.

კიბეზე ჩამოსვღისას ერთმანეთს გადავეხვიეთ.

— ჩიტვით ვარ, ასე მკონია, დარჩენილ სიცოცხლეს შენს სიყვარულში გა-
ვლევ.

— დამშვიდდი, ძვირფასო, ჯერ ნოტარიუსი უნდა ვნახო.

— რა საჭიროა?

— ხომ გადავწყვიტეთ, რომ ანდერძით შენს შვილს უნდა ერგოს მემ-
კვიდრეობა. ნათქვამ სიტყვას წინ რაღა უდგას?

— რა საჩქაროა, პოლ, ძვირფასო... დრო საკმაო გვაქვს.

მე მხრები ავიჩეჩე.

— განა ვინმეს შეუძლია წინასწარ განსაზღვროს სიკვდილის უამი როლის
დაუდგება? რახან გადავწყვიტეთ ამ წვრილმანი საკითხების მოგვარება, ბარემ
მოვაგვაროთ.

— ნება შენია...

მთელი დღე დაგვჭირდა, რომ ამ საქმის ფორმალური მხარე მოგვეგვარებინა.
დადამდა. დავბრუნდით რონშიუში. მინამ გზად ძეხვი იყიდა. სადილისთვის კი
ერთი ქათამი შეარჩია. დიასახლისი საჭმლის მზადებას შეუდგა, მე კი დომინიკს
დაუწყვე ძეხვა. ვაჟბატონი ფეხზე ვერ იდგა, ისეთი ნასვამი დაგვხვდა. ეს იმას
ნიშნავდა, რომ ჩვენს არყოფნაში წამომდგარა კიდევ. სიბრაზისაგან სისხლი თა-
ვში ამივარდა. ამ უსაქმურმა ვითომ ფეხიც აიტკივა, რომ ჩვენთან ყოფილიყო,
ძილით გამობრუნულიყო და თან ჩემი მემკვიდრეობის მიღების მოლოდინშიც
ბრძანებულიყო.

— კიდევ გტკივთ კოჭი? — პირდაპირ მივახალე ეს შეკითხვა.

— ისე რა... — ძლივს ლულულულებდა.

— პოდა, შევეცდები დროულად გამოგაჯანმრთელო, მეგობარო!

მის საწოლს ბოლოდან მოკვიდე ხელი და გადავაყირავე.

დომინიკი გაცოფებული წამოხტა.

— რა მოგელანდათ, როგორ იქცევით...

თავი ველარ შევიკავე.

— ო, რა ლოთბაზარა ბრძანდებით! რა მომელანდა და სიცრუეს ვერ ვიტან,
გესმით? თქვენ ისევე გტკივთ ფეხი, როგორც მე. ტყუილი კი იმიტომ მოიგო-
ნეთ, რომ აქ ჩამოსულიყავით და საცოდავ დედათქვენს თქვენთვის ძილი არ მოე-
შალა, არა?

ისეთი სილა გავაწანი, რომ ხმაურზე შემინებული მინა მოვარდა.

ერთმანეთის პირისპირ შემართულები რომ დაგვინახა, შეჰკივლა და გულზე
ხელი იტაცა:

— პოლ, დომინიკ, მითხარით, რა ხდება!..

მინდოდა თავი შემეკავებინა, მაგრამ სიბრაზე მომაწვა:

— ის ხდება, რომ ამ პატარა კრეტინს ფეხი სულაც არ აქვს ნატკენი, როცა
შინ არა ვართ, დგება და ყელს იკოკლოზინებს...

დომინიკს ისეთი მუჯღუგუნე ვკარი, რომ შეტორტმანდა და გარკვეული მა-
ნძილი ბარბაცით გაიარა. მერე სავარძელში ჩაეშვა და ათი წლის ბავშვივით აწუ-
წუნდა:

— მარტო ცხოვრება გამიჭირდა, — ქვითინებდა, — ისეთი სევდა შემომაწვა,
რომ...

დედამისი, ბუნებრივია, მისკენ გაექანა და დამშვიდება დაუწყო. ისეთი
აუტანელი სცენა მოაწყვეს, რომ იქაურობას ზიზღით გაეცალა. ჩემს ოთახში ავე-
დი. საწოლის დანახვამ გული გამიწურა. მერე მინას ოთახში შევედი. იქ მაინც
გავიხსენებდი მის სურნელს. მისი საწოლი ბედნიერ წუთებს მახსენებდა. გულ-

ხელდაკრეფილი სარკის წინ, მაგიდასთან ჩამოუჯექი და სარკეში ოთახის თვალიერება დაიწყო. ოთახი სულ სხვანაირი მეჩვენა. აქ ხომ არ მოკვდა ქალბატონა ეერმენ ბლანშენი?

ნახად შევეხე მინას პირად ნიუთებს. საპკურს, სამკაულებს ყუთს, სახის კრემს (რომელსაც იშვიათად ხმარობდა), ფრჩხილების წესსა და სავარც... უცებ გავქეაუვდი, ვიგრძენი, რომ სხეული გამეყინა. ხანდახან გული გონებაზე ადრე ხვდება საფრთხეს ან უჩვეულო ამბავს. ტანი ზამბარასავით დამეჭიმა, მანამ გონებით მიეხვდებოდი სინამდვილეს.

მინას სავარცხელი ხელში ავიღე. კბილებს შორის ჩარჩენილი თმა ყურადღებით შევათვალიერე. მერე ერთად მოვუყარე თავი და ახლოს დავხედე.

ბუნებრივია, როცა ადამიანი თმას იღებავს, მის ძირებთან საკუთარი ფერი რჩება ხოლმე. რაც მეტად იზრდება თმა, საკუთარი ფერიც მეტად მოჩანს. მინას რუხი ფერის თმა კი ძირებთან წითური ფერის იყო. დავასკვნენი: ის თმას იღებავდა. თუ შეიძლება ასე ითქვას „უკულმა იქცეოდა“, რადგან მისი ბუნებრივი, ქერა მშვენიერი თმა შეღებილი — უსიამოვნო რუხ ფერად გამოიყურებოდა. ეს აღმოჩენა რას მოასწავებდა, ჯერ კიდევ ზუსტად არ ვიცოდი, მაგრამ თანდათან ეხვდებოდი, რომ მნიშვნელოვანი გახლდათ, ძალზე მნიშვნელოვანი!

თავი VII

აღარ ღირს იმის ახსნა, თუ რაოდენ უღიმღამო და დამქანცველიც კი იყო იმ საღამოს ვახშამი. სამივე ერთად პირველად ვისხედით მაგიდასთან. დომინიკი დედამ დატუქსა, ხოლო ჩემმა სილამ კარგად გამოაფხიზლა. ჭამისას პირს ლუკმას ძლივს აკარებდა. ჩვენკენ არ იყურებოდა. ტკბილი აღარ მიირთვა. წამოდგა და დიდ ოთახში, თავის საწოლში ჩაწვა.

— პოლ, ძალზე ვწუხვარ...

— კმ...

მინას ეჭვის თვალით გადავხედე. აღარც მახსოვდა დომინიკთან გადამხდარი უსიამოვნება. ჩემი აღმოჩენა, რომელიც მინას თმას ეხებოდა, მოსვენებას არ მაძლევდა.

— პოლ, გემუდარები, იყავ ღმობიერი...

— კო, მეც ვთხოვ, ნულარ გავიხსენებთ, რაც იყო...

— ისეთი დრო დაგვიდგა, რომ ახალგაზრდებს... ახალგაზრდები ეძებენ თავის თავს...

— აი, თურმე რა ყოფილა! მაგ ვაჟბატონს ღვინის ბოთლებში სურს იპოვოს თავისი თავი, არა?

— უნდა გავუგოთ. შენ არ იცი, ჩვენმა ქორწინებამ როგორ იმოქმედა მის ცხოვრებაზე.

— ოცდასამი წლის კაცი ჩემთვის აღუა არ არის...

— შენით ნუ სჯი, ჩემო კარგო, ზოგი თხუთმეტი წლის უკვე კაცია, ზოგი სამოცი წლის ასაკშიც ბავშვია.

— კეთილი, ვეცდები ასეთი განსაზღვრა დავიმახსოვრო.

— პოლ, ჩემო ძვირფასო, ერთი სათხოვარი მაქვს. ჩვენი სიყვარულის სახელით ვთხოვ, იმ ღამეზე სიყვარულის სახელით, რომელიც შენ მიმართ გამაჩნია, გაიღე მსხვერპლი.

ის სკამიდან წამოდგა და მუხლებზე ჩამომიჯდა. უცებ მისი ბარძაყების სითბომ სხეულში დამიარა. მინა თრთოლვით შემეხო ბაგეზე.

— თანახმა ვარ, — ვუთხარი, — დარჩეს, რამდენ ხანსაც უნდა.

ამ ფრაზამ მინა დააბნია. მან ხელები თავზე მომხვია, რომ სახეზე არ შემეხედა. მისი თვალები თითქოს გამირბოდნენ, რადგან სათვალის მინებში თვალთა შუქი მოუსვენრად დათამაშობდა.

— პოლ, იმიტომ იტანჯები, რომ დომინიკი ჩვენთან არის, არა?

— უფრო მეტიც, თავი მომაბეზრა... როცა კაცს უნდა ცხოვრება მოეწყოს, თავისი საკუთარი შეხედულებების ჩამოყალიბება სურს, დედის ვაფლამდე არ უნდა ყოფდეს თავს. მაპატიე, რომ ამას გეუბნები შენ, დედას, მის დედას, მაგრამ ამის ატანა შეუძლებელია.

— ჰო, პოლ, განა არა ხარ მართალი, მაგრამ... რამდენიმე დღე კიდევ მოვიცადოთ და მერე საყვედური გამოვუცხადოთ.

მინა გავიდა. ამ დღიდან დაიწყო ჩემი შეფიქრიანებული ან, უფრო სწორად, დასკვნებით აღსაუსე ცხოვრება.

მინამ თითქმის მოამთავრა სუფრის ალაგება. მე თვალს ისევ ვერ ვაშორებდი. ვცდილობდი წარმოძღვინა ქერათმიანი, უსათვალო, უფრო თანამედროვედ ჩაცმული... ჩემს წარმოდგენაში ისეთი ქალი შევქმენი, რომელიც სრულებით არ ჰგავდა ჩემს მეუღლეს. როცა მის სხეულს ვიხსენებდი, — ეს იყო ახალგაზრდა ქალის ტანი! ამ შემთხვევაში არ ვცდებოდი.

— მინა, ეს ღვინის ბოთლი არ აიღო!

მან გამიღიმა.

— გწყურია?

— ძალზე!

მართლაც ძალზე მწყუროდა. ზედიზედ ორი ჭიქა გადავყლურწე. არაფერმა მიშველა. წყურვილი ვერ მოვიკალი, მაგრამ ღვინომ სითამამე მომცა. ერთდროულად მრავალი ფიქრი ამეშალა, მათი ერთმანეთთან დაკავშირება კი მიჭირდა. მინას სათვალეც მოვირგე და დავასკენი, რომ შუშები ჩვეულებრივი იყო. სათვალის ვერსია თავისთავად შეიძლება დიდად საეჭვო არ ყოფილიყო, მაგრამ სხვა ნიშნებთან ერთად...

ო, რა საშინელ სიტყვებს ვხმარობდი! ნიშნები! რა მიზნით აგროვებს ადამიანი ნიშნებს? ჩადენილი დანაშაულის დასამტკიცებლად? კი მაგრამ, მინას რაში ვდებდი ბრალს? იმაში, რომ თავს იბერებდა... ეს ბრალდება ყველას გააცინებდა ჩემ გარდა.

ვცდილობდი მიზეზი მეპოვა; რად უნდოდა მინას უფრო ასაკოვანი გამოჩენილიყო? გამახსენდა, ჩემს განცხადებაში ვწერდი, რომ ორმოცი წლის კაცი ვიყავი. თუ მინამ ასაკს მიაქცია ყურადღება, უდავოდ ეცდებოდა ხნით ჩემი შესაფერისი ქალი ყოფილიყო... გასწიე-გამოსწიე, მინა ორმოცდაორი წლის გახლდათ, საბუთებშიც ასე იყო აღნიშნული.

— პოლ, არ აპირებ დაწოლას?

მის ხმაში დაპირება გამოსჭვიოდა. ეჭვი ცხრა მთას იქით მოვისროლე. დამემ ბედნიერება მომანიჭა.

მეორე დღეს დომინიკი სხვა ოთახს დაეპატრონა, რადგან საერთო ოთახში ასე ხანგრძლივად დაბანაკება აღარ შეეძლო. შვილის სამყოფელის შეცვლამ და ასეთმა საჩქარო დამეზობლებამ მინას ხელ-ფეხი შეუკრა. სიყვარულში თავისუფლება მოესპო. „მხატვარი“ თითქოს სასიკეთოდ შემობრუნდა. ბოდიში მომიხადა და შემპირდა, რომ სასარგებლო საქმეს მოჰკიდებდა ხელს. ჯერ ბაღში დაი-

წყო მუშაობა. მთელი დღე საქმიანობდა. ბარავდა, ეკალ-ბარდებს აშორებდა იქა-
ურობას. საღამოს დომინიკს ქანცი აღარ ჰქონდა.

— ფეხნატკენი კაცისთვის ამდენი მუშაობა საზიანოა, — წავიქირქილე.
მან მკვახედ მომმართა:

— ნუ დამცინით, პოლ, გეყოფათ, შეიბრალეთ სუსტი არსებანი — შეხედეთ
მაინც, როგორ დავამუშავე თქვენი ქვასავით მიწა! შინგ—ნიქიძე

მასთან ერთად გავხედე მამულს. ბინდბუნდში მართლაც ერთ შეხედვად ღირ-
და. მოთიბული ბალახის და დაბარული მიწის სუნი ტრიალებდა;

— ყოჩაღ, ბიჭო, მართალია, ჯერ რენუარი არ ბრძანდებით, მაგრამ ლენო-
ტრამდე არაფერი გიკლიათ!

— ნუ დამცინით.

გულის სიღრმეში მიხაროდა, რომ დომინიკი გამოცოცხლდა. საცოდავი კო-
ჭლი კაცის როლი არ უხდებოდა... მოძრაობა, სიცილი და ოხუნჯობა თუ უშვე-
ლიდა...

— ჰო, მართლა, ბარვისას რაღაცას წავაწყდი, მინდა ვაჩვენოთ...

დომინიკმა ქვის გროვასთან მიმიყვანა. ის რაღაცის ასაღებად დაიხარა და
პატარა მოყავისფერო კონუსური ფორმის ბოთლი მომაწოდა. თავზე რეზინის
საცობი ჰქონდა მორგებული. ბოთლის ზედაპირზე იარლიყის ნაწილი შემორჩე-
ნილიყო. იარლიყი წითელი ფერის გახლდათ. მოხეულ ნაწილში იკითხებოდა
...ამი, ესე იგი, შხამი ეწერა.

— მგონი, ვხვდები რაც არის, — წავიჩურჩულე. — ამით ქალი მოკლეს.

— რაო?

შინ შევედით და დედა-შვილს ქალბატონ ჟერმენ ბლანშენის „თვითმკვლე-
ლობის“ ამბავი მოუყევი. წერილის ნავლეჯიც გავიხსენე...

— როგორც ჩანს, ქმარმა ეს ბოთლი საქმის გამოძიების შემდეგ გადამალა... —
დავასკვენი. მინამ გახსნა პატარა ბოთლი და ჭურჭელში დარჩენილი სითხე და-
ყნოსა.

— არაფრის სუნი არა აქვს.

— მაშ, მკვლელობის ჩემუელი ვერსია მტკიცდება. სახლის პატრონმა არ
ინქარა ცოლის მოკვლა. ვფიქრობ, ბოთლში ჩასხმული სისაძაგლის ნაწილი იმ
წამალში გაურია, რომელსაც მისი მეუღლე ყოველდღე ღებულობდა, ხოლო რო-
ცა შინ დაბრუნდა, ქალი მკვდარი დახვდა. მას სხვა გამოსავალი არ ჰქონდა, რა-
ხან ცოლის თვითმკვლელობას ამტკიცებდა, შხამიანი ჭურჭელი მაგიდაზე სააშ-
კარაოდ უნდა დაედგა. პოლიციამ ბოთლი ნახა და მამხილებელ საბუთად ჩათვა-
ლა. მათ ფიქრადაც არ მოსვლიათ თითების ანაბეჭდი აელთ, მაშინ საბრალს
მსხვერპლის კვალი იქ არ აღმოჩნდებოდა.

— უი, — წამოხტა მინა, — წამლის დაღვევა სულ გადამავიწყდა.

— ჩემო კარგო, ისეთი უსიამოვნო საუბარი გვქონდა, რომ...

მინამ გადაიკისკისა და თავის ოთახში ავიდა წამლის მოსაძებნად. მე ავდე-
ქი და ბოთლი სარდაფში ჩავიტანე. პატარა თაროზე შემოედგი ნაპოვნ წერილ-
თან ერთად.

— რას აპირებთ? — მკითხა დომინიკმა.

— როგორ რას ვაპირებ?

— აი, თქვენი წინამორბედი სახლის პატრონის გამო... თქვენ ისეთი მამხი-
ლებელი საბუთები გაქვთ, რომ შევიძლიათ ის კაცი ჩამოახრჩობინოთ.

— მხოლოდ ნიშნები მაქვს, საბუთები არა... მოსამართლეს სხვა ჭკუა აქვს...

— ის კაცი, ეტყობა, კარგი არხეინა ვინმეა...

— საიდან იცით? კაცი, რომელიც მკვლელობას ჩაიდენს, „არხეინა“ არ შეიძლება იყოს.

დომინიკმა ხელი ქოჩორზე გადაიხვა. თითქოს ჩაფიქრდა.

— გააჩნია...

ამ სიტყვამ შემაკრთო.

— თქვენი აზრით რაზეა ეს დამოკიდებული?..

— რაზე და, მკვლელობის სახეობაზე. თუ კაცმა მკვლელობა შემთხვევით ჩაიდინა ჩხუბის დროს, ან სიბრაზის გამო მოუხდა, დასაშვებია, რომ სინდისმა შეაწუხოს, მაგრამ თუ მკვლელობა წინასწარ მოფიქრებულია, ჭკვიანურად დაწყობილი და კაცი განზრახ ჩაიდენს ამ საქციელს, საქმე შესრულებულად შეიძლება ჩაითვალოს.

— ხომ არ გაგიუღით? — გონზე ვერ მოვდიოდი.

— რატომ, პოლ? პირიქით, მე სწორად ვმსჯელობ. რატომ ხდება ასე, რომ საზოგადოება ომებში ხოცვა-ჟლეტას იტანს და ერთ, ცალკე ჩადენილ მკვლელობას კი წინ აღუდგება? ყოველი თაობა ხშირად უდიდესი სისხლისღვრის მონაწილეა. დაღუპულ ხალხს წუთიერი ღუმილით სცემენ პატივს და ყვაკილებით ამკობენ მათ წმინდა საფლავებს... მაგრამ თუ ერთი კაცი მეორეს განზრახ მოკლავს, მას უსათუოდ მოუსპობენ სიცოცხლეს.

მინა თავისი პატარა ბოთლით ხელში ოთახში შემოვიდა. თვალი მოავლო აქაურობას. დამინახა, რაოდენ გაოცებული ვიყავი მისი ვაჟის ძალზე თავისებური თეორიების მოსმენით.

— რა მოხდა? — იკითხა მან.

— დომინიკი თავგამოდებით იცავს დანაშაულს და ხელოვნებად თვლის...

— ხუმრობს, პოლ!

ამ სიტყვებთან ერთად მინამ ქორივით გადახედა თავის ვაჟს. ასეთი მზერა შეუფერებელი იყო მინას ბუნების ქალისთვის. ბიჭმა მხრები აიჩეჩა.

ამჯერადაც სადილმა მშვიდად ჩაიარა. დომინიკმა ერთი ნაჭერი ცივი შემწვარი ხორცი გადაყლაპა და გვთხოვა, დაღლილი ვარ და დავწვებით.

ამ დროს მინა გულდასმით ითვლიდა თავის წამლის წვეთებს და ხელი თანხმობის ნიშნად დაიქნია. უხმოდ ვისადილეო. დამე ჩამოდგა და ჩემი ფიქრებიც აიშალა. უსიამოვნო აზრები მიტრიალებდა თავში.

— ავიდეთ, დავწვეთ? — შევეკითხე მინას.

— აღით... ცოტას მივხედავ აქაურობას.

მე გაზეთს წამოვაკლე ხელი და დასაძინებლად ავედი. მინას გამოჩენას ველოდი.

როგორც კი მისი ფეხის ხმა დერეფანში გავიგონე, ხმადაბლა გავძახე:

— მინა!

მან ეს დამახება დამემშვიდობისად ჩამითვალა და არც კი შეჩერებულა, კუსტად მომამახა:

— დამე მშვიდობისა, პოლ!

მერე თავის ოთახში შევიდა. გავიგე, როგორ გადაატრიალა გასაღები და კარი ჩაკეტა. ის უთუოდ გაურბოდა ჩემს ვიზიტს და ეს სურვილი გასაღების ჭრილობით გამოხატა. იცოდა, მივუხვდებოდი.

გულნატკენმა და გაბრაზებულმა გაზეთი ოთახში მოვისროლე.

ისე ჩამეძინა, ძალაგამოცლილმა სინათლეს კი ვერ ჩავაქრე. ნათურის მჭრელმა შუქმა ერთი საათის შემდეგ გამაღვიძა. სინათლე კი გამოვთიშე, მაგრამ ძილი გამიტყდა. წინასწარ ვიცოდი, მთელ დამეს თვალს ვერ მოეხუჭავდი.

ეულად ვიგრძენი თავი... ნალველი შემომაწვა და სული ამიწრიალა. სხვა გზა არ იყო. თავი უნდა დამემშვიდებინა და ვნებები დამეცხრო. ფრთხილად წამოვდექი და მინას ოთახის კართან მივედი. ჩემდა უნებურად სახელურს მივაწექი. მერე გამახსენდა, რომ მინამ ოთახი გასაღებით ჩაკეტა. რატომღაც ისევ მოვსინჯე სახელური და ჩემს გაკვირვებას საზღვარი არ ჰქონდა, როცა კარი გაიღო. საიტყვა სუნთქვას გავაყოლე:

— მინა, მე ვარ!

არავინ მიპასუხა, სუნთქვაც კი არ ისმოდა. მაშინ შევედი და სინათლე აუანთე. საწოლი ცარიელი დამხვდა. ოთახში არავინ იყო. სავარძელზე მინას ტანსაცმელი ეწყო. აღბათ სადღაც ახლოს თუ გავიდა-მეთქი, ვიფიქრე. იქვე სარკესთან ჩამოუჯექი და დაველოდე. სავარცხელში ჩარჩენილ ჰაეროვან მოქერათომის ღერებს თითებით მოვეალურსე. რაღაც იღუმალეზა სუფევდა მინას თმაში...

უცბად ზიზღი ვიგრძენი და სავარცხელს ხელი გავუშვი. არ ვიცი რატომ დამემართა ასე. ჩემი უცნაური საქციელის გამო მინას წამლის ბოთლი, რომელიც იქვე იდგა, გადამიყირაუდა. ავიღე, რომ ისევ ისე მაგიდაზე დამედგა. ბოთლზე წარწერა ამოვიკითხე „კარდიოლინი“. ამ წამალს ვიცნობდი.. ბაკუმაში ყოფნისას ერთ-ერთი ჩემი კოლეგა სვამდა. წამლის გულისამრევი სუნიც კი გამახსენდა, მკვეთრი, უსიამოვნო. ჩემი ყნოსვითი მეხსიერება ხომ შემემოწმებინა, ბოთლს სახურავი მოვხსენი და ცხვირთან მივიტანე... წამალს სუნი არ ჰქონდა, გამიკვირდა. უფრო სითხის ერთი წვეთი თითზე დავისხი და ენის წვერით დავიგემოვნე.

წამალი უბრალო წყალი აღმოჩნდა.

თავი VIII

აღბათ თქვენც მოგსვლიათ ჩემსავით, როცა შუალამისას, ხმაურის გამო ან სიზმრიდან გაჭირვებით გამოფხიზლების შემდეგ ისევ ძილს წაურთმევია თავი. ნახევრად მძინარეს სინამდვილის მოშორებაც გლომებიანთ, მაგრამ თქვენდა უნებურად სიცხადე ნელ-ნელა გამოკვეთილა და ის წუთიც ვიგრძენიათ, თქვენი მოსვენება რომ დასრულებულა.

სწორედ ეს განცდა დამეუფლა, როცა მივხვდი, რომ ბოთლში უბრალო წყალი ესხა. სულ გამოეფხიზლდი. ჩემდა უნებურად მინას ჯადოსნურ ხიბლს თავი დავაღწიე... იყო დრო, როცა ყველა ამ უცნაური წვრილმანის დანახვაზე მხოლოდ კოპებს ვიყრიდი, ახლა ღრმად ჩავწვდი და თითქოს გონება გამინათდა. დიახ, თითქოს მჭახე სინათლე შემოიჭრა ჩემში, რომლის წინაშე გულისთქმა და ეშმაკობა უძლური აღმოჩნდა.

ბოთლი უჩუმრად სარკის წინ დავდგი და ღერუფანში გავედი. დომინიკის ოთახში ხრინწიანი ხმით გაურკვეველად ლაპარაკობდნენ. მინა თავის ვაჟის ოთახში იყო. რას არ გავიღებდი, რომ გამეგო, რაზე საუბრობდა დედა-შვილი. თანდათან ვრწმუნდებოდი, რომ თუ დღევანდელი დამის საუბარი დამისხლტებოდა, დანარჩენი უფრო გაუგებარი აღმოჩნდებოდა ჩემთვის.

უცბად გონება გამინათდა და ვერაგული გეგმა დამიტრიალდა თავში. შევედი თუ არა ოთახში, სინათლე ჩავაქრე. ბალიში მალლა ავწიე, ხელები გულზე დავიწყვე და დამის სიბნელეში ფიქრს მივეძაღე.

ბოლო წუთამდე სიცრუის ბაღეში ვიყავი გახვეული. დომინიკს ფეხი არ ჰქონდა ნალრძობი. მინა ცრუ სათვალეს ატარებდა, რომელსაც არავითარი დანიშნულება არ გააჩნდა! მისი ჭადარა თმა სინამდვილეში ქერა ფერისა იყო. გულით ავადმყოფად რომ მოჰქონდა თავი, ესეც სიცრუე აღმოჩნდა, რადგან წამლის ბოთლში უბრალო წყალი ჰქონდა ჩასხმული...

ამ სიცრუის გამოაშკარავება შესაძლებელი იყო. სიამოვნებით ჩამოვხსნიდი ნიღაბს ყოველივეს, მაგრამ საქმე ის იყო, რომ ამ სიცრუეთა იქით სხვა სიცრუე იდგა... უფრო მზაკვრული... თამაშს ბოლომდე უნდა მივყოლოდი. ამგვარად, მინა სიყვარულს მიმტკიცებდა ისე, რომ არ ვუყვარდი, მიმტკიცებდა, რომ პატივს მცემდა, მაგრამ... შუბლზე ცივმა ოფლმა დამასხა.

რატომ წამოიწყო მინამ დაზღვევის საქმე? რატომ გააფორმებდა მან უცხო თანხა ჩემს სახელზე? რა მახეს მიგებდა? ჭეშმარიტება აღმოვაჩინე და დაზღვევის თანხამ, რომელიც ჩემს სახელზე გაფორმდა, მაიძულა, რომ ანდერძი დომინიკის სასიკეთოდ შემედგინა. გაოგნებული ვიყავი ასეთი ოსტატური გაიძვერობით. როგორც ჩანს, მინა კარგი ფსიქოლოგი იყო, რადგან შესძლო მიხვეულ-მოხვეული გზებით საქმე ისე წარემართა, როგორც თვითონ ჰქონდა ჩაფიქრებული. მან კარგად ამომიცნო. მიხვდა, რა ბიჭიც ვიყავი, — მართალი, წრფელი. დარწმუნებული იყო, რომ თავისი ეგრეთ წოდებული ავადმყოფობით ამაფორიაქებდა. ჩემი ბუნების კაცს უდავოდ სინდისი შეაწუხებდა, როდესაც დაზღვევის თანხის პატრონი გახდებოდა, შეეცდებოდა ქალის სიკეთისთვის სიკეთითვე ეპასუხა...

საამისოდ მხოლოდ ერთი საშუალება არსებობდა — გასაგებია თქვენთვის? ეს საშუალება მან ნელ-ნელა მომახვია თავს და მაიძულა მე თვითონ წამომეწყო ანდერძის შედგენის საქმე.

ნერწყვი ძლივს გადავყვალა. სიჩუმეში გული ისე ძალუძად მიცემდა, თითქოს გაფრენას ლამობდა. გულის ძკერამ თავი მომაბეზრა.

პირველივე წერილის შედგენიდან მინას მხოლოდ ერთი აზრი უტრიალებდა თავში: ანდერძი შემდგარიყო მისი შვილის საკეთილდღეოდ. კეთილი, ეს საქმე მოგვარდა... მაგრამ სწორედ ამ აზრის გამო თმა ყალფზე მიდგებოდა. მე ხომ დომინიკზე თორმეტიოდუ წლით ვიყავი უფროსი... ეს კი იმას ნიშნავდა, რომ წესის მიხედვით ჩემი გარდაცვალებიდან არცთუ ისე დიდი ხნის შემდეგ დომინიკის სიცოცხლის დასასრულიც დადგებოდა... მაშასადამე, თუ ქალმა გადაწყვიტა ცოლად გამომყოლოდა იმისთვის, რომ ჩემთვის ანდერძი დაეტყუა, მაშ ისიც იცოდა, რომ სიკვდილი მალე მომიკაკუნებდა კარს.

საწოლიდან წამოვხტი. შიში გულს მიფორიაქებდა. ფანჯრისაკენ წავედი და ფართოდ გამოუიდე... მონაბერი სით სიკვდილს მოასწავებდა. სიკვდილი! მინამ იცოდა, რომ მალე გამოვესალმებოდი წუთისოფელს, რადგან ჩემი სიკვდილი წინასწარ ჰქონდა ჩაფიქრებული. მინაც და მისი ვაჟიც ორივე მკვლელები იყვნენ.

რადგან საქმის ყველა ფორმალური მხარე განვიხილე, მე უნდა გავმქრალიყავი. მინა სულელი ხომ არ იყო დაზღვევის დიდი თანხა მეორედაც შეეტანა... დედაც და შვილიც ამ წუთებში ჩემ გვერდით იყვნენ და სიბნელეში ჩემი სიკვდილის გეგმებს აწყობდნენ. ჩემი მოკვლა ადვილი საქმე არ იყო. რადგან თუ ჩემს გარდაცვალებაში ვინმეს ეჭვი შეეპარებოდა, დანაშაული უთუოდ ორივეს შეეხებოდა. დედა და შვილი მემკვიდრეები ბრძანდებოდნენ...!

საწოლში მხარი ვიცვალე, ვკანკალებდი. თითქოს შიშის ზარები რეკდნენ ჩემს სხეულში. სიკვდილის გამო კი არა, მიზეზი დედა-შვილი გახლდათ.

სოფლის მამლებმა იყიველეს თუ არა, აღიონზე ჩამეძინა.

დილით ქვემოთ ჩავედი. მინა მისაღებ ოთახში იატაკზე მასტიკას უსვამდა. მოახლის წინსაფარი გაეკეთებინა და კვლუცა გოგოს დამსგავსებოდა. მან გამიღიმა და სახეზე ბედნიერება გადაეშალა. მომიახლოვდა, ბავებზე მაკოცა. ფან-

ჯრიდან „მეორე სულიერი“ დავინახე. ვაუბატონი მკლავებდაკაპიწებული ბაღში მუშაობდა და მთელი ძალ-ღონით გაჰკიოდა მოღურ ჰანგს.

— ო, ბატონო ზარმაცო, — მითხრა მინამ, — იცით, რომელი საათია?

— არა!

— თერთმეტი... დილის ძილი გყვარებიათ.

— მთელი ღამე თვალი არ მომიხუჭავს, — წავიხურწულე და ვვერდზე გავიხედე.

მინა ლოყაზე მომეალერსა.

— შენი პატარა ცოლი ხომ არ გენატრებოდა, პოლ?

მზად ვიყავი ძალღივით ვცემოდი და გამეგლიჯა. ქალმა ჩემს გამეხებულ იერს არ მიაქცია ყურადღება.

— არც დომინიკს სძინებია კარგად... გააუდრებას აპირებდა...

— ჰო, აპირებდა!

— დომინიკს კოშმარები სტანჯავდა, ხან კვნესოდა. ისე შემაშინა, რომ გასაღვიძებლად წავედი...

ამ ნათქვამმა ეჭვი გამიჩინა. მზიანი ღლე იყო, მგალობელ ჩიტებს ცა აკლლოთ. სიცოცხლე ჩქეფდა... ჰო, ღამეულ დასკვნებში ეჭვი მეპარებოდა. იქნებ მე შევთხზე ეს საძაგელი ამბავი? საშინელებაზე უნიჭო ფელეტონი ავაგე? მინამ გულწრფელად მითხრა, ჩემს შვილთან ვიყავიო, ესე იგი, აღიარა. ნაადრევი ხომ არ იყო ჩემი დასკვნები?..

— შენი საუზმე მზად არის, პოლ! გინდა სუფრა გარეთ, ბაღში გავშალოთ? მზეზეც გათბები...

ამ სიტყვების მოქმელს განა შეიძლებოდა ჩემი სიკვდილი მოესურვებინა? მინას ყურადღებით დავაკვირდი.

— რა დაგემართა, ძვირფასო? — შეწუხდა მინა, — რა უცნაურად გამოიყურები?

თავს ძალია დავატანე, რომ წინააღმდეგობა არ გამეწია.

— არა, მინა, არაფერი, მგონი, გამოვსულელდი... — მოვეხვიე, მისი სხეული უკვე ნაკლებად ძალელვებდა.

შუადღის შემდეგ მინამ მოხოვა სოფელში ერთად გავვესეირნა. უარი ვუთხარი. დაღლილობა მოვიმიზებე. ის მარტო წაყიდა. დომინიკი ისევ ბაღში მუშაობდა. სიმღერის სისწორეში დარწმუნებული ვაუბატონი აუტანელი ყალბი ხმით ისევ იმ სულელურ ჰანგს გაჰკიოდა. როგორც კი თავი დავიმართოხელე, მაშინვე სხვენზე ავძვერი. მაგნიტოფონი უნდა მომეძებნა. აფრიკაში ხან ტყის ხმაურს, ხან ზანგების სიმღერას, ხან ტროპიკული წვიმის მზაპუნს ვიწერდი. ეს საქმე მართობდა. აქ კი მიდამო სღუმდა. თითქოს სული წაერთმიათ მისთვის. მაგნიტოფონი მოვძებნე. წესრიგში აღმოჩნდა. უხმარი ბობინა ცალ მხარეს გადაყვანილი მქონდა. ტექნიკით აღჭურვილი დომინიკის ოთახში შევედი. ის ისევ ბაღში მუშაობდა. მესმოდა, დროდადრო როგორ ურტყამდა ქვას ბარის პირს; მიწის მსხვილ ბელტებს ბალახეულს აცლიდა და ასუფთავებდა.

ზუსტად თაბაშირის ორნამენტის უკან, ჭერში ხვრელი გავბურდე. მიკროფონის ძავთული ჭუჭრუტანაში გავატარე და ორნამენტის ღრმულში მოღუნულ ლურსმანზე ჩამოვკიდე. ოთახის კუთხეებში ნიშები იყო გამოკვეთილი: ერთ-ერთ ნიშში, ხელოვნური ყვავილების თაიგულში მიკროფონი ჩავდგი. წინასწარაც რომ სცოდნოდა კაცს მოწყობილობის ადგილი, თუ გულდასმით არ მოძებნიდა, ვერც კი შეამჩნევდა, ისე იყო ჩამალული.

მერე სხვენზე ავძვერი, მიკროფონის გაყვანილობა მაგნიტოფონს შევუერ-

თუ, უხმარი ბობინა მოვარგე და ხელსაწყოს ჩამწერ დილაკს ხელი დავაჭირე. ხმას ბოლომდე ავუწიე. მზად ვიყავი. როგორც კი დრო მოვიდოდა, დილაკს ჩავრთავდი და მაგნიტოფონი თავის საქმეს შეასრულებდა.

ეს ოინი ჩემი აღმოჩენა არ გახლდათ. ჯაშუშობაზე დაწერილ რომანებში ხშირად აღწერდნენ ხოლმე ასეთ შემთხვევებს, მაგრამ მე ხომ ნაწარმოების გმირი არ ვიყავი... ეს ამბავი ჩემს პირად ცხოვრებაში ხდებოდა. მისი აღმოჩენას დაველოდე.

თავი IX

მაინტერესებდა, როგორ მიიღებდა ჩემს ნათქვამს მინა და ამ მიზნით შევთავაზე დასაძინებლად ან ჩემს ოთახში შესულიყო, ან თავის ოთახში მოესვენა. სიმართლე რომ გითხრათ, მასთან სიყვარულობანას არავითარი სურვილი არ გამაჩნდა. მან საჩვენებელი თითით უარი მანიშნა და თან მესამე ოთახისკენ გაიშვირა. მერე ისევ ისე მოიქცა, როგორც წინა დღეს, თავის ოთახში შეიკეტა. ტანსაცმელი არც გამიხდია. სინათლე ჩავაქრე და კართან სავარძელში მოვთავსდი. სიგარეტისთვის არ მომიკიდებია, ისე ჩავიდე პირში. ვცდილობდი კანკალს არ ავეტანე და დაძაბულობისაგან თამბაქოს ლეჭვა დავიწყე...

თუ მინამ სიმართლე თქვა, მაშინ ეჭვი არ იყო, ის თავის შვილთან არ წავიდოდა, და თუ გინდ ეტრუა, ამ შუალამისას რა უნდა ელაპარაკა დომინიკთან, როცა დღისითაც საკმაოდ დრო ჰქონდა საუბრისათვის.

და მაინც...

და მაინც გული მკარნახობდა, რომ მინა წავიდოდა!

სიგარეტის ქალაღდი ტუჩებზე მეწებებოდა, ნერვიულად ვიშორებდი. თითქოს მოვდუნდი. შიში დავკარგე. ძილს კი რა სჯობდა, მაგრამ...

არ ვიცი, რამდენ ხანს მომიხდა სავარძელში ყოფნა და მოძალეებულ ძილბურანთან ჭიდილი. უცებ ოდნავი ფხაკუნის მომესმა. ნეტავი ღამე როგორ ხმაზე ჭრიალებს კარგად დახეთილი კარი?

— აი, ისიც — ჩაუჩურჩულე.

ვიღაცამ ჩემს კარს ჩაუქროლა, უფრო მივხვდი, ვიდრე გავიგონე. თავი მოვიმძინარე და აწყობილი მშვიდი სუნთქვა დავიყენე. ქრილვის ხმა ქსოვილის შრიალს მივამსგავსე. საკეტის ჩხაკუნის მომესმა, მერე ისევ... მერე ხმადაბლა ელაპარაკა მოისმა; დარწმუნებული ვიყავი, ჩურჩული უთუოდ გაიმართებოდა. მაშინ სხვენზე ამაველ პატარა კიბეს მივადექი. ფეხის ხმას ისინი ვერ გაიგებდნენ, რადგან დომინიკის ოთახი დერეფნის მეორე ბოლოს იმყოფებოდა. ყოველი შემთხვევისათვის ფეხსაცმელი მაინც გავიხადე, მანამ სხვენზე ავძვრებოდი. სარკმლიდან შემოსულ მკრთალ შუქზე მაგნიტოფონი ჩავრთე.

პატარა მწვანე შუქი, რომელიც ხმის სიძლიერეს აჩვენებს, ჩაირთო და ღამის სიბნელეში აციმციმდა. ეს კი იმას იუწყებოდა, რომ მინა და დომინიკი ერთმანეთს ელაპარაკებოდნენ. დიდხანს დავცქეროდი ნათურას. ვლელავდი. ნათურა ხან სრულიად არ ციმციმებდა, ხან კი ისე ძლიერად ირხეოდა, რომ ვფიქრობდი, აღბათ დახოცეს-მეთქი ერთმანეთი...

სხვენში სიძველის და მტვრის სუნი იდგა... კრამიტის ქვეშ ისეთი სიმხურვალე ტრიალებდა, რომ სუნთქვა ჭირდა.

ისევ ჩემს ოთახში დავბრუნდი. მაგნიტოფონმა კი განაგრძო ჯაშუშის ბინტური საქმე. დაჯდომის მაგიერად ფანჯარასთან მივედი და სიგარეტი გავაბოლე. სიგარეტს სიგარეტზე ვაბოლებდი. ერთი საათი თამბაქოს წვევაში გავიყვანე. გადავყურებდი არემარეს; სოფელს ეძინა. ღამის სიუივე ტანში ატანდა და მაკან-

კალებდა, იქნებ ამის მიზეზი სულაც მოწოდებული სევდა-კაეშანი იყო. მინა თავის ოთახში დაბრუნდა. მე ისევ სხვენზე ავედი, რომ ჩამწერი მოწყობილობა გამოემართო. ისეთმა ცნობისმოყვარეობამ შემიპყრო, რომ მაშინვე მოვიხდრე ჩანაწერის მოსმენა. ამისათვის მიკროფონი უნდა გამოემართო... ეს კი რისკი იყო. შეიძლება დომინიკს შევემჩნიე...

მოთმინება! მოთმინება!

სჯობდა გათენებას დაელოდებოდი.

ეროვნული
ბიბლიოთეკა

მინას დანახვამ სევდანარევი ღიმილი მომგვარა. ხელში ჭიქა დაეჭირა და დიდი ამბით შიგ ჩამავალ წყლის წვეთებს ითვლიდა. ყველაზე სასაცილო კი ის იყო, რომ „სითხის“ გადაყლაპვისას სახის დამანჭვას ახერხებდა.

— ცუდი გემო აქვს? — შევეკითხე.

— ვერც კი წარმოიდგენ...

ვამ რომ ვიცოდი, მაგრამ არ შევიმჩნიე.

დილის საუზმეს ვამთავრებდით...

დომინიკი მიწასთან ჭიდილმა დაქანცა. მერე მოლბერტს დაავლო ხელი და მახლობელ ტყეში გაიჭრა მორიგი შედევრის შესაქმნელად.

სუფრიდან წამოვდექი. იმ წუთიდან, რაც თვალი გავახილე, სულ მაგნიტოფონზე ვფიქრობდი, მის იღუმალ ჩანაწერზე. აპარატი ყულაბასავით უნდა დამენჯღრია და იქიდან სიტყვების კორიანტელი დამეტრიალებინა...

— პოლ, ამ დილით რას აპირებ?

— საქმე მაქვს სხვენზე... ჩემოდნები უნდა ამოვალაგო.

— შეუღლისას რაღა საქმე გაქვს, ძვირფასო? ხომ იცი, დღეს ხორციანი საჭმლის დღე გვაქვს.

— შენი ნებაა...

— განა სწორედ ასეთ ცხოვრებაზე არ ვოცნებობდი? განა ამ ალერსიან ურთიერთობას არ ვნატრობდი? განა არ მინდოდა ჩვენი ცხოვრება წმინდა და ფაქიზი ყოფილიყო? და მაინც...

მინა მომიახლოვდა, უნდოდა ეკოცნა. უცებ პირი იქით ვიბრუნე, რომ ამბორი ამეცდინა.

— არ გინდა მაკოცო?

ხელები მოვმუშტე.

მის ტუჩებს ძველებური სურნელი აღარ ასდიოდა.

— ჰო, კმარა, წაუვდი...

საბედნიეროდ, სხვენის კარი ურდულზე იკეტებოდა. ვერავინ შემომიღებდა კარს. ხელის კანკალით ჩავრთე მაგნიტოფონი. ცოტა ხანს მოვიცადე. უცებ ამუშავდა. წინადადებიდან რაღაც ნაწყვეტი გავიგონე:

„...უსათუოდ რაღაც!“

სიჩუმე ჩამოდგა; მერე დომინიკის ჩურჩული გაისმა.

„გჯერა?“

უცებ უცნაური ხმა შემომესმა. კოცნას წააგავდა. მერე მინას წკრიალა ხმამ (ყველაზე კარგად ისმოდა) წარმოთქვა: „სიფრთხილეს თავი არ სტკივა, მოერიდე მას“...

მაშასადამე — მე.

სიჩუმე კვლავ დიდხანს გაგრძელდა. ეს სიჩუმე მაგნიტოფონის მწვანე ციმციმა შუქზეც შევამჩნიე, როცა ლაპარაკს ვიწერდი. მერე ბგერები ახმაურდნენ. არა, ეს სიტყვები არ იყო... ამ ხმას ვიცნობდი, ვიცნობდი... ხმა, რომლის დაჯე-

რება წარმოუდგენელი გახლდათ ჩემთვის... ეს იყო ხმა, რომელიც მამაკაცის და ქალის შეერთებას თან სდევს ხოლმე. ისმოდა ჭრიალი, ოხვრა, კოცნის ხმა... წამოძახილი... იდგა იმ ველურ ხმათა კორიანტელი, რაც შმაგ სიყვარულს სდევს ხოლმე. ყურებს არ უუჯერებდი, მაგრამ ვგრძნობდი, რომ არ ვცდებოდი... ამის მოსმენა აუტანელი გახდა...

მანამ ამ პატარა დაკვირვებას ვაწარმოებდი, მეორე სიცრუეს მივხვდი. სიცრუე, რომელიც გვირგვინად დაეღვა დანარჩენ ტყუილს. მინა არ იყო დომინიკის დედა. ის მისი საყვარელი გახლდათ. სრულიად ახალგაზრდა ქალი. მან სხვისი პირადობის მოწმობა ხელში ჩაიგდო, რათა თავი გაესაღებინა და შემდეგ ორივე უფრო გულადად ჩაბმულიყვნენ ამ ავანტიურაში. მე შევირთე ის, რომელიც არ არსებობდა ან, უკეთეს შემთხვევაში, ამ ქორწინების შესახებ არაფერი იცოდა.

სასიყვარულო აღერსის შემდეგ ისევ ხანგრძლივი სიჩუმე ჩამოვარდა. მე გონა, ბობინა თვითონ დაიხვია-მეთქი, მაგრამ ჩამრთველს ხელი რომ დავაჭირე, საუბარი განახლდა...

„ჩემს ოთახში უნდა დავბრუნდე“.

„ნუ ჩქარობ, ჩემო მტრედო, დრო კიდევ გვაქვს!“

ოჰო, მისი მტრედი ყოფილა!!!

„არა, სახიფათოა. იმ იდიოტს ისეთი ფხიზელი ძილი აქვს...“

გესმით, რა თქვა. ეს შეურაცხყოფა ჩემთვის ყველაზე მძიმე ასატანი იყო.

ისე გავბრაზდი, რომ მინამ მერე რა თქვა აღარ გამიგია. ბობინა უკან დავატრიალე, რომ ბოლო ნაწილი კიდევ მომესმინა.

„არა, სახიფათოა, იმ იდიოტს ისეთი ფხიზელი ძილი აქვს“.

„თავზე რომ წამოგვადგეს იმ დროს, როცა...“

„უნდა დავარწმუნოთ, რომ სახსრების რეკმატიზმს ვმკურნალობთ“.

ქალმა გაიცინა. მისმა სიცილმა დომინიკი ჩემდამი ზიზლით განაწყო. მეტი ლანძღვა და ბილწსიტყვაობა ძნელი წარმოსადგენია, რითაც მამკობდა ვაჟბატონი... მერე მოლბა:

„ეგ შენი პოლი სულელი უნდა იყოს, როგორ დაიჯერა, რომ შენ და ორმოცი წლის? შენნაირი ლამაზი ყელზე არ დაადგეს! ო, ეგ არამზადა, ეტყობა, გამჩენ დედას მაგისტრის არაფერი უსწავლებია...“

ისევ ვნებიანი კოცნის ხმა გაისმა. მერე კი კარი აჭრიალდა. ალბათ მინამ კარის საკეტი ზევით ასწია, რომ გაღებისას ხმაური ნაკლები ყოფილიყო.

თავი X

ეს ამბავი დიდი ხნის წინათ მოხდა — ბავშვობაში დედამ ძალაზიაში წამიყვანა. ხუთი წლის თუ ვიქნებოდი. დედა ერთ-ერთ დახლთან შეჩერდა და ჩვენ ერთმანეთი თვალიდან დავკარგეთ... მას შემდეგ ისეთი სულის წრიალი აღარ განმიცდია. ვიდეკი მარტო. ირგვლივ ბრბო შემომხვეოდა. თითქოს თითოეულ მათგანს საშინელი ნიღაბი ეკეთა.

ჩანაწერი რომ მოვისმინე, ისევ ისე ამიწრიალდა სული, როგორც მაშინ. მე კიდევ ერთხელ დავკარგე დედა...

უნებლიე მოძრაობით ისევ ჩავრთე მაგნიტოფონი. მრცხვენოდა. ამ ოთხკუთხა ყუთში ერთი ტომი დრამა ჩაბუღებულიყო. ყუთიც ისეთივე ვერაგი გახდა, როგორც მომხდარი ამბავი. გონებას მოვუხმე. აფრიკაში რომ ვმუშაობდი, მტაცებელ ცხოველებზე გავინადირებდი ხოლმე, მაგრამ შიში რა იყო, არ ვიცოდი. პირიქით, ხიფათი ვაჟკაცობის გუნებაზე მაყენებდა. ბოლო ხანს ეჭვმა შემჭამა.

ასლა კი, თითქოს ჯადოსნური ხელი გადაესვაო, ყველაფერს ნათელი მოეფინა; თურმე ორი თაღლითი შევიფარე. ისინი ჩემს მოსპობას აპირებენ.

ეს სრული ჭეშმარიტება გახლდათ...

სული რომ არ დამხუთოდა, სარკმელთან ახლოს ჩემოდანზე ჩამოვჯექი. ორი გადაწყვეტილებიდან ერთ-ერთი უნდა ამერჩია: ან ორი არამზადისათვის ნიღაბი ჩამომეხსნა და სამართალში გამეცა, ან ^{მეტი} ~~მეტი~~ ^{გაერწყმულიყავი,} მიმეშვა და მერე შემერცხვინა.

ჩემი ბობოქარი ბუნების კაცს უდავოდ პირველი გადაწყვეტილება უფრო მიმიზიდავდა, მაგრამ ბრახმორეულმა და შეურაცხყოფილმა მოცდა ვარჩიე და ჩავუსაფრდი. თუმც მოლოდინი ძალზე სახიფათო იყო. ამ არამზადებს, როგორც ჩანს, კარგად მოფიქრებული გეგმა ჰქონდათ. შესაძლოა ჩემი ღუმილის მსხვერპლი გავემხდარეყავი... ასე თუ ისე, სიფხიზლე მძართებდა...

სულ შევიცვალე. სიბრაზე ისე მომერია, რომ შიში დაეკარგე. ჩემს სიკვდილზე აღარ ვდარდობდი, რახან შურისძიების საშუალება მომეცა. გულწრფელად ვეტყვი, გამასხარავებულ კაცს მხოლოდ ეს აზრი უნდა უტრიალებდეს თავში... კიბე საფეხურ-საფეხურ ჩამოვლიე. ეგრძნობდი, როგორ მეუფლებოდა სიძულვილი, მაგრამ ამავე დროს წონასწორობას ვინარჩუნებდი.

საერთო ოთახში ჩავედი თუ არა, სადაც მინა სადილისთვის ბოსტნეულს ასუფთავებდა, სახეზე ღიმილი მოვირგე.

— რა ჰქენი, დაალაგე იქაურობა?

მივუახლოვდი.

— მოგვიანებით კიდევ განვაგრძობ. გამახსენდა, ერთი გარაჟის პატრონს უნდა შევხვდე, მანქანის ამორტიზატორი მაქვს შესაცვლელი, მაგვიანდება... უჩემოდ ისაუზმეთ.

— ძვირფასო, ხომ არ გამოგყვე?

— რა ვინდა გარაჟში, კარგა ხანს შევრჩები, ხომ გავიჟღები...

ქალს ნიკაპი ავუწიე. თვალებში უსაზღვრო სიწმინდე ჩაჰღვროდა. ასეთი მშვიდი და სინაზით აღსავსე სახე არასოდეს მენახა. მინა მაშინებდა, მაგრამ მისი სახე მაინც მიწვევდა. მიწვევდა, მაგრამ სხვანაირად. ისე როგორც არენა იზიდავს თავის ტორეადორს...

— დროებით... მითხარი, ჩემო სიყვარულო, ამაღამ მქონდეს შენი იმედი?

მინამ ვნებიანად გამიღიმა.

— მაპატიე პოლ, ჩემი შვილი რომ აქ არის... ძალე პარიზში გაბრუნდება, ცოტაც მოითმინე...

ამის თქმა იყო და მიეხვდი — „ძალე“ ჩემთვის სიკეთეს არ მოასწავებდა.

გულდაწყვეტილი კაცის კვალობაზე ამოვიოხრე და წავედი.

ერთი საათის შემდეგ ნოტარიუსთან ვიყავი. ანდერძი უნდა გამეუქმებინა. ახალი შევადგინე, რომლის მიხედვით მთელ ჩემს ქონებას აფრიკის მისიას ვუტოვებდი. უფრო მეტიც, ნოტარიუსს წერილი მივანდე, რომელსაც მხოლოდ ჩემი სიკვდილის შემდეგ გახსნიდნენ. წერილში პოლიციას ვუმხელდი იმ საოცარ ამბავს, რომელიც სულ ახლახანს თავს დამატყდა.

ბიუროდან რომ გამოვედი, ამოვიხუნთქე. ამ ახალმა ნაბიჯმა ტკივილი დამიყუჩა. ახლა რომც რაიმე დამძართვოდა, მინა და მისი კომპანიონი ცარიელზეც დარჩებოდნენ და თან მათი ბინძური საქმეც გაიხსნებოდა... ეს გამარჯვება უთუოდ უნდა აღმენიშნა და მეც კაფეში გავწიე. ზედიზედ ორი წილი ვისკი გადაველურწე. მართალია, ჩემი ღვიძლი შევაწუხე, მაგრამ ბოლო ხანებში ასე კარ-

გად ვუვლიდი, რომ ეს ერთი სულელური საქციელი უნდა ეპატიებინა.

ალკოჰოლმა კარგ ვუნებაზე დამაყენა. ჩემს მდგომარეობას უფრო ჩავუღრმავდი. საბუთი ხელთ მქონდა. მინას ნამდვილი სახელი და გვარი, ესე იგი, ჩემი ცოლის, ანა-მარია გრიზარი არ იყო. მინდოდა მისი ნამდვილი ვინაობა გამეგო და ისიც, არსებობდა თუ არა ვინმე მინას ახლანდელი გვარით და სახელით. ეს ორი საკითხი რომ გამერკვია, დრო მჭირდებოდა, რათა თავისუფლად შემოქმედო. როგორ ჩამეგდო ხელში ერთი ც და მეორეც ისე, რომ მინას რაიმე არ უყნოსა? გაქნილმა ჯაშუშმა, ეტყობა, იგრძნო ჩემი დაძაბული საქციელი, რადგან დომინიკი დატუქსა...

ერთი აზრი მომივიდა. წავედი ფოსტაში და აფრიკაში მუშაობისას ბაკუმაში ჩემს მოადგილეს — ბერტონს შემდეგი შინაარსის დეპეშა გაუუგზავნე: „ცოლი შევიროთ. მჭირდება ალიბი, რომ დავტოვო აქაურობა. გამომიგზავნე დეპეშა, რომელშიც რამდენიმე დღით ბაკუმაში გამოძახებას მაუწყებ, გიძღვნი მეგობრულ სალამს“. დეპეშას ბოლოს ჩემი მისამართიც მივაწერე.

ამ საქმის შემდეგ კაფეს მივაშურე. კარგად დავნაყრდი. მანამ შინ დავბრუნდებოდი, კინოშიც შევედი. ფილმის შინაარსი ჩემს ამბავთან შედარებით საკმაოდ უფერული მომეჩვენა. ისე რომ, სენსის დამთავრებამდე ვერც მოვიცადე. იქაურობას გავეცაღე.

მეორე დღეს საუზმობისას, ბერტონის დეპეშა მივიღე. ყოჩაღ, ბიჭო, დროზე მიშველე! „ხანძრის გამო მთელი არქივი დაიწვა. შენი ჩამოსვლა აუცილებელია. სამინისტროდან ქალაქი გამოაგზავნე. სასწრაფოა. გიძღვნი მეგობრულ სალამს. ბერტონი“.

ეს ამბავი ჩვენს სახლში მეხივიად გავარდა. როცა დეპეშას ვკითხულობდი, მინა და თავისი... (კინალამ შეილი წამომცდა) უნებურად ერთმანეთს შეაცქერდნენ. სახეზე შეწუხება დაეტყობო, ჩემი თანდასწრებით მათი საქციელი გამართლებული კი იყო, მაგრამ იქნებ ცდილობდნენ სინამდვილე დაემალათ.

— მაშ მიემგზავრებით? — შემეკითხა მინა.

— სხვა გზა არა მაქვს... დამშვიდდი, ძვირფასო, ალბათ ორ კვირაში საქმეს მოვაგვარებ და... — ორივე არამზაღამ კიდევ უფრო შეწუხებულებმა გადახედეს ერთმანეთს. ტანში გამცრა. დიდება შენდა ღმერთო! ეტყობა, ამ არამზადებს ორ კვირაზე უფრო ადრე უნდა მოესწრაფებინათ ჩემთვის სიცოცხლე!

ცუდად გავხდი. სიცოცხლე აღარ მინდოდა. იქაურობა აუტანელი გახდა ჩემთვის. წამოვდექი და ბაღში გავიჭერი. იქ თავისუფლად მინდოდა მესუნთქა.

მინა წამომეწია.

— პოლ, რა მოგივიდა?

— მგზავრობას რომ წარმოვიდგენ, ლამის გავკვივდე... რა წამიყვანს აფრიკაში, იმ ჯოჯობხეთში...

— წასვლაზე ძალას გატანენ?

— არა, მაგრამ სინდისი მავალებს. თუ მთელი არქივი დაიწვა, ჩემს მერე მოსული თანამშრომლები დიდ გასაჭირში ჩაცვივდებიან, თუ მე არ დავეხმარე.

— მაშ მიდიხარ?

— დიახ.

— როდის?

— ხვალ დილით... თვითმფრინავი ორლის აეროდრომიდან შუადღის მერე მიფრინავს... სამინისტროში უნდა დავრეკო.

— ეწუხეარ, პოლ!

— ჩემზე მეტად ხომ არ განიცდი?

— შენ ასე გგონია. გული მტკივა, რომ მიდიხარ. იცი, როგორ შეგეჩვიე...
ო, ერთ კარგ სილას იმსახურებდა ჩემგან ქალბატონი, მაგრამ ჩებისყოფა მოვიკრიბე და თავი შევიკავე...

— თუ მოვახერხე, ადრეც ჩამოვალ...

— იქნებ წასვლამდე ორი-სამი დღე დარჩენილიყავი?

— ვერა, ვერ შევძლებ, მაგრამ გპირდები, რომ ამ სატანჯველიდან რაც შეიძლება მალე დავიხსნი თავს!

მან წარბები ოდნავ შეჭმუნა.

— რა გაეწყობა...

ჩემოდანში თეთრეულის ჩასალაგებლად გავემართე. მერე სამინისტროში დაერეკე. მინას თანდასწრებით გამგზავრებაზე დავიწყე ლაპარაკი... ტელეფონში ჩემი თანამოსაუბრეც ვერაფერს მიხვდა. გაოგნებული მიგდებდა ყურს...

— რახან საბუთები გაგიმზადებიან, თექვსმეტ საათსა და ოც წუთზე მიმავალ თვითმფრინავს გაყვები... ხვალ შუადღემდე სამინისტროში შემოვივლით და ბილეთს და ფულს მაშინ ავიღებ, გმადლობთ...

ყურმილი დავდე. ტელეფონში ვინც მისმენდა, ალბათ გიჟი ვეგონე.

— ესეც მოვაგვარე, — წავიღულღულდე.

ამის შემდეგ მინამ ტბისკენ გასეირნება შემომთავაზა. ჯერ უარზე ვიყავი, მაგრამ ქალბატონი დაჟინებით მოითხოვდა.

— პოლ, ნუთუ წასვლის წინ ამაზე უარს მეუბნები?

დაუთმე, მაგრამ ვიგრძენი, ეს დაჟინება კარგს არაფერს მოასწავებდა.

ვიცოდი, ჩემი ხელში ჩავდება გამგზავრებამდე უნდა მოესწროთ... შიშის ხარმა დამკრა. სიცოცხლე ბეწვზე ეკიდა. როგორ გაართმევდნენ თავს ამ საქმეს? სიკვდილი ბუნებრივი უნდა ყოფილიყო. რა უნდა ელონათ ჩანაფიქრის აღსასრულებლად?

ვგრძნობდი, გეგმა მოფიქრებული ჰქონდათ... სანამ მე ტელეფონზე ვსაუბრობდი, ისინი განზე იდგნენ და ერთმანეთში ლაპარაკობდნენ, მერე კი დამშვიდდნენ, როგორც მნიშვნელოვანი გადაწყვეტილების მიღების შემდეგ ხდება ხოლმე. სიმშვიდე დამეუფლა. გონება გამინათდა.

„ფხიზლად იყავი, პოლ... გაფრთხილდი... ამ წუთიდან ხვალ დილაზე ეს არამზადები შენს მოკვლას შეეცდებიან. ჭკვიანები არიან, ცბიერებაც არ აკლიათ... ისიც გაითვალისწინე, რომ ორნი მოქმედებენ!“

მინას წელზე მოვხვიე ხელი და ტყისკენ გავსწიეთ. ჩვენთვის ნაცნობი მიმართულებით მივდიოდით. უცებ გამიელვა, რომ სწორედ ამ ჩვეულ გზაზე შეეძლო მინას ჩემთვის მახე დაეგო.

— მინა, მოდი სხვა გზით წავიდეთ. მომბეზრდა ამ აშშორებული გზის ყურება.

— შენი ნებაა, პოლ...

არა, არა, სეირნობის დროს არ აპირებდა, იქნებ პისტოლეტით... არა, ეს აზრიც მოვიშორე.

ლაპარაკ-ლაპარაკით მივდიოდით. ორივეს დაბნეულობა გვეტყობოდა. ის იმაზე ფიქრობდა, როგორ მოვეკალი, მე კი იმას ვფიქრობდი, როგორ ამეცდინა ეს განაჩენი. მოლოდინის ისეთი განცდა გვექონდა, პოლივეუდსაც კი შეშურდებოდა ასეთი თამაში. ჩამოცვენილი ფოთლები ჩვენ ფეხქვეშ იტკეპნებოდნენ.

— პოლ, უშენოდ დღე საუკუნედ მომეჩვენება...

— შენი შვილი ხომ შენთან არის...

— პო, მაგრამ, შენ სხვა ხარ და შვილი სხვა...

— მანამ მე ჩამოვალ, რას აპირებთ?

• მინამ ჩაიღიმა და პასუხი დააყოვნა.

ჩემი არყოფნა ამ მეძავე დედაკაცს სამუდამო წასვლად ჰქონდა ჩაფიქრებული.

— აქ დარჩებით თუ...

— არა, აქ არ დავრჩებით, პარიზში წავალთ. კარგი მიზეზია, რომ დომინიკი გადაბარგდეს, არა?

— ჰო, ალბათ...

მიხვეულ-მოხვეული ბილიკებით ორი-სამი კილომეტრი ვიარეთ... მერე შინ დავბრუნდით. ნისლი ჩამოწვა და ღამეს შეერია.

ფიქრებმა მომიცვა...

სეირნობის დროს მინას წინასწარ არაფერი ჰქონდა დაგეგმილი. მას რატომ ითხოვდა ასე დაჟინებით გასეირნებას? როგორც ჩანს, იმიტომ, რომ უნდოდა დომინიკი მარტო დარჩენილიყო შინ. მას, იმ ნაძირალას უნდა ეშმაკა... რა უნდა მოემოქმედა? თუ მოწამვლა ჰქონდა გადაწყვეტილი, ამას წინასწარი შემზადება რად უნდოდა? უცაბედი მოწამვლით სიკვდილი სარისკო საქმე იყო. პოლიციის ყურამდე მივიდოდა. თანდათანობით მოწამვლისთვის კი დრო აღარ ჰქონდათ. არა, არა, საწამლაკი გამორიცხული იყო... უფრო უცაბედი, წუთიერი რამ ჰქონდათ მოფიქრებული. ისეთი, რომ გოცება არ გამოეწვია.

უბედური შემთხვევა!!!

ჩაფიქრებულმა ჩემი ოთახისკენ გავსწიე. იქაურობა გარინდულიყო. სულელივით ვეცი საწოლს, თითქოს ვიღაცას მოკვლას ეუპირებდი, იქიდან გადმოგდებას. აშკარად ყველაფერი თავის ადგილზე იყო...

მაინც ეჭვი მეპარებოდა, რომ ჩვენს არყოფნაში დომინიკმა რაღაც „მოამზადა“. რომ შევხედე, თვალი ვერ გამისწორა. ტყიდან რომ დავბრუნდით, ტილოსთან იჯდა და ითხიპნებოდა. ნატურმორტს ხატავდა. ო, სადა ხარ, სამართალო!

მაინც რა მოიფიქრა? მთელი სახლი დავყნოსე. მეგონა, რაღაცას წავაწყდებოდი. ჩემი თავი იმათ ადგილზე წარმოვიდგინე. რას დავაპირებდი? ამაოდ ვიჭყლეტდი ტვინს. არც ერთი აზრი არ მომწონდა.

— აბა, სუფრას შემოუსხედით, — დაიძახა მინამ.

მიუხედავად იმისა, რომ ეჭვი საწამლაკზე არ მქონდა, მაინც გადავწყვიტე თვალი მჭეროდა პურზე, ღვინოზე, თუ დომინიკი არ დალევედა, არც მე მივეკარებოდი სასმელს...

ტუალეტისკენ გავემართე. ხელის დაბანისას ჩემი ყურადღება ფაიფურით მოპირკეთებული კედლის ფილაზე მისხურებულმა რამდენიმე შავმა ლაქამ მიიპყრო. ეს ლაქები, ხელის დაბანის დროს გაჩენილ ლაქებს ჰგავდნენ. ჯერ მეგონა, რომ დომინიკის საღებავიანი ხელის მიზეზით იყო იქაურობა მოთხუპნული, მაგრამ ვაჭბატონი ჩემს მერე შევიდა ხელის დასაბანად. თითები წითელი ფერის საღებავით ჰქონდა შეღებილი. მერე მისი ნახატისკენ გავიწიე, თვალი გადავაყლდე. შავი ფერი არ ეხმარა...

რღცა დომინიკი ტუალეტიდან გამოვიდა, ფარულად პირსაბანთან მივბრუნდით. შავი შხეფები კედელზე კვლავ მოჩანდა. თითით მოვწმინდე. ახლოს შევათვალე და დავრწმუნდი რომ შავი ლაქა საპოხი ზეთი იყო.

გონება გამინათდა: მანქანა! — გამიელვა თავში.

ამ ნაძირალას მანქანაში უფათურებია ხელები!

მინამ კვლავ მოგვიხმო.

— მამაკაცებო, გახოვთ სუფრასთან!
დაჯდომისას ორივეს აღერსიანად მივმართე:
— რახან პარიზში გადაგიწყვეტიათ დაბრუნება, მაშ, დილით ჩემთან ერთად
წამოდი!

დომინიკი შეკრთა. მინასთან შედარებით თავის შეკავება არ ენერგებოდა.
ქალმა ვითომ აწონ-დაწონა ჩემი წინადადება.

— არა, პოლ, ზეგ ავტობუსით წასვლა გვირჩევნია. *ქვემოთ* *მასხარა* მივ-
ხედი...

— სახლს არაფერი სჭირს, ბარგის ჩალაგებას კი რა უნდა...
— მეც ნახატი მაქვს დასამთავრებელი, — თქვა დარწმუნებით დომინიკმა.
— პარიზში გამომშვიდობება უფრო გამიჭირდება, — მოკლედ მოჭრა პასუ-
ხი მინამ. — აქ კი ისეთი გრძნობა მექნება, თითქოს აქვე ხარ და შორს არსად
წასულხარ...

დომინიკს სიცილი წასკდა.
მინამ ცივად გახედა ყმაწვილს.
— რა გაცინებს დომინიკ?
ვაჟი ჯერ გაქვავდა, მერე აჩეხილ თმაზე ხელი გადაისვა.
— შენს ნათქვამზე მეცინება, დე... შორს არსად წასულხარო, რომ ამბობ,
აფრიკას გულისხმობ?
დავრწმუნდი, ხიფათი მანქანაში მელოდა.

თავი XI

მალვიძარა ექვს საათზე დავაყენე, მაგრამ მთელი დამე თვალი ვერ მოვხუ-
ჭე. ოთხ საათზე უკვე ფეხზე ვიყავი. საჩქაროდ ჩავიცვი და უჩუმრად გარაფში
ჩავუდი. ვაჟბატონს მართლაც ყველა ჭანჭიკი დაეხსნა მანქანისთვის. პირველივე,
ოდნავ მკვეთრ მოსახვევში მანქანა ხელში შემრჩებოდა. ო, რა მწარედ მეხუმრებო-
და დომინიკი. ხელში ავიღე ინგლისური გასაღები და მანქანის წესრიგში მოსა-
ყვანად მოვემზადე, როცა ერთმა კარგმა აზრმა გამიელვა თავში... ამ აზრის გამ-
ჟღავნება სულაც არ იყო საჭირო. მივიღე გადაწყვეტილება და დასაბანად გავე-
მართე.

გამომშვიდობებამ მღელვარედ ჩაიარა. ისე გამაცურეს, თქვენი მოწონებუ-
ლი. ამ მეძავმა დედაკაცმა ცხვირსახოციც კი მომცა, რომ გულთან ახლოს მეტა-
რებინა, როგორც სახსოვარი.

მადლობა ვუთხარი და ვაკოცე.
დომინიკმა ხელი ჩამომართვა, მერე სინანულით თავი გააქნია და მითხრა:
— უნდა ვაკოცოთ, პოლ, მართლაც მიჭირს თქენთან განშორება... — მინამაც
გადმოაგდო ცრემლი და მაკოცა.

გავოგნდი. ამ ხალხს სინდისის ნატამალი არ გააჩნდა. სასიკვდილოდ სრუ-
ლიად მშვიდად მისტუმრებდნენ.

მანქანა დავექიქე. ჩემოდანი უკან დასაჯდომზე დავავდე და ხელის ქნევით
ადგილიდან დავიძარი.

არ მეშინოდა, რომ ვთქვა, სიცრუე იქნება. რა დაგაწყნარებს კაცს, როცა
მანქანა მიგყავს და ყოველ საბიჯზე შენი სიცოცხლე ბეწვზე ჰკიდია... პატივცე-
მულებს ეჭვი რომ არ შეჰპარვოდათ, ჩვეულებრივ სწრაფად დავძარი მანქანა. სა-
ბედნიეროდ, სახლის წინ გზა ღარივით იყო გაჭიმული.

გზას ხელა, ნაპირ-ნაპირ მივეყვებოდი. ვალენტინას ყავახანას ჩავუარე. სა-
წყალი ფაშფაშა... კარგა ხანია მიტოვებული მყავდა. კარებში იდგა... ხელი დიდი

ამბით დაუქნიე და კიდევ ხუთასიოდე მეტრი გავიარე... შევჩერდი. ჯიბიდან ლურსმანი ამოვიღე, მანქანის წინა საბურავში ჩაეარჯე და დავფუშე. მერე სანაცვლო საბურავი ამოვიღე და ისიც დაქრუტე.

მანქანასავით ხუსტად და მეთოდურად ვმოქმედებდი. ჩემოდანს ხელი წამოვავლე და ფარდულისკენ გამოვბრუნდი.

— რა დაგემართათ? — მკითხა ფაშფაშამ.

— სიკვდილს გადავრჩი... საბურავის გამოცვლა მინდოდა, თურმე სათაღარიგოც უვარგისი მქონია... ავტობუსი, მგონი, ათ წუთში გამოივლის, არა?

— დიახ...

— დროშა გამოკიდეთ, რომ გამიჩეროს. ჩემი წასვლის შემდეგ კი, თუ ძნელი არ იქნება, დარეკეთ ჩვენებთან, სახლში და უთხარით, რაც დამემართა. ჩემი გერი მოვა და მიხედავს მანქანას. აქედან ხუთას მეტრში გავაჩერე.

— გასაგებია ყველაფერი. რით გაგიმასპინძლდეთ?

— მუსკატის ნაყენზე უარს არ ვიტყვოდი.

ქალმა ორი ჭიქა გადმოიღო. ისე მიფუჭახუნე, რომ ერთმანეთისთვის არ შეგვიხედავს. ქორწინებამდე ჩვენ შორის მეგობრობა ის იყო ფეხს იკიდებდა, ახლა კი ამ ურთიერთობის კვალიც გამქრალიყო.

— ოჯახს როგორ შეეგუეთ?

— ჰო, ძალზე კარგად...

— ანუ ბედნიერი ხართ.

— სრული ბედნიერება არ არსებობს...

— თქვენი მეუღლე კარგი ქალი ჩანს, მგონი, მეტისმეტად კარგიც, არა?

ქალი უკეთესად სჯის მეორე ქალის სიაკარგეს, ვიდრე ჩვენ, მამაკაცები. ცბიერი ფიქრი არაფრად ჩავუთვალე. ამ დროს ავტობუსმა შორიდან ნიშანი მოგვცა. ეტყობა, მძღოლმა მწვანე დროშა შეამჩნია. გზაზე გავედი.

— მაშ იმედი მექნება, ვალენტინა... ნახვამდის.

ავტობუსში ავედი და ადგილი დავიკავე. თავისუფალი კაცი გახლდით. სიკვდილს თავი დავაღწიე. დამიჯერეთ, ეს დიდი ბედნიერება იყო.

თავი XII

პარიზში ჩასვლისთანავე ტაქსში ჩაუჯექი და ორლის აეროდრომისკენ გავემურე. იქ ბარში შევედი და ჩემი უიღბლო გამგზავრებისა და სიყვარულის ნაჩქარევი წერილი დავწერე მინას სახელზე. გულში მეცინებოდა. ნეტავ რას მოილოქმედებდნენ, წერილს რომ წაიკითხავდნენ? ალბათ ბედისწერის ძალას ირწმუნებდნენ. პარიზში დავბრუნდი, საცხოვრებლად პატარა სასტუმრო შევარჩიე სადგურთან ახლოს და მუშაობას შევუდექი.

სიმართლე გითხრათ, საქმე საიდან დამეწყო არ ვიცოდი. თან საკუთარი მარცხის შიშიც მქონდა, თან არც პოლიციაში წასვლას ვაპირებდი. საზოგადოების მსჯელობის საგანი არ მინდოდა გამხდარიყო ჩემი უბედურება. არც სასამართლოს საბოლოო განაჩენი მიზიდავდა. საქმე საიდანაც არ უნდა დამეწყო, მჯეროდა, ობიექტურად მივუდგებოდი.

სასტუმროს საწოლში პირქვე დავწექი. საწერი კალამი და ქაღალდი მოვიმარჯვე და პატარ-პატარა სასაცილო ნახატებით ფურცლის შელამაზება დავიწყე. ამ საიდუმლო და მეტისმეტად უბრალო ოთახში თავს თავისუფლად ვგრძნობდი. მინას ჯადოს თავი დავაღწიე. მთელი დრო ჩემ წინაშე დასმული ამოცანის ფიქრსა და ამოხსნაში ვიყავი.

კაცი, რომლის ვინაობაში ეჭვი არ მეპარებოდა, რადგან ის ჩემი მემკვიდრეობის მისაღებად იყო ჩასაფრებული, დომინიკ გრიზარი გახლდათ. ოფიციალურად მე ცოლად შევირთე მისი დედა, მაგრამ რადგან მინა მისი საფარული აღმოჩნდა, მაშ ვინ იყო მისი ნამდვილი დედა? თუ ის ცოცხალია, მაშინ მოქალაქეობის ოქმიდან არ იქნება ამოშლილი. აი სად იყო ძალღმრთეობის დამარხული... ერთი პირობა გადავწყვიტე კერძო პოლიციისთვის მიმეშართა, თუმცა ჩემთვის სარისკო იქნებოდა, თუ პოლიცია ამ საქმეს გახსნიდა. გამახსენდა, რომ ქალბატონი გრიზარი (მირჩევნია ესე მოვიხსენიო, ვიდრე მინა) ქვრივი არ გახლდათ, ქმართან გაყრილი იყო. მაშასადამე, მისი „პირველი“ ქმარი კიდევ ცოცხალი იქნებოდა.

ცოლქმრული ურთიერთობის საქმეთა მოკვლევაში არავითარ ნდობას არ ვუცხადებდი სპეციალიზებულ კერძო კანტორებს, რომელთა პირველადი მიზანი ხშირ შემთხვევაში ის არის, რომ თუ ოდნავ მაინც გაანპრიეს ხელი, დიდი ფული დაგტყუონ. ის იყო გადავწყვიტე შემერჩია რომელიმე სამომსახურეო ბიურო, რომ გამახსენდა, ჩემი სკოლის ერთ-ერთი ახლო ამხანაგი პოლიციის განყოფილების გამგედ მუშაობდა.

როგორც იქნა, გადაწყვეტილება მივიღე და ძმაკაცს ვეწვიე. მეკარემ ჩემი საბუთი აჩვენა თუ არა, მიმიღო. ჩვენი ბოლო შეხვედრიდან თხუთმეტი წელი გასულიყო. შეცვლილი მეჩვენა. ღიბი დასდებოდა, თმა გასცვენოდა.

— რა გამეხარდა შენი ნახვა, — მითხრა თბილად და კარგად ნაპატიები მოხელის მსუქანი ხელი გამომიწოდა.

— მეც გამეხარდა, რომ ვნახე, ვენსან!

— სულ არ შეცვლილხარ.

— გულს მიკეთებ!

— არა, გეფიცები, ცოტა კი გამხდარხარ, არა?

— რასაც შენზე ვერ ვიტყვოდი!

ჩემმა შენიშვნამ სულაც არ წაუხდინა გუნება ვენსანს, პირიქით, ღიბზე ნახად წაითათუნა ხელი. მგონი, ღიბით ისევე ამაყოფდა, როგორც თანამდებობით. ერთმანეთს მოკლედ მოუყუევით ჩვენ-ჩვენი ცხოვრება. მან მორიდებით საათს დახედა.

— ვენსან, ბარემ ახლავ გეტყვი, შენთან იმიტომ მოვედი, რომ...— ყველანაირი საჩივრის მოსმენას ჩვეული ვენსანი ჩემს სათქმელს დაელოდა.

— ჩემო ვენსან. დიოგენით მეც ვეძებ კაცს. ვიფიქრე, გამოცდილ ვინმეს დამახმარებს-მეთქი.

— კაცს? — გაიმეორა გაოცებულმა.

— დიახ.

— რატომ?

— ერთ ყმაწვილს ჩვენი ოჯახის საკმაო ვალი ჰქონდა... იმედი არა მაქვს, რომ ამდენი წლის შემდეგ ხელიდან რამე გავაგდებინო, მაგრამ იქნებ დაველაპარაკო.

მან კალამი და ბლოკნოტი მოიმარჯვა.

— ჰო, გისმენ...

— საქმე ეხება ვინმე ევარისტ გრიზარს... არც მისი დაბადების თარიღი ვიცი და არც მისამართი. ზუსტად მართლ ის ვიცი, რომ მან ცოლად შეირთო ანამარია მოპიუი, რომელთანაც შეეძინა შვილი, სახელად დომინიკი... ამის მეტა არაფერი ვიცი...

ვენსენმა ჩაიწერა ჩვენება, მერე წამოღვა, ამით მანიშნა, რომ გამოკითხვა დამთავრებული იყო.

— მომეცი შენი მისამართი, ინფორმაციას დღის ბოლომდე მიიღებ, თუ რამემ არ შეუშალა ხელი...

— ასე ძალე?

— შენ რა, პოლიციაზე სხვა აზრი გქონდა?

სასტუმროს მისამართი გადავეცი. ვენსანი ცოტა არ იყოს გასცხვდა, როცა გაიგო, რომ მესამე კლასის სასტუმროში ვცხოვრობდი.

როგორც კი პოლიციიდან თავი დავიხსენი, ფიქრების მოსაშორებლად კინოში შევედი, მაგრამ აკვიატებულ აზრებს ვერაფერი მოვუხერხე, ისინი ხის ჭიებოვით დამსუოდნენ. ძალე დარბაზიდან გამოვედი და კაფესკენ გავსწიე. ზღვის ნობათით ვისადილე და სასტუმროში დავბრუნდი. ოთახი თითქოს ისე გულლიად აღარ შემხვდა, როგორც დილით. გულგატეხილობა მომეძალა. ქორწინებაში ბედმა მწარედ მიმტყუნა. ბაკუმაში გატარებული დრო სანატრელი გამიხდა. ბედის უკუღმართობა გულს მიკლავდა.

უბრალო, გულახდილი ბუნების კაცი ვიყავი... ამ მეძაუმა დედაკაცმა ნამდვილი სიყვარული მაგრძნობინა, მაგრამ რამდენიმე დღეში ყველაფერი თავზე დამამხო.

დღეიდან ჩემი სიცოცხლე მათთვის აუტანელი გახდებოდა, სიცოცხლე, რომელიც არამზადებსა და ჩემს ქონებას შორის აღიმართა. ამიტომაც არ მოისვენებდნენ, სანამ საბოლოოდ არ გამომასალმებდნენ წუთისოფელს. ცხადია, ვერ მივაღწევდი საწადელს, თუ ძალებს არ მოვიკრებდი.

ერთ პატარა სასურსათო მაღაზიისკენ გავეშურე. ის ყველაზე ახლოს იდგა სასტუმროსთან. ბედმა გამიღიმა და ერთი ბოთლი ირლანდიური ვისკი აღმოვაჩინე, რომელიც ყველაზე ადვილად მოსანელელებელი გახლდათ ჩემი აზრით. დაკბილული ჭიქა შევიკსე. უცხო სასმელი ერთი ყლუპით გადავკარი. გავითიშე. სასტუმრომდე ძლივს მივიტანე ტანი და საწოლზე გავიშხლართე. უძილობისა და მღელვარებისაგან არაქათგამოცლილს მკვდარივით დამეძინა.

ტელეფონის ზარმა გამომაფხიზლა. წკრიალი კი არა, ნამდვილი ჟღარუნი იყო. ყურთასმენა დამეხშო. გიჟივით წამოვხტი. ოფლმა დამასხა. ხელის ფათურით მივაგენი ყურმილს. ქუჩის მხოლოდ ერთი დაბრეცილი აბრის მიღეული შუქი დროდადრო აღწევდა სიბნელით მოცულ ოთახს. შემოსასვლელიდან სასტუმროს მოღარის ხმა გაისმა.

— პოლიციის განყოფილებიდან გკითხულობენ...

სიბრაზისაგან ცეცხლი მომედო. ჩემი გასაჭირი მყოფნიდა, ვერა და ვერ გამოვდიოდი ბახუსის ბურუსიდან. აზრებს ვერ ვუყრიდი თავს.

მანამ ლაპარაკს დავიწყებდი, ერთი პირობა გადავწყვიტე თავი წყალქვეშ შემეშვირა, მაგრამ ვერ მოვასწარი. ყურმილში უხეში, ბოხი ხმა გაისმა:

— ბატონი დიუტრა ბრძანდებით?

— დიახ, გისმენთ.

— ბატონ ვენსანის დავალებით გირეკავთ...

— დიახ, დიახ.

თავს ძალას ვატანდი, რომ გამეგო, რას მეუბნებოდა ეს ადამიანი. ყველაზე უბრალო სიტყვის მნიშვნელობაც კი მავიწყდებოდა, აზრს ვერ ვხვდებოდი.

— თქვენ რომ კაცს ეძებთ, იმასთან დაკავშირებით გირეკავთ...

— დიახ, დიახ.

— კაცი, რომლის სახელი და გვარია ევარისტ გრიზარი, ცხოვრობს რუენში, მუშათა ახალ დასახლებაში... მოითმინეთ, ზუსტ მისამართს გეტყვი: ბართლომე-ფონკეს ქუჩა, 14... ჩაინიშნეთ?

ვერაფერიც ვერ ჩავინიშნე, მაგრამ „ღიახ“ ვუპასუხე.

— სულ ეს არის...

მანამ ყურმილს დავეკიდებდი, მადლობა ჩავიბურღლუნე ფარდაგზე დავეშვი. ღვიძლმა თავი გამახსენა. თავბრუ მეხვეოდა, ჩემ გარშემო ყველაფერი ცეკვაოდა.

თხუთმეტი წუთის შემდეგ ფეხზე წამოვდექი. როგორც იყო, პირსაბანთან მივედი. თავს კარგად ვერ ვგრძნობდი. კარგა ხანს კეფა წყალს შეუშვირე. ცოტა მოემჯობინდი.

მიძღვებში ვთხოვე, წამალი მოეტანათ, რომელსაც ასეთ შემთხვევაში ვსვამდი ხოლმე. წამლის მოლოდინში გაზუთის არეზე მივაწერე: ბართლომეს ქუჩა 14. მისამართი მთლიანად ვერ გავიხსენე. ამაოდ ვცდილობდი. თავში ბურუსი მიტრიალებდა. ეს ბურუსი გულს მირევდა და ცუდად მხდიდა. მეორე დღეს მაინც გავემგზავრე რუანში.

თავი XIII

ერთ სახლს მივუახლოვდი. თანამედროვე, მუშათა კლასის შესაფერის ყაიდაზე აგებული შენობა გახლდათ, როგორც იტყვიან, „ყველა სათავსოთი აღჭურვილი“. გარედან კარგი შესახედაობა ჰქონდა, რადგან ახალი აშენებული იყო, მაგრამ მშენებლობის ხარისხზე ეტყობოდა, რომ ეს უბრალო ბინები წლებს ვერ გაუძლებდნენ. ზარი დავრეკე. ქალის ხმა მომესმა. ტინო როსის რეპერტუარიდან რაღაცას ღიღინებდა. არ ეშლებოდა, მაგრამ იმდენად ცხვირში მღეროდა, რომ კამეღიმა. ქალმა ვოკალის დემონსტრირება უცებ შეწყვიტა. კარი გამიღო. ჩემ წინაშე პატარა ტანის ფუნთუშა ქალბატონი იდგა. ცალ ხელში აბიღებულ სიგარეტი ეჭირა, ცალში კარტოფილის საკეპი. ისიც ვერ მოეფიქრებინა, რომ საკეპი დაედო და ისე წამოსულიყო კარის გასაღებად. საკეპს კარტოფილის წვენი გასდიოდა და ლინოლიუმზე თეთრ ლაქებად ემჩნეოდა.

— რა გნებავთ?

— თუ შეიძლება, ბატონ გრიზარს სთხოვეთ.

ქალმა ეჭვით შემათვალიერა. ისეთი გამოწკეპილი ვიყავი, რომ აფორიაქდა, ვინმე შემოწმებაზე ხომ არ მოვიდა უშიშროებიდანო, ან იქნებ სულაც ეილაც აბეზარ კაცად ჩამთვალა.

— რატომ დავუძახო?

— პირადი საქმე მაქვს მასთან...

ქალბატონს, ეტყობა, არ ესიამოვნა ჩემი ნათქვამი. წარბი შეიკრა. პატარა სახე ჯიუტად მოკუშტა, ფინიას დაემსგავსა.

— მე მითხარით, მისი ცოლი ვარ.

შევეკრთი, მაგრამ მალე მივხვდი, რომ ეს ქალი არ შეიძლებოდა დომინიკის დედა ყოფილიყო.

— ისეთი არაფერია, საგადასახადო ინსპექციის ინსპექტორი ვარ... საქმე მის პირველ ცოლს ეხება...

— შემობრძანდით...

ქალი სასადილო ოთახში შემიძღვა. ოთახი პატარა იყო, ლევიტანის ავეჯით გაწყობილი.

— კი მაგრამ, სანამ ამ ოჯახში შემოვიდოდი, „ის“ ხომ უკვე გამოსული იყო? — მკითხა ფუნთუშამ.

შევეცადე სახეზე გაოცება არ გამომეხატა.

— საიდან უნდა გამოსულიყო? — დაბნეულად შევეკითხე.

— როგორ თუ საიდან, ფსიქიატრიული საავადმყოფოდან, მტერს იქაურობა, ექიმები ამბობენ, ვერ განიკურნებაო.

ეს ახალი ამბავი რომ შევიტყვე, ბევრ რამეს მივხვდი. ამკარა იყო — მინამ ოსტატურად გამოიყენა ოჯახის მდგომარეობა და ადვილად მიითვისა ნამდვილი ანა-მარია გრიზარის პირადობის მოწმობა.

— სწორედ ამ საკითხის დაზუსტებას ვაპირებდი. დიდი ხანია, რაც გრიზარი იქ იმყოფება?

— ევარისტს რომ ვაპყვია ცოლად, სულ რამდენიმე წლის შემდეგ... შეიძლება მოვწიო?

გავიღიძე. რას იზამ, სამყარო ნერვებდაწყვეტილია... სიგარეტის მოსაკიდებლად ცეცხლი მივაწოდე.

უცებ კარგ გუნებაზე დადგა.

— ხომ წარმოგიდგენიათ, რა ძნელი იყო მამაკაცისთვის ამდენი უსიამოვნების და სიგიჟის ატანა? თურმე რომ მოუკლიდა, ორივეს დასახოცად იმეტებდა, ქმარსაც და შვილსაც... ცოლი რომ საავადმყოფოში დააწვინა, მე მერე გავიცანი ევარისტის... ერთმანეთი მოგვეწონა და ევარისტის შემპირდა, ცოლად შევიერთავო, მაგრამ ამ შემთხვევაში ქალთან გაყრა ვერა და ვერ მოხერხდა... თითქმის ათი წელი დაგვჭირდა ამ საქმის მოსაგვარებლად. აი, ამის თქმა მინდოდა...

— რა ადგილზეა ის საავადმყოფო?

— ექს-ან პროვანსში... იმ დროს მათი ოჯახი სამხრეთში ცხოვრობდა. მე მარსელში შევხვდი ევარისტს, კანებიერის კინოთეატრში...

ამ ქალის სათუთი ცხოვრება აინუნშიც არ მომდიოდა.

— რა ჰქვია იმ საავადმყოფოს?

— არ ვიცი... რა უნდა ერქვას, რაიონის საავადმყოფოა, ერთზე მეტი ხომ არ იქნება?

რას ვერჩოდი, ქალი მართალი იყო.

— შეილი?

ამ შეკითხვაზე ცოტა არ იყოს დაიბნა, სახე წამოუწითლდა.

— ევარისტმა ბავშვი ბებიას, დედის დედას მიაბარა.. მერე კი აღარაფერი გაგვივია... რას იზამთ, ცხოვრება ასეთია, სადაც დაოჯახდები, გულისყურიც იქ გაქვს...

კარგად მივხვდი, რაშიც იყო საქმე. ამ ფინიას არ უნდოდა გიჟი ქალის შვილი გაეზარდა. თავისი ქმრის წარსული ერთხელ და სამუდამოდ უნდა მოეშორებინა, რომ თვითონაც გულდაჯერებული ყოფილიყო. ჩემთვის სასარგებლო ცნობები შევიტყვე.

— დიდი მადლობელი ვარ... ისღა დამრჩენია, რომ...

ქალმა სიტყვა არ მათქმევინა.

— მითხარით, რაში გჭირდებათ ეს ცნობები?

ცნობისმოყვარეობისაგან ცალი პატარა შავი თვალი აუკიაფდა, მეორე კი სიგარეტის ბოლისაგან ეჭუტებოდა.

დამაჯერებელი მიზეზი სწრაფად უნდა მეპოვა.

— მითხარით, ბატონი გრიზარის ვაჟი მუშაობს თუ არა? გადასახადთან დაკავშირებით უნდა ვიცოდეთ მისი ოჯახური მდგომარეობა...

— თვითონ მას ჰკითხეთ, არ შეიძლება?

ქალი თავისი შეკითხვებით მაღიზიანებდა.

— ქალბატონო გრიზარ, მე შემმოწმებელი ვარ, კაცი, რომელსაც მხოლოდ შემოწმება ავალია, გასაგებია?.. კარგად ბრძანდებოდეთ.

იქაურობა დაუტოვე. ჩემი კანონიერი ცოლი ფსიქიატრიულ საავადმყოფოში იმყოფებოდა და იქაურობას ბრძუნადა, დიახ, თურმე ოფიციალურად გიყავი ქალი შემირთავს...

სინდისი რომ მშვიდად მქონოდა, მე მაინც დავრეკე ექს-ან პროვანსის ფსიქიატრიულ საავადმყოფოში, როგორც ქალბატონ გრიზარის ქმარმა. ეს ადგილი არა მგონია სამხრეთში ყოფილიყო. ისიც იყო შესაძლებელი, რომ ტელეფონით არავითარი ცნობები არ გაეცათ, მაგრამ უნდობლობა არ გამომიცხადეს. ტელეფონთან ქალი შემხვდა. იქაურ კილოზე დამელაპარაკა. მითხრა, რომ ქალბატონი გრიზარი ისევ ძველებურად ვერ იყო კარგად. ეს ნათქვამი ჩემთვის საკმარისი გამოდგა. მადლობა გადავუხადე. დავრწმუნდი, რომ ანა-მარია გრიზარი, ჩემი მეუღლე, ისევ ფსიქიატრიულ საავადმყოფოში იმყოფებოდა.

ვაფიქრე, სწორად მოვიქცეოდი, თუ ჩემს პატარა მეგობრებს მივაკითხავდი, შევაშინებდი და დავაჭერიებდი. ისიც უნდა გამეთვალისწინებინა, რომ მკვლელობის მცდელობის დასაბუთება გამიჭირდებოდა. ესე იგი, მათი დანაშაული მხოლოდ პირადობის მოწმობის მითვისებით ამოიწურებოდა, თან მინას მომხიბლავი გარეგნობის წყალობით მისი პატიმრობა რამდენიმე თვეში დასრულდებოდა. საკმაოდ რბილი სასჯელი გახლდათ იმ ქალისათვის, რომელმაც ადამიანი ჯერ სიცრუის ბადეში გაახვია, მერე კი მოკვლა დაუჭირა... ისევ მოცდა ვამჯობინე. უფრო დიდ რისკზე მივდიოდი, დიახ, უფრო დიდ რისკზე ჩემი უმნიშვნელო სიცოცხლის ფასად. გატეხილ ღამეებს და დიდ გულისტკენას თუ გავუძლებდი, შემეძლო მკვლელობის მცდელობა დამემტკიცებინა. მეყოფოდა კი მოთმინება? ჩავჯექი პატარებელში და პარიზში დავბრუნდი. ჩემი მოსაზრებების მიუხედავად მათი ბინისკენ გავემურე. კიბეზე ასვლისას სარწმუნო მიზეზი მოვიგონე. ვითომ ავადმყოფობის გამო იძულებული გავხდი მარსელის ნავსადგურში ჩამოვსულიყავი. ამრიგად, ჩვენ ისევ ერთად დავიწყებდით ოჯახურ ცხოვრებას და ისინი თავიანთი განზრახვის აღსრულებას შეეცდებოდნენ. კარზე ხარი დავრეკე. პასუხი არავინ გამცა. ნუთუ რონშიედან კიდევ არ იყვნენ ჩამოსულები? დასარწმუნებლად სახლის კონსიერჟს შევეკითხე. მან მიპასუხა, რომ ქალბატონი გრიზარი და მისი ვაჟი წინა დღით ჩამოსულან და ჩემს მოსვლამდე ათი წუთით ადრე სახლიდან წასულან. მათ კონსიერჟისთვის უთხოვიათ, თუ რაიმე წერილი მოვიდოდა მათ სახელზე, კანში გაეგზავნა, მოკითხვამდე. რაღა უჭირდათ ჩემს ვითომ ცოლს და ჩემს ნამდვილ გერს (დიახ, სწორედ ასე გახლდათ), წუთიც არ დაუკარგავთ ბედნიერი დღეების გასატარებლად. ბოლო კვირების მანძილზე ფრთამოტეხილი ჩიტებივით იყვნენ, ცხოვრებამ გადაქანცა. რახან კონსიერჟს დაველაპარაკე, შევეკითხე კიდევ, რამდენი ხანი ცხოვრობდნენ დედა-შვილი ამ სახლში. მან მითხრა, რომ ისინი ახალი მდგმურები იყვნენ და რომ ბინა ადრინდელი მობინადრისაგან ჰქონდათ დაქირავებული, რომელიც ამჟამად შეერთებულ შტატებში ცხოვრობდა.

ჩემი ვარაუდი ასეთი იყო. მინა ახალგაზრდა ქალი გახლდათ და ორმოცი წლის მანდილოსნის როლის დიდხანს თამაში გაუჭირდებოდა.

კარგა დიდხანს ვიხეტივალე პარიზის ქუჩებში. არ ვიცოდი, როგორ მოვქცეულიყავი. ხან რა გადაწყვეტილება მიტრიალებდა თავში, ხან რა. ჩიხიდან თავი

უნდა დამეღწია! იქნებ განქორწინების საჩივარი შემეტანა? ან იქნებ ჯობდა დამევიწყა ეს უსიამოვნო თავგადასავალი და გული გადამეყოლა სადმე შორს, მოწმენდილ ცის ქვეშ; ან იქნებ დებეშა გამეგზავნა პატივცემულებისთვის, რომ პარიზში დაბრუნებულიყვნენ და ამბის მსვლელობას დაელოდებოდნენ? ან იქნებ ეს საქმე სულაც ღიად დამეტოვებინა და ცოტა დამესვენა? მეოთხე გზა ვარჩიე, გზა, რომელიც სამხრეთისკენ გამაქროლებდა... რა უშნოდ გავიღვიძე!

იმავე დღეს კანისკენ მიმავალი მატარებლის საძილე ეაგონის ბილეთი შევიძინე.

არ ვიცი, რამ ან ვინ მაიძულა ეს ნაბიჯი გადამეღვა.
იქნებ ეშმაკმა?!

თავი XIV

მგზავრობისას მანძილის გადასერვა უფრო მახალისებს, ვიდრე მიდამოს თვალიერება. ასე მგონია, მანძილი უძრავი დროა. მიჰქრებიარ შენი შერჩეული ტრანსპორტით, არც მართუა, არც გეზი და არც სიჩქარის შეცვლა გეხება. ცხოვრების მძიმე ფიქრები ნელ-ნელა გშორდება და შენი თავის ბატონ-პატრონი ხდება.

მატარებელი თავის გზას ედგა, მე კი ისევ ჩემს თავზე დამტყდარ უბედურებაზე ვფიქრობდი. ეს ნათქვამი არ არის გაზვიადებული. რაც თავს გადამხდა, სწორედ რომ უბედურება იყო.

ორმა არამზადამ, რომელთაც არ ვიცნობდი, მესამე პიროვნების ქონების ხელში ჩასაგდებად გადაწყვიტეს სისრულეში მოყვანათ თავიანთი ჩანაფიქრი. შემთხვევითობამ გამწირა. დიახ, სულს მიმღვრევდა იმის განცდა, რომ უხილავმა ხელმა სწორედ მე გამხადა მათი რჩეული. შიში მიტანდა, როცა შემთხვევითობის საოცარ ძალაზე ვფიქრობდი, რომელმაც დამატოვებინა სამსახური ბაკუ-მაში და ეს დაწყევლილი სახლი მაყიდინა. მინას და ჩემ შორის ბედისწერის ხიდი იყო გადებული, რომელზეც იღბალს მრავალი წვრილმანი შეეკოწიწებინა. მინას რომ მარტოს ემოქმედა, აქამდე საქმეც მოგვარებული ექნებოდა. დომინიკმა აამღვრია ყველაფერი. ის გახდა ჩემი ეჭვების მიზეზი. ახლა კი მათი ბედი ჩემს ხელთ იყო. როგორც მინდოდა, ისე წარვმართავდი საქმეს... მაგრამ ჩემი სვლა არ იყო იოლი. კოზირი კი მქონდა ხელთ, მაგრამ თამაშის წესი არ ვიცოდი.

ძილს თავი ვერ გავართვი და მატარებლის ნანინას ხმაზე ტკბილად ჩამეძინა.

კანში შემოდგომის მიწურული იდგა. ქალაქი მზის ქვეშ ეღვარებდა. სადგურიდან გამოვედი თუ არა, საოცრად მსუბუქად ვიგრძენი თავი. ასეთი ნეტარება საუკუნეა არ მწვევია. ჩემოდნით ხელში პალმის ძირში შევჩერდი. მინდოდა ეს უსასრულო ცა ჩემს თვალებში მომექცია. ჰაერი მათრობდა...

მერე მომაგონდა, რომ „ისინი“ სადღაც ახლოს იმყოფებოდნენ, და სიხარული ცაში ამიორთქლდა. †

პირველსავე სასტუმროში გაეჩერდი. ტანი უნდა გადამებანა და მაღიანად მესაუზნა. როცა ორივე დავასრულე, ფიქრები ამერ-დამერია. როგორ უნდა მოექცეულიყავი? მომეძებნა, თავს დავტყდომოდი და უწმაწური სიტყვებით გამომელანძლა? იმ სიტყვებით, რომელიც კარგა ხანია მიმღვრევდა სულსა და გულს.

სასტუმროდან გამოვედი და უაზროდ დავადექი გზას პლიაჟისაკენ. იქ ცოტა ხალხი დამხვდა... რამდენიმე მოხუც, უფორმო ინგლისელ ქალს, მზისკენ მიემვირათ რბილი ადგილები... ახალგაზრდები ფერად ბურთს თამაშობდნენ ქვიშაზე... შეზღონეს ხელი წამოვაკლე და განმარტოვებით მოვითავსდი. ხელები კე-

ფაზე დავიწყე და... ზღვას მივაცქერდი. თეთრი გემი სასაცილოდ მიცურავდა, ბაჯბაჯით მიიწევდა წინ. დმურთმანი, სხვა არაფერზე ვფიქრობდი... უცებ დომინიკმა წინ ჩამიარა. ცისფერი შორტები ეცვა და ხარხარებდა. მისაწინ გოგონა მოსდევდა, ქერა, მოძლიმარი, დრო დამჭირდა, რომ მივმხვდარიყავი — ლამაზი ქმნილება მინა გახლდათ; ასეთი თუ იყო, არ ვიცოდი. დაბრუნებულთათვისი ოქროსფერი თმა, გარეგნობა, თავისი ყმაწვილქალობა. შიზლიმთქა

როცა შევიტყვე, რომ მინა ცრუობდა, ხშირად ვცდილობდი მისი ნამდვილი გარეგნობა წარმომედგინა, მაგრამ ჩემი წარმოდგენა ვერ სჯობნიდა ნამდვილ მინას — ნატიფ, ვარსკვლავივით ქალს.

ქალ-ვაჟმა ჩახუტებულებმა ჩამიარეს. სიყვარულში ჩაძირულებმა ვერც კი შემაძინეს... გავყურებდი, როგორ მშორდებოდნენ. ძარღვებში სისხლი ამემღვრა... გამახსენდა ჩვენი ალერსი. აი, თურმე რა ძალა ჰქონია სილამაზეს... დედის როლში სულ სხვა საქციელის ქალი იყო, ახლა კი მისი ნამდვილი ბუნება დავინახე... ვხვდებოდი, რატომ ცდილობდა მინა რაც შეიძლება სწრაფად ჩამოეცილებინა დარბაისელი ქალის იერი, ისეთი ქალისა, როგორც რონშიეში იყო. დედის ჯავშანი ალბათ სულს უხუთავდა.

ვუყურებდი თხელ, ელეგანტურ სილუეტს. მას ყვითელი ფერის მხოლოდ ქვედა საბანაო სამოსი ეცვა. ქერა თმა უბრწყინავდა. ოცდახუთი წლისაც არ იყო... ნუთუ თმის ფერმა და სათვალემ ასე შეცვალეს? აქ რაღაც სხვა იყო მიზეზი... უფრო მთავარი და უფრო მარტივი. რონშიეში ის თავისი გმირივით ცხოვრობდა, ნამდვილ ორმოცი წლის მორიდებულ ქალს თამაშობდა, შინაგანად ისწრაფვოდა ყოფილიყო ასაკოვანი ქალი და სწორედ ეს შევლიდა გარდასახვაში და არა ის სასაცილო სამოსელი, რომელსაც მინა არ ივიწყებდა.

მე საცოდავი კი სულელი აღმოვჩნდი. მყავდა ცოლი და არ ვიცოდი რა სიმდიდრის პატრონი ვიყავი. განგებას ჩემთვის პატარა გოგო უბოძებია, მე კი მოწიფულ ქალად მივიჩნე.

სულ მოვიფუტკნე. წარსულს შევნატროდი, გესმით? ხელახლა მინდოდა დამეწყო ცხოვრება. აღარაფრად მიმაჩნდა, რომ მინას ჩემი მოკვლა უნდოდა, რომ კვლავაც სურდა ეს საქმე აღესრულებინა. ვგრძნობდი, მინა ნამდვილად მიყვარდა, მისი სიყვარულით დავსხეულდი.

დიდხანს შევრჩი შეხლონგზე გამოტყდი. ვერც კი ვგრძნობდი, როგორ მწვაავდა მცხუნვარე მზის სხივები.

რადით ისევ აფრქვევდა ტკბილი მუსიკის ჰანგებს. პატარა თეთრი გემი ანძამდე მიცურდა, ზღვის დასალიერთან.

ერთხელ კიდევ ვიგრძენი მარტოობა. მინდოდა მეყმუელა. მუშტი კბილებთან მივიტანე და ისე ძლიერად ვიკბინე ხელზე, რომ ყბა მეტკინა.

კანში რვა დღე დავრჩი. მთელი ეს დრო დიდი, ნიჟარისჩარჩოებისანი ფერადი სათვალით შენიღბული, თავზე ფართო, წინაფრიანი ქუდით თითქმის სულ პლიაჟზე ვიყავი. ისინიც სულ იქ იყვნენ, მაგრამ ვერ მაძინებდნენ; ვცდილობდი განცალკევებით ვყოფილიყავი... შევიძინე ჭოგრიტი და ყოველ მათ მოძრაობას უუთვალთვალელებდი. ისინი ერთმანეთს ესიყვარულებოდნენ, თითქოს ეთამაშებოდნენ. საოცარი სიწმინდე შევნიშნე ამ ორი დამნაშავის ურთიერთობაში. ორივესი შემშურდა. მინდოდა მათთან ერთად მეც ბავშურად მეთამაშა, მათთან ერთად მეყვირა, მომეხვია მინასთვის ხელი წელზე და თბილ ქვიშაზე გამეკოტრილებინა მშურდა დომინიკის და ველარ ვიტანდი. აქამდე ჩემი მისდამი ცუდი განწყობა მსხვერპლის სიძვე იყო თავისი მტრისადმი. ახლა კი ჩემი სიბრაზე მოტყუებული ქმრის რისხვა გახლდათ საკუთარი ცოლის საყვარლის მიმართ. დომინიკის სი-

ცოცხლე ჩემთვის აუტანელი ხდებოდა. იმ დასკვნამდე მივიღე, რომ ქვეყანაზე მხოლოდ ამ პიროვნების გაქრობა გამახარებდა.

ნელ-ნელა შევადგინე მოქმედების გეგმა, რომელიც უფრო ვერაგე აღმოჩნდა, ვიდრე მათი. თუ ამ ჩანაფიქრს აღსრულება ეწერა, მე კი მჯეროდა, რომ ეწერა, მინა სამუდამოდ ჩემი გახდებოდა. მისი მფარველი ვიქნებოდი. ზღვის ნაპირზე მის უკან ვირბენდი და თან ჰაერში ზღვის ქაფს ყვავილებად დაფარავდი.

იმ დღეს (ეს დღე შავი ფერით უნდა შემოიხაზოს) სანოტარო კანტორაში დავრეკე, სადაც რონშიეს მამული შევიძინე. გავეცანი თუ არა ნოტარიუსს, ვუთხარი, რომ შესყიდულ სახლში ბევრი ღირებული ნივთი აღმოვაჩინე, რომლის წაღება, როგორც ჩანს, ადრინდელ პატრონს დაავიწყდა-მეთქი. ვთხოვე ახალი მისამართი მოეცათ, რომ ნივთები გამეგზავნა. ნოტარიუსმა ქალაქებს დაუწყო ძებნა. მერე კი მითხრა, რომ ბლანშენი ამჟამად მარსელში ცხოვრობდა; იმ დიპიან კაცთან ავტობუსით ორ საათში ჩავიდოდი. ბედმა გამიღიმა. სახლის ადრინდელ პატრონს ახლოს უცხოვრია. მეორე დღესვე ვეწვიე.

თავი XV

მისი კოპწია, გაჯით შელესილი ერასართულიანი სახლი ისმაილის ჩიხში მდებარეობდა. სახურავი რომაული კრამიტით ჰქონდა გადახურული. სახლის გვერდით ყვავილების ბაღი ჰყვავდა. ხის კარზე ოქროსფერი ზარი იყო მიმაგრებული. როგორც კი კარი გაიღებოდა, ზარის ხმას ყურთახმენა მიჰქონდა.

ბლანშენი სავარძელში იჯდა და ილუსტრირებულ ყოველკვირეულ გაზეთს ათვალიერებდა, მზეზე თბებოდა, მარჯვნივ ერთი ჭიქა აპერიტივი ედგა...

შესვლისას ქალი შემეგება, ხელთ სურსათის ბაღე ეჭირა. ორმოცდაათი წლის იქნებოდა, წითური, უზარმაზარმკერდიანი. ნამდვილ უზნეო დედაკაცს ჰგავდა.

სახლის პატრონმა გაზეთი დასწია და ჩემს დანახვაზე წარბები შეიჭმუხნა. ქალი კი, რახან კიბე გაუჭუჭყიანდა, კონსიერჟივით აქოთქოთებული ჩემკენ გამოემართა.

— რა გნებავთ? — ერთი ისეთი დამჭყვივლა, ზრდილობიან მასპინძელს რომ არ შეეფერება.

მე გულგრილად გავიშვირე ხელი ბლანშენისკენ, რომელიც ტირიფის სავარძელში მოკუნტულიყო. სახეზე მოუსვენრობა დასთამაშებდა. ცხოვრებაში უფრო სრული ბრძანებულა, ვიდრე ფოტოზე... სურათზე არ ჩანდა მისი გაქონილი ყვითელი კანი.

— რაღაც ცნობები მინდოდა გამეგო ბატონ ბლანშენისაგან... რონშიეში მისი სახლი მე შევიძინე.

ქალი მოლბა.

— მობრძანდით, სასიამოვნოა, რომ გვინახულეთ... მაპატიეთ, დაგტოვებთ, საჩქარო საქმეები მაქვს.

მეპატიებინა კი არა, სიხარულით ცას ვეწეოდი, ოღონდაც კი ეს ქალი აქაურობას მოშორებოდა. ბლანშენი თვითონ მოვიდა ჩემთან.

— მოხარული ვარ, რომ გაგიცანით, ბატონო დიუტრა...

ერთმანეთს ხელი ჩამოვართვით. ცივი ხელი ჰქონდა. მოუსვენრად იყო. თვალის გარსი ყვითელი ხაზებით დასეროდა. გულისამრევი შესახელი იყო...

მის მამულს თვალი გადავაკვლე და შემფასებლის კილოზე ვუთხარი:

— აი, თურმე რატომ დატოვეთ სოლონი... არაფერი სჯობს სამხრეთს, როცა ნანტიე ხარ...

მან ოდნავ გამიღიმა.

— მართალი ბრძანდებით, მოგწონთ აქაურობა?

— ძალზე მომწონს.

— მაშ რამ შეგაწუხათ? — წაიბურღლუნა ბლანშენმა და მზერა მისი ფაშფაშა მატრონა ის იყო სახლიდან გავიდა, ოქროსფერი ხარი აწკრიალდა.

მე გავუღიმიე. დავრწმუნდი, რომ არ ვცდებოდი. დავრწმუნდი, რომ ბლანშენმა ნამდვილად მოკლა თავისი ცოლი. ამის თქმა ცოტა საჩოთირო იყო...

მის შეკითხვაზე პასუხი არ გამიცია. მან შინ შემიპატიჟა. ყვავილებიანა ქსოვილით აკრული პატარა ოთახი ძველი, პროვინციული ავეჯით ლამაზად ჰქონდათ მოწყობილი.

ჩემი სიჩუმე უხერხულ მდგომარეობაში მაგდებდა. ბლანშენი ღელავდა, ადვილს ვერ პოულობდა.

— თქვენ... თქვენ რა გაინტერესებთ?..

— არა, ბატონო ბლანშენ... თქვენს მეორე ცოლს ეს იმიტომ ვუთხარი, რომ მისი ცნობისმოყვარეობა გამექარწყლებინა.

მე ხაზი გავუსვი სიტყვებს „მეორე ცოლი“.

ბლანშენს მწვანე ვაშლის ფერი დაედო.

— მაშ რისი თქმა გინდათ.

უცებ მღელვარება სადღაც გამიქრა, როგორც მსახიობს ემართება ხოლმე პირველი სიტყვის თქმისთანავე:

— ბატონო ბლანშენ, ჩვენ ხომ კაცები ვართ? პოდა, მოდით, კაცურად ვუთხრათ ერთმანეთს სათქმელი.

— გეთანხმებით...

— ჰო, აი, რისი თქმა მინდა: მე ვიცი, რომ თქვენ პირველი ცოლი მოკალით!

უმაღლესიდან სიგარეტი ამოვიღე და ხელის აუკანკალებლად პირში ვიტაცე. რა პოზა დამეჭირა, არ ვიცოდი...

უბადრუკი ბლანშენი ჩემ წინაშე იდგა. დაჭმუჭნული ნაჭერივით ეკიდა მისი სხეული საკუთარ ჩონჩხს, პირი დაელო და ენა დორბლით გავსებოდა.

— როგორ მიბედავთ?.. — შემომიტირა მან.

— მართალი ბრძანდებით, მაგრამ თქვენი საქციელის განსჯა სხვისთვის მიმინდვია...

თითქოს საუკუნით დაბერდაო. მკვდრისფერი დაედო.

— თქვენ... თქვენ მართალი არა ხართ... მე...

სიგარეტს მოვუკიდე და კვამლი ღრმად შევისუნთქე.

— რატომ უარობთ, ბატონო ბლანშენ, საბუთი რომ არ მქონოდა, თქვენს საპოვნელად აქ არ ჩამოვიდოდი...

— რა საბუთი? — სიტყვა გულიდან ამოსკდა.

— თქვენი ცოლის ეგრეთ წოდებულ გამოსამშვიდობებელ წერილს, რომელიც მან თქვენ მოგწერათ, ბოლო მოახიეთ!

ბლანშენი აღარ შეიხედებოდა.

— კი მაგრამ...

— თქვენ დაგავიწყდათ ის ავადსახსენებელი წერილი მოგესპოთ. მე ის ხელთა მქვს. ამ წერილის დასასრული კი პოლიციის არქივში ინახება. თუ თავსა

და ბოლოს შევაერთებთ, მაშინ ყველაფერი ნათელი გახდება... გარდა ამისა, მიწას რომ ვბარავდი, სწორედ ის შხამით სავსე შუშა ვიპოვე, რომელმაც თქვენი ცოლი სიცოცხლეს გამოასალმა, აი, საბუთი...

ის ჩამოჯდა და ისე მიყურებდა, როგორც ჯოჯოხეთიდან გამოგზავნილს. მისი უაზრო მზერა მრისხანებას კი არა, უნდობლობას გამოუჩვენებდა. ვითონ ვერ მიმხვდარიყო, რა ხდებოდა მის თავს. ჩადენილი საქციელი მემდგურ კალბათ ღამდამობით შემინებულს ეღვიძებოდა, ავკაცობა არ ასვენებდა. ერთ დილით კი თავი მსუბუქად იგრძნო, მოეჩვენა, რომ სამშვიდობოს იყო გასული. დრომ საფრთხეს ძალა დაუკარგა. ადამიანებს მოგეწონს დროის ეს თვისება. დრო კი ჩვენ საწინააღმდეგოდ მოქმედებს.

მე ბლანშენის წინაშე ვიდექი. მშვიდი, საკუთარ თავში დაჯერებული. ქალღმადის ნაგლეჯით შეიარაღებულმა, სიმშვიდე დაუფრთხე.

დაახლოებით სამი წუთის განმავლობაში არც ერთს სიტყვა არ დაგვცდენია. დამწვარი სიგარეტი საფერფლეზე დავდე. მეორე მოვიმარჯვე ისე, რომ სიგარეტის კოლოფი ჯიბიდან არ ამოვიღია.

ბლანშენმა თავისი საზიზღარი ენა გამოყო და გამომშრალ მსხვილ ტუჩებზე შემოატარა. ლაპარაკი უნდოდა... უცებ ისეთი ხმა ამოუშვა, ცხოველის ღმუილს უფრო ჰგავდა, ვიდრე ადამიანის მეტყველებას.

— რამდენი გინდათ?

ბლანშენს თავი აუშუშაედა. დარწმუნებული იყო, რახან ნაპოვნი ნივთის პოლიციაში გამოცხადების მაგივრად ეგ მოვძებნე, მაშასადამე, მინდოდა მეწრუწუნებინა... მაშინვე პასუხი არ გამიცია. ყველაზე დიდი განსაცდელი ახლოვდებოდა. საცოდავი ღიპიანი ფანჯრისკენ იყურებოდა. ეშინოდა, ცოლი არ დაბრუნებულიყო. ისე კი იმასაც ეკუთვნოდა ქმრისათვის გამოეტანა განაჩენი. ბლანშენს ძვირი დაუჯდა თავისუფლება, და ასე ადვილად იმას ვერა ეშმაკი ვერ წაართმევდა. მან ამჯერად გარკვევით გამიძეორა:

— რამდენი გნებავთ?

ახლად აღებული სიგარეტი ნამწვავს მივაჭყლიტე და, კანკალი რომ დამეფარა, ხელი თმაზე გადავისვი.

— ძალზე ძვირს ვითხოვ, ბატონო ბლანშენ...

— რამდენს?

ბლანშენს მართო ეს სიტყვა უტრიალებდა თავში. მის ცხოვრებას სულ შვიდი ასო წყვეტდა — რამდენი? ექნებოდა კი იმდენი, რომ ჩემი სიჩუმე ეყიდა?

ბლანშენს ჩემი სიტყვებით ცივი წყალი გადავასხი.

— მე თქვენზე მდიდარი ვარ, მაგრამ ცხოვრებაში ბევრი ფული არ არის მთავარი, ზომიერება სჯობს.

ის გაოგნებული შემომყურებდა.

— მერე?

— ვისაუბროთ გულახდილად; არის ერთი კაცი ახლობლების წრიდან, რომელიც ძალზე მიშლის ხელს... თქვენ მკვლელი ხართ, მე — არა. თუ თქვენ ამ ვილატას მომაშორებთ, წერილს დაგიბრუნებთ და გავქრები.

მან თავი გაიქნია.

— არა, არა!

ვიცილი, ჩემი გამარჯვება ჩემს საქციელზე იყო დამოკიდებული. ოდნავი სიყალბე ან ზედმეტი სიტყვა მიმართვისას და ბლანშენი უარს მეტყოდა. წამოვდექი.

— კეთილი, როგორც ჩანს, ლაპარაკის გავრძელებას აზრი არა აქვს, —

ვთქვი და ოთახიდან გავიქედი. სახლის წინ მზით განათებული ადგილი გავიარე, ხის კარს ხელი ვკარი, ზარი აზრიალდა, რომელიც ბლანშენის გულს სამგლოვიარო რეკვად მიუღო და არა მარტო მის გულს, საფრთხეს მეც ვიზიარებდი.

უცებ მისი საცოდავი ხმა მომესმა:

— ჰეი!

გზა განვაგრძე. დათმობას არ ვაპირებდი.

— ჰეი, ბატონო დიუტრა!

მაშინ კი შევჩერდი. ბლანშენი წამომეწია. ჩემკენ რომ შორბოდა, მაშინ შევამჩნიე, როგორ დანიავებულიყო, მსხალს დამსგავსებოდა.

— რა მოხდა? — ვთქვი ჩურჩულით, როგორც კი გამისწორდა.

— ნუ წახვალთ, დაიცადეთ...

— ჩემო ძვირფასო, აბა რაღა გვაქვს სათქმელი? აღარ ღირს დავუბრუნდეთ ჩვენს საუბარს...

ბლანშენი ფეხის წვერებზე იწეკდა და ჩამოშვებული ყბები უქანავებდა.

— რას აპირებთ? — წაიბურღლუნა მან.

— ეს ჩემი საქმეა...

— დაბეზლებას მიპირებთ?

— მოვიფიქრებ... დოკუმენტები ნოტარიუსთან ინახება. გულახდილად გეტყვით, რომ ჯაშუშობა არა მჩვევია...

ბლანშენმა თითქოს თავისუფლად ამოისუნთქა.

ვცდილობდი ლაპარაკი ამეწყვი.

— ამ შემთხვევაში ჯაშუშს კი არა და მონიძლავეს უფრო ვგავარ. ხელთა მაქვს ყველა მონაცემი, რომ მოსუენება დაგიკარგოთ, ბატონო ბლანშენ, სინდისი მეუბნება, რომ თქვენ წინააღმდეგ ვიმოქმედო... დღეიდან კი საკუთარ თავთან გაუთავებელ ბრძოლაში უნდა ვიყო... მიხვდით, რაშია საქმე?

ის ვერაფერსაც ვერ ხვდებოდა. შიშმა კი აიტანა...

— შეუძლებელს მთხოვთ, გესმით?!

ბლანშენს შევხედე.

— ეს რომ შეუძლებელი ყოფილიყო, თქვენს მოსაძებნად აქ არ ჩამოვიდოდი, საკმაოდ დარბაისელი კაცი გახლავართ...

— სიგიჟეა და მეტი არაფერი...

ბლანშენი მაღიზიანებდა. დრო გადიოდა, ჩვენს ლაყობას კი დასასრული არ უჩანდა. შალის ფილტვზე მის ერთ დილს ჩაუებლაუჭე.

— კარგად მომისმინეთ, ძვირფასო, თქვენი ცოლის მოკვლაც სიგიჟე იყო.

— ჩუ, — ისეთი სასაცილო სახე ჰქონდა, რომ გამელიძა. აზრი კი მაინც დავასრულე:

— ის მკვლელობა უფრო სახიფათო იყო, ვიდრე ეს, რომელსაც მე გთხოვთ. იმ შემთხვევაში თქვენ გილიოტინა არ აგცდებოდათ.

ბლანშენმა თრთოლვით ამოიკვნესა. ნელ-ნელა ღღვებოდა.

— ცოტა თქვენი მარიფათი, და ჩემი მოთხოვნა აღსრულდება. თქვენზე ეჭვს არაეინ მიიტანს, შეიგნეთ. მკვლელს მხოლოდ მსხვერპლის ნაცნობობა ამჟღავნებს. ეს შემთხვევა გამორიცხულია, თქვენ ხომ არ იცნობთ მსხვერპლს... თქვენ მხოლოდ მსხვერპლსა და უბედურ შემთხვევას შორის იქნებით შუამავალი.

მან თავი გაიქნია... არც უარი იყო და არც თანხმობა.

— საკითხს არასწორად სჯით, ძვირფასო ბლანშენ, — შევუტიე, — მე კი არ ვიყენებ თქვენ მიერ ჩადენილ დანაშაულს, დაუკვირდით, თქვენ მიერვე პირველად ჩადენილმა საქციელმა თქვენი ახლანდელი მდგომარეობა განაპირობა... გე-

გონათ, დანაშაულში ვერაფერს გამოგიჭერდათ, შეცდით, რადგან ვილაცამ მოგაკნით. ეს ვილაცამ მე ვარ. სპორტის ამ სახეობაში ფრე არ არსებობს. ან უნდა მოიგო, ან უნდა წააგო. რაც თქვენ ჩაიდინეთ, სასჯელს იმსახურებს. თუ ამ სასჯელს სასამართლო ტრიბუნალი გამოიტანს, თავს მოგკვეთენ, ხოლო თუ მე მოგკვეთე მკვლელობას ჩაგადენინებთ და ამით გამოგიტანთ განაჩენს. მურაბისპარია ბავშვებს ასე სჯიან ხოლმე... აიძულებენ კიდევ შეჭამონ მურაბი...
 ბლანშენს ვერ გადაეწვიტა. უცებ დრუნჩი გაუსწორდა.

— შემოდით...

პროვანსის ყაიდაზე მოწყობილ სასადილო ოთახში შევბრუნდით. ღია ფანჯრიდან დაფნის კრიალა ფოთლებში ცელქი ჩიტუნები დავინახე.

— ჰო, მერე? — შემეკითხა.

ეს იმას ნიშნავდა, რომ ბლანშენმა ფარ-ხმალი დაყარა.

— აიღეთ ფანჯარი და თვითონ ჩაინიშნეთ მისი სახელი და მისამართი...

ბლანშენი დამემორჩილა. ცხვირის ნესტოებზე ოფლი წვეთ-წვეთად ეკიდებოდა. დომინიკის მონაცემები ვუკარნახე. მერე ისევ მისი ფილეტის ღილს ჩავებლაუჭე.

— ახლა კი მისძინეთ... საქმე როგორც გინდათ ისე წარმართეთ. არჩევანი თქვენზეა. მხოლოდ იმას გთხოვთ, რომ ყველაფერი ერთ კვირაში მოამთავროთ. გასაგებია?

მან თავი გაიქნია:

— მესმის, მაგრამ გეთქვათ მაინც, როგორ...

— თქვენს ადგილზე ლობე-ვორეს არ მოვედებოდი. პირველ რიგში მანქანას დავაზღვევდი. გადამცემ ღილვს ოდნავ მოვუშვებდი და ერთ მშვენიერ დღესაც, ღღისით, მზისით საქმის აღსასრულლებლად გავემართებოდი მთელი სინქარით... თუ საქმის მსვლელობას ოფიციალურ სახეს მისცემთ, გართულებებიც მოიხსნება, ხომ ასეა? დიდი-დიდი, ტარების უფლებას დროებით გაგიუქმებენ, იმედია, დარდს არ გადაჭყვებით... საქმეც დასრულდება!— ჩაციებას აღარ ვაპირებდი. ჩემი სათქმელი ვუთხარი. თავისი საქმისა თვითონ იცოდა.

— როგორც კი შევიტყობ ამ საქმის შედეგს, იმ წერილს გამოგიგზავნით... დამე მშვიდობის...

უცებ შევამჩნიე, რომ ბლანშენის ფილეტის ღილი ხელში შემრჩენოდა. მაგიდაზე დავდე და ხმადაბლა ვუთხარი:

— მაპატიეთ!

თავი XVI

ვალთარებ, პარიზში დაბნეული ჩამოვედი. ბლანშენის დაყოლიებას მთელი ჩემი ძალ-ღონე შევადიე. ახლა კი, როცა საწადელს მივალწიე, თავი დამნაშავედ ვიგრძენი. მკვლეელი უნდა გავმხდარიყავი. თუმცა ჩემს შემთხვევაში დანაშაული მიმსუბუქდებოდა, რადგან დომინიკი იმსახურებდა თავის ხვედრს. მაგრამ ისიც ხომ სინამდვილე გახლდათ, რომ შუამავალი პირის საშუალებით კაცი უნდა მომეკლა...

ეს საქციელი არცთუ იხე დიდ სიამოვნებას მგვრიდა, როგორც ადრე მეგონა, მაგრამ მინას რომ ვიხსენებდი, ნამდვილ, მზიარულ და ლამაზ მინას, ყოველგვარი ყოყმანი მიქრებოდა. მჯეროდა, შურისძიება დამაშოშმინებდა და საქმე ჩემს სასიკეთოდ მობრუნდებოდა. ასეთი რწმენის ღირსი გახლდით. სანამ ეს დაუჯერებელი ამბავი თავს დამატყდებოდა, განა ამ ქვეყანაზე კეთილშობილური

სურვილები არ მამოდრავებდა? ჯერ მსხვერპლი გავხდი, მერე მოსარჩლე აღმოვჩნდი. საქმე სწორად ეწყობოდა, თითქმის ლოგიკურად.

ბაკუმაში ამხანაგს დაუბრუნებდა და ჩემი იქიდან ჩამოსვლის ტექსტი ვუკარნახე, რომელზეც ჩემ მაგივრად ხელი უნდა მოეწერა და გამეფებულიყო პარიზში ორი დღე დაყავი. ვცდილობდი ოდნავ მაინც ჩავყუჩებულყუჩებოდი. პატრულმა ვეფარეობის ყინი, რომელიც ბლანშენთან შეხვედრამდე მასულდგმულეობდა, ახლა აღარ მაწუხებდა. მინასადმი გიჟური, ვნებიანი სიყვარული მეუფლებოდა. ქალს ჩემად მხოლოდ მაშინ დავიგულებდი, როცა დომინიკი მოსცილდებოდა აქაურობას. გამარჯვების გარდუვალობა სიამოვნებას მგვრიდა.

შინ ნაშუადღევს დავბრუნდი ავტობუსით. კარს ხელი ვკარი და კინალამ წავბარბაცდი... ყველაფერი ისევ ისე დამხვდა. მე რომ სინამდვილე არ მცოდნოდა, მეგონებოდა, რაღაც სიზმარი მესიზმრა-მეთქი. მინა იქ იყო, კართან, ისევ ისეთი, როგორც პირველად ვნახე. ჭაღარა, სათვალისანი, ქუთუთობთან პატარა ნაოჭი შევამჩნიე, თვალების მოჭუტვის გამო თუ გასჩენოდა... იდგა მშვიდი, შარავანდელით მოსილი. ჩამავალ მზის შუქზე ნამდვილ ქანდაკებას ჰგავდა. კერავდა, ფარდას ბოლოს უკეცავდა...

ხეივანის გავლისას თავი მოვთოკე და შინ ისე შევედი. მან თავი ასწია. დაღლილ სახეზე სიხარული მოეფინა. საკერავი სკამის საზურგეზე გადალო და ჩემკენ გამოექანა.

— პოლ, ჩემო ძვირფასო, როგორ მიხარია, რომ გხედავ!

მინა გულთან მივიკარი. ვიცოდი, ამ დარბაისელი ქალის ყალბი გმირის ნაცვლად რა განმსაც ვეხვეოდი... ფიქრი მისი მოქნილი და ლამაზი სხეულისკენ გამირბოდა, მისი ნორჩი სახისკენ... დიახ, განძი იყო, განძი, რომელიც მე ჯერ არ მეკუთვნოდა, მაგრამ ძალე...

მინას ტუჩებში ვკოცნიდი. მის სუნთქვას ჟოლოს სურნელი ასდიოდა:

— მინა, ჩემო პატარა ქალო, აი, ნახავ, რა ბედნიერები ვიქნებით...

— კარგად მოიარე?

— ჰო, ძალიან.

— დაღლილი ხარ?

— საკმაოდ... თქვენ როგორღა ხართ?

— არა გვიშავს... რომ იცოდეთ, დრო რა საშინლად გაიწელა ჩემთვის.

— მართლა?

— ო, რა ოსტატურად მატყუებდა.

— ჰო, მართლა! შენ რა, ეჭვი გეპარება?

— აქ იყავით?

— არა, დომინიკმა ამხანაგის ნახვა მოისურვა და მთხოვა, კანში გავყოლოდი...

კარგი ტყუილი მოიგონა. შემთხვევითობაც კი გაითვალისწინა. ხომ შეიძლებოდა რონშიეში ჩამოსვლამდე პარიზში, მათ სახლში შემეარა...

— კანში?!

— ჰო, დომინიკს უნდოდა, ხომ იცოდა მისი ხასიათი?

ისიც მობრძანდა, შავ შარვალსა და მეწამული ფერის პერანგში გამოწყობილი.

— ო, ხალამი მოგზაურს, ყველაფერი რიგზეა?

ერთმანეთს ხელი ჩამოვართვით.

— დედამ გითხრათ? სანამ თქვენ მოა-ბარი შეაჯერეთ, არდადეგები მოვიწყე...

ვუყურებდი დომინიკს, ვაკვირდებოდი მის ლაპარაკს, მოძრაობას, ღიმილს... ვგრძნობდი, მისი დასასრული გარღვეული იყო. ამ საქმის აღსასრულებლად პარიზში უნდა გამეგზავნა...

— გატყობთ, კარგი დრო გიტარებიან...

— ეჰ, რა დრო გვიტარებია... დრო გავიყვანეთ, თორემ სხვა რაქმები...

— თითქოს მზეც მოგვიდებიათ!

— არა მგონია, თქვამბრის მზეს რაღა ძალა აქვს, ზღვის პირზეც კი...

მინას ყოველი შემთხვევისთვის მრავალფეროვანი ვახშამი მოემზადებინა. მინას დანახვამ ისე გამახარა, რომ სიამოვნებით მიუუჯექი მაგიდას. მუხლებზე ხელსაწმენდს რომ ვიფარებდი, გული შემიქანდა. მათ ხომ ჩემი მოკვლა გამგზავრების წინ ჰქონდათ ჩაფიქრებული, მაგრამ არ გამოუვიდათ. ალბათ, ახლა ჩემს ჩამოსვლას უმიზნებდნენ. სიკვდილი მიახლოვდებოდა. ის აქ იყო, ამ ოთახში, კატასავით ცეცხლის წინ თვლებდა... მე ჩამსაფრებოდა... მარჯვედ მოკალათებულ იყოს, იცოდა, რა უნდა ექნა.

— ჰო, მართლა, მანქანა მეორე დღესვე შეაკეთეთ? — შევეკითხე.

— აბა რა, თქვენ რაღა დაგემართათ?

— თქვენც ხომ ნახეთ, ლურსმანი გამიხდა მიზეზი. მიმართულება ვერ ავიღე, შევჩერდი. ვნახე, რომ წინა მარცხენა საბურავს სული გაეცხო. გამოცვლა რომ დავაპირე, შევამჩნიე, რომ არც სათადარიგო იყო კარგ დღეში. კიდევ კარგი ავტობუსმა გამოიარა:

— სათადარიგო საბურავს რაღა მოუვიდა?

— სარქველი ჰქონდა ამძვრალი... უვარგისი საცხის ბრალია. სულ ცოტაც და ცომივით ავიზილებოდი.

დომინიკმა მინას გახედა. ჩანდა მეთანხმებოდა.

— მართალია, — თქვა ხმადაბლა, — ცოტაც და ცომივით აიზილებოდი...

ერთი სული მქონდა მიმეხრჩო...

მინამ სუფრაზე სატაცური მოიტანა. ჯერ მე მომაწოდა, მერე დომინიკს. მაშასადამე, ჩემი იმქვეყნად გასტუმრება ახლა ჰქონდათ ჩაფიქრებული. მინამ საწებელით სავსე ჯამი მომაწოდა.

— მინა, გთხოვთ, ჯერ თქვენ მიირთვიეთ, — შევთავაზე.

მან თავი გაიქნია.

— სატაცური ლიმონის ფილეთი უფრო მომწონს.

— მეც ლიმონით მინდა, — განაზღა დომინიკი.

ერთი კოვზი საწებელი გადავიღე... ის იყო ვაპირებდი სატაცურის ამოვლებას, რომ გამახსენდა, ჩემი გამგზავრების წინა დღეს ვახშამად პატისონი გვქონდა. საჭმელს ორივემ საწებელი მიაყოლა.

შევეცადე გულგრილად მეთქვა:

— მინა, ნუთუ საწებელი არ გიყვართ?

— არა, კუჭის წვა ვიცი.

მინა აშკარად ტყუოდა. ფიქრი მომეძალა... ნუთუ ახლა მიპირებდნენ მოწამვლას? დიდ რისკს კი სწევდნენ... არა მგონია. მათ ხომ ნამდვილად იცოდნენ, რომ მე აფრიკიდან ჩამოვედი. იქ ჩემი ავადმყოფი ღვიძლი ხომ შეიძლება გამლიზიანებოდა. საჭმელში ალბათ იმდენი დოზა გაურიეს, ნელ-ნელა რომ იმოქმედოს. უცხად არ მომკლას. ამასობაში ავადმყოფობასაც დავიწყებდი, ისინი თავიანთ ექიმს მომიყვანდნენ. იმას უკვე ეცოდინება, რომ ადრე ციროზი მქონდა და თანაც ბაკუმიდან ახალი ჩამოსული ვიყავი...

— პოლ, რატომ არ მიირთმევთ?

აღბათ საწებელში ყველაზე ადვილი შესარევი იქნებოდა ის სისამაგლე-
დომინიკა მინას გადახედა. მის მზერაში ჩემი სიკვდილი ამოვიკითხე. ჩემთვის
ნანატრი დღეც დაუდგათ...

— მაინტერესებს, — ღიმილით, ოდნავ გასაგონი ხმით ვთქვი.

— მინამ სატაცური გადაიღო და შესაჭმელად შეაზავა.

— პოლ, რა გაინტერესებთ?

— რა შხამი გაურიეთ ამ საწებელში?

მინამ არაფერი შეიმჩნია. არც განძრეულა, თვალიც არ დაუხამხამებია...
მხოლოდ გაფითრდა, მერე კი საჩქაროდ გამიღიმა.

— პოლ, რატომ არ მოგწონთ საწებელი?

— გასინჯვას არ ვაპირებ...

ლაპარაკის დროს დომინიკს ვაკვირდებოდი. მასაც ფერი დაჰკარგვოდა. სი-
სხლიანი თვალებით იყურებოდა. შიშისგან ძრწოდა, მაგრამ შიშის მიღმა რისხ-
ვა იმალებოდა.

— რა ზღაპრებს ჰყვებით, პოლ?! — გაბყინავი ხმით გამოსცრა დომინიკა.

— კმ, მითხარით, დომინიკ, რახან კანში იმყოფებოდით, დედათქვენის შესა-
ხებ ხომ არაფერი ვაგვიგიათ ექსის თავშესაფრიდან? — კეტვით დაუცხე ვაჟბა-
ტონს. ნათქვამის შემდეგ გასულმა წამებმა ნაღველი გამიქარწყლეს და სიძულ-
ვილი დამიოკეს. მინამ, უთომც აქ არაფერიო, გონება მოიკრიბა. თითქოს განი-
მუხტაო. მისი ფსევდო-ვაჟი კი პირღია დარჩენილიყო. სადღა იყო დომინიკის
ანთებული მზერა?

მე ვითომც გულგრილად ავიღე სატაცურის ერთი ღერი და მინას იმ წუთე-
ბში გამოწურულ ღიმილის წვეწვში ამოვაკლე... ნელ-ნელა მივირთმევედი.

— მინა, თქვენ მართალი ბრძანეთ, მართლაც რა მშვენიერი ყოფილა ღიმი-
ლიანი სატაცური. რეცეპტს ხომ დამაწერიებთ?

დომინიკმა ძლივს წაიბურღლუნა:

— რა ამბავია, რა ხდება?

— დანაშაული, — ვეცი დომინიკს, — თითქმის სისხლის სამართლის დანა-
შაული... მინა, გულახდილად გეტყვით, ქერათმიანი უფრო მომწონხართ, ჭახჭა-
ხა ყვითელი ფერის საბანაო სამოსიც გიზღებათ. — თითოეული ჩემი სიტყვა,
ელღად ხვდებოდათ და გაოგნებულები იდგნენ. — მინა, აღარ მახსოვს ვითხარით
თუ არა. მე არ წავსულვარ ბაკუმაში... გამგზავრება იმიტომ მოვიმიზებუე, რომ
მოსაფიქრებელი დრო მქონოდა... კანის პლიაჟზე გიცქერდით და თქვენით ვიხი-
ბლებოდი. თქვენ კი ძვირფას „ბაეშუთან“ ერთად იყავით! კმ... — ჩავიქირქი-
ლე, — მეტსაც გეტყვით, დომინიკ, მოშვებული სარქველი, საბურავში ჩარჭობი-
ლი ლურსმანი — ყველაფერი მე მოვიგონე... ვცდილობდი ჩემი მანქანით მგზავ-
რობა ამეცდინა. მეშინია ისეთი მანქანის საჭესთან ჯღომა, რომლის მუხრუჭე-
ბის ბედი ძაფზე ჰკიდია.

მათ, როგორც ჩოგბურთის მატჩის დროს, ისე უყურებდი: ხან ერთს, ხან
მეორეს. კისერი გამიშეშდა. ო, რა სიამოვნებას მგვრიდა ორივეს დამცირება.
ვხარობდი, რომ დავცინოდი, რომ ორივე გამოჭერილი მყავდა... ჩემი საიდუმ-
ლოს გმირებს, ორ არამზადას დანაშაულზე წავასწარი. ძალიანაც უნდოდათ ჩემ-
თან ლაპარაკი, მაგრამ ვერ ახერხებდნენ. საბაბსაც ვერ პოულობდნენ. თავსარ-
დაცემულები იდგნენ. არ იცოდნენ, ბედისწერა რას უქადდათ...

— პირველ რიგში ჩემი ანდერძი გავაუქმე. თუ არ გახსოვთ, გაგახსენებთ,
შიგ რაც ეწერა. მის მაგივრად ნოტარიუსს დაწერილებითი წერილი დავუტოვე,

სადაც ვიუწყებოდი, რომ პოლიციისთვის ეცნობებინათ მომხდარი ამბავი. წერილს გახსნიან, თუ ჩემს სიკვდილს გაიგებენ...

საწებელს კოვზით ვურევდი, ხან ზემოდან ნელ-ნელა ვაწვევებდი სიხუმე იდგა. აებედითად გაისმოდა საწებლის წვეთების წკაპუნის.

— ჰო, ამიერიდან თქვენთვის ყველაზე დიდი ქონება ჩემი ვანკრეფი იქნება! — გამეცინა. — ხომ სასაცილოა?

მინა გონს მოეგო... ფერი მოუვიდა.

— როდის მიხვდით, რომ...

— რას, საიდუმლოს? კარგახანია... ჩემო პატარავ, როცა ასაკოვანი ქალი თავს ახალგაზრდად გაჩვენებს, შეიძლება წუთით მოტყუვდე და დაიჯერო. როცა ძალზე ლამაზი ახალგაზრდა ქალი თავს იბერებს, მაშინაც იგივე ხდება. — მიუხედავად არასახარბიელო მდგომარეობისა, მინამ ქათინაური შეიფერა. ისე შემომხედა, რომ სასიამოვნო ჟრუანტელმა დამიარა ტანში. მისი მზერა მიწვევდა. აქამდე სულელი მსხვერპლი გახლდით, დღეს კი ყველაფერი სხვანაირად დატრიალდა, სადაცეები მე მეჭირა ხელში, ჩემი დასაცინი გახდა ერთიც და მეორეც. მინამ სწრაფად აულო ალლო მდგომარეობას და შემეკითხა:

— პოლ, რას აპირებთ?

— აბა, გამოიცანით!

ქალმა გამიღიმა.

— რომ გამოვიცნო, თქვენს ხასიათს უნდა ვიცნობდე. გარდა ამისა, აზრი რომ შევიცვალე თქვენზე, ამას დრო სჭირდება.

წამოვდექი, რომ მუხლები გამეშალა... სამხარეულოდან დამწვარი ხორცის სუნი გამოდიოდა.

— მოდით ჯერ ხორცი გამოიღეთ ქურიდან...

ჩემი სიმშვიდით და იუმორით ორივე არამზადას ლაგამი მოვდე.

მინა არ განძრეულა. მე გავედი და ელექტროქურა გამოვრთე. როცა მოვბრუნდი, ორივე ისევ ისე იდგნენ, როგორც დავტოვე, გაშეშებულები, ერთმანეთისთვის არც კი შეუხედავო.

— ახლა რა ვიღონოთ? — თქვა ხმადაბლა ქალმა.

მე დომინიკს მივუახლოვდი. მოშვებული გულგრილად იდგა. ლამაზ, წითელ პერანგში ვწვდი და სამჯერ სილა გავაწანი.

— სილა სახეზე ფერს მოუყვანს, — აღმოძნდა. ნატკენი ხელი შარვალზე მოვისვი, — რა უნდა ვიღონოთო, მკითხეთ. — ისევ ჩავიცინე, — აი, რა უნდა ვიღონოთ. ეს უმსგავსი ბიჭი ერთ ხელში თავის სათხუპნ საღებავებს დაიჭერს, მეორეში — ჩემოდანს და ჰაიდა, აქედან მოუსვამს!

დომინიკი ისევ გაუნძრევლად იჯდა. ველარ მოვითმინე. მის სკამს წიხლი ვკარი. ვაუბატონი იატაკზე გაიშხლართა. სასაცილო შესახედი იყო. სწორედ ეს მიხარებდა გულს. თმაში წაუწვდი, მიხლოდა წამომეყენებინა, სიმწრისაგან კვნესოდა.

— ოთხ წუთს გაძლევ კარვის ასაშლელად, პატარა ბიჭიკო. ცუდი არაფერი ჩაიფიქრო, თორემ მობრუნებას ვერ მოასწრებ, საკანში ამოყოფ თავს. მე წინასწარ გავთვალე ყველაფერი... ერთი გამოსავალი გაქვს. წაბრძანდი და თვალით არ დამენახო, ვითომ მოკვდი, გაიგონე?!

მან რალაცნაირად მანიშნა, რომ შეთანხმებულია, და მეც პანჩურით გავაგდე ოთახიდან. მინა ფიქრმა წაიღო. მივუახლოვდი. ეგონა, ცემას ვუპირებდი, და უნებურად ხელი ამიქნია. სათვალე შევხსენი, იატაკზე დავაგდე და ფეხით შევდექი.

მან წამჩურჩულა:

— პოლ, რას აკეთებ?

— გალამაზებ, ისეთივე მშვენიერი მინდა იყო, როგორც კანის პლიაჟზე... ისეთი მომწონხარ, ყვითელ საბანაო სამოსში... ყვითელი ფერი ხომ გამარჯვების ნიშანია, არა?

მინას ნიკაპი ავუწიე. ნაღვლიანი და ფიქრიანი საყვარულად მიყურებდა. ავლელდი. თვალები დაეხუჭე და მის ბაგეს დავეწაფე. მინდა და მსხვერპლი წარმომედგინა, როგორც იქ, კანში, ზღვის ნაპირზე ვნახე. კოცნა მანამდე გაგვიგრძელდა, სანამ შემოსასვლელი კარი ბოლომდე თვითონ არ მიიხურა!

თავი XVII

უცნაური რამ მოხდა. დომინიკის არყოფნა ორივეს დაგვეტყო. ჩვენი შემთხვევის გამო მე და მინას გვიჭირდა პირისპირ დარჩენა. ის ფრთხილობდა, განმარტოებით ყოფნას ამჯობინებდა... როგორც ქალებს სჩვევიათ, მდგომარეობას მედიდურად იტანდა. გულის სიღრმეში ვერ გამეგო, რომელი ჩვენთაგანი ართმევდა თავს უკეთესად საკუთარ როლს.

მინას წინ დაუუჯექი. ხელები მაგიდაზე დავაწყობინე. თითებია გაჰყინვოდა... საჩვენებელი თითით პულსს დაუწყე ძებნა, მაგრამ ამაოდ.

— მინა, ჩემს ადგილზე სხვა კაცი პოლიციას შეატყობინებდა. მე ასე არ მოვიქეცი, იმიტომ რომ მიყვარხარ...

მან წარბი ასწია.

— პო, ხომ ეიცო, რა დღეში ჩამავდე, მაინც მიყვარხარ... ვაღიარებ, არ მრცხვენია... გინდა თუ არა, სიყვარულში უნდა მითანავრძნო. დაუბრუნდები შენს ყმაწვილქალობას, ჩემ გვერდით იცხოვრებ. იმ ქალაჩუნას სიყვარულიც გაგივლის...

მან თავი გაიქნია.

— შენს ხელში ვართ, სხვა რა გზა მაქვს, უნდა დაგემორჩილო, მაგრამ მაგის იმედი ნუ გექნება, დომინიკი დავივიწყო...

სიბრაზისაგან ავენთე. მის ხელებს ისე ძლიერად მოვუჭირე ხელი, რომ მინამ ტკივილისაგან შეჰყვირა.

— სწორედ რომ დაგავიწყდება! ეგ რა კაცია, ლაჩარია და სხვა არაფერი, მაგ ჭიის სიყვარული რა შენი საკადრისია.

მინას უღიმღამოდ გაეღიმა.

— ქალები არ გცნობია, პოლ! დომინიკი სწორედ იმიტომ მომწონს, რომ უსუსურია. სწორედ დომინიკისათვის მინდოდა შენი ფულიც... როცა გავიცანი, შიშშილით კვდებოდა, იმისი ძალაც არ ჰქონდა თავის უბედურ ხეედრს შეჭბრძოლებოდა. ბავშვობაც...

— მინა, მომეცი ხელი, მიმიფურთხებია მაგისი ბავშვობისათვის, ვიცო, რომ გიჟის გაჩენილია, ხომ შევუწყვე ხელი გაქცეულიყო...

მინამ გაყინული ხელები ჩემგან გამოინთავისუფლა...

— მეზიზღები, პოლ!

წაებარბაცდი.

— მოიცა, მინა, ნუ მიშორებ თავიდან... შენ...

— რა მე?

— ინანებ!..

— მაინც გეტყვი, რახან ყველაფერი დამთავრდა. ისე მეზიზღები, როგორც არავინ არასდროს მზიზღებია... შენი ხელის შეხებაზედაც გული მერევა... რაღაცნაირი უნიათო, საცოდავი და სულელი ხარ... პო, სულელი... ხელში კი ჩავვი-

გლე, მაგრამ მაინც იდიოტი ხარ. მინდა იცოდე, მარტოხელა კაცი ყოველთვის ავადმყოფია. შენ კი გვინდა, რომ ძლიერი ხარ, შეგიძლია დომინიკს მუშტი ჰკრა, მაგრამ იცოდე, ეს არ არის ძალა... ძალა სილამაზეა, მოხდენილობა, გესმის? შენ ერთი დაკუნთული შტერი კაცი ხარ! ის კი...—მინას ხმა ჩაუწყდა. ცრემლებმა თვალები აუელვარეს. — დომინიკს განგებამ ყველაზე დიდი ჯილდო აჩუქა — სილამაზე... ისე მსუბუქად დადის, თითქოს ცეკვაესო... როტანტის მხნეობა, ხორციელად ბედნიერი ცას ვწვდები, ჩემი სიყვარული ღამის დასმისა და ამადღებული...

მინას სილა მოუქნიე. მან აიცდინა და მოქნეული ხელი ცხვირში მოხვდა. სისხლი წასკდა... არ განძრეულა. ცხვირიდან სისხლი წვეთ-წვეთად მოსდიოდა, ტუჩებს გვერდს უვლიდა და ნიკაპზე ჩამოსდიოდა...

— მინა, რაღას უყურებ, მოიწმინდე სისხლი!

მინა გაქვავებული იდგა. მე ხელსაწმენდს დავაუღე ხელი და წყლის ქილაში დავასველე... ცხვირიდან სისხლი შევუჩერე და გადაგდებული თავი დავუჭირე. სახე ნიკაპთან სისხლით ჰქონდა მოთხუპნული და აუშნოებდა.

— წადი, დაიბანე!

მინა წავიდა, ტუალეტამდე მივყევი, რომ დამენახა, რას აკეთებდა.

— მინა!

— რა იყო?

— რაც არ უნდა მითხრა, გადაწყვეტილებას არ შევიცვლი. ამოირჩიე — ან ორივე ციხეში ამოყოფთ თავს, ან ჩემთან დარჩები... თუ გინდა მომკალი... შენ გამო ჭკუას ვკარგავ, ჩემი იმედი ხარ, მხოლოდ შენ ხარ ჩემი ცხოვრების აზრი... როგორც გინდა ისე მიმსახურე. მეზიზღებით, რომ მითხარი, კეთილი, ეგრე იყოს... მე იმ აზრსაც კი შევეგუე, რომ დამნაშავე ხარ, იმასაც, რომ გინდოდა მოგკალი... მარტოსული ვარ, ჰო, შენც ხომ მითხარი, მარტოსული ხარო, გესმის, მინა?!.. მარტოსული ვარ, მარტოსული!.. — ვყვიროდი გაუთაუებლად. სააბაზანოს ფილაქანზე მუხლებზე დავეცი და ავქვითინდი!

მინა მომიახლოვდა... ცრემლებს მიღმა მისი მოხდენილი ფეხები დავინახე, ვიწრო ქვედატანში მისი შიშველი სხეული შევიგრძენი.

მან თავზე მომხვია ხელი და თავის თბილ სხეულზე მიმიკრა.

— მეცოდები, პოლ, მეცოდები...

მთელი ღამე ჩაცმულებმა ჩემს საწოლზე გავათენეთ. მინა თავის ნამდვილ ცხოვრებას მიყვებოდა... მისი სახელი და გვარი შენევივ პარდონი ყოფილა. მამა ქალაქ ლილის კომერსანტი გახლდათ. ყოფილი მშობლებმა მინას დამოუკიდებელი ცხოვრებისკენ ღტოლვა ვერ აიტანეს და ერთ მშვენიერ დღეს პარიზში გაუშვეს... მალე ხმა მიუვიდათ, მინამ თავაშვებული ცხოვრება დაიწყო, და სამუდამოდ გამოუკეტეს კარი...

მინა დაიბნა ქალაქში, მარტო... რა აღარ გადახდა თავს, შერე დომინიკ გრიზარს შეხვდა და დიდი სიყვარულიც ეწვია...

მინა მშვიდად, წყნარად მიყვებოდა, მეც ბოლომდე ვუგდებდი ყურს, მაგრამ მისი ცხოვრების ამ ნაწილის მოსმენა არ მსიამოვნებდა.

— გაგვიჭირდა ცხოვრება. დომინიკი მოუხერხებელი კაცია, მე კიდევ უბრალო სამსახურის გამო მარტოს ვერ დავტოვებდი... ჰოდა, ერთ დღესაც გადაწყვეტეთ „საქმე“ გვეკეთებინა. ჯერ შანტაჟის მოწყობაში დავოსტატდით... გამოვიჭერდი ერთ მდიდარ ვინმეს, ხელში ჩავიგდებდი მისი სახელის გამტებ წერილებს, თუ აუცილებელი გახდებოდა, საჭირო ფოტოებსაც მიუაყოლებდით და შერე...

თავი კელარ შევიკავე:

— ო, რა ბინძური დედაკაცი ყოფილხარ, მინა!

მან თავი გაიქნია:

— შენ არაფერი გაგეგება, პოლ...

— ჰო, კარგი, განაგრძე...

ერთ დღეს რესტორანში ვიყავით, ეტყობა, ვიღაცას გულუფრად შეგვჩენოდა მაგიდაზე. დომიმ შენი განცხადება წაიკითხა და სიცილით მანიშნა: აი, ვიპოვეთ, ვისაც ვეძებდით. ამ საცოდავს საქორწინო განცხადებების ნაგავში მარგალიტი უნდა იპოვოს და ამის გამო კიდევაც გარჯილა, სტრიქონში ორასი ფრანკი გადაუხდიაო.

სიმწრისაგან ტუნზე ვიკბინე. მინა ღიმილით მიმზერდა.

— დომი მართალი იყო, შენც ხომ იცი, რა მშვენიერი გეგმა შევადგინეთ, აღიარე, ხომ ცოტაღა გვაკლდა, ჩანაფიქრი აღგვესრულებინა...

— სწორედ შენმა დომინიკმა ჩაგიფუშა ყველაფერი; მიხვლი, რომ დიდი ვერაფრის მაქნისია ეგ შენი ვაჟბატონი.

— ჰო, ბავშვია... იმიტომაც მიყვარს. ვერ ვიტან ძლიერ და უხეშ მამაკაცებს... დომინიკი ჩემთვის ყოველთვის ბავშვი იქნება, გესმის, პოლ? მთელი სიცოცხლე მეყვარება...

მინას სიტყვები აღარ მაბრაზებდა, რაღაც უცნაურ, სასიამოვნო ტკივილს განმაცდევინებდა.

— კარგი, გიყვარდეს...

სხვა აღარაფერი გვითქვამს. სინათლე ჩავაქრე. ერთმანეთის გვერდით მოკუნტულები ვიწექით, როგორც ორი ავადმყოფი ძაღლი. ჭერში მოციმციმე მთვარის შუქს შევცქეროდი. მას ბლანშენის ფერი დასთამაშებდა... ჰო, ბლანშენის, ავადმყოფის უსიამოვნო მომწვანო-მოყვითალო ფერი... ბლანშენზე დიდ იმედებს ვამყარებდი.

თავი XVIII

მინამ პირველმა გაიღვიძა. საწოლიდან წამოხტა და კიბეზე ჩაირბინა. უცებ რაღაც უნდობლობა დამეუფლა. წამოვდექი და უკან გავყევი, ვიცოდი, რისთვისაც ემზადებოდა. მინდოდა ხელი შემეშალა... როცა საერთო ოთახის კარი შევაღე, მინას ტელეფონის ყურმილი უკვე ხელში ეჭირა...

უცბად შევედი. შემომხედა. არ შემცბარა, არც წინააღმდეგობა გაუწევია, როცა ტელეფონი გამოვართვი და მარმარილოს მაგიდას დავახეთქე. ყურმილს ხელი კი წავაშველე, მაგრამ აპარატი დაიმსხვრა.

— მინა, — მივმართე უფრო ამღვრეულმა, — ხომ გაგაფრთხილე, იმ კაცთან ყოველგვარი ურთიერთობა უნდა გაწყვიტო-მეთქი... დამთავრდა ყველაფერი! გესმის? დამთავრდა! ერთადერთი ადგილი, სადაც მისი ნახვის შესაძლებლობა გეძლევა — სასამართლოს დარბაზია...

მან თავი გაიქნია.

— კარგი, პოლ, მაგრამ გაფრთხილებ, რომ აუტანელი პატიმარი ვიქნები... — ქალი მშვიდად ლაპარაკობდა. ლოყაზე მიკეფერე.

— მჯერა, რასაც ამბობ... მეც გაფრთხილებ, დიდზე დიდ მოთმინებას გამოვიჩენ!

დილის საუზმე ერთად მოვამზადეთ... მოწამელის აღარ მეშინოდა. ვგრძნობდი, არც ჩემს მუქარას ეწერა აღსრულება, მაგრამ სიკვდილის არ მეშინოდა. მერ-

ჩივნი მინას ხელით მოემკვდარიყავი, ვიდრე სხვა უბედურება დამტყდომოდა თავს.

— პოლ, მითხარი, რას აპირებ?

— ორლენში მივდივართ...

— ანდერძის ტექსტი კიდევ ერთხელ უნდა შეცვალო?

— არა, მინდა ვადასხვანაირდე, შენი სახე დაიბრუნო. შენც სიხარული შენა

ოცი წელი... ისე, ზუსტად რამდენი წლისა ხარ?

— ოცდაექვსის...

მინას სახეზე ვაკვირდებოდი, უსათვალოდაც დასტყობოდა სიმკაცრე.

— მოემზადე!

— შენი ნებაა...

მინა ორლენის საუკეთესო პარიკმახერთან მივიყვანე. ყველას გასაოცრად სალონშივე დავექეცი და დავუცადე. წუთიც არ მინდოდა მარტო დამეტოვებინა, რომ იმ კრეტიზისთვის არ დაერეკა... მაინც რა ფარული ხიბლი ჰქონდა ისეთი იმ ვაჟბატონს? მინა მის სილამაზეზე მელაპარაკებოდა. მე კი არ მესმოდა, რა მოსწონდა იმ სულელის? ახალგაზრდა კაცი იყო, ეს იყო და ეს. ბლანშენი რომ ვნახე, სწორად მოვიქეცი. მხოლოდ სიკვდილით მოვიშორებდი დომინიკს...

სალონში კარგა ხანს ვიცდიდი. ორი საათის შემდეგ მინა გამომეცხადა. სილამაზე დაბრუნებოდა. უფრო მომხიბვლელი იყო, ვიდრე იქ, ზღვის ნაპირზე... შევხედე და ნერწყვი გამიშრა.

— ესეც ასე, — წაიხურჩულა მინამ და ჩემკენ შემობრუნდა.

მინას დიდებული გარეგნობა ჟინით მავსებდა.

— ასეთი მოგწონვარ?

— შენს ცქერას არაფერი სჯობს...

— ფულს დიდი ძალა აქვს.

მგონი, ოსტატიც ამ აზრზე იყო.

გარეთ რომ გამოვედი, ისე ვუცქერდი, თითქოს თვალებით შეჭმას ვუპირებდი.

მინას ჩემი ქათინაურები მაინც უტკობდა სმენას. შერიგების პირველი ნაბიჯი გადაიდვა.

— ახლა საით მივდივართ, ბატონო მცველო?

— ახლა შენი ასაკის შესაფერისი ტანსაცმელი შევარჩიოთ...

ვუყიდე ყვითელი მოდური კოსტუმი, ჩალისფერი კაბა, შავსარჩულიანი ყვითელი მოსასხამით... თეთრეული და საშინაო ლამაზი ხალათიც მივაძატე.

— აღბათ მაღლობა უნდა გითხრა, — სიტყვა ოხვრას ამოაყოლა მინამ, როცა მანქანაში ჩავსხედით.

— პირიქით, მე უნდა გითხრა მაღლობა...

— პო, რატომ?

— შენი სილამაზისთვის. ჩემი სიხარული ხარ, გესმის? აღარ ვნანობ იმ უაზრო, უცნაურ განცხადებას...

მან არაფერი მიპასუხა. მანქანის კარისკენ მიიყუთა და ხმა აღარ ამოუღია. ერთხანს არ ვიცოდი, როგორ მიმეპყრო მისი ყურადღება.

— დომინიკზე ფიქრობ?

— პო, თავი გამანებე...

მე თურმე აქსელერატორზე მიმეჭირა ფეხი და მანქანა წინ გაქანდა... ეს იყო ჩემი პროტესტის ერთადერთი გამოხატვა. კიდევ უნდა მომეცადა... ვიცოდი,

მინას რისი იმედიც ჰქონდა... არ ჩქარობდა. ნელ-ნელა მახვევდა სიცრუის ბადე-ში. ბოლოს და ბოლოს მომბეზრდებოდა ეს ეითარება და მინას დანახვა ჩემთვის აუტანელი გახდებოდა. დომინიკის წასვლამ გეგმები ჩაუშალა.

— მტკიცედ გადაწყვიტე, რომ ვაებატონს მოინახულებ? — შევეკითხე.

— დიახ.

— გჯერა, რომ დაგელოდებოდა?

— დარწმუნებული ვარ.

— იმსახურებს კი შენს ნდობას? ხომ ამბობდი — სუსტია, უსუსურიო. პო-და, სხვა ქალი გამოუჩნდება. დომინიკის ფარული ხიბლი იმასაც მოაჯადოებს...

— არა, არა მგონია.

— მინა, რა შენი ბრალია, ასე ხდება ხოლმე, ადამიანი ცდილობს მოიწყოს თავისი ცხოვრება. ის შენზე აღარ იფიქრებს.

მან ტუჩზე იკბინა...

— ასე მგონია, გინდა გამეკცე, მართალია?

— შეიძლება!

— იცოდე, შეცდომას დაუშვებ... იფიქრე დომინიკზე; რა ცხოვრებაც აქვს, ისიც არ ექნება...

მან ამოიოხრა.

— არ მავიწყდება, პოლ, მუნდუ...

მეორე დღიდან ჩვენი ცხოვრება იმ ბედნიერ დღეებს დაემსგავსა, ადრე, დომინიკის ჩამოსვლამდე რომ ვქტონდა. გადიოდა უღრუბლო დღეები, ძილისგუდებად ვიქეცით. ლოგინიდან შუადღემდე არ ედგებოდით, მადას არ ვუჩიოდით. მინას ხშირად ხელში აეიტაცებდი ხოლმე. ქალი სუსტად გრძნობდა თავს, წინააღმდეგობას ვერ მიწევდა და იძულებული იყო ჩემი სიხარული გაეზიარებინა.

ერთი კი კარგად ვიცოდით, ჩვენს ცხოვრებას შხამი წვეთ-წვეთად ერეოდა. ხანდახან საცემრადაც კი ვიმეტებდი. ის მოთმინებით იტანდა ჩემს სილაქებს. ხანდახან მეგონა, სიამოვნებდა ასეთი ყოფა. მინა იმ ქალთაგანი იყო, რომლებიც ამ ქვეყანაზე იმიტომ ჩნდებიან, რომ იტანჯონ ან თავი გასწირონ... ამბოხი სული ჰქონდა.

ასეთ ყოფაში რამდენიმე დღე გავიდა. ბლანშენისთვის მიცემული დრო ამოიწურა... რას იქმოდა ნეტავ? ხომ არ გადაიფიქრა იმ დიპიანმა თავისი მზაკვრული გეგმის აღსრულება? ან იქნებ იმ საღამოს მომხდარი ამბით შეშინებული დომინიკი პარიზიდან შორს გადაიკარგა? ეჭვი შეპარებოდა... თითქოს თვალით ეხედავდი, როგორ იჯდა თავიანთ პატარა, ავეჯით გაჭედულ ოთახში და ელოდა მინასაგან ახალ ამბავს! აღბათ შინიდან იშვიათად გამოდიოდა. იქნებ სწორედ ეს იყო მიზეზი ბლანშენის უმოქმედობისა? რომ დავწყნარებულიყავი, რონშიედან წერილი გავუგზავნე. კონვერტში ცარიელი ქაღალდი ჩავდე. მხოლოდ იმ საცოდავის მისამართი ჩაეწერე. მინდოდა ბლანშენი გამომეფხიზლებინა და გამეხსენებინა დანაპირები. თუ ეგონა, რომ ხელიდან დამიძვრებოდა, ძალზე სცდებოდა.

სამი დღე გავიდა... კარგი დარი იდგა.

ერთ დღით, როცა ვსაუზმობდით, სოფლის ვაჟახანის პატრონმა, მწუხარე სახით, მინას სახელზე დეპეშა მოგვიტანა. ცისფერი ქაღალდი გამომიწოდა და ადგილიდან მოწყდა.

— რა მოხდა? — იკითხა მინამ...

მიხვდა, რომ დეპეშის ადრესატი თვითონ იქნებოდა. მღელვარებას ველარ ფარავდა.

— ჰო, შენს სახელზეა. ალბათ ვაჟბატონი გწერს...

მინამ მოკეცილი ქალაღდი ხელიდან გამოძვლიჯა და ფრწხილის ვაკვრით გადახსნა. ჩემს გულს ბაგაბუგი გაჰქონდა. ნეტავი რა ამბავი მოუტანა ამ ფირუზისფერმა მართკუთხა ქალაღდმა მინას?

მინამ დეპეშა გადაიკითხა. მომეჩვენა, თითქოს სახე ჩამოეგროძვლეს და აკრული ნიღაბი მისი სახიდან ნელ-ნელა ჩამოიშალა. მინას მშვიდად ეჭირა თავი. მან ქალაღდი მაგიდაზე დადო. წავიკითხე: „დომინიკ გრიზარი გარდაიცვალა. ვიზიარებ თქვენს მწუხარებას. მარი ბერტრანი“.

მეც გაუფითრდი.

— ვინ არის მარი ბერტრანი?

— მგონი, ჩვენი სახლის კონსიერჟია...

მინას ხმა არ შეცვლია.

— რა უნდა მოსვლოდა? — ვთქვი ჩურჩულით.

მან ტელეგრამა ხელში აიღო და კვლავ გადაიკითხა, მერე თითზე დაიხვია და მითხრა:

— ჰოლ...

— თქვი, რა გინდა?

— იცი რა?..

— თქვი...

— თუ დომინიკმა თავი მოიკლა, იცოდე, მოგკლაე!

სასძელის გორგოლაჭებთან მაგიდა ფეხით ჩემკენ მოვაგორე, რომ ერთი ბოთლი შვედური ვისკი ამეღო. ჭიქა შევაავსე და მინას გავუწოდე.

— ხომ იცი, ალკოჰოლს არ ვეტანები?

მისი სიმშვიდე სულს მიფორიაქებდა... მე ვისკი მოვსეი.

— ძლიერი ქალი ხარ, მინა...

— ჰო, ძალზე ძლიერი ვარ, ჰოლ! მანქანას არ გამოიყვან?

— რად გინდა?

— მისი ცხედარი უნდა ვნახო. მინდა დავრწმუნდე, რომ ცოცხალი არ არის...

მე მკლავებში ჩაკჭიდე ხელი.

— რა გიკვირს, ასეთი შემთხვევები ხშირია!

— ვიცი, ვიცი, მაგრამ მინდა ვიცოდე, როგორ მოხდა ყველაფერი.

მივხვდი, რომ მინას ვერ გადავათქმევინებდი.

— კეთილი, მოვემზადოთ, მაგრამ გაფრთხილებ, შენი გამოჩენა სარისკოა...

— რატომ?

— იმიტომ, რომ მამამისს უეჭველად შეატყობინებდნენ... ის თუ ჩამოვა და შენს თავს ანა-მარია გრიზარად გააცნობენ, ის ალბათ...

მინამ სიმწრისაგან დაიდმუვლა:

— მიმიფურთხებია ყველაფრისთვის... ჩემთვის სულერთია, ვინ რას იტყვის...

მინას მაინც გადავათქმევინე, რომ კონსიერჟი არ ენახა. მისი ოცი წლის გოგონას პირის კანი შეიძლება სკანდალის მიზეზი გამხდარიყო, მინა მანქანაში მულოდა, მათი ქუჩიდან ორი სახლის დაშორებით...

კონსიერჟმა ჩემს დანახვაზე ცრემლები გადმოყარა.

— ო, ჩემო ბატონო, რა საშინელება მოხდა! კიდევ კარგი, რომ თქვენი მისამართი მქონდა...

— როგორ მოხდა ეს ამბავი?

— მანქანა დაეჯახა, აი, დღევანდელ გაზეთშიც არის დაბეჭდილი. გუშინ საღამოს მოხდა ყველაფერი, ქუჩაში... დომინიკი ქუჩაზე გადადიოდა, მანქანას მიმართულება აერია და... ნუ წახვალთ ხანახავად, საშინელი შემთხვევა.

— სად არის?

— მორგში, სად იქნება!

მადლობა გადაუხადე.

— როგორ მეცოდება მაღამ გრიზარი, რით დავეხმარო?

— სამწუხაროდ, არაფრით...

მანქანაში ჩაუჯექი. მინას ფრჩხილებით დაეკლიჯა სკამზე გადაკრული ნაჭერი, სახეზე მკვდრისფერი ედო, საღლა იყო მისი ლამაზი, ცისფერი თვალები...

— როგორც შენ გეგონა, დომინიკს თავი არ მოუკლავს, — ვუთხარი მე, — მანქანა ტროტუარზე ამხტარა და გაუტანია. აი, ამ შემთხვევის გამო გაზეთშიც დაუბეჭდიათ წერილი!

მინამ გაზეთის გვერდი ხელში აიღო, მაგრამ ხელები ისე უკანკალებდა, ვერაფერი წაიკითხა.

— შენ წამიკითხე.

მეც კითხვა დავიწყე. როგორც ჩანს, ღიბიან ბლანშენს ამ საქმის ნიჭიც ჰქონია.

ყველაფერი ისე მოუწყვია, როგორც მე ვუკარნახე... მოულოდნელი უბედური შემთხვევა იმდენად სარწმუნოდ ჩათვალეს, რომ ბლანშენი მორალურად სუფთა აღმოჩნდა, არც კი დაუკავებიათ.

— ხომ წავიკითხე...

— ჰო, ახლა მორგში წავიდეთ.

— მაინც გინდა, რომ...

— ჰო...

— კონსიერჟმა მითხრა, რომ...

— იმ სულელმა რა იჩერჩეტა, სულ ფეხებზე მკიდია, პოლ, წამიყვანე მორგში...

— ვინ ბრძანდებით მიცვალებულისო, რომ გვეითხავენ, რა ვუპასუხოთ? დედაო, რომ ვთქვათ, არ დავვიჯერებენ... თუ იტყვი, ნათესაურო, არც ეს გამოდგება, ასეთ დროს მორგს არ მიადგებოდი.

— ჰო, კარგი, ვიტყვი, მისი საცოლე ვარ-მეთქი. ღვთის გულისათვის, პოლ, წამიყვანე!

— ღვთის გულისათვის! ჰო, მინა, შენშიც არის რაღაც ღვთიური! — ვთქვი ჩურჩულთ.

მინამ გაზეთი გამომართვა და მიუხედავად იმისა, რომ პოლიციელს მორგის ვხას ვეკითხებოდი, წერილი ყურადღებით ჩაიკითხა და ისე შეინახა ჩანთაში.

თავი IXX

სახლის კონსიერჟს არ გაუზვიადებია, როცა გვეთხრა, რაღაც საშინელი შესახედავიაო. დომინიკს ნახევარი სახე აღარ ჰქონდა. მანქანამ თითქოს მიზანში ამოიღო, დაეჯახა და თავი შადრევნის ქიმზე მიაჭყლეთინა... ცინკის კუბოში გამოტოვებული ყმაწვილი რომ დავინახე, გული არ გადამიქანდა... მართალია, ის ჩემი მიზეზით დაიღუპა, მაგრამ არ დამნახებია: რომ იტყვიან, სამართალმა პური ჭაპაო.

დომინიკი მაშინვე მომკვდარა „აღვალზე დალია სული“, — წერდნენ გაზეთში... ისეთი ჭრილობა ჰქონდა, ტკივილი არ უნდა ეგრძნო. ეს ყოფილა ამ კაცის ხვედრი.

დომინიკს რომ ეცოცხლა, უპატრონობისა და უსაქმურობის გამო ცხოვრება მაინც გადათელავდა. ერთი უზნეო კაცი იყო, სიბერე დააბეჩავებდა. ერთადერთი ხეირიანი საქმე, რაც მთელი თავისი სიცოცხლის მანძილზე მონაწილეობდა, ეს იყო, რომ მინას ჩემი განცხადება წააკითხა... დომინიკის უდიდესი ცხოვრებას ეს საქციელი ამართლებდა.

მინამ ცხედარს დახედა. მოსახმარებლად მზად ვიყავი, მაგრამ მისი შემხედვარე გავოცდი. იგი მშვიდად იდგა. ტუჩები ზიზღით მოემუწა. ეს იყო და ეს! წავიდეთ... — ხელი მოვკიდე...

მინა მორჩილად წამომყვა. ფეხსაცმლის ქუსლებს მორგის ქვაფენილზე კაკუნი გაჰქონდა, ყურს სჭრიდა მათი საშინელი გამოძახილი.

გარეთ გულიანად ამოვისუნთქე. ხრწნის საზარელი სუნის არ მშორდებოდა. შენობაში თითქოს ვერ ვგრძნობდი, მაგრამ გარეთ გამოყოფილი შმორის სუნის გულს მირევდა.

რა შექნა, არ ვიცოდი... დომინიკის დაკრძალვა თავგზას მიბნევდა. კონსიერჟი უთუოდ შეხედებოდა დომინიკის მამას. ცერემონიალის დროს რომელიმეს სიტყვა დასცდებოდა — ეს კი მოსალოდნელი გახლდათ — ისინი ერთმანეთს არ იცნობდნენ. მინას ნიღაბი ჩამოეხსნებოდა.

ეს ფიქრი მინას გავუზიარე. მან მხრები აიჩეჩა.

— რა უნდა ვქნა, არ წავალ დაკრძალვაზე და ეს იქნება!

ასეთ დათმობას მისგან არ ველოდი.

— მართალს მეუბნები?

— კატაფალკის უკან სეირნობა ჩემთვის რა ნუგეშია, პოლ!

ვიფიქრე, ეს აზრი სიმწარემ ათქმევინა-მეთქი, მაგრამ...

— არა აქვს მნიშვნელობა, სად დამარხავენ, მთავარია აქ... — მან გულზე დაიდო ხელი. — აქ არის მისი ნამდვილი სასუფეველი, მერწმუნე, პოლ, ის ჯერ არ დახურულა!

ჩველაფერმა მშვიდობიანად ჩაიარა. კონსიერჟს სახელდახელოდ შეთხზული ამბავი მოუყევი: საცოდავმა დედამისმა ეს ამბავი რომ გაიგო, ცუდად გახდა და ვერ ჩამოვიდა-მეთქი. ყოველ შემთხვევისათვის მთელი ცერემონიალის მანძილზე ამ საცოდავი კონსიერჟისათვის თვალი არ მომიშორებია. ამას ვლელავდი. დომინიკის მამას არაფერი ვაუვია... სანამ ის თავის შვილის „უბედური შემთხვევის“ ამბავს გაიგებდა, დომინიკი კარგა ხნის დამარხული იქნებოდა. და მერწმუნეთ, არა მხოლოდ მინას გულში.

დომინიკის დასაფლავების დღეს მინა სასტუმროში მელოდა. როცა მივბრუნდი, ქალი თვალცრემლიანი დამხედა. ბევრი ეტარა. დავწყნარდი. ჯერ ერთი იმიტომ, რომ წუხილის ასეთი გამოხატვა ბოლოს და ბოლოს ადამიანური საქციელი იყო, მერე იმიტომ, რომ ცრემლი აშუშებს ჭრილობებს, — ამას კი რა ვიწყება ჰქვია.

სიმშვიდე დამეუფლა. ამერიიდან ცხოვრება აეწყობოდა. უხიამოვნო ამბებს წერტილი დაესვა.

ოთახში ბოლიას ვცემდი. იატაკზე დაკებული წითელი ფარდავი ალაგ-ალაგ გაცრეცილიყო. ოთახის ბევრი ისე სევდიანად გამოიყურებოდა, თითქოს არავის

არაფერში გამოსდგომიყო და მხოლოდ ვიღაცის სურვილის საპატივსაცემოდ იდგა.

— მომისმინე, მინა...

ქალს შევხედე... მისმა სევდამ გამათბო. ისე მეამა, როგორც ვახუშტის შებინდება. ამ განცდისათვის თავს არ დავზოგავდი.

— მინა, მომისმინე...

— გისმენ...

— ჰო, რა უნდა შეთქვა... მიყვარხარ, მინა, გესმის, მიყვარხარ, მუდამ შეყვარები... მაგრამ... უნდა შეგელო. ადრე მშურდა შენი, ახლა კი შემეცვალა აზრი, მირჩევნია არ გეზიზღებოდე... ცოტა ფულსაც მოგცემ და გზა დამილოცნია... მინა მიყურებდა. ჯიბიდან კონვერტი ამოვიღე.

— აი, გამოძართვი, კონვერტში ორასი ათასი ფრანკია...

ახეთი მინა პირველად დაეინახე. ჩემ წინ სუსტი ქალი იდგა. თვალებში შევხედე, მინდოდა სიმართლე მერწმუნა... არ ვცდებოდი.

— მშვიდობით, მინა...

როგორც ბლანშენთან, აქაც კარისკენ წავედი ისე, რომ არ მოვბრუნებულვარ. როგორც მაშინ, ახლაც კარი გამოვადე და გავედი... იქნებ ეს თინი მაიმულეებდა ძლიერი ადამიანის როლი შეთამაშა? მაგრამ მინა ხომ ბლანშენი არ იყო... დავცქეროდი იატაკს და დამენძილ, გაცრეცილ ფარდაგს. ის იყო ლიფტთან მივედი, რომ კარის გაღების ხმა შემომესმა. ყელში რაღაც გამენასკვა...

— პოლ!

გავხედე. მინა კარს მიყრდნობოდა, აღარაფერი უთქვამს, მაგრამ მისი დუმალი მიხმობდა. შემოეჭრიალდი. ზურგიით სინათლისკენ აღმოჩნდი და ძლივს დაეინახე მინას სათნო სახე. სევდიან თვალებს შუქი ჩასდგომოდა. ერთი წუთი გაუნძრევლად ვიდექით, ხმა არ ამოგვიღია.

— პოლ, — წაიჩურჩულა მინამ, — არ დამტოვო...

იმ წუთის განცდას ვერ გადმოგცემთ. ვხარობდი. არ გეგონოთ, რომ გამარჯვება მივსებდა გულს, არა, ეს სხვა რამ იყო, უფრო სუფთა და წმინდა; მისი სიყვარული... გზა ძლივს გავიკვლიე, მინა მომეხვია. მომავალი მიღიმოდა. მინდოდა ლამაზი ყოფილიყო. იმედი ჩამესახა. მინას მოეხიბლა ვიღაც. დავავიწყებდი მისი ცხოვრების უსიამოვნო წუთებს...

ქალი ოთახში შევიდა. მეც შევეყევი.

— ბევრი იფიქრე, მინა?

— ბევრი ფიქრი რა სიკეთეს მომიტანდა?!.. უცებ გადავწყვიტე, ასე სჯობს...

— გეთანხმები.

მინა მაგიდას მიუჯდა და კონვერტი შეხსნა.

— წაიღე, პოლ!

— კი მაგრამ...

— აიღე, გეუბნები!

ფული მალულად ჩავიდე პალტოს ჯიბეში. მინამ თითქოს ამოისუნთქა.

— ვიცი, რასაც ფიქრობ, — მითხრა მინამ, — ხომ ისე მოვიქეცი, როგორც შენ გინდოდა?

— კარგი ერთი რა...

— ჰო, სიმართლეს ვამბობ. შენ იცოდი, რომ დაგიძახებდი, ამიტომაც მოაწყვე წასვლის სცენა...

მინა ფიქრს მიმიხვდა და გამანადგურა.

— ნუ უარყოფ, პოლ... ქალები ადვილად გრძნობენ სიყალბეს, მათი გაცურება არ არის იოლი.

— კი მაგრამ...

— პოლ, მე შენთან ვრჩები, მაგრამ იცოდე, გულზე არ მეხატები.

— მაშ რისთვის? — მოთმინება დაკარგე.

მინა თითქოს თავის თავში ჩაძირულიყო, დაძაბული, გაუბრუნებელი, გაუბრუნებელი.
ბოდა.

— არც შენი ფულის გამო, მეცინება ფულზე!

მე წამოვიყვირე:

— მაშ რიდასთვის, მინა, მითხარი!

— იმის გულისთვის, პოლ, გესმის, იმის გულისთვის!..

ალარაფერი მესმოდა. მინამ თავისი მხერა ერთ წერტილს მოაშორა, თითქოს გამოერკვაო.

— მე ისევ დომინიკთან ერთად ვიგრძნობ თავს, თუ შენს სახლში დავრჩები. შენთან ერთად ვიცხოვრებ, გესმის? როგორ ავიხსნა, არ ვიცი... ამიერიდან შენი დანახვით დომინიკი გამიცოცხლდება... იქნებ უაზროდაც მოგეჩვენოს ჩემი ნათქვამი, მაგრამ სიმართლეს გეუბნები, ასე განვიცდი... იქნებ იმ ადამიანთან სჯობდა შემეფარებინა თავი, ვისაც დომინიკი უყვარდა, მაგრამ სხვას რომ არავის ჰყვარებია ის საცოდავი?.. ამიტომ ვარჩიე, მისი სიყვარული იმ ადამიანის ჭერს შევაფარო, ვისაც სძულდა. ყველაზე მეტად გულგრილი ადამიანების მეშინია.

გამოგიტყდებით და შემეშინდა. სიკვდილის შემეშინდა. მივხვდი, რომ დომინიკის მოშორების მაგივრად მას სამუდამო სიცოცხლე მივანიჭე. ანგარიშში მოვტყუვდი... ეს უტვინო დომინიკი მინასთვის ლეგენდის გმირი გამხდარიყო. იგი ჩემ გვერდით იდგა, შეუპოვარი და გამარჯვებული... ბედნიერებას ხელიდან მაცლიდა. სიბრაზე მომერია. საშინელი, საძაგელი, უღმობელი გავხდი.

— რა გახდა ეგ შენი დომინიკი! — წამოვიყვირე — კი ბატონო, ვილაპარაკოთ მაგ კაცზე! ეგ ანგელოზი ხომ ნახე მორგში ყბადაჩეჩქვილი! მგონი, ყველაზე დიდი მადლი ამ ქვეყანაზე — სილაამაზეა, ასე არ არის? მერე, სადღა აქვს სილაამაზე იმ შენს ძვირფასს! იმ დომინიკზე იფიქრე, რომელიც მორგში ნახე, გესმის, ქეციანი ძაღლიც კი სჯობს ახლა იმას, სული მაინც უღვას.

ჩემი სიტყვების მრცხვენოდა, მაგრამ სათქმელი უნდა მეთქვა. ამბობენ, ჭირს ჭირით მოეკლებო.

— გაიხსენე, მკვლარი კურდღლის ბეწვივით როგორ მიჰკვროდა ქერა თმა გაპოხილ კეფაზე, იმ ფუქსავატის მშვენიერი სახე სიკვდილს როგორ დაემანჭა, დაესაჩინრებინა... გაიხსენე მისი გაყინული კანი. იმას ხომ ევლარ მიეაღერებები, იფიქრე, აი ამაზე იფიქრე, გესმის?.. მე კი ჩემი მხრივ ვეცდები, ის უნათლო მკვლელი არ დაგავიწყო. გეფიცები, ხშირად ვილაპარაკებთ მასზე... — ბოლოს ძალაგამოლეული დაუდუმდი. მინა მიტქერდა და ეღიმებოდა.

— ო, რა დიდი არამზადა ხარ, პოლ! შენ გვერდით ნამდვილად არ დამავიწყდება დომინიკი...

თავი XX

ჩვენ რონშიეში დავბრუნდით. მზე ჯერ კიდევ არ იყო ჩასული, როცა მოთეთრო ხის კარს მივაღექით. შევადეთ. შემოდგომის მზე ოქროსფრად ეფინებოდა ვახს. მეშინოდა, მინასათვის ნერვებს არ ემტყუნა, მაგრამ სახლის დანახვაზე მან სიმშვიდე შეინარჩუნა, მხოლოდ შესასვლელთან უანგისფერი საღებავის ლიქასთან შეჩერდა.

— აქ მოღბურტი ედგა და სურათების გადახატვას ცდილობდა, დიდ ნიჭს აფრქვევდა, — ვუთხარი.

მინამ მხრები აიჩეჩა.

— ნიჭი რომ ჰქონოდა, ძლიერიც იქნებოდა, პოლ...
მან გზა განავრძო.

— თუ გინდა ამ ლაქას აღვიღზე მოსაგონარი დაფა დაეწერა...
მინამ ღიმილით შემომხედა:

— არ არის საჭირო, ლაქა რომ გაქრეს კიდევ, ჩემი გულიდან არასოდეს ამოიშლება.

დროდადრო ერთმანეთს აღარ ვინდობდით ორი უგუნური მტაცებელივით. ეს საქციელი ჩვევად მექცა. მინა რომ გაბრაზდებოდა, სილამაზე უქრებოდა. მისი სახე აუტანელი სისასტიკის ნიღაბს ირგებდა. მეც მინასადმი სიყვარულში სიძულვილის ძაფებს ვეძებდი.

ორი დღე უსიამოვნებაში გავიდა. მინამ დომინიკის ოთახში მოისურვა დაწოლა და კარსაც გასაღებზე კეტავდა. ჩვენ არავითარი ურთიერთობა არ გვქონდა. გამოვგიტყდებით, სურვილიც არ გამაჩნდა. გარდაცვლილზე ფიქრმა ისე აურიო გონება, რომ ვერც კი ვეკარებოდი.

დღის განმავლობაში კამათის მიზეზი არ გველეოდა. ხან მაგიდასთან მდგარი დომინიკის ცარიელი სკამი გვიხდებოდა მიზეზი, ხან ჰალსტუხი, ხან წიგნი... ორივე ისე ავბრიალდებოდით ხოლმე, ცეცხლმოკიდებულ ფიჩხს რომ ნავთს დაასხამენ.

ამ ამბებით გაოგნებულს ხულ დამავიწყდა ბლანშენი. ერთ დღით ფოსტალიონის დანახვაზე წამოვხტი. ბარათი მოგვიტანა. მარსელიდან იყო გამოგზავნილი. ეს ბარათი უსიტყვო პასუხი იყო იმ საქმის გამო, რომელიც ბლანშენს ჩავადენინე. ღია ბარათს მხოლოდ ჩემი მისამართი ეწერა. მეორე მხარეს პარიზის დუთისმშობლის ტაძრის ხელი იყო აღბეჭდილი.

მინამ წერილების ყუთიდან ბარათი ამოიღო და საუზმის დროს მომიტანა.

— ხვდები, რას უნდა ნიშნავდეს?

მე ღია ბარათზე გამოხატულ ქანდაკებას შევხედე, რომელიც გუმბათივით ედგა ბაზილიკას.

— ღიახ!

— ჯინ ვიგზავნის?

— ერთი მეგობარი.

— აატომ არაფერს გწერს?

— იძიტომ, რომ ოთხკუთხედი თეთრი ქალაღდი უფრო მეტს მეუბნება...

— ამით ერთობი?

— რითი?

— გამოცანობანას თამაშობ და ერთობი?

— არა, აკი ვითხარი, გამოცანობანას კი არ ვთამაშობ, ეს საქმე მე და ჩემს მეგობარს გვეხება... ასე უსიტყვოდ მეხმაურება და მეუბნება, მახსოვხარო...

— მაგ კაცის ვაღი ვაქვს?

— არა, ვაღზე მეტია, რაც მაკაკშირებს...

მინა გაჩუმდა. მე სარდაფში ჩავედი, რომ თარიღან ჩემი დატოვებული ჟერმენ ბლანშენის დახეული წერილი ამეღო. ისევ იქ იღო, ცოტა კი დანეხტიანებულიყო, საწამლაუიანი შუშის გვერდით. თავიდან გადავიკითხე: უნდა ითქვას, რომ ამ საბრაღო ქალმა თავისი წერილით უნებლიეთ ორი აღამიანი გაისტუმრა

საიქიოს. წერილი კონვერტში მოვათავსე და ზემოდან ბლანშენის მისამართი დავაწერე. მერე მოკეცილი კონვერტი ქურთუკის ჯიბეში ჩავიდე... არ მინდოდა გამოსაჩენ ადვილზე ყოფილიყო...

წერილის გაგზავნას ვჩქარობდი. ბლანშენის მოვალედ ვგრძნობდი თავს. ამ კაცის ნამოქმედარმა არავითარი სარგებლობა არ მომიტანა. თუმცა ამ საქმეს ვატრული სარგებელი არც გააჩნდა.

მინა სააბაზანოში ბანაობდა. ის გამოვიდა და მე შევედი. ქალს ლამაზი თმა-ზე პირსახოცი გადაეკრა. ტანთ გავიხადე და დასაწყენარებლად ცივი შხაპი გადავივლე. ერთი წუთის შემდეგ მინა მობრუნდა, ხელ-პირის დასაბან ოთახში შემოვიდა.

— რა გინდა? — გამოვძახე საშხაპედან.

— ჩემი წინდები...

მინა კვლავ გავიდა. კარგა ხანს ნემსებივით მჩხვლეტდა ცივი შხაპი. სიცოცხლე აღარ მინდოდა. უსაზღვრო სიმარტოვე ვიგრძენი. საკუთარ თავს ველარ ვიტანდი. ჩვენი ერთად ცხოვრება სიკეთეს არ გვიქადდა. მერჩივნა გავცლოდი მინას და აფრიკაში დაებრუნებულიყავი. აფრიკაში მინა ჩემთვის აღარ იარსებებდა. მეც შევეშუებოდი მის განდიდებას... ჩემს წარმოდგენაში იმ სიმალლემდე ავიყვანდი, სადაც ჩემი სიყვარული დაუღებდა ბინას, მერე კი ნელ-ნელა საკუთარი სიმდაბლე ქვევით ჩამოაბრძანებდა.

წყალი გადავკეტე და ძუის ხელთათმანით ტანი სწრაფად დავიზილე. მერე პიჯამო ჩავიცვი და თხელ ქურთუკში გავყავი ხელი თუ არა, ჩემდა უნებურად ხელი ჯიბისკენ წავიღე: წერილი იქ აღარ დამხვდა. გამახსენდა, სააბაზანოში მინა რომ შემოიჭრა. სწრაფად გამოვკვარდი.

მინა მისაღებ ოთახში დაბალ მაგიდასთან იჯდა. მას ჩემი კონვერტი გაეხსნა და წერილი ამოეღო. მასთან ერთად ამოეღო გაზეთიდან ამოჭრილი ინფორმაცია, რომელიც დომინიკის დაღუპვას ეხებოდა.

ქალი ისე ჩაჰკირკიტებდა ქალაღლებს, როგორც მოსწავლე დასცქერის ხოლმე ძნელ გაკვეთილს. წარბები შეეჭმუხნა. როგორც კი შევედი, კარი მივიხურე და მივეყრდენი. მინამ გამოძხვდა. ძველებური მინა გამქრალიყო. სახე დაგრძელებოდა, ცხვირი წაწვეტოდა. ამოშაკებულ თვალებში სიკვდილი ჩაჰბუდებოდა და ორ ჩამქრალ ნალვერდლად ქცეულიყო.

არაფერი მითქვამს, ის ყველაფერს მიმიხვდა.

— არ მეგონა, თუ ასეთი არამზადა იყავი, პოლ...

— მადლობთ!

— შენი საქმე სხვისი ხელით მოაკვარახჭინე...

— მაშ რა გეგონა?

— მე და დომინიკის დანაშაული შენთან შედარებით რაღა მოსატანია!..

— ჩემთვის უნდა გეკითხათ რჩევა.

მინა თვალს არ მაშორებდა.

— თქვენ, კეთილშობილო ადამიანებო, თქვენი კეთილდღეობისთვის შეგიძლიათ კაცი მოაკვლევინოთ...

— აჭარბებ, მინა... მე საკმაოდ მოკრძალებული კაცი ვარ. ჩემი საქციელით კანონიერად დავიცავი თავი!

მინა ისევ მიყურებდა. მის უსიცოცხლო თვალებში ჩემი სიკვდილი ამოვიკითხე.

მინა ჩემს მოკვლას აპირებდა. ეს ჩემი ბედისწერა იყო. სევდა შემომაწვა.

თანახმა ვიყავი.. სიკვდილი ჩემთვის იდუმალი და გონიერი გამოსავალი იქნებოდა.

— ამ ლაპარაკის შემდეგ ალბათ მომკლავ, არა?

მან თავი გაიქნია.

— მეც ვფიქრობ, პოლ, რა მოვიმოქმედო ისეთი, რომ დომინიკი ვაგახარო.

— კეთილი, რაც გინდა ის მოიმოქმედე, ოღონდ წინასწარ მინდა გაგაგებინო...

— რა უნდა გამაგებინო?

— რატომ მოვიქეცი ასე...

მან თავი გაიქნია.

— ვერასოდეს ვერ დამარწმუნებ, პოლ...

— მაინც გამოძევი...

მინა ჯერ კი შეშვინააღმდეგა, მერე გამოძევა.

ჩვენ სხვენზე აუვდიოთ. მაგნიტოფონი ჯერ კიდევ იქ იდგა.

— მოუსმინე, მინა... წარმოიდგინე, რა განცდა უნდა ჰქონოდა შეყვარებულ კაცს, ამ ჩანაწერს რომ მოისმენდა.

მაგნიტოფონი ჩაერთო... აწ მკვდარი კაცის ოხვრა და ქლოშინი აუტანელი მოსასმენი იყო... ყურებზე ხელები ავიფარე. მინა აყვირდა, ატირდა. ხელებს გაშმაგებით იჭერდა საფეთქლებზე. — დომინიკ, ჩემო დომინიკ, — მუდართით მოსთქვამდა, — რატომ აქ არა ხარ... გელოდები, ჩემო სიყვარულო, გელოდები... მოდი! დომინიკ, ძვირფასო, შენი ხმა მენატრება, შენი სითბო, შენი ღიმილი!

ჩანაწერი გამოვრთე. მისი შემყურე მეც ავტირდი. ჩვენი გრძნობები შეერთდნენ, ორივე საკუთარ სიყვარულს ვტიროდით. მინა სწრაფად გამშორდა. მესმოდა, როგორ ჩაირბინა კიბის საფეხურები. ვგრძნობდი, იარაღს ეძებდა, რომ საქმე მოეთავებინა...

მეც ვიცდიდი...

სხვენზე ცხელოდა. მტვრიანი სამერცხლურიდან სოლონის მორკალური ცა მოჩანდა. ვხედავდი, როგორ მიჰქონდა ქარს შემოდგომის ყვითელი ფოთლები...

პო, მინა მოკვლას მიპირებდა... აქ უნდა დამესრულებინა ჩემი ცხოვრება, ამ თბილ სხვენზე... ასეთი სიკვდილი მომწონდა კიდევ.

ცოტა ხნის შემდეგ კიბეზე ისევ მინას ფეხის ხმა გაისმა. ამჯერად ნელა ამოდიოდა... სრული სიმშვიდე შევიწარჩუნე, მაგრამ ერთი ვერ გამეგო, რა იარაღი მოჰქონდა. როგორც იქნა, შემოვიდა. ქერა თმის ფონზე სახე უფრო გაფითრებული მოუჩანდა. ხელში საწამლავიანი ბოთლი ეჭირა, რომელიც დომინიკმა მიწის ჩიჩქნის დროს იპოვა, თურმე დომინიკს, ვიდრე მე მოვიფიქრებდი, ჩემზე ადრე მოუშაალებია ჩემი სიკვდილი. მინა სკივრზე ჩამოჯდა.

— პოლ, ისევ ჩართე ფირი...

— არა.

— მე ასე მსურს, გესმის, მე ასე მსურს...

ხელი ღილაკს დავაჭირე. ფირი ოდნავ უკან გადავახვიე და ჩაერთე. დომინიკის წამოყვირება გაისმა. სიამოვნების ყვირილი იყო, ავხორცული და გაუმაძღარი. მინამ უსიტყვოდ მოისმინა. აღარ ტიროდა. თვალი ვერ მომეშორებინა საწამლავიანი ბოთლისთვის... ხომ არ უნდა დამალევინოს-მეთქი? — ვფიქრობდი. როგორც კი ფირი ჩათაუდა, მინამ საწამლავიან ბოთლს სახურავი მოხადა, პირთან მიიტანა და ხელიც ვერ აუუკარი, ისე სწრაფად დალია.

ბღავილი მოვრთე:

— რა დროს შექსპირობანაა, მინა!!!

ყავისფერი ბოთლი ხელიდან გამოვვლიჯე და სხვენზე მოვისროლე. რაღაცას ვბოდავდი... „მინა, რაღაც უნდა ვიღონოთ, მინა, გესმის?!“. მინდოდა ექიმი გამომეძახა, მაგრამ ტელეფონის აპარატი მოშლილი მქონდა. რა მელანა არ ვიცოდი. იქნებ ძალით წამეყვანა სოფელში? მან ხელით მანიშნა, გაჩუმდით.

— ჩუ, პოლ, დამაცადე მშვიდად მოკვდე...

მინას გარშემო დავრბოდი კბილებაკაწკაწებული... თითქმის ვიმტვრევედი...

— მინა, არ მოკვდები, გესმის, არ გამამწარებ... არ დამტყვებ! მარტოს! ისევ მარტოს, მარტოს!

მას სუსტად გაეღიმა:

— ჩუ გეშინია, მარტო არ დარჩები. მე ხომ დაზღვევა შენზე გავაფორმე. ბევრი გამომჩნდება შენი მსურველი...

აღარ დავფიქრებულვარ, შეიძლებოდა თუ არა ისედაც უკანასკნელ წუთებში მყოფი ადამიანის დაწყევლა, მაგრამ მინას შურისძიება დემონური იყო.

— მინა, შენ... წყუღიმც იყავ, მინა!..

მან ჩურჩულით მითხრა:

— მადლობთ, პოლ, შენი სიტყვები ლოცვაა ჩემთვის... გაფითრდა, ხელი გულისკენ წაიღო, სახის ნაკვთები მოეღრიცა.

— ამ სახლში ქალებს ბედი არ სწყალობთ, — ძლივს წარმოთქვა.

თავს მოვერეე. მინას ვუყურებდი. მაგნიტოფონი კვლავ ჩართული იყო და რაღაც სიგნალებს გამოსცემდა.

მინას სახეს ისევ დაუბრუნდა სილამაზე. ქანდაკებას ჰგავდა. ცხოვრების სიმუხთლეს მარმარილოსავით ცივი დიდებულებით შეხვდა. მის წინ დავიჩოქე.

— მაპატიე, მინა... ძალზე მიყვარდი... არასოდეს დამავიწყდებით არც შენ და არც ის.

ბოლო სიტყვამ მოაღბო, ქუთუთოები ასწია და ძლივს გამაგონა:

— პოლ...

ლაპარაკი კიდევ შეეძლო.

— ილაპარაკე, ძვირფასო... ილაპარაკე... ვისმენ...

— ყველა მარტოა, პოლ, — წაილულულა მინამ, — ნეტავ მკვდრებიც მარტონი არიან?!

წამოვდექი, მინა ავიყვანე და ბარბაცით ჩამოვედი ხის კიბეზე... დივანზე რომ დავაწვიანე, მინა აღარ სუნთქავდა. მაშინღა ვუპასუხე მის შეკითხვას:

— არ ვიცი, მინა, მკვდრები მარტონი არიან თუ არა, მაგრამ ის კი დანამდვილებით ვიცი, რომ ჩემზე მარტო ვერ იქნებიან!..





გერმანულიდან

თარგმნა მანია მირიანაშვილმა

თანამედროვე გერმანელი მწერალი (დრამატურგი, პროზაიკოსი, ესეისტი) კრისტოფ ჰაინი დაიბადა 1944 წელს. მისი ნაწარმოებები მრავალფეროვანია სიუჟეტის, დროისა თუ მოქმედების ადგილის მიხედვით, მაგრამ მთავარი, რაც მათ აერთიანებთ, ესაა მორალური შეშფოთება იმის თაობაზე, თუ როგორია გზა, გამოსავალი ადამიანის შემდგომი ემანსიპაციისა, რა აბრკოლებს ამ ემანსიპაციას, რა არის მიზეზი ადამიანთა გაუცხოებისა. სწორედ ამ პრობლემას ეხება მოთხრობაც „უცხო მეგობარი“, რომელიც ბერლინში 1982 წელს გამოვიდა და დიდი პოპულარობა მოიხვეჭა არა მარტო გერმანიაში, არამედ საზღვარგარეთაც. ნაწარმოები ორმოცი წლის ექიმი ქალის მონოლოგია. ვეცნობით რა მთავარი პერსონაჟის კლაუდიას ფსიქოლოგიურ პორტრეტს, ასე გვვინია, იგი კმაყოფილია თავისი ცხოვრებით; რაც სიამოვნებას ანიჭებს, იმას აკეთებს; რისი მიღწევაც შეეძლო, მიაღწია; აქვს კარგი სამსახური, ბანა, მანქანა, ჰობი; პაციენტები და კოლეგები კმაყოფილნი არიან მისით. მაშ, რა აკლია? თითქოსდა არავითარი პრობლემა არ უნდა ჰქონდეს, მაგრამ მაინც მარტოა სუდიერად, ნამდვილი მეგობარიც არა ჰყავს და არც ჰყვლია. უცხო მეგობარი, რომელიც ხანმოკლედ იჭრება მის ცხოვრებაში, მოულოდნელად ქრება. რა თქმა უნდა, მათ ერთმანეთთან ურთიერთობა სიამოვნებას ანიჭებდათ, მაგრამ ეს იყო მხოლოდ და მხოლოდ ფიზიკური ლტოლვა, რასაც არ შეეძლო მათი სულის გამოკვება. მათ შორის იყო რაღაც გაურკვეველი გრძნობა, რაც ერთდროულად აკავშირებდათ და ამორებდათ კიდევ ერთმანეთისაგან.

ურთიერთგაგება, თანაგრძნობა, სიბოი, სიყვარული, რაც ბედნიერებისათვის აუცილებელია, სწორედ ეს აკლდათ კლაუდიასაც და ჰენრისაც. თითქმის მთელს ნაწარმოებში აუტანელი სიცივე იგრძნობა. საიდან აქვს კლაუდიას ასეთი უსულგულობა, გულგრილობა და ამავე დროს უაზრო გულის ტკივილი? საკუთარი მშობლებისადმიც კი არავითარი გრძნობა არ გააჩნია, მხოლოდ და მხოლოდ მოვალეობის მოხდის მიზნით ჩადიოდა მათთან. ყოველივე ამის ახსნას ცდილობს მწერალი, რის გამოც ზოგჯერ კლაუდიას ბავშვობას, ახალგაზრდობას ვვამცნობს. ეს ის პერიოდია, როცა დასავლეთ გერმანიაში და დემოკრატიულ რესპუბლიკაში მწვავე გარდატეხა მიმდინარეობდა საზოგადოებრივ ურთიერთობებშიც და პიროვნებაშიც. სწორედ ეპოქამ, XX საუკუნისათვის დამახასიათებელმა ნდობისა თუ იმედების გაცრუებამ, ირგვლივ დასადგურებულმა შიმშილმა თუ გულგრილობამ გამოიწვია ადამიანთა ფსიქიკის დამახინჯება.

პირველად იყო... პეიზაჟი. შორს მწვანედ მოხასხასე კვიპაროსები ჩანდა. სუფთა, ბრილივით გამჭვირვალე ჰაერში წვრილ-წვრილი ხაზები ირეკლებოდა... ხევში მდინარე ჩაედინება. მიახლოებისასღა შევნიშნე ხიდო მთლად განადგურებულა, ნანგრევებად ქცეულა. პირდაღებული უფსკრული ერთი ძელის ამარალა დარჩენილა. აქ კი მე, თუ ის ვილაც, რომელიც შესაძლოა, რომ თავად მეც ვარ, გამოუვალ მდგომარეობაში აღმოჩნდა. ირგვლივ მუქი მუქი ბურუსშია. ჩემი თანმხლები, იქნებ ნაცნობი, თუ მეგობარი, მსხვერპლად ბუნდოვნად ვხედავ, ხელებს მალლა სწევს. ჩვენ უნდა გადავიდეთ. უკან დახვევა შეუძლებელია. უნდა მივალწითოთ უფსკრულის მეორე მხარეს. ქვემოდან კლდის ნამსხვრევები, კურდღლისცოცხას ბუჩქები და ძნელად აღსაქმელი მდინარე შემოგვცქერის, ხიდზე ვღვამ ფეხს, ვითოშები, სამი-ოთხი ნაბიჯიც და მოაჯირი, ეს ერთადერთი იმედიც ხელიდან გამოგვეცლება. უფსკრულზე დაკიდებული ხიდი ავისმომასწავებლად ქანაობს. ჩემი თანმხლები ერთ-ერთ ძელზე იკიდებს ფეხს და მეც მიწვდის ხელს. ნელ-ნელა მივიწვევთ წინ. ვიხდი ფეხსაცმელს, ვეჭიდები ჩემი თანმხლების მთლად გაოფლიანებულ ხელს; უნდა გამიშვას, ვფიქრობ მე. მაგრამ ის ხელს არ მიშვებს, მებლაუჭება. გაშტერებული მხოლოდ წინ ვიყურები, საიდანაც ტყის ზოლი შემომცქერის. დაბლა დახედვის მეშინია, ვიცი, რომ დავიხედო, ჩავვარდები. სადღაც თავში ვართ, ხიდს კი ბოლი არ უჩანს. ნელ-ნელა მივიწვევთ წინ სადღაც შორს კვიპაროსებთან მოულოდნელ ცვლილებას ვამჩნევ: ტყის მხრიდან გამორბის ხუთი კაცი, ერთიმეორის მიყოლებით, თეთრი შორტები აცვიათ, ხოლო მაისურებზე რაღაც აქვთ გამოსახული. მინდა ჩემს თანამგზავრსაც დავანახო ისინი, ვეძახი, ვყვირი, მაგრამ საკუთარი ხმა თავადვე არ მესმის. ხიდს უახლოვდებიან, ჩვენს ხიდს. ელეგანტური, თანაბარი, რობოტისეული მოძრაობები აქვთ. ძლიერი ყმაწვილები ჩანან, სახენათელნი. ხმამაღლა, მაგრამ მსუბუქად სუნთქავენ. ძაოცებს მათი მსგავსება. ტყუბები ხიდისკენ მოინქარიან, ვუყვირი, შეჩერდით. სინუშეა, უხმოდ გამოძრავებ ტუჩებს. მაშინებს ის, რომ მათ სახეებს ცხადლივ ვხედავ. ეს არაა ჩემი თანმხლების ბუნდოვანი ნაკვთები. გამოკვეთილად ვხედავ. თითოეულ მათგანს, მათ მამაკაცურ სახეებს. უკვე მოაღწიეს ხილამდე. ნაბიჯსაც არ ანელებენ. გვიახლოვდებიან. მეორე ძელზე გადმორბიან. აი, გვერდითაც ჩავვირბინეს. ნაპირსაც მიაშურეს. კვლავ ვხედავ მათ თანაბარ მოძრაობებს, ქოშინისაგან პირდაღებულ სახეებს. კვლავ სინუშეა, ყველაფერმა უხმოდ ჩაიარა. უეცრად ჩემი თანამგზავრი მძლავრად მებლაუჭება, ვგრძნობ, როგორ მესობა მისი ფრჩხილები მკლავში. გაქვავებულივით ვღგავართ ერთ ადგილას. მეორე ძელი, წელან რომ იმ ყმაწვილებმა ჩაირბინეს, საცაა შეწვევტს რხევას. უკვე შეგვიძლია გზის გაგრძელება. იქნებ სჯობს უკან დაებრუნდეთ? მაგრამ ჩვეთვის მოჭრილია უკან დასახვევი გზა. უნდა გავიდეთ გაღმა. ნელ-ნელა ყველაფერი ბურუსში იძირება. ბურუსი?! ნისლი?! თუ რაღაც არარაობა?! და ამ დროს ისევ იმ ყმაწვილების ნაბიჯების ხმა, საათის მექანიზმივით ზუსტი... ძელების ჩუმი, თანაბარი ღრჭიალი. და ბოლოს გაბმული, გამაყრუებელი გამომახილი გამოსახულების გარეშე. ასინქრონული.

კარგა ხნის მერე, შევეცადე, აღმედგინა ეს სურათი. რამენაირად მივახლოვებოდი, ჩავწვდომოდი, რა იყო ეს, ხილვა თუ შორეული მოგონება. სურათი ჩემთვის მიუწვდომელი, საბოლოოდ გაუგებარი. თუმცა კი ჩემში რეალურად არსებული და მაინც დამამშვიდებელი, რადგან ეს ისევე უსახელო და აუხსნელია, როგორიც თავად მე ვარ. და ბოლოს ახსნას სურვილიც გამიქრა, ეს

ზენამდვილი რეალობაა და მას ფარავს აშკარა, ჭრელი და ხმაურიანი, გულ-
მაღვიწყვი და ამავე დროს მაინც მკურნალი ყოველდღიურობა. მხოლოდ დაძლე-
ული უმწეობის შეგრძნება რჩება ჩემში მოუხელთებელი და წარუშლელი.

თავი პირველი

ეროვნული
ბიზლიმთევა

დაკრძალვის დღესაც ვორჭოფობდი, არ ვიცოდი წავსულიყავი თუ არა
სასაფლაოზე. შუადღემდე კიდეც მქონდა ფიქრის დრო და ყოველ შემთხვევი-
სათვის გადავწყვიტე თან წამელო მუქი ყავისფერი, კურდღლის ბეწვით გა-
წყობილი საგაზაფხულო პალტო. ცოტა არ იყოს მეუხერხულებოდა ზაფხულში
ამ პალტოს ჩაცმა, მაგრამ მთელ დღეს შაგებში ყოფნას ისევ ასე ვამჯობინე.
ერთი სიტყვით, თუ წავიდოდი, ამ პალტოს კომპრომისის როლი ენიჭებოდა.

კარგა ხანს ვიდექი ლიფტთან. ოფიცერი, ქალბატონი რუპრეხტის ბინაში
რომ ცხოვრობდა, შუაში იდგა და ხან ერთ ღილაკს აჭერდა ხელს, ხან მეო-
რეს. ხელში მასაც პალტო, უფრო სწორად, სამხედრო ლაბადა ეკავა. იქნებ
პოლიციელიც იყო რა ვიცი, ფორმებში ვერ ვერკვევი. საწვიმარის ქვეშ ხელ-
ჩანთა თუ დიპლომატი მოუჩანდა. როგორც კი მივუახლოვდი, თავი დაძიკრა
და კვლავ მიაჭირა ღილაკს თითი. თან ჩექმის წვერს ნერვიულად აბაკუნებდა.

ქვემო სართულზე ხმაური შემომესმა. ფოლადის გვარლი იმედის მომცე-
მად შეირხა და მალე პატარა შუშის მიღმა სინათლეს გამოჩნდა. ჯერ ოფიცერი
შევიდა. ხელზე გადაკიდებული პალტო მჭიდროდ მივიკარი ტანზე და მეც მივ-
ყევი. უსიცოცხლო უცხო სახეებით გარემოცულნი მდუმარედ დავეშვიტ დაბ-
ლა. სიმჭიდროვისაგან უაზროდ მივშტერებოდით ერთმანეთს სახეებში და ჯი-
უტად ვათვალიერებდით ერთიმეორეს. ამგვარ არასასურველ გარემოში საკმა-
ოდ დაძაბულია ყველა გრძნობითი ორგანო, განსაკუთრებით კი ყნოსვითი ორ-
განოა მგრძნობიარე.

დაბლა რომ ჩავედით, საფოსტო ყუთისაკენ გავაპარე თვალი, მხოლოდ გა-
ზეთები მოჩანდა. წერილები უფრო მოგვიანებით მოჰქონდათ. სამგლოვიარო
დაფაზე ისევ ეკიდა შავ ჩარჩოში ჩასმული განცხადება. სახლმმართველმაც
ფოსტით მიიღო ალბათ ეს უწყება. როდისმე ყველაზე, ვინც ამ სახლში მოკვ-
დება, მოვა ამგვარი უწყება. მხოლოდ ამ ერთადერთ შემთხვევაში უხდება სა-
ხლმმართველს მაცხოვრებლებთან კონტაქტი.

არა მგონია, ვინმე დაემწუხრებინოს ამგვარ უწყებას. ამ სახლში მკვიდ-
რნი ხომ მეტწილად მოხუცები არიან და სიკვდილიანობაც ხშირია. საეჭვოა,
რომ ჰენრი აქ ჩემ გარდა ვინმეს სცნობოდა. ალბათ მეტყობდა.

პალტო მანქანის უკანა სავარძელზე გადავდე და პოლიკლინიკაში წავედი.
ვაბინეტის კარქვეშ რაღაც ბარათი დამხვდა. მთავარი ექიმი მთხოვდა, სადი-
ლობის შემდეგ ბურგომისტრთან გავყოლოდი. როგორც იქნა, შემდგარიყო ეს
შეხვედრა. საბინაო კომისიამ ორი ოთახი გამოყო კლინიკისათვის, მაგრამ
დღემდის არ ჩანდა. არადა, ოთახები მართლაც გვესაჭიროებოდა მედლებისათ-
ვის. ეს უკანასკნელნი ბერლინში იმ პირობით ჩამოდიოდნენ პროვინციიდან,
თუ საცხოვრებელს მისცემდნენ. მაგრამ რაში სჭირდებოდა უფროსს ჩემი გა-
ყოლა, არ მესმოდა. შეიძლება ფიქრობდა, ისევ მე მეკისრებოდა სოცუზრუნ-
ველყოფის სექტორი. გასულ წელს სხვას გადავაბარე ეს საქმე. ან იქნებ ჩემი
მხარდაჭერა უნდოდა. უფროსს ხომ ყოველთვის უყვარდა ექსკორტით სიარუ-
ლი. ბარათში მთხოვდა მისვლისთანავე დამერევა.

ცხრას ხუთი აკლდა, ოთახში კარლამ — ჩემმა მედლამ შემოირბინა. რო-

ვორც ყოველთვის ახლაც მოჰყვა ახსნა-განმარტებებს, რატომ დააგვიანდა. რა-
 ლა თქმა უნდა, ბავშვების გამო. არადა, თითქმის ყოველდღე აგვიანებს და ბავ-
 შვებს იმიზეზებს. ალბათ ცდილობს თავისი ბავშვებისადმი სიბრალეული აღ-
 მიძრას. ის ხომ ქალთა იმ კატეგორიას განეკუთვნება, მზრუნველი დედის რო-
 ლი რომ შეურჩევიათ და ბედნიერად მოაქვთ თავი. კაცმა რომ თქვას, ვერც
 ვერაინ წაართმევს ამ ბედნიერებას. იციან რისთვისაც ცხოვრობენ? აგვიან-
 თი შვილებისათვის, მერე ეს უკანასკნელნიც ასევე თავიანთი შვილებისათვის
 იცხოვრებენ. მოკლედ რომ ვთქვათ, კაცობრიობის განვითარება უზნეო წრიულ
 არეშია მოთავსებული. შეიძლება ჩაითვალოს, რომ კაცობრიობის არსებობა
 მცდარი წანამძღვრების შედეგია?! რაშიც თითქოს სილოგიზმის ხელოვანად
 ეშმაკი გვევლინება. ხომ არ გამოიღებს ეს საზიანო შედეგს?! თუმცა ამგვარ
 ცხოვრებას მაინც აქვს თავისებური მომხიბვლელობა, ყოველ შემთხვევაში
 კარლასნაირებისათვის. კარლას აზრით, ჩემი ქორწინებაც ხომ სწორედ იმი-
 ტომ დაირღვა, რომ ჩემს ქმარს პუტკუნა ბავშვი არ ვაჩუქე. ან იქნებ იმიტომ,
 რომ ხორცსავე მკერდი არ მქონდა, შეიძლება იმიტომაც, რომ არ ვიღებე-
 ბოდი?!

პალტოს დანახვისთანავე მკითხა კარლამ, დაკრძალვაზე ხომ არ მიდიხართო.
 ბრაზი მომივიდა ჩემს თავზე, მანქანაში მაინც დამეტოვებინა. ახლა კი აუცი-
 ლებლად წავიდოდი, კარლას შეკითხვამ გადამაწყვეტინა ასე. ნერვიულობი-
 საგან მთელი სხეული ზამბარასავით დამეჭიმა.

დაიწყო ჩვეული შეკითხვები: ნათესავია? აჰ, მეგობარი? ჰოო, სამწუხაროა!
 ახალგაზრდა იყო? რა საშინელებაა! კარგად მესმის თქვენი. ძალიან ფერმკრ-
 თალი მეჩვენებთ. თავი ისე მეჭირა თითქოს ავადმყოფების საქმეებს ვათვალი-
 ერებდი. რადგან წინა ოთახში კარადა და კარტოთეკა იდგა, შედღებს ჩემს ოთ-
 ახში უხდებოდათ ტანსაცმლის გამოცვლა. კარლა კი მეტად დიდ დროს ანდო-
 მებდა ყოველივე ამას. მთელი საათი ლიფის ამარა დადიოდა, თან ფრჩხილებს
 იქლიბავდა და ნელსაცხებელს ისმევდა. ერთხელ ისიც კი მითხრა, საშინლად
 ოფლიანი ვარო, არადა, ერთი ასეთი სიტყვაც ჩემში საშინელ ზიზღს აღძ-
 რავს. სანამ კარლა ჩაიცმევდა, უფროსს გადავურეკე და გავენტავისუფლე. ავუხ-
 სენი, დაკრძალვაზე მივდივარ-მეთქი, მას არაფერი უკითხავს, თანაგრძნობის
 გამოხატვაც კი არ უცდია და არც შემწინააღმდეგებია. შვება ვიგრძენი. გამომ-
 შეიდობებისას ვუთხარი, რომ ამჟამად სოცუზრუნველყოფის სექტორი ოფტალ-
 მოლოგიის განყოფილებაში რომ ახალი კოლეგა იყო, იმას ებარა, ისიც დავძი-
 ნე, რომ ის ჩემზე ახალგაზრდა და სიმპათიური იყო, რაზეც უფროსს გაეცინა
 და ქათინაურიც მესროლა: ყოველთვის ვაფასებ თქვენს იუმორის გრძნობასო.
 ლაპარაკიც ამით დავამთავრეთ.

სადილობამდე ჩემთან ბატონი დოიე შემოიჭრა, ეს გახლდათ სამოცდათორ-
 მეტი წლის ჰუგენოტი, ცოლი პარალიზებული ჰყავდა, მაგრამ მისი თქმით ეს
 ხელს არ უშლიდათ ცოლქმრულ ურთიერთობაში. მოხუცს ძალიან უყვარდა
 ლაპარაკი და ხშირად მოდიოდა ჩვენთან, გაუთავებლად ყვებოდა სექსზე, ისე,
 ჯანმრთელობას არ უჩიოდა, სულ თავის სიძლიერეზე ტრაბახობდა, ზოგჯერ
 მოთმინებიდან გამოვყავდი და გარეთ ვისტუმრებდი, ისიც კარლასთან შედიოდა
 ან დერეფანში ჯდებოდა და იქ განაგრძობდა ლაპარაკს. გასულ კვირას ტუჩე-
 ბის საცხი მომიტანა და მოხოვა მაშინვე გამეხინჯა. გავხსენი და ხელში შემრჩა
 ხისგან გაკეთებული სათამაშო. თვითონვე მოიხიბლა თავისი ოხუნჯობით და
 სიცილით დასძინა, ჩვენ ორს გვესმის მხოლოდ ასეთი ხუმრობაო. დოიე ცოტა

არ იყო არასასიამოვნო, აუტანელი, მაგრამ მაინც თავაზიანი პიროვნება გახლდათ. ხან სიამოვნებითაც კი ვუსმენდი, ხან ისე მადლიზიანებდა, რომ მაშინვე გარეთ ვაგდებდი.

დღეს კარლასგან გაუგია, იმ შტერს უთქვამს, დაკრძალვაზე მიდისო და ათასი კითხვით გამოძიჭედა ყურები, აინტერესებდა, რა ურთიერთობა მქონდა ჰენრიხთან, როგორც იქნა, მოვიშორე თავიდან და ახლაც ვარდნას ვაკვირებ. კარლა ხშირად შემომჩიოდა, ბატონი დოიე შეარშეყებო. არადა, დარწმუნებული ვარ, თავად მასაც სიამოვნებდა. კარლა ხომ იმ ქალებს განეკუთვნებოდა, რომლებთანაც ძამაკაცები თავს ყველაფრის უფლებას აძლევდნენ. ყოველ შემთხვევაში ამის გამო ვერ მოვიმდურებდი მოხუცს. კარლა უკვე იმ ასაკში იყო, რომ თავად შესძლებოდა თავის დაცვა. რატომ მეწყენინებინა ვიღაცის გამო საცოდავი მოხუცისათვის, რომელიც მხოლოდ და მხოლოდ დროის მოკვლის მიზნით შემოდოდა ჩემთან, ვიდრე ტელევიზიის პროგრამა დაიწყებოდა.

სადილობისას შევამჩნიე უფროსის მაგიდასთან ახალი კოლეგა იჯდა. უფროსმა თვალი ჩამიკრა და შეუმჩნეველად მანიშნა მასზე. ვიჯექი ჩემს მაგიდასთან და ბოსტნეულის წვნიანს შევექცეოდი. კოლეგებმა უკვე იცოდნენ დაკრძალვის თაობაზე და მხოლოდ და მხოლოდ თავაზიანობის გამო, ისე რომ არც კი აინტერესებდათ, ათასგვარ შეკითხვებს მაძლევდნენ, მერე კი კვლავ ჩვეულებრივ საუბარს უბრუნდებოდნენ. ყველა იმას მიყვებოდა, როგორ მოუპარავთ ჩვენი ერთი კოლეგისათვის ამ სამი კვირის წინ მანქანა. სულ სამი თვის ნაყიდი ჰქონია, თანაც ორმაგ ფასში. პოლიციაში უთქვამთ, ვერაფრით დაგეხმარებითო და სახელმწიფო დაზღვევაში გაუგზავნიათ. დაზღვევა კი მანქანის მინიმალურ ღირებულებასაც კი არ ფარავდა. გამოუვალ მდგომარეობაში ჩავარდნილიყო საცოდავი და თითქმის ყველას ამას შესჩიოდა. დარწმუნებული ვარ, სადმე რომ შეხვედროდა მანქანის ქურდი, ადგილზევე მიასიკვდილებდა. ზოგჯერ ჰიპოკრატეს ფიცსაც, ისევე როგორც ყველაფერს, თავისი ზღვარი გააჩნია.

სადილობის შემდეგ მე და ანა ყავის დასალევად ჩავვედით. პროფესიით ანა ექიმი-სტომატოლოგი იყო, ჩემზე სამი წლით უფროსი. ხუთი წლის წინ სახსრების ანთების გამო იძულებული გახდა პროფესია შეეცვალა და კვლავ გავერძელებინა სწავლა. ამჟამად ანესთეზიოლოგია. ოთხი შვილი ჰყავს და როგორც თავად ამბობს, ქმართან კარგი ურთიერთობა აქვს. თუ არ ჩავთვლით იმას, რომ კვირაში ერთხელ ქმარი ძალას ხმარობს მასზე, რაზეც ანა ირწმუნება, რომ ეს მისი ბრალი არაა, უბრალოდ, სხვაგვარად არ შეუძლიათ. გაერთიანებულ ვერ გაეყრებოდა ბავშვების გამო. ესეც რომ არ ყოფილიყო, მარტოდ დარჩენისაც ეშინოდა. ამიტომაც იტანდა ყველაფერს. საერთოდ ვცდილობდი დისტანცია დამეჭირა ანასთან, რადგან არ მიყვარს, როცა ქალი თავის დამცირებას ეგუება. ქმარი ანაზე თოთხმეტი წლით უფროსია და ანას ერთადერთი იმედიც სწორედ ესაა, მალე მოხუცდება და აღარაფრის თავი აღარ ექნებაო. საოცარია როცა სიბერე ერთადერთ იმედად გესახება, მაგრამ რას ვიზამთ, ამგვარი უცნაური იმედებიც არსებობს.

კაფეში ანას დარბაისლურად ეჭირა თავი. ქალბატონი ექიმი ყავას მიირთმევდა, თან კაფეს მეპატრონესაც ვარშეყებოდა. თუმცა ამ უკანასკნელს მხარზე ხელი რომ დაედო ანასთვის, მიიღებდა კიდევ. ანა თავის ახლად შეძენილ პიჯაკს მიჩვენებდა. შავი იყო, საყელო ღილისფერი ჰქონდა. ძალიან ძვირი ღირებულა, მაგრამ უსიტყვოდ უყიდა ქმარს. ეს იყო საჩუქარი, მაგრამ რის საფასურად? შერიგებისა? საბრალო ანა. ეგებ სჯობდა, რადგან შემომთავაზა, გა-

მომერთმია პიჯაკი. მართლაც გამომადგებოდა დაკრძალვაზე წასასვლელად. მაგრამ არ მინდოდა რაიმე შეხების წერტილი მქონოდა მის პრობლემებთან, თუნდაც ამ სახით. უფალმა უწყის მხოლოდ, რით დაიმსახურა ანამ ამგვარი მძიმე ტვირთი, რომელიც ალბათ მარტომ უნდა ზიდოს.

ანა რაღაც ლიტერატურულ საღამოზე შესაუბრებოდა. რომელიღაც ეკლესიაში ჩატარებულა გასულ კვირას. ხალხს საოცრად უხერხულად უნდოდა დაუსვამს ორატორისათვის, მაგრამ ამ უკანასკნელს დიპლომატიკურად მოუხერხებია თავი პასუხისთვის. საუბრისას ყველანაირად ვცდილობდი ანას თეფშზე არ დამეხედა. ის უკვე მესამე ნაჭერ ნამცხვარს შეექცეოდა. ვიცოდი, ერთი სიტყვაც რომ დამცდენოდა ამაზე, პირს აღარაფერს დაადებდა. ამიტომაც ვიჯექი ჩუმად, რამდენიც უნდოდა, იმდენი ეჭამა, ფიგურა მაინც უწყობდა ხელს. თითო კონიაკი კიდევ შევუკვეთეთ და მერე მალევე დავშორდით. კაბინეტში რომ შევიბინე პალტოს გამოსატანად, კარლა პაციენტს ელაპარაკებოდა. ხელით მანიშნა, ცოტა ხნით შეიცადეთო, მაგრამ მეც ხელითვე ვანიშნე, ძალიან შეჩქარება-მეთქი და წამოვედი.

სადილობის ჟამს, ისე როგორც ყოველთვის, ახლაც დაცარიელებულიყო ქუჩები. ასე რომ, სწრაფად შემეძლო მევლო. გზაში ყვავილების ძალაზიასთან შევჩერდი, თეთრი მიხაკები ვიყიდე. რაც მეტად ვუახლოვდებოდი სასაფლაოს, მით უფრო მიმძიმდებოდა გული. არადა, მთელი დღის განმავლობაში საერთოდ არ მიფიქრია პენრიზე. ახლაც თავს ძალა დავატანე, მინდოდა რაიმე გამეხსენებინა მასზე, მაგრამ ამაოდ. ჯერ კიდევ არ იყო გვიანი, მომებრუნებინა მანქანა და შინ დაებრუნებულიყავი. ამელო ჩემი ფოტოაპარატი და სადმე ქალაქგარეთ გავსულიყავი. თავად პენრისთვისაც კი ძნელი წარმოსადგენი იქნებოდა, რომ მე მას უკანასკნელ გზაზე გავაცილებდი. მას ხომ ტყუილუბრალოდ დროის გაფლანგვად მიაჩნდა ნაცნობების დაკრძალვაზე სიარული და აკადემიოფების მონახულება. ყოველივე ეს პენრისათვის სხვის ცხოვრებაში უხეშად შეჭრას ნიშნავდა. ეს ხომ წინაპართაგან გადმოშთენილი უსიამოვნო და დამტანჯველი რიტუალი იყო. უფრო სწორად, ეს იყო მარადიული თამაში, ღვარძლიანი ტრიუმფი იმისა, თუ ვინ ვის მიაცილებდა საფლავემდე. ბოლოს და ბოლოს ამისთვის ხომ არსებობდა დამკრძალავი ბიურო, რომელიც პროფესიულად გაუძღვებოდა ამ საქმეს? მაშ, რისთვისღაა საჭირო ამდენი ადამიანის დასწრება? რატომ? იქნებ იმიტომ, რომ მიცვალებულისადმი თავიანთი დამოკიდებულების დემონსტრირება მოაწყონ? საიდან უჩნდებათ ამგვარი სურვილი, დაესწრონ ვიღაცის მიწაში ჩამარხვისა თუ გვამის დაწვის პროცესს? რატომ მიაჩნიათ მათ ეს თავიანთ მოვალეობად? მკვდარი ხომ ის ადამიანი აღარაა, ვისაც ვიცნობდით, ვინც გვიყვარდა? ერთი პირობა ვიმედოვნებდი, პენრის დრეზდენში დაკრძალვდნენ, იქ კი სიშორის გამო ვერ ჩავიდოდი.

მოულოდნელად ძრავამ კაკუნი დაიწყო, სინქარიდან ამოვაგდე, ორჯერ დავაჭირე გაზს, მაგრამ უშედეგოდ, როგორც ჩანს, საწვავი აღარ მქონდა.

სასაფლაოსთან მანქანების სადგომზე უამრავი თავისუფალი ადგილი იყო, მაგრამ მანქანა იქვე მოპირდაპირე ქუჩაზე გადავაყენე. კარგა ხანს უაზროდ ვიჯექი მანქანაში, ვყოყმანობდი, მერე კი ავიღე ყვავილები, პალტო ხელზე გადავიკიდე და მანქანიდან გადმოვედი.

სასაფლაოზე უამრავ ხალხს მოეყარა თავი. სამლოცველოსთან ორ ჯგუფად გაყოფილიყვნენ და თავიანთ რიგს ელოდნენ. როგორც ჩანს, დამკრძალავი კომიტეტი აგვიანებდა. უცბად შევჩერდი, გამახსენდა, რომ პენრის ნათესავთაგან

არავის ვიცნობდი. ნეტა რომელ ჯგუფთან უნდა დავმდგარიყავი?! ყველა მე შემომტყუროდა. უხერხული სიჩუმე გამეფდა. მხოლოდ აქა-იქ გაისმოდა ლოდინით გაბეზრებული ადამიანების ჩურჩული. ჩანთიდან სიგარეტი ამოვიღე, მაგრამ იმდენი თვალი მომჩერებოდა, მაშინვე გადავიფიქრე. მივხვდი, შეუძლებელი იყო აქ მოწვევა. მეც და მათაც ერთი ფიქრი გვიტრიალებდა ~~ფიქრი~~ რომელ ჯგუფთანაა? ვისთანაა მოსული? რა ვქნა, უნდა მივესალმის? ~~შაგისაშქის?~~ რომ არავის ვიცნობ?! რომ ვერაფერი მოვიფიქრე, იქვე სასაფლაოს კარს უკან ყვა-ვილების მაღაზიას მივაშურე. შესვლისას კარზე ჩამოკიდებული ზარი გაწკრი-აღდა. იატაკი კაფელის იყო და სინესტე შეიგრძნობოდა. ირგვლივ თვალში საცემი სიმწვანე და თეთრი ბაფთებით შემკული კალათები იდგა. აქედან კარგად მოსჩანდა ეკლესიასთან მომლოდინე ხალხი. ჩემი შესვლისთანავე, მეორე ოთახიდან, რომლის შესასვლელშიც მძივებიანი ფარდა ეკიდა, ხმელ-ხმელი, შა-ვებში ჩაცმული ქალი გამოვიდა, სახე ნაოჭებისაგან ჰქონდა დაღარული, თითქოს და ესეც სიკვდილთან, სასაფლაოსთან ყოველდღიურ სიახლოვეზე მიუთითებდა.

— ვნებაუთ რამე? — მკითხა და თან ჩემს მიხაკებს გადახედა.

— უკაცრაუად, ხომ ვერ მეტყოდით, ვისი დაკრძალვის ცერემონიალი ტარდება ახლა?

— იქ მომსახურე პერსონალს ჰკითხეთ. — ხმაზე ემჩნეოდა დაღლილი იყო. მიხვდა, არაფრის ყიდვას არ ვაპირებდი.

— მოძღვარის ნახვა სად შემიძლია? — არ მოვეშვი მაინც.

— იქ! — მიმითითა სასაფლაოზე და კვლავ მეორე ოთახში გაუჩინარდა. ვიდრე მაღაზია არ დავტოვე, ვგრძნობდი, ფარდიდან მითვალთვალებდა.

ვიტრინაში გამოფენილ ყვავილებს მივჩერებოდი და აღარ ვიცოდი, რა მეღონა. იქნებ სხვა სასაფლაოზე მოვხვდი და ჰენრის სხვაგან ასაფლავებენ?! მინაში დავინახე სამლოცველოს კარი გაიღო და ვიღაც გამოვიდა. მაშინვე იქითკენ გავეშურე. სამლოცველოსთან ვიღაც კისერმოდრეცილი კაცი იდგა და რალატას ამბობდა. რა თქვა, ვერ გავიგე, მაგრამ მის ნათქვამზე ერთი ჯგუფი სამლოცველოსკენ დაიძრა, ფეხს აუჩქარე. სამლოცველოს მიუახლოვდი და ის იყო პირი გაუაღე, რომ თავად შემეკითხა: თქვენ ჰენრი ზომერის დაკრძალვაზე ბრძანდებით? თავი დავუქნიე. დაკრძალვის ცერემონიალი რამდენიმე წუთში დაიწყება. მეც იმ ოც კაციან ჯგუფს შევუერთდი. ცნობისმოყვარე მზერა კიდევ უფრო გაძლიერდა. პალტო გავისწორე და უხერხულობისაგან ჩემს ყვავილებს დავაჩერდი.

სამლოცველოს კარი გაიღო, ოთხმა კაცმა მიცვალებულის სასახლე მოიტანა. უკან სამი ახალგაზრდა იდგა, არც ერთი არ იქნებოდა ოც წელზე მეტის. გრძლად ჩამოშლილი თმა უწესრიგოდ ეფინათ მხრებზე. მე მათ ვაკვირდებოდი. ერთ-ერთმა ახალგაზრდამ შეამჩნია ჩემი მზერა, წამით თვალი თვალში გავუყარეთ. მას ჩაეცინა, მაშინვე სამლოცველოსკენ მივტრიალდი. ორჯერ გააღეს და მიხურეს სამლოცველოს კარი. მეტისმეტად მძიმე ყოფილა სამგლოვიარო ცერემონიალი. იმ პატარა კისერმოდრეცილმა კაცმა გვანიშნა, შემოდითო. ყველაზე ბოლოს შევედი. სასახლე საკურთხეველთან დაესვენებინათ. მიტანილი გვირგვინები და ყვავილები იმ კაცმა ჩამოგვართვა და იქვე ფიტარნაგზე მოხერხებულად განაღვა. ჩემი მიხაკები სადღაც ჩაიკარგა...

წინა რიგში ჰენრის ცოლ-შვილი მოთავსდა. ქალი ასე ოცდაათი წლისა იქნებოდა. თვალს არ მაშორებდა. თავაულებლივ გავიჭერი პირდაპირ ბოლო რი-

გებისაკენ. რეპროდუქტორში მსუბუქი წკარუნი, მერე კი ფირფიტის შრიალი გაისმა. მალე შრიალი მუსიკის ხმამ დაფარა. ჰაერში საორდანო მუსიკა დაირხა. საკურთხევლის გვერდით კარი გაიღო და მოძღვარი გამოვიდა. კათედრას მიუახლოვდა, წინ წიგნი დაიღო და ლოცვას შეუდგა. ცოტა ხნის შემდეგ თავი ასწია, იქვე მდგომ მეღავითნეს გადახედა და მოკრძალებით ჩაახვეწა, მეღავითნემ საკრავი გამორთო. მუსიკა დადუმდა. მოძღვარმა ქადაგება დაიწყო. მეღავითნე პენრის სახელს ახსენებდა. ერთ წამს სულელურმა აზრმა გამიელვა თავში, თითქოს მოძღვარი პენრის პირად საქმეს კითხულობდა, მიეღოთ თუ არა თავიანთ სამსახურში. სასიამოვნო ხმა ჰქონდა მოძღვარს, სიტყვებიც საოცრად დახვეწილი და გამორჩეული. მის ამაღლებულად საამო ხმაში საოცარი იმედი და დამაჯერებლობა გაისმოდა. ნეტავი პენრის მეუღლემაც თუ შეამჩნია ეს. მოძღვარი ხომ მას მიმართავდა? საინტერესოა, თუ ლალატობენ მოძღვრები თავიანთ ცოლებს? ჩემ წინ ფსალმუნების წიგნი იღო, გადავფურცლე, ყველაფერი ეწერა, თუკი რამ შემოგვრჩენოდა საუკუნეების მანძილზე: საეკლესიო სიმღერები, სხვადასხვა ცერემონიალები, ადათ-წესები. იქ, იმქვეყნად ადამიანს აღარ სჭირდება ჩაცმაზე ზრუნვა. ადამიანი ხომ არ კვდება, მხოლოდ მისი სული მიემგზავრება იმქვეყნად. სიკვდილი მარადიულ სასუფეველში დაბრუნებაა. მორწმუნე იყო თუ არა პენრი, თავადაც არ იცოდა ალბათ. კორექტივი ყოველთვის ჩვენი სიკვდილის შემდეგ შეაქვთ ხოლმე. სავსებით შესაძლებელია, რომ ინდური სექტის წარმომადგენლებს რომ ჩაუვარდეთ ჩემი გვამი, თავიანთი ადათ-წესებით დამკრძალავდნენ ალბათ. კვლავ გაისმა მუსიკა. სამწუხაროა, კიდევ დიდი სიამოვნებით მოეუსმენდი მოძღვარს. ბებიანჩემისა არ იყოს, თუ ვინმე მოეწონებოდა, იტყოდა ხოლმე, რა მშვენივრად მეტყველებსო ეს ადამიანი. მართლაც და მშვენივრად ლაღალებდა მოძღვარი. ნამდვილად მოეწონებოდა ბებიანჩემს.

ჩუმად, თავჩაქინდრული იჯდა პენრის მეუღლე. შიგადაშიგ ბავშვებს თუ გადაუჩურჩულებდა რაღაცას, შენიშვნებს აძლევდა ალბათ. მე მხოლოდ მის ზურგს ვხედავდი.

მუსიკა კვლავ დადუმდა. მთელ ამ ცერემონიალს საოცრად ორგანიზებულად ხელმძღვანელობდა ის ჩია, ხეიბარი კაცი, პირველად რომ შემომხვდა ეკლესიასთან. მისი მითითებით იმ ოთახიდან, სადაც წელან მოძღვარი შევიდა, ოთხი მამაკაცი გამოვიდა. ეს ისევ ის ოთხი მამაკაცი იყო, პირველი მიცვალებულის სასახლე რომ გაიტანეს. წყვილ-წყვილად დადგნენ. ცერემონიალის „ღირიფორმა“ სწრაფად ააღაგა გვირგვინები და ყვავილები. მოძღვარი პენრის მეუღლეს მიუახლოვდა და მიუსამძიმრა. ამასობაში იმ ოთხმა კაცმა მხრებზე დაიდგეს სასახლე და ის იყო რამოდენიმე ნაბიჯიც გადადგეს, რომ „ღირიფორმა“ კვლავ შეაჩერა. მოძღვარი ქალისა და ბავშვების თანხლებით სასახლეს მიუახლოვდა. ყველამ თავ-თავისი გვირგვინები და ყვავილები მოძებნა და სამგლოვიარო ცერემონიალიც მოეწყო. ბოლოს ვიჯექი, და ვიდრე ჩემს მიხაკებამდე მივადწიე, გასასვლელთან ყველაზე გვიან მივედი. სამგლოვიარო მსვლელობა დაიძრა.

გზა უსასრულო აღმოჩნდა. დამცხა, მაგრამ პალტოს ვერ ვიხდიდი. როგორც იქნა, საფლავეც გამოჩნდა. სასახლე ორმოზე გადაებულ ფიცარნაგზე დაასვენეს, ქვემოდან გრძელი ღვედები ამოსდეს და მხრებზე გადაიდგეს. ერთ-ერთმა შესაფლავემ ფიცრები გამოაცალა, დანარჩენებმა კი ნელ-ნელა ჩაუშვეს სასახლე ორმოში. ისე დავდექი, რომ პენრის ცოლი დამენახა, განუწყვეტლივ რაღაცას ჩასჩურჩულებდა ბავშვებს. მოძღვარმა მიწის გროვასთან მიიყვანა ქვრივი. ჯერ

თვითონ მიაყარა საფლავს ერთი მუჭა მიწა, მერე ჰენრის ცოლმა და ბავშვებმა და იქვე თხრილთან გაჩერდნენ. დაიწყო ჩვეული მისამძიმრება. მიწა გასაოცარი სიჩუმით ეყრებოდა კუბოს. არადა, რატომღაც აუტანელ ხმას მოკულოდი. სადღაც ამომიკითხავს: მიწის ბელტები ხმაურით ეხეთქებოდა კუბოს სახურავს. ვცდილობდი შეუმჩნეველად, ცალი ხელითვე ჩამომეფშენებოდა ფეხებზე შერჩენილი მიწა. ჰენრის ცოლს რომ ვუსამძიმრებდი, ვიგრძენო ფეხქვეშ მიწა გამომეცალა. წამით მივაშტერდით ერთმანეთს. თვალებში ზიზღნარევი სევდა ჩასდგომოდა. ისე მომჩერებოდა, თითქოს ცდილობდა სამუდამოდ ჩაებეჭდა ჩემი სახე. ეს იყო შეუხედავი გაბორბლებული ქალი, დღემდე რომ ვერ გაეგო, ვინ დაედანაშაულებინა თავისი ცხოვრების და იმედების დამსხვრევაში.

„ახლა რომ გამარტყას. აქ, პირდაპირ ქმრის საფლავთან რომ გამაწნას სილა“, — ამის გაოქრებაზე უსიამოვნო შეგრძნება დამეუფლა და სასწრაფოდ გავინთავისუფლე მისგან ხელი. მოძღვარს მიუყახლოედი, ვიმედოვნებდი, რამეს შეტყობდა და კიდევ ერთხელ გავიგონებდი მის საამო ხმას. მაგრამ მან მხოლოდ თანაგრძნობით გაძლიძა და მდუმარედ ჩამომართვა ხელი. სამწუხაროა! ყველა იქვე საფლავიდან რამოდენიმე ნაბიჯის მოშორებით იყრიდა თავს და ცერემონიალის დამთავრებას უცდიდა. ნაბიჯს ავუჩქარე, მინდოდა სწრაფად გაეშორებოდი იქაურობას. ზურგიოც ვგრძნობდი ჰენრის მეუღლის მზერას. პირველსავე მოსახვევში, როგორც კი თვალს მივეფარე, პალტო გავიხადე. უკან რომ მივიხედე, საფლავებისა და გაძარცვული ხეების მეტი ვერაფერი დავინახე.

მთელ დღეს უაზროდ დავეხეტებოდი ქალაქში. ბოლოს ჩემს სახლთან ახლოს კაფეში შევედი. კონიაკი შეუკვეთე. მინდოდა რაიმე მომეგონებინა ჰენრიზე, ვალდებულიც ვიყავი ალბათ. ვიღაც ორი შეზარხოშებული მაძაკაცი მოუჯდა ჩემს მაგიდას. ერთ მათგანს მუქი წითელი ლაქა ჰქონდა მარჯვენა ლოყაზე. ნემთვისაც შეუკვეთეს არაფი, მაგრამ ვიუარე. მარტო მინდოდა ყოფილიყავი, მეფიქრა ჰენრიზე, აღმედგინა მისი სახე, დაკრძალვის ცერემონიალი, მოძღვარის ჰაეროვანი ხმა, მაგრამ ამაოდ.

თავი მეორე

წელიწადი იქნებოდა, რაც ჰენრის ვიცნობდი. ერთ სართულზე ვცხოვრობდით. ჩვენს შენობაში მხოლოდ ერთოთახიანი ბინებია. დღეს ამას „აპარტამენტს“ უწოდებენ. ბავშვობაში და ცოტა მოზრდილიც რომ ვიყავი, მაშინაც კი ჩემს წარმოსახვაში, სულ სხვაგვარად მესახებოდა „აპარტამენტი“. ყოველთვის მეგონა, რომ ეს უნდა ყოფილიყო ძვირფასი ფარდებითა და ოქროთი მოოჭვილი ჭალებიანი ოთახები, სადაც მხოლოდ საღამოს კაბებსა და ფრაკებში გამოწყობილი ბატონები და ქალბატონები ცხოვრობდნენ. და იქ ყველაფერს თვალისმომჭრელი სილამაზე დაჰკრავდა. ეს აპარტამენტი კი, სადაც ჩვენ ვცხოვრობთ, სულ სხვაა. ესაა ნავსაყუდელი მარტოხელებისა თუ მოხუცებისათვის და ჩემისთანა შინაბერებისათვის, სადაც ზაფხულობით ნავის ბუნკერიდან, ზოგჯერ ტუალეტებიდანაც შემზარავი სუნი ამოდიოდა, მთელ ბინაში, ყველა სართულზე, კვირადღესაც კი რადიოს გამაყრუებელი ხმა ისმოდა. ამ გაუთავებელ ხმაურსა და გუგუნს, კედლებსა და მიწებშიც რომ აღწევს, ბოლოსა და ბოლოს ეჩვევი კიდევ. აქ მხოლოდ გვიან ღამით ისადგურებდა სიჩუმე, თუმცა გათბობის მიწების ჩხრიალი მაინც არ წყდებოდა.

როდის შემოსახლდა ჰენრი ამ სახლში, არ ვიცი. აქ ხომ ხშირად იცვლებიან მაცხოვრებლები. ახალგაზრდები თხოვდებიან ან ქორწინდებიან, მოხუცე-

ბი იხოცებიან. ერთი სიტყვით, ეს სახლი მხოლოდ დროებითი თავშესაფრის როლშია. ამიტომაც არ ღირს მათთან გაცნობა. თუმცა ისედაც არ მიყვარს მეზობლებთან ურთიერთობა, არის აქ რაღაც მოსაბეზრებელი: ყოველდღიურად აუტანელი შეხვედრები, გარდაუვალი საუბრები, იძულებითი თავაზიანობა — ეს ყველაფერი მხოლოდ ტვირთია და მეტი არაფერი. თანაც ქმართან გაყრილი ქალი ყოველთვის სიმარტოვეს ეძებს, ისედაც მობეზრებული მჭვს მჭვთავებელი მონოტონური ვაღდებულებები და გაურბის ამ უინტერესო ურთიერთობებს უცხო ადამიანებთან, რომლებიც მხოლოდ და მხოლოდ იმიტომ უახლოვდებიან ერთმანეთს, რომ ერთ ბედ ქვეშ არიან. ესაა მოსაწყენი ერთფეროვნება, საიდანაც გასურს თავი დააღწიოს. მე ჩემი ავეჯის მოკრძალებული დუმილი მიჩვენია, თავს მაინც არ შეგაწყენენ თუმცა ჩვენთვის ესეც სულერთია.

აპრილი იყო თუ მაისი, ზუსტად არც მახსოვს, ლიფტს ველოდებოდი. ყოველთვის დიდხანს გვიწევდა ლიფტთან ლოდინი. ალბათ მოხუცება შეცდომით თუ აჭერდნენ ღილაკს ხელს და სულ დაკავებული იყო. ამხელა სახლისთვის ნამდვილად არ კმაროდა ირი ლიფტი.

დერეფნის ბოლოს ჩემი მეზობელი, ქალბატონი რუბრეხტი გამოჩნდა. მოხუცი თავის კანტურით მოდიოდა. ის იყო მოძიახლოვდა, რომ უცვებ შეჩერდა და საფეთქლებზე მოისვა ხელი. მის ამოღამებულ, ჩაცვივსულ თვალებში უმწყობა ამოვიკითხე. ხომ ვერაფრით დაგეხმარებით-მეთქი, კკითხე, მაგრამ ის ხმას არ იღებდა, მიყურებდა ანგარიშმიუცემლად და საფეთქლებს ისრესდა, თითქოს პანიკური შიშის განდევნას ლამობსო.

მოგვიანებით ქალბატონი ლუბანიც შემოგვიერთდა. ის ნაკვის ბუნკერის გვერდით რომ ბინაა, იქ ცხოვრობდა. ქალბატონი ლუბანი კოჭლი იყო და ქუჩაში თითქმის სულ არ გადიოდა. ყველა სართულზე ნაცნობი ჰყავდა და მოელდღეს ზეკით-ქვევით დადიოდა. ხან ვისთან მიერთმევდა ყავას და ხან ვისთან.

ქალბატონი ლუბანი მომესალმა. სახლმმართველზე მოჰყვა ჩივილს: უბეში, გამოუსადეგარი კაცია, ვერაფერს სთხოვო, რატომ არ შემოდიხარ ჩემს სანახავად? — მკითხა მან ბოლოს. მთელმა სართულმა იცოდა, რომ ექიმი ვიყავი და რატომღაც მიაჩნდათ, რომ ყველა მე უნდა მომენახულებინა. ხშირად წამლებისთვისაც მაკითხავდნენ.

მე მოუცლელობა მოვიმიზეზე და მანაც თანამიგრძნო. ქალბატონი ლუბანი შვილითი მომმართავდა, რაც ცრტა არ იყოს, მეუცნაურებოდა. რაღაც საიდუმლო მინდა გავიმხილოთ, — წამოიწყო უცბად მან. იმედის თვალთ შევცქეროდი ლიფტს, მაგრამ ჯერ არ ჩანდა. მოხუცი კა თავისას განაგრძობდა: „მე ამ სახლის კომიტეტის წევრი ვარ; ერთხელაც პოლიციელი მოვიდა ჩემთან და მოხოვა, თუ რაიმეს ან ვინმეს საეჭვოს შევამჩნევდი, აუცილებლად მეცნობებინა მათთვის“. ლაპარაკისას ვხედავდი სათვალის მიღმა როგორ უფართოვდებოდა თვალები ქალბატონ ლუბანს. პოლიცია არაფერს იტყვის ტყუილუბრალოდო, — დაასკვნა მან და ჩემი რეაქციის მოლოდინში გაჩუმდა. ქვემოდან ლიფტის ხმა შემომესმა, მაგრამ ისევ გაჩერდა სადღაც. რამოდენიმეჯერ კვლავ მივაჭირე ღილაკს ხელი და ის იყო ფეხით ვაპირებდი ჩასვლას, რომ ქალბატონი ლუბანი კიდევ უფრო მოძიახლოვდა და განმიცხადა: ჩვენს მეზობლად ერთი მეტად უცნაური პიროვნება ცხოვრობს, არ შევიმჩნევიათ? უარის ნიშნად თავი გავაქნიე და დავძინე, მეზობლების თვალთვალი არ მჩვევია-მეთქი. „ეგ რა შუაშია?“ — გაწიწმატდა ქალბატონი ლუბანი. ის ისე ახლოს იდგა ჩემთან, რომ სახეზე სქლად წახმული ფერუშარილის სუნიც კი მცემდა. ვუყურებდი ამ მოხუცებულ

ქალს და ვფიქრობდი, რა ვიქნებოდი მე ოცდაათი წლის შემდეგ, როცა ადამიანი ყოველი ახალი დღის გათენებას, თავის კიდევ ერთ გამარჯვებად მიიჩნევს, რადგან ერთ მშვენიერ დღესაც შეიძლებოდა აღარც მიეღწია გათენებამდე. უცერად ქალბატონი ლუბანი ხელზე შემეხო. „შეხედეთ!“ — ჩამჩურჩულა მან, შემოვტრიალდი. ჩვენსკენ ვიღაც კაცი მოდიოდა. ფეტრის ქუდი ეხურა თავზე. „აი ისიც“, — ჩაილაპარაკა ქალბატონმა ლუბანმა და კაცს თვალდახედვით.

მან ფეხით გამოაღო შუშის კარი და ჩვენს გვერდით დადგა მსუბუქი დედად მაკვირდებოდა. მეც მივჩერებოდი. მისი სახე ერთმანეთთან შეუსაბამოდ, თითქოს და ორი სხვადასხვა ნაწილისაგან შეედგინათო. ქუდიც სასაცილო ეხურა, თუმცა მთავარი ქუდი როდი იყო, რაღაც უცნაურად ეხურა, მაშინვე თვალში გეცემოდა.

როგორც იქნა, ლიფტი მოვიდა და ჩვენც შევედით. მოხუცი ქალი ჩემ გვერდით დადგა. იმდენად უსიამოვნო გრძნობა მქონდა, რომ ჩვენს შორის ჩანთა ჩავჭედე. ის უცხო კაცი კი ჩემს უკან იდგა. სიჩუმე რომ დაერღვია, ისე აყმუვლდა, თითქოს ძაღლს თათზე დააბიჯესო ფეხი. შეშინებული ქალბატონი ლუბანი ხელში მწვდა. კაცი ლიფტის კედელს მიყუდებოდა და მოწყენილი მიხერებოდა სარსულების მაჩვენებლებს. ერთმანეთს გაუღიმიეთ. ლიფტი რომ გაჩერდა, თავაზიანად მომესალმა და კარიც დაგვიჭირა.

სადამოს ჩემთან მოვიდა ჰენრი. უკვე ვიწექი, ზარმა რომ დარეკა. ხალათი შემოვიცვი და გავიხედე. ტაფით ხელში იდგა ზღურბლზე და მთხოვდა, რამეთი დამეხმარეო. „უკვე გვიანია, მეძინება“, — კუთხარი მე. მაგრამ ის მოჰყვა წუწუნს, მშვიერი ვარო, მერე კი გვერდი ამიარა და დაუპატიჟებლად შემომეჭრა ოთახში. სავარძელში ჩაჯდა და კედელზე გამოფენილი ფოტოების თვალიერებას მოჰყვა. მე კი ისევ კართან ვიდექი და ჩემსას ვიმეორებდი, დავიღალე, ძალიან მეძინება-მეთქი, მაგრამ ფეხს არ იცვლიდა. „ბევრ დროს არ წაგართმევთ, შევჭამ და მაშინვე წავალ“. იძულებული გავხდი სამზარეულოში გავსულიყავი. ჰენრი ოთახში დარჩა და იქიდან მელაპარაკებოდა. მოგვიანებით კი უკვე მაგიდასთან იჯდა და შეექცეოდა. თან მეხვეწებოდა, შენც ჩემთან დაჯექიო. მაგრამ ძალიან დაღლილი ვიყავი და საწოლში შევწექი. თვალდახუჭული ვუგდებდი ყურს ჰენრის ხმას. უნდა გამოგიტყდეთ, რომ მსიამოვნებდა მისი იქ ყოფნა, თითქოს დაღლილობაც სადღაც გამიქრა. თვალდახუჭული ვუსმენდი ჰენრის გაუთავებელ შეკითხვებს. ჯერ ის მკითხა, თუ ვიღებდი და ვამჟღავნებდი ამ ფოტოებს. მერე ოთახის მოწყობილობაზე მოჰყვა ლაპარაკი: „თითქმის ყველას ერთნაირად გვაქვს ავეჯი განლაგებული, რადგან თვითონ პროექტი გვკარნახობს, სად დავდგათ მაგიდა, და სად საწოლი. მხოლოდ ერთი განსხვავებაა, ესეც პროექტით გათვალისწინებული: თუ წიგნების თაროები გვაქვს, საწოლი ფანჯარასთან უნდა ჩავაცუროთ. ზოგჯერ წიგნების განლაგებაც კი ერთნაირია. მოკლედ, სურვილი გავიჩნდება შუბლში დაიხალო ტყვია“. ჰენრის ხმა ისე საამოდ ჟღერდა, რომ რულიც კი მომერია. ცოტა ხნით წამოდგა ჰენრი, ოთახში გაიარ-გამოიარა, ფანჯარაში გადაიხედა და კვლავ მაგიდას მიუბრუნდა. ვიწექი და თვალს ვადევნებდი მის მოძრაობას. უცბად კუთხეში ჩემი მაღალქუსლიანი ოქროსფერი ფეხსაცმელები დაინახა. დაიყინა, გინდა თუ არა, ახლავე ადექი და ჩაიცვიო.

„ჭამას ხომ მორჩით, ახლა წადით, უნდა დაუძინო“. — მაგრამ ჰენრი აინუნშიაც არ აგდებდა ჩემს სიტყვებს, ისევ ხელში ეჭირა ჩემი ფეხსაცმელები და ხოტბას ასხამდა. ბოლოს სავარძელში ჩაჯდა. მღუპარედ ეწეოდა სიგარეტს,

თან ფანჯრისაკენ იყურებოდა: „გიყვართ აივანზე გასვლა? მე პირადად არ მიყვარს“. „რატომ? სიმაღლისა გეშინიათ?“ — დავინტერესდი. მაგრამ ჰენრიმ მაშინვე შეცვალა საუბრის თემა: „როგორ ფიქრობთ, არსებობს ურთიერთგაგება?“ უამრავ კითხვას მისვამდა, რომლებზეც მე არ გამაჩნდა პასუხი. და არც მესმოდა ხუმრობდა თუ სერიოზულად მეკითხებოდა. იქნებ ეს თამაშიც ვი იყო, ტესტირებური, რომლითაც ჩემს მეცნობას ცდილობდა? ჰენრიმ მშვენივრად იჯდა სავარძელში და წითელ ღვინოს შეექცეოდა.

„რატომ მკითხეთ წელან აივანზე? რა კავშირშია აივანი ყველაფერ ამასთან, რასაც თქვენ ლაპარაკობთ?“ — კვლავ შეუბრუნე კითხვა.

„მეშინია, არ გადავფრინდე, უფრო პროზაულად რომ ავიხსნათ, მეშინია, იმაზე ადრე არ გადავვარდე აქედან და მოვკვდე, ვიდრე თავისთავად მომეღივოს. მაინტერესებს რისთვის ვცხოვრობ, ხომ უნდა ჰქონდეს რაიმე აზრი ჩემს დაბადებას, ჰოდა, მეც ველოდები, გაუიგო რისთვის მოვევლინე ამ ქვეყანას“.

რატომღაც მომწონდა ჰენრი. „ცხოვრებისეულ გამოცდილებებს თუ გავითვალისწინებთ, ამგვარ ხუმრობებს უბრალო და ჩვეულებრივი ბოლო აქვს. ასე რომ, რაც არ უნდა შეთხზათ, არც თქვენი ბოლო იქნება უკეთესი“.

„ჰო, ჰო, — ამოიოხრა მან და შემრიგებლურ კილოზე ჩაილაპარაკა, — ცხოვრებისეული გამოცდილება, არა?! მართლა ძალიან დაღლილი ხარ?“

თავი დაუქნიე. არც ვი ვიცოდი, რა უნდა მეფიქრა ჰენრიზე. თუმცა ფიქრის თავი სადღა მქონდა. იჯდა იგი სავარძელში და სიგარეტს ეწეოდა. ბოლოს წამოდგა და ყოველგვარი ცერემონიების გარეშე ლოჯინში შემოწვა. გაოცებისაგან ენა ჩამიყარდა.

იმ ღამეს მოუსვენრად ეძინა ჰენრის. ადრე გაეღვიძა. მინდოდა საუზმე მოემზადებინა მისთვის, მაგრამ მთხოვა არ აემდგარიყავი. მერე მაკოცა და წავიდა ისე, რომ არც არაფერი უთქვამს. ისევ ჩამეძინა. გამოღვიძების შემდეგაც კარგა ხანს ვიწევი ლოჯინში და ვცდილობდი გამომეცნო რომელი საათი იქნებოდა. რატომღაც ქალბატონი ლუბანი გამახსენდა უცბად, კარის ჭუჭრუტანიდან რომ უთვალთვალებდა მეზობლებს.

მერე ვი ვიკადრე აღვომა, ტანი გადავიბანე და ვიდრე ყავისთვის წყალი აღუღლებოდა, დაბლა ჩავედი გაზეთების ამოსატანად. როცა დავბრუნდი, სამზარეულოში ორთქლი ტრიალებდა. ყავა მოვიმზადე და ოთახში ვისაუზმე, თან ჩემს თავს ვესაუბრებოდი. სხვა დროს არ მსიამოვნებდა ამგვარ საუბრებში რომ ვიჭერდი საკუთარ თავს. ახლა ვი თითქოს ერთგვარ შვებასაც ვი მგერიდა. რადიოში მუსიკა უკრავდა, თან სახლში ვიღაცის ლაპარაკიც ისმოდა, მერე რა, რომ ეს ჩემი საკუთარი ხმა იყო.

ჰენრი გამახსენდა, წამოვდექი, აივნის კარი გამოვადე და ქუჩაში გადავიხედე, მერე ისევ მაგიდასთან მივბრუნდი და საუზმობა განვაგრძე. გვერდით გაზეთი მედო, განცხადებებს ვკითხულობდი.

გაზეთებში, საერთოდ, განცხადებები უფრო მიზიდავდა, მომწონდა ეს სახალისო, ოფიციალურად სააშკარაოზე გამოტანილი, ცოტა არ იყოს, სასაცილო ამბები. მაგალითად: „დაიკარგა ძაღლი, სახელად ტრიქსი (არ იკბინება)“. „იყიდება საძინებელი ავეჯი (გარანტიით)“. ზოგჯერ ასეთ განცხადებებსაც ვი ვაწყდებოდი: „ეარ ასეთი და ასეთი, მიყვარს კითხვა, თეატრი, ოუმორი, სიგარეტს არ ვეწევი“. ამგვარი რეკლამით ეძებდნენ ცხოვრების თანამგზავრს. ხანდახან სამგლოვიარო განცხადებებსაც გადავკრავდი ხოლმე თვალს. „კიზიარებთ ღრმა გულიანობით და ენით აუწერელი მწუხარებით ვიუწყებთ, რომ გარდაიცვა“

ლა ესა და ეს“. მეტწილად კი ამგვარ ამბებს პოლიკლინიკაში ვიგებდი საოცრად ინფორმირებული და მოღვაწე კოლეგების წყალობით, რომელთაც ზოგჯერ ისიც კი იცოდნენ, ვინ სად და როგორ დაიღუპა.

ვიღვა-გაყიდვის განცხადებებით ხომ მოლაღ აჭრელებული იყო გაზეთი. რა გულუბრყვილოები და თაღლითები ბრძანდებიან?! ზოგი იმედოვნებს მზამზარეული ბედნიერება იპოვოს, ზოგს უჭირს და ცდილობს თავისი წახალისებელი საქვეყნოდ გამოფინოს. მოკლედ, ეს გაზეთი კი არა, დიდი ქალბატონ-განცხადებელია, უფრო სწორად, სხვადასხვა ფანრის ნაწარმოებთა კრებულია.

უცბად ქალის ხმა შემომესმა, ვიღაცას უხმობდა თავისთან. ფანჯრიდან და-ვინახე, გვერდით აივანზე, შავ შალში გახვეული ქალბატონი რუპრეხტი იღვა და ჩიტებს უყრიდა საჭმელს, თან თავს აკანტურებდა. აივნის ვისოსებს შორის ხელს ყოფდა და ჩიტებს უხმობდა. მაგრამ ჩიტები ახლოსაც არ ეკარებოდნენ. ქარი აქეთ-იქით ფანტავდა ნამცეცებს. ქალბატონი რუპრეხტი იშვიათად თუ შემოვიდოდა ჩემთან წამლისთვის. მეტად მორიდებული იყო, თავს არავის აბეზრებდა.

საუზმის შემდეგ ყველაფერი მივაღაგ-მოვაღაგე სამზარეულოსა და ოთახში. თუმცა ჩემს პატარა ბინას ბევრი ღოლიავი არც სჭირდებოდა. რაკი საქმე აღარ მქონდა, ცოტა ხანს კიდევ დავჯექი და სიგარეტი მოვწიე. ნახევარი საათის შემდეგ უკვე სამსახურში ვიყავი.

თავი მესამე

სამ დღეს აღარ გამოჩენილა ჰენრი. ამას სამსახურში ჩემი მორიგეობაც დაემატა. საკმაოდ მშვიდობიანად ჩაიარა ამ მორიგეობამ. რა თქმა უნდა, ახლაც იყო სიმთვრალის შემთხვევები, უამრავი ავადმყოფიც, თუმცა სერიოზული არაფერი მომხდარა. გამოენიისას, ექვს საათზეც ატყდა განგაში, მაგრამ რვა საათამდე, ვიდრე მეორე სამუშაო დღე დაიწყებოდა, მაინც დამრჩა საუზმობის დრო.

ძალიან მკლიდა მორიგეობა. მთელ დღეს გაბრუებული ვიყავი და ერთი სული მქონდა, როდის წავიდოდი სახლში. ძლივს ვინარჩუნებდი წონასწორობას და ეცდილობდი გულისხმიერად მოვპყრობოდი პაციენტებს. ისინიც თავის მხრივ თანამიგრძნობდნენ. კარლასგან თუ იყვნენ გაფროთხილებულნი, მთელი ღამის უძილოაო.

პარასკევს, სრულიად შემთხვევით, სადარბაზოში შევეჯახე ჰენრის. საპარიკმახეროდან ვბრუნდებოდი და საშინლად გამოვიყურებოდი. მინდოდა შეუმჩნევლად ჩამეგლო და სასწრაფოდ მომეწესრიგებინა თავი, მაგრამ დამინახა თუ არა, ხელზე შეამბორა: „სწორედ შენ გეძებდი, რა კარგია, რომ გნახე“. მალლა კი ერთად ავედით, მაგრამ ჩემს კართან დავშორდით იმ პირობით, რომ საღამოს სადმე წავიდოდით.

ორზე გამომიარა. ქალაქკარეთ გავედით ჰენრის მანქანით. შესანიშნავად, მაგრამ ისე სწრაფად მართავდა ჰენრი საჭეს, რომ ვუთხარი კიდევ. „შენ რა, გეშინია? თუ განდა ნელა ვივლი“, — თქვა მან და ცოტა არ იყოს ირონიულად გამომხედა. „რისა უნდა მეშინოდეს, პოლიციასთან შენ შეგხვდება უსიამოვნება და არა მე“.

ჩემს პასუხზე ჩაეცინა ჰენრის და კიდევ უფრო მოუმატა სიჩქარეს. იძულებული ვიყავი კარის სახელურს ჩავჭიდებოდი, რაც კიდევ მეტად ართობდა მას.

ერთ პატარა რესტორანთან შევჩერდით. მეპატრონეს რიხარდი ერქვა. ეტ-

ყოფა, კარგად იცნობდა ჰენრიის. რიხარდი პალმის ძირში რომ მაგიდა იდგა, იქ-ითკენ გაგვიძღვრა. ეს იყო ჯმუხი, ასე ორმოცი წლის კაცი, ღიპი მჩვარივით გადმოჰკიდებოდა შარვლიდან. ცოტა ხანს ჩვენთან ჩამოჯდა და თავის ცოლზე მოჰყვა ლაპარაკს. მერე თავისი წუხილიც გაგვანდო, იქ ახლოს ვიღაც მოუკლავთ და მისი ოფიციალტი ყოფილა მოწმედ. ბოლოს მიხვდა, რომ ლაპარაკი გაუგრძელდა და მენიუ შემოგვთავაზა, თან თვითონვე გვირჩია, რა უნდა გვჭირებოდა. ჰენრი, ეტყობა, ენდობოდა მის გემოვნებას და უსიტყვოდ დასთანხმდა. რიხარდი რომ წავიდა, ჰენრიმ მომიბოდიშა: „შენ ვეღარ გკითხე, რა შეგვეკვია, ვიცოდი, ეწყინებოდა“.

მართლაც შესანიშნავი სადილი მოგვიტანეს. მოგვიანებით კიდევ შემოგვიერთდა რიხარდი და ახლა თავის მანქანაზე მოჰყვა წუწუნს. ჰენრის ეხვეწებოდა, როგორმე იქნებ მოიცალო და ნახო, რა სჭირსო. ამ დღეებში გამოგვივლი და ვნახავო, — შეპირდა ჰენრი. „რა კავშირი გაქვს მანქანებთან?“ — დამინტერესდა მე „არაფერი. უბრალოდ, ჰობია ჩემი. ისე კი არქიტექტორი ვარ და ჩემი მოვალეობაა ვაშენო ყოველად გამოუსადეგარი, სტანდარტული ტიპის ავტომატური ელექტროსადგურები, რომელთა განსხვავება მხოლოდ იმაში მდგომარეობს, თუ სად ავაგებთ, მდინარის მარჯვენა თუ მარცხენა ნაპირზე“, — ამიხსნა მან.

იმ დღეს ბერი დავლიეთ. როგორც ყოველთვის ახლაც ლაპარაკის გუნებაზე მომიყვანა ღვინომ. აგრესიულობაც კი შემმატა. ცოტა არ იყოს მაღიზიანებდა ჰენრის ცინიკური სიმშვიდე და ვცდილობდი, როგორმე გამომეყვანა მოთმინებიდან. მიზეზი თავადაც ვერ გამეგო, მაგრამ მინდოდა გამემწარები-ნა. ის მაინც მშვიდად იღიმებოდა.

ყავა რომ მოგვიტანეს, რიხარდი ისევ ჩვენთან ჩამოჯდა და კვლავ თავისას ლაპარაკობდა. ჰენრი ხვდებოდა, რომ არ მაინტერესებდა ეს საუბარი და უხერხულად გრძნობდა თავს.

შუალამე იქნებოდა, წამოსვლა რომ დავაპირეთ. ვიცოდი, ახრი არ ჰქონდა, მაგრამ მაინც უთხოვე ჰენრის, იქ დაგვეტოვებინა მანქანა და ტაქსით წავსულიყავით. „ხომ არ გეშინია?“ — ირონიულად გადმომხვდა ჰენრიმ. „შიში რა შუაშია. ვერც ვერაფერს ვხედავ ამაში ორიგინალურს“. — მივუგე წყენით და და მაინც ჩავჯექი მანქანაში.

ვაკვირდებოდი ჰენრის და ვგრძნობდი, რა სიამოვნებას ჰგვრიდა მანქანა. საიცრად მოხერხებულად, თითქმის არც კი ეხებოდა, ისე ეჭირა საჭე. სინქარეებს მაღიმაღ სცვლიდა. დახვეწილი, მოქნილი მოძრაობები ჰქონდა. ჰენრიმ შეამჩნია ჩემი მზერა და უხერხულად გამიღიმა.

„ასე მგონია, ბევრს ნიშნავს შენთვის მანქანა“. მან თავი დამიქნია და ცოტა ხნის შემდეგ დასძინა: „მხოლოდ საჭესთან შევიგრძნობ სიცოცხლეს“. „ცოტა ხმამაღალი ნათქვამი ხომ არაა?“ „შეიძლება“, გამომიტყდა იგი. „ნუთუ სხვა აღარაფერი არსებობს შენთვის?“ „იქნებ არსებობს, მაგრამ ამას არა შეედრება რა“. „უკ კი ნამდვილად არ შესძის შენი და ვერც დაგეთანხმები“. „არც მოვითხოვ. ეს ხომ ჩემი, საკუთარი ნეტარებაა და სხვა ვერც ჩასწვდება ამას“. „ნეტარება? იდუმალი ნეტარება, არა?“ — დავაკონკრეტე მე. ჰენრი დამეთანხმა და ამ შედარებამ გაამხიარულა კიდევ. „თავიდან რომ დაგეწყო ყველაფერი, რას აირჩევდი?“ „მოტომსრბოლელობას ან კასკადირობას“. — მიპასუხა მან დაუფიქრებლად. „ეს ხომ საშიში პროფესიებია?!“. „კი, მაგრამ სწორედ მაგაშია სიცოცხლე“. — ჩაიცინა ჰენრიმ. „მერე კატასტროფების არ გეშინია?“ ექიმები

რიდასთვის არიანო, თან მე გადმოხედა. „კი, მაგრამ სიკვდილის საშიშროებაც ხომ არსებობს?“ აქ ცოტა ხანს გაჩუმდა, ტუჩები აიბზუა, მერე კი ისევ წამოიწყო: „მე არ მეშინია სიკვდილის. განა სიკვდილზე უარესი არაა მოკვლე ისე, რომ ჭეშმარიტი ცხოვრება ვერ იგემო?“

ეტყობა, ღვინო მომერია, ცუდად ეიგრძენი თავი და საზურგეს მიგვერდენი. „შეშლილი“, — ჩავილაპარაკე ჩემთვის და თვალები დავხუჭე.

გვიანი იყო, შინ რომ დავბრუნდით. გამომშვიდობებისას მაკოცა ჰენრიმ. „საოცრად უცხო ხარ ჩემთვის“, „რატომ?“ — გაიკვირვა მან. მე აღარ მოველოდილვარ ახსნა-განმარტებებს, თუმცა რა უნდა მეპასუხა, თავადაც არ ვიცოდი. უბრალოდ, რაღაც მეუცნაურებოდა მასში და ეს გაუცხოების შეგრძნებაც იმიტომ გამიჩნდა ალბათ. ისეთი ნასვამი ვიყავი, ფიქრის თავიც აღარ მქონდა. მოგვიანებით კი ბევრს ვიმტყრევდი თავს ამ საკითხზე. მაგრამ სინამდვილე რომ ვთქვა, არც მინდოდა მომეძებნა, რა იყო მიზეზი ამ გაუცხოებისა. სწორედ ასეთი მომწონდა ჰენრი.

იქნებ ამ გაუცხოებისა თუ დისტანციის გამო იყო ჩვენი ურთიერთობა საოცრად დაუძაბავი და თითქმის უბოდიშო. ალბათ ვერც ავითანდი კიდევ ერთხელ გადამეშალა ვინმესთვის გული. მე მხოლოდ უცხო სხეულის ფერება მომწონდა და არავითარი სურვილი არ გამაჩნდა სხვის სულში მეფათურა ხელები და კვლავ სხვაზე ვყოფილიყავი დამოკიდებული.

არ გამოურიცხავ, რომ ამგვარი აზრები ასაკის ბრალიც იყო, მაგრამ ეს მე არ მანადელეებდა. ხელს მაძლევდა ასეთი ურთიერთობაც.

მეორე დღით ერთად ვისაუბრეთ. კარგ გუნებაზე ჩანდა ჰენრი. დანა-ჩანგლითა და მოხარშული კვერცხით ფოკუსებს მიჩვენებდა. „მშობლებთან ვაპირებ წასვლას“, — წამოვიწყე მოულოდნელად. „ხომ არ გამოგყვებ?“ „ამჯერად არ ღირს“, — ვიუარე მე და აღარც ის ჩამციებია. რატომღაც უცბად ყოველგვარი სურვილი გამიქრა წასვლისა. არადა, დედას შევპირდი, კვირის ბოლოს აუცილებლად ჩამოვალ-მეთქი. დარეკვასაც ვეღარ მოვასწრებდი, მაგრამ წასვლასაც არ ვჩქარობდი.

ერთი პირობა ჭადრაკის სათამაშოდაც დავსხედით მე და ჰენრი, მაგრამ ფიქრებით სხვაგან ვიყავი, არაფერი გამომდიოდა და თავი დავანებე. როცა მშობლებთან ვაპირებდი წასვლას, ყოველთვის ასე მემართებოდა. მთელ დღეს შეშლილს ვემსგავსებოდი. მაღიზიანებდა ეს ვალდებულებებით აღსავსე ურთიერთობა. არა და, მშობლები ყოველთვის ჯიუტად იცავდნენ საკუთარ უფლებებს და ცდილობდნენ თავს მოეხვიათ თავიანთი გამოცდილება, დაერიგებინათ ჭკუა, რასაც მოთმინებიდან გამოგყავდი და მხოლოდ და მხოლოდ იძულებითი თავაზიანობით ვუსმენდი. ვგრძნობდი, აღარაფერი მაკავშირებდა მათთან. მთლად უცხონი გამხდარიყვნენ ჩემთვის. იქნებ ჩემი ბრალიც იყო, ასე იშვიათად რომ ჩავდიოდი, მაგრამ მე ვფიქრობ, ამგვარი ნათესაური კავშირი, რომელიც მხოლოდ შემთხვევითობაზეა დაფუძნებული, უაზრობაა. რა თქმა უნდა, ჩემი მშობლებისათვის ვერც გავბედავდი ამის გამხელას. მათთვის ხომ უმთავრესი იყო ბოლომდე შეენარჩუნებინათ ეს არაფრის მომცემი ურთიერთობა, ყოველგვარი ვიზიტებითა და მისვლა-მოსვლით.

გამომშვიდობებისას ჰენრის ვკითხე: „რას აპირებ ამ შაბათ-კვირას?“ გაკვირვებულმა შემომხედა. „განსაკუთრებულს არაფერს“ — ჩაილაპარაკა მან. მაკოცა და წავიდა.

საღამოს უკვე მშობლებთან ვიყავი. გვიანი იყო და ტელევიზორს უყურებ-

დნენ, ეტყობა, მელოდებოდნენ, მაგიდაც არ აელაგებინათ. მისაყვედურეს: „გვე-
გონა სულ დაგაკიწყდით. დეიდა გერღაც აქ იყო, აქამდე გელოდებოდა და წა-
ვიდა. ხეალ მაინც შევუაროთ, ხომ იცი, როგორ უყვარხარ“. ძლივს ვიკავებ-
დი თავს, ისეთი დაღლილი და უხასიათოდ ვიყავი. ყოველ ჩამოხვლასზე დედა წამ-
ლების სიას მახვედრებდა. ზოგი თავისთვის უნდოდა, ზოგი მეზობლებისთვის.
თან მარიგებდა: „ექიმი ხარ და ვალდებული ხარ დაეხმარო ხალხს, თორემ იფ-
იქრებენ, არ გვკადრულობსო“. ერთი ასეთი სია ახლაც ელო ბუფეტზე, თერთ-
მეტი საათი იქნებოდა რომ დავწექი. მამა ტელევიზორთან დარჩა და როგორც
ყოველთვის, პროგრამის დასასრულს ელოდებოდა.

ვიწექი, დედა რომ შემოვიდა, საწოლზე ჩამამიჯდა და მითხრა: „მინდა
მოგელაპარაკო. რამდენი რამაა, შვილო, ჩვენს შორის უთქმელი“. „მაინც რა
გაქვს მხედველობაში?“ — ვკითხუ ვაკვირვებულმა. „რატომ ხარ ასე ცივი და
უგული?“ ცოტა არ იყოს გავოცდი, მაგრამ არ შევკამათებოვარ, ჩხუბის თავი
არ მქონდა.

მებრალეობდა ეს ქალი, ნაღვლიანად რომ იჯდა ჩემს წინ, მაგრამ სხვა
გრძნობა არ გამაჩნდა მისადმი. ვერ გამეგო, რატომ წუწუნებდა, რას მოითხოვ-
და ჩემგან. ჩვენ ხომ ისე იშვიათადლა ვხედავდით ერთმანეთს, რომ შორეულიც
კი უნდა გავმხდარიყავი მისთვის. ან რა გულითად საუბარზე იყო ლაპარაკი.
დედამ ცოტა წაიტირა კიდევ. მერე მამაზე მოჰყვა წუწუნს: „მამაშენის საქმეც
ვერ არის კარგად. ქარხნიდან პენსიაზე გაუშვეს, არადა, ჯერ კიდევ შეეძლო
მუშაობა. ვილაც მოწაფისთვის სილა გაუწნავს და საბაბიც ეს გაუხდა. უთხრეს,
ან პენსიაზე გახვალ, ან ისტატობას ჩამოგართმევეთო. მამაშენი მეორე დღესვე
წამოვიდა ქარხნიდან. სამოცდახუთი წლის იუბილესთან დაკავშირებით ჯილ-
დოზე უნდა წარედგინათ, მაგრამ ამ ფაქტის გამო ამაზეც უარი უთხრეს. დაპირ-
დნენ კი ორი წლის შემდეგ წარგადგენთო, მაგრამ საქმე ეს როდია. მთავარი
ისაა, რომ ამ დღიდან მამამ ყოველგვარი კავშირი გაწყვიტა ქარხანასთან და
თავის კოლეგებთან. ასე რომ, მთლად უმეგობროდ დარჩა. მთელი დღე სახლში
ზის. ძალიან აუტანელი ხასიათი გაუხდა. მიჭირს, შვილო, მასთან ურთიერთო-
ბა“. ლაპარაკისას დედა ხელზე მეფერებოდა. მე არც მიცდია მისი თანაგრძნო-
ბა, ვიცოდი ატირდებოდა. ან რა აზრი მქონდა, საკუთარ პრობლემებს თავადვე
უნდა გამკლავებოდა.

„იცი, ჰინერი შემხვდა, — წამოიწყო ისევ დედამ (ჰინერი ჩემი ყოფილი
ქმარია). ზედმიწევნით თავაზიანად მომეპყრო. შენ წარმოიდგინე ქალაქშიც კი
წამიყვანა და ჩემს გამო გზა გაივრძელა. თურმე უფროსი ექიმის წოდებას ჰპირ-
დებიან. სხვათაშორის ცოლი აღარ შეურთავს. მოგიკითხა და შენთან შეხვედრის
სურვილიც კი გამოთქვა“. „რა საჭიროა ამაზე ლაპარაკი. არ მიყვარს წარსულის
გახსენება. მით უმეტეს თუ წარმატებებისათვის მიუღწევია, ქალებსაც ადვილად
იშოვის“. „ჰინერი წესიერი კაცია, — შემეწინააღმდეგა დედა. — იქნებ ნანობს
კიდევ თავის საქციელს. უნდა შეგეძლოს შვილო, პატიება, არ უნდა იყო ასე-
თი გულბოროტი. ეგეც რომ არ იყოს, ცოტა შენს თავზეც იფიქრე, ასაკი ხომ
გემატება“.

„ჰინერს მისი სასიყვარულო თავგადასავლების გამო არ გავყრილვარ, —
შევკამათე დედას. — უბრალოდ, მივხვდი, შეცდომა იყო ჩვენი ქორწინება.
ვეყოფა მაჭანკლობა“, — დავძინე ცოტა არ იყოს უკმეხად. ისევ წაიტირა დედამ.
მერე ცოტა მეზობლების ამბებსაც მოყვა. გასვლისას მკითხა: „შენი აზრით,

ხანდახან საჭირო არ არის ასეთი გულითადი საუბრები?“ რას გულისხმობდა დედა, ვერ მივხვდი, მაგრამ მაინც დავეთანხმე.

დედამ შვებით ამოიოხრა და გავიდა. კარგა ხანს კიდეც ვერ დაგვიძინე, ვიდრე ორი საძილე აბი არ ჩავეყლაპე.

მეორე დღეს საუზმობისას უამრავი შეკითხვა დამაყარეს მშობლებმა. „კიდეც ბევრს ეწევი?“ — დაინტერესდა დედა. მას არც მამა ჩამოვჩვენებია. ჩინეთზე რა იცა ახალი?“ მეც ორივეს ინტერესი ერთდროულად დაეკმაყოფილე: „კიდეც ბევრს ვეწევი და ჩინეთზე არაფერი ვიცი“. კარგა ხანს მიხსნიდა მამა, რამდენად მწველი პრობლემა იყო ჩვენთვის ჩინეთი: „თვალს თუ ადევნებ, რა ხდება სურინამში?“ და როცა გაიგო, სურინამი სად იყო არც კი ვიცოდი, გამწარდა და მიყვირა: „ნასწავლად მოგაქვს თავი და უვიცი ხარ. გაზეთებს შენ არ კითხულობ და პოლიტიკა შენ არ გაინტერესებს“. მამა ბავშვობიდანვე ცდილობდა ორივე ქალიშვილი პოლიტიკით დავეინტერესებინეთ, მაგრამ მე თავიდანვე გავუცრუე იმედები. ახლაც შევეკამათე: „მსოფლიოს პოლიტიკის გარეშეც ჰყოფნის პრობლემები“. ისე კი პარობა მივეცი, როგორც მოვნახავდი დროს, აუცილებლად გავუცნობოდი გაზეთებს. რაზეც გამწარებულმა მამამ ისე ძლიერად დაარტყა მაგიდას მუშტი, რომ ჭიქებმა ეღრიალი დაიწყო. დედა ჩემს დაცვას შეეცადა, მაგრამ იმასაც შეუტია და ოთახიდან გავიდა. „ყურადღებას ნუ მიაქცევ, — მოხოვა დედამ, — ამგვარ სცენებს მეც ხშირად მიმართავს“.

მერე მაგიდა ავაღავეთ და საქმეებს რომ მოვრჩით, ასე, შუაღლისთვის დეიდა გერდასთან გადავედი. დეიდაჩემი ჩვენგან ორი ქუჩის მოშორებით ცხოვრობდა.

დედაჩემის და მსუქანი, წითელლოყება ქალი იყო. მასაც და თავის ქმარსაც ცოტა არ იყოს უბერხული, ხმამაღალი ლაპარაკი სჩვეოდათ. როცა მივედით, ცოლ-ქმარი სამზარეულოში იყო და კურდღელს ატყავებდა. ჩვენ სასტუმრო ოთახში დაესხედით. ბიძია პაულმა თავისი გაკეთებული მოცხარის ლიქიორი მოგვართვა, ძალიან ტკბილი იყო.

სამივენი ჩემზე ლაპარაკობდნენ: „როგორ შეიძლება ამისთანა მშვენიერი ქალი ამდენ ხანს მარტო დადიოდეს? ნამდვილად არ მესმის დღევანდელი მამაკაცებისა. ჩვენ დროს სულ სხვანაირები ვიყავით“. — აღნიშნა ბიძია პაულმა და თან მკერდზე წამატანა ხელი, რამაც მოთმინებიდან გამოიყვანა დეიდა გერდა და ხელებში ჩახტხო. დედაჩემმაც შეიცხადა. „რაც ვინდათ, ისა თქვით, ეს მაინც ყველაზე ძალიან მიყვარს“, — არ შეეპუა ბიძია პაული. დეიდა გერდამ კიდეც დააღევიანა ერთი ჭიქა ლიქიორი და სამზარეულოში გაისტუმრა. სადაც მივდიოდი, აქაოდა, ექიმი ხარო, ყველა თავის ავადმყოფობაზე შემომჩიოდა. ახლაც დეიდა გერდამ თავისი დაბერილი ვენები მიჩვენა. მერე უბნის ექიმის დანიშნულებაც მომიტანა, ჩემი აზრი აინტერესებდა. მეც დავამშვიდე, ყველაფერი წესრიგშია-მეთქი. ვიდრე დედაჩემი დეიდა გერდას ესაუბრებოდა, მე სამზარეულოში გავედი ბიძია პაულის მისახმარებლად. მწვანელი გავურეცხე, კარტოფილი გაკთაღე. თან გაოცებული ვუყურებდი, რა ოსტატურად ხმარობდა ბიძია პაული დანას, არადა, მარჯვენა ხელზე სამი თითი არ ჰქონდა. წითელ, სქელ ცხვირზე ოფლის წვეთება ჩამოსდიოდა. მოულოდნელად მან თავი დაანება კურდღელს, ხელები გადაიბანა და უსიტყვოდ გავიდა სამზარეულოდან. როცა დაბრუნდა, ხელში ქალაღდი ეჭირა. თან ეცინებოდა: „დაბადების დღისთვის ჩემს ცოლს სიურპრიზს ვუმზადებ. ეს საგზურია, შავ ზღვაზე მიხდა გავუმვა დასასვენებლად. მთელი ორი წელიწადი ამისთვის ვაგროვებდი ფულს“. მოხოვა არა-

ფერი მეთქვა დეიდაჩემისათვის: „ზუსტად წასვლის დღეს უნდა ვაჩვენო, თორემ ისე ეშინია თვითმფრინავში ჩაჯდომის, ვიცი უარს იტყვის. არასოდეს მჯდარა თვითმფრინავში და სულ იმას გაიძახის, რაღა დროს ჩემი თვითმფრინავია, უკვე ბებერი ვარო“.

წინასწარ ხარობდა ბიძია პაული თავისი მოგონილი ოინით: „ოჰ, როგორ დავაშინებ ჩემს ბებერ ქათამს?!“ თან ისე გულიანად იცინოდა, რომ მუხლები აღარ უჩანდა. მულოტი თავი წითლად ულაპლაპებდა. კიდეც ერთხელ შემახსენა, ეს საიდუმლო ჩვენს შორის დარჩესო და საიზარეულოდან გავიდა, რომ კვლავ საგულდაგულოდ გადაეძალა საგზური.

ამასობაში დედაც შემოვიდა, წავიდეთო. გამომშვიდობებისას თვალი ჩამიკრა ბიძია პაულმა და ისევ თავისებურად წაიოხუნჯა. დეიდა გერდამ ვითომ ხუმრობით, მაგრამ აღშფოთებულმა შეჰკივლა. დედას არ უყვარდა ბიძაჩემის ამგვარი ხუმრობები და მიაძახა: „ნამდვილი ბებერი თხა ხარო“. ბიძია პაული შემრიგებლურად მიეფერა ლოყაზე.

შინ რომ დავბრუნდით, მამა ისევ ტელევიზორთან იჯდა, პოლიტიკურ მიმოხილვას უსმენდა. „სადილიც არ მოგიმზადებია“, — უსაყვედურა დედამ და სამზარეულოში გამიყვანა. ვიდრე მე სალათის ფოთლებს ვრეცხავდი, დედამ ხორცი შემოდგა გასაცხლებლად. „არ გიჭირს მარტო?“ — მკითხა მან ცოტა ხნის შემდეგ. „მშვენივრად ვგრძნობ თავს“, — მიუუგე მშვიდად. თანაც ასე უფრო მეტი დრო მრჩება ჩემთვის. ადრე მთელი დღე წვრილმანებზე ფიქრს მიჰქონდა. „ეს ყველაფერი გასაგებია, მაგრამ ვინმე თუ გყავს?“ — „არა“. „აბა, უკაცოდ როგორ სძლებ?“ — გამეცინა და დაუამშვიდე. „მაგას თუ გულისხმობ, ეგ არაა პრობლემა“. „რა თქმა უნდა, ვიდრე ახალგაზრდა და ლამაზი ხარ, არაა პრობლემა, მაგრამ მერე ხომ მოხუცებულობაში მარტოკას გაგიჭირდება“.

„ყოველშემთხვევისთვის, მე ჯერ არ მანაღვლებს ეგ საკითხი“, — ვთქვი და ორივენი გავჩუმდით. ვგრძნობდი, რაღაცაზე ფიქრობდა დედა. მერე კი გამომხედა და მითხრა: „რა ვიცი, იქნებ მართალიც ხარ“.

სადილობისას შეცბუნებული იჯდა მამა და ისე გულმოდგინედ აქებდა ჩემს სალათას, რომ დედას ცოტა არ იყოს ეწყინა კიდეც; სადილობის მერე მალევე მინდოდა წავსულიყავი, რომ დღის სინათლეზე ჩამელწია ბერლინში. მაგრამ დედამ მოხოვა, ცოტა ხანს კიდეც შეიცადეთ. ეტყობა, დღევანდელი გულახდილი საუბრით კმაყოფილი იყო. მამამ კი რატომღაც ანდერძის ჩვენება მოიწადინა, დაიჟინა, ვინდა თუ არა, უფრო მშვიდად ვიქნებო. როგორც იქნა, დავიყოლიე, შემდეგ მოსვლაზე ვნახავ-მეთქი.

გამომშვიდობებისას ორმოცდაათ მარკას მჩუქნიდა მამა. მივხვდი, დილანდელი საქციელის გამოსწორებას ცდილობდა ამით. თუმცა არაფერიც არ იყო საბოდიშო, მერე რა, რომ ჩვენ სხვადასხვა აზრი გვქონდა პოლიტიკაზე, რა იყო აქ განსაკუთრებული.

„მე ჩემი ხელფასიც მყოფნის, უმჯობესია, დედას უყილო რამე“, ფული უკან დაუბრუნე და ვაკოცე.

ორჯერ შევჩერდი მარკში (ბრანდერბურგში). დანგრეული სასიმინდისა და ქარხნის ფოტოზე აღბეჭდვა მინდოდა. ქარხნის აბრაზე ჯერ კიდეც შემორჩენოდა წარწერა: მფლობელის გვარი, სახელი, სამუშაო დრო და სახერხი მასალის პრეისკურანტი. გამვლელ-გამომვლელი ჩერდებოდა და გაოგნებული მომჩერებოდა. ერთმა ჩემი მანქანის ნომერიც კი ჩაიწერა. ჩამეცინა, რაში გამოიყენებს ნეტა?!

ბერლინში მოსალამოვებულზე დაკბრუნდი. ჰენრი სახლში არ დამხვდა. დაღლილი ვიყავი და აბაზანაში შევედი. დიდხანს დავყავი წყლის ქვეშ. დაძინებამდე წიგნის წაკითხვა ვცადე, მაგრამ ისე ვნერვიულობდი, გული ვერ დავუდე. ერთი პირობა, წაკითხული წიგნიც კი გადმოვიდე და აქაც რომ ვერაფერს გავხდი, ყავა მოვიდულე და პასიანსი გავშალე.

მოგვიანებით ჰენრის გადაუურეკე, ყურმილს არავინ იღებდა, ვერ ვესვენებდი, რა გამეკეთებინა არ ვიცოდი. ჯერ საჭმელი მოვამზადე, მერე ტელევიზორი ჩავრთე, რალაც ფრანგული ფილმი გადიოდა, კინოკომედია ჩანდა. მაგრამ აქაც რომ ვერაფერი გავიგე გამოვრთე და დავწექი. ათასი ფიქრი მომაწვა თავში. მშობლებიც გამახსენდა, მაგრამ ყველაფერი, მოგონებებიც კი, გაურკვეველად აბურღულიყო ერთმანეთში. როგორც იქნა ჩამეძინა.

თავი მეოთხე

ჩემს გარშემო თითქმის ყველას ედგა აივანზე დეკორატიული მცენარეები. მაგრამ ქარისა თუ მოუვლელობისაგან შესაბრაღისად დასჭკნობოღათ და ჩამომტვრეოღათ ფოთლები. ამის ცქერას რომ ვერ ავიტანდი, სწორედ ამიტომაც არ მქონდა ყვავიღები. ისე კი ძალიან მიყვარდა.

ჩემთან პოლიკლინიკაში იშვიათად მოდიოღნენ მძიმე აუადმყოფები. მეტწიღად ისეთები იყვნენ, რომელთაც მხოლოდ და მხოლოდ რეცეპტების გამოწერა უნდოღათ.

სამშაბათს შეწუხებული მოვიღა ჩემთან კარღა და მითხრა: „ოკოზისტონის“ ხმარება შევწყვიტე, ძღიერ დამასუსტა. ისე კი მეშინია, ფეხმძიმედ არ დავრჩე, ჩემი ქმარი ხომ საოცრად აქტიურია“. ამ საუბარმა ცოტა არ იყოს უსიამოვნო შეგრძნება დამიტოვა.

მაშინვე ის ამბავი გამახსენდა, შარშან რენდგენოლოგიის განყოფიღების ერთი ასისტენტი რომ მომიყვა. იმ დღეს ჩვენი პოლიკლინიკა ჯანმრთეღობის დღეს აღნიშნავდა. დიღი ბანკეტი გექონდა. შუა ქეიფის დროს ამ ასისტენტს კარღასთვის და ჩვენი უფროსისათვის რომელიღაც კაბინეტში წაუსწრია. კარღაზე ყოველთვის ეჭვობღნენ, უფროსისაგან კი არავინ მოეღოღა ამას. დიღი აჟიოტაჟი გამოიწვია ამ ამბავმა. ზოგს გაუხარდა კიდეც, თითქოს შეებაც კი იგრძნეს, ჩვენჩაირი ყოფიღათ: „კეთიღი იყოს, ძმაო, შენი მობრძანება ჩვენთან, უმსგავსოებათა საყუღარში, ამ ბანაღურ, გასაცოღავებულ, ინტიმურ წრეში“.

კარღა კი, ეს გარყვნიღი, ჩაპუტკუნებული ქაღი, იღგა ახღა და თავის ქმარზე წუწუხებღა ჩემთან. მთხოვღა, მეშოვა მისთვის ჩასახვის საწინააღმდეგო, უცხოური წარმოების სპირაღი. მე კი სრც შემიხეღავს, ისე ვუპასუხე: „უფროსს მიაკითხე, შესანიშნავი ნაცნობობა აქვს ყვეღასთან“. კარღა უსიტყვოდ გავიღა ოთახიღან.

მიუხეღავად ყვეღაფრისა, საღამოს მაინც გადაუურეკე ჩემს ერთ მეგობარს, რომელიც მთავრობის საავადმყოფოში მუშაობღა. მოკღედ მოვუყევი კარღაზე და ვთხოვე ერთი სპირაღი ეშოვა. შეპირებით არ შემპირებია, მაგრამ მითხრა, ყვეღაჩაირად შევეცღებიო.

პოლიკლინიკიღან რომ გავდიოღი, კარღას წაუაწყდი და მაინც ვუთხარი ამ სატელეფონო საუბარზე. ყოვეღევარი გაოცების გარეშე მაღღობა გაღამიხაღა და მაინც გულთბიღად გამომემშვიღობა. კარღამ მშყენიერად იცოღა, რა-

ტომაც გავაკეთე ეს. ცოტად თუ ბევრად მე მაინც მასზე ვიყავი დამოკიდებული და ის ჩემთან ვალში არ იყო. გამომშვიდობებისას ერთი პირობა მომეჩვენა, რომ კარლა ხელის ჩამორთმევასაც აპირებდა, მაგრამ თავი შეიკავა. მან მხოლოდ თავი დამიკრა და წავიდა. იმის წარმოდგენამაც კი, რომ კარლას ხელი უნდა ჩამოერთმია ჩემთვის, საოცრად შემზარა. რადგან ხშირად შემთხვევითი უესტი უაზრო და გაუთავებელ ჩვეულებაში გადაიზრდება. დროთა განმავლობაში კი ეს ფამილარობა ისეთ ზღვარს აღწევს, რომ ვეღარაფერს ვშველიო.

მანქანის სარკიდან კიდევ ერთხელ გავხედე კარლას. შეიძლება ეს მეტი-მეტი სიფრთხილის ბრალიცაა, მაგრამ მე მაინც კმაყოფილი დავრჩი, რომ ამგვარი დაახლოება ჩემთვის უცხო ადამიანთან არ შედგა. იქნებ ეს უფრო შიშია. დიახ, დაახლოების შიში. თუმცა არ ღირს ამის დადგენა. ხომ შეიძლება, ყოველივე ამას სხვა კუთხითაც მიუხედავად: უბრალოდ, არ მინდოდა შეეხებოდი კარლას და მორჩა. რა საჭიროა ახსნა-განმარტებები და გაანალიზება. მაგრამ ჩვენს ეპოქაში მეცნიერები ყველაფერს დიაგნოზს უსვამენ და მეცნიერული კვლევა-ძიების საგნად აქცევენ.

ვიდრე მანქანას დავძრავდი კიდევ ერთხელ შევახედე კარლას თვალი. მიდიოდა მსუბუქი მოქნილი ნაბიჯებით და თან თეძოებს მიარხევდა. სიბრალულის გრძნობა გამიჩნდა მისდამი.

მთელი კვირა არ მენახა ჰენრი. მის საფოსტო ყუთში უამრავი წერილი ეყარა. ამაზე ვხვდებოდი, რომ შინ არ უნდა ყოფილიყო, მაგრამ მაინც ვრეკავდი და გული მტკიოდა, რომ არავინ მეხშიანებოდა. სად იყო ჰენრი? რატომ არაფერი მითხრა, რომ სადმე აპირებდა წასვლას? ეფიქრობდი ამას და თავადვე მიკვირდა: ჩვენ ხომ ვალდებულება არ ვიყავით, ანგარიში ჩაგვებარებინა ერთიმეორისათვის. საკუთარ თავზე მომდიოდა ბრაზი და ყოველნაირად ვცდილობდი თავიდან ამომეგდო ეს აზრი. რა ძალე დავთმე ჩემი პრინციპები, მართლაც და, რატომ უნდა ეთქვა ჩემთვის ჰენრის, სად ან რატომ მიდიოდა? ნუთუ ისევ ბანალური ურთიერთობისაკენ მივისწრაფოდი?! ეს ხომ იგივეა, რაც ოჯახური ურთიერთობით დაკისრებული ათასი ვალდებულება თუ წვრილმანი?! ნუთუ ერთი გამოცდილება არ მეყო?!

ოთხშაბათს, სამსახურის შემდეგ ქიმწმენდაში შევიარე, ბეწვის ქურქის ჩაბარება მინდოდა. მაგრამ აქაც ერთ უცნაურობას გადავეყარე. ერთი უცნაური ქალის მეტი არავინ იყო. ჩემს შეკითხვებზე მიკიბულ-მოკიბულად მპასუხობდა, ასე რომ, არსებითი აზრი ვერ გამოვიტანე. ერთი კი თქვა, უამრავი ბეწვის ქურქი მოაქვთ აქ შესანახადო, თან თავის მართლებას მოჰყვა, დიდი ხანი არაა, რაც აქ ვმუშაობ და კარგად ვერ გავრკვეულვარ აქაურ წესებშიო. „ერთი წლის წინ ქმარს გავყვარე. ორი წელი კი ვისწავლე ინსტიტუტში, მაგრამ ბავშვების გამო იძულებული გავხდი თავი დამენებებინა. ახლა კი აქ ვმუშაობ. ძალიან ძვირი გვიჯდება სიყვარული. ისე ძალიან მიყვარს ხელოვნება. კერამიკით ვარ გატაცებული. ფული რომ მქონდეს მოდური ქსოვილებისა და ტყავის ნაწარმის მაღაზიასაც გავხსნიდი“.

რატომღაც ეს ქალი ნდობით განიმსჯვალა ჩემდამი და გული გადამიშალა. ვგრძნობდი, როგორ სჭირდებოდა ვინმესთან გულახდილი საუბარი. ყველაფერი გამანდო: „ქმარმა მიმატოვა და შეიღებებს მართო ვზრდი. ბიჭი უკვე თხუთმეტი წლისაა. ფულს მპარავს, სვამს, სკოლას აცდენს, სახლშიც იშვიათად ათევს ღამეს“. ამდენი რომ ილაპარაკა, ბოლოს ჩემი პროფესიითაც დაინტერესდა. და

როცა გაიგო ექიმი ვიყავი, შეცბა და შეშინებულმა ჩაილაპარაკა: უკაცრავად, ქალბატონო ექიმო, აძლენი რომ გელაპარაკეთ“.

უცბად თითქოს სადღაც გაუქრალი ნდობა, მაშინვე ქურქზე წამოიწყო ლაპარაკი. უტყობა, არ ესიამოვნა, ვილაც ექიმს რომ გადაუშალა გული მართლაცდა, რით უნდა დავხმარებოდი. ქურქი დავტოვე და თავაზიანად გამოვეშვიდობე.

კიდევ კარგა ხანს ვიხეტიალე ქალაქში. ერთ პატარა ქალაქშია თეთრი კოფთაც შევიძინე. ისე პატარა იყო მაღაზია, რომ გაზომვაც კი ვერსად მოვახერხე. ვორჭოფობდი, არ ვიცოდი, მეყიდა თუ არა, მაგრამ გამყიდველმა იმდენი მელაპარაკა, სწორედ თქვენზეა გამოჭრილი, ძალიან მოგიხდებათო, რომ სიძვირის მიუხედავად მაინც ვიყიდე. გამყიდველი ჩემზე თავით მაღალი იყო. გაუთავებლად ლაპარაკობდა და თან ხელით აწვალეზდა ყელზე ჩამოკიდებულ მძივს. რაც შევედი, ენა არ გაუჩერებია, სულ ჩემს ფიგურაზე ლაპარაკობდა, თან დაჟინებით მაკვირდებოდა. ფული რომ გადავიხადე, შენობა მოვათვალიერე და ვკითხე, ტუალეტი სად გაქვთ-მეთქი. გაიცებულმა შემოძხედა და უარის ნიშნად თავი გადააქნია. „კი მაგრამ, ვინც აქ მუშაობთ, როგორ ითმენთ?“ — დავინტერესდი მე. გამყიდველს ნერვიულად ჩაეცინა. ცოტა არ იყოს უადგილოდ მომეჩვენა სიცილი და ჩემთვის ჩავილაპარაკე. „გასიგებია“... გამყიდველი გაწითლდა, უსიტყვოდ გამომიწოდა ჩემი შეხვეული კოფთა და თავშეკავებულად მითხრა მადლობა. მერე კი ვინახე, ასე რომ დავაბნეე ჩემი უადგილო შეკითხვით, არადა, მართლაც არ მქონია სხვა ჩანაფიქრი. ისე გამაკვირვა შენობის სივიწროვემ, რომ მართლაც მაინტერესებდა. ჩემთვის ეს ბუნებრივ მოვლენად ითვლებოდა, მაგრამ როგორც ჩანს, ზოგიერთისთვის პრობლემა ყოფილა. ახსნა-განმარტებებს აღარ მოვყოლილვარ, ვიცოდი, ამით კიდევ უფრო გაუამძაფრებდი უხერხულობას. კარი გამოვიხურე და კიბეზე ჩავუდი; უკან რომ მივიხედე, გამყიდველის თვალებს შევეჯახე. ვიტრინასთან იდგა გულბელდაკრებილი, მაგრამ შევხედე თუ არა, ანგარიშში უცემლად ჩამოუშვა ხელები.

მთელი ქუჩა მანქანებისა და ტრამვაის ხმაურს მიძქონდა. ერთ ნაკადს მეორე მოჰყვებოდა. ფარების შუქზე ბურუსით მოსილ უკიდევანო ცას მთლად ნაცრისფერი გადაჰკვროდა.

სადამოს კრამერებთან მივედი სტუმრად. შარლოტა კრამერი ჩემი სტუდენტობის მეგობარი იყო. ამჟამად უნივერსიტეტში მუშაობდა. მეუღლე ფარმაცევტულ საწარმოში, ლაბორატორიას ხელმძღვანელობდა. მიხაილი შარლოტაზე ათი წლით უფროსი იყო და უკვე გაძელოტებოდა თავი საოცრად გაწონასწორებული გულისხმიერი ცოლ-ქმარი იყვნენ. მიყვარდა იქ მისვლა, რატომღაც მიაღვილდებოდა მათთან ურთიერთობა.

შენობის სიძველის გამო მთელ სადარბაზოში სიმკვავის სუნი იდგა. ცხვირ-სახოცაფარებულმა ძლივს ავიარე კიბე. ზარას ხმაზე მთელი ოჯახი გარეთ გამოეფინა. კრამერებს სამი ბიჭი ჰყავდათ. ბავშვებს მოკოლადი დაუურიგე. მათაც ხელი ჩამკიდეს და მაშინვე თავიანთი ოთახისაკენ გამაქანეს, ვინდა თუ არა ჩვენი ელექტროძრავიანი მანქანა უნდა გიჩვენოთო. მაგრამ წაიხზუბნენ და შარლოტამ აბაზანაში გაყარა. შვებით ამოვისუნთქე. მიხაილის ხელიდან ყველაფერი გამოდიოდა. ათას რამეს იგონებდა. ამჟამად მოძრავი ჭერის კონსტრუქცია დაუდგამს დერეფანში. საკმაოდ შემზარავად გამოიყურებოდა, მაგრამ ზრდილობის საკითხი იყო და მაინც მოვიწონე. კმაყოფილებისაგან სახე გაუბრწყინდა მიხაილს. ზუსტად არ მახსოვს რომელი ფილმის, მაგრამ ერთი ფრანგული კინოკომედიის მსახიობს მაგონებდა იგი.

ამ პატარა ექსკურსიას მერე სასტუმრო ოთახში გავედით და ყველის კვერები მივირთვიოთ. ბავშვების ოინების მოყოლაში ერთმანეთს ეცილებოდა ცოლქმარი. თან საოცრად ხარობდნენ. მიხაილმა ლუქსემბურგში მოგზაურობისას გადაღებული ერთ-ერთი დიაფილმიც გვიჩვენა. მოწყენილობის გამო ბევრი დავლიე, შარლოტაც კარგად გამოთვრა და თავის ქმარს ამასხრებდა, ხომ ხედავ, გამელოტდი, უკვე მოხუცდიო. როგორც ჩანს, მიხაილი შეჩვეული იყო ცოლისგან ამგვარ ხუმრობებს და უწყინრად იცინოდა.

შარლოტამ სამზარეულოში გამიყვანა, ვგრძნობდი, რაღაც აწუხებდა, აკი გამიმხილა კიდევ: „სასიყვარულო თავგადასავალი მაქვს ჩემს ერთ სტუდენტთან, დაუსწრებელზე სწავლობს, მაგრამ ყოველ კვირას ჩამოდის და დაქირავებულ ბინაში ვხვდებით ერთმანეთს“. ის ბიჭი ცოლშვილიანი ყოფილა. შარლოტამ არ იცოდა, როგორ მოქცეულიყო, ეთქვა თუ არა მიხაილისათვის.

„გაყრას თუ აპირებ?“ — ვკითხე მე. „არა, — სასწრაფოდ იუარა მან და მაშინვე დასძინა: თავადაც ვერ გავრკვეულვარ, რა ხდება. ამას ხომ სიყვარულიც არ ჰქვია. ეს უფრო საწოლთან დაკავშირებული ურთიერთობაა, არადა, ისე კეთილია მიხაილი ჩემდამი, რომ თავი მეზიზღება. საოცრად მიმძიმს ეს ლალატი. როგორ მოვიქცე აღარ ვიცი, ვერც იმ სტუდენტთან ვწყვეტ კავშირს. შეგიძლია გამიგო?“ მე თავი დავუქნიე. შარლოტა ყავას აღუღებდა, მაგრამ ისე იყო ლაპარაკში გართული, რომ გადმოუვიდა და ხელი დაიწვა. ხმაურზე მიხაილი შემოვარდა სამზარეულოში და დამწვარ კანზე პანთპეონოლი მოასხურა.

ყავაც დავლიეთ და გამოვემშვიდობე. მიხაილმა გამომაცილა. ქუჩაში ხელი გადამხვია და კოცნას შეეცადა, მაგრამ მე თავაზიანად მოვიშორე მისი ხელი და ეუთხარი: „ასეთი რამ ჩვენ არ შეგვფერის. სჯობია ახვიდე, მარტო დაველოდები ტაქსს“. მიხაილი უხერხულობაში ჩავარდა, თუმცა ჩემი თხოვნის მიუხედავად მაინც დარჩა.

როგორც იქნა, ტაქსიც მოვიდა. გამომშვიდობებისას კიდევ შეეცადა ეკოცნა, მაგრამ უცბად სათვალე დაუვარდა. სათვალის გარეშე ვერაფერს ხედავდა. მოვუძებნე და მივაწოდე. ტაქსში ჩავჯექი და უკან რომ მოვიხვედი, მიხაილი ისევ ქუჩის ბოლოს იდგა და ხელს მიქნევდა.

თავი მესამე

შაბათ დილით ვილატამ დარეკა კარზე. გავალე და ჰენრი შემრჩა ხელში. იდგა ზღურბლზე, ქუდი უკან შეებრუნებინა და უხმოდ მიდიმოდა. „სად იყავი?“ პასუხი არც გაუცია, ხელი მომხვია და პირდაპირ საწოლისაკენ წამიყვანა. ტანსაცმელი გამხადა და ისე შემიტყუა ალერსში, რომ წამში ყველაფერი გადაგვავიწყდა ორთავეს. შუადღე იქნებოდა, წამოვდექი, რომ სადილი მომემზადებინა. ვიდრე მე ვსაქმიანობდი, ჰენრი თავის ამბებს მიყვებოდა. უნგრეთში ყოფილა ეს ერთი კვირა და ლაპარაკზე ეტყობოდა, მშვენიერი დრო გაუტარებია. ქალაქიც ძალიან მოსწონებია. საქმეს რომ მოვრჩი, ისევ დავწექი. ვერ მოვისვენე და მაინც ვკითხე: „თუ მიდიოდი, რატომ არ გამაფრთხილე?“ ამაზე გაბრაზდა ჰენრი, მაგრამ ეს უკვე სულერთი იყო ჩემთვის. „ვიფიქრე, ჩვენი ურთიერთობისათვის ამას არ ჰქონდა აზრი“, — ჩაილაპარაკა მან და სიგარეტს მოუკიდა. „ვნერვიულობდი“. „მომავალში ნუღარ შეიწუხებ თავს ნერვიულობით. მგონი, ცოლქმარი არა ვართ“, — მომიგო უკმეხად და გვერდი იცვალა.

ისევ ავდექი და სამზარეულოში გავედი. ჭურჭელი დავრეცხე. უკან რომ

შემოვბრუნდი, ჰენრი ისევ ლოგინში იწვა და გაზეთს კითხულობდა. საწოლზე ჩამოვჯექი და ჩუმად ვუთხარი: „იცი, მომწონხარ“. „ფრთხილად იყავი, ამისთვის მე ნამდვილად ვერ გამოვდგები“, — გამაფრთხილა ჰენრიმ და ისევ საწოლში ჩამითრია.

ნაშუადღევს ქალაქგარეთ გავედით, თან ფოტოაპარატი და ობიექტივები გავიყვლიე. ქალაქს რომ გავცდით, რომელიღაც რესტორანთან შევეჩერდი. ერბოკვერცხი და ყველა შევუკვეთეთ. სადილობის უამი უკვე გადასულიყო და ჩვენი შეკვეთა ცოტა არ იყოს უხალისოდ მიიღეს. ჩვენს გარდა კიდევ იჯდა სამი კაცი. შესვლის წუთიდანვე შემოგვატყერდნენ და უხმოდ გვაკვირდებოდნენ. მალე იმ სამ კაცს სასტუმროს მეპატრონეც შეუერთდა.

„ერთი შეხედუ, ეს კაცები როგორ მოგვჩერებიან. არცერთი ჩვენი მოძრაობა არ გამოპარვიათ“. „რა გასაკვირია, — მაშინვე აიტაცა ჰენრიმ ჩემი ნათქვამი, — ჩვენ ხომ გვეძებენ, ყველგან მხოლოდ ჩვენი სურათებია გამოკრული... რესტორნის მეპატრონეს მე მოვუყვლი, თუ რამეს შევამჩნევ, ადგილზევე მივახვრეტ. იმ სამ მოხუცს შენ მოუარე, ვიდრე მე მანქანასთან მივირბენ და დავქოქავ“. ამ სიტყვებზე ჰენრიმ ეშმაკურად გამომხედა და სახეზე ქული ჩამოიფხატა. „ვაითუ სასტუმროს მეპატრონემ მოასწრო და წელან სამზარეულოდანვე დარეკა პოლიციაში? იქნებ უკვე მოდიან კიდევ“, — მეც აუზი ჰენრის მხარი.

„სავსებით შესაძლებელია. მაშინ კი მართლა ძვირად დაუჯდებათ“, ჩვენ შეთქმულებივით ვადავხედეთ ერთმანეთს.

ამ საუბარში ვიყავით, რომ სამზარეულოდან ვიდაც ქალი გამოვიდა. ჩვენს მაგიდას მოუახლოვდა და გვკითხა: „როგორ მოგეწონათ ჩვენი სადილი? ისე, ცოტა ადრე რომ მოსულიყავით, უკეთეს მენიუს შემოგთავაზებდით. საიდან ხართ? — დაინტერესდა იგი და როცა გაიგო, ბერლინში ვცხოვრობდით, შემოგვიჩვილა: „უკვე კარგა ხანია, ჩემი ქალიშვილი იქითაა გათხოვილი, ვიდაც მცხობელს გაჰყვა ცოლად და მას მერე აქეთ აღარც კი მოუხედავს“.

წამოსვლა რომ დავაპირეთ, მან სასტუმროს მეპატრონეს დაუძახა. ამ უკანასკნელმა კი, წარბიე არ გაუხსნია, ისე უხემად გვიანგარიშა. გამომშვიდობებისას ქალმა ბედნიერი მგზავრობა გვისურვა.

გამოსვლისას მოხუცებს გავხედე. კვლავ გაუნძრევლად ისხდნენ და ჩვენ მოგეშტერებოდნენ. მე თავი დავუკარი. პასუხად მათაც თავაზიანად გამიღიმეს და თავი დამიკრეს.

იქვე შორიანხლოს რესტორანთან მოტოციკლისტთა ჯგუფი იდგა. ზოგი გაჩერებული იყო, ზოგიც იქვე მოედანს უვლიდა გარს. ჩვენს მანქანას ორი, დაახლოებით ასე თხუთმეტი წლის გოგო მოუახლოვდა და გვკითხა, ხომ ვერ წავიყვანთო? ჩემს შეკითხვაზე, საით მიდიხართ-მეთქი, ასეთი პასუხი გამცეს, გააჩნია თქვენ საით წახვალთო და ჩაიცინეს. რა უპასუხა ჰენრიმ, ვერ გავიგე, მაგრამ გოგონებმა ენა გამოუყვეს და ბინძური სიტყვაც მიაძახეს.

მანქანაში რომ ჩავსხედით, ბიჭებმაც მოგვამახეს რაღაც და სიცილი დაგვაყარეს. ის იყო მანქანა დაქვარით, რომ ქვიშის კენჭების წვიმა დაგვიშინეს. მაშინვე დაამუხრუჭა ჰენრიმ და გადმოსვლა დააპირა, მაგრამ შევეხვეწე, ყურადღებას ნუ მიაქცევ-მეთქი და დამიჯერა.

„რა უთხარი ამისთანა ამ გოგონებს?“ „არაფერი განსაკუთრებული. უბრალოდ, უარი ვუთხარი წაყვანაზე“. უკან მივიხედე, მოტოციკლისტთა ჯგუფი აღარ ჩანდა. „მოკლედ, უსაქმურობისაგან რა მოიგონონ ამ საცოდავებმა, აღარ

იცოან“. „მართალი ხარ, — დამემოწმა ჰენრი, — მთელ თავიანთ სიცოცხლეს ასე უაზროდ ატარებენ“.

მუხლებზე სამოვზაურო რუკა გადავშალე. მინდოდა რაიმე კარგი ადგილი შემერჩია. არჩევანი ძღინარის პირას გაშენებულ ერთ პატარა დასახლებაზე შევაჩერე. რუკიდან მივხვდი, რომ აქ ერთ დროს წისქვილი უნდა ყოფილიყო და საინტერესო გადასაღებად ჩაუთვალე.

როგორც ყოველთვის, ახლაც მიაქროლებდა მანქანას ჰენრი, ხსენს მის მსხვერპლებს და მის არხებზე მესაუბრებოდა. ბავშვობაში ენახა და ისე აღფრთოვანებულიყო, რომ დღესაც ესიზმრებოდა.

ჩვენს წინ, გვერდითა გზაზე ტრაქტორი მოდიოდა. ყველაფერი ისე სწრაფად მოხდა, რომ გააზრებაც ვერ მოვასწარი; მე რუკას ვაკვირდებოდი, ვიგრძენი, ჰენრიმ სინქარეს მოუმატა და საპირისპირო მხარეს გადავიდა. უცბად მკვეთრად დაამუხრუჭა. ძალდა რომ ავიხედე, ჩვენს წინ ტრაქტორი იდგა. ჰენრი ორივე ხელით საჭეს ჩაეჭიდა და სწრაფად გადასწია მანქანა გვერდზე. მე წინ გადავქანდი და საქარე მინას მივეხეთქე. შიშისაგან სარტყელს ჩავეჭიდე. ტრაქტორის უკანა ბორბალი ისე დაეძგერა ჩვენს მანქანას, რომ მოლად შეაჯანჯლარა. რამოდენიმე წამის განძავლობაში ისე ჯანჯღარებდა მანქანა, რომ ერთი-ორჯერ ჭერსაც მივარტყი თავი. ჰენრიმ მანქანა სინქარიდან ამოაგდო და როგორც იქნა, ძრავი გამორთო. მაშინვე უკან მივიხედე: ტრაქტორი გზიდან გადავარდნილიყო, მძლოლი უძრავად დამხობოდა საჭეს. ისეთი შთაბეჭდილება იქმნებოდა, რომ მკედარი იყო. შიშისაგან ენა ჩამიკარდა. ჰენრიმ ხელი მომკიდა და მკითხა: „რა მოგივიდა?“ ხმა ვერ ამოვიღე, ისღა მოვახერხე, რომ ტრაქტორისაკენ მივახედე. მაგრამ სწორედ ამ დროს ტრაქტორის მძლოლიც შეინძრა და კაბინიდან გადმოძვრა.

„გადავრჩით“, — ჩემს დასამშვიდებლად ძლივს გაიღიმა ჰენრიმ. ჩვენი მანქანა გზისა და მინდურის გამყოფ ვიწრო, ღრმა თხრილს გადააფრინდა და ახლაც იქვე თხრილთან ახლოს ვიდექით. ტრაქტორის მძლოლი ჩვენს მანქანასთან მოვიდა, ჰენრის კარს ეცა და უღრიალა: „მთლად გაგიჟდი თუ დაბრმავდი?“ ჰენრი მანქანიდან გამოვიდა. „ძალიან დაზიანდა თქვენი ტრაქტორი?“ მაგრამ გამწარებულ გლესს არაფერი ესმოდა, ისევ თავისას გაჰყვიროდა: „მე ხომ უკვე შემხვედრ გზაზე ვიყავი გადმოსული. რამდენი განიშნე, მაგრამ შენ მაინც გადამისწარი...“ ჰენრი კი ისევ იმას იმეორებდა. გაოგნებულმა მძლოლმა თავი გადააქნია და სვიტრში წასწვდა ჰენრის: „შენ რა, მართლა ვერ ხვდები, რომ კინალამ გადავთელე ჩემი ტრაქტორით? მთლად გადაგსრისავდით ალბათ, როგორც...“ და მღელვარებისაგან აღარ დაასრულა სათქმელი.

„ბეწვზე გადავრჩით, — ჩაიბურღლუნა ჰენრიმ. ჰენრის სახეს ვერ ვხედავდი, მაგრამ ვგრძნობდი, იღიმებოდა. — ჰო, ბეწვზე, — გაიმეორა ისევ, — მაგრამ მთავარი მაინც ისაა, რომ გადავრჩით“.

საცოდავი მძლოლი დაიბნა, ხელი შეუშვა ჰენრის, ერთი ნაბიჯით უკან დაიხია და უაზროდ შეაჩერდა, მაგრამ მოულოდნელად გამწარდა და მოთმინებიდან გამოსულმა სახეში გაართვია. ჰენრიმ თავი ველარ შეიმაგრა, წაბორძიკდა, მანქანის რკინას ჩამოართვია თავი და დავარდა. აღარც განძრეულა. შემეშინდა, სასწრაფოდ გადმოვხტი მანქანიდან და ჰენრის მივვარდი. ის უგონოდ ეგდო.

„ჩქარა წყალი!“ — მივაძახე მძლოლს. ეს უკანასკნელი კი მანქანის წინ იდგა გაფითრებული და აღარ იცოდა რა ეღონა. წყალი-მეთქი, გავუძვარე მე.

ვიდრე მან თავისი ტრაქტორიდან ლიმონათის ბოთლი მოარბენინა, პენრიმ გაახილა თვალები და ჩაილაპარაკა, ყველაფერი წესრიგშიაო. ჩემი რჩევის მიუხედავად ცოტა ხნით წოლილიყო, მაინც ადგა, თან საფეთქლებზე ისვამდა ხელს. დაბნეულობისაგან გაშეშებული გლეხი რაღაცას ბურღლუნებდა, გაბრაზებული აღარ ჩანდა. „შეგიძლიათ წახვიდეთ. ყველაფერი წესრიგშია“, — დავამშვიდე მე, მაგრამ გაურკვევლობაში მყოფს ვერ გადაეწვიტა, რა ექნა, ასე რომღო, წლის კაცი იქნებოდა, მაგრამ გაუპარსავი იყო და უფრო ასაკოვანს ჰგავდა.

„ცოტაც და, რაღაც უბედურება მოხდებოდა ალბათ“, — ვერ ისვენებდა გლეხი. პენრი მანქანასთან ჩაცუცქულიყო და რაღაცას ამოწმებდა. მივხვდი, გლეხი წასვლას არ აპირებდა, ისევ ორჭოფობდა და შევეცადე დამემშვიდებინა: „ნუ გეშინიათ, მე ექიმი ვარ“. „დალახვროს ეშმაკმა“, — ჩაიბუტბუტა მან, შებრუნდა და წავიდა. ვიდრე ტრაქტორს დასძრავდა, კიდევ ერთხელ გადმოგვხედა და თავი გადააქნია.

საჭეს რომ მე მიუუჯექი, პენრიმ გაკვირვებით გადმომხედა, მაგრამ არაფერი უთქვამს. ვიდრე გზაზე გასასვლელს ვიპოვიდი, კარტოფილის მინდორს მივუყვებოდი. საბურავები ფხვიერ მიწაში ეფლობოდა.

როგორც იქნა, გავედით გზაზე. მაშინღა ვკითხე პენრის: „ნუთუ ვერ დაინახე, როგორ გადმოუხვია ტრაქტორმა მარჯვნივ?“

„მეგონა გადავასწრებდი, მაგრამ ერთი წამით დამავიანდა. ეს სწორედ ის წამი იყო, როცა შენზე გავიფიქრე „სიჩქარეს ვერ აიტანს-მეთქი“. ისეთი პასუხი გამცა, ძერჩივნა არაფერი შეკითხა, ძალიან ვინახე. ყოველნაირად ვცდილობდი სიმშვიდე შემენარჩუნებინა, რომ ყურადღება არ გამფანტვოდა საჭესთან.

წისკვილისაგან ჩამონგრეული კედლები და დამპალი კოჭებიღა შემორჩენილიყო. იქაურმა მაცხოვრებლებმა თუ გაჩიდეს ყველაფერი. ირგვლივ სარეველა მოდებულყო. ფრთხილად მიუაბიჯებდით.

ფოტოაპარატზე აღზევებულ დაცარიელებული, მთლად გამარცხული სხვენი, საღაც პატარა არყის ხე ამოსულიყო. ფოთლები სულ გახუნებოდა და გაცრეცოდა. გადავწვიტე მალღა ავსულიყავი. ჩამონგრეულ კედლებზე ავცოცდი. შივ სხვენში ათასგვარი ნაკვეთი ეყარა: ვინმეს თუ გაფუჭებული ან დაჟანგებული ნივთი ჰქონდა, აქ მოეტანა. ბრმად, ხელის ცეცებით მივალწიე ხემდე. ტოტები გარეთ, — მინდვრისაკენ გადმოხრილიყო, თითქოს ტყეს მისტიროდნენო. რადგან ობიექტივში ხის შორიახლოს მიგდებული ბორბლებდაცლილი საბავშვო ეტლიც ხვდებოდა, შევეცადე ცოტა წინ წაშეწია. მაგრამ უეცრად ფეხქვეშ რაღაც დამეფშხვნა და ძირს ჩაიყარა. ოფღმა დამასხა. კედელს წავეპოტინე და უკან დავიხიე. ბრაზი მომივიდა საკუთარ თავზე, ასე გაუფრთხილებღად რომ ვიქცეოდით. როგორც იქნა, მივალწიე იქამდე, საიდანაც ავედი. პენრი დაბღა მელოდებოდა. ვერ შემაშინია, იღგა და ჩექმის წვერით ჩიჩქნიდა მიწას. გაკრიალებულ შავ ჩექმაში, ტანზე მჭიდროდ მომღგარ ფილეტში და ქუდში, ცოტა არ იყოს უცნაურად გამოიფურებოდა. იღგა მოწყენილი მდინარის პირას ჩაბნელებულ, მიტოვებულ მდელღზე, ნარშავისა და ჩამომტვრეული ხის ტოტებს შორის და ისეთი შთაბეჭდილება იქმნებოდა, თითქოს საღღაც შორეულ კუნძულზე მოხვედრილიყო, საღღაც მიტოვებულად უცხოდ გრძნობღა თავს და ერთი სული ჰქონღა, გაშორებღა იქაურობას. ჩემს დამახებაზე მალღა ამოიხედა პენრიმ და მკითხა: „ჩამოღიხარ?“ „მოიწყინე?“ „არც ისე“, — თქვა მან და ჩასვღაში მომეხმარა. ვერაფრით ვერ გავგო, რა იყო იქ, მალღა გადასაღები. შევეცადე ამეხსნა, მაგრამ ისეთი გაოგნებული მომჩერებღა, გამეცინა და მოვეხვიე.

მერე კი ტყეში გავედით სასვირნოდ. ჰენრი ტოტებსა და ბუჩქებში იხლართებოდა. ვგრძნობდი, არ სიაძოვნებდა და უაზრობად მიიჩნდა ჩემი ეს ახირება. მე კი მომწონდა ხეებს შორის ხეტიალი, ტყის ხმაური, ფოთლების შრიალი, მიწის სურნელი, მწვანედ მოხასხასე ხავსი. აქა-იქ ჩამომტვრეულ ტოტებს შორის გახლართული აბლაბუდებიც კი თავისებურ სილამაზეს აძლევდა ტყეს. ჰენრის გაბეზრებული სახე ჰქონდა. ვგრძნობდი, არაფერს ნიშნავდა მისთვის ეს ყველაფერი. უჭირდა კიდეც სიარული. ის მკვიდრი ქალაქის მცხოვრებელი ვცდილობდი, როგორმე მისთვისაც გადამედო ჩემი განცდები. ხელით ვეხებოდი, ვეაღერებოდი ყველაფერს, რაც მომწონდა ირგვლივ, ჰენრისაც ვუჩვენებდი, მაგრამ ურაფერი რომ ვერ გავაწყე, შევეცადე აინუნშიაც არ ჩამევლო მისი მოწყენილობა. ერთგან ჰქონდა მელის სოროს წამოჰკრა ფეხი და შეიკურთხა.

„რას აპირებ კვირას?“ — ვკითხე მე. მაგრამ მას ჩემთვის არ ეცალა, ნატკენ ფეხს იხელდა ხელით. მერე ფრთხილად დააბიჯა მიწაზე და კოჭლობით გამოიარა. და მაშინდა მიბასუხა: „ხვალ ცოლთან უნდა წავიდე“.

სუნთქვა შეშეკრა. გონება დამუბინდა. ველარაფერს ვხედავდი. ერთადერთი სიტყვაღა მიტრიალებდა თავში „ცოლი“. არ მინდოდა რაიმე შეემჩნია ჰენრის, შევეცადე მეთქვა რაღაც, მაგრამ არაფერი გამომივიდა. ისე ვიყავი გამწარებული, შემეძლო ხმამაღლა მეკვილა.

„ნუ სულელობ, შენ ხომ არც ისეთი გულუბრყვილი ხარ?“ — ვამბვიდებდი საკუთარ თავს, მაგრამ მეტიმეტად დამცირებულად, მოტყუებულად ვგრძნობდი თავს. მას ხომ არასოდეს არ უთქვამს, ერთი სიტყვაც კი არ დასცდენია, რომ ცოლი ჰყავს. და ახლა ასე სასხვათაშორისოდ მეუბნება, ცოლთან უნდა წავიდეო. რატომ, რატომ მითხრა მხოლოდ ახლა?... ძალიან მტკიოდა გული. სადღაც ვაკიქეცი, სად თავადაც არ ვიცოდი, მაგრამ იქ გაჩერება აღარ შემეძლო. მარტოდ მინდოდა დაერჩენილიყავი, მიწაზე დაემხო ბილიყავი და ხმამაღლა მეღრიალა.

არასოდეს მიფიქრია, ჩემი გამხდარიყო ჰენრი, კარგა ხანია შეგუებული ვიყავი იმ აზრს, რომ აღარ ვაუთხოვილიყავი. მყარად მქონდა გადაწყვეტილი მამაკაცთან ურთიერთობაში საკმაო დისტანცია დამეჭირა, რომ არც ერთს არ გვეგრძნო ერთიმეორისადმი ვალდებულება და არ დავევკარგა ჩვენ-ჩვენი დამოუკიდებლობა. აღარ მინდოდა მოტყუებულის როლში ყოფნა, ამისთვის ერთი გამოცდილებაც კმაროდა. მაგრამ ახლა რა შემართებოდა. ნუთუ მზად ვიყავი დამემო ჩემი პრინციპები. ეტყობა, კვლავ ინფანტილიზში, ლამაზი ოცნებები მიმორჩილებდა. მინდოდა კვლავ ეზრუნათ ჩემზე, მომფერებოდნენ და შემეგრძნო ამ სიბოლს საამო სურნელი, როგორც ჩანს, საკუთარი სისუსტისაგან ვიცავდი თავს.

რა საშინელი შეგრძნება დაბადა ამ ერთმა სიტყვამ ჩემში. ისევ მომატყუეს. სიმწრისაგან გული მეკუმშებოდა. კი მაგრამ, რატომ, რატომ? ნუთუ მე მხოლოდ საყვარელი ვიყავი ცოლიანი კაცისა, და ეს იყო მხოლოდ? ეს ხომ ჩვეულებრივი სცენარია - ჩვენი ბანალური ცხოვრების, თანაც არაერთხელ გათამაშებული სცენარი: მოსაწყენი, მოსაბეზრებელი ოჯახური ვალდებულებებისაგან გაქცევა საყვარელთან, ესაა სტანდარტული შესაძლებლობა დროებით მაინც გადააყოლონ გული და ამასთან დაიცვან თავიანთი ოჯახური ინტერესები. სირცხვილისაგან სახე მეწეოდა. სად ვაკეცეულიყავი, სად დავმალულიყავი, აღარ ვიცოდი. ტოტები სახეზე მეხეთქებოდა, გულს ბაგაბუვი გაუდიოდა. შორიახლოს ჰენრის ნაბიჯების ხმა შემომესმა. უცბად ჩემს ახლოს, ფეხებთან ანკარა გას-

რიალდა და ბუჩქებში შეძვრა. შიშისაგან რაღაცას წამოვკარი ფეხი. კოჭლობით, მაგრამ მაინც ვაკრბოდი. ეს დაწყევლილი ძალადი ქუსლებიც მიშლიდა ხელს. მოულოდნელად ჰენრი წამწვდა ხელში, თავისკენ მიმაბრუნა და ჩამძახა: „რა მოგდის, სად გარბობხარ?“ — სულს ძლივს ითქვამდა. სახეზე მომეფერა, მაგრამ მე უკან ვადავხტი. მარცხენა თვალი მთლად ჩაღურჯებოდა ჰენრის. ასე მეგონა, გროტესკული ნიღაბი დამყვიროდა თავს. ჰენრი არ წყურფნიდა, ქოშინებდა და უაზროდ მომჩერებოდა.

„რა გაცინებს? — შემანჯღრია მან — არა, მაინც რაზე იცინი?“ — გამომეორა ჰენრიმ და ისე ძლიერად ჩამებლაუჭა ხელში, რომ მეტკინა.

„შენს თვალზე“, — როგორც იქნა, ამოვდერლე მე და მაშინდა მივხვდი, რომ ისტერიულად ვიცინოდი და ველარ ვჩერდებოდი. სადაცაა სიცილისაგან ხმა წამივა, — გავიფიქრე გულში, მაგრამ სიცილს მაინც ვერ ვწყვეტდი. მინდოდა ისევ გავქცულიყავი, მაგრამ ჰენრიმ ისე მომქაჩა, ვიფიქრე სადაცაა, სახეში შემომკრაფს-მეთქი.

„რატომ იცინი?“ — ყურებთან ისევ ჰენრის ხმა მესმოდა.

როგორც იქნა, თავი გავინთავისუფლე მისგან და ის იყო ხელიდან უნდა დავსხლტომოდი, რომ ჰენრი მხარში ჩამებლაუჭა და ისეთი ნახტომი გააკეთა, რომ სრივე მიწაზე აღმოვჩნდი. ზურგში რაღაც მაგარი მომხვდა, ხის ფესვი იქნებოდა. ჰენრი ტანსაცმელზე მექაჩებოდა. მე ვეწინააღმდეგებოდი, მაგრამ არ მეშვებოდა. კაბა მთლად წამომხადა, სახე ისე ახლოს ჰქონდა ჩემს თავთან, რომ ყურებში მისი მძიმე სუნთქვა ჩამესმოდა. თან ისევ იმეორებდა, რა გაცინებსო. მერე კი რა მოხდა აღარაფერი მახსოვს... მხოლოდ მონანავე ხის ფოთლებსლა ვხედავდი. ცრემლები კისერში ჩამდიოდა. დროდადრო საიდანღაც მზის შუქიც აღწევდა და ჩამობურულ ტყეს ნათელს ჰფენდა. და ზოგჯერ ჩრდილი და ზოგჯერ ნათელი, ხან სიახლოვე, ხან კი სიშორე, მიწის სინესტე, თუ ფესვის სიმაგრე, ზურგში რომ ვგრძნობდი, ერთიმეორეს ენაცვლებოდნენ. არა, არა! — ვიმეორებდი ჩემთვის, მაგრამ ძალე, ჩემდა უნებურად თავსდატეხილმა ვნებამ სადაც გააქრო ჩემში ჩაბუდებული ბრაზი თუ სასოწარკვეთა და მის ნაცვლად ჰენრის გახშირებული სუნთქვა დაამრჩა. და ბოლოს მაინც სრული სიმარტოვის გრძნობა დამეუფლა.

ნახევრად შიშველნი უძრავად ვიწექით ერთიმეორის გვერდით. ჩემდა გასაოცრად უცბად ერთი კითხვა ამეკვიატა, ნეტავ სად დავტოვეთ მანქანა? არადა, ეს ჩემთვის სულერთი იყო. ტყეში საოცარი სიმშვიდე გამეფებულიყო, მზე ჯერ კიდევ აღწევდა ტოტებს შორის... თვალს ვერ ვახელდი, არ მინდოდა ჰენრის დანახვა. არც მისი შეკითხვების თავი მქონდა. რა მემართებოდა, თავადაც ვერ ვამეგო.

მანქანაში რომ ჩავსხედით, ძალიან მციოდა, ვცახცახებდი. ხმას ვერ ვიღებდი. სიჩუმის დასარღვევად ჰენრიმ რადიო ჩართო.

ათისთვის უკვე ბერლინში ვიყავით. ჰენრიმ კარამდე მიმაცილა. ორივე გავურბოდით რაიმეს თქმას. გამომშვიდობებისას შუბლზე მაკოცა და ძილი ნებისა მისურვა. მეც გავუღიმე და შინ შევედი.

გვიანი იყო უკვე. მაგიდას მივუჯექი და გადავწყვიტე დედისთვის წერილი მიმეწერა. მაგრამ ბოლოს მაინც დავხიე. მერე კი ძილის წამალი დავლიე და ჩავწექი. კარგა ხანს ვიწრიალე, ძილი არ მეკარებოდა. საკუთარ თავზე მომდიოდა ბრაზი. ავდექი და ტელევიზორი ჩავრთე. წამით მივაშტერდი უგამოსახულებო, ხმაურიან ცარიელ სივრცეს და ისევ გამოვრთე. წიგნის წაკითხვაც ვცა-

დე, მაგრამ ამაოდ... მერე სამზარეულოში გავედი, ერთი ბოთლი არაყი აღმოვაჩინე, ჩაის ჭიქა გავივსე და საწოლთან დავიდგი. არყის არც სუნი, არც გემო არ მსიამოვნებდა, მაგრამ მაინც ესვა მდი. თან ჭერს მივმტერებოდი, უკვე ორი სრულდებოდა. ლიფტის ხმა შემომესმა. „კმარა, ცოტა ხომ იტროვ, ახლა დაიძინე“, — ვუთხარი ხაკუთარ თავს. „არ გინდა დიდი გოგო გაიზარდო? შენ ჯერ კიდევ წინა გაქვს ყველაფერი“. „არა, დედა, არ მინდა. მე არ მინდა დიდი გოგო იზარდო“.

თავი მემოარი

ივნისის ბოლოს კუთვნილი შეებულება ავიდე და ზღვაზე წავიდი. ცოტა ხნით განმარტობა მინდოდა, რომ მოვწყვეტილი ამ უღიმღამო რეალობას და ყოველგვარი ვალდებულებებისაგან დამესვენა. მე და ჰენრი შევთანხმდით, ცალ-ცალკე გაგვეტარებინა ეს შეებულება. შეიძლება ეს გადაწყვეტილება ჩემმა გაუცნობიერებელმა შიშმა მიმადებინა. ეს იყო შიში დაახლოებისა თუ შეჩვევისა იმ ადამიანთან, რომელსაც ყოველი დღე და ღამე, მთელი ოცდაათი საათის განმავლობაში უყურებ და იბუღებული ხლები ყველაფერში შეუწყო ხასიათი. ჰენრისაც არაფერა ჰქონდა საწინააღმდეგო. ჩემი აზრი რომ გაიგო, თითქოს შევბითაც კი ამოისუნთქაო. იმ დღეს გვიან წავიდა ჰენრი სამსახურში და მე გამაცილა. ერთ ახლოს მდებარე კაფეში შევედი. ჰენრის ჩემი ხელი ეჭირა და მდუმარედ მიყურებდა. ჩვენს წინ მაგიდასთან ორი ქალი იჯდა. დაახლოებით ასე ორმოცი წლის იქნებოდნენ. ერთს ქერად ჰქონდა შეღებილი თმა, მეორეს — წაბლისფრად.

ქერას მარჯვენა ხელის გულზე ბეჭელი და ძეწკვი ელო და დაბნეულობისაგან უაზროდ აწვალედა. ცრემლი ღველოფებად ჩამოსდიოდა და ფერუმარილ-წასმულ სახეზე ლაქებად აჩნდებოდა. წაბლისფერთმიანი ცდილობდა როგორმე დაემშვიდებინა. ერთი პირობა, ქერა გაჩუმდა კიდევ და უმწეოდ მიაჩერდა თავის მეგობარს, რომელიც ვიღაც მამაკაცს ლანძღავდა: „მოკვლაც კი არ კმარა მაგისთვის, უნდა ჩაქოლოს კაცმა. მაინც რა გითხრა ამისთანა? — ჩაეძია იგი და რადგან ქერას მის შეკითხვაზე რეაქციაც არ ჰქონია, თვითონვე განაგრძო. — გაგონილი მაქვს, ვისაც მაგისთანა ყურის ბიბილოები აქვს, არაადამიანები არიანო“. ამასთან ჭიქა აიღო და მოსვა. ლაპარაკისას სახეზე ოფლს ასხამდა.

გამეცინა, ყურის ბიბილოზე მეც მქონდა გაგებული. ქერამ თავი გადააქნია ისე, რომ თვალიც კი არ მოუწყვეტავს ბეჭელისა და ძეწკვისათვის, ჩაილაპარაკა: „არა, ის ცუდი არაა, უბრალოდ, ჯერ კიდევ ახალგაზრდაა“. მეორეს სახეზე შეეტყო არ ესიამოვნა ნათქვამი, მაგრამ არ შეკამათებია მეგობარს. კარგა ხანს ჩუმად ისხდნენ, ვიდრე ისევ წაბლისფერთმიანმა არ დაარღვია სიჩუმე: „მაინც რა გითხრა?“ მაგრამ პასუხი არც ამჯერად მიუღია.

ჰენრიმ მსუბუქად გამკრა მხარი, ხელი მუცელზე დამადო და მითხრა: „როგორ მინდა ახლა შენთან“. ხელი ავალებინე და წამოვდექი: „უკვე წასვლის დროა, ვიდრე გრილა, მინდა ჩავასწრო“.

გამოსვლისას კიდევ ერთხელ გავხედე იმ ორ ქალს. ახლადა შევამჩნიე, ქერას თმაზე დიდი წითელი პეპელა ეკეთა და ცოტა არ იყოს ხასაცდილოდ გამოიყურებოდა. ეს სულ არ შეეფერებოდა მის დამჭკნარ და ნაღვლიან სახეს.

გამომშვიდობებისას მაკოცა ჰენრიმ. მანქანის სარკმლიდან რომ გავხედე, ისევ იქ იდგა ჯიბეებში ხელჩაწყობილი და დიდხანს მადევნებდა თვალს.

ყოველ წელს ერთსა და იმავე სოფელში, ერთი გლეხის ოჯახში ვატარებდი შვებულებას. იქაურ მაცხოვრებლებს უფლება არ ჰქონდათ გაექირავებინათ ბინა. ამიტომ მე ოჯახის ნათესავად ვითვლებოდი.

ერთი პატარა ოთახი მეკავა, სადაც საწოლისა და კარადის მეტი არაფერი იდგა ან რაში მჭირდებოდა სხვა რამ? აქ ყოველთვის ადრე ვიძინებდი.

ზოგჯერ სამზარეულოში ვიჯექი სახლის პატრონებთან ურთოდ-უნაყვლელი რომ იქ ვმჯდარიყავი, მაინც არ მობეზრდებოდათ თავიანთი ტან-ქსოვი-შეკვლზე ლაპარაკი. უმცროსი მზარეულად მუშაობდა რაიონის ცენტრში. უფროსი კი გასულ შემოდგომას გაუთხოვებიათ მეზობელ სოფელში. ქორწილი თორმეტი ათასი მარკა დასჯდომიათ. სტუმრები ორი ავტობუსით წაუყვანიათ ეკლესიაში. გერტრუდა და იოახიმი განუწყვეტლივ ამ ქორწილით ტრაბახობდნენ.

ცოლ-ქმარი რომ შინ ბრუნდებოდა, მე უკვე ვიწეკი. დიდი მეურნეობა ჰქონდათ და საქმეც არ ელეოდათ. ქათმებივით დილის ხუთ საათზე ღვებოდნენ და რვა საათამდე ფუსფუსებდნენ. არ ვიცი ფულის გამო მუშაობდნენ ამდენს თუ, უბრალოდ, მუშაობის გარეშე ვერ წარმოედგინათ ცხოვრება. ერთხელ ვკითხე კიდეც, მაგრამ ვერ გამიგეს თუ არ უნდოდათ გაგება, არაფერი მიპასუხეს. თუმცა რა ჩემი საქმე იყო, როგორც სურდათ, ისე ცხოვრობდნენ. ან რა ვაღდებულნი იყვნენ რაიმე აეხსნათ ჩემთვის. მე მხოლოდ იმიტომ ვკითხე, რომ ცოტა არ იყოს აბსურდულად მომეჩვენა მათი ცხოვრება. თუმცა თვითონ საკლებით კმაყოფილნი იყვნენ თავიანთი ბედით. მათი სწორედ ეს თვითკმაყოფილება მშურდა, რაღა თქმა უნდა, კეთილი გაგებით. განა სისულელე არაა, იმუშაო ამდენი და მერე ერთი ხელის მოსმით დახარჯო შვილის ქორწილში, თან იამაყო ამით?

ადრე ხანდახან ვეხმარებოდი ცოლ-ქმარს სხვენიდან ძნების ჩამოყრაში, ან ქათმების დაპურებაში. ერთი-ორჯერ მე და გერტრუდამ ფრთებიც დავაჭერით ქათმებს. მაგრამ მივხვდი არ სიამოვნებდათ ჩემი მიხმარება. ერთხელ იოახიმმა პირდაპირ მითხრა კიდეც: „თქვენ დასასვენებლად ხართ ჩამოსული, ნუ წუხდებით. ამ სამუშაოს ჩვენც კარგად აუვალთ“. იმ დღის მერე მოვიმზადებდი თუ არა სამზარეულოში სადილს, მაშინვე ჩემს ოთახში გავიდოდი და დამინებაძღე წიგნს ვკითხულობდი. ზღვის ჰაერი ისე მღლიდა, რომ მალევე მეძინებოდა.

მთელ დღეს ზღვის სანაპიროზე ვატარებდი. ერთი-ორი დამსვენებელი თუ იყო სოფელში ჩამოსული და ამიტომაც სიწყნარე იყო. ზოგჯერ სრულიად მარტოც ვიყავი. შიგადაშიგ ახალგაზრდების ჯგუფი გამოჩნდებოდა ხოლმე. შორი-ახლოს ჩერდებოდნენ და მალევე მიდიოდნენ.

პირველ დღეებში საბანაო კოსტიუმის გარეშე ვბანაობდი, ალბათ იმედოვნებდნენ, რომ კვლავ შიშველს მნახავდნენ, არდადეგები ჰქონდათ და მათი ერთადერთი გასართობი ვიყავი. მაგრამ მერე გადავიფიქრე, ვიცოდი მითქმა-მოთქმა ატყდებოდა სოფელში და არ მინდოდა სახლის პატრონი ჩემს გამო რაიმე უსიამოვნებას გადაპყროდა. ასე რომ, ახალგაზრდებს კოვზი ნაცარში ჩაუვარდათ.

ორი ბარათი გაუუგზავნე ჰენრის: სულ რამოდენიმე უაზრო და სულელური ფრაზა, თავადაც რომ არ მომწონდა, მაგრამ რა ვქნა, წერა არ მეხერხება. ესეც რომ არა, თვითონ ღია ბარათის მოცულობა გაიძულეებს მოკლედ და შეზღუდულად თქვა სათქმელი. გაუნათლებელ ადამიანებს სჩვევიათ ასე წერა. ბარათზე აღბეჭდილი ნახატი და წარწერაც კი ძალაუნებურად შენი თანამონაწილე ხდება. ერთი სიტყვით, ძალიან მალიზიანებდა ბარათის წერა. რაღა თქმა უნდა, შე-

შეძლო წერილი მიმეწერა ჰენრიისთვის, მაგრამ ამდენი სათქმელიც რომ არ მქონდა?! ან რა უნდა მეთქვა: „მენატრები, უშენოდ ვერ ვძლებ“. ეს სიტყვები ხომ მაინც ვერასოდეს გამოხატავს ჩემს გრძნობებს. არადა, ჩვენ, ადამიანებს, ხომ გრძნობები გვაკავშირებს ერთმანეთთან?.. ჩვენი სევდა-ნაღველი კი წმინდა ძაფებით ჩახლართულ ობობას ქსელს წააგავს და ამ ხლართულობით და უნაღველად ვხვდებით ერთმანეთს, მარტოობისათვის განწირულნი ვკვდებით და უნაღველად ვხვდებით ერთმანეთს.

მეორე შაბათს მეზობელ სოფელში გადავედი. ერთი ნაცნობის აგარაკზე ვიყავი დაპატივებული. რამოდენიმე წლის წინ აქ ზღვაზე გავიცანი, მეუღლესთან ერთად ისვენებდა. ბერლინიდან ვიგებდით ერთიმეორის ამბებს, მაგრამ მხოლოდ ტელეფონით.

ფრედი გარეთ გამომეკვება, გადამკოცნა და შინ შემიპატიჟა. აპერიტივს შევექცეოდით და თან ქათინაურებით ვამკობდით ერთმანეთს. კმაყოფილებისაგან ხმამაღლა ლაპარაკობდა. კიდევ უნდოდა შევესო ჭიქა, მაგრამ მე ვიუარე... ენას არ ასერებდა, არ ვიცო ჩემი მისვლით იყო ასე გახარებული, თუ რაღაცას ნერვიულობდა, ბევრს სვამდა და თან ამ აგარაკის გარემონტებაზე მებაასებოდა: „ოცი მოხუქურთმებული ლელქაშის ფული გადავიხადე, არადა, მხოლოდ თორმეტი მომიტანეს. ცუდი ზამთარი იყო, მოიმიზეზეს ხელოსნებმა. ლელქაში ხომ მხოლოდ ზამთარში იჭრება, როცა ყურე იყინება“.

ფრედი სავარძელზე გადაწოლილიყო და ფეხები ჩემს სკამზე შემოეწყო; „ლელქაშით დღეს ადარავინაა დაინტერესებული. ერთი ორი მოხუცია შემორჩენილი, იმათაც იმდენი მუშტარი ჰყავთ, ვეღარ აუდიან. არადა, მინდა სახლი ლელქაშით გადავხურო. მართლაც შეუდარებელი გამოვა... მერე ფეხსაცმლის წვერი გამკრა და მკითხა: „— ჰა, ისევ მარტო დადიხარ?“

მოულოდნელობისაგან დავიბენი. „კი“. მერე კი ძალევე მივაყოლე დაახლოებით-მეთქი. ფრედს გაეცინა. „გასაკებია“, — ჩაილაპარაკა და თან ორაზროვნად, გამჭოლად შემომხედა: „დაახლოებით არა?!“ — ამასთან ჭიქა გამოსცალა და ისევ თავის აგარაკზე განაგრძო ლაპარაკი.

მოგვიანებით ოთახში მარია შემოვიდა. მაგიდასთან მივიდა და არაყი დაისხა. ფრედი ნერვიულად უთვალთვალებდა. ბოლოს კი უთხრა: „ჩვენთან კლაუდიას სტუმრად“.

მარია შემობრუნდა, თავი დამიკრა, რაღაც მისასაღმებელი სიტყვებიც ჩაიბურღუნა და ჭიქით ხელში ოთახიდან გავიდა. ფრედმა თვალები დახუჭა და დაღლილი ხმით ჩაილაპარაკა: „სულ გაგიჟდა, ყოველ შემთხვევაში, მე ასე მგონია“.

თავადაც არ ვიცოდი, რატომ, მაგრამ მეცინებოდა. მარია ფრედისთვის მესამე ცოლი იყო. „პირველი ორი ცოლი ხომ მედღებად მუშაობდნენ ჩემთან, ახლანდელ მედღაზეც ეჭვიანობს მარია“, — შემომჩივლა ფრედმა.

სასაუზმოდ სამზარეულოში გავედით. ფართო, შესანიშნავად მოწყობილი სამზარეულო მქონდათ. ისეთი ლამაზი და რბილი სკამები ედგათ, ჯდომაც კი მეუხერხულეობდა. არადა, ამ ავეჯს ერქვა „გლეხური“. რა თქმა უნდა, პირობითად, თორემ გლეხებს ხომ სიზმრადაც არ ექნებათ ნანახი ასეთი ავეჯი. თევზის ფილე და შემწვარი კარტოფილი მქონდათ, ორივე კონსერვად. მარია არ ჭამდა, იჯდა და სივარეტს ეწეოდა. ბოლოს მე მომიტრიალდა და მითხრა: „მომიყვები რა რამე, თუნდაც ანეკდოტი“. „თან აუხსენი კიდევ ანეკდოტის არსი“, — მაშინვე გამხიარულდა ფრედი.

მარიას აინუნშიაც არ ჩაუვდია ფრედის ნათქვამი. დაღლილი, ფერმკრთა-

ლი სახე ჰქონდა. შეიძლება წამლებისაგან. მარიამ შემამჩნია, რომ ვაკვირდებოდი, ხელი გადაისვა ქერა თმაზე და გამიღიმა. თვალში მომხვდა მისი თითები. განაცრისფერებულ, დაკვნექილ ფრჩხილებზე მთლად დასკდომოდა წითელი ლაქი. გამახსენდა, თექვსმეტი წლის რომ ვიყავი, მიყვარდა ადამიანებზე ფრჩხილებისა და ყურის ბიბილოების მიხედვით მსჯელობა. იდიოტური მანია მქონდა. ზოგი ქებით ცამდე ამყავდა, ზოგს კი მიწასთან ვასწორებდი, ლაშის ვატირებდი. საოცრად მიზიდავდა ეს თამაში, რაც ყოველგვარ ლოგიკასა და საღ აზრს იყო მოკლებული. ჩემი ასაკისათვის დამახასიათებელი ქედმაღლური თავდაჯერებულობით ვსჯიდი და ვამყარებდი „წესრიგს“ ჩემს ბავშვურ სამყაროში. ახლაც მარიას დაკვნექილ ფრჩხილებზე გამახსენდა ეს სულელური, ღვარძლიანი გახართობი და რატომღაც მაშინვე დამებადა სურვილი, თმა გადამეწია მარიასათვის და ყურის ბიბილოებზეც შემეხედა.

ფრედმა შეამჩნია, თვალს რომ არ ვამორებდი მარიას. წამოდგა და მიუახლოვდა მას, ხელით შეეხო მარჯვენა თვალის უბეზე და დაბლა ჩამოუწია: „ნახე, ეს ხომ ზუსტი გამოხატულებაა ნარცისტული ჰიპოხონდრიის, მე ვიტყვოდი, კლასიკურიც კი“. „ღორო“, — მშვიდად ჩაილაპარაკა მარიამ და არც განძრეულა. ქმარმა ყურადღება არ მიაქცია მის რეპლიკას და განაგრძო: „საქმე გვაქვს ისტერიისადმი მიდრეკილებასთან და ესაა შედეგი დათრგუნვილი სწრაფვისა და სუსტი ნერვებისა. წარმოგიდგენია, ის იტანჯება, მისი არ ესმით. სადღაც ამოუკითხავს, თანამედროვე პატივმოყვარე ქალი ნამდვილად უბედური იქნებაო. ესეც პრეტენზიას აცხადებს თანამედროვე პატივმოყვარე ქალბატონობაზე. და ალბათ დებრესიის მიზეზიც ამაში უნდა ვეძებოთ. აჰ, ღმერთო ჩემო, მერედა, როგორი დებრესიის! თუმცა ყველაფრის თავი და თავი ხომ ქმარია, უფრო სწორად, მტარვალი, პატრიარქატი, რომელიც განუწყვეტლივ ძალადობს მასზე და თავს ახვევს თავის ნებასურვილს. ეს ნამდვილად ნევროზია. წარმოგიდგენია, ბალიშის ქვეშ სამზარეულოს დანას ინახავს იმ შემთხვევისთვის, თუ მასთან მიკარებას განვიზრახავ. როგორც ქმარი და როგორც ექიმი ასეთ დიაგნოზს ვსვამ: კულინარიული ხელოვნება, რაშიც ის არც არასდროს გამოირჩეოდა, მთლიანად ჩაკვდა მასში, სამაგიეროდ თავი აჩინა იდიოტიზმში. სიგიჟის ზღვრამდეა მისული. ასე რომ, როგორც ექიმი ორი წლის ვადას ვაძლევ, მაგრამ როგორც ქმარი, მინდა ცოტა ოპტიმისტურად ვიყო განწყობილი“.

ფრედი ლოყაზე მიეფერა მარიას. ის კი იჯდა უძრავად და თავის სივარულს დასჩერებოდა. ყურადღებას არ აქცევდა ქმრის ლაპარაკს. დაღლილობა ვიგრძენი, ცოტა ხანს მინდოდა დამესვენა და ვასვლა დავაპირე. ფრედი კარში გადამიდგა: „სულ დამავიწყდა შეთქვა შენთვის, რომ ჩემი ცოლი ყოველ შემხვედრს უწვება ლოგინში. ერთხელ წავასწარი, კიდევ“.

მე გვერდი ავუარე ფრედის და ჩემთვის განკუთვნილ ოთახში გავიდი. შევეცადე დამეძინა, მაგრამ თვალიდან არ მშორდებოდა მარიას გამხდარი, ფერმიხდილი სახე. ვნახობდი, რომ ჩამოვედი, რად მინდოდა ყოველ წელს შესძინა ერთი და იგივე და მარიას უბედურებისათვის მეცქირა? მარიას და ფრედს, მიუხედავად ამდენი კონფლიქტისა, მაინც აკავშირებდათ რაღაც.

როცა გამომეღვიძა, ჩემი საწოლის წინ ფრედი იდგა: „ჰენრი ჩამოვიდა“, — ჩაილაპარაკა მან. ჯერ ვერ მივხვდი, რას მეუბნებოდა, ისევ ძილბურანში ვიყავი და გაოგნებული შევაჩერდი ფრედს.

„ჰო, ჰო, შენი „დაახლოებით“ რომაა, ის ჩამოვიდა“. — ძლივს გავიგე ვისაც გულისხმობდა. ვთხოვე: ჩადი და მეც ახლავე ჩამოვალ-მეთქი, მაგრამ ფეხს

არ იცვლიდა. „უნდა ჩავიცვა“, — გავუმეორე მას, არც განძრეულა, იღვა და უაზროდ იცინოდა. მერე ჩემი ტანსაცმელი აიღო და გამომიწოდა. ერთ წამს უსიტყვოდ შევატყერდი ერთმანეთს. მივხვდი, რასაც აპირებდა. რომც შეგხვეწნოდი, მაინც არ გავიღოდა. უნდოდა ჩხუბი და ყვირილი ამეტეხა, რომ ამ ხმაზე ჰენრი და მარია ამოცვინულიყვნენ, თვითონ კი, რაღა თქმა უნდა, სიტყვას ატეხავდა: „ამ პატარა სულელის შეშინება მინდოდა, თანაც მაინტერესებდა რამდენად კომპლექსიანიაო“. მერე მთელ დღეს აღარ გაათავებდა, ჭკნისაწაულებდა ჰენრის, ნამდვილად თანაგვიგრძნობო, ვიცი, უყვარდა ასეთი ხუმრობა. თავისი ჭკუით ამას ფრედი უსიქიანალიზს უწოდებდა. უფრო სწორად, მისივე სიტყვებით რომ ვთქვათ: „ადამიანი ცივილიზაციის პირობებში სექსუალურ მექანიზმად გადაიქცევა და ეს ძლიერი, დაუმორჩილებელი ინსტინქტი პრევალირებას მოახდენს სხვა მოთხოვნილებებზე“. ამ ხერხით ფრედი ცდილობდა შეეღწია ადამიანის სულის წიაღში. როგორც თავად ამბობდა, ეს იყო სტუმრობა ველურ მხეცთან, ღორთან. ფრედის ამ თამაშს უამრავი ვარიაცია ჰქონდა, რომელთაც ათასი სისამაგლე ახლდა თან. ზოგჯერ ამ ხუმრობით ცრემლებამდეც კი მიჰყავდა ადამიანი, თვითონ კი ერთობოდა.

„კარგი“, — საბანი გადავიძრე და წამოვდექი, ვცდილობდი არ ავნერვიულებულიყავი, ყურადღება არ მიმექცია მისი რეპლიკებისათვის, ჩემი შკერდისა და თეძოების მისამართით რომ ისროდა. თუმცა ისედაც არ მესმოდა მისი ხმა. სიმწრისაგან ყურები მქონდა დახშობილი, თავში სისხლი მაწვებოდა.

დაბლა ჩავედი, ჰენრი სამზარეულოში მელოდებოდა. ერთი ფეხით გამომისწრია. გერტრუდასთან და იოახიმთან უკითხავს და მათაც აქ გამოუგზავნიათ. არც მეგონა, თუ ჰენრი ჩამოსვლას დააპირებდა, ეტყობა, უნდოდა სიურპრიზი გაეკეთებინა ჩემთვის. მარია ყავით გაგვიმასპინძლდა მე და ჰენრის. მერე ჩვენ სანაპიროზე წავედით. ცივი ქარი უბერავდა. სოფლის ერთადერთი ცენტრალური ქუჩა მთლად დაცარიელებულიყო. აქა-იქლა შემორჩენილიყვნენ ყვითელ საწვიმარებში გამოწყობილი დამსვენებლები. ისეთი შთაბეჭდილება იქმნებოდა, თითქოს ერთი საავადმყოფოდან ან სანატორიუმიდან გამოსულანო.

ზღვასთან ახლოს ჩავედით. ტალღები თეთრ-მონაცრისფერო ქაფს ტოვებდა ქვიშაზე. საკმაოდ ძლიერი ქარი იყო, მაგრამ მსიამოვნებდა. ნაპირს თითო-ოროლა ადამიანილა შემორჩენოდა. მზისგან თავშესაფარი ქოლგებიც ერთიმეორეზე მიეწყობთ და ჯაჭვით დაებათ.

რატომღაც მეგობრობაზე ჩამოვარდა საუბარი. „კაცმა რომ თქვას, არც კი ვიცი მყავს კი მეგობრები?! სოფელში, სადაც გავიზარდე ერთი მეგობარი მყავდა, მაშინ ჯერ კიდევ ნაწნაუბიანი გოგო ვიყავი და ერთმანეთს ვეფიცებოდით, რომ არასოდეს დავშორდებოდით. მართლაც საოცარი მეგობრობა გვქონდა. მაგრამ ეს იყო ძალიან დიდი ხნის წინ და ეს მეგობრობაც ბავშვური და მიამიტური იყო. ახლა კი ზუსტად ვერც ვიტყვი, რა არის მეგობარი. შეიძლება თავად მე დავკარგე ადამიანებისადმი ნდობის უნარი. არადა, მეგობრობაში ხომ სწორედ ნდობაა მთავარი. იქნებ მე არც მჭირდებიან მეგობრები. მყავს უამრავი ნაცნობი და ახლობელი, ხანდახან ვხვდებით ერთმანეთს და ამითაც კმაყოფილი ვარ. დიდ აუცილებლობას, რომ ვითხრა, ვერც ვხედავ მათში. კი, მიყვარს საზოგადოება, ადამიანებთან საუბარი, მაგრამ გადაჭარბებული არაფერი მიყვარს. მხოლოდ დროდადრო მაქვს ისეთი წუთები, როცა მტანჯავს რაღაც, ჩემთვისაც გაურკვეველი სწრაფვა თუ მოთხოვნილება მეგობრისა, თუმცა ესეც ერთადერთ ადამიანზე ვრცელდება — ბავშვობის მეგობარზე. ასეთი წუთები კი ძალზე იშვიათად

მაქვს, ისიც მხოლოდ უნებლიე ტირილით მთავრდება; ვტირი და არც კი ვიცი, რა მატირებს. მოკლედ, ასეა საქმე“.

ჰენრი ყურადღებით მისმენდა, ერთხელაც არ შეუწყვეტინებია მღუმარედ მივაბიჯებდით დაჭუჭყიანებულ და მიტოვებულ ზღვის სანაპიროზე, ქარისაგან სახეში ქვიშა მეყრებოდა და თვალები მეწვოდა. ფეხსაცმელები დავიხადეთ, მსიამოვნებდა ცივ ქვიშაზე ფეხშეელა სიარული.

„რა ხდებოდა მაშინ შენს ცხოვრებაში? — მკითხა ჰენრიმ. თავიდან ვერ მივხვდი რას გულისხმობდა და ამიხსნა. იქ იმ პატარა სოფელში“.

„იცო, ბუნდოვნად მახსოვს ის დრო. მოვონებები კი წლიდან წლამდე მეცვლება. ისე, რატომღაც მგონია, მაშინ სხვანაირი ვიყავი. შენ წარმოიდგინე, გარკვეულა წარმოდგენებიც კი მქონდა ცხოვრებაზე და უკვე მეშინოდა. ან იქნებ არც ვყოფილვარ სხვანაირი და, უბრალოდ, მაშინ იწყებოდა ჩემში იმის განვითარება, რაც ახლა ვარ“.

ჰენრი ღუმდა. გზადაგზა ნიჟარებს ვაგრძელებდით. მოულოდნელად ჰენრიმ ზღვაში შესვლა მოიხურვა და მეც შემომთავაზა. ვერაფრით ვერ წარმომეღვინა ამ სიცივეში წყალში შესვლა და უარი ვუთხარი. ჰენრიმ სასწრაფოდ გაიხადა ტანთ და ტალღების შესაგებებლად გაექანა. მერე კი ჩაყვინთა და გაცურა. მძლავრად, გაშმაგებით მიაპობდა ტალღებს. წყლიდან რომ გამოვიდა, მთლად ცახცახებდა. ჩემი ჰუმლოურით შევამშრაღე და გავიქეციით სახელში. აქიშინებულები შევცვივდით მარიასთან.

სალამოს ფრედის მეგობრები მოვიდნენ. ისინიც აქვე შორიახლოს ისვენებდნენ. ჩვეულებრივი სიტუაცია იყო: ვინ ანეკდოტს ვეებოდა, ვინ ხუმრობდა, თან ღვინოსა და არაყს სვამდნენ. მთელი სალამო ჩუმად იჯდა მარია, მაგრამ არაყის გაუძახვიღებია ამაზე ყურადღება. მე და ჰენრი ძალზე დაღლილები ვიყავით და მალევე დავაპირეთ დასაძინებლად ასვლა, მაგრამ ფრედი არ მოგვეშვა: „დარჩით უსათუოდ, საინტერესო სანახაობა გელით“.

ამ სალამოს ერთი მხატვარიც ესწრებოდა. გაშმაგებით ლაპარაკობდა ხელოვნებაზე: „ჩვენ მხატვრები კი არა, დევნილები ვართ ნამდვილად. ხელოვნება მკვდარია, თავის საქებ ობიექტად ასოციალი — რაღაც ერთი კონკრეტული ტიპის ადამიანი აურჩევია; არადა, საუკუნეების მანძილზე ობივატელის გემოვნებით სარგებლობდა ხელოვნება. ყველა სუფრაზე თუ თავყრილობაზე მხოლოდ ხელოვნებაზე საუბრობდნენ და ეს იყო ერთადერთი პარაზიტი, რაც ასაზრდოებს სულს. ჭეშმარიტი ხელოვნება ანარქიულია, ეს კი საზოგადოებისათვის მათრახის გადაჭერას ნიშნავს. ამგვარი ხელოვნების ერთადერთი ესთეტიკა ტანჯვაში მღვთმარეობს, ხოლო მისი მხატვრულობის კრიტერიუმი — კივილი და გოდებააო. ჩვენ უნდა გავხდეთ ასოციალები, რათა მივხვდეთ რანი ვართ, საიდან მოვდივართ და საით მივუქანებით. დიახ, ამ ჭუჭყზეა ლაპარაკი, და ესეც თქვენთვის მომიძღუნია“. ამ მხატვარს ერთი საოცრად ლამაზი, წითელთმიანი გოგონა ახლდა თან, სულ თვალეებში შესციცინებდა, თავზე ხელს უსვამდა და ცდილობდა დაემშვიდებინა იგი. მაგრამ მხატვარი მაინც ბობოქრობდა. ფრედიც კი გამოლანძღა, როცა მის დაწყნარებას შეეცადა. თუმცა მალევე შერიგდნენ და მეგობრობისაც დალიეს.

ბუხარს მივუჯექი და ცეცხლს მიუაჩერდი. ვიგრძენი სიცხისაგან როგორ ამეწვა სახე, მაგრამ სითბო მესიამოვნა. ერთ-ერთი სტუმართაგანი გვერდით მომიჯდა, სიგარეტი შემომთავაზა და ლაპარაკი გამიბა: სადაცაა ზღვები დაშრება, დედამიწას თერძული სიკვდილი ემუქრებაო. მერე ლათინური ამერიკის

ენერგეტიკულ კრიზისსაც გადასწვდა და ამის შემდეგლა გამაცნო თავი — პლურომედიალური ესთეტიკისა და კომუნიკაციის პროფესორი გახლავართ და ბოხუმში ვცხოვრობო. გაკვირვებული შევცქეროდი. ვერაფრით ვერ ჩავხვდი რას ნიშნავდა „პლურომედიალური ესთეტიკა“. ჩემას აზრით, ეს კაცი კომიუნიატორი ან მასწავლებელი უნდა ყოფილიყო, წამით ჩემი პროფესორი ვაჩვენებდეს, მაგრამ წამსვე ახალ თემაზე წამოიწყო ლაპარაკი. დახვდებით მსხვერპლ-დათხუთმეტი წლის, მშვიდი, თავდაჯერებული კაცი იყო. თვალში მოსახვედრი, ლამაზი კბილები ჰქონდა, მაგრამ რატომღაც მისი ღიმილი მალიზიანებდა. პროფესორს არ შეჰფეროდა ასეთი ღიმილი, თითქოს რაღაც საეჭვო საქმეში გაპირებხო ჩათრევას.

ჰენრი რომ მოგვიახლოვდა, პროფესორმა ხელახლა წარმოგიდგინა თავი და თავისი სავიზიტო ბარათითაც დააჯილდოვა ჰენრი. თან აღნიშნა: ორივე ძალიან მესიმპათიურებიანო. სულ ცოტა ხანში პროფესორმა თავისი პოლიტიკური შეხედულებებიც გადმოგივლია: ზომიერი მემარცხენე ყოფილა და კაპიტალიზმისადმი მეტად კრიტიკულად განწყობილი. ჰენრისაც ჰკითხა, თქვენ რა აზრისა ბრძანებით გერმანიას? „იცით, მთელ დღეს ზღვის ნაპირას დავეხეტებოდი და ისე გამომეტენა ქვიშით თავი, რომ თუ არ დაუბანე, ვერაფერს გაპასუხებთ“. პროფესორი ისე მოიხიბლა ჰენრის ამ ოხუნჯობით, რომ გულიანად იცინა. მერე კი დასძინა: „შესანიშნავად მესმის თქვენი. რა პროფესიის ბრძანებით?“ ჰენრის პასუხს არ დაელოდებივარ, სამზარეულოში გავედი.

მარია მარტო იჯდა სამზარეულოში, ყავასა და ნაყინს ამზადებდა. „ხომ არ მოგეხმარო?“ — ვკითხე მე. ჭიქების დარეცხვა მოხოვა. სტუმრებს ვკითხე რაღაც, მაგრამ, ეტყობა, არც ერთს არ იცნობდა: „მოწყენილობის გამო სრულიად შემთხვევით გაცნობილსაც კი თავისთან ეპატიუება ფრედი. მხატვარია მხოლოდ ჩვენი ერთადერთი ხშირი სტუმარი. საოცრად არაპრაქტიკული კაცია, ხან ჭიქა უვარდება ხელიდან, ხან თეფშები ემსხვრევა, განუწყვეტლივ რაღაც უბედურება სდევს თან“. მარია რაღაც-რაღაცებს მიყვებოდა ამ მხატვარზე და მაცინებდა. ჩვენ შესანიშნავად ვუგებდით ერთმანეთს.

სამზარეულოში ფრედმა შემოიხედა, აინტერესებდა, რაზე ვიცინოდით. მარიამ სტუმრებთან ყავა და ნაყინი გაატანა. მერე დაჯდა და უცნაურად გამოიხედა.

„შეამჩნიე?“ — მკითხა მან დამაბულად.

„რა? — ვკითხე მე, — რა უნდა შემემჩნიო?“

„ჩემი სახე, — ჩაილაპარაკა მან, — შეხედე, რა დღეში ვარ“.

მე გაკვირვებულად ვიყურებ, მაგრამ რას ერჩი შენს სახეს, მშვენივრად გამოიყურები-მეთქი. მან ნელი მოძრაობით, მაგრამ ენერგიულად გადააქნია თავი, ისე, რომ არც შემოუხედავს.

„არა, არა, — გაიმეორა მან, — შენ მაინც უნდა დაინახო ეს, მე აშკარად ვამჩნევ“.

„რა უნდა შევამჩნიო, მარია?“

„მე რა ვიცი“, — გამოიხედა უნდობლად და გაჩუმდა.

არ ჩავძიებვივარ, ასე ვამჯობინე.

სასტუმრო ოთახიდან მუსიკის ხმა გამოდიოდა. მარია თავჩაქინდრული იჯდა და ხარბად ეწეოდა სიგარეტს.

„ჩემის აზრით, — წამოიწყო მან, — ძალიან გავხდი, ცარიელი ძვლები და ვერჩი, ჩონჩხს დავემსგავსე“. — და ისევ სახეში მომანიერდა, რომ დავკვირვე-

ბოდი. მერე კი მოწყენილად ჩაიღიმა. მარიას ქცევასა და ღიმილში აშკარად ჩანდა, რომ ძალიან იტანჯებოდა.

„რას ლაპარაკობ, რატომ შთააგონებ შენს თავს ასეთ რაღაცას?“ — ვუთხარი დამამშვიდებელი, ჩემი, როგორც ექიმის დამრიგებლური ტონით, თავადაც რომ მეჯავრებოდა. ასეთი ინტონაცია ექიმებს პაციენტებისთვის უმუშავედათ. ყველა ექიმი ხომ დამაჯერებელი ტონით არწყნუნებს პაციენტებს თავად-მყოფს, რომ მისი ჯანმრთელობა წესრიგშია. ესაა ჩვენი უმწეობის ნიღაბი.

„იცი, — განაგრძო ისევ მარიამ, — ყოველ დღე ერთი ბლუჯა თმა მცვივა“.

„მასეც უნდა იყოს“.

მან თავი გადააქნია — ამდენი მაინც არაა ნორმალური, რატომ მატყუებო.

„ნუ ლაპარაკობ მასე, თავს გაიგიჟებ. ადამიანი ყოველდღე კარგავს ერთ ბლუჯა თმას, არც სახეზე გჭირს რამე. თავადაც იცი, რომ ყოველთვის ფერ-მკრთალი იყავი და გიხდება კიდეც“.

„ფრედის ამას მიმტკიცებს“. „რას?“ „რასდა, შეშლილი ვარ და სადაცაა გაკვირდები“.

მოთმინებას ვკარგავდი უკვე. მარია იჯდა ჩემს წინ თვალებდახუჭული და თავს იტანჯავდა. ვერ გამეგო, რატომ მეუბნებოდა ყველაფერს მე. რატომ არ შედიან ეს მგრძნობიარე არსებები სხვის მდგომარეობაში?!

„მომიხმინე, შენ ხომ იცი, არ მიმჩნობარ სულელად და რატომ მაყენებ ასეთ უხერხულობაში?“

მაგრამ მარია უკვე აღარ მისმენდა. იჯდა გათიშული და სიგარეტს ეწეოდა, თან თითებით მაგიდაზე რაღაცებს ხატავდა.

„რატომ არ ეყრები ფრედს? იქნებ ეს არის შენი პრობლემის ძირითადი მიზეზი?“

„ეგ შენ არ გეხება, — მიპასუხა და თან თითებს არ აჩერებდა. მე ჭიქებს ვამშრალებდი და კარადაში ვაწყობდი.“

„მიზეზი უფრო ღრმაა და ეს ყველაფერი უფრო ადრე დაიწყო“, — ჩაილაპარაკა მარიამ. მიხლოდა მიუყვებოდი და სახეზე შევეხე. მან კი ხელის გულზე მაკოცა და ლოყა მკლაფზე დამადო. მერე ერთიმეორისაკენ გადავიხარეთ და პატარა გოგონებივით ავკისკისდით.

დავიღალე, დაწოლა მიხლო, მითხრა მარიამ. მე ისევ სასტუმრო ოთახში დავბრუნდი. ჰენრი პროფესორ ჰორსტთან ერთად ისევ ბუხართან იჯდა. მე მიუუახლოვდი მათ და ჰენრის ყურში ჩავჩურჩულე, ხომ არ წავიდეთ-მეთქი. პროფესორი ამჟამად „ეკოლოგიის იმპანენტურ კრიტიკაზე მსჯელობდა. ვერც მე და ვერც ჰენრიმ ვერ გავიგეთ რას ნიშნავდა ეს. ჰორსტი შეეცადა აეხსნა, მაგრამ მალევე მიხვდა, არ გვაინტერესებდა, და მაშინვე შეცვალა საუბრის თემა: „გერმანულ ენას საშინლად აჭუჭყიანებენ ამერიკანიზმებით“. ერთი სიტყვით, ყველა თემაზე შეეძლო ამ ჩვენს პროფესორს საუბარი. რატომღაც იგი იმ კომიკს მაგონებდა, რომელიც ფრაზების ნაცვლად უზარმაზარ ბურთულებს უშვებს და ეს ბურთულები სადღაც ქრებიან.

„ეტივობა, საკუთარ თავთან მარტოდ დარჩენას თუ გაურბის და ამიტომაც ლაპარაკობს ამდენს“, — ზუსტად შენიშნა ჰენრიმ.

დასავლეთ ევროპულ პროფესორს ნერვიული ღიმილი დასთამაშებდა: „ჩემის აზრით, აქ ყველაფერი მეცხრამეტე საუკუნის დონეზე დარჩა. ერთ მიტოვებულ სოფელს, უფრო ზუსტად გეტყვით, ადალბერტ შტიფტერის ქვეყანას მა-

გონებს“. როცა ვუთხარი, არაფერი წამიკითხავს შტიფტერისა-მეთქი, ასე მიპასუხა: „რად გინდათ წაკითხვა, თავად ცხოვრობთ ასეთ ქვეყანაში“.

გამომშვიდობებისას ჰორსტმა სურვილი გამოთქვა: „მოხარული ვიქნები თუ როდესმე კიდევ შევხვდებით. ჩვენ ხომ შესანიშნავად გვესმის ერთმანეთის“.

„ნამდვილად“, — დავუმოწმეთ ორივემ. წამოვედით დაემართეთ დაელოდეთ გადამებულნი ჰორსტი. იმ წუთას იგი მართლაც საოცრად მარტოველი მჩუქნენა.

ნაპირზე უამრავ დამსვენებელს მოეყარა თავი. თავისუფალი ადგილის ძებნაში მე და ჰენრიის ძალიან შორს მოგვიწია წასვლა... წყალი ცივი იყო და სწრაფად, სუნთქვაშეკრულნი მივაპობდით ტალღებს. სიცვიისაგან სხეული გვეწვოდა. ჰენრიის ძალევე უნდოდა, რომ დაბრუნებულიყო ნაპირთან, მაგრამ შევეხვეწე, ცოტა ხანს კიდევ დავრჩეთ-მეთქი. ჰენრი მომიახლოვდა, წელზე შემომაჭდო ფეხები და მაკოცა. მე კი გავეხუმრე, წყალში ჩავაყვინთინე თავი და თავად ნაპირისაკენ გამოვცურე. ძლივს დამეწია ჰენრი. ცოტა ხანში ორივე ქვიშაზე ვიდექით და ერთიმეორეს ვამშრალებდით. თან ვხტუნაობდით, რომ ყურებში დაგუბებული წყალი გამოგვედევნა. გვეციოდა და ძალე დავბრუნდით შინ.

არ ვიცი, მარიამ თუ იმ წითელთმიანმა გოგომ მოხარშული კვერცხი და ყავა დაგვახვედრა. ისე გვეციოდა, ხალათებიანებივე მივუსხედით მაგიდას და ვისაუზმეთ. სამზარეულოში წითელთმიანი გოგონა შემოვიდა და ლაპარაკი გავიბა: „მინდა მთელი ზაფხული ზღვაზე დავრჩე, არადა, ღამის გასათევი არა მაქვს. ხან სად მიწევს ყოფნა და ხან სად. იქნებ ერთ ღამეს თქვენც შემიკედლოთ?“ „ერთი პატარა ოთახი მაქვს“, — მოვუბოდიშე და ძალიან შევწუხდი, რომ უარი ვუთხარი“. ისევ თვითონ დამამშვიდა, რას ვიზამ, არა უშავსო.

„რა ღამაში გოგოა, არა?“ — ხმამაღლა ვკითხე ჰენრიის, რაზეც დაბნეულობისაგან მთლად გაწითლდა და რაღაც ჩაიბურღლუნა. წითელთმიანს გაეცინა. „შენ და მარიაც ღამაზეები ხართ“, — მოიღუშა ჰენრი. ამ სიტყვებზე უნდობლად გამომხედა მარიამ. მივხვდი, რაც გაიფიქრა. არადა, ჩვენს საუბარზე ჰენრიისთვის მართლა არაფერი მომიყოლია. უსიამოვნო გრძნობა გამიჩნდა. რატომ უნდა შეპარვოდა ჩემში მარიას ეჭვი? რა მეთქვა, რომ გამექარწყლებინა ეს ეჭვი, არ ვიცოდი და ისევ გაჩუმება ვამჯობინე.

რატომღაც იმ წუთას, სავსებით უადგილოდ ერთი ლექსი გამახსენდა. კარგა ხნის უკან მოვისმინე რადიოში. შინაარსი ასეთი ჰქონდა: „როცა შენგან ადამიანურ დიდსულოვნებას მოითხოვენ, იძულებული ხარ უფრო მეტი ინტენსიურობით მოურიო შენს ფინჯან ყავას“. რას ნიშნავდა ეს სიტყვები, ახლაც არ ვიცი, ან რა დიდსულოვნებას მოითხოვდნენ ჩემგან. ერთი კი ვიცი, მეც სხვა აღარა დამრჩენოდა რა, ჩემი ყავისთვის უნდა მომერიო. ეს ჩვევა გახლდათ ერთი იმ უცნაურობათაგანი, ბავშვობაში რომ შევიძინე.

უხერხული დუმილი ისევ წითელთმიანმა გოგონამ დაარღვია: „სადღაც დუმილის ანგელოზმა გადაიფრინა“, — თქვა და გაიცინა.

გამომშვიდობებისას მარიას ვაკოცე, არც განძრეულა, გულგრილად გამომხედა. ფრედი ჯერ არ იყო ამდგარი და მოკითხვა დავუბარე მასთან. თავი კი დამიქნია, მაგრამ მთლად არ ვიყავი დარწმუნებული, რომ მისმენდა. უკვე მანქანაში ვიჯექი, წითელთმიანმა რომ მომაძახა, ერთ წამს მომიცადეო. დიდი მომწვანო ვაშლი ეჭირა ხელში: „ამაზე უკეთესი რამ მინდოდა მეჩუქებინა, მაგრამ მეტი არაფერი მაქვს,“ — თქვა და ვაშლი გამომიწოდა,

ჰელას სახეს ვერ ვხედავდი, მზე მიჭყრიტინებდა თვალებში. მადლობის ნიშნად ხელი მოკვიდე მკლავზე და ბედნიერება ვუსურვე.

მანაც გამიღიმა. მერე კი მზის სათვალე გავიკეთე და მანქანა დავექოქე. ჰენრიც უკან მომდევდა თავისი მანქანით. ვიდრე ჩვენს სოფელს მოვუახლოვდებოდით, ზღვის ნაპირისაკენ გადავუხვიეთ. უკვე სადილობის დრო იყო და იქვე ნაპირთან, ბალახზე გავშალეთ სუფრა. ჰენრის ერთი კონსერვები მოვიტანა, გავხსენით, ზემოთ მოღებული სიმსუქნე მოვხადეთ და ცივი წვნიანი და ფრიკადელები მივირთვიეთ.

სიგარეტი აღარ გვექონდა, მაგრამ ამისთვის სოფელში გასვლა დაგვეზარა. ისეთი დაღლილები ვიყავით, იქვე თბილ, გამხმარ ბალახზე მიგვეძინა. რამდენი ხანი გვეძინა, არ ვიცი, მაგრამ სოფლის ბავშვების ხმაურმა გამოგვადვილა. საღამოს წვიმა წამოვიდა. ჰენრის მანქანას შევაფარეთ თავი. სამყარო მინების მიღმა მოვიტოვეთ. მანქანის რადიო ჩართული კი იყო, მაგრამ ცივილიზაციის ამ უკანასკნელი გამოგონების ხმა ჩვენამდე არ აღწევდა.

წვიმამ გადაიღო. მზე ღრუბლების მიღმა დარჩა. შებინდებისას ქარი ამოვარდა და ზღვაც შავ საბურველში გაეხვია. მანქანიდან გადმოვედით, ფეხები ტალახში გვეფულობოდა. ფოთლებიდან წვიმის წვეთები გვეცემოდა.

არ მინდოდა დაღამებულზე რომ ეარა ჰენრის და ვაჩქარებდი, დროზე წადი-მეთქი. გამომშვიდობებისას ვთხოვე, გაუფრთხილებლად აღარ ჩამოსულიყო. თავი კი დამიქნია, მაგრამ მკითხა: „განა ეს უფრო ღამაში არ იყო, ასე მოულოდნელად რომ ჩამოვედი?“

„კი, ძალიან ღამაში იყო. და გამეხარდა კიდევ, მაგრამ არ მიყვარს მოულოდნელობები. არ მიყვარს უეცარი თავდასხმები, შენგანაც კი“.

მერე კი ვაკოცეთ ერთმანეთს და ასე დავშორდით. ჰენრი წავიდა, მე კი ვიდექი და ვზას გავცქეროდი, ვიდრე მანქანა თვალს მიეფარებოდა.

სოფელში რომ დავბრუნდი, გერტრუდამ და იოახიმმა დანახვისთანავე მკითხეს, ჰენრი თუ ნახეი. კი-მეთქი, ვუპასუხე და ვახშმის მოსამზადებლად სამზარეულოში გავკედი. დაძინებამდე, ცოტა ხანს მათთან ერთად ტელევიზორს ვუყურე. იოხენმა ლუდი შემომთავაზა. უკვე რამოდენიმე საათი იყო, რაც სიგარეტი არ მომეწია, და მონატრებულებით მოეწიე. დაღლაც და შეკბაც მაშინდა შევიგრძენი მხოლოდ.

თავი მეხუთე

შვებულების შემდეგ იმდენი უსიამოვნება დამხვდა პოლიკლინიკაში, რომ განცხადებაც კი დავწერე წამოსვლის თაობაზე, მაგრამ უფროსმა არ მომიწერა ხელი.

შემცვლელ ექიმს ძოლად დაუბნევია ჩემი პაციენტები. ზოგისთვის სხვა მკურნალი ექიმი ურჩევია, ზოგიც ჩემს მიერ დასმულ დიაგნოზში დაუეჭვებია და სხვა დანიშნულება მიუცია. ერთი სიტყვით, ყველაფერი აურევ-დაურევია. პირველსავე დღეს ვიგრძენი პაციენტების უნდობლობა. კარლაც ყველაფერს მომიყვია. თითქოს შეწუხებული ლაპარაკობდა, მაგრამ ვამჩნევდი, ცოტა არ იყოს ართობდა ეს ამბავი. მშვენივრად ვიცნობდი კარლას.

იმ დღესვე დავურეკე ამ ექიმს და ვუსაყვედურე. მაგრამ ისე უხეშად მეღაპარაკა, რომ ფურმილი დავუხეთქე. ჯერ კი ვიფიქრე, პასუხს ვაგებინებ-მეთქი, მაგრამ ვიცოდი ატყდებოდა ერთი მითქმა-მოთქმა, გაიმართებოდა დისკუსია და ბოლოს კომისია ორივეს მკურნალობის მეთოდებს მართებულად მი-

ინწევდა და ეს ყველაფერი მხოლოდ და მხოლოდ იმით დამთავრდებოდა, რომ ორივეს საყვედურს გამოეციცხადებდნენ და ურთიერთპატივისცემისაკენ მოგვიწოდებდნენ.

განცხადება კი დაეწერე, მაგრამ წასვლას არც ვაპირებდი, უბრალოდ, მინდოდა ამ სახით გამოემთქვა პროტესტი. იმავე დღეს დამირეკა უფროსმა და მიითხრა, დღეს საღამოს ჩემთან სახლში გელოდებიო... *ეროვნული*

რას მიპირებდა უფროსი, ჩხუბს თუ დამშვიდებას, არ ვიცი; მაგრამ მისი მეუღლისათვის ვარდები შევიძინე და მივედი.

პირველად მივედი უფროსის სახლში. ქალაქის სამხრეთით ცხოვრობდა. ბაღის შესასვლელთან ტელეფონი იყო დამონტაჟებული, არადა, აქედან სულ რაღაც ორიოდ ნაბიჯით იყო მოშორებული სახლი. რა დანიშნულება ჰქონდა ამ აპარატს, ვერ მივხვდი.

კარი თვითონ ჩემმა უფროსმა გაძილა. მომესალმა და ხელზე თავაზიანად მაკოცა. რატომღაც „შვილოთი“ მომმართა, და მივხვდი, საჩხუბრად რომ არ დავუბარებოვარ. ცოლიც გამაცნო. საშინაო ხალათში გამოწყობილი იქვე იდგა მოკრძალებულად და მიდიმოდა. ხელებზე ეტყობოდა, ჯაფა არ აკლდა.

ვახშმად ღორის მწუადი ჰქონდათ სატაცურთან ერთად და თეთრი ღვინო „Bordeaux“. დესერტად ნამცხვარიც მოიტანეს. ათას წერილმანზე ლაპარაკობდა ჩემი უფროსი: იქ ვიღაც ჩვენი კოლეგა ბავარიაში გაქცეულა; ვიღაც ყალბაბანდს ისე გაუკრიტიკებია ამერიკული სამედიცინო ჟურნალის რედაქტორები, რომ ამ სოლიდურ ჟურნალს დიდი უსიამოვნება დასტეხია თავს. მთელი ამ ხნის განმავლობაში მის ცოლს ხმა არ ამოუღია. ეტყობოდა, ქმარს პატივს სცემდა. მერე ბიბლიოთეკაში გამიყვანეს. „უამრავი სპეციალური ლიტერატურა აქვს ჩემს მეუღლეს, თითქმის ყველა ენაზე კითხულობს“, — აღნიშნა ცოლმა. „ბევრს ნუ ლაპარაკობ“, — შენიშვნა მისცა მან ცოლს, და სთხოვა, მარტო დაგვტოვეთ. ცოლი არც კი შეპასუხებია, უხმოდ გავიდა სამზარეულოში. მეტად თავაზიანად მესაუბრებოდა უფროსი. მომწონდა მისი მშვიდი ლაპარაკი. ხმა საოცრად დამაჯერებელი ჰქონდა, რაც ცოტა არ იყოს მშურდა კიდეც. თუმცა შური მე არ მახასიათებს. ამისთვის საკმაოდ თავმოყვარე გახლავართ.

„არ გეგონოს, მხარი დავიჭირო. ისტერიული ქალივით იქცევი. თუ სამსახური დან წასვლა განვიზრახავს, გზა დამილოცნია. მაგრამ იცოდე, ამით მხოლოდ შენს მტერს გაახარებ. ვინდა სხვას გაუნთავისუფლო ადგილი, ხომ?!“

ცაღზედ მსიამოვნებდა უფროსის ლაპარაკი, ნამდვილად კარგი ბაბუა დადგებოდა მისგან. დავპირდი, აუცილებლად უკან წამოვიღებ ჩემს განცხადებას-მეთქი.

მოგვიანებით მისი ცოლიც შემოგვიერთდა, ყავა მოგვართვა. „ჩვენი შვილები და მეტი წილი მეგობრები გერმანიის ფედერაციულ რესპუბლიკაში ცხოვრობენ. ამიტომაც, რომ მე და ჩემი ქმარი თითქმის სულ მარტონი ვართ. სტუმრებსაც დანატრებულები ვართ, — შემომჩივლა ქალმა და ქმარს სიყვარულით გადახედა. მან კი უხერხულობისაგან რაღაც ჩაიბურღუნა და ფილეტზე ჩამოისვა ხელი. გამომშვიდობებისას ცოლმა მთხოვა, კიდეც შემოგვიართო: „ძალიან გაგვიხარდება თქვენი მოსვლა. არა, ძვირფასო?“ — და ისევე ქმარს გახედა. ჩემი უფროსი კი თავაწეული იდგა და თავის ცოლს უღიმოდა. მერე თვალები მოჭკუტა და გაიხუმრა: „ვის რაში სჭირდება ჩვენისთანა მოხუცები, დედიკო“. მართლაც უცნაური, ცოტათი ამაღელვებელი, მაგრამ მაინც სასაცილო სანახაობა იყო:

საღამოს პიჯაკში, ჟილეტსა და ჰალსტუხში გამოწყობილი ჩემი უფროსი „დე-დიკოთი“ რომ მიმართავდა თავის ხანში შესულ ნაჯაფარ მეუღლეს.

ჰენრის კვირაში სამჯერ ეხედავდი. მეტწილად ვახშმად მოდიოდა, იშვი-ათად გავდიოდით სადმე. სამსახურში ვიღლებოდი და სახლში მერჩივნა ყოფნა. საერთოდ, შვებულების მერე ყოველთვის მიძნელებოდა სამუშაო-რეჟიმზე ჩართვა. ზოგჯერ მიფიქრია კიდეც, იქნებ არც ღირს შვებულების აღება, რადგან ხანმოკლე დასვენება ჩემთვის არაფერს ნიშნავდა. გასულ საუკუნეებში ხომ არც იცოდნენ, რა იყო შვებულება.

შაბათ-კვირას უფრო მარტო ვატარებდი. მინდოდა, ეს დღეები მხოლოდ ჩემთვის გამომეყენებინა. ასეც რომ არ ყოფილიყო, ზოგჯერ შაბათობით მორიგეობა მიწევდა. ჰენრიც სამ კვირაში ერთხელ თავის ცოლ-შვილთან მიდიოდა და არ მინდოდა ჩემთან დამოკიდებულებაში რაიმე წინააღმდეგობას შეხვედროდა.

ჰენრის ცოლ-შვილი დრეზდენში ჰყავდა. ადრე ჰენრი იქ ტექნიკურ უნივერსიტეტში, ქიმიკოსად მუშაობდა. მაგრამ უნივერსიტეტის დამთავრებიდან რამოდენიმე წლის შემდეგ ბერლინში ჩამოვიდა იმ იმედით, რომ მალე ცოლსაც უშოვიდა სამსახურს და იმასაც ჩამოიყვანდა. მაგრამ, როგორც ჩანს, ორი წლის განმავლობაში შეეჩვივნენ ცალ-ცალკე ცხოვრებას. ცოლმა სხვა კაცი გაიჩინა. ასე რომ, ორივე შეეგუა ამგვარ ცხოვრებას. გაყრაზე არც უფიქრიათ, რადგან ახალი ოჯახის შექმნას არც ერთი არ აპირებდა. ბავშვების გამო კი ცდილობდნენ შეენარჩუნებინათ მეგობრული ურთიერთობა. ჩემის აზრით, სწორედაც იქცოდნენ: რა საჭიროა შენს პირად საქმეში სახელმწიფოს ჩარევა. ეს ხომ მხოლოდ ცოლ-ქმარს ეხება? როცა მახსენდება გაყრასთან დაკავშირებული მთელი სიძნელებები, ცუდად ვხდები. რა უფლება აქვს რომელიმე ინსტანციას ორი ადამიანის პირად ცხოვრებაში ჩაერიოს?! ზის სამი კაცი და ერთი ქალი მაგიდასთან და ვისვამენ ყოვლად დამამცირებელ, უაზრო და უტაქტო შეკითხვებს: რატომ აღარ გინდათ ერთად ცხოვრება? აღარ გვინდა და მორჩა, რა თქვენი საქმეა? არადა, იძულებული ხარ იდგე მათ წინაშე დამნაშავესავე და ისმინო მათგან მორალი.

თვით ქორწინების რეგისტრაციაც ხომ ასეთივე მტანჯველი ფარსია. ვი-დაც უცნობი, პიჯაკში გამოწყობილი ქალბატონი გიქადაგებს ურთიერთმოვალეობებზე, ვალდებულებებზე და თან სიცხისაგან, წურწურით ჩამოსდის ოფლი. ფოტოზე მეც და ჩემს მეუღლესაც ბავშვური, გამოუცდელი სახეები გვაქვს. მხოლოდ კარგა ხნის შემდეგ სხვათა საქორწინო ფოტოების დათვალიერებისას აღმოვაჩინე ორ უძველეს დამფრთხალ არსებათა მზერაში ანარქია! ისინი ბედნიერებისა და ათასი იმედებით მომლოდინე ორ შეამბოხეს უფრო წააგავდა, რომელნიც ცდილობენ თავი დააღწიონ ამ დამამცირებელ სიტუაციას. ესაა მათთვის ერთადერთი ალტერნატივა. თუმცა ეს დღეც მალე დამთავრდება. და სულის ამბოხიც მათივე მიაპიტობისა და გამოუცდელობის გამო რომ უჩნდებათ, სადღაც გაქრება. არადა, ამას ხომ საკუთარი ნებით ვაკეთებთ. თუმცა იმ წუთას ვერ ვხვდებით, მაგრამ ქორწინების აქტი, რეგისტრაციის წიგნი და ეს ჯგუფური ფოტოც ჩვენი დამცირების აშკარა გამოხატულებაა.

ავვისტოს პირველსავე კვირას გამოვამჟღავნე ფოტოები. საოცრად მიყვარს ეს საქმე. დრო და ენერგია ბევრი მეხარჯება, მაგრამ დიდ სიამოვნებასაც ვღებულობ. წელიწადში ორჯერ ზოგჯერ სამჯერაც კი მთელი ჩემი სახლი სა-

ხელოსნოს ემსგავსება, სამზარეულოს და აბაზანას ფოტოლაბორატორიად ვიყენებ. ჭამითაც მახლობელ რესტორანში ვჭამ. ზოგჯერ ერთდროულად მიწევს ოცდაათი ხან სამოცდაცამეტი ნეგატივის გამომქლავენებაც კი, ზოგჯერ ღამეც არ ვიძინებდი.

თითქმის ყველა ფოტო ბრანდერბურგში მქონდა გადაღებული, უკრთი-ორითუ მქონდა უხედომში გადაღებული. ერთხელ დედას დააინტერესეს, რატომ ვიღებდი მხოლოდ ბუნებას, გამხმარ ხეებს, ნანგრევებსა და ბილიკებს. საგონებელში ჩამავდო ამ შეკითხვამ, მაგრამ პასუხი ვერ ვიპოვე. ალბათ გაუცხოებებლად ვაკეთებდი ამას, თუმცა მაინც არ მიკვარდა ადამიანების ფოტოზე აღბეჭდვა. მიზეზი კი ისაა, რომ არ მიყვარს სხვის ცხოვრებაში შეჭრა. მარტო იმის გაფიქრებაც კი მზარავს, რომ ვინმე სამუდამოდ უნდა აღიბეჭდოს ფოტოზე. სადღაც წამიკითხავს, რომელიღაც ეკლესია კრძალავს ადამიანების ფოტოგრაფირებას. ეს ფაქტი კარგად დამამახსოვრდა, რადგან ჩემს ხასიათში ჯდებოდა. ისე კი არც რელიგიით, არც მისტიკით არასოდეს ეყოფილვარ დაინტერესებული. და არც მიზეზი მიძებნია, რატომ. მხოლოდ ერთხელ ბავშვობაში, ისიც, ძალიან მცირე ხანს, გამიტაცა რელიგიამ.

ძალზე მაღიზიანებდა ფოტოზე აღბეჭდილი ადამიანების არაბუნებრივი სახეები. ბუნების ქმნილებანი კი არასოდეს არ ცდილობენ გამოიყურებოდნენ უკეთ, ვიდრე სინამდვილეში არიან. ერთი სიტყვით, ჩემი ინტერესი მხოლოდ უბრალო რეალობას დასტრიალებს თავს, ესე იგი, იმას, რაც ბუნებრივია.

ზოგჯერ შემთხვევიდან შემთხვევამდე ისე გადის თვეები, რომ არაფერს ვიღებ და არც არავითარ მოთხოვნილებას არ ვგრძნობ. გამომქლავენებითაც მხოლოდ ზოგიერთ ნეგატივს ვამქლავენებ. მთელი კარადა ფოტოებით მაქვს გამოჭედილი. ფოტოგამოფენის მოწყობას ნამდვილად არ ვაპირებ, არც ვინმეს ვუჩვენებ. საერთოდ, რა აზრი აქვს ჩემს ფოტოხელოვნებით, გატაცებას, თავადაც არ მესმის. მიკვირს კიდევ. არც მინდოდა ჩავლრმავებოდი ამ შეკითხვას, რადგან პასუხს მაინც ვერ ვიპოვიდი და მეშინოდა, ამ შეკითხვებით საკუთარი თავი არ დამეფენებინა ეჭვქვეშ. ერთი სიტყვით, არავითარი სურვილი არ გამაჩნია ჩავწვდე ჩემი საქმიანობის არსს; მიყვარს და მორჩა. შეიძლება ზოგმა დამძრახოს კიდევ, მაგრამ მე არ მიმაჩნია მართებულად და ვერც ვერავითარ მოთხოვნილებას ვერ ვგრძნობ, ჩაუფიქრდე ცხოვრებისეულ გამოცანებს. არც ეს საყვედური მწყენია, ერთხელ ჩემმა თანაკურსელმა რომ მითხრა: „ცხოველივით გაუცხოებებლად ცხოვრობ“. უბრალოდ, მე ვერ ვეგუები მისტიკას. ჩემთვის კი ყველაფერი, რაც ბიოლოგიის სფეროს სცილდება, მისტიკაა. პირიქით, ეს ჩემს ძლიერებადაც მიმაჩნია.

თვითონ პროცესი — როგორ ისახება გამოსახულება თეთრ ქაღალდზე — აი ეს მსიამოვნებს. მაშინ ვგრძნობ შემოქმედებითობას და თითქოს ხელახლა ვიბადები. სითეთრიდან ჯერ რაღაც გაურკვეველობაში გადაიზრდება, მერე სრულიად მოულოდნელად გამოსახულება წარმოიქმნება. მაგრამ მთავარი მაინც ისაა, რომ მე თავად ვმართავ ამ პროცესს. ჩემზეა მისი შეწყვეტაც დამოკიდებული. ჩემთვის ეს იგივეა, რაც ნაყოფის ჩასახვა, ოღონდ ქიმიის მეშვეობით. და აქ მთავარი ფიგურა მე ვარ. მე ამ პროცესის თანამონაწილე ვახლავარ. საპირისპიროდ ამისა, ვერ ვიტყვი, რომ თანამონაწილედ ვგრძნობდი თავს შეილის ჩასახვის პროცესში. ის პროცესი ჩემდა უნებურად მოხდა. იქნებ მოგვიანებით, როცა ჩემში ცოცხალი არსება შეირხეოდა, მაშინ დაშბადებოდა ასეთი გრძნო-

ბა, მაგრამ საქმე იქამდე არ მიხულა. ყველაფერი მხოლოდ ორი აბორტით დამთავრდა.

პირველი ბავშვი უდროოდ დროს ჩაისახა. მე და ჩემი ქმარი ვერ სტუდენტები ვიყავით და სხვა საზრუნავი გვქონდა. მერე კი თავად აღარ მოვისურვე. ვიცოდი, უფრო სწორად, ინტუიცია მკარნახობდა, მასთან ვეღარ დავრჩებოდი. ერთმანეთს ვეღარ ვეგუებოდით და ბავშვი რაღა საჭირო იყო, პინერი რომ გაიგო, შეშინებული მოვარდა საავადმყოფოში. წინასწარ არაფერი მოთქვამს, მაგრამ, ეტყობა, ისიც გრძნობდა, რომ გაყრას ვაპირებდი. საყვედურიც კი არ უთქვამს ჩემთვის, საოცრად შეშინებული ჩანდა. მაშინ კი შემეცოდა, მაგრამ მარტო შეცოდება არ კმარა, რომ დაბადო ბავშვი.

ორმა აბორტმა ფიზიკურად გამანადგურა. გადავიღალე და მარტოობა მიხდოდა.

სასოწარკვეთაში ჩაკვარდი, მაგრამ რატომ, თავადაც ვერ გამეგო. კეფის გამუდმებული ტკივილი არ მაძინებდა. რომ ეთქვა, დანაშაულის გრძნობა მაწუხებდა-მეთქი, არ ვიქნები მართალი. მე ხომ არაფერი მაკავშირებდა იმასთან, რაც ჩემში ისახებოდა. მისი დაკარგვა სრულიად არ მაშფოთებდა. სასოწარკვეთა, უფრო ფიზიკური სისუსტის ბრალი უნდა ყოფილიყო. ჩემში ჩასახულ ბავშვებთან ვერავითარ საერთოს ვერ ვგრძნობდი. ეს ჩემი ნების, ჩემი სურვილის საწინააღმდეგოდ ხდებოდა. მე მხოლოდ მუცლის ღრუ ვიყავი, ემბრიონს რომ ატარებდა. ამ შემთხვევაში მე მხოლოდ ობიექტი ვიყავი. არც არავის უკითხავს, არც არავინ შემთანხმებია. მასსოვს, როგორ ჩამჩურჩულებდა პინერი ყურში, მეფიცებოდა სიყვარულს, ოხრავდა, მიმტკიცებდა მთელი სიცოცხლე შენთან ვიქნებიო. რა შემზარავად უღერდა ეს სიტყვები. ასე მეგონა, ვიღაცა ხელყოფით ემუქრებოდა ჩემს მომავალ ცხოვრებასა და თავისუფლებას. მე და პინერი შესანიშნავად ვეწყობოდით ერთმანეთს სქესობრივად. ამ მხრივ პრობლემა არ გვქონდა. მაგრამ საქმე ეს როდი იყო. თუმცა პინერს როგორც კი ვუთხარი, გაყრას ვაპირებ-მეთქი, მაშინვე ამ საკითხს გადასწვდა. შევეცადე ამეხსნა, მაგრამ ვერ გამიგო. ბოლოს დაასკვნა, თავი და თავი ალბათ ჩემი სასიყვარულო თავგადასავლებიაო. ყველა ჩვენს პრობლემას პინერი ლოგინს უკავშირებდა. როგორც კი საკითხი მისი მამაკაცობის შელახვას ეხებოდა, აღარაფერი გაეგებოდა. ეს ყველა მამაკაცისთვის დამახასიათებელი რეაქციაა — პატრიარქატიზმის მრავალსაუკუნოვანი გადმონაშთი, როცა მამაკაცობის ბატონობის ხარჯზე ადამიანობას კარგავენ. და ამგვარ ბატონობაში, რომელიც მხოლოდ და მხოლოდ სქესობრივ უპირატესობას ითვალისწინებს, ძალაუხებურად სქესს ენიჭება უპირველესობა. მამაკაცის ფიქრის, ფანტაზიის, საუბრისა თუ ხუმრობის თემაც კი სქესია. მათი აზრით, სწორედ ამაში ვლინდება მამაკაცის სიძლიერე და ყოვლისშემძლეობა. ამის გარეშე მათთვის ყველაფერი იმპოტენციამდე, აბსურდამდე დადის. მამაკაცები მხოლოდ სქესში ეძებენ შვებას, და ამ დროს თავისუფლებიან ყოველგვარი დამორგუნველი მოვალეობებისაგან. ხშირად მამაკაცს თავიც კი მოაქვს სხვადასხვა ქალებთან ურთიერთობით. ამით ისინი თავიანთ პრივილეგიაზე მიუთითებენ. და ხმამაღლა ტრაბახობენ კიდევ, როცა სინამდვილეში უნდა დამალონ. მაგრამ არა, პირიქით, ამით ისინი ლამობენ, მფლობელად წარმოაჩინონ თავი. პინერის რეაქციაც სწორედ ასეთი იყო. პინერი შეეცადა დაეცვა ის, რისი დაკარგვისაც ყველაზე მეტად ეშინოდა.

ჩემის აზრით, ქალებს უფრო სხვაგვარი დამოკიდებულება აქვთ სექსისადმი. ეს ალბათ იმიტომ, რომ ქალებს ბუნებისაგან მომადლებული დედობის უნა-

რი გაანხიათ. სწორედ მშობიარობა იცავს ქალს გადაჭარბებული ემოციებისაგან, და შეიძლება ითქვას, გადაჭარბებული შიშისაგანაც კი. მამაკაცებში კი შიში ჭარბობს. ისინი ებრძვიან ყოველგვარ გადახრებს, იტანჯებიან, და მთელი ძალით ცდილობენ ჩაებლაუჭონ თავიანთ სათაფვანებელ და ერთადერთ ჭეშმარიტებას, რის დაკარგვასაც ისინი ვერ შეეგუებიან. შიშის ექსორციზმში კავიანთი წარმოსახვების ტყვეობაში აქცევს მამაკაცებს.

ჰინერის საყვედურებისთვის ფურადლება არ მიმიქცევია, არც მისი თანავგრძნობისათვის მიმიკლავს თავი. ჩემთვის უცხო იყო მისგან ჩასახული შვილი, ამიტომაც იყო, რომ არც ნაყოფის ჩასახვაში ვგრძნობდი ჩემს წვლილს და არც მოშორებაში. მე მხოლოდ სხვისი ზემოქმედების ობიექტად ვოვლიდი თავს. საწოლზე ფეხებით მიმაჯაჭვეს და ოპერაციისათვის გამამზადეს. ყველაფერმა ჩვეულებრივად ჩაიარა: მხოლოდ ჩემსი მსუბუქი ჩხვლეტა შევიგრძენი. მერე კი ნარკოზმა ძილ-ბურანში ჩამითრია. დანაწევრებული ბკერებიღა აღწევდა ჩემს ყურამდე. მე უკვე სადღაც შირს ვიმყოფებოდი, იქ სადაც ცნობიერება მთავრდებოდა. სადაც თავშესაფარს ვეძებდი და ვიბოკე კიდევ. მეშინოდა ამ საიმედო სამყოფელიდან დაბრუნება, რადგან ცნობიერებადაბრუნებულმა ძალაუნებურად უნდა შევიგრძნო შენა დაბმული სხეული, გარს მოხვეული ქირურგთა ფუსფუსი, და ისევ ჰინერის ოხვრა და ჩურჩული. თვალეზმილულულს უსიამოვნოდ მიჭვრიტინებდა უზარმაზარი მზე. იმ წუთას მინდოდა მარტო დავრჩენილიყავი, სრულიად მარტო: „დამტოვეთ, — ვბუტბუტებდი ჩემთვის, — აღარ მინდა, აღარ“. ენას ძლივს ვატრიალებდი პირში, საკუთარი ენა მახრჩობდა და გულს მირევდა. საღმა აზრმა მიღალატა და მიმატოვა. მიულოდნელად სადღაც უკიდევანო ტყეში აღმოჩნდი. თავს თვალუწვდენელი ცა გადმომცქეროდა. ერთ მხარეს მდინარისაკენ ეშვებოდა გზა. ირგვლივ მხოლოდ ნანგრევებიღა შემორჩენილიყო. ხის ძირას ბალახზე დავეშვი და ვივრძენი, როგორ დამკბინეს ეკლიანმა ტოტებმა. მისწის სიცივეც და ფოთლების სინესტეც შევიგრძენი.

არა, ეს სავარძელზე მიჯაჭვული სხეული მე არ მეკუთვნის. არა, არა, ეს მე არა ვარ, არაფერი მაკავშირებს მე ამ სხეულთან.

სკელი ფოტოები ერთმანეთს ეკვროდა. ყოველთვის მეგონა და ვიმედოვნებდი, რომ ფოტოაპარატს შეუძლო ისეთი რამ აღებეჭდა, რაც თავადაც ვერ შევამჩნიე გადაღებისას. მაგრამ დროთა განმავლობაში გამიქრა ასეთი სასწაულის იმედი. აღარ ევლიადა სიურპრიზებს. აპარატი მხოლოდ იმას აღებეჭდავს, რაც შეუძლია, არც მეტი, არც ნაკლები.

ის იყო ფოტოები გასაშრობად დავაწვევ, რომ კარზე ზარის ხმა გაისმა. ზღურბლზე ჩემი მეზობელი, ქალბატონი რუპრეხტი იდგა. სკელი პირსახოცის ხალათი შემოეცვა, თეთრი თმა მთლად გასწეწვოდა; გამიკვირდა, ყოველთვის შეკრული ატარებდა, და არ მეგონა თუ ასეთი მოკლე თმა ჰქონდა.

ქალბატონმა რუპრეხტმა მომიბოდიშა ასეთი გვიანი შეწუხებისათვის. საათს დავხედე, უკვე პირველი დაწვებულიყო. „არაფერია, ჯერ არ დავწოლილვარ“, — ვუთხარი მე. ქალბატონმა რუპრეხტმა გულის ტკივილის გამაყურებელი წამალი მთხოვა. ისე მტკივა მარცხენა ფერდ ქვეშ, რომ ვერ ვიძინებ, ძალიან მოუსვენრად ვარო, — დაიჩივლა მოხუცმა, თან შეშინებული, ნაცემი ძალღივით აქეთ-იქით აცეცებდა თვალებს. დავამშვიდე და შევპარდი, შემოვალ-მეთქი.

წამალს რომ ვეძებდი, დაღლილობა ვივრძენი. სახე ცივ წყალს შევუშვირე, შევიმშრაღე და მეზობელთან გავუდი.

ქალბატონი რუპრეხტი სავარძელში იჯდა. აბი მივაწოდე და ვთხოვე არ

ამდგარიყო. წყლის მოხატანად სამზარეულოში გაუედი. ოთახი სუფთა ჩანდა. მაგრამ არახასიაძოვნის სუნი იდგა, ალბათ ჩიტების გამო. კედელზე ჩარჩოში ჩასმული სურათებივით ეკიდა გალიები. წყალი რომ მიუტანე, ხელზე მომკიდა ხელი და მათხრა: „ძალიან ცუდად ვგრძნობ თავს. ისეთი წინათგრძნობა მაქვს, რაღაც უბედურება მოხდება. არადა, ვერ ვხვდები, რა უნდა მოხდეს. შვილები მე აღარა მყავს და ქმარი. ეს ერთი ჩიტებიდა გამაჩნია“.

„არ გიჭირთ ამდენი ჩიტის მოვლა?“ – ვკითხე მე, რაზეც გაოცებით შემომხედა.

ქალბატონმა რუპრეხტმა მოხოვა: მარტო დარჩენისა მეშინია, ცოტა ხანს დარჩითო; იმ დამეს თავისი ქმარ-შვილის ამბავი გაიხსენა. სხვა დროსაც ჰქონდა ეს ამბავი მოყოლილი, მაგრამ მაინც უუსმენდი. „ქმარი თორმეტი წლის წინ დამედუპა ფილტვების ემბოლიით. შვილი კი ავტოკატასტროფაში დაიძხვრა. ორივეჯერ საშინელი წინათგრძნობა მქონდა. ამიტომ მეშინია, ახლაც რამე არ მოხდეს“, – მარწმუნებდა მოხუცი.

ქალბატონ რუპრეხტს ჩემი ხელი ეკავა და თვალები მიელულა. მეგონა ჩაეძინა და წამოვდექი, მაგრამ მაშინვე ალაპარაკდა: „ვერც კი ვიფიქრებდი, შვილს თუ ასეთი ტკივილის მიყენება შეეძლო“. – და ხელახლა წამოიწყო იმ უბედური შემთხვევის მოყოლა.

„ახლა როგორ გრძნობთ თავს?“ – ვკითხე ცოტა ხნის მერე. „უკეთ“, მადლობა მომიხადა და მომიბოდიშა. დაწოლაში მივეხმარე და შინ დავბრუნდი. მშობდა, მაგრამ სახლში არაფერი მქონდა. მთელი სამზარეულო ფოტოებისათვის საჭირო მასალებით იყო გადაჭედილი. ცოტა კონიაკი დაკლიე და დავწექი.

მეორე დღეს ჩვეულებრივზე ადრე ავდექი. სადილობამდე არ ვაპირებდი სამსახურში წასვლას. ქალბატონ რუპრეხტსაც შევუარე, მხნედ გამოიყურებოდა. ისევ ბოდიშების მოხდა დამიწყო, მაგრამ მე შევაწყვეტინე, არაა საჭირო-მეთქი. ქალბატონმა რუპრეხტმა ყავაზე მიმიპატიჟა, მეჩქარებოდა და ის იყო უნდა წამოვსულიყავი, რომ მკითხა: „ესპანეთში გუშინ სამგზავრო თვითმფრინავი რომ ჩამოვარდა, თუ გაიგეთ? ხომ შეიძლება მაგიტომაც ვიყავი ასე მოუსვენრად?“ „ვერ გეტყვით, ასეთი რაღაცების არ მჯერა“.

„რაებს ვლაპარაკობ, რა სულელი ვარ, სულ გამოვფრუტუნდი ამ მოხუცებულობაში“, – დასცინა მან საკუთარ თავს.

გამიხარდა, უკეთ რომ გრძნობდა თავს ქალბატონი რუპრეხტი და წამოვედი. სადილობამდე ფოტოებიც გაშრა. აბაზანა და სამზარეულო მივაღაგე, სადილი მოვიმზადე, სადღაც შუალედში დაბლაც ჩავირბინე ფოსტის ამოსატანად. ყუთში მხოლოდ სატელეფონო ქვითრები დამხვდა. ყველაფერს რომ მოვრჩი, პოლიკლინიკაში წავუედი. გზაში ჩემს ახალ ფოტოებზე ვფიქრობდი, სად წამელო, აღარ ვიცოდი. ოთახში რომ ჩამომეკიდა ცოტა ხნით მაინც, ადგილი არ მეყოფოდა. ისევ უჯრაში უნდა ჩამეწყო და ხელსაყრელ მომენტს დაელოდებოდი, რაც ალბათ არახოდეს დადგებოდა. მშობლებს ხომ ვერ გავუგზავნიდი ამ ფოტოებს, ან რა აზრი ჰქონდა: მოჰყვებოდა დედა მათ თვალთვლებას, ეგება რამეს ჩავწვდე ჩემი შვილისასო. მას ხომ ყველაფერი აინტერესებდა ჩემს შესახებ. უნდოდა კვლავ ჩემი ცხოვრების თანაზიარი ყოფილიყო.

რატომღაც ისევ ქალბატონი რუპრეხტი მომაგონდა. გადავწყვიტე უფრო ხშირად მომენახულებინა მოხუცი, მარტობისაგან რომ იტანჯებოდა. მისი მოუსვენრობის მიზეზიც ალბათ მარტობა იყო მხოლოდ და სხვა არაფერი.

პოლიკლინიკასთან მანქანის გასაჩერებელი ადგილი ვერ მოენახე და გვერდით ქუჩაზე მომიწია დაყენება.

თავი მერვე

ქალაქი გადაჭედული იყო ტურისტებით, მაგრამ როგორც კი მალაზიები იკეტებოდა, მაშინვე ცარიელდებოდა ქუჩებიც.

მე და ჰენრი ხშირად ესეირნობდით ჩვენს პარკში. ორჯერ კინოშიც წავედით. ტიპიური ამერიკული ფილმები ვნახეთ: ერთიმეორეს რომ ვაჩვენებდით, განუწყვეტლივ და ისვრიან. მაგრამ დარბაზში დიდხანს ვერ ვჩერდებოდით, სულა მეხუთებოდა და შუა ფილმიდან გამოვდიოდით. საშინელებაა იცნოსავლე ამდენი გაოფლილი სხეულის სუნს. ამ უჭაერო სივრცეში ამოხრჩობის შიში მეუფლებოდა.

ერთ შაბათ დილას მე და ჰენრი მალაზიებშიც გავედით. ორბორტიანი პიჯაკი ვუყიდე. პიჯაკს წვრილი ზოლები დასდევდა და ძალიან უხდებოდა. თავიდან სასტიკ უარზე იდგა, მე ამ პიჯაკის ჩამცმელი არა ვარო, მაგრამ მაინც დავითანხმე. ჩემთვის კერამიკის ნაწარმს დავეძებდი და ჰენრიც მოთმინებით დამყვებოდა.

უამრავი საქმე მქონდა პოლიკლინიკაში. თითქმის ყველა ექიმი შვებულე-ბაში იყო გასული და სხვისი პაციენტების მიღებაც მე მიწევდა. მორიგეობაც უკვე ორჯერ მომიხდა. ისე ეიღლებოდი, შინ ველარაფერს ვაკეთებდი. კიდევ კარგი დიდი სახლი არ მქონდა. ამ პატარა ოთახს კი ბევრი ლოლიაევი არ სჭირდებოდა. ასე, რომ, ზოგჯერ სავსებით კმაყოფილიც ვარ ჩემი ბინით.

იმ წელს ცხელი ზაფხული დაიჭირა. ოთახში შემხუთველი სიცხე იდგა. საღამოობით აბაზანის კარს ვაღებდი და ცივი წყლის ონკანს ბოლომდე ვუშვებდი. ასე ვავრილებდი ოთახს, მაგრამ ეს ნაკლებად მშველოდა. ძილითაც ცუდად მეძინა, ქუჩის ხმაურიც არ მასვენებდა.

სექტემბრის დასაწყისში დედამ დამირეკა, მამა თავს კარგად ვერ გრძნობსო. მაგრამ როცა შევთავაზე, ჩამოვალ-მეთქი, მითხრა, მაგისტვის არ დამირეკავსო, უბრალოდ, შენი ხმის გაგონება მინდოდაო.

ყურმილი რომ დავკიდე, ერთ წამს გავიფიქრე, ჰენრისთან ერთად ჩავსულიყავი მშობლებთან. მაგრამ დედაჩემის ამბავი რომ ვიცოდი, უხერხულობაში ჩავგყრიდა ორივეს თავისი გადამეტებული ყურადღებით.

საღამოს გადავწყვიტე მამასთვის წერილი გამეგზავნა. ვცდილობდი გულისხმიერი ვყოფილიყავი. მაგრამ ნახევარი გვერდი ძლივს გამომივიდა. არ ვიცოდი, რა მიმეწერა. ესეც გზაში დავხიე, ვიდრე ფოსტის ყუთს მივალწევდი. არა და, მართლაც მინდოდა მომეკითხა მამა, მაგრამ ცარიელი ფურცლის წინაშე როგორც აღმოვჩნდი, სათქმელი გამიქრა. შეიძლება, უბრალოდ, მე არ შემეძლო წერა. ბოლოს ისევ წასვლა ვამჯობინე.

კრების დამთავრების შემდეგ უფროსმა მთხოვა, ცოტა ხნით შეიცადეთო. სიგარეტი შემომთავაზა. ხელში სათვალეს აწვალედა, რატომღაც შეცბუნებული ჩანდა. ვიფიქრე, საყვედური უნდა მითხრას და რით დაიწყოს, არ იცის-მეთქი. ბოლოს, როგორც იქნა, წამოიწყო: „ჩვენთან თუ შემოვივლით, საოცრად გაახარებთ ჩემს მეუღლეს“. ცოტა არ იყოს, დავიბენი, რადგან ჩემი უფროსის ხმაში ირონია შევამჩნიე. ვერაფერი გავიგე. იქნებ მართლაც მისი მეუღლე მეპატიჟებოდა და ესეც მხოლოდ ცოლის ნებასურვილს გადმომცემდა?

მადლობა კი ვუთხარი, მაგრამ ადგილიდან არ ვიძროდი. უხერხული სიჩუმე ჩამოწვა. სასაცილო, სულელურ მდგომარეობაში აღმოვჩნდი. დავრჩენილიყავი თუ წამოვსულიყავი აღარ ვიცოდი. უფროსმა ფურცლებს დახედა და მუშაობა განაგრძო, ყოველ შემთხვევაში, მე ასე მომაჩვენა თავი. წამოვდექი: „დიდი მადლობა მიპატიჟებისათვის“, — ჩავილაპარაკე და ის იყო გამოსვლა დავა-

პირე, რომ უფროსმა კვლავ ამომხედა და გულგრილად მითხრა: „ერთი სიტყვით, როგორც კი დროს გამონახავთ, გელოდებით. თუმცა შეიძლება“... და სათქმელი აღარ დაუმთავრებია.

ჩემს ოთახში დაებრუნდი. ისევ უფროსზე ვფიქრობდი. ვტყობა, მოხუცებულობისაგან საოცრად მარტოდ გრძნობდა თავს და იმის შიშით, ვაითუ აღარავის ვჭირდებით, საკუთარ თავში იკეტებოდა და მთლიანად მუშაობაზე ჰკლავდა დროს. ახლოს, რა თქმა უნდა, არ ვიცნობდი ჩემს უფროსს, არც არავითარი სურვილი არ გამაჩნდა უფრო მეტად ჩავწვდომოდი და გამეგო მისი. ან რა საჭირო იყო, მისი პრობლემებიდა მაკლდა სადარდებლად. რაში მაინტერესებს უცხო ადამიანები, როცა საკუთარი პრობლემებიც მყოფნის. მე მხოლოდ ნემსებისა და აბების გამოწერა შემიძლია აკადემიოფებისათვის. დანარჩენი კი მედიცინას არ ეხება, მოძღვარი კი არა ვარ, სხვები ვამშვიდო და ვაწყნარო, არ მეხერხება თანაგრძნობა და უაზრობადაც მიმაჩნია. მე ჩემი პრობლემებისთვისაც არ ვიკლავ თავს. თანაც ცხოვრება მეტი კი არაფერია, ბოლომდე უნდა ზილო შენი პრობლემები და მათთან ერთად მოკვდე. უფროსი თაობისაგან გამიგონია: „გასაჭირს თვალეში უნდა ჩახელი და უფრო გაგიიოლდებო ცხოვრება“. ჩემი ცხოვრებისეული გამოცდილება კი სულ სხვას მეუბნება, რისაც გემინია ადამიანს, სწორედ ის მოგიღებს ბოლოს. მაშ, რაღა საჭიროა ყოველ წამს ამაზე ფიქრი? ჩემის აზრით, სხვა ადამიანს მაინც ვერ დაეხმარები. ეს არაა ცინიზმი, პირიქით, შეიძლება სრული ჭეშმარიტებაცაა. ან რა საჭიროა უიმედო აკადემიოფის ნუგეში. საშინელებაა, ზოგჯერ ექსპერიმენტებსაც კი ვატარებთ ასეთ ადამიანებზე, არა და, ვიცით, რომ მაინც მოკვდება. განა არ სჯობია განუხორციელებელი იმედების ლოდინს, წყნარად და უშფოთველად მოკვდეს?! არადა, ჩვენს ეპოქაში რატომღაც ჩვეულებად გადაქცევიათ ყველაფერში რაღაც ცვლილება შეიტანონ. ცნობიერებადაკარგულსაც კი აკადემიოფად თვლიან და ცდილობენ განკურნონ, როგორმე დაუბრუნონ ცნობიერება. როცა მშვენიერად ვიცით, რომ ყოველ ფსიქიკადარღვეულ ადამიანს მოშლილი აქვს საკუთარი თავისა თუ შინაგანი სამყაროსადმი ჯანმრთელი ხედვა. სწორედ ესაა მათი სწეულების მიზეზიც. დიახ, ამ ბოლო დროს მოდაში შემოვიდა დამასწეულებელი მედიცინა. ესე იგი, მედიცინა დამღუპველ მეცნიერებად იქცა. რას მოგვცემს ცნობიერებადაკარგულისთვის ცნობიერების დაბრუნება?! საერთოდ, განდევნა, დაკარგვა, ეს ხომ ფსიქიკის დამცველი რეაქციაა, რაც გვეხმარება ემოციებისა თუ განსაცდელისაგან თავდაცვაში. ზოგჯერ ცოცხალი ორგანიზმი თავისთავად დევნის იმას, რაც მას სიკვდილისაგან გადაარჩენს: ესაა ჯანმრთელი და ბუნებრივი რეაქცია. აბა, რა საჭიროა მკვდრის გაცოცხლება, გვამების ამქვეყნად მობრუნება. ისინი ხომ მაინც ვერ შესძლებენ ცხოვრებას. ბოლოს და ბოლოს მთელი ცივილიზაციაც ამ დაკარგვა-გამოდევნებაზეა დაფუძნებული. ადამიანთა ერთად ცხოვრებაც მხოლოდ ამითაა მიღწეული, მათ შესძლეს თავიანთ თავში ჩაკლავთ გარკვეული გრძნობები და სწრაფვა. თუმცა კაცობრიობას მართლაც ჭირდება ფსიქიატრის ყურადღება, რადგან მხოლოდ კაცობრიობამ, ბუნებრივი ინსტინქტების გამოდევნისა და ჩახშობის ხარჯზე, შესძლო მიეღწია ერთობისათვის და წარმოშვა დღევანდელი ცივილიზებული ადამიანი.

ინდივიდების თანაარსებობა მოითხოვს, რომ თითოეული ინდივიდის სული შეგნიდან საიმედოდ დაცულ ციხე-სიმაგრედ იქცეს, რომელშიც შესანიშნავად ჩაიმარხება ის, რაც ამ ინდივიდს დაღუპვით ემუქრება.

მეც ხომ ყოველდღე ვკლავ ჩემში უამრავ განცდასა და ემოციას. წინა-

აღმდეგ შემთხვევაში, მე რომ ყოველ ჩემს გრძნობას გამოვლინების უფლება მივცე, გაგიტანჯები, და სრულიად დავითრგუნები. ერთი სიტყვით, რომ არა ეს უნარი, მეორე დღეს ალბათ საერთოდ ვერ წამოვდგებოდი საწოლიდან. მართლაც გვჭირდება ვისოსები ამ ქაოსისაგან თავდასაცავად. უბრალო ნაკაწრაც კი საკმარისია, რომ სისხლად დავიცალოთ. ადამიანთა უძრავლესობა ვერ იტანს ცოცხალი, მფეთქავი გულის დანახვას. მაშინვე გულისრევა ეწყობა და ცუდად ხდებიან. არადა, ეს ხომ ჩვეულებრივი, თითქმის მექანიკურად მომუშავე კუნთია, ხორცისა და შედედებული სისხლისაგან რომ შედგება და მოხერხებულადაა მოთავსებული ადამიანის სხეულში, ქონისა და კანის საბურველში. ამ კუნთს უმთავრესი ადგილი უჭირავს ჩვენს ცხოვრებაში. სწორედ აქ იყრის თავს საუკეთესო გრძნობები, რომელთაც სამზეოზე გამოიტანით, ჩვენივე ხელით ვსპობთ, რაც გვანადგურებს და შეურაცხვეყოფს. გამომზეურებით რას გავხდებით, ჩვენ ხომ უმწეონი ვართ. რადიაციული ნარჩენებიც ხომ ასეა? როგორი მცირე დოზითაც არ უნდა იყოს, მაინც საშიშია. არავინ იცის, როდის გამოავლენს თავს. მისგან განთავისუფლება მხოლოდ იმ შემთხვევაშია შესაძლებელი, თუკი სადღაც სიღრმეში ჩავმარხავთ, ან წყალში ჩავძირავთ. მხოლოდ ასე მიეცემა შეუქცევად დავიწყებას.

ჩვენ შევეჩვიეთ ზედაპირულ ცხოვრებას. ვონებამ და ცივილიზაციამ მიგვიყვანა ამ ზღვრამდე.

ერთხელ ჩემმა კოლეგამ ასეთი რამ მომიყვა: „ვიღაც ოცდაათოთხმეტი წლის, ნორმალური სქესობრივი შესაძლებლობების კაცს ფსიქოანალიტიკური ლიტერატურიდან ამოუკითხავს, რომ არსებობს სხვადასხვა ანომალიები. და მას შემდეგ საკუთარ თავშიც დაუწყია მსგავსი ანომალიების ძიება და სულიერად საშინელ მდგომარეობაში ჩავარდნილა. და იქამდე მივიდა, რომ ეჭვების ნიადაგზე, მართლაც განივითარა კასტრაციის კომპლექსი (დაკოდვა). იგი აღარანაირად არ ემორჩილებოდა თერაპიას“. ამ ამბავს ექიმები სამედიცინო ანეკდოტად იყენებდნენ.

ერთი ასეთი ანეკდოტიც ვიცი: ექიმთან მისულა კაცი, იმპოტენციას უჩიოდა. „გიხაროდეთ, როგორც იქნა, განთავისუფლებულხართ“, — დაუმშვიდებია იგი ექიმს.

საერთოდ არ მეცინება ასეთ ანეკდოტებზე, ალბათ ესეც თვითკრიტიკის შედეგია. ის რაღა ანეკდოტია, გაანალიზება რომ სჭირდება.

უნდა გამოვიტყდეთ, რომ ამგვარი რაღაცები არც მალეღვებს. შეიძლება ჩემი გულგრილი დამოკიდებულება ყველაფრისადმი მეტნაკლებად მიცავს კიდევ.

ერთი კვირა იყო, ჰენრი არ მენახა. პრაღაში იყო წასული. შემპირდა, იქიდან გადმოგირეკავო, მაგრამ ისე გავიდა მთელი კვირა, არაფერი გამიგია მისი. იმ ღამეს მორიგე ვიყავი, ჩემს კოლეგასთან ერთად მიძღვებში ვიჯექი და ხელფასზე ვლაპარაკობდით: „მე და ჩემს ცოლს ჩვენ-ჩვენი ფული გვაქვს. თუ ვასესხეთ ერთმანეთს, უნდა დროულად და უკლებლივ დავუბრუნოთ კიდევ. ცოლქმრის ამგვარი დამოკიდებულება ფინანსურ საკითხთან რატომღაც ბევრს გაუმართლებლად მიაჩნია. ჩემის აზრით კი აქ არაფერია ცუდი, თანამედროვე ქორწინება ურთიერთობის უფრო დახვეწილ ფორმებს გულისხმობს. ზოგიერთისათვის კი, როგორც ძველად ამტკიცებდნენ, ქორწინებაში ძირითადი მაინც სქესობრივი ურთიერთობაა“. ამ ლაპარაკში ვიყავით, ჰენრიმ რომ შემთავალი კარი. ერთმანეთს წარვუდგინე. სიჩუმე ჩამოვარდა. უხერხულობისაგან ორივე თავშე-

კავებულად ილიმებოდა. ბოლოს ისევ მე გადმომხედეს იმედის თვალთ. შეიძლება რამოდენიმე წლის წინ რაიმე ბანალური ფრაზით გამეფანტა ეს უხერხულობა, მერე კი ისევ თავად მენერვიულა ამ ფრაზაზე. ახლა ~~ჭკუა~~ ვისწავლე, თავს აღარ ვიწუხებდი, საკუთარი თავის სულელურ მდგომარეობაში ჩავლებას და დამცირებას, ისევ დუმილს ვამჯობინებდი. თუმცა ვიცოდი, ამ დუმილით კიდევ უფრო ვძაბავდი სიტუაციას. მაგრამ რა ექნა, ასე მერჩვენა.

ჰენრი აქეთ-იქით იყურებოდა და ოთახს ათვალთვლებდა. ჩემმა კოლეგამ ჩაახველა. ხელს აღარ შეგიშლითო, ჩაიბურღლუნა. თვალი ჩამიკრა და გავიდა. „ვინ არის? — იკითხა ჰენრიმ და ისე რომ, პასუხსაც არ დალოდებია, დააყოლა: რაღაც არ მომწონს ეს კაცი“. ხმას არ ვიღებდი.

ჰენრიმ პრადის ამბები მომიყვა. ბოდიშიც მომიხადა, ვერ დაგირეკეო: „სასტუმროში შეგვეთას არ ღებულობდნენ, ფოსტაში ლოდინის თავი კი არ მქონდა. ახლა პირდაპირ აეროპორტიდან მოვდივარ შენთან“. ყავა და საჭმელი შევთავაზე, მაგრამ უარი მითხრა.

ღამის თორმეტის ნახევრამდე არავის შევუწუხებია. მედლები, ეტყობა, თავადაც უძღვებოდნენ საქმეს.

ტახტზე ვიყავი წამოწოლილი. ჰენრი გვერდით მეჯდა და რაღაცებს მიყვებოდა. რას ლაპარაკობდა, არც ვიცი, მხოლოდ მისი ხმა მესმოდა. მერე ახლოს მომიჩინდა და კოფთაზე ღილების შეხსნა დამიწყო, მაგრამ მკაცრად გავაფრთხილე: ახლავე შეწყვიტე და სახლში წადი-მეთქი. ღამით აქ აკრძალულია უცხო პირთა დარჩენა. ჰენრიმ ყური არ ათხოვა ჩემს სიტყვებს: „ხვალ არ მივდივარ სამსახურში და დავრჩები“, — განმიცხადა მან.

თუმცა სჯობია გამოეტყდე, ჰენრის გვერდით უფრო მშვიდად ვგრძნობდი თავს. გარედანაც არ მაწუხებდა ხმაური და ერთი პირობა ჩამეძინა კიდევ.

შუაღამის გასაყარზე გულის ნევროზით დაავადებული ქალი მომიყვანეს. „უკვე რამოდენიმე დღეა მჯდომარეს სძინავს. კარდიოგრამაც გადავუღეთ, ტკივილგამაყუჩებელი ნემსებიც გავუკეთეთ, მაგრამ არაფერი შველის“, — შემომჩივლა ქმარმა. რამენაირად რომ გამეგო ნევროზის მიზეზი, დელიკატურად ვკითხე ქალს: „ოჯახში ან სამსახურში რაიმე უსიამოვნებას ხომ არ შეხვედრიხართ?“ ქალმა იუკადრისა: „მსგავსი პრობლემა არ გამაჩნია. მე ყველგან ვუყვარვარ და პატივს მცემენო. ასე რომ, სიმულიანტობისათვის არ მცალია“. „კი, შეიძლება, ქალბატონო, მაგრამ თქვენი გულის ტკივილი ნერვიული მოშლილობითაა გამოწვეული“, — კვლავ გავუმეორე მე, რაზეც ქალი გაშმაგებული წამოხტა და იყვირა: „არავის მივცემ ჩემი შეურაცხყოფის უფლებას!“ „ეს არც განმიზრახავს ქალბატონო“, — ჩავილაპარაკე ჩემთვის და აბები გამოვუწერე. მაგრამ მთლად დარწმუნებული არ ვიყავი, რომ უშველიდა, თუმცა არც აენებდა. „სხვა ექიმს მივმართავ“, — მომახალა ქალმა და გავიდა. არ შევწინააღმდეგებია. ქმარი კი იღვა უღონოდ და აღარ იცოდა რა ექნა: „ჩემს ცოლს ალბათ ვერც ერთი ექიმი ვერ უშველის“. გარედან მოისმა ქალის კივილი, ქმარს ეძახდა.

„ჰო, ჰო“, — გამოეხმაურა ქმარი და კართან რომ მივიდა, ისევ გამომხედა დაფიქრებულმა, თითქოს რაღაცას მეკითხებო.

„დამშვიდდით, თქვენი მეუღლე გამოჯანმრთელდება, ზედმეტად ნუ აღელდება, ცხოვრების პირობებიც უნდა შეიცვალოს. ჩვენი შესაძლებლობები ამ შემთხვევაში ნაკლებად დაგეხმარებათ“.

„არ ვიცი, ეყოფა კი ამისთვის ძალა?“ — ჩაილაპარაკა მან, მაღლობა გადამიხადა, ხელი ჩამომართვა და კაბინეტიდან გავიდა.

შუალამისას სასწრაფო მანქანით რამოდენიმე მთვრალი მოიყვანეს. ხელფეხმოტეხილებიც იყვნენ მათ შორის. მოსაცდელში დასხეს. ^{დროდრო} მათი ყვირილი შემოდინდა კაბინეტში. გასინჯვის შემდეგ ^{ზოგი პოლიციაში წაიყვანეს, ზოგიც სახლში გაუშვეს.}

პირველის ნახევარზე პოლიციამ კიდევ სამი ნასვამი მოიყვანა და გვთხოვეს, მათი სისხლი შეგვემოწმებინა ალკოჰოლზე. ერთი ნასვამთაგანი უშვერი სიტყვებით იგინებოდა და იმუქრებოდა, თქვენ არ იცით, ვისთან გაქვთ საქმეო. მეორე კი ციებაშეყრილივით ცახცახებდა. ამ უკანასკნელმა, სახელოების აკეცვა რომ ვთხოვე, ჩამჩურჩულა, ხუთას მარკას მოგცემთ, ოღონდ დამეხმარეთო. „გაჩუმდით!“ — დავუყვირე ხმამაღლა. შეშინებულმა მაშინვე იქვე მდგომ პოლიციელს გადახედა, მაგრამ ის ჩვენსკენ არც იყურებოდა.

როცა ვმუშაობდი და ჰენრი იქ იყო, ყურადღება მეფანტებოდა. მისთვის ვეღარ ვიცდიდი. ამიტომ ვთხოვე, სახლში წასულიყო. გამომშვიდობებისას ვაკოცე და შევპირდი, დილითვე დაგირეკავ-მეთქი.

ამ ორი კვირის წინ ჰენრი მთელ მორიგეობაზე დარჩა ჩემთან. აინტერესებდა, რა მევალებოდა მთელი ღამის განმავლობაში. სწორედ იმ დღეს კოლეგამ მოხოვა და სასწრაფო დახმარების მანქანაზე მომიწია მორიგეობა. შუალამისას ქარხნის კლუბში გამოგვიძახეს. გვეგონა, სერიოზული რამ მოხდა. ადვილზე მისულებს სხვა სასწრაფო მანქანაც დაგვხვდა.

ქარხნის სასადილოში ცეკვები გაემართათ. ყარაულმა დანახვისთანავე გაგვიდო კარი. მეორე სართულიდან მუსიკის ხმა ჩამოდინდა. რამოდენიმე ბიჭი ფანჯრიდან იყურებოდა და ხელით რაღაცას გვანიშნებდა. მაგრამ მუსიკის ხმაში არაფერი გვესმოდა.

დაზარალებულები დაბლა გასახდელში იხდნენ. პირველად მოსულ სასწრაფო დახმარებას უკვე გაეკეთებინა ყველაფერი, ჩვენ საჭირო აღარც ვიყავით, მაგრამ ყოველ შემთხვევაში მაინც შევთავაზე ჩემს კოლეგას დახმარება. მანაც გამაცნო საერთო მდგომარეობა. საგანგაშო არაფერი იყო. მხოლოდ ორი მათგანი უნდა წაგვეყვანა პოლიკლინიკაში რენდგენის გადასაღებად. რამოდენიმე ახალგაზრდამ, ეტყობოდა, მორიგეები იყვნენ, სკამიდან წამოაყენეს მთვრალეები და ხელის კერით მიიყვანეს გასასვლელამდე.

ჰენრიმ მაღლა ასვლა მოიხურვა. და ჩვენც უკან მივეყვირეთ. მარცხნივ ბუფეტი იყო. მაშინვე გვეცა ცხვირში ცხელი სარდლებისა და ამყავებული ლუდის სუნი. გამყიდველი, დაახლოებით ორმოცდაათი წლის, თავმოტკვლებილი კაცი იყო. მოკლე შორტები ეცვა და შიშველ ტანზევე შემოეცვა ჭუჭყიანი ხალათი.

მუსიკის ხმას მივეყვირეთ და საცეკვაო დარბაზში ამოვყავით თავი. კართან შევჩერდით და შიგნით შევიხედეთ. დარბაზი მთლად ჩაებნელებინათ. მხოლოდ სცენა იყო განათებული ფერად-ფერადი ნათურებით. მუსიკა გამაყრუებლად ხმამაღლა უღერდა. ახალგაზრდები ბოთლებით სავსე მაგიდებს მისჯდომოდნენ. ზოგნი რიგებს შორის მოჩვენებებით დაბორილობდნენ. ერთი-ორმა თავი ვერ შეიკავა და წაიქცა კიდევ. ცენტრში რამოდენიმე წყვილი ცეკვავდა. სიბნელეს რომ შევაჩვიე თვალი, მაშინდა შევამჩნიე, რომ მხოლოდ გოგონები ცეკვავდნენ. ბიჭები მათ საერთოდ არ აქცევდნენ ყურადღებას. იხდნენ უაზროდ და სვამდნენ.

ცოტა ხნის შემდეგ მუსიკოსები შესასვენებლად ღერეფანში გამოვიდნენ მუსიკის შეწყვეტისთანავე დარბაზიდან საშინელი ღრიანცელი გამოიჭრა.

დარბაზიდან გამოვედით. მარჯვენა საფეთქელი საშინლად მტკიოდა. ფანჯარასთან მომღერალი ქალი იდგა ვიღაც კაცთან ერთად. ქალი გაბომწვევად იყო შეღებილი, ბრჭყვიალა კაბა ეცვა და აქაურ ჩაჯინსულ ახალგაზრდებს შორის შემთხვევით შემოფრენილ პეპელას ჰგავდა.

„მოგეწონათ ჩვენი სიმღერა?“ — მკითხა მან.

„როგორ ვითხრათ, გამაძლიერებლები მუსიკას ფარავდნენ“.

„მართალს ამბობთ, — დამეთანხმა იგი, — მაგრამ იმათ ასე სურთ და“... დარბაზზე მიმითითა.

„რატომ არ ცეკვავენ?“ — იკითხა ჰენრიმ.

„რა ვიცი, აბა. ცეკვით არასოდეს ცეკვავენ. მოდიან და სვამენ მხოლოდ“ — გულგრილად მიუგო მომღერალმა.

„მაშ, რიდასთვის მოდიან?“ — გაუკვირდა ჰენრის.

მომღერალს ჩაეცინა და ხელში რომ წითელი ღვინის ბოთლი ეკავა, ჩვენც გამოგვიწოდა. თვითონაც ასევე, ბოთლიდან სვამდა. „არა, გმადლობთ, სამუშაოზე არ შეიძლება“, წელან რომ შეგვხვდნენ, ის მორიგე ახალგაზრდები ამოდიოდნენ კიბეზე. ერთ-ერთი მოგვიახლოვდა, ასე თვრამეტი წლის ბიჭი იქნებოდა.

„მოხდა რამე? — და თაკადვე დააყოლა: — არაფერიც არ მომხდარა...“ თან თავმომწონედ ჩაგვიკრა თვალი. მერე კი მეგობრებთან ერთად დარბაზში შევიდა. თვალი გაეყოლეთ. სიბნელეში ძლივს მიიკვლევდნენ გზას, ხან რას წამოედნენ და ხან რას. ყველა მაგიდას ჩამოუარეს. რამოდენიმე წუთიც არ იყო გასული, რომ ვიღაც მოვრალი სულ ხელის კვრით გამოათრია გარეთ, ერთი ალიყურიც უთავაზეს და კაბისკენ უბაძგეს. თან სიცილი დააყარეს. ის თვრამეტი წლის ბიჭი ისევ მოგვიახლოვდა, თვალი ჩაგვიკრა და თავმომწონედ გვკითხა: „ხომ ოპერატორულად ვმუშაობთ?“ — და კვლავ დარბაზში დაბრუნდა.

„მორიგეები არიან, — აგვიხსნა მომღერალმა, — ეგენი რომ არ იყვნენ, დმერთმა უწყის, მართლა რა მოხდებოდა აქ“.

„წარმომიდგენია“ — დაემოწმე მეც.

„ადვილი არაა აქ მუშაობა, ძალიან მიძნელდება“, — შემომჩივლა მან.

„მაინც სად იმუშავენბდით?“

„არ ვიცი, მაგრამ სადღაც სხვაგან. მთელი უბედურება ისაა, რომ ერთ ნორმალურ ადამიანს ვერ შეხვდები აქ. სმის მეტი არაფერი აინტერესებთ. მერე ერთი დამისთვის გოგოსაც გამოიჭერენ და ამითაც კმაყოფილდებიან“.

გვერდით რომ მუსიკოსი ედგა, შეეპასუხა, მაგრამ მომღერალმა მაშინვე შეაწყვეტინა: „რა, მართალს არ ვამბობ? აბა, ვინაა აქ ნორმალური, ვისთან შეიძლება დალაპარაკება? თქვენ ხომ გესმით, რასაც ვამბობ?“ — მომმართა მან.

მომღერალი ჩემი ხნისა იქნებოდა, მაგრამ ისე იყო შეღებილი, რომ უფრო ასაკოვანს ჰგავდა.

დაბლა ჩავედით. ჩვენს მანქანასთან ორი პოლიციელი იდგა.

„რა უნდათ ამ ბიჭებს, რისთვის მოდიან?“ — ჰკითხა მათ ჰენრიმ.

„არც არაფერი, რა უნდა უნდოდეთ დალევის მეტი“.

„დალევა და აყალმაყალის ატეხვა“, — დაემოწმა მეორეც და ორივემ გაიცინეს.

„მასეც არაა ალბათ. შეიძლება რაღაცის იმედით მოდიან. რაღაცას ეძებენ და ვერ უპოვიათ“.

პოლიციელებმა მრავალმნიშვნელოვნად გადახედეს ერთმანეთს. მანქანაში რომ ჩავსხედით, ერთ-ერთმა პოლიციელმა ჰკითხა ჰენრის: „თქვენ ექიმი ბრძანდებით?“

ის იყო, ვუთხარი, დიახ-მეთქი, რომ ჰენრიმაც უპასუხა, არაო. პოლიციერი? — გაგვიძეორა მან შეკითხვა.

„ჩემი ქმარია“, — ავუხსენი მე.

„თქვენ ხომ იცით, ქმრებს არა აქვთ ამ მანქანით მგზავრობის უფლება“. პასუხი აღარ გაგვიცია მათთვის. მანქანა დაიძრა. ამის მერე ორი სხვა გამოძახებაც მქონდა. ორჯერვე თან გამომყვა ჰენრი. ცოტა არ იყოს იმედგაცრუებული დარჩა, უფრო მეტს მოელოდა. რას ვიზამთ, არც თუ ისე მომხიბვლელია ჩვენი საქმე.

ამიტომაც ვთხოვე დღეს, რომ წასულიყო. ვიცოდი მაინც გაბეზრდებოდა. კლინიკის წინ ვიდექი და ჰენრის მანქანას გავცქეროდი. ციოდა, მთლად ვკანკალებდი. უღრუბლო ცა ვარსკვლავებით იყო მოჭედილი; ისეთი დაღლილი ვიყავი, სისხლი მაწვებოდა თავში, ვცდილობდი ღრმად ჩამესუნთქა სუფთა ჰაერი. ცოტა ხანს ვიდექი და ისევ შენობაში შევედი.

თავი მეცხრა

ოქტომბრის შუა რიცხვებში ქალაქ G-ში გავემგზავრეთ. ორი დღე თავისუფალი მქონდა და არ მინდოდა დავრჩენილიყავი ბერლინში.

მოულოდნელად გადავწყვიტე ყველაფერი. ოთხშაბათ საღამოს ქალაქ G-ს სასტუმროში გადავრეკე და ოთახი შევუკვეთე.

ძნელია ასახსნელად რატომ გავემგზავრე მაინცდამაინც ამ ქალაქში, თუმცა რა, ბავშვობა ხომ აქ გავატარე. თითხმეტი წლის ვიყავი, როცა ჩვენი ოჯახი სხვა ქალაქში გადავიდა საცხოვრებლად. მას მერე არც ვყოფილვარ იქ.

წინა დღით სამსახურში დავურეკე ჰენრის, ქალაქიდან გასვლას ვაპირებ-მეთქი. „შეიძლება მეც გამოგყვე?“ — მკითხა მან. ჯერ უარი ვუთხარი, ვიცოდი, მოსაწყენი იქნებოდა მისთვის. მაგრამ მერე ისევ თვითონ შევთავაზე: „თუ წამოხვალ, მოხარული ვიქნები“.

„არ გეშინია, მოგონებებმა თუ წარსულის აჩრდილებმა საბედისწერო როლი რომ ითამაშოს შენს ცხოვრებაში? ვაიოთუ მკვდრეთით აღსდგნენ?“ — გამეხუმრა ჰენრი.

„შენ წარმოიდგინე, მაგაზე სულ არ მიფიქრია. არც კი ვიცი, საერთოდ, რისთვის მივდივარ ამ ქალაქში. მაგრამ აქ ამ ჩემს ბუნავში, რომელთანაც არაფერი მაკავშირებს, უფრო მეშინია დარჩენა, ვიდრე იქ წასვლა“.

„იქნებ სხვაგან წავსულიყავით, უაზრობაა წარსულის გაცოცხლება, ეს შენ არაფერს შეგმატებს“.

„კი მაგრამ, მე მაინც მინდა კიდევ ვნახო ჩემი ბავშვობის ქალაქი და მოგონებები სინამდვილეს შევადარო“.

შევთანხმდით, რომ საუზმის შემდეგ წავიდოდით. მეორე დღით ცხრა საათისთვის გამომიარა ჰენრიმ. გზაში მოხოვა: „მომიყევი რაიმე შენს ბავშვობაზე“. როგორც მახსოვდა, ისე ავუწერე ჩემი ქალაქი, სახლი, გავიხსენე რაღაც-რაღაცები ჩემს მშობლებზე, დაზე, სკოლის მეგობრებზე, სიყვარულზე და სხვადასხვა საიდუმლოებებზე.

იმდენი ვიცინეთ გზაში, რომ მშობლიური ქალაქის ნახვის მოულოდნელი

სურვილი აღარ მეჩვენებოდა უცნაური და ახსნა-განმარტებების მოძებნასაც აღარ ვცდილობდი.

ქალაქ G-ში შესვლისთანავე, როგორც კი ნაცნობ ქუჩებს მოვკარი თვალი, გული შემეკუმშა. და რამენაირად რომ განემუხტულიყავი, სულ სხვა თემაზე წამოვიწყე ლაპარაკი. ჰენრიმ მკითხა: „სასტუმრომდე როგორ უნდა მივხვდეთ?“ მაგრამ მეც დამვიწყებოდა და ვიდრე „ოქროს ღუზამდე“ მივადგინებდით, ჯერ შეგვეშალა გზა.

დიდხანს მოგვიწია ადმინისტრატორის ლოდინი. როგორც იქნა, გამოჩნდა ერთი მსუქანი გოგო. მან თავიდანვე უნდობლად შემოგვხედა და ყოველ ჩვენს შეკითხვაზე უგულოდ გვიპასუხა. ორადგილიანი ოთახები თავისუფალი არ აღმოჩნდა და ორი ერთ ადგილიანი ავიღეთ. ვიდრე ანკეტებს შევავსებდით, დაჟინებით გვიყურებდა. მერე გასაღებები გადმოგვცა და დაფაზე ჩამოკიდებულ დღის წესრიგზე მიგვიჩიოდა. ანკეტები გამოგვართვა, ყურადღებით ჩაიკითხა; თაროდან დიდი წიგნი გადმოიღო და ჩვენი მონაცემები ჩაიწერა.

უკვე კიბეზე ავდიოდით, რომ უცბად თავში გამიელვა აზრმა, გამეგო, კიდევ ვინ იყო სასტუმროში გაჩერებული. მიუხედავად ჩემი დაჟინებული თხოვნისა, ადმინისტრატორმა ვერ გამიგო და უკმეხად მიპასუხა: „რამოდენიმე მივლინებითაა ჩამოსული, დანარჩენები კი როგორც თქვენ“.

ვთხოვე სარეგისტრაციო წიგნი ეჩვენებინა, მაგრამ მან წიგნი დახურა და უჯრაში ჩადო, თავისი დაწითლებული ხელები მაგიდაზე შემოაწყო და გულგრილად ამომხედა. მაშინვე მივხვდი, რასაც მეუბნებოდა მისი თვალები, სანამ აქედან არ წახვალ, ფეხს არ ქოვიცვლიო.

„რას ეხვეწებოდი იმ ადმინისტრატორს?“ — დაინტერესდა ჰენრი. შეცბუნებულმა გავუღიძვე და ავუხსენი რაც მაწუხებდა: „ვიფიქრე, იქნებ ჩემი ბავშვობის მეგობართაგან ვინმე ყოფილიყო აქ. ჩემი ჩამოსვლის მიზეზსაც ამაში ვეძებდი. ეგ კი არა, ასეთმა აზრმაც გამიელვა ერთ წამს, რომ მთელი სასტუმრო ჩემი თანაკლასელებით იქნებოდა გადაჭედული, რომლებიც ასევე მოგონებებმა ჩამოიყვანეს აქ. იქნებ სისულელეებსაც ვროშავ, მაგრამ საინტერესო კი იქნებოდა, არა“?

სალამოსათვის ქალაქში გავისეირნეთ. ჩემს წარმოსახვებთან შედარებით ყველაფერი უფრო სხვანაირი მეჩვენებოდა. არა და, თითქოს არაფერი შეცვლილიყო. ძველი სკოლის წინ, სასაქონლო მაღაზიის თავზე ჯერ კიდევ შემორჩენილიყო სიძველისაგან გაცრეცილი აბრა წარწერით: „საქონელი კოლონიებიდან, აღმოსავლური ხილი, იმპორტი“.

ასე მეგონა, უჩინმაჩინის ქუდით დავიარებოდი ქალაქში. მე ვხედავდი და ვცნობდი ყველაფერს, მაგრამ მე არავის და აღარაფერს ვახსოვდი უკვე. ოცდაათი წელი გავიდა მას მერე, რაც აქ აღარ ვყოფილვარ. ქალაქი არ შეცვლილა, ისეთივე დარჩა, მაგრამ ჩემთვის მაინც უცხოდ გამოიყურებოდა, და ეს მხოლოდ მე ვიცოდი. იქნებ შეცვლილიყო შეიცვალა რამე, მაგრამ მე ვერ ვამჩნევდი ამ ცვლილებებს. სწორედ ასეთად წამომედგინა, როგორაც დამამახსოვრდა თოთხმეტი წლის გოგონას, თავისი ბავშვური ოცნებებითა და გრძნობებით. ეს კი ის გოგონა იყო, რომელთანაც მაკავშირებდა და აღარც მაკავშირებდა რაიმე.

გადავწყვიტეთ სასტუმროში გვესადილა და ბაზართან, საფუნთუშეში შევედით ნამცხვრის საყიდლად. ახალგაზრდა ქერათმიანმა გოგონამ თავაზიანად გვიკითხა, რას ინებებთო. საფუნთუშეში დახლები კი ახალი გაეკეთებინათ, მაგრამ კედლები ისევ ძველებურად კაფელის იყო. მარჯვენა კარი, ადრე საცხობში

რომ გაეყავდით, ახლა დაკეტილი იყო. მეორე თეთრფარდებიანი კარს იქით საფუნთუშის მეპატრონე ცხოვრობდა. მახსოვს, დროდადრო თვითონ მაღაზიის მეპატრონის ცოლი გამოდიოდა და თუ ვინმე ნაცნობს დაინახავდა, ურიგოდ ემსახურებოდა. ქერათმიანმა გოგონამ მოხერხებულად და სწრაფად შემიხვია ნამცხვარი და გამომიწოდა.

„სად შეიძლება დიასახლისის ნახვა?“ — ვკითხე მე. ეროვნული
ბიბლიოთეკა

„ერთი წამით“, — თქვა მან და ფარდებიან კარზე დააკაკუნა. კარი ოდნავ გაიღო. გამყიდველმა რაღაც უთხრა შიგნით მდგომს, რა, ვერ გავიგონე, მაგრამ ამის შემდეგ შიგნიდან ორმოცდაათი წლის ფაშფაშა ქალი გამოვიდა. თმა მუქწითლად ჰქონდა შეღებილი, ერთი კულული დაეტოვებინა მხოლოდ თეთრად. საშინაო ხალათი ეცვა. გაკვირვებულმა შემომხედა და მკითხა: „გისმენთ“.

მე ხმას არ ვიღებდი. ქალი კი იღვა და გაოგნებული მომჩერებოდა.

„გნებავთ რამე?“

„არა, მაპატიეთ, გეთაყვა“, — თავი გავიქნიე უაზროდ. ფული გადავუხადე, ავიღე ჩემი ნამცხვარი და ქუჩაში გავვედი. გამყიდველმა და მაღაზიის ახალმა მეპატრონემ თვალი გამომაყოლეს.

იქაურობას როგორც გავშორდი, ჰენრიმ მთხოვა, დავმშვიდებულიყავი.

„მახსოვს, ბავშვობაში ათ პფენინგად გვაძლევდა ნამცხვარს. სადილობის შემდეგ ყოველთვის აქ მოვდიოდით“. ჰენრიმ თანაგრძნობით გადააქნია თავი. საღამომდე აღმა-დაღმა დავბორიალობდით ქალაქში. მიუღბურგის მთაზეც ავედით, ძველი წისქვილიც ვნახეთ, ქალაქის თითქმის ყველა ღირსშესანიშნაობა დავათვალიერებინე ჰენრის. მათ შორის შილერის ოთახი და ლუიზენის ქვაც. მერე ბისმარკის ბაღში გავისეირნეთ, სადაც შადრევანი და პატარა ზოოპარკიც იყო. ამ ზოოპარკში ახლა მხოლოდ შველები, არჩვები და თუთიყუშები შემორჩენილიყვნენ. გალია, ადრე თეთრი ბუ რომ სახლობდა, ახლა ცარიელი იყო. გამიკვირდა, ასე გაღარიბებული რომ დამხვდა ზოოპარკი. არადა, რამდენი კიდევ სხვა ცხოველი ბინადრობდა აქ! რა უიცი, იქნებ მოგონებები მღალატობდა, მაგრამ მე მაინც სხვანაირი ზოოპარკი მახსოვდა.

ჰენრის ისე მოეწონა ბაღი, რომ ვაიხუმრა კიდევ: „სიამოვნებით ვიმუშავებდი ასეთ ზოოპარკში მებაღედ ან ყარაულად“.

გზაში საკანცელარიო მაღაზიასთან ერთი ბავშვიანი ქალი შემოგვხვდა. მაშინვე ვიცანი ლუსია ბრემი. მინდოდა გამოვლაპარაკებოდი, მაგრამ ჰენრიმ შემაძინა და ხელი მომიჭირა.

„არ გინდა“, — ჩაილაპარაკა მან ჩუმად. თუმცა ხმაში მაინც ეტყობოდა, რომ დაჟინებით მთხოვდა.

ჩემზე წინდახედული გამოდგა. მართლაც არ ღირდა ემოციებს აყოლა.

თითქოს ლუსია ბრემმაც შეამჩნია ჩემი მზერა და გამომხედა. მე გავუცინე. თვალს არ მაშორებდა. უფრო დამშვენებულიყო. ბავშუური, გულუბრყვილო სახე დანახებოდა და დახვეწოდა. მაგრამ მის გამოხედვაში კვლავ უმწეობა იკითხებოდა. რატომღაც ეს გამოხედვა ადრე ყალბი და მლიქვნელური მეჩვენებოდა. მაგრამ ახლა ნათელი ჩასდგომოდა თითქოს.

ჩემმა ღიმილმა გააოცა ლუსია. ერთ ხანს მაკვირდებოდა კიდევ, მერე კი შებრუნდა და წავიდა.

„ლუსია ჩემზე ორი მერხით წინ იჯდა. — მივუბრუნდი ჰენრის. — კლასში არავის არ უყვარდა. რატომ, თავადაც არ ვიცოდით, უბრალოდ რაღაც არ მო“

გვწონდა მისი. ხან ერთთან ცდილობდა დამეგობრებას, ხან მეორესთან, მაგრამ არაფერი გამოსდიოდა. ყველა კლასში ხომ თავისი დაუწერელი კანონი არსებობს, და ჩვენც ეს ჩვენივე კანონი გვიკრძალავდა მასთან მეგობრობას. ამ კანონის დარღვევას ვერავინ ვბედავდით და სიმართლე რომ ვთქვა, არც გვინდოდა. მახსოვს, ერთადერთს მას არ ჰქონდა სპორტული ფორმა, და ფიზკულტურის გაკვეთილზე ვარდისფერ ტრუსში უწევდა ვარჯიში. ერთხელ ღერძზე ვარჯიშისას, ვიღაც ვოგომ ტრუსი ჩახადა, შეშინებული ლუსია სირცხვილისაგან ლეიბზე დავარდა. ყველამ სიცილი ავტეხეთ, მასწავლებელიც იცინოდა. სასაცილოდ იკლაკნებოდა საცოდავი ლუსია, რათა, როგორმე მისწვდომოდა ტრუსს. მაგრამ ადგომას ვერ ახერხებდა. ხელის ვულს იფარებდა, წვალობდა, მაგრამ არაფერი გამოსდიოდა. ბატონმა ებერტმა ორი თითით აიღო ტრუსი და ისეთ სიძალღებზე დაიჭირა, რომ ლუსია მაინც უნდა ამდგარიყო ფეხზე. როგორც იქნა, იკადრა ბატონმა ებერტმა და ხელი გაუშვა ტრუსს. ლუსია დასწვდა და სასწრაფოდ ამოიცვა. ჩემდა გასაოცრად არც კი ატირებულა. გაბრაზებითაც არავისზე გაბრაზებულა. დამორცხვებული იდგა და პირფერულად შემოგვეცქეროდა, თითქოს ჩვენს სიყვარულს თხოულობდაო. ქლესა იყო და არავის უყვარდა“.

ბატონ ებერტისა ყველას გვეშინოდა. სპორტში ძლიერებიც კი ძრწოდნენ მის წინაშე, მიუხედავად იმისა, რომ მას უყვარდა ძლიერი მოწაფეები. ვაი მას, ვინც იმედს გაუცრუებდა, აღარ პატიობდა. მისი სალანძღავი სიტყვები იყო საფრთხობელა და ბოთე. დამარცვლით, თვითკმაყოფილი გამოსცრიდა ხოლმე ამ სიტყვებს. თუ რომელიმეს მიმართავდა ასე, დანარჩენები სიმწრისაგან ვიცინოდით. უიცოდით, ჩვენი რიგიც დადგებოდა. მაგრამ დაციხვა ისე გვაუძღურებდა, რომ სრულიად უბრალო ილეთსაც კი ვეღარ ვაკეთებდით. როცა ბატონი ებერტი აბუჩად გვიგდებდა და დაგვეცინოდა, ამით მხოლოდ ჩვენს სპორტულ შესაძლებლობებს როდი უსვამდა ხაზს, იგი ამით პირდაპირ ჩვენს თავმოყვარეობაზე მოქმედებდა. ვოგონებს საფრთხობელას გვეძახდა, ბიჭებს — ბოთეს. მოგვიანებით მიეხვდი, რატომაც.

უფროს კლასებში ვინ იყო ჩვენი ფიზკულტურის მასწავლებელი, აღარ მახსოვს, თუმცა ჩემთვის ესეც ბატონი ებერტის ასოციაციას იწვევდა, მიუხედავად იმისა, რომ სკოლაც, ქალაქიც და მასწავლებელიც უკვე სხვა იყო. ამ ახალ მასწავლებელსაც ჰყავდა რჩეული ვოგონები, რომელთაც ყოველდღე აიძულებდა იატაკზე ეკოტრიდალათ. თითოს რამოდენიმეჯერ ამეორებინებდა ვარჯიშს, თვითონ კი იდგა და კმაყოფილი მისჩერებოდა. დანარჩენი მოსწავლეები, საბედნიეროდ, მეც მაშინ იმ დანარჩენებში ვითვლებოდი, — მთელი გაკვეთილი სკამზე ვისხედით და მათ შევცქეროდით. ჩუმ-ჩუმად ვიცინოდით. ჩვენი თანაკლასელები გვეცოდებოდნენ, მაგრამ ცოტა არ იყოს გვშურდა კადეც მათი, როცა ვხედავდით, რა ალერსიანად ებაახებოდა ჩვენი მასწავლებელი თავის რჩეულებს. ხანდახან ხელის შეხების უფლებასაც აძლევდა თავს.

კარგა ხანს სკოლის დამთავრების შემდეგაც ძალზე განვიცდიდი ჩემს მოუქნელობასა და არასპორტულობას. მრცხვენოდა, რომ მე საფრთხობელად მთვლიდნენ. ერთხელ ერთ მეგობარსაც გავანდე ჩემი გულისტკივილი და აღმოჩნდა, რომ მასაც და კიდევ ბევრ სხვასაც აწუხებდათ იგივე პრობლემა. როგორც ჩანს, ყველა ჩვენგანს ჰყავდა ბავშუობაში „ბატონი ებერტი“. და თავის თავზე ჰქონდა გადატანილი დაციხვის მომშხამველი ნექტარი. გახსენებაც კი მზარავს, იმდენჯერ განმიცდია მარცხი ფიზკულტურის გაკვეთილზე, იმდენი ტკივილი თუ სირცხვილი, სულიერი ტრავმა მოუტანია ამ გაკვეთილს ჩემთვის.

შეიძლება ამაში იყოს რაღაც სუბიექტურიც, იქნებ აკვირებული, ან ეგზალტირებული. რადგან პრობლემებისა თუ სირთულეების ჭეშმარიტი შეფასება შეუძლებელია ღრმა გააზრების გარეშე, მით უმეტეს ამგვარი სიტუაციისა. მე კი მოკლებულა ვარ საღ აზრს და ისევ სკოლის ლეიბზე დანარცხებულად მიმაჩნია თავი.

ქენრი ყურადღებით მისმენდა და მილიძოდა: „არ გინდა, არ გინდა“
 საღამოს კინოში წავედით. სასტუმროში, ან რესტორანში ჯდომას ისევ ეს ვამჯობინეთ. მერე „შაკ ლომში“, რომელიც უფრო ლუდხანას ჰგავდა, სამსამი ულუფა გულიაში შევუკვეთეთ. პური ბევრი მოვატანინეთ. ყველაფერი დაკეტილი იყო და სასტუმროში დაბრუნება არ გვინდოდა. წვნიანს წყლის გემო ჰქონდა და ცარიელ პურს მივადექით. ყველა იქ მყოფი ლუდს შეექცეოდა და ჩვენ შემოგვცქეროდა. მათ შორის ნაცნობები ვერ აღმოვაჩინე.

კინოთეატრის საღაროში ლოდინმა მოგვიწია. ბილეთების გამყიდველმა გვითხრა, კინოს მხოლოდ იმ შემთხვევაში გაუშვებ, თუ ხუთი მაყურებელი მაინც შეგროვდებითო. კინოთეატრის წინ ორი არასრულწლოვანი იდგა. ჩვენ მოსაცდელში ვიდექით და სიგარეტს ვეწეოდით.

ცხრის ხუთი წუთი იქნებოდა, ორი ყმაწვილი შემოვიდა გოგონებთან ერთად, ოთხი ბილეთი უნდოდათ, მაგრამ მოულოდნელად ერთმა გოგომ განაცხადა, გადავიფიქრე, აღარ შემოვდივარო. და ფოიედან გაქარდა. მეორე გოგოც თან გაჰყვა. მაგრამ ერთ-ერთი ბიჭი დაედევნა და რამოდენიმე წუთში თმით მოათრია საღარომდე. ბილეთების ყიდვაზე ბიჭებიც უარზე იდგნენ და გოგონებიც, ბოლოს ისევ გოგონებმა გადაიხადეს ფული.

კინოდარბაზი სულ არ იყო შეცვლილი, ისევ ისეთი წითელ გადასაკრავიანი სკამები, მწვანე კედლები. ჯერ ისევ საღაროსთან ვიდექით, კინომექანანიკოსმა რომ ფილმის გაშვება დაიწყო, დარბაზშიც არ ჩაექროთ შუქი. ესპანური ფილმი გადიოდა. კარგად კი იყო გადაღებული, მაგრამ შინაარსი ჰქონდა ისე უინტერესო, რომ შუა ფილმიდან გამოვედით. იმ ოთხ ახალგაზრდას ხომ საერთოდ არ ეცალათ ფილმისთვის, კოცნით იყვნენ გართულნი.

ფოიეს კარი დაკეტილი დაგვიხვდა და მოღარეს დავუძახეთ. ამ უკანასკნელმა უკმაყოფილოდ გადმოგვხვდა, რადგან ჩვენ რომ არა, ალბათ ამ ფილმს არც გაუშვებდნენ და ახლა უკვე სახლშიც იქნებოდა.

სასტუმრო დაგვეტათ უკვე. ჩვენს ზარზე მორიგე გამოვიდა და გასაღებები მოგვცა. ჯერ მხოლოდ ცხრა საათი იყო, მაგრამ ისე შეძინებოდა, რომ მაშინვე გამოვემშვიდობე ქენრის.

ვერაფრით ვერ მოვისვენე, ერთ საათში ავდექი და ისევ დაბლა ჩავვედი. ღამის მორიგეს სამი ბოთლი ღვინო ვთხოვე. ჯერ უარი მითხრა, გვიანიაო, მაგრამ ათი მარკა შევთავაზე და როგორც იქნა, დავითანხმე. ნომერში დავბრუნდი და სავარძელში მოვკალათდი. ვიცოდი, მაინც ვერ დავიძინებდი.

რა უაზრობა იყო აქ ჩამოსვლა, ქენრიც სულ ტყუილად ჩამოვიყვანე. საკუთარი შეცდომების გადაღახვას ალბათ მარტო უფრო ადვილად შეეძლებდი. წარსულს რა დააბრუნებს. ჩვენ მხოლოდ მოგონებების ნაფლეთები გვრჩება, ისიც დამახინჯებული და გაყალბებული. რაღა საჭიროა წარსულთან ხელახლა დაბრუნება, როცა მაინც ველარაფერი შეცვლის ძველ ოცნებებსა და მოგონებებს, როგორადაც ჩავვებუქდა, ასეთად გვემახსოვრება ბოლომდე. დღეს აღარ არსებობდა ჩემი მშობლიური ქალაქი, ახლანდელმა ქალაქმა დიდი ხანია გადავიწყა იგი. მხოლოდ ქვად ქცეულ მოგონებებშია თუ აღიდგენ ძველს, წვი-

მისაგან უკვალოდ წაშლილ წარსულს. უკან დასაბრუნებელი გზა მოჭრილია, ვეღარ დაბრუნდები მშობლიურ სახლში. ჩვენს უკან მხოლოდ ნანგრევებია და იქ დაბრუნებულსაც გაქვავება მოეღოს.

ჩვენი სკოლა საწყობად გადაეკეთებინათ. მის მოპირდაპირე მხარეს კი ახალი შენობა აეგოთ. მინდოდა, ფანჯრებიდან მაინც შემეჭყვიტა ჩემს საკლასო ოთახში, მაგრამ მინები ჭუჭყისაგან ისე იყო დაბინდული, რომ ჩემში ხანჯლა მოჩანდა მხოლოდ. ზემო სართულის ფანჯრები მთლად დაელურსმათ. ეს ის კედლები იყო, სადაც ოდესღაც ჩემს თანაკლასელებთან ერთად ყოვლისშემძლე მასწავლებლების სიყვარულისა და კეთილგანწყობის მოხვეჭას ვცდილობდი. ახლა კი მთლად ჩამონგრეულიყო.

მახსოვს თითქმის ყველა გოგო ერთ მასწავლებელზე ვიყავით შეყვარებული. ეს იყო ბატონი გერშკე, ისტორიას გვასწავლიდა. ზაფხულში, პაპანაქება სიცხეშიც კი პიჯაკსა და პალსტუხში გამოწყობილი დადიოდა. საოცრად სამართლიანი იყო, რაც ჩვენთვის, ბავშვებისთვის შეფასების საუკეთესო კრიტერიუმად ითვლებოდა. მისი ხათრით ყველა ვსწავლობდით. მისაბეზრებელ დამატებით ლიტერატურასაც კი ვკითხულობდით, რომ როგორმე მისი შექება დაგვემსახურებინა. მეექვსე კლასში ვიყავით, ბატონი გერშკე უკვალოდ რომ გაქრა. სკოლაში ხმები დაირხა, მეცხრე კლასელი გოგო შეაცდინაო. თავზარი დამეცა. არ მესმოდა სიტყვა „შეცდენის“ მნიშვნელობა. მე მეგონა, ის გოგო სცემა, აწვალა. და ამან შემზარა. ჩემი გულის ტკივილი ერთ თანაკლასელსაც კი გავუზიარე. დამცინა: „სულელო, ისტორიის მასწავლებელმა კი არ სცემა ის გოგო, პირიქით“. მაინც ვერ გავიგე ეს „პირიქით“. ვიდრე არ განმიმარტა, ბატონ გერშკეს შეუყვარდაო ის გოგო.

„აი თურმე რა ყოფილა“, — ჩავილაპარაკე ჩემთვის. ვითომცდა ყველაფერი გავიგე. ცოტა არ იყოს შემშურდა კიდეც იმ მეცხრეკლასელი გოგონასი. თუმცა ეს შური კი არა, სურვილი იყო, რომ მალე გავზრდილიყავი, და ბატონ გერშკეს ჩემთვისაც მოექცია ყურადღება. და მხოლოდ დამატებითი ლიტერატურის წაკითხვით არ დამემსახურებინა მისი შექება. მინდოდა, გარეგნობითაც მოვწონებოდი.

მაინც ვერ გავიგე, რა იყო ცუდი იმაში, რომ მასწავლებელს მოსწავლე შეჰყვარებოდა. და დედას ვკითხე. დედაც თავისებურად შეეცადა ჩემს გათვითცნობიერებას, მაგრამ ამ ამბით შეშინებულმა ისე გადაამლაშა, რომ მთლიანად ჩაკლა, ჩაახშო ჩემში საუკეთესო ოცნებები და თვით იმის სურვილიც კი, რომ როდისმე გავზრდილიყავი. ადრეულ ასაკშივე გამიჩნდა კომპლექსი მამაკაცთან ურთიერთობაში. დედამ ამიხსნა, რომ არასოდეს არ უნდა მიეკარებოდი მამაკაცს, თუ მის სიყვარულში არ დავრწმუნდებოდი. და ვისაც შევუყვარდებოდი, ბოლომდე მისთვის უნდა შემეწირა სიცოცხლე. თექვსმეტი წლის ვიქნებოდი, პირველად რომ გავბედე და ბიჭს ვაკოცინე. მაგრამ რა დამავიწყებს, სახლში დაბრუნებული როგორ ვიხეხებოდი წყლის ქვეშ.

სამედიცინოზე ვსწავლობდი უკვე და არდადეგებზე შინ ჩავუდი. გამიკვირდა, როცა ჩვენს ოჯახში ჩემი პატარა დის, თექვსმეტი წლის გოგონას მეგობარი გავიცანი. ეს იყო ორმოცი წლის, გაჭაღარავებული კაცი, რომელსაც ხელზე ჯერ კიდევ მოუჩანდა ქორწინების ბეჭდის ნაკვალევი. გაოგნებული შევცქეროდი ჩემს მშობლებს, ასე ბუნებრივად, ჩვეულებრივ ამბად რომ მიიჩნიეს და მიიღეს, თავიანთი უმცროსი ქალიშვილის, თითქმის მამის ტოლი კაცი. თითქოს სადღაც გამქრალიყო, მთლიანად განთავისუფლებულიყვნენ ჩემი მშობლები იმ

შიშისაგან, ბავშვობაში რომ დამატეხეს თავს. რამაც კარგა ხანს დამიმახინჯა შეხედულებები მამაკაცთან ურთიერთობაზე.

მას მერე არც ისტორიის მასწავლებელი, არც ის მეცხრე კლასელი გოგონა აღარ გამოჩენილან სკოლაში. გოგონა მშობლებთან ერთად სხვა ქალაქში გადასახლდა. მასწავლებელი კი, როგორც თქვეს, დააპატიმრეს. მოგვიანებით შევიტყვეთ, რომ ის რეაბილიტირებულ იქნა და სხვა ქალაქში დასახლდა მასწავლებლად. იმ გოგონას ყველაფერი თვითონ შეუთხზავს.

ამ ამბავმა ძალზე ააფორიაქა ჩვენი მასწავლებლები, და ყველა მიგვახვედრა, რომ მხოლოდ მოსწავლეებს არ გვჭირდებოდა მათგან თავდაცვა. მასწავლებლებსაც ჰქონიათ თურმე ჩვენთან მოსარიდებელი და საბოდიშო.

ორი წლის განმავლობაში ერთი დამრიგებელი გვყავდა, ქალბატონი ნინკე. არ მავიწყდება მისი ავადმყოფურად გამხდარი, ფერუმარილიანი სახე. ეს მართლაც მოხუცებული ქალი მოკრძალებულად იჯდა ჩვენს წინ და მთელი გრძნობით გვიკითხავდა პოეზიასა თუ პროზას. ძალასა და სულს არ იშურებდა, მშვენიერების აღქმის უნარი რომ გაეღვიძებინა თითოეულ ჩვენთაგანში. მაგრამ ჩვენ სკოლამ რატომღაც მოსმენისა და თავდაჭერის მხოლოდ ერთი მანერა გამოგვიმუშავა, ისიც დაშინების მეთოდი — გვესწავლა ვალდებულების გამო. ქალბატონ ნინკეს კი არავის დაშინება არ შეეძლო, მისგან შორს იყო სიმკაცრე, ამიტომაც ვტანჯავდით. ის კი ძალიან განიცდიდა, როცა მის მიერ წაკითხულ რომანტიკულ ლექსებზე სულელურ რეპლიკებს ვესროდით და უგერგილოდ ვხუმრობდით. დასჯით არ გვსჯიდა, მაგრამ გვაგრძნობინებდა, როგორ ვუკლავდით გულს ჩვენი უგუნური და დაუფიქრებელი საქციელით. ის არ მალავდა თავის განცდებს, ამ იმედით, რომ შეგვრცხვებოდა, რაღაცას გამოაღვიძებდა ჩვენში. მაგრამ ჩვენ არ გვესმოდა მისი.

მხოლოდ ერთადერთხელ ჩამოვარდა ურთიერთგაგება ჩვენსა და ამ უცნაურ მოხუცს შორის. ეს იყო იმ დღეს, ტანკი რომ შემოვიდა ქალაქში. შეშინებულები ყველანი ფანჯარას მივცვივდით. ქალბატონი ნინკე არც განძრეულა, იჯდა მაგიდასთან და ციებაშეყრილივით ცახცახებდა. გარს შემოვხვებით, ვცდილობდით დავხმარებოდით, მაგრამ ვერაფრით ვერ მოგვეყავდა გონს. ორი მოსწავლე შიშისაგან ისტერიულად კიოდა. რამოდენიმე წუთის შემდეგ, როგორც იქნა, დამშვიდდა ქალბატონი ნინკე, მაგრამ სიმწრისაგან ოფლი ჩამოსდიოდა შუბლზე და მთლად დაუძლურებული, ღონეძიხდილიდა იყო. შეუთავაზეთ სახლში გაგაცილებით-თქო, მაგრამ არ უნდოდა უმასწავლებლოდ დაეტოვებინა კლასი და ვიდრე შემცვლელი არ გამოუჩნდა, თავი არ მიგვანება. მხოლოდ ამის — მერე დართო ნება ორ გოგონას, სახლამდე მიეცილებინათ. მოგვიანებით შევიტყვეთ მიზეზი, რატომაც გამოიწვია ტანკმა მასში ასეთი რეაქცია. ომის დროს დაბომბვაში მოყოლილა მისი ოჯახი და სარდაფში ჩამარხულანო. თავად არასოდეს მოუყლია ამის შესახებ. ამ ამბის მერე ცოტა ხანს კი ვიკავეთ თავი და წყნარად ვისხედით მის გაკვეთილზე, მაგრამ მომხდარი მალე დაგვაიწვდა და, ჩვენ, ეს უუფლებო მოსწავლეები, სხვა ძლევაძიხილი მასწავლებლების ჯინს მასზე ვიყრიდით. სწორედ მასზე, ვინც თითოეულ ჩვენთაგანში, უკვე ჩამოყალიბებულ, უჩვეულო პიროვნებას ხედავდა.

იმ დღეს, როცა ქალაქში ტანკი შემოვიდა, ყველანი ფანჯარაზე ავცვივდით და გავყვიროდით, ტანკი, ტანკიო. მუხლუხობის გამაყრუებელი ღრჭიალი და ჩხარუნი თანდათან ახლოვდებოდა. გაკვეთილების შემდეგ სახლში რომ წავსულიყავით, ვიცოდით, აღარ გამოგვიშვებდნენ, არადა, გვაინტერესებდა, რა

მოხდებოდა. ქალაქში ერთადერთი ტანკი შემოვიდა და ცენტრალურ მოედანზე გაჩერდა. უამრავმა მაყურებელმა მოიყარა თავი. ტანკის ლულა პირდაპირ ძეგლისკენ იყო მიმართული. იმ დღეს ჩვენც პირველად ვნახეთ ომში დაღუპულთათვის დადგმული ეს ძეგლი. აქამდე მშვიდობის მტრელებითა და დროშებით შემკული ფიცარნაგი ჰქონდა გარს შემოვლებული. მხოლოდ წინა დღით ჩამოეხსნათ ეს ფიცრები ვიღაც უცხოებს და სამზეოზე გამოეტანათ მიგნით დადგმული მონუმენტი.

ჩვენც ხალხში ვიდექით და ტანკს ვუთვალთვალებდით. განსაკუთრებული არაფერი ხდებოდა. აქა-იქ ჩურჩული გაისმოდა. რამოდენიმე ხნის შემდეგ ტანკიდან ახალგაზრდა რუსის ბიჭმა ამოყო თავი. მშვიდად მიმოიხედა, თავი დაგვიკრა და გადმოძვრა. ერთი პოლიციელი მიუახლოვდა. მათ რაღაც ანიშნეს ერთმანეთს ხელით და ბოლოს ორივემ ტანკის ქვეშ შეიხედა. ამგარად რაღაც უნდოდა ჯარისკაცს, მაგრამ ვერ აგებინებდა. მერე ისევ ტანკში ჩაძვრა და ლუკიც დაიხურა. მალე ყველას მოგვბეზრდა და დავიშალენით.

ტანკი მხოლოდ სამი დღით გაჩერდა ჩვენს ქალაქში. და ისევე მოულოდნელად გაქრა, როგორც გამოინდა. ბიჭები ამტკიცებდნენ ღამით ისროლეს და სახლის კედლები ჩამოანგრისო, მაგრამ უფროსები ეჩხუბებოდნენ: რა სისულელეებს რომავთ, როცა დაზიანებული მხოლოდ ძეგლის ფიცარნაგიაო.

მეორე დღეს მამისაგან შევიტყვე, რომ მეწადის ცოლი დაუჭერიათ. ეჭვობდნენ, რომ ფიცარნაგის ჩამოსანგრევად მას მიუცია ცული. რაიონის ცენტრში ქმარიც გამოიძახეს, მაგრამ ის ორ დღეში უკან დააბრუნეს.

ქარხანაში, სადაც მამა მუშაობდა, ჯერჯერობით ნორმალური სიტუაცია იყო, მაგრამ მამა რატომღაც მაინც ნერვიულობდა, სახლში სულ ჩხუბობდა. მე და ჩემს დას განუწყვეტლივ გვარიგებდა: ზედმეტი არაფერი დაგცდეთო. ნურავის ნურაფერს შეეკითხებით, ახლა ასეთი დროაო. მე არ მესმოდა რა ხდებოდა, ან რატომ არ შეიძლებოდა ამ ყველაფერზე ლაპარაკი. მაგრამ უფროსები ტანკის ხსენებასაც რომ ერიდებოდნენ, ვგრძნობდი, რაღაც იყო საშიში. და მეც გაჩუმებას ვამჯობინებდი. მეშინოდა, უფროსების საიდუმლოებაში ჩარევით კვლავ არ განმახლებოდა საზარელი სიზმრები, ამიტომაც მივეჩვიე ღუმილს.

თუმცა ჩემს მეგობარ კატარინასთან ყველაფერზე ვლაპარაკობდი. სულ ერთად ვიყავით, ქუჩაში თუ სახლში, ენას არ ვაჩერებდით, არაფერს ვუძალავდით ერთმანეთს. კატარინას მამა ომში დაეღუპა. იგი წისქვილთან ახლოს, ერთ პატარა სახლში ცხოვრობდა დედასთან და თავის სამ ძმასთან ერთად. დედა და ორი ძმა მამაჩემთან მუშაობდნენ ქარხანაში, რომელიც მაშინ ერთადერთი ქარხანა იყო ჩვენს ქალაქში.

მე და კატარინა სკოლის შემდეგაც ერთად ვიყავით; გაკვეთილებსაც ერთად ვამზადებდით და მერე ხელიხელჩაკიდებულნი საათობით დავეხეტებოდით ქალაქის ქუჩებში, კინოშიც მივდიოდით. ხან კი მის ოთახში ვისხედით და ლაპარაკში ისე გარბოდა დრო, რომ ვერც ვამჩნევდით.

ზოგჯერ მისი ძმებიც ერთვებოდნენ ჩვენს საუბარში. ყოველთვის თავაზიანად მეპყრობოდნენ, მაგრამ ცოტა არ იყოს ქედმაღლურად და ირონიულად მიცქეროდნენ, როგორც თავიანთი უმცროსი დის მეგობარს. მგონი სამივე ძმაზე ვიყავი შეყვარებული. მომწონდა მათთან ყოფნა, მათი ყურადღება. მაგრამ ჩემი სიმორცხვით ძალიან ვიტანჯებოდი და უხერხულობაში ვვარდებოდი. მეც მიხდოდა კატარინასავით უფროსი ძმები მყოლოდა.

კატარინა და მისი ნათესავები მორწმუნენი იყვნენ და ხშირად ჩვენი საუბ-

რის თემაც რელიგია იყო. ისე მომწონდა ბიბლიაში მოთხრობილი ზღაპრული ამბები, რომ უდიდესი პატივისცემით განვიმსჯეალე რელიგიისადმი. კატარინას გამო საღვთო გაკვეთილებსაც ვესწრებოდი. აქ გავიგე პირველად ქრისტეს ტანჯვა-წამების ამბავიც. რელიგიის მასწავლებელმა ბიბლიის ილუსტრირებული წიგნიც მაჩუქა.

მე და კატარინა შეთანხმებულები ვიყავით, ყველაფერი ერთნაირად გვეჩვენებოდა: ჩაცმულობა, ვარცხნილობა, იმაზეც კი ერთად ვმსჯელობდით, რომ თუ არა ღმერთი, გვერწმუნა თუ არა რელიგიის ჭეშმარიტება. და ბოლოს ისიც დავთქვით, რომ როცა თოთხმეტი წელი შეგვისრულდებოდა მაშინ გადაგვეჭრა ეს საკითხი. თუმცა ორივემ კარგად ვიცოდით, რას გვიქადა ჩვენი გადაწყვეტილება, როგორც არ უნდა ყოფილიყო იგი, დადებითი თუ უარყოფითი. რადგან ერთ შემთხვევაში ჩემებს გავუტრუვებდი იმედს და მეორე შემთხვევაში — მისიანებს.

მამას არ მოსწონდა, რელიგიით რომ დაინტერესდი, მაგრამ დედა არწმუნებდა, ეს ასაკობრივია და გაუვლისო.

ზაფხულამდე ცოტა ხნით ადრე, ვიდრე ჩემი და კატარინას დათქმული დრო დადგებოდა, მამამ გადაჭრით მომთხოვა, თავი დამენებებინა ყველაფრისათვის, რაც რელიგიასთან და ეკლესიასთან მაკავშირებდა. კატარინასთან მეგობრობაზეც მეფიქრა; მამას ეშინოდა, ამ მეგობრობას ცუდი ზეგავლენა არ მოეხდინა ჩემს მომავალზე. რას გულისხმობდა ამაში, არ მესმოდა, მაგრამ ვგრძნობდი, როგორ განიცდიდა და ცდილობდა რამენაირად დავერწმუნებინე. არაფრის გავონება არ მინდოდა. ვერ წარმომედგინა კატარინას გარეშე არსებობა.

იმ დღეებში კატარინას თავსაც რაღაც ხდებოდა. გაკვეთილების შემდეგ სახლში გაუფარე. ატირებული დამხვდა. მან საიდუმლოდ გამანდო, რომ მისი უფროსი ძმისთვის ბრიგადირობა ჩამოურთმევიათ იმ მიზეზით, რომ ქრისტიანული ახალგაზრდობის ჯგუფს განეკუთვნებოდა. მეორე ძმაც ამავე მიზეზით გაუთავისუფლებიათ სამსახურიდან. ფაბრიკის ხელმძღვანელობაზე გულმოსულნი ვერც მისი ძმები მალავდნენ აღშფოთებას. აქვე გავიგე, რომ მთელს რაიონში ათეისტური კამპანია ყოფილა გაჩაღებული. იმ წუთას მათ წინაშე რატომღაც დამნაშავედ ვიგრძენი თავი, რადგან მე ურწმუნოთა ოჯახს ვეკუთვნოდი.

რამოდენიმე წლის შემდეგ, როცა პატარა ძმამაც დაამთავრა სკოლა, სამივე ძმა სადღაც გაქრა. არ ვიცო, არ შეეძლო თუ არ უნდოდა, მაგრამ ამის შესახებ კატარინა არაფერს მეუბნებოდა. სხვებისაგან შევიტყვე, რომ მისი ძმები დასაუღლეთ გერმანიაში გადასულიყვნენ. მაშინ კი ევლარ მოვითმინე და კატარინას ვკითხე. ისიც დამემოწმა, მართალიაო. ქვემო საქსონიაში კატარინას ძმებს არენდით აუღიათ მიწა და მეურნეობისათვის მოუკიდიათ ხელი.

მშობლები ყოველდღე იმას მეხვეწებოდნენ, როგორმე დამენებებინა თავი კატარინასათვის. არც მასწავლებლები ჩამორჩებოდნენ მათ და ცდილობდნენ პირდაპირ თუ გადაკრით აეხსნათ, რომ ეს მეგობრობა სახეიროს არაფერს მომიტანდა.

ამ წელს რაიონის ცენტრში წარსაგზავნად რამოდენიმე საუკეთესო მოსწავლე შეარჩიეს. მე და კატარინა კლასში ყველაზე კარგ მოსწავლეებად ვითვლებოდით და ვიმედოვნებდით, რომ ჩვენ გავგზავნიდნენ.

ოქტომბერში მიღებული გადაწყვეტილების შედეგად შეგვარჩიეს მე და ერთი ბიჭი. კატარინაზე კი განაცხადეს, რომ ის მხოლოდ რვა კლასს დაამ-

თავრებდა, რადგან ვერ აკმაყოფილებდა მაღალი კლასისთვის შესაბამის მოთხოვნილებებს.

მთელი დღეები ვტიროდით მე და კატარინა. დედამისი მამშვიდებდა და მარიგებდა: „არ ღირს, შვილო, კატარინას გამო შენც ნუ იტყვი უარს“, მე კი არ მინდოდა დავმორჩილებოდი მასწავლებლებისა და მშობლების ამ უსამართლო გადაწყვეტილებას და ამით კატარინას დავშორებოდი.

მე და კატარინამ სამუდამო ერთგულება შევფიცეთ ერთმანეთს, მაგრამ სულ რაღაც ნახევარ წელში დაუძინებელ მტრებად ვიქცეთ.

მერვე კლასში კატარინა კანტორის ვაჟს დაუახლოვდა. ის ჰამბურგში სწავლობდა საეკლესიო მუსიკას და არდადეგებზე ჩამოდისოდა ხოლმე სახლში. კატარინა იშვიათად იცლიდა ჩემთვის. თუ მოიცდოდა, ისიც მხოლოდ იმ ბიჭზე მელაპარაკებოდა. ვერძნობდი, ჩვენს შორის გაუცხოების წუთები ღებოდა. ჩვენს სიყვარულში კი უნდობლობა და ეჭვი ისადგურებდა. მე და კატარინას მეგობრობაში უამრავი ბზარი გაჩნდა. ერთის მხრივ ჩემი მშობლებისა და მასწავლებლების უკმაყოფილება, მეორეს მხრივ კი კატარინას გულნატკენი ღედა, რომელსაც რაიონის ხელმძღვანელობამ სარწმუნოების გამო ასე დაუჩაგრეს გოგო და საერთოდ, გზა-კვალი აურიეს მის შვილებს. დღე ისე არ გავიდოდა, მე და კატარინას არ გვეჩხუბა. ერთმა უაზრო ჭორმა ხომ საბოლოოდ დაავიროვინა და გულსატკენი წერტილი დაუსვა ჩვენს მეგობრობას. თანაკლასელმა გოგონამ რაღაც ამბავი მიუტანა კატარინას და მანაც მაშინვე დაიჯერა ისე, რომ არაფერი უკითხავს ჩემთვის. და აღარც მე შევეცადე უარმეყო ეს ჭორი. დამთავრდა ჩვენი მეგობრობა, რომელიც ბოლო ხანებში ისედაც ვალღებულების გამო იყო შენარჩუნებული. ახლა მხოლოდ ზიზღმა გადაფარა ორი გოგონას მომაკვდინებლად მტკივნეული სიყვარული. რამოდენიმე კვირის შემდეგ ხმაც ავიმალღე კატარინაზე, ისიც მთელი კლასის წინაშე.

გაკვეთილების შემდეგ დავკვთოვეს და მორიგი აგიტაცია ჩაგვიტარეს, რომ თავისუფალი გერმანიის ახალგაზრდობის კავშირში შევსულიყავით. ერთადერთმა კატარინამ განაცხადა უარი ამ კავშირში შესვლაზე. მასწავლებელი უკვე მერამდენედ ჩაგვიჩინებდა ერთსა და იმავე მოსაბეზრებელ ფრაზებს. გვენახებოდა უქმად გაცდენილი დრო, ერთი სული გვექონდა, სახლში წავსულიყავით. და ამიტომ თუთიყუშებივით იმას ვიმეორებდით, რასაც გვეუბნებოდნენ. გაფითრებული და დაძაბული იჯდა კატარინა, უჭირდა მასწავლებლების საყვედურებზე პასუხის გაცემა. ახალგაზრდობის კავშირში შესვლა ხომ მშვიდობის მხარდამჭერ საქმედ ითვლებოდა, თავად კატარინაც ირწმუნებოდა, მეც მშვიდობის მომხრე ვარო. მასწავლებლები კი უღმობელი ლოგიკით უმტკიცებდნენ, რომ ასეთი საქციელი იგივე იყო, რაც ომის პროპაგანდა. ამიტომაც ღუძღა კატარინა დამარცხებულივით.

კატარინას სიჯიუტის გამო უაზროდ გვეკარგებოდა დრო და ბრაზი მოგვდიოდა მასზე. მეც ვედარ მოვითმინე, გამწარებული წამოვდექი და ისეთი ირონიით წამოვიწყე საკუთარი მეგობრის რელიგიურ შეხედულებებზე ლაპარაკი, რომ ყველა ვაცინე. უმსგავსოდ, ამაზრზენად მოვიქეცი. ჩემმა სიტყვებმა კატარინა მოთმინებიდან გამოიყვანა, მერხიდან წამოიჭრა, მომვარდა და სილა გამაწნა. ინსტინქტურად მეც მოვუქნიე ფეხი, წვივში მოხვდა. ტკივილისაგან ორივემ ვიკიულეთ. მასწავლებელმა ყურნალში შენიშვნა ჩაგვიწერა. ეს შენიშვნა იყო საბოლოო, მე და კატარინას რომ გვაკავშირებდა. ისე ვარცხნილობაც ამ ბოლო ხანებში სხვადასხვაგვარი გვექონდა.

იმავე ზაფხულს კატარინა და დედამისი ქვემო საქსონიაში გადავიდნენ მშობთან საცხოვრებლად. ეს რომ გავიგე, შვება ვიგრძენი, მამასაც კი განუცხადე სიამაყით, კატარინამ თავის რესპუბლიკას უღალატა-მეთქი.

მახსოვს ახალი სასწავლო წლისთვის წითელი ტყავის ჩანთა მხვიდეს მშობლებმა.

ახლა კი ვიჯექი ქალაქ G-ს ერთადერთ სასტუმროში და ვეძებლე-ბოდით. სავარძლის წინ, ისედაც გაცრეცილ, გაქუცულ ხალიჩაზე ლუდი დამუღვარა. საოცარი თავგანწირვით მიყვარდა კატარინა, მას მერე ველარავინ შევიყვარე ასე გულწრფელად.

ერთი წლის შემდეგ ჩვენი ოჯახიც გადავიდა ქალაქ G-დან. რაიონის ცენტრში ყოველდღე მატარებლით მიწველა მგზავრობა, რაც საშინლად მქანცავდა. ამას გარდა მამასაც უკეთესი სამსახური შესთავაზეს მაგდენბურგის მანქანათმშენებლობის ქარხანაში. ამიტომაც გადავწყვიტეთ გადასვლა.

სინამდვილეში კი სულ სხვა რამ ყოფილა ჩვენი მოულოდნელი გამგზავრების მიზეზი, რაც მხოლოდ ორი წლის შემდეგ შევიტყვე დედისგან. ქალაქ G-ში ცხოვრობდა მამას ბიძაშვილი ბიძია გერჰარდი. ის ჩვენი ხშირი სტუმარი იყო. ჩვენი გადასვლიდან ერთი თვით ადრე ის დააპატიმრეს. ოთხი თვის მერედა შევიტყვეთ რომ ბიძია გერჰარდს ხუთი წლით პატიმრობა მიუსაჯეს.

ბიძია გერჰარდი მამაზე უფროსი იყო. ომის შემდეგ ცოლი მალევე დაედუპა და მარტო ცხოვრობდა. ჭორები დადიოდა, თითქოს ცოლმა თავი მოიკლათ. დედას რომ ეკითხე, ასე მიპასუხა: „არა, შვილო, ტრაგიკულად დაიღუპა. მაშინ ომი იყო და ათასი რამ ხდებოდა“.

ბიძია გერჰარდი პენსიონერი იყო. ნახევარ დღეს ფოსტაში მუშაობდა. იჯდა ჯიხურში და საფოსტო მარკებს, გაზეთებს ყიდდა. პატარაობაში ხშირად დაუდიოდი მასთან. ათასგვარი გასართობები იცოდა, მეთამაშებოდა, ხან ძველებურ სიმღერებს მიმღერებდა აკორდეონზე. მახსოვს, ხუთი წლის რომ ვიყავი, შეშინებული ვამბობდი, ვაითუ ვერ გავთხოვდე-მეთქი. ის კიდევ დამცინოდა და მახელებდა ხოლმე: „უყურეთ ერთი ამ საბრალოს, როგორ განიცდის, ქმარი რომ არ ჰყავს. თვალი გაახილე, მოდაზე ჩაიცვი და გეყოლება“. მე კი ვტიროდი და ვიდრე ტკბილეულს არ მომცემდა, არ უჩუმდებოდი. როცა წამოვიხარდე, იშვიათადლა მივდიოდი მასთან, თუმცა ურთიერთობა კვლავ გულითადად გვქონდა. თორმეტი წელი რომ შემისრულდა, ბიძიამ ანდერძით თავის ერთადერთ მემკვიდრედ გამოამაცხადა.

ბიძია გერჰარდი ბაბუასავით იყო ჩემთვის, თვითონაც შეილობილივით, უფრო შვილიშვილივით მეპყრობოდა. ყოველ დაბადების დღეზე მჩუქნიდა ფულს. მშობლებს არ სიამოვნებდათ ჩვენი ასეთი ურთიერთობა, მაგრამ ამას ჩვენ არ ვაქცევდით ყურადღებას. სამოცდათორმეტი წლის ასაკში ბიძია დააპატიმრეს.

სასამართლომ ოთხი კაცის მკვლელობის თანამონაწილედ გამოაცხადა იგი. ომის დამთავრებიდან ექვსი წლის შემდეგ ბიძიამ ყველაფერი მოუყვა მამას. ამიტომაც უსაყვედურა მოსამართლემ მას, რატომ აქამდე არ განაცხადე მთავრობაში, მაგრამ მამას ასეთი პასუხი მიუცია: „გერჰარდი ჩემი ბიძაშვილია და თანაც უკვე მოხუცია“.

ვერაფრით ვერ გამეგო რამ უბიძგა ბიძიას ამ საქციელზე, ის ხომ საოცრად კეთილი და უწყინარი ადამიანი იყო, ცოტათი გულჩვილიც. მაგრამ ნაცის-

ტებმა ალბათ ისე დააშინეს, რომ ვეღარ გაუძლო და დააბეზლა თავისი მეგობრები.

ამ ამბის გაგონებამ თავხარი დამცა. და რატომღაც მას მერე ჩემი წუხილი ფაშისტების საშინელ ქმედებებზე, ანა ფრანკის დღიურზე დაღვრილი ცრემლებიც კი გაყალბებული მეჩვენებოდა. მეგონა, იმის უფლებაც არ მქონდა, აღვშფოთებულიყავი და თანაგრძნობა გამომეხატა ნაცისტების მსხვერპლთა ხსოვნისადმი, როგორც ნაცისტი დამნაშავეის ნათესავს. მასწავლებლებმა და მშობლებმა აღარ იცოდნენ, რა ელონათ. ყოველნაირად ცდილობდნენ ყურადღება არ მიექციათ ჩემი თვითგვემისათვის. მეორმეტე კლასში ვიყავი, როცა ერთმა თანაკლასელმა გოგონამ განმიცხადა: „არ მოგბეზრდა ეგ შენი მეტიწრული გამოხტომები? რა დიდი წარმოდგენა გაქვს საკუთარ თავზე!“ ამაზე ვიჩხუბეთ კიდევ მე და ამ გოგომ, მაგრამ ის დღე იყო და ის დღე, ამ საკითხზე წერას და ლაპარაკს საერთოდ შევეშვი. და როცა არ უნდა ჩამოვარდნილიყო ომზე ლაპარაკი, ყოველთვის გაჩუმებას ვამჯობინებდი. მივხვდი, ყველას ის სტანჯავდა, რაც აუხსნელი და დაუვიწყარია, და რაღა საჭირო იყო მათთვის ჩემი წუხილის შემთხვევა. იქნებ ყოველივე ამანაც განაპირობა, რომ მე დუმილს შევეჩვიე.

სამი წლის შემდეგ ბიძია გერჰარდი დაიღუპა. მამამ შემკვიდრეობაზე უარი თქვა და ბიძიას ავეჯი და ნივთები ქალაქ G-ს სასარგებლოდ აუქციონზე გაიყიდა.

რაც მეტხანს ვიჯექი სასტუმროს ოთახში, მით აუტანელი მეჩვენებოდა იგი. კედლებზე ისე იყო ჩამოხეული შპალერი, შეხედვისაც კი მეშინოდა, რომ მწერები არ დამენახა. დაწოლისას რაღაც სველზე მომიხვდა ფეხი, ჩემი დაღვრილი ლუდი თუ იყო, მაგრამ მაინც შემზარა და აბაზანაში მთელი საათი ვიბანდი ფეხს. არა, აღარაფერი მაკავშირებს ამ ქალაქთან. მივხვდი, უაზრო ახირება იყო ჩემი აქ ჩამოსვლა.

მეორე დღეს საუზმეზე მთლად გამომშრალი, უგემური პური მოგვიტანეს. ყავასაც საშინელი გემო მქონდა. არა და, ჯიბრზე ორჯერ მოვიდა ჩვენთან ადმინისტრატორი, ხომ არაფერი გნებავთო, მაგრამ რას ვეტყვოდიო, სახელოდან ხელის პროთეზი მოუჩანდა და ისეთი შემზარავი შესახელი იყო, ერთი სული გვქონდა, მალე გასცლოდა ჩვენს მაგიდას. „შეგვიძლია წავიდეთ“, — მიუბრუნდი პენრის და ვთხოვე თავი შეეკავებინა ზედმეტი კომენტარებისათვის. „ნერვიულობისაგან ისედაც არ მძინებია მთელი ღამე“. ამას რომ ვეუბნებოდი, ვცდილობდი თავაზიანი ვყოფილიყავი, არ მინდოდა მეწყენინებინა მისთვის. მაგრამ არ იყო საჭირო ზედმეტი ახსნა, მან ყველაფერი მშუენივრად გამიგო.

სასტუმროს ფული გადავიხადეთ და წამოვედით. მთელი დღე თავისუფალი გვქონდა და გადავწყვიტეთ ვიორტლიკში შევჩერებულიყავით. შემოდგომის თბილი, მზიანი ამინდი იყო. უამრავი ჩამოსული ირეოდა პარკში. და ეს ხმაურიანი მოფუსფუსე ადამიანები ფრინველთა გუნდებივით ჯგუფ-ჯგუფად მიმოდიოდნენ.

სხვა მხრივ სასიამოვნო სიმშვიდე იყო. ვახშობის მერე ცოტა წამოწვიმა, მაგრამ ძალევე ინათა. მზესთან ერთად ტურისტებიც გამოიშალნენ. პალმების ბაღიდან გროტენში წავედით. ელბის ნაპირზე გავისეირნეთ. აქ კი მარტონი აღმოვჩნდით. ლაბადებიანადვე წამოვწექით სველ ბაღაბზე და მზეს მივეფიცხეთ.

„ბავშვობის წლებიდან ყველაზე მეტად რა გახსენდება?“ — ვკითხე ჰენრის. „არასოდეს მიფიქრია მაგაზე“. „ზოგჯერ, — განკავრძე ისევ მე, — მოულოდნელად აზრდილივით გვატყდება თავს წარსული“. „მე ალბათ ვამონაკლისი ვარ“, — გამიღამა ჰენრიმ. „რატომ?“ — გავიკვირვე მე.

ჰენრი ჩემსკენ გადმოიწია და თვალებში ჩამხედა: „იმიტომ, რომ არავითარი აზრი არა აქვს, პირიქით, ცხოვრებას გვიროულებს. სჯობს უფრო შევიწუხო მასეთი სისულელეებით. ასე რომ, მაგ მხრივ არსებობს მემოარი“. „ვერ დავიჯერებ“, — ჩავილაპარაკე ჩემთვის.

ჰენრიმ გაიცინა, მაკოცა და მითხრა: „შენი ნებაა, როგორც გინდა ისე იფიქრე, მაგას მაინც შეგუებული ვარ. რატომღაც ქალები ჩემგან ღრმა აზრებს ელოდებიან, მე კი მათ ყოველთვის იმედს ვუცრუებ“.

ელბის ნაპირს მიუყვებოდით. შებინდებისას უკან დავბრუნდით. ვიღრე მანქანამდე მივალწევდით, მთლად ჩამობნეულა. წყვდიადი ჩამოწვა, ველარაფერს ვხედავდით. ცაზე ერთი ვარსკვლავიც არ მოსჩანდა. სიბნელეში ერთმანეთს ვაწყდებოდით.

ქალაქში ერთადერთი რესტორანიღა იყო ღია, მაგრამ ისიც ისეთი გადაჭედელი, რომ იძულებული გაეხდით სადგურის ბუფეტში გვეკახშმა. საღათა და ყველი შევუკვეთეთ. ჰაერი ლუდისა და სიგარეტის სუნით იყო გაჟღენთილი. დაახლოებით ათი საათისათვის ბერლინისაკენ წამოვედით.

მანქანებით გადაჭედულ ტრასაზე კინალამ შემხვედრ მანქანას შევეჯახეთ. როგორც ყოველთვის ახლაც ხწრაფად მიდიოდა ჰენრი, მოულოდნელად მოსახვევიდან მანქანა გამოვარდა. შიშისაგან ვიკვილე. გაოგნებული საჭეს მივვარდი, მიხლოდა მარჯვნივ გადამეყვანა მანქანა, მაგრამ უცბად სახეში გამარტყა ჰენრიმ. შემხვედრ მანქანამ დაამუხრუჭა და გზიდან გადავარდა. ჩვენ გვერდზე ჩავუქროდეთ. უკან რომ მოვიხედე, მძლოლი მანქანიდან გადმოდიოდა, თან ერთი ხელი ისევ სიგნალზე ეჭირა. მალე მანქანაც და მძლოლიც თვალს მიუფარნენ. ჩვენ კი ისევ ტრასაზე მივქროდით, თითქოს სიბნელეს გავურბოდით.

ორივე ვლუმდით. მე შიშისაგან ინსტინქტურად მივვარდი საჭეს, ისე რომ, ჰენრი გააზრებასაც ვერ მოასწრებდა. რატომღაც მგონია, მას ანგარიშშიუცემლად, თავისდა უნებურად არ გაურტყამს ჩემთვის.

მივქროდით და ღამის წყვდიადს მანქანის ფარებითაც ძლივს მივარდევდით. ბოღში რომ არ მომიხადა ჰენრიმ, ჩემთვის უკეთესიც იყო. მართალია იგი არ განეკუთვნებოდა მამაკაცთა იმ კატეგორიას, ცოლებსა თუ საყვარლებს რომ სცემენ, მაგრამ ყველა მამაკაცს აქვს ასეთი წუთი, განსაკუთრებით სტრესულ მდგომარეობაში, როცა შეუძლიათ დაარტყან ქალს. მამაკაცის წინაშე მაინც ცდილობენ თავი შეიკავონ, ქალებთან და ბავშვებთან კი ნერვებს ვედარ ითვებენ. მაგრამ ამის მიზეზი სრულიად არ გახლავთ ის, რომ ჩვენ ქალები სუსტი არსებანი ვართ, არც მათ თავშეკავების უნარზეა ლაპარაკი. უბრალოდ, მამაკაცები თანასწორთა შორის თანასწორნი გახლავან და ერთმანეთზე ხელს ვერ აიღებენ, ყოველ შემთხვევაში, ასე დამამცირებლად. ასე მხოლოდ მხეცებს ექცევიან. მამაკაცები უროიერთშორის ღირსების შემლახველ ელემენტარულ კანონებს ხუმრობისასაც კი იცავენ. ჭეშმარიტი მამაკაცი მეორე მამაკაცზე არაფრით არ აღმართავს ხელს, თუ ეს უკანასკნელი თავდაცვისათვის არაა მზად. ესაა რაინდული ორთაბრძოლის წესები, რომელიც მხოლოდ სეკუნდანტების მეთვალყურეობით უნდა ჩატარდეს.

ქალს კი აგდებულად ეპყრობიან, ძალღვიით სცემენ და მათ ეს მართებულად მიაჩნიათ. მამაკაცებს ჰკონიათ ამით მოარჯულებენ ქალს და გონს მოიყვანენ.

ესაა მამაკაცის საუკუნეობრივი სენი: დაბადებიდანვე თანდაყოლილი უპირატესობის გრძნობა. ზოგჯერ ზედმეტად თავაზიანი და გულსხმიერი მამაკაციც კია ამ სენით დაავადებული. მაგრამ ასეთი მამაკაცები, მკვლევრებისამებრ, თავიანთი საქციელით აღშფოთებულნი და გაოგნებულები მაშინვე ბოდიშს იხდიან. მახსოვს ერთხელ ჰინერმაც გამარტყა, და იმავე წამს მომიბოდიშა: „მაპატიე, მოთმინებიდან გამოვედი და თავი ვეღარ შევიკავე“, რაზეც გამეცინა და ამით კიდევ უფრო გავაღიზიანე. ჰინერმა მართალი მითხრა, ასეთ დროს მამაკაცები მართლაც გონს კარგავენ და თავადაც არ იციან რას აკეთებენ. მხოლოდ მოშინაურებულ მტაცებლებს შეუძლიათ უმიზეზოდ, სრულიად მოულოდნელად გავლიჯონ თავიანთი საყვარელი არსება. მამაკაცი კი გაცნობიერებულად თუ გაუცნობიერებლად მაინც გრძნობს თავის უპირატესობას ქალზე, ამიტომაც არიან ასე თამამნი. შეიძლება ლაპარაკსა თუ ფიქრებში თანახმორუფლებიანადაც გაღიარონ, მაგრამ სულის სიღრმეში, მათ მაინც აქვთ თავიანთი ღირსების, სიამაყისა თუ თავმოყვარეობის ანგარიშმიუცემელი შეგრძნება.

მახსენდება, ერთ საღამოს ჩემს მეგობარ შარლიტას რომ შევუარე, მიხაილი სასოწარკვეთილი დამხვდა. როცა ამიხსნა, რაც მოხდა, თავადაც გამიკვირდა. ვერასოდეს წარმოვიდგენდი თუ ამ გულისხმიერ, დამთმობ და ყოველისგამგებ მამას ბავშვის ცემა შეეძლო. ასე მეგონა, ჭიანჭველასაც ვერ დაადგამდა ფეხს. თავისი საქციელით შეშფოთებული მიხაილი უკანასკნელი სიტყვებით ლანძღავდა საკუთარ თავს. კალთაში ჩაესვა ბავშვი, ეფერებოდა და პატიებას სთხოვდა. საოცრად შემზარა ამ სცენამ. მიხაილი მართლაც გულწრფელად წუხდა, მაგრამ ამ დროს საკუთარი თავი უფრო ებრალებოდა, რადგან ბავშვის ცემით მას საკუთარი ღირსება შეეღაზა. მან თავისივე ხელით მოსპო საკუთარ თავში ის, რასაც ყველაზე მეტად სცემდა პატივს და მტარვალ ადმოაჩინა. სწორედ ამაზე მოსთქვამდა მიხაილი. გულისამაჩუყებელი სიტყვებით ეხვეწებოდა, ემუდარებოდა ბავშვს პატიებას და ცდილობდა, როგორმე დაებრუნებინა შეღაზული ღირსება. საბრალო, საცოდავი მამაკაცები.

ჰენრი ხმას არ აღებდა. ბერლინამდე ისე ჩავედით, სიტყვაც არ დაგვცდენია. ალბათ ასეც იყო საჭირო.

კარამდე მიმაცილა ჰენრიმ. იდგა ჩემს წინ და შეცბუნებული მიღიმოდა. ერთმანეთს ძილი ნებისა ვუსურვეთ და დავშორდით.

ვერასოდეს ვერ დაეივიწყებ ამ სილას, ალბათ ვერც ვაპატიებ. რომ გითხროთ, განსაკუთრებით კი არ განვიცდიდი, სასაცილოც კი იქნებოდა, ოცდაცხრამეტი წლის ქალს ასეთი სისულელეებით შემეწუხებინა თავი. გვინდა თუ არა, წვიმაში ყველა ვსველდებით და უნდა შევეგუოთ ამას. ჩვენ მაინც ვერაფერს შევცვლით, ყველაფერი თავისი დინებით მიდის, ყველაფერს თავისი გზა აქვს. ან რა საჭიროა რაიმე საბაბის ძებნა ჩხუბისა და ისტერიკისათვის. სჯობია, ისევ დავრჩე ისეთად, როგორიც ვიყავი: თავაზიანი, თბილი, სრულიად ნორმალური ქალი. განა რა მოხდა ასეთი განსაკუთრებული?!

ოთახში დახუთული ჰაერი იდგა და ვიდრე სავარძელში ჩაუჯდებოდი, ფანჯარა გამოვადე.

მეათე თავი

ნოემბერში ორი კვირა ვიავადმყოფე. ხერხემალმა შემაწუსა. საგანგაშო არაფერი იყო, მაგრამ მტკიოდა. არაფერი დამიკლია: ვარჯიშები, გაღვანური თერაპია თუ წყალქვეშა მასაჟები, მაგრამ ოდნავი შვებაც კი არ მომცა. ასაკი მაინც თავისას აკეთებს: ძვლები დეფორმირდება, ხრტილები ~~წიფიანდება~~ შორდება, ხორციც დეგენერაციას განიცდის, ამიტომაცაა ეს ~~დაავადება~~ ~~მძვინვარეობა~~ რატომღაც კაცობრიობა უკუგანვითარების ისტორიულ ციკლს ჰგავს. ადამიანის ორგანიზმის რეგრესიული განვითარება ხომ დიდი ხანია იმითაა შენიღბული, რომ დაავადებული ორგანოებისათვის არსებობს შემცველი ხელოვნური ორგანოები: გულის ელექტროსტიმულატორი, ხელოვნური ფილტვები, ოქროს კბილები, ხელოვნური სინთეტიკური პროთეზი, ძვლების ნაცვლად ვერცხლის ფირფიტები. ერთი სიტყვით, კაცობრიობის განვითარება განუსაზღვრელ მატერიალურ-ტექნიკურ მომარაგებაზეა დაფუძნებული. ალბათ მომავალში შობადობაც კი ხელოვნურად იქნება უზრუნველყოფილი. შეიძლება მალე ქალისა და მამაკაცის სასქესო ორგანოების შემცველიც კი მოიგონონ, დანარჩენი კი მაგნიტიზმს მიანდონ.

ვიდრე ჩემს კუთვნილ დღეებს ავიღებდი, ბიულეტენზე გავკედი, ტკივილებს ვეღარ ვუძლებდი. ბევრს ვსეირნობდი, ყოველ დღეა საათობით საცურაო აუზში ვბანაობდი. საუზმობის შემდეგ მუსიკას ვუსმენდი, რაც მთელ დღეს სიმშვიდის შენარჩუნებაში მეხმარებოდა. იმ დღეებში ოქრომჭედლის ძებნაში მთელი ქალაქი შემოვიარე, ჩემი ოქროს ჯაჭვი მინდოდა შემეკეთებინა. მაგრამ ყველგან უარს მეუბნებოდნენ, შეკეთება სხვა სამუშაოებზე უფრო შრომატევადიაო. ორჯერ ჰენრისაც შევუარე სამსახურში. პირველად ძალიან გაუკვირდა, რადგან არასოდეს მივსულვარ მასთან.

თავის კოლეგასთან ერთად გამოვიდა და სამივენი სანაპიროზე ერთ-ერთ კაფეში შევედით. ჰენრის თანამშრომელი ბატონი კრემერი საკმაოდ საინტერესო პიროვნება აღმოჩნდა. საოცარი იუმორის გრძნობა ჰქონდა, გვაცინებდა და თვითონაც გულიანად იცინოდა. აშკარად ვგრძნობდი მოვეწონე. საკმარისი იყო ხმა ამომელო, მაშინვე ჩუმდებოდა და მე მისმენდა. კრემერი თავაზიანად შევცადა გაეგო, რა ურთიერთობა გვქონდა მე და ჰენრის. ყოველ შემთხვევაში მე ასე ჩავთვალე მისი შემოთავაზებული წინადადება, ერთად შევხვედროდით ახალ წელს. ჰენრის სარუხურვი ადგილი ხვდა წილად. იქნებ ჰენრის არც ეს იამოვნა საყვარელთან ერთად რომ ნახა თანამშრომელმა, მაგრამ კაფედან რომ გამოვდიოდით, ჰენრიმ დემონსტრაციულად მომკიდა ხელი — ეს იყო პირველი და ალბათ აშკარა დადასტურებაც ჩვენი ურთიერთობისა, რაც თავისი კოლეგისათვის იყო გამიზნული. ბატონმა კრემერმა კეთილად ჩაიღიმა და გამომშვიდობებისას ისე გადახედა ჰენრის, თითქოს არჩევანს უწონებო. ასეთი მზერა ღვინისა და ცხენების შეფასებისას აქვთ ხოლმე. ჰენრიმ თმაზე გადაისვა ხელი, ვითომ ვერც შეამჩნია ეს მზერა. მოვილაპარაკეთ, ახალ წელს ერთად შევხვედროდით, თუმცა მაშინვე ვიცოდი, იმ დღეს ბერლინში არ ვიქნებოდი. არაფერია, როგორღაც გადაიტანდა ამას ბატონი კრემერი.

ქალაქში ვსეირნობდით და მაღაზიის ვიტრინებს ვათვალიერებდით. ჰენრი ანერვიულებული ჩანდა. აუტანელი ქარი იყო და მტკერი თვალებში გვეყრებოდა. ერთ-ერთ აფიშასთან შევჩერდით და ჰენრის ვკითხე: „თეატრში ხომ არ შევსულიყავით?“ თუმცა აფიშაზე ვერაფერი ვნახე საინტერესო და ბოლოს შევთავაზე, სადმე გვესადილა ერთად; „იცი, დრეზდენში უნდა წავიდე დღესვე,

უფროს ვაჟს სკოლაში ვერ ჰქონია კარგად საქმე და, ცოლმა მთხოვა, ჩამოდიო. ძლივს ამოდურღა ჰენრიმ.

„რატომ თავიდანვე არ მიიხარო, შეგიძლია ახლავე წახვიდე“ — სადგურამდე მიეცა ცილე. გზაში მოულოდნელად ცოლზე წამოიწყო წუწუნი. ადრე ჩემთან არასოდეს ულაპარაკია მასზე. „ამ ბოლო ხანებში ხშირად მირეკავს ათას მიზეზს იგონებს, რომ ჩავიდე და ვნახო. ეტყობა, თავის მეგობართან ქეუვიდა კონფლიქტი. ჩემგან მოითხოვს, დასვენების დღეები დრეზდენში გავატარო. არადა, ჩასვლისთანავე ვჩხუბობთ“, — ჩაიბურღლუნა ჰენრიმ გაბრაზებით.

მეორე კვირას ჩემმა უფროსმა მომიხახულა. პირველად მოვიდა ჩემთან. საერთოდ, არც გამეგო, რომ როდისმე რომელიმე კოლეგის სანახავად მისუდიყო. კარი რომ გავაღე, გაოგნებული მიეჩერდი, თვალებს არ ვუჯერებდი. ცოტა არ იყოს, თვითონაც დაიბნა და მღუმარედ გამოიძინა ქალაქში გახვეული ყვავილები, მერე ისევ გამოძარტვა, ქალაქი შემოხსნა და მიხაკების თაიგული გამოიძინა. თანდათანობით თავდაჯერებულობაც დაუბრუნდა. ოთახი რომ ნახა, არ მოეწონა და შემპირდა, აუცილებლად ვიზრუნებ, შესაფერისი ბინა მოგიძებნო.

„გმადლობთ, არაა საჭირო, ძალიან კმაყოფილი ვარ ჩემი ბინით“, — მაშინვე ვიუარე და ყავის მოსადგლებლად სამხარეულოში გავედი. იმ დღეს საოცრად გულსხმიერი საუბარი გექონდა მე და ჩემს უფროსს, ერთი-ორი მეგობრული რჩევაც მომცა. ვერ ამეხსნა, რით იყო განპირობებული მისი მოსვლა და მოთმინებით ველოდი, როდის მეტყვიდა თავისი ვიზიტის მიზეზს.

ჩემი წიგნები რომ გადაათვალიერა და მხოლოდ ბელეტრისტიკა შერჩა, გაუკვირდა: „თქვენ რა, სპეციალურ ლიტერატურას არ კითხულობთ?“

„ხანდახან სურვილი თუ მიჩნდება, ვკითხულობ ხოლმე სამედიცინო ჟურნალებს, ან ვინმეს შემოთავაზებულ წიგნს, ისიც, თუ რაიმე სიახლეზეა ლაპარაკი, თორემ ისე არ ვკითხულობ“. უკვე რამოდენიმე წელი იქნება, რაც ყოველგვარი ინტერესი დავკარგე სპეციალური ლიტერატურისადმი. ზოგჯერ ნებისყოფაც კი არ მეოფნის რომ წავიკითხო, მხოლოდ ვაღდეგებულების გრძნობა მაიძულებს, რაიმე ახალ პუბლიცისტიკას გადავაგლო თვალი. ასეთი სურვილიც იშვიათად მიჩნდება. რაში უნდა გამომაღგეს სპეციალური ლიტერატურა, ჩვენ ხომ დიდმა მეცნიერ-პუბლიცისტებმა აღგვზარდეს. თუმცა მათი ლტოლვა, აღმოეჩინათ რაიმე ახალი, მხოლოდ გასული საუკუნის გამოძახილად დარჩა. პოლიკლინიკაში მუშაობისათვის ესეც სავსებით საკმარისია. გარდა ამისა სხდომებზე და კვალიფიკაციაზე წარგზავნისასაც ხომ ვეცნობით ყველა ახალ წამოწყებას. უფროსი არ მოელოდა ამას ჩემგან, მისთვის უცხო იყო თავისი სპეციალობისადმი ამგვარი დამოკიდებულება. შეიძლება მართალიც იყოს, ზოგჯერ თავადაც ვერ ამეხსნია ჩემი ასეთი გულგრილობა საკუთარი პროფესიისადმი.

„თქვენ დასციპლინა გაკლიათ, — წამოიწყო უფროსმა, — საერთოდ, მთელ თქვენს თაობას აკლია დისციპლინა. — ლაპარაკისას დელავდა უფროსი და ნერვიულად აწვალებდა სათვალეს. უცბად სავარძლიდან წამოიჭრა და ხმამაღლა მომძარტა: — იცით თუ არა თქვენ, რომ უკანასკნელი თხუთმეტი წლის განმავლობაში მე ერთხელაც არ გავსულვარ ბიულეტენზე. დიახ, ერთი დღეც კი ჯანმრთელობაც დისციპლინაა, ჩემო კარგო. და ამას მე გეუბნებით, როგორც ექიმი“.

აღელვებული დადიოდა აქეთ-იქით, საყუდლოზე მიმაგრებული პეპელაც

გვერდზე მოქტეოდა. „კი, მართალი ბრძანდებით, მაგრამ რა უნდა გააკეთოს მაგისტრის ადამიანმა, რომ ასეთი დისციპლინა გამოიმუშაოს? — დავინტერესდი მე. — განა მე არ ვწუხვარ ჩემს მოუწესრიგებლობაზე, მაგრამ ამ ავადმყოფობას ვერავითარი ჩემსი ან წამალი ვერ უშველის. მე ვერ ვხედავ გამოსავალს“.

„ძალიან გაგიჭირდებათ თქვენც და მთელს თქვენს თაობასაც, — თანაგრძნობით შემომხედა უფროსმა. „გაგიჭირდება, მაგრამ საშველი სადაა, რომ არ ვიცი?“ — მივუბნე მე.

„დისციპლინას გამოიმუშაუება უნდა, შვილო“. „კი მაგრამ, ვგ ხომ ყალბა იქნება და მალევე დაიმსხვრევა“, — შევეპასუხე მე. უფროსი თავისას არ იშლიდა, ვარჯიშით და საკუთარ თავზე მუშაობით ყველაფერს მიაღწევო. ვგრძნობდა, უკმაყოფილო იყო ჩემით. თუმცა ეს მე არ მაღელვებდა. ხანში შესული ადამიანი იყო და უფლება ჰქონდა დავერიგებინე. მათ უბეჭტეს, რომ სიმპათიით ვიყავი განმსჭვალული ამ მოხუცისადმი.

მერე კი შეცვალა თემა, მაგრამ, როგორც ჩანს, იმდენად სჭარბობდა მასში პედაგოგი, რომ ბუნებრივი საუბარი აღარ გამოგვდიოდა. წახელისას ვეღარ მოვიტოვებინე და მაინც ვკითხე: „ჩემთან რაიმე თხოვნა ან საქმე ხომ არ გაქვთ?“ მაგრამ ისე გავაკვირვე ამ შეკითხვით, რომ მითხრა: „ნუთუ გგონიათ, ჩემი სტუმრობა მაინცადამაინც რაიმე მიზეზით უნდა ყოფილიყო გამოწვეული?“ დაუფიქრებლად მაშინვე ვუპასუხე, დიახ-მეთქი.

„თუმცა თქვენ მართალი ბრძანდებით, მაგრამ ამჯერად ისე შემოვიარეთ“, გაიცინა მან და თან დასძინა — კარგი იქნება, თუ თქვენც გვესტუმრებით, ხომ იცით, ჩემს მეუღლეს...“

„ვიცი და მალეც გინახულებთ“.

იმ დღეს უფროსის სტუმრობა მაინც გამოცანად დარჩა ჩემთვის.

ფლეგმა, ცოტა უცნაური და უხეშიც კია ჩემი უფროსი, მაგრამ მე მაინც სასიამოვნო მოხუცად მიმაჩნია. ეს იყო ძველი სკოლის წარმომადგენელი — უამრავი თავისებურებით, რაც თუნდაც მის საიდუმლო და ხანმოკლე ვიზიტებშიც გამოიხატებოდა. ჩაცმულობაშიც კი იკვეთებოდა მისი უცნაურობა — კორექტული პიჯაკი და შესაფერისი ოდეკოლონი. მიზაკებიც ხომ მომიტანა, თავად შეარჩია ალბათ ჩემთვის.

ჭურჭელს ერეცხავდი და თან ვიხსენებდი, რას არ უგონებდნენ კოლეგები ჩვენს უფროსს. ეს ის ადამიანები იყვნენ, თავად უფროსსაც რომ არ ეხატებოდა გულზე. იქნებ მართლაც ორი ურთიერთსაწინააღმდეგო პიროვნება იყო ამ ადამიანში, ან იქნებ ეს სტუმრობაც მისი დისციპლინიდან გამომდინარე გამოხატობა თუ ახირება იყო?

სამსახურში გასვლამდე ერთი დღით ადრე დამარეკა დედამ. ის იყო სამზარეულოში მოვამთავრე ნივთების გადაადგილ-გადმოადგილება, რომ ტელეფონის ზარიც გაისმა. პოლიკლინიკაში უთქვამთ, ავად არისო და უნდოდა გავეყო, ახლა როგორ ვგრძნობდა თავს. „რატომ ამდენ ხანს არ ჩამოხვედი ჩვენთან?“ — მკითხა ბოლოს დედამ. დავამშვიდე და შევპირდი, შობისთვის აუცილებლად გინახულებთ-მეთქი. „მარტო ჩამოხვალ?“ — იკითხა დედამ და ისე, რომ პასუხსაც არ დალოდებია, თავადვე დაამატა, — შენი მეგობარიც ჩამოიყვანე“. ვიდრე ყურმილს დაკიდებდა, სამჯერ დამემშვიდობა, სამჯერვე რაღაც გაახსენდა, ბოლოს მამისგან მოკითხვაც გადმომცა და კიდევ ერთხელ დამემშვიდობა.

სალამოს ჰენრიმ თავის მეგობრებთან წამიყვანა სტუმრად. ჩემის აზრით, ინსტიტუტის მეგობრები უნდა ყოფილიყვნენ. საოცრად უაზროდ მოსაწყენი ატმოსფერო შეიქმნა. ერთმანეთთან სასაუბრო არაფერი გვექონდა. ძირითადად სატელევიზიო გადაცემაზე ვლაპარაკობდით. აღარ შემეძლო იქ დარჩენა და წამოვედი. ჰენრის გამოცილება უნდოდა, მაგრამ უარი უთხარა. მერე დღეს პოლიკლინიკაში დამირეკა და მითხრა, შენს მერე კიდევ უფრო აუტანელი გახდა იქ ყოფნაო. ჩემი წამოსვლის გამო მის მეგობრებსაც უკმაყოფილება გამოუთქვამთ. „არადა, ისინი საგანგებოდ მოემზადნენ ამ სალამოსთვის“. — დაამატა ჰენრიმ.

დეკემბრის მეორე კვირას მიხაილმა, შარლოტას ქმარმა დამირეკა, შენთან აუცილებელი საქმე მაქვსო. ხმაზე ეტყობოდა, აღელვებული იყო. მამამისის გამო მიხაილს რაღაც გაუგებრობაში გაუყვია თავი. მეზობლებს ოთახის ხელში ჩაგდების მიზნით, მისი აქ არყოფნით უხარგებლიათ და მამამისი მოხუცებულთა სახლში ჩაუბარებიათ. სწორედ ამ საკითხზე იყო იგი ახლა ჩემთან მოსული. პირადად არ ვიცნობდი იმ ექიმს, ვისაც ეს საკითხი ეხებოდა, მაგრამ მაინც დავურეკე. აუხსენი ვითარება და ვთხოვე, ხელახლა გადაეხინჯა ეს საქმე. როგორც ამ ექიმისაგან შევიტყვე, მეზობლებს განუცხადებიათ, ამ სახლში მარტოხელა მოხუცი ცხოვრობდაო. როცა შესამოწმებლად მისულან, მოხუცი მართლაც მარტო წოლილა უჭმელ-უსმელი, დაულაგებელ, გაყინულ სახლში. ერთი სიტყვით, მოხუცის წასაყვანად ყველა წინაპირობა გვექონდა, ამიტომაც დაუფიქრებლად მოეაწერეთ ხელიო, — ამიხსნა ექიმმა.

თავად მოხუცს თუ უნდოდა წამოსვლა-მეთქი, დავინტერესდი მე. მაგრამ ექიმმა ხაზგასმით აღნიშნა, როცა რომელიმე მოხუცს ამგვარ მდგომარეობაში ვნახულობთ, თანხმობას უკვე აღარაუვითარი მნიშვნელობა არ აქვსო.

მიხაილს ესმოდა ჩვენი საუბარი და მთხოვა, ექიმისათვის კიდევ ერთხელ განმემარტა, რომ ეს ყველაფერი მეზობლების მოწყობილი იყო, რომლებმაც შვილის აქ არყოფნით ისარგებლეს. ასეთი რამ მართლაც ხდება, — დამემოწმა ექიმი. ზოგჯერ განცხადებები ანონიმურია, ან სხვისი ხელითაა მოწერილი. ამიტომ ასეთი კონკრეტული შემთხვევები მკაცრად მოწმდება შესაბამისი ორგანოების მიერ.

ექიმმა მთხოვა ყურმილი მიხაილისათვის გადამეცა: „თუ გნებავთ, ახლავე გაიყვანეთ მამათქვენი“, — შესთავაზა ექიმმა. ჯერ შეყოყმანდა მიხაილი, მაგრამ მერე შეთანხმდნენ, მამას ან თავისთან გადაიყვანდა, ან ყოველდღე შეივლიდა მასთან.

როგორც კი ყურმილი დაკიდა, შვებით ამოისუნთქა მიხაილმა და ჩაილაპარაკა: „იმედია, ექიმი აღარ შეცვლის თავის გადაწყვეტილებას“. მაშინვე ის გავიფიქრე, შევძლებდი კი როდისმე მამაჩემის ან დედაჩემის ჩემთან გადმოყვანას?! ეს ჩემთვის უმძიმესი იქნებოდა და ალბათ შეუძლებელიც.

მიხაილის წასვლისთანავე გადავურეკე მშობლებს. ყურმილი მამამ აიღო და ცოტა არ იყოს, დავიბენი. მე ხომ მიხაილის ამბავმა ამიფორიაქა სული. მოვიკითხე, როგორა ხარ-მეთქი. ყველაფერი წესრიგშიაო, მითხრა მამამ და რადგან არც ერთს გვექონდა სათქმელი და არც მეორეს, მალევე დავემშვიდობეთ ერთმანეთს.

დეკემბრის შუა რიცხვებში აცივდა, თოვლიც მოდიოდა, მიწას ეფინებოდა, მაგრამ მალევე დნებოდა. ქუჩები მთლად ატალახიანებული და მოლიპული იყო. ამ ჩამოქუფრულ ამინდში ცა ნაცრისფერ ბამბას დამსგავსებოდა. ჩემს ოთახში კი მეტიხსმეტად ცხელოდა. რადიატორებში წყალი კი დავამატე, მაგრამ ამანაც

არ უშეულა. მეშინოდა, ასეთ სითბოზე ტარაკანები არ გაჩენილიყო. მახსოვს, ერთ წელს მთელ სადარბაზოს მოედო ტარაკანები. ვიდრე გაზი არ გაუშვეს, მანამ არ გაწყდა. მას მერე აღარ გამოჩენილან, მაგრამ ახლა სიფრთხილის მიზნით ყოველ კუთხე-კუნჭულს ვათვალიერებდი.

ყოველ წელს შობისთვის დედა ამანათს მიგზავნიდა. ამჟამადაც მივიღე. შიგ ბარათიც იყო, თაფლისკვერებს მთლად გაეკონიანებინათ და ნაწერე ძლივს იკითხებოდა. შობისთვის გელოდები, შენი დაც შემპირდა, ჩამოვალთ. ბოლოს მეკითხებოდა საშობაოდ რა გიყიდოვო? რვეულის ერთი ფურცელი ბოლომდე გაეკვსო. ოცდაათი წელია სკოლა დავამთავრეთ, მაგრამ დედას ისე ჰქონდა ჩვევად რვეულის ფურცლებზე წერა, რომ დღემდე სახლში გამოუღვევლად ჰქონდა რვეული.

შაბათს, შობის წინა დღეს, რაღაც ხმაურმა გამოთავიდა. ძლივს მოვეგე გონს. ბოლოს, როგორც იქნა, მივხვდი, ჩიტები იყვნენ. ჩვენი სახლის გარშემო არასოდეს შემომჩნევია ჩიტები, საიდან მოდიოდა ეს ხმა ვერ გამეგო. გვიანდა გამახსენდა ფრაუ რუპრეხტის ჩიტები და შვება ვიგრძენი. უეცრად ისევ დამკრა თავში, რატომ სხვა დროს არ მომხვედრია ყურში ჩიტების ასეთი გნიასი? და თითქოს გონება გამინათდაო, სწრაფად წამოვხტი საწოლიდან, ჩავიცვი და ქალბატონ რუპრეხტთან გავედი. კარზე დავრეკე, მაგრამ არაეინ გამომეხმაურა. მერე კაკუნი ავტეხე. გვერდით კარი გამოიღო და მეზობელმა მკითხა, რა მოხდაო, რაღაც ჩავილაპარაკე გაურკვეველად და შინ შევბრუნდი. შევეცადე დავმშვიდებულიყავი, მაგრამ ვერ ვისვენებდი. ჩიტების გნიასი არ წყდებოდა. მეჩვენებოდა, თითქოს სულ უფრო და უფრო ხმამაღლა გაჰკიოდნენ. „რაღაც მოხდა — ტვინს მიღრღნიდა ეს აზრი, — ნამდვილად რაღაც მოხდა“.

სკამზე ჩამოვჯექი და ანგარიშიუცემლად სიგარეტს მოვუკიდე. „კი მაგრამ, რა უნდა მომხდარიყო? — ვიმშვიდებდი თავს, — ეს ყველაფერი ნერვების ბრალია. ჩიტები ალბათ სხვა დროსაც ხმაურობდნენ და ვერ ვამჩნევდი. ახლა პირველად მივაქციე ყურადღება და განსაკუთრებული მნიშვნელობა მივანიჭე“.

მაინც ვერ მოვისვენე. სიგარეტი ჩავაქრე, სამზარეულოში გავედი, ელექტროლუმელი გამოვრთე და სახლიდან გავედი. ლიფტით ჩავედი დაბლა და სახლმმართველის ოთახს მივაშურე. კარი თვითონ სახლმმართველმა გაძილა. უპერანგო თეთრი ბალნით დაფარულ ტანზე შარვლის გადასაჭერები ეკეთა. ვთხოვე, ზემოთ ამომყოლოდა და ქალბატონი რუპრეხტის ბინა გაეღო. თან შევეცადე ჩემი აღელვების მიზეზიც ამეხსნა.

„თქვენი მღელვარება არავითარ უფლებას არ მამლევს სხვისი ბინა გავადლო“, — მიპასუხა მან უხეშად. არ ვეშეებოდი, ვიცოდი სხვაგვარად მაინც ვერ დავწყნარდებოდი. ბოლოს, როგორც იქნა, დავითანხმე. ოთახში შებრუნდა, სამუშაო ხალათი გადაიცვა და გამოძევა. ლიფტში განმიცხადა მთელ პასუხისმგებლობას თქვენ იკისრებთ, მე ამისთვის არ მიხდიან ფულსო. ლიფტშივე შევთავაზე სახლმმართველს ხუთი მარკა და კმაყოფილი დამრჩა. მადლობა გადამიხადა და თან თავი იმართლა, ამიტომ კი არ მითქვამსო.

ქალბატონი რუპრეხტის პატარა შესასვლელში ჩიტების საჭმლისა და ნესტიანი ქვიშის საშინელი სუნი გვეცა. როგორ შეიძლება ასეთი რამ?! — ჩაიბურღლუნა სახლმმართველმა, სუნს გულისხმობდა ალბათ.

ოთახის კარი რომ შევადეთ, დავინახეთ, ქალბატონი რუპრეხტი სავარძელში იჯდა და სარკესავით გამჭვირვალე პატარა თვალებით პირდაპირ ჩვენ შემოგვეცქეროდა. სახლმმართველი მოჰყვა ბოდიშებს დაუკითხავი სტუმრობი-

სათვის და უცბად ხმა ჩაუწყდა. „ეშმაკმა დალაზროს! — გამოსტრა მან ცი-
ვად, — მკვდარია“. ოთახში მძიმე სუნი იდგა. სახლმმართველმა მკაცრად გაღ-
მომხედა.

ჩიტები მოუსვენრად ფივუიკებდნენ და თავგზააბნეულები აქეთ-იქით აწყ-
დებოდნენ გალიას. ზოგიც ღონეძინდილი გალიის ფსკერზე დადგნენ. ქვიშაში
ეყარა. სახლმმართველმა აივნის კარი გამოაღო. შევეცადე მსგავსებებს დაძებნა
მიცვალებულისათვის, მაგრამ ქუთუთოები ისე ჩაკარგულიყო თვალების ღრმუ-
ლში, რომ არაფერი გამომივიდა. სხეული მთლად გასციებოდა. „ხელი არაფერს
ახლოთ“, — გამაფრთხილა სახლმმართველმა.

მინდოდა ჩიტებისათვის წყალი გამომეცვალა, საჭმელი დამეყარა, მაგრამ
სახლმმართველმა არაფრით არ დამროთო ნება. ოთახიდან გამოძავდო, კარი სა-
გულდაგულოდ გადაკეტა. ირიბად გადმომხედა და მითხრა, თავად მივხედავ ყვე-
ლაფერს, უკვე მაქვს ამის გამოცდილებაო. მერე მკითხა, მიცვალებულის ან-
ღობელთაგან ვინმეს ხომ არ იცნობთო. არა-მეთქი, ვუპასუხე. სახლმმართველ-
მა ჯიბიდან დაგრეხილი, დანესტიანებული სიგარეტი ამოიღო, მაგრამ ვერაფ-
რით ვერ მოუკიდა.

ნაშუადღევს პოლიცია და სასწრაფო შოვიდა. ამასაც დერეფნიდან შემოღ-
წეული ხმებით მივხვდი. გვამის გამოტანისას სანიტრები კარს მოაწყდნენ. ვი-
ფიქრე, ჩემი დახმარება ხომ არ სჭირდებათ-მეთქი და გარეთ გასვლა დავაპირე,
მაგრამ მალევე გადავიფიქრე.

ჩემი ოთახის კარი შემოსასვლელში რომ გადიოდა, ღიად მქონდა და ყვე-
ლა სატყუა თუ ფაჩუნი ძესმოდა. ამგვარი იყო ქალბატონი რუპრეხტის უკანას-
კნელი გამომშვიდობება თავის მეზობლებთან.

ვიღაც კაცი, ალბათ სანიტარი ხმამაღლა ჩხუბობდა დერეფანში. სამი დღეა
მოხუცი მოკვდა, ნუთუ ვერავინ გაიგო?! თავს არავინ იწუხებს. არა და, ყველას
ეს ბედი უწერია ამ სახლში.

საღამოს სახლმმართველმა მომაკითხა. მოხოვა, ვიდრე რაიმეს მოვაგვარებ,
თუ შეგიძლიათ, ქალბატონ რუპრეხტის ჩიტებს მოუარეთო. გასაღებები მომცა,
ამავე დღეს შევედი: გავურეცხე ჩიტებს წყლის ჭურჭელი, ახალი წყალი ჩა-
ვეუხხი. სულ ოცდასამი ჩიტი იყო. ორი თუთიყუში მომკვდარიყო. გაჩეთში გა-
დაჟახე, რომ წასვლისას წამელო და ნაგავში გადამიყარა.

ყველაფერ ამას ერთი საათი მოვუნდი. ცოტა არ იყოს, უსიამოვნო შეგრ-
ძნება მქონდა. ასე მეგონა, უცბად საიდანღაც შემოვიდოდა ქალბატონი რუპ-
რეხტი და ახსნა-განმარტებების მიცემა დამჭირდებოდა, რისთვის ვიყავი მის
სახლში. ვწუხდი, რომ ვერ დავუხუჭე მიცვალებულს თვალები. თვალდახუჭუ-
ლი მიცვალებულები ნაკლებ საზარლად გამოიყურებიან.

ყველაფერი რომ მოვამთავრე, ავიღე გახეთში გახვეული თუთიყუშები და
ლიფტის გვერდით სანაგვეში ჩავყარე. სახლში რომ დავბრუნდი, დიდხანს ვი-
ხეჩავდი ხელებს ჯაგრისით.

ორი დღის შემდეგ სახლმმართველმა გასაღები გამომართვა. „ხომ არაფერ-
ი იცით ქალბატონი რუპრეხტის დაკრძალვის თაობაზე?“ — დავინტერესდი მე.
ნათესაეები ჯერ არ გამოჩენილან, ამიტომ ავეჯს დროებით სარდაფში ჩავიტა-
ნო. ცოტა ხნით ჩიტებს თქვენთან ხომ არ შეინახავდით, თუნდაც რამოდენიმე-
სი. — მოხოვა სახლმმართველმა. და როცა ვუპასუხე, წასვლას ვაპირებ-მეთქი,
გაბრაზებულმა ჩაილაპარაკა: „გასაგებია, არავის უნდა მიცვალებულის ჩიტები“.
გასვლისას კიდევ ვკითხე: „გვამი სად იმყოფება ამჟამად?“ სადაც საჭიროაო,
მომიგო უკმეხად და ვავიდა.

მესმოდა, როგორ საქმიანობდა გვიანობამდე ფრაუ რუპრეხტის სახლში სახლმმართველი. ვერ ავიტანე და როგორმე რომ ჩამეხსოვს ეს ხმები, ტელევიზორი ჩავრთე. კარგია გასაღები რომ წაიღო, არავითარი სურვილი არ მქონდა, ყოველდღე მეველო სხვის სახლში და მეზრუნა ჩიტებზე, როგორც სახლმმართველმა თქვა „მიცვალებულის ჩიტებზე“. ეს ჩიტები ფრაუ რუპრეხტის კუთვნილია და მისთვის უნდა გაეყოლებინათ.

შობამდე ორი დღით ადრე საჩუქრებისთვის გაუედი ძალაზიებში. ვიყიდე ხორცისა და ბოსტნეულის კონსერვები, სხვადასხვა სასმისები და საკმაზები. გამყიდველმა ჩემი შენაძენი სანოვავის შეკვრა რომ გადმოძეა, მკითხა, კიდევ ხომ არაფერს ინებებთო. მგონი, არა-მეთქი, ვუპასუხე და ფული გადავიხადე.

ჩემი აზრით, უსაჩუქროდ არავინ დაძრჩენია. გამოსვლისას გამყიდველმა ბედნიერა შობა მისურვა.

ყოველი შემთხვევისათვის მაინც ამოვიღე ბლოკნოტი, მიხლოდა კიდევ ერთხელ გადამეხედა ნაცნობების სიისთვის, რომ დავრწმუნებულიყავი, მართლა ხომ არავინ გამოძრჩა-მეთქი. უწინ ვცდილობდი თითოეულისათვის რაიმე განსაკუთრებული მეყიდა, მაგრამ ახლა ამაზე ფიქრით აღარ ვიწუხებდი თავს. რაც ხელთ მომხვდებოდა, იმითაც ვკმაყოფილდებოდი. თანაც ვერაფრით ვერ წარმოამედგინა, რა უნდა იყოს ეს ინდივიდუალური, თითოეულის ხასიათისათვის მახასიათებელი საჩუქარი. ჩემთვის რომ ერუქებინათ ამგვარი რამ, ალბათ ჩამდვილად აკტირდებოდი. ასეთი საჩუქარი საკუთარი პიროვნების ამოცნობაშიც დამეხმარებოდა. დღემდე მაინტერესებს, რას წარმოვიადგენ, მაგრამ ვერ გამოვიყენებ სტატისტიკის მიხედვით იქნებ კიდევ ოცდაათ წელს ვიცოცხლო, თუმცა არა მგონია, საკუთარი პიროვნების ამოცნობამ გამიადვილოს ამ ოცდაათი წლის გაძლება. როგორც ყველა ჩორმალურ ადამიანს, მეც მაქვს შიში, არ შევიძალო, წკუიდან არ გადავდგე. საკმარისია, ყური მოვკრა ასეთ შემთხვევას, რომ მაშინვე ჩემს თავზე გავიფიქრო: „ადვილი შესაძლებელია, ერთ მშვენიერ დღეს მეც ასე დამემართოს. დაზღვეული არავინაა. სიგიჟემდე პირდაპირი გზა კი სწორედ ესაა: ღრმად ჩაიხელო და გაიაზრო, სინამდვილეში ვინ ხარ შენ“. თანამედროვე ფსიქიატრიაში კი არსებობს წინსვლები, მაგრამ პაციენტი მაინც ბევრია. საოცრად ცუდად ვარ განწყობილი ფსიქიატრიისა და ნეიროქირურგიისადმი. ვფიქრობ, თუ მოვინდომებთ, ყველა მოვძებნით ჩვენს თავში სავიჯის რაიმე სინდრომს“.

შობის წინა დღეს მე და ჰენრიმ რესტორანში ვისადილეთ. ვიცოდი, შობისთვის თავისიანებთან აპირებდა წასვლას, მაგრამ ვცდილობდი ამ თემაზე არც ერთს არ გველაპარაკა. გამომშვიდობებისას ჰენრიმ პატარა შეხვეული ჩამიღო ხელში. „არ გინდა, გთხოვ, ძალიან გთხოვ“, — გავიფიქრე ჩემთვის, მაგრამ თქმით არაფერი მითქვამს, მხოლოდ გაუულიმე.

ვიდრე ჰენრი ნესტისა და ჭუჭყიანი ასფალტის მტვერში არ ჩაიკარგა, მანამდე გავცქეროდი მანქანის სარკიდან, ვხედავდი, როგორ იდგა, ქუდი კეფაზე მოუგლო და მიყურებდა.

თავი მეთერთმეტი

შობის მეორე დღესვე მოწყენილობამ შემიპყრო, ფოტოაპარატი ავიღე და სახლიდან გავუედი. დედამ რომ გაიგო, სადაც მივდიოდი, გაკვირვებულმა და ცოტა არ იყოს განაწყენებულმა, მითხრა: „ჩვენს მხარეს რაც გადასაღებია, ხომ ყველაფერი გადაღებული გაქვს, ნეტა რაღა უნდა გადაიღო“. „ბუნება ცვალება-

დია, დედა“, — შევეპასუხე მე. ასეა თუ ისე, დედამ გამიგო, რომ ეს მხოლოდ საბაბი იყო ჩემი სახლიდან წასვლისა და აღარ ჩამძიებია, რითაც ჩემი მადლიერების გრძნობა დაიმსახურა. ვთხოვე, არაფერი გამატანო-მეთქი, მაგრამ თავისი მაინც არ დაიშალა, ყავა და კარაქიანი პური ჩამიღო.

შინ მართლაც ვერ ვჩერდებოდი. შობა დღეს უკვე გვეჩქრეოდა მშობლებთან რომ ჩავედი. ყველაფერი გაემზადებინათ, ნაძვის ხეც დაედეკათ ეიცოდი, მთელ დღეს გადაყვებოდა მამა ნაძვის ხის შორთვის, ამიტომაც მოუწონე, მინდოდა, მესაამოვნებინა მისთვის. ჩემი საშობაო საჩუქრებით ისე გაიხარეს, რომ ერთ წამს ვინანე კიდევ, რატომ უფრო კარგი რამ არ შევარჩიე-მეთქი, მაგრამ თავს იმით ვიშვიდებდი, რომ საჩუქრები ძვირი და იშვიათი იყო, რაც ცოტას არ ნიშნავდა ჩემი მშობლებისათვის.

იმ დამეს სამივემ მივირთვით ღვინო. ბავშვობიდანვე მახსოვს, ყოველთვის ასე ვხვდებოდი დღესასწაულებს. დედას, ეტყობა, ღვინო მოერია და უძიზუნოდ დაიწყო ტირილი. თუმცა ზოგჯერ ცრემლებისათვის არც არავითარი საბაბი არ არის საჭირო. მოგვიანებით ტელევიზორს მივუსხვდი. ვატყობდი, დედას ლაპარაკი უნდოდა ჩემთან, მაგრამ იმის შიშით, რომ მამას ხელი არ შეშლოდა ტელევიზორის ყურებაში, ხმას ვერ იღებდა.

მამამ ძალევე გამორთო ტელევიზორი, რადგან არც ერთ არხზე ნორმალური გადაცემა არ იყო და გვერდზე მომიჯდა სალაპარაკოდ: როგორ მიდის შენი საქმეები, რა ხდება ახალი?“ მეც ყველანაირად შევეცადე გამეხსენებინა და მომეყოლა ყველაფერი, რაც დააინტერესებდათ და გაახარებდათ ჩემს მოხუცებს.

არ მინდოდა, პირველი გავსულიყავი დასაძინებლად, რომ არ მეწყენინებინა მათთვის. გვიანობამდე შემოვრჩით.

შუალამისას ჩემმა დამ დარეკა. შობამდე ორი დღით ადრე დაურეკავს და გაუფრთხილებია დედა, შობის მეორე დღეს ჩამოვალა. მხიარული ხმა ჰქონდა, ეტყობოდა, ცოტა ნასვამიც იყო. სათითაოდ მივედით ყურმილთან და მივულოცეთ შობა. ბოლოს მე ველაპარაკე: „მიხარია, ხვალ რომ გნახავ“, — დავსძინე მე, რაზეც მან გაიცინა და მითხრა: „ხვალ სურპრიზი გელოდება“ და ვიდრე გამოვემშვიდობებოდი, პირობა ჩამომართვა, არ გავუბრაზდებოდი. და ისე სწრაფად დაკიდა ყურმილი, რომ ვერაფრის კითხვა ვერ მოვასწარი.

მეორე დღეს სადილობისას ჩემი და ირენეც მოვიდა, მას ჰინერი მოჰყვა. ნამდვილად არ მოველოდი აქ ჰინერთან შეხვედრას. დედასაც გაუკვირდა, თუმცა მას ჯერ კიდევ ჰქონდა იმედი, რომ რაღაც გაირკვეოდა მე და ჰინერს შორის. ის ხომ ყოველთვის ამაყობდა ჩვენით, ჩვენი წარმატებებით, ასე ადვილად რომ ვიხვეჭდით ორივე, რადგან პატივმოყვარენი ვიყავით. ერთი სიტყვით, სამაგალითო ცოლ-ქმრად ვითვლებოდი, ისეთი, ყველა დედა რომ ისურვებდა თავისი შვილისათვის. ამიტომაც ვერ წარმოედგინა, ვერანაირად ვერ გაეცნობიერებინა დედას ჩვენი დაშორება. ეს არ თავსდებოდა მის გონებაში. არადა, რამდენჯერ გავაფრთხილე, ჩვენს საქმეში ნუ ერევი-მეთქი.

თუმცა არანაკლებ გააოცა იმ ფაქტმაც, რომ ჰინერი ირენესთან ერთად მოვიდა. ორივე კი დაპატიჟა, მაგრამ თუ ერთად მოვიდოდნენ, ამას უკვე რას წარმოიდგენდა! შევატყვე, მამასაც გაუკვირდა, მაგრამ არაფერი უთქვამს.

ირენე მასწავლებლად მუშაობდა როსტოკში, ქმარი ინჟინერი ჰყავდა. თავიდანვე ვერ ეწყობოდნენ ერთმანეთს. ჩვენთანაც კი არ ერიდებოდა ირენე და ბოთეს ეძახდა თავის ქმარს. გაუთავებელი წყენა და უკმაყოფილება ჰქონდათ ოჯახში. ჩვენ არასოდეს ჩავრეულვართ მათ საქმეში და საერთოდაც ისე გვეჭი-

რა თავი, ვითომც ვერაფერს ვამჩნევდით. ხუთი წლის გოგო ჰყავდათ და ისიც მისდა საუბედუროდ მამას ჰგავდა.

რა მოატყუა ქმარს ირენემ, არ ვიცი, ყოველ შემთხვევაში, დედამ ასე განუცხადა: „ქმარ-შვილი როსტოკში დავტოვე, მარტო მინდოდა შეხვედროდი ამ შობას“.

ეროვნული

დედამ ჰინერი და ირენე ერთად რომ დაინახა, სახეზე მთელი წყნარობა ლაქებმა დააყარა. მაგრამ ჩხუბი და ნერვიულობა მას არ სჩვეოდა, მით უმეტეს, რომ ვერც ხვდებოდა, რა ხდებოდა. ცდილობდა როგორმე შეენარჩუნებინა სიმშვიდე და არავისთვის მოეკლო თავისი ყურადღება. მხოლოდ ლოყები უღაჟა ლაქებდა წითლად.

მოსვლისას ლოყაზე მაკოცა ჰინერმა; მალე სადილად დავსხედით. საკმაოდ ბუნებრივი საუბარი ჩამოვარდა მაგიდასთან. მამამ ჩვეულებრივ გამოიკითხა თავისი შვილიშვილის და სიმის ამბავი.

სამზარეულოში რომ გავედით, ირენემ სთხოვა დედას: „თუ ჰანესმა დარეკოს, ნურაფერს ეტყვი, მაპატიე, დედა, მაგრამ ასეა საჭირო. მოგვიანებით თავად ავუხსნი ყველაფერს“. დედამ, ისე რომ სახეზეც არ შეუხედავს მისთვის, თავი დაუქნია და თან შეუჩერებლივ განაგრძობდა ჭურჭლის რეცხვას, ეტყობოდა, ნერვიულობდა.

ჭურჭელი მე გავიტანე ოთახში. ჰინერი სავარძელში იჯდა და სიგარეტს ეწეოდა. დამინახა თუ არა, ფეხზე წამოიჭრა და შეეცადა მომხმარებოდა. დაბნეული ჩანდა: „როგორა ხარ, შენი საქმეები როგორ მიდის?“ — როგორც იქნა, წამოიწყო მან. პასუხი რომ არ მიიღო, თავადვე განაგრძო, სექტემბერში მთავარ ექიმად გადამიყვანესო. ვამკვირდა, ჰინერი ადრე სულ იმას ჩიოდა, საავადმყოფოში არასასურველი პერსპექტივები მაქვსო. ყოველთვის ბრაზობდა, ვერა და ვერ დამაწინაურესო. მოკლედ, ბოლმასა და ღვარძლს ანთხევდა. ჰინერმა, ეტყობა, სახეზე შემამჩნია რაღაც და მიზეზსაც მიხვდა: „ვიცი, რასაც ფიქრობ, მაგრამ ამჟამად ყველაფერი სხვაგვარადაა, ეს ბოლო ორი წელია, უფროსთანაც კარგ ურთიერთობაში ვარ, საერთაშორისო კონგრესებზეც თან მივყავარ და საავადმყოფოშიც ძალიან მაფასებენო“. „პარტიაში თუ შეხვედი?“ — დავინტერესდი მე. კიო, მითხრა და მაშინვე დასძინა, არც მთლად ისეა საქმე, შენ რომ გგონია. ვიდრე მაგ ნაბიჯს გადავდგამდი, ყველაფერი კარგად აეწონ-დაეწონეო.

„მე არაფერიც არ გგონია“, — შევაწყვეტინე მაშინვე. ჰინერი ისევ დაჯდა. ცოტა ხნის შემდეგ ჩემი მშერა რომ დაიჭირა, მკითხა, ხომ არ ბრაზობო? „რა მაქვს გასაბრაზებელი?“ — ვავიკვირვე მე. „შენს დასთან ერთად რომ მოვედი“. „კი მაგრამ, მე რა შუაში ვარ?“ „ძალიან კარგი, თუ ასე მშვიდად შეხვდი ამ ამბავს. არასოდეს მეპარებოდა ეჭვი შენში. ჩვენ ყოველთვის შესანიშნავად ვუგებდით ერთმანეთს“.

„რაც შეეხება გაგებას, მაგაზე ვერაფერს გეტყვი, მაგრამ შენი და ირენეს ამბავი მე არ მეხება. ეგ თქვენი საქმეა“. ჰინერი წამოდგა, ლოყაზე მომეფერა და დაამატა: „მართლაც რომ გაგებულნი ადამიანი ხარ“.

სამზარეულოში რომ დავბრუნდი, ჩემი და ახველებდა, დედაჩემს ნამტირალევი თვალები ჰქონდა. ხმაც არ ამოვიღია, ჭიქების გამშრალეებას შევუდექი. ისევ დედამ დაარღვია სიჩუმე: „არ დაგავიწყდეთ რომ შობაა, ნუ დაუშვით ერთმანეთს გულს“. უცხად მომიტრიალდა ჩემი და და მკითხა: „შენც მასე ფიქრობ, რომ მე წაგართვი ჰინერი?“

„საიდან მოიტანე, ჩვენ უკვე კარგა ხანია დავშორდით ერთმანეთს. მე აღარაფერი მაკავშირებს მასთან. ასე რომ, მშვიდად შეგიძლიათ იძინოთ ერთად“.

„საქმე მხოლოდ ეგ არაა, ჩვენ გვიყვარს ერთმანეთი“. — უკმეხად მომიგო არეხემ.

„შენი არ ვიცი, მაგრამ ჰინერისათვის რაცაა მოავარი, მე ნუ მასწავლი“. ამ სიტყვებზე კი თავი ვეღარ შეაკავა ჩემმა დამ და ატირდა, ბრაზი მომივიდა საკუთარ თავზე. რატომ მოვექეცი ასე?! რა საჭირო იყო ამისთვის რა ჩემი საქმე იყო, რა ურთიერთობაში იქნებოდნენ ჰინერი და ჩემი მხოლოდ ბოდიში მომეხადა, რაღაც ამეხსნა, მაგრამ რაღა აზრი ჰქონდა. ის უკვე გაბოროტებული იყო. დედა კვლავ შეეცადა ჩვენს დამშვიდებას: არ გინდათ, ნუ ჩამწარებთ შობა დღესო.

ყველანი ჩუმად ვისხედით და ყავას შევექცევოდით. მარტო დედა ლაპარაკობდა, ხან ერთ ნათესავზე ყვებოდა რაღაცას, ხან მეორეზე. ირენე გაბუტული იჯდა, ჰინერი კი უხერხულად გრძნობდა თავს. ახლავა მიხვდა მამანემი რაც მოხდა. ჰინერი და ჩემი და რომ გამოემშვიდობნენ მამას, ეს უკანასკნელი საშინლად გაფითრდა. შემეცოდა, უწინ ალბათ მოთმინებიდან გამოვიდოდა, მაგიდაზეც დაარტყამდა მუშტს, მაგრამ ეს მხოლოდ უწინ. ახლა კი გულში იკლავდა ყველაფერს. ჩუმად იჯდა ტელევიზორთან და აღარავის ვაქცევდა ყურადღებას. შევამჩნიე, ნერვიულობისაგან მოლად გათეთრებოდა ხელები.

იმ ღამეს აღრე დავექეით. მეორე ოთახიდან მესმოდა, როგორ ეხვეწებოდა დედა მამას: „ჩმა ამოიღე, ადამიანო, თქვი, რას ფიქრობ?“ მაგრამ მამა ხმას არ იღებდა.

ვიწექი და ვფიქრობდი, რა დარჩა ჩემი და ჰინერის ურთიერთობიდან-მეთქი? ისე გავიდა ეს წლები, არც კი გამხსენებია იგი, ჩვენ სამუდამოდ გავუცხოვდით ერთმანეთისათვის. მაგრამ ჩემს დაზე, ცოტა არ იყოს, მაინც ბრაზი მომდიოდა. შეურაცხყოფილად ვთვლიდი თავს.

მომღეუნო დღემაც. მართალია მოწყენილობაში, მაგრამ მაინც მშვიდად ჩაიარა. ვახშმად დეიდა გერდა და ბიძია პაულიც მოვიდნენ. მე კი დედის დაჯინებული თხოვნით ჩემს სამსახურეობრივ საქმეებზე ყვევბოდი.

მოგვიანებით ჩემი დის ქმარმა მანესმა დარეკა. ყურმილი დედამ აიღო, თავისი შვილიშვილი მოიკითხა და თან ხელით მანიშნა, მოდი, შენც დაელაპარაკეო. უარის ნიშნად ხელი გავუქიე და დეიდა გერდა ოთახიდან გავიყვანე, კარიც გამოვიხურე, რომ სიცრუის თქმის არ შერცხვენოდა დედას. დედაც მალევე მოგვევა უკან.

ყველას ვადმოვეცა ჰინერის მოკითხვა. მაშინ მამას გავხედე, თავიც არ აუწეესა, მივხვდი, რაც ხდებოდა მის გულში.

მეორე დღით ავიღე ჩემი ფოტოაპარატი და ბუნებაში გავედი. ისე ციოდა, ღამის გავითოშე. კაფეც კი არსად იყო, რომ შევსულიყავი. შებინდებამდე დავბრუნდი შინ.

რისთვის ჩამოვედი მშობლებთან? ჩვენ ხომ აღარაფერი გვაკავშირებდა ერთმანეთთან? არა და, ვიცოდი, მოძავალ წელსაც ჩამოვიდოდი. და ასე იქნებოდა მანამ, ვიდრე სიკვდილი არ გავყვრიდა. ყოველ ჩამოსვლამდე ვსაყვედურობდა თავს: „რატომ ჩამოდიხარ?“ მაგრამ სიმამაცე არასოდეს არ მეყოფოდა, რომ რიდისმე გამეწყვიტა ჩემს მშობლებთან ურთიერთობა, რომელმაც უკვე კარგა ხანია დაკარგა აზრი.

საოცარი ის იყო, რომ მე და ჩემს მშობლებს წარსულთანაც კი სხვადასხვაგვარი მოგონებები გვაკავშირებდა. ერთ ღამეს მარტონი რომ დავრჩით, უამრავი რამ გავიხსენეთ ქალაქ G-ში გატარებულ წლებზე. და გამოვირდა, როცა აღმოჩნდა, რომ ის წლები, მე რომ მძიმედ და აუტანლად მესახებოდა და

თავს ყველაზე უბედურად ვთვლიდი, ჩემი მშობლებისათვის სანატრელი და ბედნიერი ყოფილა. ჩვენ არასოდეს გვესმოდა ერთმანეთის.

ერთი სიტყვით, იმ საღამოს სასიამოვნო მოგონებებმა გაიტაცეს ჩემი მშობლები. დედა კმაყოფილი ჩანდა. თუმცა მისმა ერთმა კითხვამ: ხვალისთვის რა გეგმები გაქვსო? — კინადამ ყველაფერი გააფუჭა. არ ესიაშოვნა, როცა გაიგო, რომ სურათების გადასაღებად ვაპირებდი — წასვლას.

ვიდრე დასაძინებლად გავიდოდით, ერთმანეთს გადავეხებოდით. უწინ გვჩვეოდა ასე, მაგრამ ეს ასე დიდი ხნის წინ იყო, რომ ახლა დაუჯერებელიც კი გვეჩვენებოდა.

კვირას ჰენრი ჩამოვიდა. მას კუბოკრული, ყავისფერი პიჯაკი ეცვა, თავზე ფართოფარფლიანი ქუდი ეხურა. პირველად ენახე ასე ჩაცმული, კინადამ სიცილი ამიტყდა. ვუთხარი კიდეც, მეორეხარისხოვანი შოუს კონფერანსიეს გავხარ-მეთქი. რაზეც, ცოტა არ იყოს, შეცბუნებულმა მითხრა: „რა ვიცი, აბა, ჩემი საგარეო პიჯაკი ესაა, შთაბეჭდილების მოხდენა მინდოდა“. შინ რომ შევდიოდით, ხელი მომხვია და ყურში ჩამჩურჩულა: „ერთი სული მაქვს, როდის დაეწვეებით“.

დედას ძალიან გაეხარდა ჰენრის ჩამოსვლა. ჩათვალა, რომ ეს უწინდებურად დედა-შვილის კარგი ურთიერთობის საწინდარი იყო. ეს კი იმაზე მიუთითებდა, რომ დედა-შვილს ერთიმეორისაგან დამალული არაფერი ჰქონდათ. ასე რომ, ეს ფაქტი დედამ ნდობის ნიშნად მაინჩნია. გვერდიდან არ შორდებოდა ჰენრის, ხან რას სთავაზობდა, ხან რას. თან წამდაუწუმ ეკითხებოდა, კიდეც ხომ არაფერს ინებებთო. ეტყობა, ჰენრიმ კარგი შთაბეჭდილება მოახდინა მასზე.

„რას საქმიანობო?“ — დაინტერესდა მამა და როცა ჰენრის სერიოზული და აზრიანი პასუხი მოისმინა, შევამჩნიე, კმაყოფილი დარჩა. მამასთვის ისე მნიშვნელოვანი იყო პოლიტიკა და სამსახური, რომ არ უყვარდა ამ საკითხებზე ავდებულები ლაპარაკი. ახალ თაობას უნდობლად უყურებდა, უპასუხისმგებლობაში სდებდა ბრალს. მისი აზრით, ახალი თაობა იმასაც დაკარგა, რაც ძველმა თაობამ მოიპოვა. მამას არც დედა ჩამორჩა და ახლა მან ჰკითხა ჰენრის: „დაქორწინებული ხართ?“ „კი, ორი შვილიც მყავს“, — გულახდილად უპასუხა ჰენრიმ. ნერვიულობისაგან ენა ჩაუგარდათ ჩემს მშობლებს. მერე კი აუხსნა ჰენრიმ, გაყრდნები ვართო, მაგრამ ეს უკვე ნაკლებ უშველიდა წახდენილ საქმეს. საბრალო მოხუცები, რამდენი იმედგაცრუება შეხვდათ ამ ახალ წელს!

საღამოს ბრიჯი ვითამაშეთ. დედა თითქოს გამოცვალებო, ყოველნაირად ცდილობდა თავი მოეწონებინა, რაიმეთი მოენადირებინა გული თავისი შესაძლო და მომავალი ხიძისათვის. დედას მხოლოდ ერთადერთი სურვილი ამომრავებდა, ბედნიერი ენახა თავისი ქალიშვილი. ბედნიერება კი მას თავისებურად ესახებოდა.

„სად გავუშალოთ ჰენრის, სასტუმრო ოთახში ხომ არ აჯობებს?“ — მკითხა მოგვიანებით დედამ და როცა ვუთხარი, ჰენრი ჩემთან დაწვება-მეთქი, აღარაფერი უთქვამს.

იმ ღამეს ჰენრიმ თავის ცოლზე შემომჩივლა: „მემუქრება, რატომ, თავადაც ვერ გამოიგია. არადა, ასე განმიცხადა, გაყრას არ მოვცემო“. „კი მაგრამ, ეგ შენ ძალიან გადარდებს?“ — ვკითხე მკ.

„ვერ გეტყვი, უბრალოდ, თავადაც ვერ გავრკვეულვარ. მხოლოდ ერთადერთი რამ ვიცი ჩათვალ, რომ ბავშვებს ვერ მივატოვებ“.

გვერდი-გვერდ ვიწექით და სიგარეტს ვეწეოდით. ორივეს ჩვენ-ჩვენი მტანჯველი და მოულოდნელობებით აღსავსე საფიქრალი გვქონდა.

მეორე დღეს, ვიდრე მე და დედა სამზარეულოში ვფუსფუსებდით, მამამ სახლის უკანა მხარეს, ფარდულში გაიყვანა ჰენრი და იქ საქმიანობდნენ. სადილობის შემდეგ ქალაქში გავისეირნეთ მე და ჰენრიმ. ნათელი, მზიანი ამინდი იყო. დამით კი თოვდა, მაგრამ დადებით არ დაუდვია. თოვლჭყაბს მთლად აქტალახებინა ქუჩები. სახლების წინ სოფლის ახალგაზრდობას მოუყარა თავი. როცა ჩავუარეთ, რაღაც გაიხუმრეს და თან გაიქცნენ.

თბილოდა და პალტოები გახსნილი გვქონდა. მოულოდნელად ჰენრიმ მკითხა: „ჩემგან რას მოელი?“ მე ვერ გავიგე მისი შეკითხვა და გაოცებულმა შევეკითხე.

„მაინტერესებს, რას ფიქრობს ჩვენს შემდგომ ურთიერთობაზე“.

„არაფერსაც არ ვფიქრობ“.

„ძალიან კარგი, არ მინდა იმედი გავიცრუო, ან თავად დავრჩე იმედგაცრუებული“.

„სავსებით გეთანხმები“.

„ძალიან კარგი,“ — ჩაილაპარაკა ჰენრიმ მრავალმნიშვნელოვნად.

ეკლესიაში შევედით და ბოლო მერხზე დავსხედით. წირვა მიდიოდა. ჩვენს გარდა რამოდენიმე ხანში შესული ადამიანიც იჯდა. მღვდელი განუწყვეტლივ ჩვენსკენ იყურებოდა. ისეთი შეგრძნება გავვიინდა, რომ ხელს ვუშლიდით. ჩვენ იქ უცხონი ვიყავით და წამოკვდით.

უკან რომ ვბრუნდებოდით, უამრავი წყვილი შემოგვხვდა გზაზე. ქალებს ქურქის ქვეშ გრძელი კაბები ეცვათ, თმაში ბურბუშელები ჩაემაგრებინათ. ყველა შემხვედრი გვესალმებოდა და გვილოცავდა, ჩვენც თავს ვუკრავდით.

სახლთან ახლოს, უკვე ჩვენს შესახვეეთან, ერთი ქალი იდგა და ხმამაღლა მოსთქვამდა. სახეზე ღაპალუპით ჩამოსდიოდა ცრემლი. თან განუწყვეტლივ ხელჩანთას იცემდა ფეხებში. იქვე მოშორებით დაბალი კაცი იდგა და უშვერი სიტყვებით ლანძღავდა ქალს. მაგრამ არც ქალი აკლებდა.

გვერდით რომ ჩავუარეთ, ჰენრიმ ახალი წელი მიულოცა მათ. მაგრამ კაცმა ისე, რომ გამომეტყველებაც კი არ შესცვლია, მიამახა: „მიდი რა, შენს გზაზე გაიარე“.

სალამოს ბიძია პაული და დეიდა გერდა გვესტუმრნენ, მოგვიანებით კი ირენე და ჰინერიც შემოგვიერთდნენ. საკმაოდ ბევრი დავლიეთ. ბიძია და მამა გაუთავებლად კამათობდნენ. მოულოდნელად ჰინერი წამოდგა და ჩემთან განმარტოებით საუბარი მოიხურვა.

სამზარეულოში გავედით. ჰინერი ღუმდა და იძულებული ვიყავი ისევ მე წამომეწყო. „რა გინდოდა?“ „ნუთუ მართლა შეგიძლია შეიძულო შენი და?“ ჰინერის თქმით ჩემი და თავს დამნაშავედ და უბედურად გრძნობდა. „ეგებ რაიმე იღონო? ოდესღაც ხომ შენც გიყვარდი და არც შენი მშობლები იყვნენ ჩემით უკმაყოფილონი. რა გასაკვირია, რომ მე და შენს დასაც შეგვიყვარდა ერთმანეთი. ეგებ შეურიგდე შენს დას? თქვენ არ უნდა დაგმოთ ჩვენი სიყვარული“.

ის იყო პირი დავაღე, რომ მეთქვა, პირიქით, ძალიან მოხარულები ვიქნებით-მეთქი, მაგრამ დროულად ჩავიკმინდე ენა.

„ნუთუ ასე შევიცვალე?“

ოთახში რომ დავბრუნდით, ირენემ ისე დამორცხვებულმა გადმოძხედა, გული მომიკვდა და გავუდიმე. მან შვებით ამოისუნთქა. თერთმეტი საათისათვის ირენე და ჰინერი გამოგვემშვიდობნენ, სხვაგან უარო წასასვლელელებით.

შუალამისას შამპანური გავხსენით და კიდევ ერთხელ მიუულოცეთ ერთმანეთს ახალი წელი. ბიძია პაულმა გადამოკიცხა და დეიდა გერდამ აიხირა, გინ-

და თუ არა ჰინერმაც მაკოცოსო. ეს უკანასკნელიც შეცბუნებული დაემორჩილა მის მოთხოვნას. საოცრად კმაყოფილი დარჩა დეიდა. მერე აივანზე გავედით, ჰენრიმ რაკეტები და პეტარდები გაუშვა. სპეციალურად შეეძინა ბერლინში, ალბათ უამრავი ფულიც დახარჯა. ახლა კი იდგა და ჩემთვის გასათვარი ბავშვური აზარტით, ერთიძეორის მიყოლებით ისროდა.

დედას სავარძელშივე ჩაეძინა და მშვიდად ფშვინავდა. უკვე პირველი იქნებოდა, საწოლში რომ ჩავაწვიხე. დამჯერად კი გამოძევა, მაგრამ დაჟინებით მიმტკიცებდა, არ მეძინებო. ცოტა ხანში მეც დავწექი. უკვე ძილბურანში ვიყავი, ჰენრი რომ შემოვიდა და ალერსი დამიწყო, მაგრამ მე ავბუნლუნდი, დაღლილი ვარ და მეძინება-მეთქი და შემეშვა.

მეორე დღით გვიან ვისაუზმეთ და მერე ჩვენს გზას დავადექით. ჰენრიც თავის მანქანით იყო. ხან გამისწრებდა, ხან ჩამომრჩებოდა, უნდოდა შეჯიბრში გამოვეწვიე, მაგრამ ვერ ამიყოლია.

საფოსტო ყუთში მისალოცი ბარათები დამხვდა. ერთი წერილი შარლოტა კრამერისაგან იყო, თავისთან მეპატიჟებოდა ახალ წელს.

საღამოს რესტორანში წავედით მე და ჰენრი. მიხლოდა მის ცოლზე ჩამომეგლო ლაპარაკი, მაგრამ უგუნებოდ იყო და აღარ ჩავძიებდით. ბოლოს და ბოლოს ეს მისი პრობლემა იყო და ვერაფრით დავეხმარებოდი.

დღით ადრე პოლიკლინიკაში წავედი. ვიდრე ავადმყოფების მიღებას დავიწყებდი, კარლას ენა არ გაუჩერებია, მაგრამ რას ყვებოდა, ერთი სიტყვაც არ გამიგია.

თავი მეთორმეტი

მომდევნო თვეებმაც გახუნებულ ერთფეროვნებაში ჩაიარა. სამსახურიდან ისეთი დაღლილი ვბრუნდებოდი, რომ არაფრის გაკეთების თავი აღარ მქონდა. ცოტას თუ წავიკითხავდი ან ტელევიზორს ვუყურებდი. კვირაში ორ-სამჯერ ჰენრის ვხვდებოდი, საოცრად შევეჩვიე მას და საკმაოდ ნორმალურადაც მიდიოდა ჩვენი ურთიერთობა. ხანდახან ვცდილობდი მთელი კვირა არ მენახა; მეგონა, ასე გადავარჩენდი ყოველდღიური ჩვეულებრივობისაგან. ყოველ შემთხვევაში, მე ასე მჯეროდა.

ქალბატონი რუპრეხტის ბინაში ამჟამად სხვა ცხოვრობდა. მგონი, არმიის ოფიცერი იყო. იშვიათად თუ ვხვდებოდი მას, ისიც ლიფტთან.

თებერვალში ორმოცი წელი შემისრულდა. არც კი ველოდი, ისე მესტუმრა დედა. ნახევარი დღე სადგურში გაუტარებია, რომ თუნდაც ორი საათით მაინც ყოფილიყო ჩემთან. საჩუქრად კოფთა მომიტანა. კაფეში წავედით. ლაპარაკისას დედამ სასხვათაშორისოდ მამცნო: „ამ ზაფხულს შენს დას და ჰინერს ნიშნობა აქვთ. ირენეს იმედი აქვს, იქნებ იმ დროისთვის გაყრის საქმე მოავაროსო“. ცოტა არ იყოს, უაზრობად მომეჩვენა ნიშნობის მოწყობა. თუმცა ამას ჩემთვის არავითარი მნიშვნელობა არ მქონდა. მერე მამას ჯანმრთელობაზე დავიწყებ დედამ წუწუნის, ამ ბოლო ხანებში თავს ვერ გრძნობსო კარგად. „ჰენრიმ რა გაჩუქა?“ — მკითხა მოულოდნელად დედამ და როცა ვუთხარი, არც კი იცის, რომ დღეს დაბადების დღე მაქვს-მეთქი, გული ეტკინა, იფიქრა, ნამდვილად დამორღვენ ერთმანეთსო, მაგრამ მაშინვე დავამშვიდე, მაგ მხრივ ყველაფერი წესრიგშია-მეთქი. ყველაზე მეტად დედის ბოლო შეკითხვამ დამაფიქრა: „რა ვქნა, მამის სიკვდილის მერე?“ ალბათ უნდოდა მეთქვა, ჩემთან ვადმიოდი საცხოვრებლად-მეთქი, მაგრამ ვერაფერი ვუპასუხე. დედამ მალევე იტაცა პირ-

ზე ხელი, თუმცა რა სისულელებს ვროშავ, ცოცხალ კაცზე ამის თქმა ხომ დი-
დი ცოდვააო.

ხალამოს საღვურში გაეცაილე. ბაქანზე ვიდექი და გავყურებდი. მინის
მიღმა იჯდა მოხუცი ქალი და სევდიანი, მორიდებული ღიმილით ჩემს თანა-
ვრძნობას ითხოვდა.

ეროვნული

შინ რომ დაებრუნდი, შევეცადე, თვალი გადამევლო ხეყვანისაივის;
ნუთუ ორმოცმა წელმა განვლო უკვე, — არაფრით არ თავსდებოდა ეს ჩემს
თავში. მთელი ეს წლები ხომ რაღაცას ველოდი, მინდოდა რაიმე განსაკუთრე-
ბული მომხდარიყო ჩემს ცხოვრებაში. რა, რომ გუკითხათ თავადაც არ ვიცო-
დი, მაგრამ ოცნება მქონდა ასეთი.

მარტში გაზაფხულის დროზე გადავედით. საათის ისრები ერთი საათით
წინ გადავწიეთ. ამას თუ ჩავთვლით ამ თვეში ჩემი ცხოვრების ყველაზე ამა-
ღელვებულ და უჩვეულო მოვლენად. ისე კი, პირად ცხოვრებაში არაფერი შემ-
ცვლია, მაგრამ ყოველდღიურობაში ხომ დაირღვა რაღაც, თუნდაც ჩვეული
დროის მექანიზმი. შემოდგომით ისევ უკან გადავწვეთ საათის ისრებს და ჩემი
ცხოვრებაც კვლავ ჩვეულ კალაპოტში ჩადგება.

თავისუფალ დღეებში ვიღებდი ჩემს ფოტოაპარატს და ქალაქგარეთ გავ-
დიოდი. მაგრამ სულ უფრო და უფრო მიჭირდა ჩემთვის საინტერესო პეიზაჟე-
ბის შერჩევა. ასე მეგონა, ყველა მასალა ამოვწურე-მეთქი. ხანდახან მქონდა
ისეთი წუთები, როცა ვერაფერს ვეღარ ვიღებდი და ხელმოცარული ვბრუნდე-
ბოდი შინ. ყოველი ასეთი დაბრუნება პიროვნულ დამარცხებად მიმაჩნდა და
უფრო მძაფრად ვგრძნობდი ჩემი ფოტოების არარაობას.

იშვიათად დაკდიოდი მეგობრებთან, მაგრამ ამასაც ვნანობდი, რადგან
ვგრძნობდი, ნაკლები საერთო მქონდა მათთან. იქნებ ვშიშობდი კიდევ, ვაითუ
ხშირი შეხვედრით, მათი ბედის თანამონაწილე გავმხდარიყავი. ვიცი, უამრავი
რამ არსებობს, რის გამოც ურთიერთობენ ადამიანები ერთმანეთთან, მაგრამ
ეს მე არ მეხება, არც არაფერში მეხმარება, პირიქით, მამძიმებს კიდევ. მე ხომ
სანაგვე ფუთი არა ვარ, რომ ყველამ ვისაც მოესურვება, შიგ ჩაყაროს თავისი
ყოველდღიური, აბსურდული ცხოვრებისაგან თავსდატეხილი პრობლემები.
ამისთვის მე მაინც არ გამოვდგები. ანასთანაც ამიტომ ვცდილობ საათზე მეტი
არ ვილაპარაკო. და ყოველთვის ისეთ ადგილზე ვუნიშნავ შეხვედრას, მაგალი-
თად, კაფეში, რომ ანამ ვერ შესძლოს თავისი ემოციების გადმოფრქვევა. ასეთ
ადგილებში ანა უფრო თავშეკავებულია. სახლში კი არასოდეს მივსულვარ მას-
თან და არც ვაპირებ (თუკი, რაღა თქმა უნდა, ჩემი მორიგეობა სასწრაფო დახ-
მარების მანქანაზე არ დაემთხვეოდა იმ დღეს, როცა ცოლ-ქმარში დაგროვილი
ბაღდაძი ორივეს კრიზისამდე მიიყვანდა).

აქამდე უფროსთან სტუმრობისაგან თავდაღწევას ვახერხებდი. მეშინოდა,
რაიმე ხათაბაღაში არ გამეყო თავი. ვაითუ ამ ხშირ სტუმრობას მის პრობლე-
მებში ჩარევა მოჰყოლოდა. მერე კი ის მცირე, მაგრამ მაინც ამბივალენტური
სიყვარული თუ სიმპათია, ამ მოხუცისადმი რომ გამაჩნდა, სასაცილო თანაგრ-
ძნობაში გადამეზრდებოდა. ან რა აზრი მქონდა, მე ხომ მაინც ისე ვერ გავი-
გებდი მის პრობლემებს, როგორც საჭირო იყო. პრობლემები ჩვენ ყველას გვაქვს:
ანასაც, ჩემს მშობლებსაც, პინერსაც, ჩემს დასაც, ჰენრისაც (დღესაც, როცა
ჰენრი აღარაა ამქვეყნად, მისი პრობლემები მაინც დარჩა, უბრალოდ, სხვებს
გადაულოცა). მე რაში მაინტერესებს, ვიცოდე, ვის რა პრობლემა აქვს. მხო-
ლოდ ქალბატონ რუპრეხტს აღარ აქვს პრობლემა.

არასოდეს მქონია ჰენრისთან მის პრობლემებზე ლაპარაკი. კი, ერთი-

ორჯერ მითხრა რაღაც მინიშნებით, ზოგიც თავად მივხვდი, მაგრამ, საბედნიეროდ, ორივენი გავუბრუნდი ამ თემას. ერთადერთი კითხვა, როცა ვხვდებოდით, ეს იყო: „როგორ ხარ?!“ პასუხიც, რაღა თქმა უნდა, შეესაბამებოდა ჩვენი ღუმილის ხელშეკრულებას, ან რა საჭირო იყო, დაგვემძიმებინა ერთიმეორისათვის გული ჩვენ-ჩვენი გასაჭირით? რატომ უნდა ჩაგვემწარუბინა ის საამიოვნება, რასაც ერთად ყოფნა გვკვრიდა? მით უმეტეს, რომ გადამჭრელ პრობლემებზე ფიქრი არაფერს შემატებდა ჩვენს ურთიერთობას. როცა არ უნდა გვეკითხა ერთმანეთისათვის, ყოველთვის კარგად გვექონდა ორივეს საქმე. რატომღაც ასე მიგვაჩნდა. ყოველ შემთხვევაში, ასე ეცდილობდით მიგვეგნო ჩვენი საიდუმლო კუნძულისათვის ადამიანთა პრობლემების ამ უნაპირო ზღვაში. თითქოსდა ფარავით გვექონდა ეს კითხვა-პასუხი: „როგორა ხარ?“ „კარგად. მშვენივრად ვგრძნობ თავს“. თუ არა ხარ კარგად, დარჩი სახლში და მარტომ რამდენიც გინდა იმდენი იღრიალე ითხ კედელ შუა. მე ვერ ვიტყვი, რომ ბედნიერი ვარ, მაგრამ არც უბედურად მიმაჩნია თავი. კმაყოფილი ვარ ჩემით და ესეც კმარა.

სავსებით მაძლევს ხელს მე და ჰენრიის ღუმილის ხელშეკრულება. ეს ჩვენს ურთიერთობას უფრო უშუალოს და დაუძაბავს ხდის.

თერამეტ აპრილს ჰენრი დაიღუპა. დაღუპვამდე სწორედ ორი დღით ადრე ვნახე, სამსახურში ვიყავი მასთან. მეორე დღეს კი ქალბატონი ლუბანი მოვიდა ჩემთან და ეს ამბავი შემატყობინა. საიდან გაიგო ეს ყველაფერი, იქნებ მითხრა კიდეც, მაგრამ ვერ გავიგე. კარშივე გავშეშდი: „სამწუხარო ამბავი უნდა გითხრათ, ბატონი ზომერი დაიღუპა. ვიფიქრე, თქვენ აუცილებლად უნდა გცოდნოდით“. არასოდეს დამაუიწყდება ქალბატონი ლუბანის მზერა, რომელშიც თანაგრძნობაც გამოსჭვითდა და ხარბი ცნობისმოყვარეობაც. იგი შეეცადა ოთახში შემოსულიყო, მაგრამ გაოგნებული ვიდექი კარში და არ ვინძრეოდი, მისი ლაპარაკიც არ მესმოდა. უნდოდა თანაგრძნობის ნიშნად ხელი მოეხვია და ოთახში შემეყვანა, მაგრამ მე მისი ხელი მოვიშორე. „ხომ ვერაფრით დაგეზმარებით?“ — არ მეშეუბოდა ქალბატონი ლუბანი. „მადლობთ, არა“, — ვუპასუხე და კარი მიუჯახუნე.

სავარძელში ჩავესვენე. სიგარეტს ვეწეოდი და ქალბატონი ლუბანის ნათქვამზე ვფიქრობდი. თუმცა ფიქრის თავიც აღარ მქონდა. რა მეღონა, არ ვიცოდი, რაც მითხრეს, იმაში ერთი წამითაც არ მეპარებოდა ეჭვი. გადამოწმების სურვილიც კი არ გამჩენია. ჰენრიის სიკვდილი მოულოდნელად, თავხარივით დამეცა, მაგრამ საოცარი ის იყო, რომ არ გამკვირვებია. არა, რაიმე შიში ან წინათგრძნობა კი არ მქონია, მაგრამ თითქოს მაინც მზად ვიყავი ამისთვის. ასე რომ, ამ ამბავს არც გავუოგნებოვარ, არც სასოწარკვეთაში ჩავუგდივარ, თუმცა ეს მე არც მჩვეოდა.

ჰენრი მოკლეს.

ჰენრიის მეგობარს, ბატონ კრემერს დავურეკე. ერთხელ მყავდა ეს კაცი ნანახი, მახსოვს, მაშინ მოუეწონე და არშიყობაც დამიწყო. მერე, რამოდენიმეჯერ სამსახურში რომ დავურეკე ჰენრიის, ტელეფონზეც შემხვდა.

კრემერისაგან მინდოდა გამეგო, როდის კრძალაუდნენ ჰენრიის. „ჯერ გვამს არ გვამდევენი“, — მითხრა მან. შიშისაგან ხმა ჩამიწყდა. „ხომ არ გაითიშა?“ — იკითხა მან. ნაჩქარევად გამოვემშვიდობე და შევთანხმდით, რომ რესტორანში შევხვდებოდით სამსახურის შემდეგ.

პირველმა მე დავინახე რესტორანში შემოსული კრემერი, თვალებით მეძებდა, ერთხელ თითქოს შეხვდა კიდეც ჩვენი მზერა ერთმანეთს, მაგრამ ვერ

მიცნო და მე ხელი დაუქნიე (ამჟამად აღარ უცდია გაარშიყება), სახეზე ნერვიული ღიმილი დასთამაშებდა, შეცბუნებული ჩანდა. მისი შეცბუნების მიზეზიც მალე გავიგე, ჰენრი კრემერის თვალწინ მოუკლავთ. ერთად ყოფილან ლუდხანაში. ეილაც ბიჭებს სიცილი აუტეხიათ ჰენრის ფარფლებიან ქუდზე. თავიდან ყურადღებას არ აქცევდა, მაგრამ როცა ერთ-ერთ მათგანს ხელი წაუვლია მისი ქუდისთვის, ველარ მოუთმენია და ის ბიჭი გარეთ გაუხმევეს. მე გადმომცა, — განავრძობდა კრემერი, — თავად კი იმ ბიჭებთან ერთად კარტით გავიდა. მეც გავყვი. ჰენრი და ის ბიჭი ერთიმეორის პირისპირ გაჩერდნენ, დანარჩენებმა კი წრე შემოარტყეს. ჰენრიმ მალლა ასწია დამუშტული ხელები და მოწინააღმდეგის წინ, ადგილზევე იწყო ხტუნვა. ის ხომ ადრე მოკრივე იყო. „თქვენ რა, არ იცოდით?“ მართლაც პირველად მესმოდა. „ჰენრი საკმაოდ პროფესიონალურად მოძრაობდა, მაგრამ ბიჭები დასცინოდნენ მას. მერე ალბათ მოთელვის მიზნით, ჰენრიმ ჰაერში რამოდენიმეჯერ მოიქნია მუშტი. მაგრამ სწორედ ამ დროს მოწინააღმდეგემ რაღაც დაარტყა და ჰენრი მოცელილივით დაეცა. აღარც განძრეულა. იმ ბიჭს კასტეტი აღმოაჩნდა ხელში. მაშინვე მივვარდი, მაგრამ ჰენრი თვალდახუჭული იწვა და მარცხენა საფეთქლიდან სისხლი მოსდიოდა. მეგონა, გონი დაკარგა-მეთქი, მაგრამ უკვე მკვდარი ყოფილა. უცბად რომელიღაცამ დაიძახა, ბიჭებო, გავიქცეთო, მე კი მომადახეს, ენას კბილი დააჭირე, თორემ შენც მიგაყოლებთო. ლუდხანიდან სეირის საყურებლად გამოსულ ხალხს ვთხოვე პოლიციისთვის და სასწრაფოსთვის გამოეძახათ, მე კი ვიდექი გაშეშებული. გვიანლა მიუხედავად, რომ ჰენრი უკვე მკვდარი იყო. იმავე დღეს დამკითხა პოლიციამ, მეორე დღითაც დამიბარეს, ის ბიჭები დაუჭერიათ და უნდა ამომეცნო. ბიჭი, რომელმაც ჰენრის დაარტყა, ტიროდა. ასე ჩვიდმეტეტი წლის იქნებოდა ალბათ. დანარჩენებიც ოც წელზე მეტის არც ერთი არ იქნებოდა. ერთმა პოლიციელმა, გამოცილებებისას მკითხა, თქვენ რატომ არ ჩაერიეთ ჩხუბშიო? მაგრამ მართლა ისე უცბად მოხდა ეს ამბავი, რომ ვერაფერი მოვასწარი. ჰენრი იღიმებოდა, არც კი აპირებდა ბიჭებთან სერიოზულ ჩხუბს. ახლა კი, რაღა თქმა უნდა, ვკიცხავ საკუთარ თავს, მაგრამ მენდეთ, მართლაც და, რის გაკეთება შემეძლო მე?“

„მე მესმის თქვენი“, — შევეცადე დამემშვიდებინა იგი. კრემერმა ისეთი თვალებით გადმიმხედა, თითქოს მართლაც შემეძლო დანაშაული ჩამომეხსნა მისგან, დანაშაული, რომელიც თავადვე აიღო თავის თავზე. რა თქმა უნდა, კრემერისათვის მძიმე იყო ამ ამბის დავიწყება, ვერც ვერასოდეს დაივიწყებდა ალბათ.

ორივე ვლუძდით. ნერვიულობისაგან კრემერი ჭიქას ატრიალებდა ხელში, მერე თავის ხელებს დააშტერდა და ჩაიბურღლუნა: „დიდი უბედურება დაგკატყდა თავს. ეს ჩემთვისაც დიდი უბედურებაა“. თავი დაუქნიე, დაკრძალვის თაობაზე ისევე არაფერი იცოდა. პოლიცია ჯერ არ იძლეოდა გვამს. შეიძლება რამოდენიმე კვირასაც გაგრძელებულიყო ასე. გამომშვიდობებისას მთხოვა კრემერმა, კიდევ ერთხელ შევხვედეთ, ჩვენ ხომ საერთო მეგობარი დაკვარეთო. შესაბრალისი სახე ჰქონდა კრემერს. „ეს ჩვენ არ გვიშველის“, — ვთქვი და ისე სასწრაფოდ გავეცადე იქაურობას, თითქოს მეშინოდა, კრემერი არ დამწეოდა. უკვე სუნთქვა მიკვროდა. რას გავუბოდი?! თავადვე სასაცილოდ მომეჩვენა ჩემი საქციელი.

მთელი დღეები ჰენრიზე ვფიქრობდი. მინდოდა გამეხსენებინა მასზე რაიმე, მაგრამ ჩემი მოგონებები მხოლოდ და მხოლოდ ბუნდოვანი და გაფანტული იყო. სამსახურში კი დავდიოდი, მაგრამ რაც არ უნდა მეკეთებინა, ჰენრიზე

ფიქრი არ მშორდებოდა. გაზეთებში არაფერს წერდნენ ამ მკვლელობაზე, არც ველოდი, რადგან საქმე უკვე დახურულად სცნეს და გამოსარკვევიც აღარაფერი იყო.

მაისის შუა რიცხვებში, დაღუპვიდან ერთი თვის შემდეგ დაკრძალეს ჰენრი. დაკრძალვაზე წასვლის სურვილი არ მქონდა, მაგრამ მაინც წავედი. ბოლო ხანებში საშინლად დათრგუნვილად ვგრძნობდი თავს, მაგრამ რატომღაც საკუთარი თავი უფრო მეტრალეობდა, ვიდრე ჰენრი. ასე მეგონა, თითქოს მიღალატეს, მიმატოვეს. იძულებული ვიყავი კვლავ შევგუებოდი მარტო ცხოვრებას.

მაისის ბოლოს ჰენრის ოთახში ვიღაც მოხუცი შეასახლეს. პირველად საშინელი გრძნობა დამეუფლა, როცა დავინახე, როგორ გაიღო ჰენრის სახლის კარი და იქიდან ხანში შესული კაცი გამოვიდა.

მოხუცს ქრონიკული კატარი ჰქონდა. ღერეფანში რომ გამოდიოდა, ყოველთვის მესმოდა მისი მშრალი, ნაწყვეტ-ნაწყვეტი ხველა. ჩვენს სართულზე მცხოვრებ მოხუც ქალბატონთან მეგობრობდა. თითქმის ყველგან ერთად დადიოდნენ, თან თავიანთ განუყრელ ხელჩანთასა და პატარა სარწყავს დაატარებდნენ.

თავი მეცამეტე

ახლა უკვე ნახევარი წელი იყო გასული ჰენრის სიკვდილიდან. თითქოს შევეჩვიე მარტო ცხოვრებას. მშვენივრად მიდის ჩემი საქმეები, ყოველ შემთხვევაში, მე არა ვარ უკმაყოფილო. სასაყვედურო რა მაქვს?! ხუთ წელიწადში უფროს ექიმადაც დამნიშნავენ, თავად უფროსი დამპირდა. ნამდვილად მომიწევს უფროსთან სტუმრობა და ალბათ ყველაფერი მშვენივრადაც ჩაივლის. რა ჩემი საქმეა, თუ სამსახურში ჩვენი უფროსი არავის ეხატება გულზე. ზოგი ამპარტავანს, დოგმატიკოსსა და ცინიკოსსაც უწოდებს. მაგრამ მე მაინც უცნაური გრძნობა გამაჩნია ამ მოხუცისადმი. შეიძლება მისი სიმკაცრე ნიღაბი იყო, რომელიც უადვილებდა კოლეგებთან ურთიერთობას. ვიმედოვნებდი, ჩვენს შორის არსებული დისტანცია ბოლომდე შენარჩუნდებოდა. ჩემი უფროსი არასოდეს დამორჩილდებოდა სენტიმენტალიზმს და თავის პრობლემებში არ გამხვევდა. ამას კი ნამდვილად ვერ ავიტანდი.

აღფრთოვანებული ვარ-მეთქი ვერ ვიტყვი, მაგრამ არც მთლად უკმაყოფილო ვარ ჩემი სამსახურის. სიძნელეებსა და სანერვიულოს კი ვაწყდები, მაგრამ არც სიამოვნება მაკლია. თუმცა ჩემთვის ერთფეროვნება უფრო მოსაბეზრებელია. იმედია, ერთ ოც წელს კიდევ გავუძლებ ჩემს სამსახურს.

ოცნებები, რაღა თქმა უნდა, აღარ გამაჩნია, ალბათ იმიტომ, რომ ვიცი, მაინც არ ამისრულდება. მაგრამ ამ ბოლო ხანებში შიშმა შემიპყრო და სრულიად დამთრგუნა.

იმედია, კლიმაქსს მშვიდობიანად გადავიტან. აი, რაც შეეხება სიცხეს, ნამდვილად არ მიყვარს. ძალიან ცუდად ვხდები სიცხეში. ამისი წარმოდგენაც კი მზარავს, მაშინვე სულიერად ვიფიტები. ასეთ დღეებში ყოველთვის გავურბივარ ხალხს და სახლში ვიმალები.

ჩემი ოცნებაა, სადმე ლამაზ მხარეში ვიმოგზაურო, მაგრამ შევძლებ კი ამას როდისმე, არ ვიცი. ისე, სიამოვნებით წავიდოდი რომში ან პროვანსში. კიდევ ძალიან მინდა კანადისა და ცენტრალური აფრიკის რომელიღაც ქვეყნის ნახვა. ამ ადგილებზე მე ჩემი წარმოდგენები მაქვს. მაგრამ შეიძლება ჩემი წარმოდგენები მცდარია და იქ ჩასულს სულ სხვა სურათი გადამეშალოს. თუმ-

ცა ვნახოთ, იქნებ რა ხდება, და კიდევ მეღირსოს ამ ქვეყნების ნახვა. მაგრამ ამ ამ წელიწადში თუ მოვასწრებ, თორემ მერე მოხუცებულობაში ხომ არც სურვილი, არც ძალა აღარ შექნება ამისთვის.

ხანდახან ბავშვის აყვანაზეც მიფიქრია. ალრე თავად მინდოდა გამეჩინა, მაგრამ ყოველთვის რაღაცის მეშინოდა. ამ ბოლო ხანებში კი ობოლი გოგონას აყვანის სურვილი ამეკვიპა. წარმომიდგენია, რა ბედნიერი ვიქნებოდი, ეს ხომ მთლიანად შეცვლიდა ჩემს ცხოვრებას. მაგრამ რომ დავფიქრდები, ვხვდები, რომ გოგონაც ისევ და ისევ ჩემი ბედნიერებისათვის მჭირდება. ისე დაკარგა ცხოვრებამ ჩემთვის აზრი, რომ მინდა რაიმეთი შევივსოს. ასე რომ, ეს არაა ჩემი სენტიმენტალობით გამოწვეული სურვილი. სულაც არა. ბავშვი მე ახალი იმედების მომცემად მესახება. ვშიშობ, რომ ეს უფრო იძულებითი თანაცხოვრების მოძებნას ჰგავს. ამიტომაც არ მიძინია ჩემი ეს სურვილი მართებულად და კეთილშობილურად. მე საკმაოდ ძლიერი ვარ, მარტოც შევძლებ ცხოვრებას. ჩემთვის უცნობია სულიერი კრიზისი. ნერვებიც სავსებით წესრიგში მაქვს (კლინიკაში სქელკანაანად მოვლიან. ზოგი არაკეთილად განწყობილი კოლეგა კი გულქვადაც მნათლავს. ალბათ როდისმე თავი რომ მოვიკლა, ყველასთვის გამოცანად დარჩება). მაგრამ ღირს კი ბავშვის აყვანა მოუბოვებელი სიყვარულის სანაცვლოდ? ან იქნებ ერთ მშვენიერ დღეს ძალღი ვიყოლიო. სანაცვლო სანაცვლოს მაგიერ.

თუმცა ბავშვის აყვანა მაინც ოცნებად დამრჩება. რადგან ყველა ადამიანში იმალება სევდა თუ განცდა იმ შესაძლებლობებზე, რასაც გრძნობს საკუთარ თავში და სურს გაიღოს სხვისთვის, მეორე ადამიანისათვის, რომელიც შენს გვერდითაა. მე ნოსტალგიას განვიცდი დაკარგული ნიჭისა და გამოუხატველი სიყვარულის გამო. მე მენატრება კატარინა, ჩემი ბავშვობის სიყვარული, ასეთი მეგობრობა მხოლოდ ბავშვებს შეეძლოთ. ოცდახუთი წელი იქნება, რაც კატარინა აღარ მინახავს და ყველაფერს გავიღებდი, ოღონდ არ ყოფილიყო ეს განშორება. ჩვენ ბავშვობის გამო გავხდით ასე დაუნდობლები. და ეს განხეთქილება, რაც ჩვენს შორის მოხდა, გამოუსწორებელ საშინელებად მიგვაჩნია, მაგრამ გამოსწორება ალბათ შეეძლებოდა. რას წარმოვიდგენდი მაშინ, რომ ვეღარავის შევიყვარებდი ასე თავდავიწყებით. მე მტკივა ეს დანაკარგი. არც ერთი განშორება არც პინერთან, არც პენრისთან არ ყოფილა ჩემთვის ასეთი კატასტროფა. მე ყოველთვის ძხად ვიყავი იმისთვის, რომ როდისმე დავკარგავდი მათ. მე ყოველთვის გონებით ვმოქმედებ, სწორედ ეს მხდის უფრო დამოუკიდებელს და ალბათ მარტოსულსაც. ჩემი გამჭრიახობით ყოველთვის წინასწარ ვგრძნობდი ყველაფერს და მაოცებდა, არავითარ უბედურებას არ შეეძლო ჩემი ცხოვრების დანგრევა, ამისთვის მე ყოველთვის ძხად ვიყავი, რადგან საკმაოდ ცხოვრებისეული გამოცდილებაც მქონდა. ჩემი ალღო ყოველთვის მკარნახობს, საიდან მომელის იმედგაცრუება და დროულად ვშველი თავს. და ისე მაქვს ამაზე გამახვილებული გონება, რომ ზოგჯერ იქაც კი ვხედავ იმედგაცრუებას, საიდანაც არავითარი საფრთხე არ მომელის. და ამ ჩემი სიფრთხილით იქამდე მიმყავს საქმე, ვიდრე ყველაფერში იმედგაცრუებას არ აღმოვაჩენ. მე დრაკონის სისხლში ვარ განბანული და ცაცხვის ფოთოლიც კი არ მქონდა, რომ დავეფარე. ალბათ ამ ტყავიდან ვეღარასოდეს გამოვალწევ. და ჩემს ბავშვურ სიყვარულთან ერთად, კატარინაზე სევდით შიგ ჩავიხრჩეები. ჩაკირულივით ვარ ჩემს ტყავში, ჩემს ჯავშანში.

როგორ მინდა განვთავისუფლდე შიშისა და უნდობლობის კორიანტელისაგან. როგორ მინდა დავიბრუნო კატარინა.

მაგრამ ჩემი შეულწევადი ტყავი, ჩემივე ურყევი ციხესიმაგრეა.

საკუთარი თავის სარჩენი ფული რომ არ შემომაკლდება, ამის იმედი მაქვს. რა თქმა უნდა, დიდი მოთხოვნები მქონდა, მაგრამ თავსაც არაფერში შევიზღუდავ.

არ ვიცი, მაგრამ რატომღაც მეშინია, ვინმე არ მოკვლა ან ხამუდამოდ არ დაეასახინრო. არა, პოლიკლინიკაში ამისი საფრთხე არ არსებობს. მაგრამ ვაითუ მანქანა დავაჯახო ვინმეს, თუმცა ამ შემთხვევაშიც ისევ და ისევ საკუთარი თავი მაღარდება. რადგან ასეთი რამ ძალაუფლებურად შეცვლიდა ჩემი ცხოვრების ჩვეულ წესრიგს და ამას მე ვერ შევეგუებოდი.

ამ ბოლო ხანებში ჩემი გადაღებული ფოტოებისადმიც გამიჩნდა შიში, ყოველი მხრიდან შემომცქეროდა: ტყე, მდელი, უსიცოცხლო გამხმარი ხეები, ეს უსულო ბუნება, რომელიც თავად შევქმენი. ერთი პირობა ვიფიქრე სამსახურში, ჩემს კაბინეტში გავაკრავ-მეთქი კედლებზე, მაგრამ გადავიფიქრე, კარლას შეკითხვებილა მაკლდა. შიშით შევყურებდი ამ უსულო ბუნებას, თავის თავში დასამარებით რომ მემუქრებოდა. დღითიღაც მიმძაფრდება იმის განცდა, თითქოს ბუნებას მივაყენე ტკივილი. მე ხომ შევაჩერე, სიცოცხლე მოვუსწრაფე ბუნების ამ პეიზაჟებს და ყოველგვარი იმედი წავართვი: ჭკობის, გაყვავილების, სუნთქვის. მაგრამ მე კვლავაც განვაგრძობ ფოტოების გადაღებას, მაინც რაღაცას მაძლევს, მშველის პრობლემებთან შეჭიდებაში. ალბათ კიდევ მომწონს კარადებისა და თაროების გადავსება ახალი ფოტოებით. ჩემი სიკვდილის შემდეგ კი რაც უნდა ის უქნიათ, თუნდაც დაუწვიათ, მაგრამ ახლა კი მჭირდებიან მე ისინი (მგონი რამდენს მიკურთხებს სახლმმართველი?).

ჰენრის დაკრძალვიდან რამოდენიმე დღის შემდეგ კრემერი მოვიდა ჩემთან, ჰენრის ფართოფარფლებიანი ქუდი მომიტანა: ამ ქუდის ადგილი შენთანააო. მადლობა გადავუხადე. არც კი შემიატიეია სახლში. მისი წასვლისთანავე გავიტანე ქუდი და სანაგვეში ჩავაგდე. წამითაც ვერ გავაჩერებდი ჩემთან. ძველი ქუდილა აკლდა ჩემს სახლს.

ზაფხულში ისევ ზღვაზე წავედი. ფრედი და მარიაც მოვიხანულე. ყველაფერი ძველებურად დამხვდა. იმ წითელთმიანი გოგონას ნახვაც მიხლოდა, მაშინ მე და ჰენრიმ რომ ვნახეთ, მაგრამ იქ აღარ დამხვდა. ცოლ-ქმარმაც არაფერი იცოდა მის შესახებ. გული დამწყდა, მაგრამ ეს მაინც არ ჰგავდა იმ გულის ტკენას, კატარინას სიშორით რომ განვიცდიდი.

ისე რა მიჭირს, მაინც კარგად ვცხოვრობ. დღეს დედამ დამირეკა, დავპირდი, აუცილებლად მოვიხანულე-მეთქი.

ხასიათსაც არ ვემდური, ყოველთვის ვინარჩუნებ წინასწრობას. სამსახურშიც პატივს მცემენ. ნერვებს არასოდეს ვყვები, მოძავლის გეგმებიც გამაჩნია. ახალი საყვარელიც მყავს. თებერვალში ალბათ ახალ მანქანასაც შევიძენ. საზარელი სიზმრებიც კი არ მაბეზრებს თავს. ასაკთან შედარებით, ახალგაზრდულად გამოვიყურები. პარიკმახერი საკუთარი მყავს, ასე რომ, წინასწარი ჩაწერაც არ მჭირდება. ჩემი მკერავითაც კმაყოფილი ვარ, შესანიშნავად იცნობს ჩემს სტილს. ძალიან კარგი გინეკოლოგი მყავს. დარწმუნებული ვარ, საჭიროების შემთხვევაში საუკეთესო სააკადემიოფოშიც მოძიოთავსებდნენ და საუკეთესო ექიმებსაც დამაჩვევდნენ. როგორც არ უნდა იყოს, მე მაინც მომწონს ჩემი ბანა. ერთი სიტყვით, საკუთარი ტყავი წესრიგში მაქვს, არც ჯანმრთელობას ვუჩივი, მაშ, რაღა უნდა მიხლოდეს?! რაც მიხლოდა მაქვს კიდევ; რისი მიღწევაც შემეძლო, მივალწიე. ასე რომ, მშვენივრად ვგრძნობ თავს!



თარგმნა ნანა ახობაძემ

კულტურა და ჩვენი პარპინსიალიზმი

წინა თაობის ერთ-ერთმა პოპულარულმა და აღიარებულმა მწერალმა მე-თიუ არნოლდმა ჩამოაყალიბა შეხედულება ჩვენი სამყაროს კულტურასა და მის მიზანდასახულებაზე. რას წარმოადგენს ეს მიზანდასახულება? — შევიცნოთ ყოველი საუკეთესო, რაც კი შეუქმნია კაცობრიობას, ჩავწვდეთ გარდასულ ცივილიზაციათა შედეგებს, აღვზარდოთ აზროვნება და გამოვიმუშავოთ ყველა საუკუნის დიად მიღწევათა შეფასების კრიტერიუმი, — აი, ეს გამოკვეთილი იდეალი ილანდებოდა წყვილიდან, რომელიც „კულტურის“ გაურკვეველ გაგებას ახლდა. ამერიკელთათვის ამ იდეალს განსაკუთრებული მიზიდულობის ძალა გააჩნდა, რამეთუ იგი დემოკრატიული იდეალიც იყო და ყოველ ენერგიულსა და მოთმინების უნარით აღჭურვილ ადამიანს ნებას რთავდა საკუთარი გონისა და სულიერი ძალისხმევის წყალობით ადვილად დაუფლებოდა იმ ფენომენს, არნოლდმა მაგიური სიტყვა „კულტურა“ რომ უწოდა. იდეალს რაოდენობრივი გაგებაც აქვს, რადგან კულტურა იქცა ფასეულობათა სფეროდ, რომელიც ესთეტიკურ ტკობასა და თაყვანისცემას არ გამოირიცხავს, მაგრამ მაინც ფასეულობათა სფეროდ რჩება, რადგან თანდათან აგროვებს გონებრივ სიმდიდრეს, და ბოლოს და ბოლოს ადამიანის წინაშე გადაიხსნება მოციმციმე ქვეყნად, რაც იმას მოასწავებს, რომ მან უკვე შეიცნო ყოველი საუკეთესო, კალმით, ფუნჯით თუ საჭრეთლით რომ შექმნილა.

არ ვიცი, როგორ გამოეხმაურა ბრიტანული პუბლიკა არნოლდის მჭევრმეტყველებას, მაგრამ თუ მანამდე რესკინის წინასწარმეტყველურ გააფთრებას არ შეუძრწუნებია, საეჭვოა, არნოლდის მტკიცე ლოგიკას აელეღვებინა. ყოველ შემთხვევაში, დანამდვილებით ვიცი ერთი გარემოება — განვითარების პროცესში მყოფი ჩვენი სულიერი ისტორიისათვის ახალ მოძღვრებას, — ამერიკის ნაპირებს რომ მოადგა სწორედ მაშინ, როცა ჩვენში ერთობ სწრაფი ტემპით მატულობდა „შეძლებულ“ ადამიანთა რაოდენობა, იმ ადამიანებისა, რომელთაც, როგორც იტყვიან, კარგად ჰქონდათ გაცნობიერებული თავისი შეხედულება და გაფაციცებული შესჩერებოდნენ ახლად აღმოჩენილი ევროპის ფართო კულტურულ ჰორიზონტებს, — მეტად სერიოზული შედეგები მოჰყვა.

ამერიკელის სახე ანუ „თავისუფლების მიწის“ მკვიდრის სახე ვიქტორიანული ეპოქის პირმშოა, მაგრამ ჯერ კიდევ გვხვდება ინგლისის ყოველკვირულებსა და ახალბედა ჟურნალისტთა სტატიებში, თუმცა, როგორც ცოცხალი ინდივიდი, კარგა ხანია გადაშენდა და მისი ადგილი დაიკავა ახალმა ტიპმა,

რომლის სიამაყე „თავისუფლების მიწის“ უკიდევანობით კი არა, ევროპეიზმით იზომება.

90-იან წლებში ჩვენი კოლეჯების მასწავლებლებმა და მხატვრებმა იგრძნეს ევროპული პეწის შექმნის აუცილებლობა, რითაც უნდა გაემართლებინათ საკუთარი არსებობა. ჩვენ მოვისესხეთ გერმანული განათლების სისტემა. ჩვენმა მილიონერებმა ხელი მოჰკიდეს სურათების შეგროვებას და ოკეანის-გალმა ხელოვნების მუზეუმების დაარსებას. დავიწყეთ სკოლის პედაგოგების ექსპორტი ევროპაში, სადაც მიემგზავრებიან ისინი საზაფხულო არდადეგების პერიოდში. პარიზში, ბერლინსა და მიუნჰენში გამოიზარდნენ ჩვენი მხატვრებისა და მუსიკოსების ლეგიონები, თანდათან მოძრაობა იქცა ბობოქარ მდინარებად. ამგვარად, ევროპის მისტიკური შეგრძნება, რაც ჰენრი ჯეიმსს, თუ მას დაუუჯერებთ, სიყრმეშივე ჰქონდა, ნიჭიერი ამერიკელი ახალგაზრდობის საკუთრება გახდა. დიახ, ახალგაზრდობა სულაერ შამშილს გრძნობდა საკუთარ სამშობლოში და გატაცებით ოცნებობდა კულტურის ევროპულ ნადიმზე. მალე მეტნაკლებად ნიჭიერი ახალგაზრდობის კვალს გაჰყვა ბურჟუაც და ევროპა ისე შემოვიდა მოდაში, დღეს ყველა თავმოყვარე კაცი საკუთარ მოვალეობად მიიჩნევს, ერთხელ მაინც მოინახულოს მისი დიდებულება.

ცხადია, ამ გამოცოცხლებული ემიგრაციის სტიმულის როლი „კულტურისადმი“ გამოკვეთილმა მოთხოვნილებამ თუ არა, ყოველ შემთხვევაში რეალურმა წყურვილმა და არნოდის ნათლად ჩამოყალიბებულმა იდეამ ითამაშა. ამ იდეის თანახმად, კულტურა ასე თუ ისე სესხებადია და ევროპულ საგანძურთან უშუალო კონტაქტით შესაძლოა ჩვენც გადმოგვეფინოს ცოტათონი მაღლი იმ სიუხვისა, რასაც ხელოვნება ქმნის. ამიტომ ჩვენი მილიონერები განსაცვიფრებელი სიძვირის ფასად იძენდნენ ხელოვნების ნიმუშებს იმათთვის, ვისაც ოკეანის იქით წასვლა არ უხერხდებოდა და ყოველივეს, რაც სურათების გალერეებში გამოიფინებოდა, აურაცხელი ოდენობით ეზიდებოდნენ სამშობლოში.

ჩვენ ნებისმიერ ფასად უნდა შეგვეძინა კულტურა, ამიტომ არ გვეპარებოდა ეჭვი, რომ აღმოვაჩინეთ მისკენ მიმავალი მაგისტრალური ხაზი. დავადექით ამ გზას და დასახული მიზნის გარდა გზადაგზა ვერაფერს ვამჩნევდით. ბუნებით მგრძნობიარე ადამიანებმა ევროპულ ლიტერატურასა და ხელოვნებაში სულიერი საზრდოს მაგვარი რაღაც მართლა იპოვეს და მის დასაუფლებლად ტემპიც დასახეს, ხოლო ბრბო, ფეხისწვერებზე შემდგარი, მათ ნაკვალევს გამოუდგა.

ეს ჩვენი კულტურული პროვინციალიზმი აკვირვებდა და დღესაც აკვირვებს ევროპას. ინგლისში „კულტურას“ უკიდურესად მსუბუქად უცქერენ და ამერიკელის სუნთქვაშეკრული საუბარი შექსპირსა, ტენისონსა თუ ბრაუნინგზე მათ შეცბუნებას იწვევს. ფრანგიც გაოცებული ადევნებს თვალს ხალხის ნაკადს, პარიზში რომ ესწრება ლექციას თემაზე „როგორ შევიცნოთ ევროპა“, ანდა მოზრდილ ჯგუფებს, ლუვრის დარბაზებში რომ იჭედებიან. ევროპელი მაინცდამაინც კმაყოფილი არ არის იმით, რომ მას ისე უცქერენ, როგორც უზარმაზარი მუზეუმის მფლობელს. როცა მას კულტურაზე გაესაუბრები, შეამჩნევ, რომ საუკუნეთა მიღწევებზე, კლასიკის გაანალიზებაზე მეტად თანამედროვე ლიტერატურა, ფერწერა, მუსიკა აინტერესებს და არჩევს, — ზუსტად დამსახურებისამებრ შეაფასოს თანამედროვეთა შრომა. განსწავლული ადამიანი, როგორც წესი, ამჯობინებს იკამათოს, ვთქვათ, ცოცხალი ძაღლის შესახებ და არკი მოუაროს მკვდარი ღომის საფლავს. ფრანგი ლიტერატორი უმჯობესად მიიჩნევს დაწეროს წიგნი რომელიმე ფრანგი მწერლის ფსიქოლოგიაზე, ხოლო

ანგლოსაქსი — გამოსცეს კიდევ ერთი გამოკვლევა შექსპირზე. ფრანგის დამოკიდებულება კულტურული ფასეულობებისადმი გამსჭვალულია ბუნებრივი, ყოველდღიური მოთხოვნებით, მასთან სიახლოვით; ის სულაც არ განიცდის იმგვარ წმიდა თრთოლვას, როგორითაც ჩვენ, ამერიკელები მივეახლებით სხვათა ხელოვნებას და განესჯით ჩვენი კულტურის ერეტიკოსებს.

საკუთარი კულტურისადმი ევროპელის დამოკიდებულება უფრო ალტაცებული, კრიტიკულ-მოკრძალებული, მაგრამ არა უხერხული. რაც უმთავრესია, ის თავს არასოდეს გრძნობს უხერხულად სხვა ქვეყნის კულტურის წინაშე; ფრანგი მოისმენს მხოლოდ ფრანგულ მუსიკას, წაიკითხავს ფრანგულ ლიტერატურას და ნებისმიერი უცხო ქვეყნის ფერწერაზე მაღლა დააყენებს საკუთარს. მას ვერც გაუგია ჩვენი ავზნებული მისწრაფება სხვა ხალხების კულტურათა შეცნობისა, ჩვენი მოკრძალებული თავმდაბლობა ხელოვნებისადმი, თუ იგი რაიმეთი მაინც არ გამოხატავს ჩვენს იდეალებსა და იმპულსებს.

ამერიკის ჭეშმარიტ პატრიოტს ჩვენი კულტურული პროვინციალიზმი რამდენადმე დამცირებულ მდგომარეობაში აყენებს, რადგან ევროპის დამოკიდებულება ევროპისადმი ჩვენი ამ მხურვალე, უცვლელი ინტერესის პასუხად სულაც არ არის ასევე მხურვალე და უცვლელი. ევროპა ჩვენთვის — ისტორიის აღმოქმული ქვეყანაა, ქვეყანა მდიდარი ტრადიციებისა, ხელოვნებისა და მიწიერი სიუზვისა, ქვეყანა ყოველივე საუკეთესოსი, რაც კი ადამიანის გონით შექმნილა. რას წარმოადგენს ევროპელისათვის ამერიკა? — რასობრივი ქაოსის, ცათამბჟენებისა და ყაღვთაბანდობის, მილიონერებისა და ბოსების ქვეყანას. როდესაც რომელიმე ფრანგი ფილოსოფოსი ჩამოყა ჩვენში, ჩვენ მოუთმენლობისაგან ავენთებით, რათა მოვისმინოთ თანადროული ევროპული აზროვნების ყველა ძირეულ მიმდინარეობათა განმარტება, მაგრამ როდი ვაქცევთ ყურადღებას იმას, რომ ის არაფერს გვეკითხება ჩვენს ფილოსოფიაზე, არ ისწრაფვის, გაერკვეს დღევანდელი ამერიკული აზრის მიმდინარეობებში? სრულიადაც არა! ჩვენი პროვინციალიზმი არა გვრთავს ნებას, მივაქციოთ მისი ყურადღება ამერიკის აზრს, — ეს აზრი არც არსებობს მისთვის. ჩვენი რეკლამის გენია, ასერიგად შთამბეჭდავი და მომგებიანი, თუკი საქმე საპონსა და ბისკვიტებს შეეხება, სუსტდება და უფერულდება, როდესაც მის წინაშე დგება ამოცანა გაავრცელოს მთელს მსოფლიოში ჩვენი ინტელექტუალური და სულიერი პროდუქციის ღირსება. თუმცა კი, ეჭვი არ არის, ეს პროდუქცია მნიშვნელოვანწილად ფასეულია ყოველდღიური მოხმარების საქონელზე. მაგრამ ჩვენი პროვინციალიზმი გვაიძულებს, გავთავისუფლდეთ მისგან ერთობ იაფად და ევროპისთვის მიპყრობილი მოთმინებით აღჭურვილი მხურის სანაცვლოდ დავეჯერდეთ იგნორირებას, ჩვენი ინტერესების ერთგვარი ზიზღით პარაზიტულ ინტერესებად გამოცხადებას.

დამსახურებულადაც! ჩვენმა მიზანმა და კულტურის იდეალმა მართლა ვაქცია პარაზიტებად. ჩვენი მეთოდი აბსოლუტურად მცდარი აღმოჩნდა. ხომ ჭეშმარიტებაა, რომ დამოკიდებულება იმ კულტურისადმი, რომელიც ჩვენ ესოდენ გამანადგურებელი ენთუზიაზმით აღვიქვით, შედეგია იმავე ბარბაროსობისა, რისგანაც შეძრწუნებული უკუიქცა მისი შემოქმედი. ჩვენ რომ ამგვარად არ აღგვექვა იგი, არავისთვის საეჭვო აღარ იქნებოდა, რომ კულტურა სულაც არ გახლავთ გარეგნულ ობიექტთა სასიკეთო ნაცნობობა, არამედ შინაგანი, მუდმივად მარეგულირებელი გემოვნებაა, რომელსაც ხელეწიფება ცინცხლად და ზუსტად აღიქვას და მკაცრად შეაფასოს ყოველივე, რაც ჩვენს ცნობიერებაში და გრძნობათა სამყაროში ხდება. სავსებით ნათელია, ასეთ მკაცრ გემოვნებას

ვერ შეიძენ — ვერ მოახერხებ მტკივნეულად მიაღვენიო საკუთარი. აღქმა სხვა ადამიანთა განსჯას, თუნდაც ძალიან ავტორიტეტულნიც იყვნენ ისინი. მოცემული მეთოდი ნიშნავს განსჯის უნარის ჰიპნოზს და არა სულიერ მართხოვნა-ლებათა ჭეშმარიტ განვითარებას.

არნოლდის დეფინიციის ფარულ საყრდენად, უეჭველია, ითვლება წარმოდგენა იმაზე, რომ, თუკი ჩვენ ვისწავლით, ჩავწვდეთ „საუკეთესოს“, — დავეუფლებით კიდევ გემოვნებისა და შეფასების საერთო პრინციპებს, და მაშინ შექსპირის ჩვენეული აღქმა რაღაც სასწაულით გადაიზრდება მისტერ ჯ. ლუის დიკინსონის შეუდარებელი ხელოვნებით აღფროვანებაში. უდავოა, ეს წარმოდგენა თავდაყირა აყენებს ფსიქოლოგიურ პროცესს. შორეულისა და ღიაღის აღქმის ჭეშმარიტი უნარი გამოუმავდება მხოლოდ მაშინ, როდესაც აზრის ზუსტად და მაღალი გემოვნებით გამოთქმა ახერხებს განასხვავოს კარგი და ცუდი, ჭეშმარიტი და ნაყალბევი თანამედროვე ხელოვნებისა და ლიტერატურის მოვლენებში. განყენებულის, უცხოს აყვანა სტანდარტის რანგში — ნიშნავს მოვაბოშოთ ჩვენი გაზანტებული გემოვნება და სამუდამოდ ვთქვათ უარი საკუთარ კულტურაზე.

კულტურისათვის ანგლოსაქსური ბრძოლის ყველა სფეროში მძვინვარებს „საუკეთესოს“ ვირუსი. ვანა საგულისხმო არ არის ამ თვალსაზრისით ის ფაქტი, რომ ჩვენში ინგლისური ლიტერატურის მასწავლებლებს არ სურთ გააანალიზონ უკანასკნელი ლიტერატურული მეტრის — რობერტ ლუის სტივენსონის გარდაცვალების შემდგომ შექმნილი ნაწარმოებები? არნოლდის დოქტრინის შესატყვისად, ისინი ელოდებიან, ვიდრე ჩვენი თანამედროვეების შემოქმედება არ გაივლის ევრეთწოდებულ დროის გამოცდას, ანუ ელიან ავტორიტეტულ ობიექტურ შეფასებას, რომელსაც გულდაჯერებით დაეყრდნობიან. ისე გამოდის, თითქოს რელიგიიდან და პოლიტიკიდან განდევნილმა ავტორიტარულობის პრინციპმა თავი კულტურის სფეროს შეაფარა. „საუკეთესოს“ ტირანი აღარიბებს ჩვენს გემოვნებას, რამეთუ „საუკეთესო“ ყოველთვის იმყოფება სიახლესა და ცხოვრების უშუალოებაზე ჩვენი ბუნებრივი რეაქციების მიღმა. „საუკეთესოს“ ემორჩილება აღქმის სპონტანურობა. მორჩილად რომ მიგვიპყრია მზერა წარსულ საუკუნეებსა და სხვა ქვეყნებზე, ამით საიმედოდ ვიტავთ საკუთარ თავს იმ შინაგანი გემოვნების გამოვლენისაგან, რომელიც თვით წარმოადგენს ჭეშმარიტ „კულტურას“.

აქედან გამომდინარე, ევროპული ცივილიზაციის წინაშე ჩვენი კულტურული პროვინციალიზმი გვექცევა ძირითად დაბრკოლებად, შევქმნათ ამერიკული კულტურა. ცხადია, ამას რომ ვამბობ, როდი ვამტკიცებ, თითქოს ჩვენი ხელოვნება არ უნდა მდიდრდებოდეს სხვა ცივილიზაციათა მიღწევებით — წარსულისა იქნება ის, თუ დღევანდელისა. თვით ევროპის წარსული კულტურაც ხომ აქტიური ურთიერთგამდიდრების საფუძველზე აღორძინდა, მაგრამ ჩვენი განსწავლის ხანა უკვე დასრულდა. დადგა დრო — შევქმნათ საკუთარი ნიმუშები. ანგლოსაქსური წარმომავლობის წყალობით ისედაც ვითვლებით „გარდასულ საუკუნეთა მემკვიდრებად“ და ნახევარი საუკუნის მანძილზე ევროპულმა კერპთაყვანისმცემლობამ ყველაფერი მოგვცა, რისი მოცემაც კი შეიძლებოდა. მაგრამ, კვლავ ევროპისკენ რომ ვაპარებთ მზერას, ძველებურად ვაგრძელებთ ასე თუ ისე ნიჭიერის ჩახშობას, რასაც ადგილობრივი გენია წარმოშობს. ხომ ტრაგედიაა ის გარემოება, რომ ამერიკელმა მხატვარმა, საკუთარი ტალანტი რომ ირწმუნოს, აღიარება საზღვარგარეთ უნდა მიიღოს? ჩვენი უუნარობისა თუ მოუნდომებლობის გამო შევაფასოთ იგი, კულტურული პროვინცი-


ალიზმისა და საზღვარგარეთული მეტრებისადმი ერთგულების გამო ვაიძულებთ ხელოვანს, იყოს დამოკიდებული უცხო ქვეყნის კლიენტურაზე, ვაიძულებთ იცხოვროს საზღვარგარეთ, — იქ, სადაც ადამიანებს ჩვენზე მეტად სწამთ თავისი უნარი — შეაფასონ ხელოვნების ნაწარმოები და ამისათვის თარღიყს არ საჭიროებენ.

ამ დამამწუხრებელი გარემოების გამოსწორების ერთადერთი გზა არსებობს — აღვზარდოთ ახალი, ეროვნული თვითშეცნობის ამერიკული გრძნობა. ჩვენ გვჭირდება ჩვენი ცხოვრებისა და იდეალების სილამაზის, ენერჯისა და გულწრფელობის გამჭრიახი ანალიზი, ისეთი ანალიზი, როგორც ახასიათებთ ფრანგებს. ფრანგული კულტურა შთაგონებულია ისევე ძველი პრინციპებითა და საზომებით, როგორცაა თავად ხელოვნება. მათ აქვთ საკუთარი „კლასიკა“, რომელსაც არაფერი აქვს საერთო ინგლისურ თუ არნოლდისეულ მეტრის გაგებასთან. ყოველი თაობა, კლასიკური ნაწარმოების აპრობირებას რომ ახდენს, ეძებს მასში ტიპიურ ფრანგულ თვისებებს და ინახავს ისე, როგორც ძვირფას მემკვიდრეობას. ეს კულტურული პატრიოტიზმი არის ყველაზე უფრო უვნებელი შოვინიზმის სახეობებს შორის და ამიტომაც, უდავოდ, დიდ საჭიროებას წარმოადგენს ცივილიზაციის განვითარებისათვის. ის არ შეიძლება იყოს მეტიმეტად აგზნებული და გადაჭარბებული. საერთაშორისო სამხატვრო გამოფენა, ნიუ-იორკში რომ მოეწყო ამასწინათ, რომლის მიზანდასახულებაც ამკარად ის იყო, დაენახვებინა ამერიკელი მხატვრებისათვის, რა დაბლა დგანან ისინი ფრანგ მხატვრებთან შედარებით, მაჩვენებელია გემოვნების შემადრწუნებელი დეგრადაციისა და მიუღებელია ნებისმიერი ქვეყნისათვის. პირმოთხე თვითდამცირებას შეუძლია, გადაგვაქციოს უილაჯო მიმბაძველებად, და არ გვრთავს ნებას — შევინარჩუნოთ, დავიცვათ, გადავარჩინოთ ჩვენს განკარგულებაში მყოფი გენიალობისა და თვითმყოფადობის საშუალებანი ერთადერთი გზით — არ მოვწყდეთ, მუდმივად ვაკვირდებოდეთ მათ.

თანამედროვე ევროპის ტალანტებს შორის, მეტიც ნახევარი საუკუნის განიათაშორისაც კი ძნელია მოიძიო ნიჭიერებით უფრო დაჯილდოებული პოეტი — ვიდრე უოლტ უიტმენია, უფრო დიდი ფილოსოფოსი, — ვიდრე უილიამ ჯეიმსია, ემერსონსა და ტოროზე ნიჭიერი ესეისტი, მაკდოუელზე გამოჩენილი კომპოზიტორი, სენტ-გოდენზე ნათელი სკულპტორი. ეს სახელები ნებისმიერ ქვეყანაში სპეციალისტებისა და მოყვარულების ყურადღების ცენტრში მოექცეოდა, ეროვნული სულის სიმბოლოებად გამოცხადდებოდა, მათ გარშემო ატყდებოდა მსჯელობის ორთაბრძოლები. მაგრამ არც ერთ მათგანს არ შეეძლო დაბადებულაყო სხვა ქვეყანაში თავისი სამშობლოს გარდა... თუ ზოგიერთი მაინც სწავლობდა საზღვარგარეთ, არაფერი დაშაუებულა. მათი შემოქმედება, ამის მიუხედავად, ამერიკის თვითმყოფადობას გამოხატავს; გამოხატავს ამერიკულ იდეალებსა და თვისებებს, ჩვენს დემოკრატიას, მოახელშენეთა სულიერ ენერჯიასა და შემართებას, ამხანაგობის ჩვენეულ გრძნობას, ჩვენი ლანდშაფტების დინამიზმსა და უკიდევანობას, ჩვენს გულითალობას. მაკდოუელის მუსიკაში, უიტმენის პოეზიაში, ჯეიმსის ფილოსოფიაში მე ვხედავ, ვეცნობი ერის სულს, რომელიც გამსჭვალულია უბრწყინვალესი სიზუსტითა და სიცხადით, ისინი არ ჩამოუვარდებიან ევროპის ხელოვნების საუკეთესო ნიმუშებს, ის კი არადა, უფრო გვაღელვებენ, რამეთუ მათში ასახულია ამერიკის დღევანდელი ინტერესებისა და მისწრაფებების არსი.

ამ თვისებათა დამაბული გაცნობიერება, ამ თვისებათა შეგრძნება დასახელებულ ოსტატთა ნაწარმოებებში, ამ თვისებათა მოძიება თვით ნაკლები მას-

შტაბის მხატვართა და მოაზროვნება ნამუშევრებში, რომლებიც არანაკლებ ისწრაფვიან გამოხატონ ამერიკის სული — აი, მხოლოდ ამ გზით შევძლებთ კულტურის აყვავებას. ნუ გავიმსჯვალებით აღფრთოვანებული გრძნობით იმის დანახვაზე, როგორ ავსებენ ძველი ხელოვნების ნიმუშებით ერის მუხეუმებს ჩვენი ყოჩაღი მილიონერები — ავსებენ უძველესი საჭურვლითა და ფაიფურით; არამედ დროებით, თვალმოუშორებლივ ვუცქიროთ საკუთრივ ჩვენი ხელოვნების მოვლენებს, განუმარტოვდეთ საკუთრივ ჩვენს ტალანტებთან და განვაკითხროთ გულმოდგინედ და გატაცებით ის მიღწევები, რაც უკვე გაგვანია ჩვენი კულტურული პროვინციალიზმის მიუხედავად. მხოლოდ ასე შევინარჩუნებთ ამერიკის სულს და მომავალ თაობებს გადავცემთ იმ თვისებებს, ჩვენს სიძლიერეს რომ შეადგენს. მხოლოდ ასე შევძლებთ დაეიკავით ჩვენივის განკუთვნილი ღირსეული ადგილი მსოფლიო კულტურათა შორის, თუკი, რა თქმა უნდა, იმასაც გავიცნობიერებთ, რომ ამის ღირსნი ვართ. ჩვენ ვერანაირად ვერ შევძლებთ, უკვდავით ჩვენი იდეალები ოდენ ლიტერატურისა და ხელოვნებისა და ვერც მსოფლო გაგვიგებს, თუ ჩვენი ხელოვნება არა. მაშ, ბოლოს და ბოლოს, როდისღა უნდა გავიგოთ, რომ „კულტურა“ — ზეციერის მსგავსად — ჩვენშია, ჩვენი ხალხის სულშია და არა უცხოეთის საგამოფენო დარბაზებსა და წიგნსაცავებში? როდისღა ვისწავლოთ, ვიყიოთ ამაყნი? განა დადასტურებული ჭეშმარიტება არაა, რომ მხოლოდ სიამაყეა ნაყოფის მომცემი?





ნაწილი მეორე

კლეოპატრა და მზარი

კლეოპატრა და ბიზულუსის ვაჟები

კლეოპატრასა და მისი მეუღლისა და ძმის მეფობის მეორე წელს, 50 წლის შემოდგომაზე უბედურება მოხდა. ნილოსის წყალმა ჩვეულებრივ დონეს ვერ მიაღწია. სიცოცხლის ადიდებულმა წყალმა დამუშავებული მინდვრები ვერ დაფარა და მასზე ნოციერი შლამი ვერ დატოვა. ამ მოვლენაში ხალხმა ღვთის რისხვა დაინახა და უბედურების მაუწყებლად ჩათვალა. ეს მართლაც ასე იყო. მოუსავლიანობა სიძვირესა და შიმშილს მოასწავებდა. მდინარის წყლის მაქსიმალური ადიდება შემოდგომის დასაწყისს ემთხვეოდა, შემდეგ წყალი თანდათან დაბლა იწევდა. პირველი მოსავალი ბედლებში გაზაფხულზე შექონდათ. ეჭვი არავის ეპარებოდა, რომ 43 წლის გაზაფხული მძიმე იქნებოდა როგორც მოსახლეობისათვის, ისე ახალგაზრდა წყვილისათვის, რომელიც პასუხისმგებელი იყო ხალხის ბედ-იღბალზე.

50 წელს ალექსანდრიაში ისეთი ამბები მოხდა, რომელთაც პოლიტიკურ არენაზე შეიძლებოდა იმაზე უფრო დამღუპველი შედეგები მოჰყოლოდა, ვიდრე ნილოსის წყალმარჩხოვას ქვეყნის სამეურნეო ცხოვრებისათვის.

სირიის პროვინციის ნაცვალად მაშინ დანიშნული იყო მარკუს ბიზულუსი — სახელდობრ იგი, ვისაც ათი წლის წინ ცეზართან ერთად კონსულის თანამდებობა ეჭირა და პრინციპულად, თუმცა ამოდ, ეწინააღმდეგებოდა თავისი კოლეგის წამოწყებებს. ბიზულუსი იმისი წინააღმდეგიც იყო, ექვსი ათასი ტალანტის ფასად ცეზარმა ხელი რომ შეუწყო ფლეიტისტს ეგვიპტის ტახტზე ასვლაში. ამჟამად კი, როგორც სირიის ნაცვალს საქმე ჰქონდა პართელებთან, რომლებიც აღმოსავლეთიდან, ევფრატის სანაპიროების მხრიდან ქმნიდნენ საფრთხეს. ამიტომ ბიზულუსმა გადაწყვიტა, თავისი ლეგიონები ეგვიპტიდან გამოყვანილი რაზმებით გაეძლიერებინა. იქ ხომ ჯერ ისევ იყვნენ ჯარისკაცები, რომლებიც, როგორც გვახსოვს, გაბინიუსმა ხუთი წლის უკან დატოვა ტახტზე მის მიერ დასმული მეფის დასაცავად. ნილოსისპირა ქვეყანაში მათ მტკიცედ მოიკიდეს ფეხი. ბევრი მათგანი დაქორწინდა კიდევ და ოჯახს მოუკიდა. ძნელი არ იყო მათთვის ეგვიპტეში ცხოვრება, რადგან ადრე დანიშნული ხელფასები არავის შეუკვეცია. სასახლის კარი ცდილობდა მათი კეთილგანწყობილების შენარჩუნებას, რადგან ისინი ერთგვარ დასაყრდენად გადაიქცნენ მოსახლეობის მღელვარების ასალაგმავად. ჯარისკაცები ხან მდიდრებს ავიწროებდნენ და ხანაც კერპი გლეხების გამოსვლებს ახშობდნენ. მათი რიგები განუწყვეტლივ ივსებოდა სხვადასხვა ჯურის არამზადებითა და მონებით, რომლებიც იმპერიიდან გარ-

1. გაგრძელება. დასაწყისი იხილეთ „საუნჯე“ № 3—4.

ბოდნენ. საყოველთაოდ იყო ცნობილი, ვინც ეგვიპტეში სამსახურს მოისურვებდა, თავშესაფარიც უზრუნველყოფილი ექნებოდა და ვერც ვერავინ დასჯიდა. ეგვიპტის მთავრობა, როგორც წესი, დევნილებს არავის უბრუნებდა უკან.

ამიტომ გასაგებია, რომ ამ „გაბინიუსელებმა“, — ყოფილი წინამძღოლის სახელის მიხედვით ასე ეძახდნენ მათ, — უხალისოდ მიიღეს წინადადება რომის პროვინციაში გაწვევის თაობაზე. მათ კარგად იცოდნენ, თუ რა ელუფაუეფქელერკინისებური დისციპლინა, საბანაკო ცხოვრება და განუწყვეტელი დამსჯილობის უნდა მიეტოვებინათ დიდი ქალაქის ცხოვრების მომხიბვლელობანი, დაშორებოდნენ ოჯახებს, ხელი აეღოთ შეძენილ ქონებაზე? იმისათვის, რომ სირიის უკიდევანო და გადახრუკულ უდაბნოში ებრძოლათ, თანაც ვისთან? პართელების სახელის ხსენებაც კი ძრწოლას იწვევდა მათში. ზუსტად სამი წლის წინ, 53 წელს, მათ გამანადგურებელი მარცხი მიაყენეს რომის არმიას, რომელმაც გადალახა ევფრატი. თანაც რომაელებს მარკუს კრასუსი ხელმძღვანელობდა, ერთ-ერთი ტრიუმვირი, რომელსაც ძალზე ეწადა თავის კოლეგებს სამხედრო დიდებაშიც გათანასწორობდა. განთქმული ფინანსისტი საკმაო სტრატეგიულ გამოცდილებას ვერ ფლობდა. მან ლეგიონებიც დაღუბა და საკუთარი თავიც. პართელებმა იგი ალყაში მოიმწყვდიეს და მოკლეს. მასთან ერთად დაიღუბა მისი შვილიც, პუბლიუსი, რომლის ქვრივი, კორნელია, მცირე ხნის შემდეგ ცოლად გაჰყვა პომპეუსს.

მაგრამ მხოლოდ ეს მიზეზი როდი მოქმედებდა გაბინიუსელთა გუნება-განწყობილებაზე. ისინი აღშფოთებული იყვნენ იმითაც, რომ მათ საომრად იწვევდა სწორედ ბიბულუსი, რომელიც მტრულად იყო განწყობილი ფლეიტისტისადმი; არადა, ეს მეფე ხომ უშუალოდ გაბინიუსელებმა აიყვანეს ტახტზე!

სამწუხაროდ, ჯარისკაცთა ეგვიპტიდან გაწვევის მისია ბიბულუსმა თავის ორ ვაჟიშვილს მიანდო. როდესაც ისინი სამხედრო ბანაკში გამოცხადდნენ, რათა ბრძანება გაეცნოთ ჯარისკაცებისათვის, ატყდა აურზაური და ორივე ყმაწვილი დახოცეს.

ცხადია, ამ ამბებმა აღაშფოთა კლეოპატრა. უახლოესი პროვინციის ნაცვლის შვილები დიდგვაროვანი რომაელი მოქალაქენი იყვნენ, რომელთა სიკვდილს სერიოზული შედეგები უნდა მოჰყოლოდა. დედოფალი ყოველმხრივ ცდილობდა დაემტკიცებინა, რომ მომხდარი ამბით ძლიერ იყო შეძრწუნებული: მისი ბრძანებით ორი უშუალო დამნაშავე შეიპყრეს და სირიის ნაცვალს გაუგზავნეს. მაგრამ ყველასათვის გასაოცრად ბიბულუსმა ცნობა მომხდარი ტრაგედიის შესახებ აუღელვებლად მიიღო. დამნაშავეები უკანვე, ალექსანდრიაში დააბრუნა, ხოლო იქაურ სასახლის კარს მოკლედ აუწყა:

— ამ დანაშაულზე მსჯავრის დაღება ჩემი კი არა — სენატის საქმეა.

მრავალი წლის მანძილზე არ ავიწყდებოდათ სტოიკურად აღზრდილის ეს დიდსულოვნება; მეორე დღეს ბიბულუსი, როგორც ყოველთვის, მშვიდად შეუდგა სამსახურებრივი მოვალეობის შესრულებას.

მოუსავლიანობა

ასე ჩაწყნარდა მკვლელობის საქმე. გაბინიუსელები, რომლებიც სახელმწიფოთა შორის კონფლიქტის მიზეზად იქცნენ, რამდენიმე თვის შემდეგ, 49 წლის გაზაფხულზევე გამოადგნენ კლეოპატრას. როგორც მოსალოდნელი იყო, წყლის სიმეჩხრემ წინა წლის შემოდგომაზე მოუსავლიანობა გამოიწვია. გაზაფხულის მოსავალი მწირი

იყო. ცოტაოდენი ხორბალი აიღეს ეგვიპტის შუა რაიონებში და ფაიუმის ოაზისში. საფრთხე შეექმნა დედაქალაქის სურსათით მომარაგებას. არადა, მოსახლეობა არაერთხელ გამოვიდა ხელისუფლების წინააღმდეგ. ბრბოს მიერ პტოლომეუს XI მოკვლა სერიოზული გაფრთხილება იყო. ამიტომ სახელმწიფოს განსაკუთრებული ღონისძიებები უნდა გაეტარებინა. ქუჩებში გამოაკრეს განცხადებები, რომელსაც ხელს კლეოპატრა და მისი ძმა და მეუღლე აწერდნენ. სამეფო წყველი იწყებოდა, რომ შუა ეგვიპტეში მოწეული ხორბლის გაყიდვა მხოლოდ ალექსანდრიაში შეიძლებოდა. ვინც ამ კანონს ხელყოფდა, სიკვდილით დაისჯებოდა.

ქვეყნის ზოგიერთ რაიონში მოუსაველიანობამ აჯანყებები გამოიწვია, ძირითადად კი მოსახლეობის პროტესტმა პასიური წინააღმდეგობის ფორმა მიიღო. გლეხები თავიანთ მიწებს ტოვებდნენ და უარს ამბობდნენ დამორჩილებოდნენ კანონებს. ქვეყანაში წესრიგის დასამყარებლად დამსჯელი რაზმები გამოიძახეს. აი, მაშინ, როგორც სხვა დროსაც არაერთხელ, გაბინიუსელებმა აჩვენეს, რა სარგებლობის მოტანა შეეძლოთ.

მოსახლეობის მიერ წინააღმდეგობის გაწევის ამგვარი ფორმა ეგვიპტეში უძველესი დროიდან გამოიყენებოდა. ისეც ხდებოდა, რომ როდესაც მოსახლეობას ჩაგვრისა და ექსპლოატაციის ატანა აღარ შეეძლო, მთელ რეგიონებს სტოვებდა. მხოლოდ ქურუმები რჩებოდნენ ტაძრებში, რათა ღვთის სამსახური არ შემწყდარიყო. ისინი, ვინც უკეთესი ცხოვრების ძიებაში მინდვრებიდან გამორბოდა, ქალაქს აფარებდნენ თავს, უპირველეს ყოვლისა კი, ალექსანდრიაში შირბოდნენ. ბევრი მათგანი ავაზაკთა რაზმებსაც უერთდებოდა და ქვეყნისათვის ხდებოდა საშიში. ზოგიერთი მრავალი წლის მანძილზე დაუსჯელიც დაპარბაშებდა, რადგან უდაბნო და ჭაობები ნილოსის დელტაში მოხერხებული სამალავი იყო მათთვის. ფართოდ გავრცელებული ავაზაკობა ადმინისტრაციის უუნარობასა და გლეხთა მღელვარებაზე მეტყველებდა და მოსახლეობის მდგომარეობას კიდევ უფრო ამძიმებდა. ბანდიტები მოითხოვდნენ, ყოველ სოფელს ხარკი გაეღო მათთვის. მეორე მხრივ, გადასახადებისა და ხარკის აკრეფაზე არც სახელმწიფო ამბობდა უარს. ამრიგად, სოფლისა და მცირე ქალაქების მოსახლეობას ორმაგი ტვირთი უნდა ეზიდა.

გაპარტახებული მეურნეობა, ახალგაზრდა წყვილს მემკვიდრეობად რომ ერგო, სავალალო მდგომარეობაში იყო. ეკონომიკური რეგრესი ეგვიპტეში უკვე რამდენიმე თაობის წინაც შეინიშნებოდა. ქვეყნის სახალხო მეურნეობის გაჩანაგებასთან ერთად უკაცრიელდებოდა დასახლებებიც. არადა, სახელმწიფოს უფრო და უფრო მეტი სახსრები სჭირდებოდა, რადგან მას რომაელებიც უნდა გამოეკვება. გადასახადებზე მოთხოვნილება არათუ იკლებდა, არამედ იზრდებოდა. სამუშაო ძალა კი თანდათან მცირდებოდა. წარმოიშვა ჯადოსნური წრე, რომელიც არ იძლეოდა სილატაკისაგან თავის დახსნის საშუალებას. ამის შესახებ იუწყებიან არა მხოლოდ წერილობითი დოკუმენტები, არამედ არქეოლოგიური გათხრებიც. ზოგიერთ რეგიონში დასახლებული ადგილები იმაზე მეტად შემცირდა, ვიდრე პტოლომეუსების დინასტიის დასაწყისში შეინიშნებოდა.

ცხადია, ნილოსის წყალდიდობის დაბალი დონე ადამიანების ნებაზე არ ყოფილა დამოკიდებული. მსგავსი უბედურებები ქვეყანას უფრო გონიერი მეფეების მმართველობის პერიოდებშიც ატყდებოდა თავს. გასაოცარი სხვა რამეა, რაზედაც მეტყველებს სასოწარკვეთილებით ნაკარნახევი ბრძანება კლეოპატრასი და მისი ძმისა და მეუღლისა. უდიდესი ქალაქის ხორბლის ბედლები ცარიელი იყო. რატომ? როგორ

მოხდა ეს? ეგვიპტეს ხომ უხსოვარი დროიდან მოსდგამდა ტრადიცია, რომლის ძალითაც დაცარიელებული პურის ბელები მოსავლიანი წლების ხარჯზე ივსებოდა, რათა მოუსავლიან წლებში შიმშილობა არ ჩამოვარდნილიყო.

ახალგაზრდა სამეფო წყვილის დანაშაული არ იყო, რომ ქვეყანაში არ აღმოჩნდა ხორბლის მარაგი. ზუსტად 49 წლის გაზაფხულზე ეგვიპტის მეგობრისა და მოკავშირის — რომის მოთხოვნით იმპერიაში ალექსანდრიიდან ხორბლის დიდძალ რაოდენობა გაგზავნეს. რომმა ეგვიპტე აიძულა აგრეთვე დაეტოვებინა სხვა სხვა სახელთა ნაწილი.

ეს ყველაფერი რომის იმპერიაში მოვლენების დრამატულ განვითარებასთან იყო დაკავშირებული.

ნილოსი და რუბიკონი

ეგვიპტის სამეფო კარი კმაყოფილი აღევნებდა თვალს სიტუაციის დაძაბვას რომში. განსაკუთრებით კი — განხეთქილების გაღრმავებას ორ პოლიტიკურ ლიდერს შორის. ტრიუმვირატმა არსებობა ფაქტიურად იმ მომენტიდან შეწყვიტა, როდესაც 53 წელს კრასუსი პართელების ხელით დაეცა. ტრიუმვირატის ორი გადარჩენილი წევრი ამიერიდან ერთმანეთს დაუფარავი ეჭვით უყურებდა. პომპეუსის პოზიცია ცეზარის მიმართ, შეიძლება ითქვას, მტრულიც კი იყო. სარდალს, რომელიც რომის ლეგიონის არწივებს ოდესღაც აღმოსავლეთის მრავალ ქვეყანაში — კავკასიონიდან იერუსალიმამდე დააქროლებდა, ვერ აეტანა ცეზარის მიერ გალიაში, რენს იქით, ბრიტანეთში მოპოვებული წარმატებები, რადგან ამ წარმატებებს პომპეუსის ტრიუმფების დაჩრდილვა შეეძლოთ. ამიტომ დაუახლოვდა პომპეუსი სენატს, რომელიც, როგორც ვიცით, თავიდანვე უნდობლად იყო განწყობილი ცეზარის მიმართ. ახალი კოალიციის შედეგები მალე გამოჩვენდა. გალიის დამპყრობს ნაცვალობის ვადა არ გაუგრძელეს, ხელი შეუშალეს აგრეთვე მის განმეორებით მცდელობას კონსულობისათვის. ეს კი კატასტროფას უმზადებდა ცეზარს, რადგან, თუ იგი პროვინციასა და ლეგიონებს გამოეთხოვებოდა, უჩინო პიროვნება გახდებოდა და საშისწინააღმდეგობას პირდაპირ ხახაში ჩაუვარდებოდა. ზოგი პოლიტიკოსი მას ბრალად სდებდა სენატის ნებადაურთველად გალებთან ომის წამოწყებას და მის დასჯას მოითხოვდა. დასჯა კი მოასწავებდა სამშობლოდან გაძევებას, ფინანსურ კრახს და წერტილის დასმას მისი მიზნებისათვის.

ცეზარი ყოველივე ამას ნათლად ხედავდა და პომპეუსს არაერთხელ გაუწოდა ხელი შესარიგებლად. გულწრფელად სურდა მოლაპარაკება. თანახმა იყო, წასულიყო ყოველ საქმიან კომპრომისზე. პომპეუსს კი, რომელიც გრძნობდა სენატის მხარდაჭერას, თავი ქედმაღლურად ეჭირა და შეთანხმების მიღწევას ერიდებოდა.

ეს ყველაფერი ხელს აძლევდა ალექსანდრიას. რომს, რომელიც მხოლოდ თავისი საქმეების მოგვარებით იყო ვართული, არ შეეძლო ეგვიპტისათვის მოეცალა. ამიტომ ნილოსისპირა ქვეყანა საკუთარი ბედის ანაბარა დარჩა. ეგვიპტის მისუსტებულ სახელმწიფოსაც მეტი რა უნდოდა? მას მხოლოდ წყნარი არსებობა ეწადა.

კლეოპატრა და მისი წარჩინებულნი საკმაოდ გულგრილად უმზერდნენ, ვინ გაიმარჯვებდა — პომპეუსი თუ ცეზარი. პირველი ფლეიტისტის ანდერძის მცველი, გარდაცვლილი მეფის უკანასკნელი ნების აღმსრულებელი და მისი შვილების მფარ-

ველი იყო. მეგობრულად ეპყრობოდა პტოლომეუსებს ცეზარიც — ათი წლის უკან მან მილიონები სწორედ აქედან გაიტანა.

მაგრამ 49 წლის დასაწყისში ალექსანდრიაში შემამოფოთებელი ცნობები მოდიოდა:

ცეზარმა გადმოლახა მდინარე რუბიკონი და სწრაფად წაშლია ნახევარკუნძულის სამხრეთისაკენ. პომპეუსმა უკან დაიხია, რადგან იტალიის კალეები არ გააჩნდა. მას ადრიატიკის ზღვა უნდა გადაეცურა.

რომის იმპერიაში გაჩაღებულმა შეიარაღებულმა კონფლიქტმა მრავალი საზღვრული წამოჭრა ალექსანდრიის სასახლის კარის წინაშე. ცხადი იყო, რომ თითოეული მხარე დახმარებას მოითხოვდა — ეგვიპტე კი, ცხადია, ეცდებოდა ნეიტრალური დარჩენილიყო და კეთილგონივრულად დალოდებოდა ძმათაშორისი ომის უკანასკნელ შედეგებს. მას ამოძრავებდა იდუმალი იმედი, რომ მოწინააღმდეგენი ერთმანეთს სისხლისაგან დაწრეტდნენ, მოსპობდნენ და საძირკველგამოთხრილი იმპერია თავისივე ნანგრევებს დაემხობოდა. პტოლომეუსებს, ისევე როგორც სხვა დამოუკიდებელი სახელმწიფოების მესვეურთ, მხოლოდ მაშინ შეეძლოთ ეფიქრათ ნამდვილ დამოუკიდებლობაზე და იმაზეც, როგორ დაებრუნებინათ უკან ცირენაიკა და კიპროსი, რომლებიც უკანასკნელ ხანს წაართვეს მათ რომაელმა დამპყრობლებმა.

აღმათ ასეთი აზრები და სურვილები უტრიალებდათ თავში ეგვიპტელ წარჩინებულთ და, შესაძლოა, თავად კლემენტარასაც. თუმცა, ვინ გაბედავდა ამის გაცხადებას? მოვლენები კი თანდათან უფრო დრამატულად ვითარდებოდა.

კლემენტარა და პომპეუსის ვაჟი

49 წლის დასაწყისში სენატთან ერთად პომპეუსი საბერძნეთსა და მაკედონიაში იმყოფებოდა. იგი სრულიად არ ფიქრობდა ბრძოლის შეწყვეტას, პირიქით, ყოველის მხრიდან თავს უყრიდა ხალხს, ხომალდებს, ფულს. მართალია, სწრაფად დაკარგა დედაქალაქიც და იტალიაც, მაგრამ კარგ განწყობილებაზე იყო და საბოლოო გამარჯვებაში ეჭვი არ ეპარებოდა. განსაკუთრებით ის ფაქტი აიძულებდა, რომ თავის განკარგულებაში ჰყავდა ძალზე მდიდარი და ხალხმრავალი აღმოსავლეთის პროვინციები.

პომპეუსის შტაბ-ბინიდან აღმოსავლეთის ყველა ქვეყანაში გაიგზავნა მოთხოვნა გადაუღებელი დახმარების შესახებ. სარდალმა თხოვნით მიმართა, როგორც პროვინციების ნაცვლებს, ასევე დამეგობრებულ სახელმწიფოებსა და ხალხებს, რომლებიც ფორმალურად რომზე არ იყვნენ დამოკიდებულნი. უპირველეს ყოვლისა კი, ეგვიპტეს მიაპყრო თავისი ყურადღება, და ალექსანდრიაში უფროსი ვაჟიშვილი, თავისი სეხნია, გნეუს პომპეუსი გაგზავნა. ჩვენთვის ცნობილი არაა, რა მოთხოვნები წაუყენა მან ალექსანდრიის მფლობელთ, მაგრამ ვიცით, რა მიიღო. სარდლის ვაჟიშვილმა უკან გამოცურა ეგვიპტის 50 სამხედრო ხომალდის თანხლებით, რომლის გემბანზე 500 მებრძოლი იმყოფებოდა. ისინი გაბინიუსელთა შორის შეარჩიეს (ამჯერად მათ წინააღმდეგობის გაწევა ვეღარ გაბედეს). ტრანსპორტის გარდა თან ხორბლის მარაგიც მოჰქონდათ.

უნდა ვიკარაუდოთ, რომ ყმაწვილი პომპეუსი თავიდან გაცილებით მეტს მოითხოვდა. ვასაკვირია, რომ ისეომა მდიდარმა და ვრცელმა ქვეყანამ, როგორც ეგვიპტე იყო, ასე მცირე რაოდენობის ჯარისკაცები მისცა — და ისიც არა საკუთა-

რი, არამედ გაბინიუსის ყოფილი ჯარისა, რომლებსაც რომი ადრეც მოითხოვდა. მკვიდრი ეგვიპტელები საერთოდ არ გაუგზავნიან.

მართალია, რომაელებს დიდი წარმოდგენა არ ჰქონდათ ეგვიპტელთა ბრძოლის-უნარიანობაზე, მაგრამ მაშინ სხვა ქვეყნები ასე ხელმოჭერილი არ იყვნენ რომის მიმართ: რომაელები იღებდნენ ყველაფერს და მიჰყავდათ ყველა, მოქმედებდნენ უნარ-დაკარგულ ადამიანებსაც კი იყენებდნენ: ყარაულებად და მენიხებებად. ΠΡΟΤΥΠΑ

თუკი ვერწმუნებით ძველი დროის ისტორიკოსს, პლუტარქეს, შემდგომში კლეოპატრა სიამოვნებით იხსენებდა გნეუს პომპეუსს, ვითომდაც იმიტომ, რომ შეძლო მისი მოხიბვლა. როგორც ჩანს, სწორედ ეს უნდა იყოს მიზეზი, რომ ცეზარის წინა-აღმდეგ გამართულ ომში ეგვიპტის მონაწილეობა ასე უმნიშვნელო იყო. დედოფლისაგან მოხიბლულმა პომპეუსმა თანაგრძნობით მოისმინა მისი ახსნა-განმარტება იმის თაობაზე, რომ მოუსავლიანობის შედეგად ეგვიპტეს დამშეული მოსახლეობის მღელვარება ემუქრებოდა და არ შეეძლო წესრიგის დამცველთა გარეშე დარჩენილიყო.

ამ მოლაპარაკების ორივე მონაწილე დაახლოებით თანაბარი ასაკისა იყო: ვაჟი 25 წლის, ხოლო მანდილოსანი 20-ისა. ისტორიკოსები, ტრადიციულად, ერთხმად მიუთითებენ, რომ კლეოპატრა არასოდეს ყოფილა კლასიკური სილამაზის პატრონი. ახლა ძნელია ამის შესახებ მსჯელობა, რადგან არ შემონახულა მისი ნამდვილი გამოსახულება. მაგრამ იგივე ისტორიკოსები ერთხმად ამტკიცებენ, რომ დედოფალი მრავალმხრივ მომხიბლავი პიროვნება იყო: მას ჰქონდა ბრწყინვალე ინტელექტი, ცოდნის დიდი მარაგი, თავისუფლად ლაპარაკობდა რამდენიმე ენაზე, ხოლო მისი ხმა ძლიერ მელოდირი იყო. კლეოპატრას მიაჩნდა, რომ პოლიტიკური მიზნის მიღწევა არა მხოლოდ — საკონფერენციო დარბაზში, კამათის გზით, არამედ — მრავალი სხვა ხერხითაც შეიძლებოდა. თავისი ამგვარი შეხედულება პოლიტიკაზე დედოფალმა არაერთხელ დაამტკიცა.

მრავალი ანტიკური მწერალი გვამცნობს, რომ კლეოპატრა მხურვალე ტემპერამენტით გამოირჩეოდა. დედოფლის ამორალურობის გადმოცემების გაბათილება ძნელი არაა იმ არგუმენტით, რომ ესაა მტრების მიერ შეთხზული ცილისწამება, რომელთაც სურდათ, ჩირქი მოეცხოთ მისთვის საზოგადოების თვალში. მაგრამ მეორე მხრივ, არც ის უნდა დავივიწყოთ, მაშინ ყველამ კარგად იცოდა, რომ ალექსანდრია თავაშვებული ეროტიზმის ცენტრი იყო და სასახლის კარი, როგორც მრავალი ახალი თიონისეს რეზიდენცია, ქალაქს ამ მხრივ მშვენიერ მაგალითს აძლევდა. ანდა რა მნიშვნელობა აქვს იმას, რამდენმა საყვარელმა გაიზიარა კლეოპატრას სარეცელი! არსებითია ის, რომ, როდესაც საქმე დიდ სახელმწიფოებრივ ინტერესებს ეხებოდა, იგი არასოდეს ყოფილა საკუთარი ვნებების მონა.

ეგვიპტის ფლოტი, რომელიც ყმაწვილმა პომპეუსმა ალექსანდრიიდან მოიყვანა, მასვე დაუმორჩილეს. ხოლო მთლიანად მთავარსარდლობა ფლოტისა, რომელიც ადრიატიკის ზღვასა და იონიის სრუტეში იდგა, ცეზარის დაუძინებელ მტერს, ჩვენთვის უკვე კარგად ცნობილ მარკუს ბიბულუსს ევალებოდა. მთელს ფლოტში გაერთიანებული იყო 500-ზე მეტი ხომალდი, რომლებსაც აღმოსავლეთის სხვადასხვა ქვეყანაში მოუყარეს თავი. ასეთი ძლიერი ფლოტისათვის ცეზარს დაპირისპირება არ შეეძლო. და მაინც, ამდენი ხომალდის ერთად თავმოყრა ფუჭი ღონისძიება აღმოჩნდა! 49 წლის გვიან შემოდგომაზე ცეზარმა იტალიიდან ადრიატიკის ზღვის აღმოსავლეთ სანაპიროზე გასცურა და ჯარები დირახიუმთან, დღევანდელი ალბანეთის სანაპიროზე გადმოსხა.

დაიწყო სამოქალაქო ომის ახალი ეტაპი.

კლემენტის ბაქანობა

48 წლის ცხელ ზაფხულში ეგვიპტის ფლოტი ადრიატიკის ზღვიდან ალექსანდრიის ნავსადგურში დაბრუნდა. რადგან, როგორც კი მოვიდა ცნობა, ჩრდილოეთ საბერძნეთში, ფართალოსთან, პომპეუსმა მარცხი განიცადაო, ყველა მხმელეთი, რომელიც ბიბულუსის სარდლობით ბრძოლაში უნდა ჩაბმულიყო, მასთანვე გაიფანტა.

ეგვიპტის ფლოტი დანაკლისის გარეშე დაბრუნდა უკან. თუ დიდი გმირობა არ ჩაუდენია, არც ზარალი მოსვლია და მთავარი ეს იყო. ხომალდებმა ის იყო ნავსადგურში ჩაუშვეს ღუზა, და მუშაურები ჯერ არც კი იყვნენ ნაპირზე გადასული, რომ უჩვეულო ამბავი მოისმინეს:

სამოქალაქო ომი ეგვიპტეშიც გაჩაღებულიყო — სამეფო გვარის ცოლ-ქმრულ წყვილს შორის. პტოლომეუს XIII ქვეყნიდან გააძევებინა თავისი და და მეუღლე-კლემოპატრა პალესტინაში გაიქცა. იქ მან ჯარები მოაგროვა და ეგვიპტისაკენ დაიძრა. მეფე და მისი მომხრე დიდებულები ახლა ეგვიპტის საზღვრებთან, ციხე-სიმაგრე პელუსიონთან იდგნენ და კლემოპატრას გზას უღობავდნენ ქვეყნისაკენ.

მოვლენების ამგვარი შემობრუნება ალექსანდრიაში ალბათ არავისთვის არ იყო მოულოდნელი. შინაური განხეთქილებები, ბოროტმოქმედებანი და ომებიც კი — მიუხედავად ცოლ-ქმრული ხელშეკრულებებისა, არაიშვიათი ამბავი იყო პტოლომეუსების დინასტიაში. ასევე დიდი მნიშვნელობა ჰქონდა ასაკობრივ სხვაობასაც კლემოპატრასა და მის მეუღლესა და ძმას შორის. კლემოპატრა უკვე დაქალბებული იყო, მისი ქმარი კი — ცამეტი წლის ბიჭი. მამის სიკვდილის შემდეგ მათი მფარველობა სასახლის ტრიუმვირატს ჰქონდა დავალებული: საჭურის პოთინეს, რიტორიკის მასწავლებელს თეოდოტს და ჯარების სარდალს — ახილასს. მაგრამ კლემოპატრა მალე მივიდა იმ აზრამდე, რომ იგი უკვე ზრდასრული პიროვნებაა და ხელეწიფება გადაწყვეტილებების დამოუკიდებლად მიღება. სამ დიდებულს ეს ამბავი, ცხადია, ხელს არ აძლევდა: მათ ხომ იმედი ჰქონდათ, რომ ჯერ კიდევ მრავალ წელს უნდა ემართათ სახელმწიფო, ვიდრე პტოლომეუსი სრულწლოვანი შეიქნებოდა.

ამიტომ ამ სამ დიდებულსა და კლემოპატრას შორის გარდუვალი გახდა კონფლიქტი. იმის ძიებას, თუ შექმნილ სიტუაციაში რომელ მათგანს უფრო მეტი ბრალი ედება, აზრი არა აქვს. იმ ხანებში გაბატონებული იყო აზრი, რომ სამოქალაქო ომი დაიწყო დედოფლის მიზეზით, რომელსაც მეტისმეტად პატივმოყვარე იყო და არა მხოლოდ იმას ცდილობდა, ტახტიდან გადაეყენებინა თავისი ძმა და მეუღლე, არამედ — მოეკლა კიდევ (ამის შესახებ იუწყებიან ანტიკური ხანის ისტორიული ძეგლები), მაგრამ როგორ დავადგინოთ, რომ ასეთი ხმები იმ პარტიის დაყრილი არ იყო, რომელიც კლემოპატრას ებრძოდა და სურდა, დედოფლის წინააღმდეგ ეგვიპტის მოსახლეობა ამგვარად აემხედრებინა? ოცდათორმეტი წლის წინ ახალგაზრდა პტოლომეუს XI საკუთარი ცოლი, მასზე უფროსი დედოფალი ბერენიკა მოკლა. ეს მას სიცოცხლის ფასად დაუჯდა. ახლაც, გავრცელდა ხმები, და, თუ სარწმუნოდ მივიჩნევთ, მსგავსი დანაშაული უნდა განმეორებულიყო. დანაშაულის მსხვერპლი გახდებოდა მცირეწლოვანი ბიჭი, მკვლელობას ჩაიდენდა მისი უფროსი და და მეუღლე. შემდგომ წლებში მომხდარმა მოვლენებმა გვიჩვენეს, რომ კლემოპატრას ყოველგვარი ყოყმანის გარეშე შეეძლო ამის გაკეთება.

ალექსანდრიის მკვიდრი დედოფლის თანამედროვენიც ვერ გაერკვნენ სასახლის ინტრიგების ქსელში. ამ მიზეზით არასოდეს არ გახდება ცნობილი სასახლის კარზე წარმოშობილი განხეთქილების დეტალები. შეუძლებელია იმისი გარკვევაც, რატომ გააძევეს კლემოპატრა ეგვიპტიდან, ნაცვლად იმისა, რომ მოეკლათ, როგორც მსგავს

შემთხვევებში იქცეოდნენ პტოლომეუსები და როგორც ამას ფხიზელი განსჯა კარნახობდა მათ. ან იქნებ კლეოპატრა, რაკი დაინახა რომ მისი გავლენა ეცემოდა და მის სიცოცხლეს საფრთხე ემუქრებოდა, წინდახედულად გაიქცა?

ეგვიპტის მოსახლეობამ საკმაოდ გულგრილად მიიღო ცნობა იმის შესახებ, რომ მეფის და და მეუღლე გაძევებულ იქნა. ჩანს, საკმარისი პოპულარობით არ სარგებლობდა იგი. თანაც, საჭიროა იმისი აღიარებაც, რომ უკანასკნელ წლებში ეგვიპტის არ შეიძლებოდა არ შეეღობა დედოფლის ავტორიტეტი. სულ რაღაც რომდენიმე კვირის წინ დედოფალი ყველას თვალწინ ცდილობდა მოეხიბლა ყმაწვილი პომპეუსი. მის მტრებს შეეძლოთ საბაზად გამოეყენებინათ ეს და ეყვირათ, რომ დედოფალმა რომაელებს ორმოცდაათი სამხედრო ხომალდი გაუგზავნა იმ დროს, როდესაც ქვეყანაში ასეთი მძიმე სიტუაცია იყო შექმნილი. ალბათ იმასაც დააბრალებდნენ, რომ დედოფალს სრულიად არ აწუხებდა ხალხის ინტერესები და მხოლოდ ძლიერ მოკავშირეზე ფიქრობდა, ანუ ფლეიტისტის დამღუპველი პოლიტიკის გაგრძელებას ცდილობდა.

ეჭვვარეშეა, რომ კლეოპატრას წინააღმდეგ გამოვიდოდნენ ასევე გაბინიუსელი ჯარისკაცებიც, მაშასადამე, ქვეყანაში არსებული ყველაზე ძლიერი სამხედრო ძალა; რადგან ბიბულუსის ვაჟების დახოცვის შემდეგ დედოფალმა მკვლევლობის ჩამდენი სირიის გამგებელს გაუგზავნა, ალბათ მასვე მიაწერდნენ მთელს პასუხისმგებლობას პომპეუსის არმიისათვის სუთასი მხედრის გაგზავნის გამოც. ყოველივე ამის გამო გაბინიუსელები უაღრესად ერთგულნი რჩებოდნენ ახალგაზრდა მეფისა და ზიზლით აღვსილნი გამოდიოდნენ კლეოპატრას წინააღმდეგ.

შაინც საით გაიქცა დედოფალი? სად და ვისთან უნდა ეძებნა დახმარება? რა ხერხებით ცდილობდა მის მოპოვებას? ამგვარ კითხვებზე ისტორიული წყაროები თითქმის არაფერს არ პასუხს არ იძლევიან. ალბათ ცდილობდა ეგვიპტეში პალესტინის მხრიდან შეჭრილიყო და ამიტომაც იმ მიდამოებში აგროვებდა მეზრძოლთ. ან იქნებ ნაბატელ არაბებს შორის ანდა სირიის მოსაზღვრე პატარ-პატარა სამთავროებში ცდილობდა მომხრეების პოვნას, სადაც ყოველთვის საკმარისად მოიძებნებოდა ყოველგვარი ჯურის ავანტიურისტები? სამხედრო ძალა, რომელიც მან ამ მცდელობის შედეგად მოაგროვა და ეგვიპტისაკენ წაიყვანა, არ შეიძლებოდა მცირე ყოფილიყო, რადგან მეფის ახლობლებმა აუცილებლად მიიჩნიეს, დედოფლისათვის დიდი არმიის საშუალებით გადაეღობათ გზა ქვეყნის საზღვრებთანვე. აქ, ზღვის ქვიშიან სანაპიროზე, ორივე მხარის ჯარები რამდენიმე დღის მანძილზე უმოქმედოდ იდგნენ: მაგრამ მათკენ უკვე მიექანებოდა ქარიშხლისაგან გამოტყორცნილი საშიში ტალღა, რომელიც შორეული საბერძნეთის ფარსალოსის მინდვრებიდან დაიძრა.

ფარსალოსიდან გაქცევა

48 წლის ცხელი ზაფხულის დღეს, ჩრდილოეთ საბერძნეთში, ფარსალოსთან ბრძოლაში ცეზარმა გაანადგურა პომპეუსის უდიდესი, მაგრამ ცუდად ორგანიზებული არმია.

შებინდებულზე, როდესაც ბრძოლის ბედი უკვე გადაწყვეტილი იყო და ცეზარის ჯარისკაცები თავიანთ ბანაკებს დაუბრუნდნენ, პომპეუსი ცხენს მოახტა და ოთხი ჯარისკაცის თანხლებით გაქუსლა.

მინდორზე ჯერ ბინდი ჩამოწვა, შემდეგ წვეარამი ღამეც დადგა, მაგრამ ისინი შეუჩერებლივ მიაჭენებდნენ ცხენებს. კრინტის დაძვრასაც კი ვერავინ ბედავდა,

რადგან კარგად ესმოდათ, რა სევდიან ფიქრებს შეეპყრო ახლა მათი სარდალი. ოცდაათოთხმეტი წლის მანძილზე პომპეუსი მხოლოდ დაფნის გვირგვინებს იმკიდა: მტერს მტერზე ანადგურებდა იტალიაში, აფრიკაში, აზიაში, იუდეაში. შვეობრეები-საგან გაათავისუფლა მთელი ხმელთაშუა ზღვა — დასავლეთის ნაპირებიდან აღმოსავლეთის სანაპირომდე. მის სახელს პატივს მიაგებდნენ კავკასიისა და პირინეის მცხოვრებნიც. ახლა კი მკაცრმა და დაუნდობელმა ბედმა, კთელქმის სიყვარულის ზღურბლს მიღწეულს, შეურაცხმყოფელს დამარცხება აგემა. ჯერ კიდევ რამდენიმე საათის წინ პომპეუსი იმპერიის ერთ-ერთი განმგებელი და უდიდესი არმიის სარდალი იყო. ახლა კი, როგორც გაქცეული მონა, მტერს ემალებოდა.

გზაზე მათ რესპუბლიკის განადგურებული არმიიდან ვადარჩენილი სხვა ლტოლვილებიც შეუერთდნენ, ასე, ოცდაათ კაცამდე მოგროვდა. განთიადისას ისინი ლარისას ციხის კედლებს მიუახლოვდნენ. ციხე-ქალაქის მცხოვრებნი ყვირილით უხმობდნენ, თავშესაფარს სთავაზობდნენ. მაგრამ პომპეუსის ბრძანებით მხედრებს ჭენება არ შეუწყვეტიათ. ჩანს, ეშინოდა, რომ მუხთალ ბერძნებს გამარჯვებულისათვის არ გადაეცა ისინი.

ლტოლვილები ჯერ მდინარე პენეის ნაპირებს მიუყვებოდნენ, ხოლო შემდეგ დაემგნენ მის განშტოებაზე, ოსისისა და ოლიმპოს კლდეებს შორის, ძლიერ მოქანცულნი და მოწყურებულნი. თასიც კი არ ჰქონდათ, რომ წყალი დაეღიათ. ოქროსა და ვერცხლის მაგიდის ჭურჭელი ზოგ სხვა ძვირფას ნივთთან ერთად გამარჯვებულთა გასახარად ფარსალის ველებზე დარჩა. ერთ ადგილას პომპეუსი ცხენიდან ჩამოხდა, მიწაზე დაემხო და ლატაკი მწყემსივით მდინარის წყალს ტურებით დაეწაფა.

ღამე პენეის შესართავის ახლოს, ზღვის ნაპირზე გაატარეს, მეთევზის ქოხში. ინათა თუ არა, პომპეუსი მომცრო სამდინარო ნავში ჩაჯდა. მას მხოლოდ რამდენიმე კაცი ახლდა. მონებს, რომელთაც უკანასკნელ წუთებამდე უერთგულეს, უბრძანა, ცეზართან დაბრუნებულიყვნენ, თან დაარწმუნა, რომ იგი არაფერს ავნებდა მათ.

ნაპირის სიახლოვეს ნავი ძალზე ნელა გაემართა წინ. მალე ცხადი შეიქნა, რომ ამგვარად შორს ვერ წავიდოდნენ. მაგრამ მოულოდნელად სატრანსპორტო ხომალდს მოჰკრეს თვალი და ყვირილითა და მოსასხამების ქნევით მისი მოხმობა იწყეს.

ხომალდის კაპიტანი რომაელი აღმოჩნდა. თუმცა, პომპეუსს არასოდეს არ დალაპარაკებოდა, გარეგნულად მშვენივრად იცნობდა მას. უკანასკნელ ღამეს კაპიტანს სიზმარი ენახა, რომლის შესახებაც თავისი ხელქვეითებისათვის ეამბნა:

— ძილში პომპეუსი ენახე, ცოცხალი. მაგრამ არა ისეთი ამაყი, როგორც ხშირად მინახავს, რაღაც მოტეხილი და დამცირებული ჩანდა.

კაპიტანს სიზმრის თხრობა ჯერაც არ დაემთავრებინა, რომ უნებ-ერთმა მეზღვაურმა წამოიძახა:

— ნაპირთან ნავია! მენავეები რაღაცას ყვირიან და მოსასხამების ქნევით ნიშანს იძლევიან!

პომპეუსი და მისი ამხანაგები ხომალდზე უაღრესი პატივისცემით აიყვანეს. მოსამსახურეების გარეშე დარჩენილ სარდალს ერთ-ერთი მისი ყოფილი პრეტორი ემსახურებოდა. მან სარდალს სანდლები გახადა და ფეხები დაბანა.

მთელი ღამის განმავლობაში მათი ღუზაჩაშვებული ხომალდი ქალაქ ამფიპოლისის ახლოს მაკედონიის სანაპიროზე იდგა. პომპეუსმა ქალაქის დიდებულები იხმო. ფულის მოგროვება დაავალა მათ და ისიც უბრძანა, რომ ქალაქის ყველა ყმაწვილი კაცი მისთვის ფიცის მისაცემად გაეყვანათ. ნუთუ ახალი არმიის შექმნაზე ფიქრობდა? მაგრამ მალე მოახსენეს, რომ ცეზარის ჯარისკაცები ახლოვდებოდნენ. იძულებული გახდა, დაუყოვნებლივ განეგრძო გზა.

კორნელი

ორი დღის შემდეგ მათი ხომალდი კუნძულ ლესბოსს მიაღწა. იქ ქალაქ მიტილენში პომპეუსს მისი მეუღლე კორნელია და უფროსი ვაჟიშვილი — სექსტუსი ელოდნენ.

კორნელიას მტკიცედ სჯეროდა, რომ ერთ მშვენიერ დღეს ტენარუმის გამარჯვების სასიხარულო ამბავს მიიღებდა. დარახიუმთან გამარჯვების ამბავი სრამის მცირე ხნის უკან შეიტყო. ბოლოს პომპეუსისაგან ისე მოქანცული და გაწამებული შიკრიკი მოვიდა, რომ ჩვეულებრივი საღმის მიცემაც კი დაავიწყდა. მან მხოლოდ რამდენიმე სიტყვის წარმოთქმა შესძლო:

— პომპეუსი სხვის ხომალდზე იმყოფება. იჩქარე, ნახო იგი.

კორნელიას გული წაუვიდა. როდესაც გონს მოვიდა, სასწრაფოდ გაემურა ნავსადგურისაკენ. პომპეუსის მკლავებში ისევე დაკარგა გონება. შემდეგ ტირილით წარმოსთქვა, რომ ყველა მომხდარი უბედურება მისი ბრალია, ივია დაწყევლილი ბედისა, მისი პირველი ქმარი ხომ, პუბლიუს კრასუსი, პართელების ხელით მოკვდა, მეორე კი, რომელიც სულ ახლახანს ხუთას ხომალდს მეთაურობდა, ახლა სხვის გემს თავშეფარებული გარბის.

— ჯერ კიდევ კრასუსამდე უნდა მოვმკვდარიყავი, — განაგრძობდა ქალი მოთქმას. — ჯობდა, მისი სიკვდილისთანავე თავი მოშეკლა, როგორც ვაპირებდი.

პომპეუსის ოჯახი გემზე მოთავსდა. თუმცა გზის გაგრძელება ძლიერ ეჩქარებოდათ, მაგრამ პირქარმა ორ დღეს შეაყოვნა ისინი. ამასობაში სხვა ხომალდებიც შემოუერთდნენ და ფლოტილიამ გეზი სამხრეთისაკენ აიღო, აზიის სანაპიროს გაყოლებით. ისინი მხოლოდ წყლისა და სურსათის მარაგის ასაღებად ჩერდებოდნენ. მალე სამხედრო გემების ესკადრა შემოხვდათ, რომელზედაც სენატორთა ჯგუფი იმყოფებოდა. კილიკიის სანაპიროზე დიდი სამხედრო თათბირი გაიმართა.

აქამდის პომპეუსი და მისი თანამგზავრები მხოლოდ ერთი აზრით გარბოდნენ: რაც შეიძლება სწრაფად და შორს. ახლა აუცილებელი იყო დაესახათ მიზანი. სიტუაცია, როგორც თანდათან გამოირკვა, არც ისე უიმედო იყო: სამხედრო ფლოტის ძირითადი ბირთვი თითქმის უვნებლად იყო გადარჩენილი. ასევე უვნებელი იყო სამხედროთა ჯარების ბევრი ქვედანაყოფიც. მაგრამ ისინი ძლიერ შორს იყვნენ დარჩენილები. სად ეძებნათ, როგორ მიეღწიათ იქამდე? როგორ მოეყარათ თავი ლამპირისთვის? პომპეუსი უკვე მიმხვდარი იყო თავის პრინციპულ, სტრატეგიულ შეცდომას და აღიარა:

— გადამწყვეტი ბრძოლის გამართვა საჭირო იყო არა ხმელეთზე, არამედ ზღვაზე, მე კი შევყევი საბერძნეთის სიღრმეში და ბრძოლა იქ მივიღე, სადაც არ შემეძლო ფლოტის გამოყენება.

როდესაც შეეკითხნენ, საით უნდა წასულიყვნენ ახლა, მან გასაოცარი პასუხი გასცა: პირდაპირ პართელებთან! ეს მოულოდნელი გადაწყვეტილება საფუძველს როდი იყო მოკლებული.

სინამდვილეში პართია რომისათვის ყოველთვის წარმოადგენდა საფრთხეს. ხუთი წლის წინ მათთან ბრძოლაში დაეცა მარკუს კრასუსი და მისი ვაჟი — პუბლიუსი. მაგრამ ახლა ცეზარის წინააღმდეგ საბრძოლველად ჯარების მიცემა მხოლოდ პართელებს შეეძლოთ. თუმცა ამას უანგაროდ არ იზამდნენ და ფეშქაშად რომელიმე აზიურ პროვინციას, ანდა სახელდობრ იმ პროვინციებს მოითხოვდნენ, რომლებიც იმპერიას ბოლო ხანებში შესძინა პომპეუსმა. ამჯერად შიიძლებოდა იმ მიწების პარ-

თელებისათვის დათმობა, რათა ცეზართან ომის ძლევამოსილად დამთავრების შემდეგ ისინი კვლავ უკან დაებრუნებინათ.

მაგრამ სარდლის ამ წინადადებას მოთათბირეთა უმრავლესობამ მედვარი წინააღმდეგობა გაუწია, რადგან მათ, უბრალოდ, ეშინოდათ პარტიებისა. ამ პროექტის წინააღმდეგ განსაკუთრებით მტკიცედ გამოვიდა ბერძენი თეოფანე, რომელიც წლების მანძილზე პომპეუსის ბრწყინვალე გამარჯვებების ოფიციალური ისტორიკოსის თანამდებობას ასრულებდა. თავისი წინადადება მან ასე დაასაბუთა:

— უაზრობაა ჩვენი სიცოცხლე პარტიების ვერაგ მეფეს მივანდოთ, თუკი შეგვიძლია სამი დღის შემდეგ ეგვიპტეში მივიდეთ. ახალგაზრდა მეფე პტოლომეუსი მაღლიერი უნდა იყოს პომპეუსისა მამამისისათვის აღმოჩენილი დახმარების გამო. სასახლის კარიც ალბათ კეთილმოსურნედ უნდა იყოს ჩვენდამი განწყობილი. ეგვიპტე მდიდარი ქვეყანაა. დიდი სიძნელის გარეშე მივიღებთ იქ სურსათს, ხომალდებს, ფულს. ბოლოს და ბოლოს როგორ ჩავუგდოთ პარტიებს ხელთ კორნელია, როდესაც მათ მოკლეს მისი მამამთილი და ქმარი?

პომპეუსს ეს არგუმენტები სარწმუნოდ მოეჩვენა. ამიტომ ჯერ კუნძულ კვიპროსისაკენ გაცურეს, საიდანაც თავდაპირველად სირიაში უნდა დაბრუნებულიყვნენ, ხოლო შემდეგ — ნაპირების გაყოლებით, სამხრეთისაკენ, ეგვიპტემდე უნდა მიეცურათ. მაგრამ კვიპროსის საპორტო ქალაქ პაფოსთან შეჩერების დროს შეიტყვეს, რომ სირიის დედაქალაქში, ანტიოქიაში მცხოვრები რომაელები პომპეუსის წინააღმდეგ გამოსულიყვნენ. ისინი შეიარაღებულიყვნენ და განეცხადებინათ, რომ პომპეუსს არ შეუშვებდნენ პორტში. რომაელები წინააღმდეგნი იყვნენ აგრეთვე პომპეუსის იმ მომხრეების ქალაქში შეშვებისაც, რომლებიც მეზობელ სამთავროებში აფარებდნენ თავს. ყოველივე ამას პომპეუსისადმი მტრობით კი არ იქმოდნენ, არამედ — ცეზარის შიშით, რადგან უკვე საყოველთაოდ გამხდარიყო ცნობილი, რომ გამარჯვებული პომპეუსს ელვისებური სისწრაფით დასდევებოდა.

ამიტომ იძულებულები შეიქნენ პირდაპირ ალექსანდრიისაკენ აეღოთ გეზი. ამ დროს (პომპეუსმა ეს კვიპროსში შეიტყო) ეგვიპტეში სამოქალაქო ომი მძვინვარებდა. მეფე პტოლომეუსი პელუსიონის ციხესთან იდგა და თავის დას და მეუღლეს გზას უღობავდა. მაგრამ სხვა გამოსავალი არ ჩანდა, უკან დასახევი გზა მოჭრილი იყო. პომპეუსს მოახსენეს, რომ ცეზარის ხომალდები პირდაპირ კვიპროსისაკენ მოცურავდნენ. რომაელ ვაჭრებსა და მრეწველებს, რომლებიც კუნძულზე საქმიანობდნენ, პომპეუსმა გამოართვა ფული, შეაიარაღა და ხომალდებზე აიყვანა მათი ხალხი, დაახლოებით ორი ათასი კაცი და ასეთი მცირე ფლოტით პელუსიონისაკენ გაცურა.

თათბირი ეგვიპტის ფარაონთან

ცხადია, პომპეუსს მიაჩნდა, რომ ეგვიპტის კანონიერი მეფე მცირეწლოვანი პტოლომეუსი იყო და არა მისი და, ქვეყნიდან გაძევებული კლეოპატრა. ანდა რას მოიგებდა, თუნდაც უმიწაწყლო დედოფლის მხარე დაეჭირა? იგი იძულებული გახდებოდა დედოფალთან ერთად ჯერ ალექსანდრია აეღო. მას კი თავად ესაჭიროებოდა დახმარება. ამიტომ პომპეუსის მცირე ფლოტმა ღუზა პელუსიონთან ჩაუშვა, სადაც პტოლომეუსი იყო დაბანაკებული. პომპეუსმა მეფეს გაუგზავნა ელჩები, რომლებიც დაუყოვნებლივ იქნენ მიღებული. მის უდიდებულესობას ცამეტი წლის მეფეს მათ მოკლედ მოახსენეს:

— ბედი ცვალებადია. ზუსტად ათი წლის წინ მამაშენმა ტახტი დაკარგა და

იძულებული გახდა, უცხოეთში გადახვეწილიყო. რომში, სადაც მან ინება ჩასვლა, პომპეუსმა სტუმართმოყვარულად მიიღო იგი და დახმარების ხელი გაუწოდა. მისი წყალობით მეფემ კვლავ დაიბრუნა ძალაუფლება. მამაშენი დიდად აფასებდა მეგობრობას, რომელიც მასსა და პომპეუსს შორის დაშვარდა. ამიტომაც დანიშნა თბვისი ანდერძის შემსრულებლად რომაელი ხალხი და ამ დოკუმენტის ეგზემპლარი პომპეუსს გადასცა შესანახად. ახლა მშვენიერი შემთხვევა გეძლევათ მაგისტრის კაბინეტში წაიკითხოთ. პომპეუსი ითხოვს ალექსანდრიაში მიღებასა და სურსათით, სომალდებითა და ფულით დახმარებას. არ დაგავიწყდეს, რომ, მართალია, ჩვენ დავმარცხდით, მაგრამ აურაცხელ ძალებსა ვფლობთ, რომლებიც, სამწუხაროდ, ჩვენგან დიდი მანძილით არიან დაშორებულნი. როგორც კი ამ ძალებს შევაკროვებთ, ყველაფერი შეიცვლება. შენ კი მოიპოვებ არა მხოლოდ პომპეუსის, არამედ მთელი რომაელი ხალხის მაგლობას!

სიტყვის მოსმენის შემდეგ ელჩებს სთხოვეს, პასუხისათვის მოეცადათ. ელჩებად წარგზავნილი რომაელები თავისუფლად დასეირნობდნენ ბანაკში, სადაც მათი გამოჩენა გაოცებას იწვევდა. ეგვიპტელ ჯარისკაცებს შორის ბევრი იყო აგრეთვე გაბიწიუსელი. მრავალი მათგანი წლების მანძილზე იბრძოდა პომპეუსის სარდლობით და ამიტომ ახლა ცნობისმოყვარედ კითხულობდნენ:

— როგორ დამარცხდა პომპეუსის არმია? ახლა რა სიტუაციაა? რა განუზრახავს სარდალს, რომელიც აქამდე დამარცხებული არავის უნახავს?

მხოლოდ ბრძოლისა და გაქცევის ამბების მოყოლით არ იზღუდებოდნენ ელჩები. ისინი ცდილობდნენ, საქმე ისე წარმოედგინათ, თითქოს ეს წინასწარ გამიზნული სტრატეგიული მანევრი იყო. უფრო მეტიც, პირდაპირ მოუწოდებდნენ ამჟამად ეგვიპტის სამსახურში მყოფ რომაელ ჯარისკაცებს, რომ კვლავაც დაემტკიცებინათ ერთგულება თავიანთი ყოფილი სარდლისათვის.

ცნობამ, რაც ხდებოდა ეგვიპტელთა ბანაკში, უმაღლეს მიაღწია სამეფო საბჭომდე, სადაც იხილებოდა პომპეუსის საკითხი, და არაკეთილსასურველი ეფექტი მოახდინა. იქნებ სახელდობრ ამ ცნობამაც გადაწონა პომპეუსის ბედი? მის მსვლელობაში ხომ ურთიერთსაპირისპირო შეხედულებები და აზრები ეჯახებოდა ერთმანეთს?!

ერთ-ერთი პირველი მოკამათეთაგანი იყო აკორეოსი, შემფისელი ქურუმთუხუცესი. ამ სახელით, რომელიც ალბათ რომელიღაც ეგვიპტური თანამდებობის დამახინჯებაა, ნამდვილად პშერნი-პტაპი, ტა-იმპოტების ქმარი გამოდიოდა. მისი აზრით, სამართლიანობა მოითხოვდა, სათანადოდ შეეფასებინათ პომპეუსის დამსახურება მეფის ოჯახის წინაშე. სხვა ორატორები კი წინადადებას იძლეოდნენ, არ მიეღოთ პომპეუსი და არავითარი დახმარება არ აღმოეჩინათ მისთვის. მათი მსჯელობა საღი და სამართლიანი იყო. ისინი ამტკიცებდნენ, რომ სამოქალაქო ომი რომის საშინაო საქმეა და ეგვიპტე ვალდებულია, დაიცვას თანმიმდევრული ნეიტრალიტეტი.

დასასრულს სიტყვა წარმოთქვა საჭურისმა პოთინემ. მან მკაცრად გააკრიტიკა ქურუმთუხუცესის პოზიცია. მისი არგუმენტაცია ცინიკური, მაგრამ დამაჯერებელი იყო. ასი წლის შემდგომ რომაელმა პოეტმა ლუკანმა, ალბათ სარწმუნო წყაროებზე დაყრდნობით, აღადგინა პოთინეს სიტყვა, რომელსაც შემდეგი შინაარსი აქვს:

მეფე ყოველთვის უნდა იღვეს ბედისა და ღმერთების მხარეს. ეს ნიშნავს, რომ პატრივი მიაგოს იმას, ვისაც ბედი უმართლებს, და უგულვებელყოს უბედურებაში ჩაცვივნილი ადამიანები, რადგან სამართლიანობა და ანგარება შორიშორს არიან ერთმანეთისაგან, ისევე როგორც ვარსკვლავები და დედამიწა, როგორც წყალი და ცეცხლი. ხელმწიფის პრესტიჟი ეცემა მაშინ, როგორც კი იგი იწყებს სამართლიანობის პრინციპების შესაბამისად სახელმწიფოს მართვას. მრავალი ციხე-სიმაგრის და-

ცემის მიხეზი მისი მპყრობელის კეთილსინდისიერება და პატიოსნება გამხდარა. ყოველგვარი ხელისუფლება რომ ეზიზღება ხალხს, ეს ყველასათვის ცნობილი ჭეშმარიტებაა. მაშ, რაღა ემსახურება მას ფარად და ხმლად? დანაშაულის ჩადენის შესაძლებლობა.

ბოლოს, მიმართა რა უშუალოდ მეფეს, პოთინემ დაასრულა:

— მეფეო! პომპეუსი, უბრალოდ, უგულვებელგვოფს შენს მტრულკოვნიერების გამო. იგი ფიქრობს, რომ შენ ვერ გაბუდავ უკან გააბრუნო ის შენი ქვეყნის საზღვრებიდან. ჩვენთვის ერთი რამაა ნათელი: ეგვიპტე რომაელთა შემოჭრისაგან უნდა დავიცვათ. ის, რაც არ ეკუთვნოდა პომპეუსს ომის დროს, არ უნდა გახდეს მისი დამარცხებლის ნადავლი. სარდალს, რომელსაც მთელმა სამყარომ ზურგი შეაქცია, გაეცევის ყველა გზა მოჭრილი აქვს. ახლა იგი ეძებს ქვეყანას, რომელიც მასთან ერთად გადაიჩეხება უფსკრულში. ვის გაურბის პომპეუსი? არა მხოლოდ ცეზარს. მას შიშის ხარს სცემენ ის სენატორებიც, ყორნების ლუკმა რომ გახდნენ ფარსალოსის ველზე. ეშინია იმ ხალხისა, რომელთა სისხლის ზღვაც დააყენა, და მეფეებისა, რომლებიც ასევე თან გადაიყოლა დამარცხების უფსკრულში. რაკი უკვე აღარავის სურს მისი მიღება, იგი მოადგა ჩვენს ქვეყანას, — რამეთუ ეგვიპტე ჯერ არ დაუღუპავს!

საჭიროა, კარგად ავწონ-დავწონოთ ჩვენი სახელმწიფოს ძალები და შესაძლებლობები. წაქცეულმა პომპეუსმა მთელი რომი დაიყოლა ქვეშ. მაშ, რანაირად შეგვიძლია საყრდენად გამოადგე მას შენ, მეფევ? ნუთუ შეგიძლია სიცოცხლე დაუბრუნო ფარსალოსთან დაცემულ ჯარისკაცებს? ან იქნებ გსურს, რომ ეგვიპტესაც მოსწვდეს ომის ქარცეცხლი? აქამდე მონაწილეობა არ მიგვიღია ომში, ნუთუ მიემხრობი პომპეუსის ბანაკს, მაშინ, როდესაც მას მთელი სამყარო განუღვა?

თუმცა, რა შინაარსის სიტყვაც არ უნდა წარმოეთქვათ მეფის მრჩევლებს, ცნობამ, პომპეუსის ელჩები ეგვიპტელ ჯარისკაცებს იბირებენო, მეხის ჩამოვარდნასავით იმოქმედა. რადიკალური ღონისძიებების გატარების მომხრეთა არგუმენტებმა მეტი დამაჯერებლობა შეიძინეს. პოთინეს შემდეგ გამოსულმა მეფის აღმზრდელმა, რიტორიკის მასწავლებელმა თეოდოტიმ უფრო შკაცრი მოთხოვნები წამოაყენა:

— უარით გავაბრუნოთ უკან პომპეუსი, — ეს ისევე საშიშია ჩვენთვის, როგორც ის, რომ მივიღოთ იგი და მხარი დავუჭიროთ. თუ მას დახმარებას აღმოვუჩინებთ, ამით ცეზარის რისხვას დავიტეხთ თავს, ხოლო თუ არ მივიღებთ მას, მაშინ ორ მტერს გავიჩინებთ: ერთი შეგვიზიზღებს იმიტომ, რომ უკუვაგდეთ, ხოლო მეორე — იმიტომ, რომ იძულებული გავხადეთ კიდევ უფრო შორს დაედევნოს თავის მტერს. ყველაზე უკეთესად მაშინ მოვიქცევით, თუ რომის სამოქალაქო ომის ბედს ჩვენ გადავწყვეტთ. დიას, გამარჯვების სასწორი ჩვენ ცეზარის მხარეს უნდა გადავწონოთ. ამისათვის საკმარისია, უბრალოდ, თავიდან მოვიშოროთ პომპეუსი. ამით ცეზარსაც მოვიმადლიერებთ და პომპეუსის მხრიდანაც საფრთხე აცილებული გვექნება.

ეგვიპტის სახელმწიფოებრივი ინტერესების თვალსაზრისით ეს შეხედულება ყველაზე უფრო სწორი იყო. რანაირად შეეძლო პტოლომეუსს, რომელიც თავის დას და მეუღლეს ებრძოდა, წინააღმდეგობა გაეწია ცეზარისათვის, რომელიც დევნილს ფეხდაფეხ მოსდევდა? მეფე კლეოპატრასა და რომის ჯარების მარწუხებში აღმოჩნდებოდა. ძნელი არ იყო იმის მიხვედრა, რომ ასეთ სიტუაციაში ცეზარი ადვილად შეუთანხმდებოდა კლეოპატრას და ეგვიპტის მეფედ მას აღიარებდა.

ეგვიპტელებს ერთი გამოსავალიც ჰქონდათ: პომპეუსი დაეტყვევებინათ და ცეზარისათვის მიეგვარათ. მაშინ მართალია, თავიდან აირიდებდნენ მკვლელობისა-

თვის პასუხისმგებლობას, სამაგიეროდ, ცეზარი აღმოჩნდებოდა მძიმე სიტუაციაში. მაგრამ, როგორც ხშირად ემართებათ ხოლმე პოლიტიკოსებს, რომლებიც ძლიერთა ამა ქვეყნისათა წინაშე თავის მოწონებას ცდილობენ, ეგვიპტელმა დიდებულებმა მეტისმეტად გამოიღეს თავი.



კომპიუტერის სიკვდილი

სამეფო საბჭოს გადაწყვეტილების სისრულეში მოყვანა დაევალა ახილასს, რომელმაც დასახმარებლად თან წაიყვანა სალვიუსი და გაბინიუსელ ჯარისკაცთა მე-თაური სექტიმუსი. ოდესღაც ორივენი პომპეუსის არმიაში იბრძოდნენ, ახლა კი ახილასს პომპეუსის ხაფანგში გაბმამში უნდა მიხმარებოდნენ.

ხომალდის გემბანზე პომპეუსის ირგვლივ შეგროვილიყვნენ დიდებულები, რომლებიც სარდალს ახლდნენ. ეველა შემფოთებული და გაოცებული იყო. ნაპირის მხრიდან მცირე ნაფი უახლოვდებოდათ. რაშია საქმე? ასე იღებენ სახელოვან სტუმარს? ბევრმა აზრი გამოთქვა, უკეთესი იქნება, თუ ნავს აღარ მოვუცდით და ცურვას განვაგრძობთო.

ამასობაში ნაფიც მოახლოვდა. სექტიმუსი ფეხზე წამოდგა და სარდალს ლათინურად მიესალმა:

— სალვე, იმპერატორ!

ახილასი პომპეუსს ბერძნულად მიესალმა და ნაფიში ჩაიპატიყა.

— ხომალდის გამოგზავნა გვსურდა, — თქვა მან, — მაგრამ აქ წყალი მეტისმეტად თავთხელია და ცურვას ვერ შეძლებდა!

სწორედ ამ დროს პომპეუსმა და მისმა თანამგზავრებმა შენიშნეს, რომ ეგვიპტელთა რამდენიმე ხომალდი საომრად ემზადებოდა. ხოლო ზღვის მთელი სანაპირო ქვეითმა ჯარისკაცებმა დაიჭირეს. რისა ნიშანი იყო ეს — საზეიმო მიღებისა თუ ვერაგული თავდასხმისა? მაგრამ გაქცევას უკვე აზრი აღარ ჰქონდა; უნდობლობის გამომჟღავნება შეიძლებოდა ბრძოლის ატეხის საბაბი გამხდარიყო.

პომპეუსმა გადაწყვიტა ნაფზე გადასულიყო. იგი გამოეთხოვა ატირებულ კორნელიას და გაყოლა უბრძანა ორ ცენტურიონს, თავის ერთ-ერთ აზატს ფილიპეს და ერთგულ მონას — სკვითეს.

ახილასმა მისაშველებლად ქვევიდან გამოუწოდა ხელები. პომპეუსი ნაფში ჩახტა, ცოლისა და ვაჟიშვილისაკენ შებრუნდა და ბერძნულად წარმოსთქვა სოფოკლეს იამბური ტაეპი:

„ის, ვინც ფეხს შედგამს მეფის კარზე, მეფის მონაა, თუნდაც მოვიდეს დაბადებით თავისუფალი“.

ხომალდიდან ნაპირამდე მანძილი საკმაოდ დიდი იყო, მაგრამ ცურვის განმავლობაში მისთვის ერთი სიტყვაც არავის უღირსებია. მან პირველმა დაარღვია სიჩუმე და სექტიმუსს შეეკითხა: „თუ არ ვცდები, შენ ჩემი ყოფილი თანამოლაშქრე უნდა იყო?“ თანხმობის ნიშნად სექტიმუსმა მხოლოდ თავი დაუქნია. სარდალს აღარ უცდია საუბრის გაგრძელება. მან დაიწყო კითხვა ბერძნულად დაწერილი სიტყვისა, რომლითაც მეფისათვის უნდა მიემართა.

სანამ ნაფში მსხდომნი ნაპირს უახლოვდებოდნენ, კორნელია რომაელ დიდებულებთან ერთად ხომალდიდან მღელვარედ ადევნებდა თვალს მოვლენების განვითარებას. როცა დაინახა, რომ მისადგომ ნაპირთან მეფის მრავალი კარისკაცი მო-

გროვდა, თითქოს იმიტომ, რომ პომპეუსი პატივით მიეღოთ, შვებით ამოისუნთქა. მაგრამ იმ დროს, როდესაც პომპეუსმა ხელი ჩასჭიდა ფილიპეს, რათა უფრო ადვილად წამომდგარიყო, სექტიმუსმა მას ზურგში მახვილი ჩასცა; შემდეგ სალვიუსმა და ახილასმაც იშიშვლეს მახვილები. პომპეუსმა ორივე ხელით სახეზე ტოვა ჩამოიხურა და ხმის ამოუღებლად, მხოლოდ კენესით ხედებოდა მახვილთა დარტყმებს.

პომპეუსის მკვლელობის მაყურებელთ სომალდზე შემადრწუნებული უფირილი აღმოხდათ. ბრძანებისთვისაც აღარ მოუცდიათ, ისე აუშვეს ღუზა და სწრაფად გაშორდნენ იქაურობას. მძლავრმა ქარმა ხელი შეუწყო ლტოლვილებს. ეგვიპტელები იძულებული შეიქნენ ხელი აეღოთ დევნაზე.

პომპეუსი თავისი დაბადების წინა დღეს მოკვდა. იგი 58 წლის უნდა გამხდარიყო. მას თავი მოჰკვეთეს და მეფეს მიართვეს. გაშიშვლებული სხეული კი ნაპირზე გადაისროლეს და იმათ დაუტოვეს, ვისაც ამ სანახაობით დატკობა სურდა. აზატი ფილიპე გაუნძრევლად იდგა გვამთან, კიდრე ხალხმა გული არ იჯერა მისი ცქერით. შემდეგ პომპეუსის ტანი ზღვის წყლით განბანა და თავისი ტუნიკით შემოსა. ბევრი ძებნის შემდეგ ნაპირზე მოაგროვა პატარა ნავის ნაშტვრეები და დამკრძალავი კოცონი დაანთო. კოცონის დანთებაში შველოდა ერთი უცნობი მოხუცი, რომელსაც ოდესღაც პომპეუსის არმიაში ემსახურა.

ცაზარის რელატივა

ჩანაწერებისათვის ობიექტური ხასიათის მისაცემად, ანტიკურ ხანაში გავრცელებული ტრადიციის თანახმად, საკუთარ დღიურში თავის ლაშქრობებსა და ბედზე ცეზარი მესამე პირში საუბრობს. ამ სტილისტურ ხერხს წმინდა ფორმალური ხასიათი აქვს, რადგან ვალებთან ბრძოლისა და სამოქალაქო ომის ამბავი უაღრესად სუბიექტური და ტენდენციურია. ამ დასკვნის სისწორეში ყველაზე უკეთ მაშინ დავრწმუნდებით, თუ მის ჩანაწერებს პირველ პირში გადავიტანთ. იგივე მეთოდი დაგვემარება აგრეთვე უკეთ გავერკვეთ მომხდარ მოვლენებში. აი, რას ამბობს ცეზარი თავისი მესამე წიგნის — „მოგონებები სამოქალაქო ომზე“, დასასრულს:

აზიაში მხოლოდ რამდენიმე დღე დავყავი. ვავიგე თუ არა, რომ პომპეუსი კვიპროსზე უნახავთ, მაშინვე გავიფიქრე, რომ იგი ეგვიპტისაკენ გასწევდა. პომპეუსსა და იქაურ სამეფო კარს შორის ხომ კარგი ურთიერთობები არსებობდა და მოსალოდნელი იყო, ეგვიპტე პომპეუსს სურსათით უზრუნველყოფდა. თან მახლდა ორი ლეგიონი: ერთი თესალიიდან წამოვიყვანე, მეორე — საბერძნეთიდან გამოვიძახე. ამას გარდა, თან მყავდა რვაასი ცხენოსანი, მახლდა ათი როდოსული და რამდენიმე აზიური სომალდი. ორივე ლეგიონში სამი ათას ორასი კაცი იყო; დანარჩენები ჭრილობებისაგან იყვნენ დასახინრებულნი; გრძელი გზითა და ხანგრძლივი ლაშქრობებით მოქანცულებმა ვერ შეძლეს გამოემოლოდნენ. მიუხედავად ამისა, წარმატებით გადახდილი მრავალი ბრძოლის გამო, დიდი ნდობა მქონდა ჯარისკაცებს შორის მოპოვებული და ამიტომ არ შევეყოყმანებულვარ ამ ლაშქრობის წამოსაწყებად. მიმანდა, რომ არც ერთ ქალაქში არავითარი საფრთხე არ გველოდა.

პომპეუსის სიკვდილის ამბავი ალექსანდრიაში შევიტყვე. სომალდიდან გადმოსვლისთანავე მომესმა ჯარისკაცების ყვირილი, რომლებიც მეფეს ქალაქის დასაცავად დაეტოვებინა. ჩემ გარშემო საშიში ბრბო შეჯგუფდა. თურმე იმას გაელიზიანებინა, რომ ვბრძანე, ლეგიონების წინ წკებლის კონებით ლიქტორებს გაევლოთ. ბრბო გაჰყვიროდა, ამგვარი პროცესია მეფის ღირსებას ლახავსო. ეს მღელვარება დაწყნარ-

და, მაგრამ შემდეგ მოსახლეობის თავშეყრის ადგილებში ხშირად ირღვეოდა წესრიგი და ქალაქის სხვადასხვა უბნებში მრავალი ჩემი ჯარისკაცი იქნა მოკლული.

ყოველივე ამან მაიძულა, აზიიდან გამომეძახებინა ორი ლეგიონი, რომლებიც პომპეუსის ყოფილი ჯარისკაცებისაგან შეადგინეს უკანასკნელ ხანებში. მე თავად იძულებული ვავხდი დაერჩენილიყავი ქალაქში, რადგან ძლიერმა ტერიფიკულმა ქარებმა ცურვის საშუალება არ მომცა. ეს ქარები ძალზე შემაფერხებდნენ და ასეთის, ვისაც ალექსანდრიიდან გაცურვა სწადია.

ამავე დროს დავიწყე მეფესა და დედოფალს შორის არსებული დავის გადაწყვეტა. დარწმუნებული ვიყავი, რომ ეს ჩემი პირდაპირი მოვალეობაც იყო, მით უმეტეს, რომ ზუსტად კონსულობის დროს სენატისა და რომაელი ხალხის ნებით დაიდო ხელშეკრულება მამა-პტოლომეუსთან. ამიტომ განვააცხადე, მეფესა და მის დას ჯარები დაეთხოვათ და დავა ჩემი ტრიბუნალის წინაშე არა იარაღით, არამედ ლეგალური გზით გადაეწყვიტათ.

მეფის მცირეწლოვნების გამო სახელმწიფო საქმეებს მისი აღმზრდელი, საჭურისი პოთინე წყვეტდა. იგი თავდაპირველად წყენას გამოსთქვამდა თავის მომხრეებთან იმის გამო, რომ უცხოელი იწვევდა მეფეს სასამართლოზე. შემდეგ მეფის მოხელეებს შორის მოძებნა ხალხი, რომლებიც სიამოვნებით დაეხმარებოდნენ განზრახული გეგმის აღსრულებაში. პელუსიონიდან ალექსანდრიაში სასწრაფოდ გამოიძახა ჯარები, რომელთაც სარდლად ახილასი დაუნიშნა. პოთინე წერილებით თუ შუამდგომლების მეშვეობით თავისი და მეფის სახელით ურჩევდა და ასწავლიდა ახილასს, როგორ მოქცეულიყო.

ანდერძით მამა-პტოლომეუსმა თავის მემკვიდრეებად დანიშნა უფროსი ვაჟი და უფროსი ქალიშვილი. იმავე ანდერძში მეფემ რომაელ ხალხს აფიცა ყველა ღმერთები, რომ ზუსტად აღესრულებინათ მისი ანდერძი და რომთან დადებული ყველა ხელშეკრულება. შემდეგ ანდერძის ერთი ეგზემპლარი გაგზავნა რომში, რათა ხაზინისათვის ჩაებარებინათ, მაგრამ რომის მოსახლეობის მღელვარების გამო შეუძლებელი შეიქნა მისი ხაზინისათვის მიწოდება. ამიტომ ეს ეგზემპლარი პომპეუსთან დარჩა. ტექსტის მეორე ეგზემპლარი, დალუქული სახით, ალექსანდრიაში ინახებოდა.

როდესაც ჩემი თანდასწრებით დაძმის საქმე ირჩეოდა, როგორც მათი საერთო მეგობარი და მოკავშირე, ძლიერ ვცდილობდი სამეფო წყვილის შერიგებას. ამ დროს მოულოდნელად შევიტყვე, რომ ეგვიპტის ჯარები ალექსანდრიისაკენ მოიწვედნენ.

ჩემი ჯარები ისე მცირე იყო, რომ არც კი შეიძლებოდა მათი ქალაქის ციხის კედლებს გარეთ საბრძოლველად გაყვანა. მხოლოდ ერთი გამოსავალია დამრჩენოდა: ქალაქის სტრატეგიულ წერტილებში განმელაგებინა ისინი და ფხიზლად შედევნებინა თვალი, როგორი განზრახვა ედო გულში ახილასს. მე ბრძანება ვავეცი, რომ ყველა ჯარისკაცი საბრძოლო მზადყოფნაში ყოფილიყო. იმავე დროს მეფე დავითანხმე თავის მოხელეთაგან ყველაზე უფრო გავლენიანი პიროვნებები ახილასთან გაეგზავნა და მისთვის ჩემი მოთხოვნები წაეყენებინა. ელჩებად შეარჩიეს დიოსკურიდესი და სერაპიონი. ეს პიროვნებანი უკანასკნელ ხანებში რომში იყვნენ ელჩებად წარგზავნილები და უდიდესი ავტორიტეტით სარგებლობდნენ მამა-პტოლომეუსთან.

როგორც კი წარგზავნილები ახილასის წინაშე გამოცხადდნენ, მან იმის გაგებაც კი არ ისურვა, რა საქმისათვის იყვნენ მოსულნი და მაშინვე მათი ციხეში ჩაყრა ბრძანა, ხოლო შემდეგ კი დახოცვა. სასიკვდილოდ დაჭრილი ერთ-ერთი ელჩი თავისიანებმა გამოიყვანეს ახილასის ბანაკიდან და ამგვარად გადაარჩინეს სიკვდილს. მეორე კი დაიღუპა.

ამ შემთხვევის შემდეგ ძალას არ ვზოგავდი, რომ მეფე ჩემი ზედამხედველობიდან არ გასულიყო, რადგან იგი ქვეშევრდომთა შორის დიდი გავლენითა და ავტო-

რიტუტით სარგებლობდა. თანაც მეწადა, ალექსანდრიის მოსახლეობას საქმე ისე წარმოედგინა, თითქოს ეს ბრძოლა წამოიწყეს ცალკეულ ადამიანთა მცირე ჯგუფებმა, თანაც არამზადებმა და არა — მეფემ.

ამასობაში იმ აზრამდე მივედი, რომ არ შეიძლებოდა ახილვის რიტუალური ჯარისა და მათი სამხედრო სრულყოფილების უკულვებელყოფა. მას იარაღქვეშ ოცოათასი ჯარისკაცი ჰყავდა; მთავარ ძალებს წარმოადგენდნენ ყოფილი კავშირისელები, რომელთაც უკვე მიუღოთ ადგილობრივი ცხოვრების წესი, ალექსანდრიის ადგილობრივი ახსნილობა, უკუეგდოთ ძველებური დისციპლინა და დაევიწყებინათ, რომ ისინი რომაელი ჯარისკაცები იყვნენ. უმეტესი მათგანი დაოჯახებულიყო და შვილებიც ჰყავდათ. მათ შეერთებოდა არამზადებისა და მეკობრეთა რაზმები სირიიდან, ქილიკიიდან და სხვა მოსაზღვრე ქვეყნებიდან; მათ შორის საკმაოდ ბევრი იყვნენ სიკვდილმისჯილნი და გაქვევებულნი.

ისტორიკოსის რელაცია

აი, ასე ეღერს ცეზარის მონათხრობი — ნათლად, მოკლედ და ლოგიკურად. მისეული თხრობის ერთი შეხედვით მშვიდი მანერა ნდობას იმსახურებს. მოვლენათა მსვლელობაც თითქოს გასაგებად და ბუნებრივად არის წარმოდგენილი.

ცეზარი ალექსანდრიაში მცირე ძალებით მივიდა პომპეუსის სიკვდილიდან მცირე ხნის შემდეგ. ზუსტ თარიღებს ტექსტი არ იძლევა, მაგრამ სხვა წყაროებიდან ცნობილია, რომ ეს მოხდა ოქტომბრის პირველ დღეებში (იმდროინდელი კალენდრის მიხედვით). ადგილობრივი მოსახლეობა ძალზე მტრულად შეხვდა სარდალს, რამაც იგი აიძულა ალექსანდრიაში მცირე აზიიდან ორი ლეგიონი გამოეძახებინა. თავად ვერ შეძლო ქალაქის დატოვება, რადგან ძლიერი ტროპიკული ქარები ქროდა. იგი მოწადინებული იყო შეერიგებინა სამეფო წყვილი, ოღონდ მის სამშვიდობო მცდელობას წინ აღუდგა მცირეწლოვანი მეფის აღმზრდელი — პოთინე. იგი მეფის თანადგომით პელუსიონის გარეუბნიდან ალექსანდრიაში მოიხმობს ახილვის ჯარებს, რომელიც ისე გაშმაგებით მიისწრაფის ცეზართან შესაბამელად, რომ მისი ელჩების მოსმენაც კი არ სურს. ამგვარ სიტუაციაში ცეზარი აწესებს მკაცრ ზედამხედველობას მეფეზე და აძლიერებს ქალაქის დაცვას.

ეს მოვლენები შედარებით მოკლე ხანში განვითარდა: ოქტომბრის დასაწყისიდან ნოემბრის პირველ დღეებამდე.

ცეზარის რელაციის წაკითხვის შემდეგ, რომელიც ერთი შეხედვით, ასე მიუკერძოებელი და დამაჯერებელი ჩანს, რაღაც ეჭვები, უკიდურეს შემთხვევაში, კითხვები, გვეზადება იმასთან დაკავშირებით, რასაც იგი გვერდს უვლის. მაგალითად, იგი არაფერს გვეუბნება იმის შესახებ, თუ სად იყო და რას აკეთებდა ამ ერთი თვის მანძილზე კლეოპატრა: დედაქალაქში თუ — უწინდებურად ეგვიპტის საზღვარზე, პელუსიონთან, და როგორ შეხვდა იგი ცეზარის მცდელობას, შეერიგებინა და-ძმა.

აქედან ჩანს, რომ საჭიროა ცეზარის რელაციის შეპირისპირება სხვა წყაროებთან. ამავე მოვლენების ყველაზე უფრო ფართო აღწერას ისტორიკოსი კასიუს დიონი იძლევა. იგი, მართალია, ამ ამბებიდან ორი საუკუნის შემდეგ ცხოვრობდა, მაგრამ მაინც ნდობას იმსახურებს, რადგან მნიშვნელოვნად აღრინდელსა და იმპიათ დოკუმენტებს, დღიურებსა და ქრონიკებს ეყრდნობა. უმრავლეს შემთხვევაში, როდესაც კი შესაძლებელია ამ ავტორის რომის ისტორიის შემოწმება (იგი ბერძნულად წერდა), ნაშრომი დიდ ნდობას იმსახურებს.

აი, რას წერს კასიოს დიონი ცეზარის ალექსანდრიაში შესვლასა და მისი იქ შეჩერების პირველი დღეების შესახებ:

„ცნობამ, რომ პომპეუსი ეგვიპტისაკენ მიდიოდა, ცეზარი შეაძრწუნა მას ეშინოდა, რომ დამარცხებული სარდალი ამ ქვეყანას ხელში ჩაიგდებდა და თავის ძალებს განამტკიცებდა. ამიტომ მაშინვე გამოეღვენა, მაგრამ ვერ შეძლო ეგვიპტე პომპეუსს დასცემოდა თავს. ამიტომ გაცურა გაბედულად ალექსანდრიისაკენ, თუმცა თან მცირერიცხოვანი ჯარი ჰყავდა, რადგან მნიშვნელოვნად გაასწრო თავის მთავარ ძალებს. იგი ალექსანდრიაში მანამდე შევიდა, ვიდრე მეფე პტოლომეუსი პელუსიონიდან დაბრუნდებოდა. რადგან უკანასკნელ ხანებში ალექსანდრია დიდ მღელვარებას მოეცვა, ამიტომ ცეზარმა ვერ გაბედა ხმელეთზე გადასვლა. ღუზაჩაშვებული მისი ხომალდი ნაპირთან იდგა. სარდალი იცდიდა მანამდე, ვიდრე მეფის მიერ გამოგზავნილი პომპეუსის თავი და ბეჭედი არ ნახა. მხოლოდ მაშინღა გადავიდა ნაპირზე. რომაელთა ჯარისკაცებს წინ ლიქტორები მიუძღოდნენ, ამიტომ ალექსანდრიელები ძალზე მტრულად შეხვდნენ; ბოლოს, როცა ცეზარი მეფის სასახლეში აღმოჩნდა, ძალზე კმაყოფილი დარჩა. რომაელი ჯარისკაცების ნაწილს ალექსანდრიელებმა იარაღი აპყარეს, რამაც ისინი აიძულა, კვლავ ხომალდზე ასულიყვნენ და ასე ღუზაჩაშვებულნი მდგარიყვნენ მანამდე, ვიდრე ცეზარის დანარჩენი ფლოტიც არ მიცურდა ნავსადგურში.

პომპეუსის თავს რომ უყურებდა, ცეზარი ტიროდა და მწარედ მოთქვამდა. მან გაიხსენა, რომ გარდაცვალებული მისი სიძე იყო. ჩამოთვალა ყველა ის საქმეები, რომლებსაც ოდესღაც ერთად უძღვებოდნენ; რაც შეეხება პომპეუსის მკვლელებს, მათ მიმართ არათუ რაიმე მადლიერება გამოიჩინა, არამედ, პირიქით, მკაცრად დასაჯა ისინი. შემდეგ ბრძანა, პომპეუსის თავი გაეპატროსნებინათ, კარგად დაეხალხამებინათ და დაეკრძალათ. თვალთმაქცობა რომ არა, მისი ამგვარი საქციელი უდიდესი პატივისცემის ღირსი იქნებოდა. ცეზარი ხომ თავიდანვე უკიდურესად ცდილობდა, ხელში ჩაეგდო მთელი ძალაუფლება, პომპეუსი ეჯავრებოდა როგორც მოწინააღმდეგე და მოქიშპე. მის წინააღმდეგ რა ბერხს აღარ მიმართავდა, ომშიც კი გამოიწვია, რომ მისი დამარცხების შემდეგ თავად გასულიყო პირველ ადგილზე; ეგვიპტეშიც ხომ მის საბოლოოდ გასანადგურებლად ჩავიდა, რადგან იგი ჯერაც ცოცხალი ევსულებოდა.

იმ რწმენით, რომ პომპეუსის სიკვდილის შემდეგ ველარ გაუბედავდნენ წინააღმდეგობის გაწევას, სარდალი დიდა ხნით შეჩერდა ეგვიპტეში. აქ იგი ფულს აგროვებდა და თან პტოლომეუსსა და კლეოპატრას შორის დავას არჩევდა. ეგვიპტის მოსახლეობა ძალზე აღელვებული იყო მისი ექსპლუატაციითა და გამოძალვით. განსაკუთრებით ის აშფოთებდათ, რომ ცეზარი ტაძრებსაც კი არ ინდობდა. არადა იმდროინდელ სამყაროში ეგვიპტელები განსაკუთრებული რელიგიური ფანატიზმით გამოირჩეოდნენ. ისეც ხდებოდა ხოლმე, რომ რელიგიურ საფუძველზე ერთმანეთს შორის შუღლი და მტრობა ჰქონდათ, რადგან სხვადასხვა რწმენის მიმდევრები იყვნენ.

გარდა ამისა, ეგვიპტელები შიშობდნენ, რომ მათ მეფედ არ დამჯდარიყო კლეოპატრა, რომელსაც უდიდესი გავლენა ჰქონდა ცეზარზე. ყველაფერმა ამან ერთად ეგვიპტელთა აჯანყება გამოიწვია.

რაც შეეხება კლეოპატრას, მისი ამბავი ასე წარმოგვიდგება:

თავდაპირველად კლეოპატრა თავისი უფლებების დაცვას ცეზარის წინაშე შუამავლების საშუალებით ცდილობდა. შემდეგ, როდესაც შეატყო, თუ რა ძალზე დახარბებული იყო იგი ლამაზ ქალებს, მიმართა წინადადებით:

ვინაიდან ჩემი ელჩები სათანადოდ ვერ წარმოადგენენ ჩემს საქმეებს, მიმართა, რომ ჩვენი შეხვედრა აუცილებელიაო.

კლეოპატრა მეტისმეტად მომხიბლავი და სანდომიანი არსება იყო. მას მიმადლებული ჰქონდა მომაჯადოებელი სმა და ყველასთან შეეძლო საერთო ენის გამოწახვა. ერთგვარი სიამოვნება იყო მისთვის ცქერაც და მისი მოსმენაც. ამიტომ არაფერია გასაკვირი იმაში, რომ ადვილად სიბლავდა ყველას, სიყვარულით მაძლარ და ხანშიშესულ მამაკაცებსაც კი.

როდესაც ცეზარმა ამ შეხვედრაზე თანხმობა განაცხადა, კლეოპატრამ ზგვარად მოიროთო და მოიკაზმა, რომ არც თავისი ღირსების გრძნობა დაეკარგა და თან თანაგრძნობაც გამოეწვია ბედის უკუღმართობით ჩაგრულისადმი. ქალაქის ქუჩებში იგი ძალუღლად მიიპარებოდა ღამით და ისე მიაღწია სასახლემდე, რომ პტოლომეუსს და მის ხალხს არაფერი გაუგიათ. როგორც კი თვალი ჰკიდა და მისი ხმა გაიგონა, ცეზარი მაშინვე მოიხიბლა. მყის კაცი გაგზავნა პტოლომეუსთან და შეეცადა, შეერიგებინა და-ძმა. სულ ახლახანს კლეოპატრას მსჯავრმდებელი ცეზარი მის დამცველად გადაიქცა.

ამ ამბავმა ისე გააცოცხა ყმაწვილი პტოლომეუსი, რომ ეგვიპტულ დიდგვაროვანთ ყვირილით მივარდა, გაყიდული ვარო. მან დიადემაც კი მოიძრო და მრისხანედ მოისროლა.

არეულდარეულობა შეიქმნა. ცეზარის ხალხმა მეფე ძალით მოაშორეს იქაურობას, მაგრამ ეგვიპტელები დიდხანს არ დაწყნარებულან — ხმელეთიდანაც და ზღვიდანაც უტევდნენ მეფის სასახლეს და, ალბათ, აიღებდნენ კიდევ (რომაელებს საკმარისი ძალები არა ჰყავდათ თავის დასაცავად), რომ უკანასკნელ ჟამს შეძრწუნებულა ცეზარი არ გამოსულიყო მოიერიშეთა წინაშე. იგი უსაფრთხო ადგილას დადგა და ხმამაღლა ამცნო ალექსანდრიელებს, რომ შეასრულებდა მათს ყოველ მოთხოვნას.

ცოტა მოგვიანებით დიქტატორი სიტყვით გამოვიდა ალექსანდრიელების წინაშე და კლეოპატრასა და პტოლომეუსის თანდასწრებით წაიკითხა მათი მამის ანდერძი. მასში ნათქვამი იყო, რომ ეგვიპტური წეს-ჩვეულების მიხედვით და-ძმას ერთად უნდა ეცხოვრა და ემეფა რომაელი ხალხის მფარველობის ქვეშ. შემდეგ ცეზარმა განაცხადა:

— როგორც დიქტატორი, მე წარმოვადგენ რომაელ ხალხს. ამიტომ ჩემი მოვალეობაა, შევასრულო მათი მამის ნება-სურვილი.

და და-ძმა ტახტზე დასვა. ამავე დროს, უმცროს და-ძმას, მეფის ასულ არსინოესა და უფლისწულ პტოლომეუს-უმცროსს კუნძული კვიპროსი მისცა. იმჟამად ცეზარი ისე იყო შეშინებული, რომ არათუ არაფერი არ მიითვისა ეგვიპტის საკუთრებიდან, არამედ პირიქით, ისიც კი მიუმატა მას, რაც იმპერიას ეკუთვნოდა.

ალექსანდრიელები მაშინდა დაწყნარდნენ. მაგრამ არ გასულა დიდი ხანი და კვლავ ატყდა მღელვარება, რომელიც ომში გადაიზარდა. ეს ამბავი ასე მოხდა:

სახელმწიფო ქონებას საჭურისი პოთინე განაგებდა. მან წააქეზა ეგვიპტელები ამბოხებისაკენ, რადგან მუდმივ შიმში იყო, არ დაეჭირათ და პასუხი არ მოეთხოვათ მისთვის. ამან აიძულა, საიდუმლო მოლაპარაკება გაემართა ახილასსთან, რომელიც კვლავ პელუსიონთან იდგა. შეთქმულება თანდათან მთელ ჯარს მოედო. ჯარისკაცები სთელიდნენ, რომ დამამცირებელი იყო შეესრულებინათ ქალის ბრძანებები; თანაც მათ მიაჩნდათ, რომ ცეზარმა ორივე და-ძმას მხოლოდ იმიტომ მისცა ძალაუფლება, რომ ხალხი დაემშვიდებინა, თორემ, როგორც კი ხანი გავიდოდა, მხოლოდ კლეოპატრას გაამეფებდა. ჯარისკაცები დარწმუნებული იყვნენ, რომ ადვილად გაუსწორდებოდნენ რომაელთა რაზმებს და ალექსანდრიისაკენ უდიდესი ალტკინებით დაიძრნენ.

ცეზარი შეაშინა მათმა რაოდენობამ და ენერგიამ და ამიტომ ელჩები გაუგზავნა ახილასს, ოღონდ არა თავისი, არამედ — პტოლომეუსის სახელით. ელჩებმა ეგვიპ-

ტელთა სარდალს გადასცეს მეფის ბრძანება, დაუყოვნებლივ შეეწყვიტათ საომარი მოქმედება. მაგრამ ახილასმა ნათლად განჭვრიტა, ვისგანაც მოდიოდა ბრძანება და არა თუ არ დაემორჩილა მას, არამედ კიდევ უფრო შეიზიზლა ცეზარი, როგორც მხდელი პიროვნება. მან მოიწვია სამხედრო საბჭო, სადაც განადიდა პტოლომეუსი და მკვეთრად გააკრიტიკა ცეზარი და კლუბატრა. ბოლოს იწყო ჯარისკაცთა წაქეზება ელჩების წინააღმდეგ, თუბცა ორივე მისი თანამემამულეები უკუჩვენებდნენ იგი განზრახ ჩადიოდა: ეწადა, თავისი ხალხი დანაშაულის გზით დაეკავებინათ ქვეყანათან და ამ გზით აეძულებინა, განევრძოთ რომაელებთან ომი.

პლუტარქის რეაქცია

პლუტარქე ცეზარსა და პომპეუსს შორის ატეხილი სამოქალაქო ომიდან მთელი საუკუნით გვიან დაიბადა. მან დიდხანს, თითქმის ოთხმოც წელს იცოცხლა და თავისი ხანგრძლივი სიცოცხლე შეცნიერებასა და განსაკუთრებით, ფილოსოფიას შესწირა. მისი პირადი წერილები, ახლა რამდენიმე ტომად რომაა გამოცემული, უპირატესად ეთიკური, რელიგიური, ლიტერატურული ხასიათის ესსეები და ტრაქტატებია. მორალით დაინტერესება ამ მწერლის ისტორიული ხასიათის შრომებშიც კი განსაცვიფრებელია. სახელგანთქმულ ბერძენ და რომაელ პიროვნებათა ბიოგრაფიები პლუტარქემ დაწერა არა იმდენად იმისათვის, რომ თავისი თანამედროვეებისათვის გაეცნო წარსულის ცნობილი ისტორიული მოღვაწენი, არამედ იმის საჩვენებლადაც, თუ რა დიდ გავლენას ახდენდნენ ამ პიროვნებათა ხასიათები საზოგადოების ბედ-იღბალზე. პლუტარქე არ მიიხწრაფოდა, მოეცა იმ მოვლენების ამომწურავი დახასიათება, რომლებშიც უხდებოდათ ცხოვრება მის გმირებს. ზოგჯერ მას ბრწყინვალე ისტორიულ ამბებზე მეტად აინტერესებდა ერთი შესხედვით წვრილმანი, ანეკდოტური ნიუანსები, რომელთა გამოყენებითაც შესაძლებელი ხდება ისტორიული პირის პორტრეტის უფრო საინტერესოდ დახატვა ანდა თვალსაჩინო ზნეობრივი გაკვეთილის მოწოდება.

ეს მწერალი თავის „პარალელურ ბიოგრაფიებს“ მდიდარ ისტორიულ წყაროებზე დაყრდნობით წერდა, მაგრამ თავისუფლად ექცეოდა მათ. ამ ბიოგრაფიებიდან იგი ბევრ რასმე უვლიდა გვერდს, ბევრ რასმე ამარტივებდა და ხშირად უბრალო შეცდომასაც კი (განსაკუთრებით ქრონოლოგიური ხასიათისას) უშვებდა. „პარალელური ბიოგრაფიების“ ყველა ღირსება და ნაკლი თავს იჩენს აგრეთვე ცეზარის ბიოგრაფიაშიც. ალექსანდრიის ამბების აღწერა კი ამ თვალსაზრისით თვალსაჩინო მაგალითად გამოდგება. აი, ამ რელაციის ფრაგმენტები:

„ალექსანდრიაში ცეზარი პომპეუსის სიკვდილის შემდეგ მივიდა. აქ თეოდოტემ პომპეუსის თავი მიართვა, მაგრამ ცეზარმა პირი მიიბრუნა და როცა დამარცხებული სარდლის ბეჭედი აიღო ხელში, თვალეზე ცრემლი მოადგა. რაც შეეხება პომპეუსის მეგობრებსა და ხელქვეითებს, რომლებიც ამ ქვეყანაში გაიფანტნენ და შემდეგ მეფის მიერ იქნენ დატყვევებულნი, ცეზარმა ყველა მათგანი შეიწყალა და თავის მხარეს გადაიბირა. რომში, თავის მეგობრებისადმი გაგზავნილ წერილში, იგი წერდა: პირადად მე გამარჯვებების ყველაზე უფრო დიდ სიტკბოს იმაში ვგრძნობ, რომ კვლავაც დავისხნა განსაცდელისაგან ჩემი თანამემამულეები, რომლებიც ჩემს წინააღმდეგ იბრძოდნენო.“

ალექსანდრიაში გაჩაღებულ ომზე ზოგიერთი ამბობს, რომ იგი აუცილებელი იყო; ეს ომი კლუბატრას სიყვარულმა გამოიწვია და ცეზარისათვის სამარცხვინო და საკმაოდ სახიფათოც გამოდგაო. ზოგიერთები კი ბრალს სდებენ ეგვიპტის მეფის კარისკაცებს, განსაკუთრებით კი უაღრესად დიდი გავლენის მქონე პოთინეს, რო-

მელმაც მცირე ხნის წინათ სიცოცხლეს გამოასალმა პომპეუსი. მანვე გააძევა ეგვიპტიდან კლეოპატრა და ახლა ცეზარს უგებდა ფარულად მახეს. აი, ამის გამო თავის დასაცავად, ამბობენ, ცეზარი მაშინ მთელი ღამეები აადიშობდაო. პოთინე უკვე ამკარად აუტანელი გახდა. იგი თავისი ლაპარაკითა და მოქმედებით დიდ სიძულვილსა და უპატივცემულობას ამჟღავნებდა ცეზარისადმი. კეისრის უკმაყოფილებას მისი წყალობით მხოლოდ გამხმარი პური ეძლეოდათ. უკმაყოფილებას გამოხატავდა პოთინე ქედმაღლურად პასუხობდა, რომ იმას დასჯერებოდნენ, რასაც აძლევდნენ და მადლობელიც ყოფილიყვნენ. აი, როგორ მიმართავდა მათ პოთინე:

— ეს იკმარეთ, რადგან სხვისას ჭამთ!

პოთინეს სადილობისას ხისა და თიხის ჭურჭელი მიჰქონდა სამეფო მაგიდასთან და მიზეზად ამას იღებდა: ოქროსა და ვერცხლის ჭურჭელი ყველა ცეზარმა წაიღო ვალშიო. პოთინე მას ურჩევდა დროულად წასულიყო ეგვიპტიდან და იმ საქმეებისათვის მოეკიდა ხელი, რომლებიც სამური იყო. თან ჰპირდებოდა:

— მეორედ მოსვლისას ხელგამლილი შეგვეკებებიო.

ამაზე ცეზარი პასუხობდა:

— მე ახლა ყველაზე ნაკლებად ეგვიპტელი მრჩევლების საჭიროებას განვიცდიო.

ამის შემდეგ ცეზარმა ფარულად გამოიწვია კლეოპატრა იმ ქვეყნიდან, სადაც გაძევებული იყო. თავის მეგობართაგან კლეოპატრამ მხოლოდ ერთი, აპოლიდორე სიცილიელი გაიყოლია თან, ჩაჯდა პატარა ნავში და უკვე საღამო უამს სასახლეს მიადგა. რაკი სხვაგვარად არ შეეძლო სასახლეში შესვლა, კლეოპატრა საძინებელ ტომარაში ჩაძვრა და შიგ მთელი ტანით გაიჭიმა. აპოლიდორემ ტომარა ღვედით შეკრა და სასახლის კარიდან პირდაპირ იმ ოთახში შეიტანა, რომელშიც ცეზარი ცხოვრობდა. ამბობენ, ცეზარი კლეოპატრას ამ პირველივე ფანდმა მოხიბლავს. შემდეგ კი მისი სიმკვირცხლით, ქცევითა და მშვენიერებით მთლიანად დატყვევებულმა ცეზარმა კლეოპატრა ძმასთან შეარიგა იმ პირობით, რომ მასთან ერთად კლეოპატრასაც ემეფა.

ამ შერიგების აღსანიშნავად დიდი ღონისძიება გაიმართა. დროების დროს ცეზარის მონა დალაქმა, რომელიც თავისი სილაჩრით ამქვეყნად ყველა მხდალს დაჩრდილავდა და შიშით ატანელი გაუგებარს არაფერს არ ტოვებდა, შეიტყო, რომ სტრატეგოს ახილასა და საჭურის პოთინეს მიერ მოწყობილი იყო ცეზარის საწინააღმდეგო შეთქმულება. ვაიგო თუ არა ეს, ცეზარმა მამაკაცთა დარბაზის გარშემო მცველები დააყენა. პოთინე მოკლეს; რაც შეეხება ახილასს, იგი ეგვიპტის მხედრობის ბანაკში გაიქცა და ცეზარის წინააღმდეგ სასტიკი ომი წამოიწყო. ცეზარი იძულებული შეიქნა თავისი მცირერიცხოვანი ძალებით გამკლავებოდა ამოდენა ქალაქსა და ეგვიპტის დიდ მხედრობას.

რა უხვარდა ხუმარობად კლეოპატრას?

როგორც ეს ხშირად ემართება პლუტარქეს, ალექსანდრიის შესახებ მის მიერ მოწვდილი ცნობები მნიშვნელოვან ქრონოლოგიურ შეცდომებს შეიცავს. საქმე ეხება პოთინეს სიკვდილს. ეჭვგარეშეა, მის მკვლელობას ძალზე დრამატული სახე უნდა ჰქონოდა — შერიგებული სამეფო წყვილის საპატივცემულოდ გამართული საზეიმო ნადიმის დროს ცეზარი თითქმის ნადიმის დასასრულს იგებს შეთქმულების ამბავს. ლეგიონერები მყისვე იმისგან იმეფდებიან ხმლებს და სუფრას გარს ერტყმიან. მუხანათი პოთინე, სასიკვდილოდ დაჭრილი, მარმარილოს იატაკზე ეცემა და სისხლს ანთხევს.

მხოლოდ ახილასი შესძლებს თავისი უსაზღვრო გაბედულების წყალობით დაუსხლტეს ლეგიონერების რკინისებურ რკალს.

სინამდვილეში კი, — აქ ჩვენ ნამდვილად უნდა ვენდოთ ცეზარის დღიურებს, — ახილასი საერთოდ არ ყოფილა სასახლეში. იგი ხომ ამ ამბების დასაწყისიდანვე პელუსიონთან იდგა თავისი ჯარით, ხოლო პოთინე წერილების მეოხებით უკაცშირდებოდა მას. ეს მართლაც ასეა, შეიტყო თუ არა ცეზარმა პოთინეს ვერაფერი განზრახვა, მაშინვე ბრძანა მისი მოკვლა. გამორიცხული არც ისაა, რომ ცეზარმა პოთინეს დასაჯადობა დააპყრობა. შესაძლებელია აგრეთვე, რომ ნადიმის დროს მოკლეს, ოღონდ ყველაფერი ეს მოხდა უფრო მოგვიანებით, როდესაც ომი უკვე მძვინვარებდა.

სამაგიეროდ, სარწმუნო პლუტარქეს მიერ დატოვებული აღწერა ცეზარის შეხვედრისა კლეოპატრასთან. ამასვე ადასტურებს დიონის რელაციაც. თუმცა, არსებობს ორივე ვერსიას შორის რაღაც მცირე განსხვავებაც: დიონის მიხედვით, შეხვედრის ინიციატივა კლეოპატრამ წამოაყენა, მაშინ, როდესაც პლუტარქე ამტკიცებს, დიქტატორმა გამოიძახაო დედოფალი. მაგრამ ეს საკითხი ისე მნიშვნელოვანი არ არის იმ ფაქტთან შედარებით, რომელიც ამავე დროს სრულიად სარწმუნოდ უნდა მივიჩნიოთ: კლეოპატრამ მაშინ პირდაპირ გასაოცარი გაბედულება გამოიჩინა. თუმცა, მშვენივრად ესმოდა, რომ სასიკვდილო რისკზე მიდიოდა, მაინც გაბედა და თითქმის მართლ წავიდა ქალაქში და შეაღწია სასახლეში, სადაც ყოველ ნაბიჯზე იყვნენ ჩასაფრებული მოსისხლე მტრები. ნავსადგურში ანდა საგუშაგო ჯიხურთან რომ დაეჭირათ, ისე მოკლავდნენ, კაციშვილი ვერ გაიგებდა.

თუ დედოფალი ასეთ დიდ რისკზე წავიდა, ეს იმას ნიშნავს, რომ იგი სასოწარკვეთილ მდგომარეობაში იმყოფებოდა. ჩანს, ცეზარი თანდათან უფრო პტოლომეუსისა და მისი მომხრე დიდებულების მხარეს იჭერდა. ანდა, რატომ უნდა მოქცეულიყო სხვაგვარად? მაშინ ჯერ კიდევ ხომ არ იცნობდა კლეოპატრას და სრულიადაც არ ანალვლებდა მისი ბედი. პტოლომეუსმა და მისმა ხალხმა კი დაიმსახურეს და უჩვენეს თავისი კეთილგანწყობილება! რა განცხადებებიც არ უნდა გაეკეთებინა ოფიციალურად ცეზარს, ფაქტი ის იყო, რომ პომპეუსის თავი მისთვის ღვთიური საჩუქარი იყო. ეს კარგად ესმოდა კლეოპატრას. ამიტომ ხსნის ერთადერთ შანსად ისღარჩებოდა, დიქტატორს პირადად შეხვედროდა და მოლაპარაკებოდა. ამგვარ გადაწყვეტილებასთან ერთად ისიც დაამტკიცა, რომ ხელისუფლება სიცოცხლესაც კი ერჩია.

ეს გაბედული გამგზავრება ალექსანდრიის სასახლეში ხელთ გვაძლევს გასაღებს, გავიგოთ კლეოპატრას ბევრი შემდგომი მოქმედებაც მისი ცხოვრების მნიშვნელოვან მომენტებში. დედოფალი ყოველთვის და ყველაფერზე მალლა ხელისუფლებისადმი სიყვარულსა და პატივმოყვარეობას აყენებდა. სწორედ ამიტომ იყო, რომ, როდესაც ხელისუფლებისათვის ბრძოლა წააგო, თავიც მოიკლა.

ბროლა აღმოსავლეთის კორბისათვის

თავის დღიურებში ცეზარი ამტკიცებს, რომ მან უგულებელყო შექმნილი სახიფათო სიტუაცია და დარჩა ალექსანდრიაში იმიტომ, რომ ძლიერმა ტროპიკულმა ქარებმა — ეთესიებმა — პორტის დატოვების საშუალება არ მისცა. სხვა რა მიზეზის დასახელება შეეძლო მას, — სახელმწიფო მოღვაწეს, დიქტატორს, რომის გამგებელს? განა წარმოუდგენელი არ იქნებოდა, რომ დღიურებში ყოველგვარი მიკიბ-მოკიბვის გარეშე განეცხადებინა:

— ალექსანდრიაში კლეოპატრას გამო დავრჩით. მას ხომ სასიკვდილოდ გაიმეტებდნენ, ეგვიპტე რომ დამეტოვებინაო, მის გამო შევებრძოლე ახილასს, თუმცა თავდაპირველად ისე ჩანდა, იგი ჩვენს ერთ მუჭა ძალებს პირველსავე დარტყმაზე გაანადგურებდაო. მისი გულისთვისვე უარყავი იმპერიის ინტერესები, თუმცა ჩემი მტრები კვლავ აგროვებდნენ ძალებს სხვადასხვა პროვინციებში და ბრძოლისათვის ემზადებოდნენო.

მიუხედავად ცეზარის წინდახედულებისა, ალექსანდრიის ომის ნამდვილი მიზეზი მალე საყოველთაოდ ცნობილი გახდა. რაზედაც სარდალი ასე მორცხვად ღუმდა, ის მოვლენების სხვა დამკვირვებლებმა შეავსეს. მათმა ცნობებმა საუკუნეებს გაუძლო კასიოს დიონისა და პლუტარქეს წიგნების მეშვეობით. ამ წიგნებში, როგორც ვნახეთ, უაღრესად წვრილმანი ამბებიც კი არაა უყურადღებოდ დარჩენილი. მათი მეოხებით ვიგებთ, რომ ცეზარს თვალეზზე ცრემლები მოადგა, როდესაც პომპეუსის მოჭრილი თავი დაინახა. როგორც ნამდვილ ვაჟკაცს შეეფერება, თავის დღიურებში ცეზარს კრინტიც კი არ დაუძრავს, რა შთაბეჭდილება დასტოვა მასზე ამგვარმა შემადრწუნებელმა სანახაობამ. სამაგიეროდ, ახილასისათვის გაგზავნილი ელჩების ბედის ასე ლაკონური დახასიათება გამოწვეული იყო ნაკლებ საქები მიზეზებით. სინამდვილეში ხომ ახილასის ასეთი საქციელი ძალზე უცნაური იქნებოდა. ამ დრამატულ ამბავს უაღრესად ზედმიწევნით გადმოგვცემს დიონ კასიოსი. კერძოდ, ეგვიპტელის საქციელი რომ შეგვახაროს, ცეზარი წერს, ახილასმა ბრძანა, ადგილზევე დაეხოცათ წარგზავნილები, ისე, რომ არც კი მოუსმინა მათ, რა ამბავი მიიტანესო. სინამდვილეში კი, როგორც ამას დიონ კასიოსი წერს, ახილასმა განჭვრიტა ცეზარის გეგმა და სასწრაფოდ სამხედრო თათბირი მოიწვია, რომლის გადაწყვეტილებითაც დახოცილ იქნენ ეგვიპტელი ელჩები. ეს ახილასს არ გაუკეთებია. ამის ჩასადენად მან თავისი ხალხი წააქვსა, რადგან სურდა, ისინი დანაშაულის ჩადენით ყოფილიყვნენ დამოკიდებულნი მასზე.

როგორ განვითარდა მოვლენები, როდესაც ახილასის ჯარები ალექსანდრიაში შეიჭრნენ? ამის შესახებ სიტყვა თავდაპირველად თავად ცეზარს უნდა მივცეთ. ამ შემთხვევაში მისი დღიურები, მიუხედავად ზოგიერთი მოვლენისათვის მისთვის დამახასიათებელი გვერდის ავლისა, ყველაზე უფრო საინტერესო და უშუალო წყაროა:

ახილასმა, რომელიც დარწმუნებული იყო თავისი ჯარების უპირატესობაში და უგულვებელყოფდა ჩემს მცირერიცხოვან ჯარს, მთელი ალექსანდრია დაიკავა, გარდა ქალაქის იმ გარეუბნებისა, სადაც ჩემი ჯარისკაცები იყვნენ გამაგრებულნი. იგი პირველივე იერიშით შეეცადა შემოჭრილიყო ჩემს ბინაში, მაგრამ ქუჩებში განლაგებულმა კოპორტებმა მოიგერიეს მისი დარტყმები. ამავე დროს ძალზე გაშმაგებული ბრძოლები მიმდინარეობდა ნავსადგურშიც. ჩვენი ჯარი გაყოფილი იყო რამდენიმე ნაწილად, რადგან სხვადასხვა ადგილებში გვიხდებოდა ბრძოლის წარმოება. მტერი განსაკუთრებით ცდილობდა დაეკავებინა სამხედრო ხომალდები, რომელთა შორის იყო აგრეთვე ის ორმოცდაათი ხომალდიც, უკანასკნელ ხანს რომ გაუგზავნეს პომპეუსს და ფარსალოსთან ბრძოლის შემდეგ უკან დაბრუნდნენ სამშობლოში. ეს ხომალდები აღჭურვილი იყვნენ ყველაფრით, რაც კი აუცილებელი იყო ცურვისთვის. მათ გარდა ნავსადგურში იდგა ოცამდე იალქნიანი გემიც, რომლებიც უცვლელად იქ იდგნენ, რათა ქალაქი ზღვიდან დაეცვათ. მტერს მიზნად ქონდა, ხელში ჩაეგდო ისინი და ფლოტით სარგებლობის საშუალება მოესპო ჩემთვის, თავად კი პორტშიც და ზღვაზეც გაბატონებულიყო. ამგვარად, იგი შესძლებდა გადაეჭრა ჩვენთვის სამხედრო ძალების შევსებისა და სურსათის მიღების საშუალება.

ბრძოლები უაღრესად გამძაფრდა. ვასაგებიც იყო, რადგან ერთი მხარისათვის

ამ ბრძოლის ბედზე იყო დამოკიდებული სწრაფი გამარჯვება, ხოლო მეორე მხარისათვის — თავის გადარჩენა. ბოლოს ჩვენ ვიგდეთ ხელთ უპირატესობა და მაშინვე ებრძანე, პორტსა და სრუტეში მდგარი ყველა გემი დაეწვათ. მცირე ძალებით ჩვენ არ შეგვეძლო მათი დაცვა. ამის შემდეგ ჯარისკაცები დაუყოვნებლივ ფაროსზე გადავიყვანე.

ფაროსი — არქიტექტურის საოცრება, ძლიერ მაღალი ციხეა კუნძულზე, რომელმაც მისცა მას სახელი. ეს კუნძული ალექსანდრიის პირდაპირ მდებარეობს და სახელდობრ მისი წყალობით წარმოსდგა ამ ქალაქის ცნობილი ნავსადგური. მაგრამ წინა მეფეებმა ზღვაში ააგეს 900 ნაბიჯის სიგრძის დამბები და კუნძული ქალაქს ამგვარად დაუკავშირეს. ფაროსზე ალექსანდრიელებს აქვთ სახლები და ამრიგად კუნძულზე ქალაქისოდენა დასახლებაა განლაგებული. მისი მცხოვრებნი მეკობრეებით ძარცვავენ ყოველ ხომალდს, რომელსაც კი ვხა შეეშლება და კურსიდან გადაუხვევს, ანდა ქარიშხალი აიძულებს აქეთ გამოცურვას. მათი ნების გარეშე არც ერთ გემს არ შეუძლია პორტში შესვლა, რადგან სრუტე ძალზე ვიწროა. ამისი კი ძალიან მეშინოდა. ამიტომ, როდესაც მტერი ბრძოლაში იყო გართული, ჯარისკაცები ფაროსზე გადაესხი, დავიკავე იგი და იქ რაზმები განვალაგე. ამის წყალობით ხომალდებს შეეძლოთ უშიშრად მოეწოდებინათ ჩემთვის ხორბალი და საბრძოლო ძალაც. მე ხომ ყველა ახლომანლო პროვინციაში მქონდა დაგზავნილი მოთხოვნა დახმარების შესახებ.

ქალაქის სხვა ადგილებში ბრძოლის ბედი ჯერ კიდევ გადაუწყვეტელი იყო. ვიწრო ქუჩები აძნელებდა მოწინააღმდეგის განდევნას. მცირე იყო დახოცილთა რიცხვიც. დავიკავე უმნიშვნელოვანესი პუნქტები და ღამის განმავლობაში კარგად გავამაგრე ისინი. ქალაქის იმ უბნებში, რომლებიც მე მეჭირა, მდებარეობდა სამეფო სასახლე, რომელშიც თავიდანვე ვიმყოფებოდი, და ასევე მისი მიმდებარე თეატრი. ეს შენობა ერთგვარი ციხე-სიმაგრე გახდა ჩვენთვის. თეატრი თავისუფლად უკავშირდებოდა ნავსადგურსაც და სახელმწიფო გემთსაშენსაც. ეს სიმაგრეები რამდენიმე დღის განმავლობაში ისე გავამაგრე, რომ შემეძლო მისი კედლად გამოყენება, რათა მტერს საშუალება არ ჰქონოდა ვეიძულებინე ბრძოლაში ჩემი ნების გარეშე ჩავბმულიყავი.

იმ ხანებში გარდაცვლილი მეფის ყმაწვილმა ასულმა არსინოემ სასახლე მიატოვა და ახილასს შეუერთდა და მასთან ერთად ხელმძღვანელობდა სამხედრო ოპერაციებს. არსინოეს იმედი ჰქონდა, რომ გამარჯვების შემთხვევაში მეფე გახდებოდა. მაგრამ მალე ახილასთან უსიამოვნება მოუვიდა იმის გამო, ვის უნდა ეხელმძღვანელა ომისთვის. ამ გარემოებამ ორივეს უკარნახა, კიდევ უფრო ხელგაშლილნი გამხდარიყვნენ ჯარისკაცების მიმართ. ორივე ცდილობდა, მათი კეთილგანწყობა გულუხვობით მოეპოვებინა.

ასეთ ვითარებას ჰქონდა ადგილი ფრონტის გაღმა მხარეს. პოთინე კი კვლავ აგზავნიდა ნდობით აღჭურვილ ხალხს ახილასთან და აქეზებდა, მტკიცედ ებრძოლა. ის ხალხი ჩვენ შევიპყარით და პოთინე სიკვდილით დავსაჯეთ.

ადრინდელი რელაციის მსგავსად, ცეზარის ეს რელაციაც ზოგიერთ დამატებით განმარტებას საჭიროებს, განსაკუთრებით სამ პუნქტში:

უწინარეს ყოვლისა, გასარკვევია კუნძულ ფაროსის საკითხი. ვინც ზემოთ გადმოცემული მოვლენების აღწერა წაიკითხა, დარწმუნებულია, რომ ცეზარმა მთელი კუნძული დაიკავა. მაგრამ საბრძოლო მოქმედებების შემდგომი განვითარებიდან ნათლად ჩანს, რომ რომაელებმა თავდაპირველად მხოლოდ ფაროსის კონცხი დაიკავეს. მართალია, კუნძულის ეს ნაწილი სტრატეგიულად უფრო მნიშვნელოვან ადგილს

წარმოადგენდა, რადგან იქ იდგა უდიდესი შუქურა, რომელიც აღმოსავლეთის მთელს პორტში შესასვლელს კეტავდა, მაგრამ საკმაოდ დიდი ფართობი, კუნძულის ძირითადი ნაწილი, სადაც მთავარი დასახლება იყო განლაგებული, კვლავ მტრის ხელთ რჩებოდა. ამის წყალობით ეგვიპტელები გაბატონებულები იყვნენ ნავსადგურის დასავლეთ ნაწილში.

მეორე შენიშვნა ხანძრის წარმოშობის მიზეზებს ეხება. **ეროვნული**

ცეზარი აღიარებს, რომ მან შეგნებულად ბრძანა ცეცხლისთვის მიუცათ გემთსაშენსა და ნავსადგურში მდგარი ხომალდები, რადგან მას არ ჰყავდა ჯარისკაცების საკმარისი რაოდენობა, რომ ხომალდები მის ხელთ ყოფილიყო. ზოგიერთი ანტიკური ხანის მწერალი წერს, რომ ცეცხლმა შთანთქა ნაწილი ალექსანდრიის განთქმული ბიბლიოთეკისა, რომელიც ყველაზე დიდ წიგნთსაცავად ითვლებოდა ანტიკურ სამყაროში. პტოლომეუსების გულუხვობის წყალობით იგი ბერძნული ლიტერატურის თითქმის ყველა მიღწევას შეიცავდა. ოღონდ ბიბლიოთეკის დაწვის ეს მტკიცება არის შემდგომი პერიოდისა და თანაც ზოგიერთ უზუსტობასაც შეიცავს. კარგად არის ცნობილი, რომ მთელი მომდევნო საუკუნის მანძილზე, არაბების შემოსევამდე, ალექსანდრიის ბიბლიოთეკა კვლავ ითვლებოდა ერთ-ერთ ყველაზე მდიდარ ბიბლიოთეკად იმდროინდელ სამყაროში. ალბათ შეცდომას ან რაღაც გაზვიადებას აქვს ადგილი, ცეცხლმა ალბათ დაწვა პაპირუსების გრაგნილების რაღაც რაოდენობა და თანაც არა ბიბლიოთეკაში, არამედ — სანაპიროზე მდებარე რომელიმე წიგნთსაცავში.

მესამე საკითხი ყველაზე საინტერესოა. ცეზარის რელაციის წამკითხველს ბუნებრივად უნდა დაეზადოს ეჭვი:

რომაელთა მიმართ ალექსანდრიის მოსახლეობა ძირითადად მტრულად იყო განწყობილი. ამასთან ქალაქელთა ნაწილი რომაელთა მიერ გამაგრებულ ადგილებში, სასახლისა და თეატრის მიდამოებში დარჩა. რატომ მოიქცნენ ისინი ასე პასიურად? რანაირად დაიმორჩილა ცეზარის რამდენიმე ათასმა კაცმა მოსახლეობა, რომლის რაოდენობაც რამდენიმე ათასეულს შეადგენდა? თუ ამ უბნებში მცხოვრები ალექსანდრიელებიც აჯანყდებოდნენ, რომაელებს ხომ რამდენიმე საათის მანძილზე ადგიდნენ პირისაგან მიწისა? მაგრამ ისინი არ ამბობებულან. რით უნდა აიხსნას ეს?

პასუხი ძალზე უბრალოა. უბნები, სადაც ცეზარი გამაგრდა, დასახლებული იყო ებრაელებით, რომლებიც რომაელთა სარდლის მიმართ მეგობრულად იყვნენ განწყობილი. მათ ცეზარი მიაჩნდათ პომპეუსის დაუძინებელ მტრად და დამმარცხებლად, იმ პომპეუსისა, რომელმაც რამდენიმე წლის წინ დაიპყრო იერუსალიმი და წაბილწა მისი წმიდათაწმინდა ტაძარი. ცეზარს კი, მის დამმარცხებულს, სთვლიდნენ სამართლიან შურისმაძიებლად და ღვთის ნების აღმსრულებლად.

ამიტომ გადაუჭარბებლად შეიძლება ითქვას: ებრაელთა მეგობრულმა განწყობილებამ იხსნა ცეზარი და კლეოპატრა ბრძოლის ყველაზე კრიტიკულ წუთებში. ბედის საოცარი განაჩენით პომპეუსის მიერ თხუთმეტი წლის წინ გადადგმულმა დაუდევარმა ნაბიჯმა სიცოცხლე შეუნარჩუნა მას, ვინც დაღუპა იგი.

არსინოე და განიხელი

„სამოქალაქო ომის“ ტექსტი, ანუ ცეზარის დღიურები, მთავრდება იმით, რომ პოთინეს ნიღაბი ახადეს და სიცოცხლეს გამოასალმეს. ავტორს, უეჭველია, განზრახული ჰქონდა გაეგრძელებინა თხრობა, მაგრამ 44 წლის 15 მარტს შეთქმულთა ხანჯლებმა წერტილი დაუსვეს მის სიცოცხლესა და საქმეებს.

სამაგიეროდ, შემონახულია კასიოს დიონის რელაცია, რომელიც საკმაოდ ვრცლად წარმოგვიდგენს არსინოესა და განიმედის ამბავს:

„საჭურისმა განიმედმა შეძლო არსინოე სასასლიდან გაეტყუებინა და ეგვიპტელთა მხარეს გადაებირებინა. რომაელებმა სათანადოდ არ იზრუნეს მეფის ასულზე. ეგვიპტელებმა კი იგი მყისვე დედოფლად ცნეს, და ახლა რომ ხედავდნენ, მათი წინამძღოლი პტოლომეუსების გვარის წარმომადგენელი იყო, უფრო მსხუტე იზრდებოდნენ. ამ შემთხვევის შემდეგ ცეზარს ეშინოდა, პოთინეს თავად მეფეც არ მრეყარა და ბრძანა, მოეკლათ საჭურისი. ყრმა მეფეს ძალზე მკაცრად ექცეოდნენ, მასთან ურთიერთობაში ყოველგვარი ცერემონიალი უკუაგდეს. ამან ეგვიპტელები აღაშფოთა. მათი რიგები განუწყვეტლივ იზრდებოდა, ხოლო რომაელები არავითარ სამხედრო დახმარებას არ იღებდნენ. ყოველივე ამით უაღრესად შეწუხებული ცეზარი რაღაც ღონისძიებებს იღებდა, რათა ცოტათი მაინც დაემშვიდებინა ალექსანდრიელები. მან ბრძანა, ყრმა მეფე გადაეყვანათ შემადლებულ ადგილზე, საიდანაც იგი ყოველის მხრიდან კარგად გამოჩნდებოდა და მის ნალაპარაკევესაც გაიგებდნენ. შემდეგ უბრძანა მას, ხმამაღლა ეთქვა ხალხისათვის, რომ მას არავინ არ ვნებდა, სურდა, წერტილი დასმოდა ომს, რომ სამშვიდობო ხელშეკრულებას თავად შეადგენდა. ყოველივე ეს პტოლომეუსს თავისით რომ განეცხადებინა, შეძლებდა ალექსანდრიელების დარწმუნებას და ისინიც ხელს აიღებდნენ ბრძოლაზე. მაგრამ ალექსანდრიელები მიხვდნენ, რომ ყველაფერი ცეზარმა მოაწყო, ამიტომ პოზიციები არ დაუთმიათ.

მცირე ხნის შემდეგ არსინოეს მიმდევრებს შორის შუღლმა იფეთქა. განიმედმა შესძლო ახილასის სიკვდილის პროვოცირება. მან იგი გამოაცხადა მოლაღატედ, რომლის მიზეზითაც მათ ვითომ დამარცხება იწვნიეს აღმოსავლეთის პორტისათვის გამართულ ბრძოლაში, და თავის თავზე აიღო ეგვიპტელთა ჯარების უმაღლესი სარდლობა“.

ყველაზე სრულ სურათს ეგვიპტის დედაქალაქში გამართულ ბრძოლებზე გვაწვდის არა კასიოს დიონი, არამედ პატარა, ლათინურ ენაზე დაწერილი ნაშრომი — „ალექსანდრიის ომი“, რომელიც გვევლინება ცეზარის დღიურების გაგრძელებად, მაგრამ ცეზარი ნამდვილად არ არის მისი ავტორი. ცხადია, ის დაწერილია ამ მოვლენების თანამედროვის, შესაძლოა, ცოცხალი მოწმის ან მონაწილის მიერ. გამორიცხული არ არის, დაწერილი იყოს რომელიღაც ოფიცრის მიერაც. ახალი დროის ზოგიერთი მეცნიერი მას მოიხსენიებს აულიუს ხირტუსად, რომელიც, როგორც ცნობილია, არის დამასრულებელი ცეზარის მოგონებებისა ვალებთან ომზე. მაგრამ ამ ნაშრომის ავტორობის საკითხი გარკვეული არ არის და დღესდღეობით ღიად რჩება.

ნაშრომი იწყება ცეზარის თავდაცვითი ღონისძიებების აღწერით ალყის პირველ დღეებში. ვიგებთ, თუ რომელ ქვეყნებს მიმართა დიქტატორმა დახმარებისათვის; რა სახის ფორტიფიკაციული სამუშაოები ჩაატარა პორტში; კერძოდ, ბრძანა ზოგიერთი ადგილის გაძლიერება, ზოგიერთ უბნებში სახლების ძირფესვიანად დაწვრა. ამ სამუშაოების მთავარი მიზანი იყო ალექსანდრიის ნილოსისპირა რაიონები მოეკვეთა ქალაქის ძირითადი უბნებისაგან. აქ მას ექნებოდა მტკნარი წყალი და ასევე საძოვარი ცხენებისათვის. მაგრამ ამ მიზანს მთავარსარდალმა ვერ მიაღწია.

ტრაქტატის ავტორი სათანადოდ აფასებს ალექსანდრიელების მიერ გამოჩენილ ენერჯიას. აი, რას წერს იგი ამის შესახებ: ალექსანდრიელები მოქმედებდნენ შეუპოვრად და მიზანშეწონილად. ყველა ქვეყანაში, რომლებიც ეგვიპტეს ესაზღვრებოდა, დაგზავნეს ელჩები ფულისა და ჯარისკაცების შესაკრებად. ქალაქში დიდძალ იარაღსა და დიდი რაოდენობით ჯარისკაცებს მოუყარეს თავი. ამასთანავე ქალაქში ააშენეს იარაღის მძლავრი სახელოსნოები. შეაიარაღეს ყველა სრულასაკოვანი მონა, რო-

მელთაც მათი შეძლებული ბატონები ყოველდღიურად აძლევდნენ სურსათსაც და ფულსაც. ეს შეიარაღებული ხალხი ალექსანდრიელებმა რაზმებად დაყვეს და ამგვარად ქალაქის მოშორებით მდებარე რაიონებიც გაამაგრეს. გამოცდილ ჯარისკაცთა შეიარაღებული კოპორტები მათ დააყენეს ქალაქის ცენტრში, რათა შესძლებოდათ ყოველ წუთს სწრაფად მიხმარებოდნენ საფრთხეში ჩავარდნილ რაზმებს. ყველა ქუჩა და ჩიხი მიწაყრილებით იყო ჩახერვილი. მიწაყრილების ქსელდღევეს რაზმებიც ორმოცი ფუტისა იყო. ქალაქის სამხრეთი ნაწილი კი განმტკიცებული იყო ათსართულიანი კოშკებით. ააგეს აგრეთვე მოძრავი კოშკები, ამდენივე სართულის სიმაღლისა. ბორბლებზე შემდგარ ამ კოშკებს ცხენებს შეაბამდნენ ხოლმე და ადგილიდან ადგილზე გადაანაცვლებდნენ.

უჩვეულოდ მდიდარი და კარგად მომარაგებული ქალაქი თავის მცხოვრებთა ყველა მოთხოვნილებას აკმაყოფილებდა. მისი მკვიდრნი კი, რომლებიც აზრიანობითა და მოხერხებულობით გამოირჩეოდნენ, აკეთებდნენ ყველაფერს, რასაც კი საჭიროდ დაინახავდნენ და თანაც ისე მოხერხებულად, რომ კაცს ეგონებოდა, თითქოს ჩვენებმა მიჰბაძეს მათ მუშაობაში. ამავე დროს ისინი თავადაც ბევრს იგონებდნენ. ამგვარად თავიანთ სიმაგრეებსაც იცავდნენ და ჩვენს სიმაგრეებსაც შეუპოვრად უტევდნენ. მიტინგებსა და შეკრებებზე მათი წინამძღოლები ამგვარი სიტყვებით გამოდიოდნენ:

რომაელი ხალხი თანდათან ეჩქევა იმ აზრს, რომ ხელში ჩაიგდოს ჩვენი სამეფო. რამდენიმე წლის უკან გაბინიუსი იდგა აქ თავისი ჯარებით. აქვე გამოემურა თავის დასაცავად პომპეუსი; ახლა კი ცეზარი მოვიდა ჯარებით და პომპეუსის სიკვდილმა სულაც არ შეუშალა ხელი, მათი წინამძღოლი გამხდარიყო. თუ მას ეგვიპტიდან არ გავაძევეთ, სულ მოკლე ხანში ჩვენი სამეფო რომის პროვინციად გადაიქცევა. თანაც რაც შეიძლება მოკლე ხანში უნდა გავაკეთოთ ეს, ვიდრე ცეზარს ზღვის გაღმიდან დახმარება არ მიუღია.

ამასობაში, როგორც უკვე ითქვა, ვეტერან ჯარისკაცთა მეთაურს, ახილასსა და მეფის ასულ არსინოეს შორის შუღლი ჩამოვარდა. ისინი ერთმანეთის წინააღმდეგ ინტრიგების ქსელს აბამდნენ, ვინაიდან ორივე მათგანს ხელისუფლების მთლიანად ხელში ჩაგდება ეწადა. თავისი აღმზრდელის საჭურის განიმედის დახმარებით არსინომ დაასწრო ახილასს და მისი მოკვლა ბრძანა. ახილასის სიკვდილის შემდეგ აბსოლუტური ძალაუფლება არსინოეს ჩაუვარდა ხელში. ეგვიპტელთა ჯარების მთავარსარდლობა კი მიიღო განიმედმა, რომელიც ჯარისკაცებისადმი კიდევ უფრო გულუხვი გახდა, ხოლო ყველა სხვა დანარჩენს ისეთივე სიფრთხილით ხელმძღვანელობდა, როგორც ახილასი“.

ბრძოლა ჯღვისთვის

თითქმის მთელი ალექსანდრიის მიწისქვეშეთი, — აგრძელებს თავის თხრობას „ალექსანდრიული ომების“ ავტორი, — დაქსელილია არხებით, რომლებიც სათავეს ნილოსიდან იღებენ. ისინი სასმელად სასიამოვნო წყალს აწოდებენ ალექსანდრიელთა სახლებს, რადგან ნილოსის წყალი არხში მდინარებისას თანდათან იწმინდება. ამ წყლით სარგებლობენ სახლების მესაკუთრენი. უშუალოდ ნილოსიდან ამოღებული წყალი ისეთი შლამიანი და ამღვრეულია, რომ მრავალ სხვადასხვა სახის დაავადებას წარმოშობს. მაგრამ ქალაქის ღარიბობა და საერთოდ მთელი მოსახლეობა იძულებულია იმით დაკმაყოფილდეს, რადგან მთელს ქალაქში ერთი წყაროც კი არ არის; მდინარე ქალაქის იმ მხარეს დარჩა, რომელიც ალექსანდრიელთა განკარგულებაში აღმოჩნდა. ამან განიმედს ჩააგონა აზრი, რომ შესაძლებელი იყო რომაელთათვის

არსი გადაეკეტათ და უწყლოდ დაეტოვებინათ ჩვენები, რომლებიც თავდაცვითი ნაგებობების დასაცავად ქალაქის ცალკეულ კვარტალებში იყვნენ განლაგებულნი და წყლით არხებიდან და კერძო სახლების წყალსატევებიდან სარგებლობდნენ.

განიმედის გეგმა მიღებულ იქნა და ეგვიპტელები დაუყოვნებლივ შეუდგნენ მნიშვნელოვან, მაგრამ უაღრესად მომქანცველ საბრძოლვას. განიმედმა, უპირველეს ყოვლისა, ბრძანა, ამოექოლათ მიწისქვეშა არხები და ამგვარად შეეწყვიტათ წყლის მიწოდება იმ რაიონებისათვის, რომლებიც ცეზარს ეჭირა. შემდეგ მიხრეს კარგულებით მანქანებითა და ლატანებით იწყეს წყლის ენერგიული ამონახვეა ზღვიდან. წყალს შეუსვენებლივ უშვებდნენ იმ მხარეს, საითაც ცეზარის ჯარისკაცები იყვნენ განლაგებულნი. ამის შედეგად რომაელების მიერ დაკავებული რაიონების მიმდებარე შენობების მცხოვრებლებმა ჭებიდან თანდათან უფრო მლაშე წყლის ამოღება იწყეს. წყლის გემოს ამგვარი ცვლილებები მათ ძალზე უკვირდათ და გაცხებილი იყვნენ. ისინი თავიანთ თავსაც აღარ უჯერებდნენ, რადგან ქვემოთ მცხოვრებლები ამბობდნენ, წყალს ძველებური გემო და ხარისხი აქვსო. ამიტომ მათ ერთად მიჰყვეს ხელი წყლის შედარებასა და იმის შემოწმებას, თუ რა განსხვავება იყო წყლებს შორის გემოში. მაგრამ მცირე ხანში მტრის მახლობლად მცხოვრებთა წყალი საერთოდ უვარგისი შეიქნა გამოყენებისათვის, ხოლო მათს ქვემოთ სულ ახლოს მდებარე სახლებში წყალი თანდათან მლაშდებოდა და უვარგისდებოდა.

ამ ფაქტმა ყოველგვარ დაეჭვებას საფუძველი გამოაცალა და ჯარისკაცები ენით აუწყრელმა შიშმა მოიცვა. ზოგმა საყვედურებიც აკადრა ცეზარს, ხომალდში ჩასხდომის შესახებ ბრძანების გაცემას აყოვნებო. სხვებს კი ეშინოდათ უფრო უარესისა, რადგან გაქცევისათვის ეგვიპტელთაგან მალული სამზადისი შეუძლებელი იყო; რომაელები ეგვიპტელთა სიახლოვეს იმყოფებოდნენ და თუკი ეს უკანასკნელნი გამოედევნებოდნენ, ხომალდებზე თავის შეფარებასაც კი ვერ მოასწრებდნენ.

ცეზარის მიერ დაკავებულ უბნებში მოსახლეობის მნიშვნელოვანი რაოდენობა ცხოვრობდა. ისინი არ გაასახლეს საკუთარი სახლებიდან, იმიტომ რომ თავს ისე აჩვენებდნენ, თითქოს რომაელთა ერთგული იყვნენ და თავისიანებს არ თანაუგრძნობდნენ. მაგრამ ვინც იცნობს ამ ხალხს და მათ ხასიათს, არ დაეჭვდება, რომ მათ ყოველგვარი მუხანათობის ჩადენა შეუძლიათ.

ცეზარი ცდილობდა თავისი ხელქვეითები დაემშვიდებინა, გაემხნევებინა და შიში გაეფანტა. ამიტომ მან ასე განაცხადა:

— თუ ჭებს გავთხრით, ნამდვილად ვიპოვით მტკნარ წყალს, რადგან ზღვის წყალს ბუნებისაგან ბოძებული აქვს მტკნარწყლიანი ძარღვები. იმ შემთხვევაში კი, თუ ეგვიპტის სანაპიროები განსხვავებული აღმოჩნდება სხვა სანაპიროთაგან, ჩვენ ხომ შეუფერხებლად შეგვიძლია გავცუროთ ზღვით? ჩვენი მტერი კი ფლოტს არ ფლობს. მაშ, ვინ დაგვიშლის, თუნდაც ყოველდღე თითო ხომალდი გავგზავნოთ წყლისათვის, — გინდ დასავლეთით, გინდ აღმოსავლეთით? არ მოხდება, რომ პირქარმა ორივე მიმართულებით შეაფერხოს გემების ცურვა. გაქცევაზე კი ნურავინ იფიქრებს! ნურც ის, ვინც პირველ რანგს იკავებს, ნურც ისინი, რომელთაც მხოლოდ და მხოლოდ თავიანთი სიცოცხლე აფიქრებთ. ჩვენ ახლაც გვიჭირს მტრის იერიშების შეკავება, როდესაც სიმაგრეებს ვართ შეფარებული და თუ სიმაგრეებს დაეტოვებთ, მათი მოგერიება უფრო გაგვიჭირდება, რადგან მათ ჩვენზე მეტი ჯარისკაცებიც ჰყავთ და უკეთეს პოზიციებზეც არიან განლაგებულნი. გემებში ჩასხდომაც ძნელი აღმოჩნდება, რადგან დიდ დროს მოითხოვს, განსაკუთრებით — ნავებიდან. ამასობაში კი ალექსანდრიელები ჭიდევ უფრო აქტიურად იმოქმედებენ, მათ ხომ კარგად იციან აქაური კუთხე-კუნჭულები. წარმატებები კი ფრთებს შეასხამს მათ და მედგრად დაიძრებიან წინ, ჩვენზე აღრე დაიკავენ შემაღლებულ ადგილებს და ხელს

შეგვიშლიან გემებისაკენ გაქცევაში. ამიტომ, უკეთესია, მოიშოროთ თავიდან ამგვარი აზრები და მხოლოდ ერთი მიზანი დაისახოთ: მტერზე გამარჯვება!

ასეთი სიტყვის შემდეგ ყველა გამხნევდა. ბოლოს ცეზარმა ცენტურიონებს უბრძანა, დროებით დაეტოვებინათ ყველა სამუშაო და მთელი ყურადღება ჭების ამოთხრაზე გადაეტანათ; ეს სამუშაო ღამითაც არ უნდა შეწყვეტილიყო. ძალების მთელი დაძაბვით შეუდგნენ მუშაობას და, მართლაც, ერთი კვირის განმავლობაში დიდი რაოდენობის მტკნარი წყალი იპოვეს.

ამრიგად, ალექსანდრიელთა რთული და შრომატევადი მაქინაციები მცირე დროის განმავლობაში იქნა ლიკვიდირებული.

87-ე ლეგიონის გაშორება

თანახმად „ალექსანდრიული ომების“ ავტორისა, წყლის გამო გამართულ ბრძოლას შედეგად მოჰყვა ერთი დრამატული ამბავიც, რომელმაც კინალამ მარცხი არ აგემა რომაელებს, ბოლოს კი მათივე წარმატებით დამთავრდა:

„ორი დღეც კი არ იყო გასული მტკნარი წყლის პოვნიდან, რომ აფრიკის ნაპირებს ალექსანდრიიდან ცოტა მოშორებით მიაღვა ფლოტი, რომელზედაც მოთავსებული იყო 37-ე ლეგიონი დომიციუს კალვინუსის მეთაურობით. მიიღო თუ არა ცეზარის სასოწარკვეთილი მოწოდება, იგი მაშინვე აქეთ გამოემშურა. ეს ლეგიონი შემდგარი იყო პომპეუსის ყოფილი, ტყვედ ჩავარდნილი ჯარისკაცებისაგან. მათ მოჰქონდათ პური, ყველა სახის იარაღი და ცეცხლმსროლელი მანქანები. მაგრამ ფლოტის ეკიპაჟმა პირქარის გამო, რომელიც რამდენიმე დღის მანძილზე უბერავდა, ვერ შეძლო ალექსანდრიის პორტში დროულად შესვლა. ეს ადგილები საერთოდ ძალზე მოსახერხებელია ღუზის ჩაშვებისა და რეიდზე დგომისათვის. მაგრამ, რადგან ეკიპაჟი აქ დიდხანს გაჩერდა, მათ სასმელი წყალი შემოაკლდათ. კალვინუსმა ცეზარს მალემსრბოლი გემი გაუგზავნა და ეს ამბავი შეატყობინა.

ცეზარმა მოისურვა დამოუკიდებელი გადაწყვეტილების მიღება, ამიტომ ხომალდზე დაჯდა და ფლოტს უბრძანა, უკან გაჰყოლოდა. ჯარისკაცები თან არ წაუყვანია, რადგან ვარაუდობდა, რომ შორ მანძილზე მოუწევდა გაცურვა და არ უნდოდა სიმაგრეები დაუცველი დაეტოვებინა. ეგრეთწოდებულ ხერსონესს რომ მიაღწია, მესოფეები წყლისთვის ნაპირზე გადასხა, მაგრამ წყლის ძიებაში ზოგიერთი მესოფე ძალზე დაშორდა გემს და მტერს ჩაუვარდა ხელში. ალქსანდრიელებმა დატყვევებულთაგან შეიტყვეს, რომ ფლოტს თავად ცეზარი უძღვოდა წინ და გემბანზე ჯარისკაცები არ ჰყავდა, მიღებულმა ცნობამ მათ გაუღვიძა იმედი, რომ თავად ბედი უგზავნიდა მშვენიერ შემთხვევას თავი გამოეჩინათ. ამიტომ ალექსანდრიელებმა ხომალდებში ჩასხეს შეიარაღებული ხალხი, რომლებიც მათ განკარგულებაში იყო და ესკადრილით ზღვაში გავიდნენ უკან დაბრუნებული ცეზარის შესახვედრად.

იმ დღეს ორი მიზეზის გამო ბრძოლას გაჩაღება არ ეწერა: ჯერ ერთი, ცეზარს გემბანზე ჯარისკაცები არა ჰყავდა, და მეორეც, ეს ამბავი ხდებოდა დღის ათი საათის შემდეგ, ხოლო ღამე იმისთვის იქნებოდა ხელსაყრელი, ვინც უკეთ იცნობდა იქაურობას. ამასთან ერთად ძალა ეკარგებოდა ისეთ ფაქტორსაც, როგორცაა ჯარისკაცთა გამხნევება, რადგან გამხნევება მაშინ, როდესაც შეუძლებელია ერთმანეთისაგან გამოირჩეს გამბედაობა და ლაჩრობა — უმაქნისია. ამიტომ სარდალმა ბრძანა, ყველა გემი მიეთრიათ ხმელეთზე, იმ ადგილას, სადაც მათ, როგორც თვითონ ვარაუდობდა, მტერი ვერ მიუდგებოდა.

ცეზარის ფლოტის მარჯვენა ფლანგზე მიცურავდა ერთი როდოსული ხომალდი,

რომელიც მთავარ ძალებს ძლიერ ჩამოშორდა. როდესაც ეს მტერმა შენიშნა, თავი ვერ შეიკავა და ოთხი კემბანიანი და რამდენიმე ღია ხომალდით გაშმაგებით ეკვეთა მას. ცეზარი იძულებული გახდა ხომალდს დახმარებოდა, რათა მტერს სამარცხვინოდ არ გაენადგურებინა ეკიპაჟი, თუმცა სარდალი აღიარებდა, რომ ყოველგვარ უბედურ შემთხვევას, რომელიც მათ შეემთხვევათ, სავსებით იმსახურებდნენ.

ამასობაში ატყდა ბრძოლა, რომელშიც როდოსელები ძალზე ცხარედ იბრძოდნენ: ისინი საერთოდ ყოველთვის გამოირჩეოდნენ გამოცდილებითა და გაბედულებით, ხოლო ახლა — განსაკუთრებით; ბრძოლის არავეითარი სიმძიმე მათ აღარ აჩერებდა, ოღონდ კი ბეცილებინათ იმის შესახებ ლაპარაკი, რომ ეს მათი ბრალია, რომაელებმა ამდენი ზარალი რომ განიცადეს... ბრძოლის საბოლოო შედეგები რომაელთათვის უაღრესად ხელსაყრელი გამოდგა. ტყვედ იქნა ჩაკდებული მოწინააღმდეგის ერთი კვადრიონი. მეორე — ჩაიძირა, ორის ეკიპაჟი დაიხოცა. გემებზეც მრავალი ჯარისკაცი დახოცეს. ღამეს რომ არ შეეწყვიტა ომი, ცეზარი ხელთ იგდებდა მტრის მთელ ფლოტილიას.

თუმცა პირქარი უბერავდა, მაგრამ მისი ქროლვა ძლიერი არ ყოფილა. ცეზარმა შეძლო ალექსანდრიის პორტში შეეყვანა 37-ე ლეგიონის თითქმის ყველა ხომალდი.

ბრძოლის სავალალო შედეგებმა მტერი უაღრესად დაამწუხრა. მათ დაინახეს, რომ ისინი დაამარცხა არა მხოლოდ რომაელ ჯარისკაცთა სიმტკიცემ, არამედ ნავიგაციის უკეთ ცოდნამაც — არადა, სახელდობრ ამ თვალსაზრისით მიაჩნდათ ალექსანდრიელებს თავი შეუდარებლად. ახლა მათ ისე ეშინოდათ ზღვიდან რომაელთა დესანტის გადასხმისა, რომ ნავსადგურის თავდაცვით სამუშაოებს შეუდგნენ. ეს ნავსადგური კუნძულ ფაროსის დასავლეთ მხარეს მდებარეობდა და ქალაქთან კაშხალი აერთებდა. ნავსადგურს ეუნოსტოსი ერევა. აღმოსავლეთის პორტი კი, რომელსაც სხვაგვარად დიდ პორტს ეძახდნენ, როგორც ითქვა, უკვე ცეზარის ხელთ იყო.

ერთ-ერთი სამხედრო თათბირის დროს განიმეძმა განაცხადა, რომ არამარტო ახლებით შეცვლიდა ხომალდებს, არამედ, საერთოდ გაზრდიდა ხომალდთა საერთო რაოდენობას. ამ განცხადებამ ეგვიპტელები საკუთარი ძალებისადმი უდიდესი რწმენითა და იმედით აღანთო. ისინი უმაღლვე შეუდგნენ ძველი ხომალდების შეკეთებას. მუშაობდნენ ძალების უაღრესი დაძაბვით და თავგამეტებით. და თუმცა პორტსა და ვერფებში ასზე მეტი სამხედრო ხომალდი დაუზიანდათ, ხელი მაინც არ აუღიათ ფლოტის განახლებაზე. მათ კარგად იცოდნენ, რომ ცეზარი ვერ მიიღებდა სამხედრო დახმარებას და სურსათ-სანოკავებს, თუკი ისინი ზღვაზე უპირატესობას მოიპოვებდნენ. ალექსანდრიელები ხომ დაბადებით მეზღვაურები იყვნენ, ზღვისპირა ქალაქის მკვიდრთ ბავშვობიდანვე ზღვასთან ჰქონდათ საქმე. ამიტომ გასაგებია, ძალზე ცდილობდნენ, სარგებლობა ენახათ ამ ბუნებრივი და ადგილობრივი უპირატესობიდან, რადგან ხედავდნენ, რა დიდ წარმატებებს მიაღწიეს პატარა გემებითაც კი. ამრიგად, ეგვიპტელები ყოველ ღონეს ხმარობდნენ, რათა ფლოტი აღედგინათ.

ნილოსის ყველა შესართავთან საპორტო გადასახადის ასაკრეფად განლაგებული იყო სასაზღვრო ხომალდები. ალექსანდრიის სამეფო ვერფებში კი იდგნენ ძველი ხომალდები, რომლებიც უკვე დიდი ხანია ნაოსნობისათვის აღარ გამოიყენებოდა. მათ ეს ხომალდები შეაკეთეს, სასაზღვრო ხომალდები კი ალექსანდრიაში ჩაიყვანეს. რადგან არ ჰქონდათ საკმარისი რაოდენობის ხიჩბები, მათ სახურავები აპხადეს პორტიკებს, სკოლებსა და სხვა სახელმწიფო შენობებს და ლატნები ნიჩბებად გამოიყენეს. ხოლო აღჭურვილობის ნაწილი ბუნებრივი მოხერხებულობის წყალობით მოიპოვეს, ნაწილიც — ქალაქის საწყობებიდან აიღეს. ბოლოს და ბოლოს ისინი ხომ შორეული ცურვისათვის არ ემზადებოდნენ, მხოლოდ იმას აკეთებდნენ, რასაც აუცილებლობა კარნახობდათ. წინასწარ იცოდნენ, რომ ბრძოლები პორტში გაჩაღდებოდა.

ასე რომ, რამდენიმე დღის განმავლობაში, მიუხედავად ყოველგვარი მოლოდინისა, მათ 22 კვადრირეში და 5 კვინკვერეში გამოიყვანეს. ამ გემებს შეუერთეს რამდენიმე მცირე წყალწყვის გემი და რამდენიმე უიალქნო ნავიც და პორტში საცდელი ცურვა მოაწყვეს, თითოეული გემის ვარგისიანობაში რომ დარწმუნებულნიყვნენ. გამოცდის შემდეგ მათზე საიმედო ჯარისკაცები დასხეს და ასე, ყოველმხრივ მომზადებულები, ბრძოლის მოლოდინში იყვნენ.

ცეზარს სულ 34 სამხედრო ხომალდი ჰყავდა. მათ შორის მხოლოდ 10 კვადრირეში და რამდენიმე კვინკვერეში იყო. მაინც ჰქონდა თავისი ჯარისკაცების სიმტკიცის იმედი, იცოდა მტრის შესაძლებლობებიც, და გადამწყვეტი ბრძოლისათვის მოემზადა.

ბრძოლა დასავლეთის პორტში

ბოლოს რომაელთა ფლოტმა კურძულ ფაროსს შემოუარა და მტრის პირდაპირ გაჩერდა. მარჯვენა ფრთაზე ცეზარმა განალაგა როდოსული გემები, მარცხენაზე — პონტოსი. ისინი ერთმანეთს დაახლოებით ოთხასი ნაბიჯით დააშორა, რათა თავისუფალი მანევრირების საშუალება ჰქონოდათ. დანარჩენი გემები პირველი ხაზის უკან რეზერვში იდგნენ. ყოველ სარეზერვო გემს მინიმუმებული ჰქონდა, ფრონტის ხაზის რომელი გემისათვის უნდა ედევნებინა თვალი და საჭიროების შემთხვევაში, — მიხმარებოდა.

დაუყოვნებლივ გამოიყვანეს და განაწყვეს თავიანთი ფლოტი ალექსანდრიელებმაც. ფრონტის ხაზზე მათ ჰყავდათ 22 გემი, ხოლო დანარჩენებს კი, როგორც სარეზერვო გემებს, უკანა ხაზი ეჭირათ. ამას გარდა, მათ გამოიყვანეს დიდი რაოდენობით მცირე წყალწყვის გემები და ნავები და ცეცხლმსროლელი ისრებითა და საწვავი ნივთიერებებით აღჭურვეს ისინი — იმ იმედით, რომ მათი მრავალრიცხოვნობა და ცეცხლის დაშენის უნარი მტერს დააშინებდა.

ორ ფლოტს შორის ზღვა სავსე იყო მეჩჩებით, დარჩენილი იყო მხოლოდ ერთი გასასვლელი, რომელიც აფრიკას ესაზღვრებოდა (ალექსანდრიელები სთვლიან, რომ მათი ქალაქის ნახევარი მიეკუთვნება აფრიკას, ხოლო მეორე ნახევარი — აზიას). მოწინააღმდეგეები იცდიდნენ, ორივე ცდილობდა მეჩჩებს შორის პირველი არ გასულიყო, რადგან ცხადი იყო, ის, ვინც პირველი გავიდოდა, დიდ სიძნელეებს წააწყდებოდა, როგორც თავისი ფლოტის განლაგების, ასევე უკან დახვევის დროსაც.

როდოსელთა ფლოტს ხელმძღვანელობდა ევფრანოსი, რომელიც, როგორც ავტორი წერს, მამაცობითა და შეუდრეკელობით თანამემამულეებს უფრო ჰგავდა, ვიდრე ბერძნებს. საზღვაო საქმის ცოდნითა და ვაეკაცობით განთქმული იყო. ამიტომაც აირჩიეს როდოსელებმა იგი თავიანთი ფლოტის სარდლად. რომ შენიშნა, ცეზარი ჭოჭმანობდა, ევფრანოსმა უთხრა:

— შენ, ცეზარ, ვფიქრობ, გემინია ამ მეჩჩებში შესვლა, რადგან იძულებული იქნები მანამდე ჩაება ბრძოლაში, ვიდრე ფლოტის პოზიციებზე განლაგებას მოასწრებდე. მოგვანდე მაგ საქმის გაკეთება ჩვენ, როდოსელებს! არ გაგიმტყუნებო ნდობას! მტრის დარტყმას შევაკავებთ, ვიდრე დანარჩენი ძალებიც მოგვეშველებოდეს. ძალზე სამარცხვინოდ მიმაჩნია, მტერი ასე დიდხანს იწონებდეს თავს ჩვენ თვალწინ.

პასუხად ცეზარმა გაამხნევა იგი და ბრძოლის დაწყება უბრძანა.

როდესაც როდოსელთა ოთხმა გემმა მეჩჩებს მიაღწია, მტრის გემები მყისვე გარს შემოერთყვნენ და იერიში მიიტანეს მათზე. როდოსელებმა პირობა არ გატეხეს

და მტრის იერიში მოიგერიეს. თანაც ძალზე მოხერხებული პოზიციებიც დაიკავეს. ნაოსნობაში მათი დაოსტატება მართლაც გასაოცარი იყო. არც ერთი გემი მტრის გემს გვერდით არ მოექცა, ყველა პირისპირ მიდიოდა. ამასობაში ჩვენმა დანარჩენმა გემებმაც გაცურეს და ბრძოლაში ჩაებნენ. ტერიტორიის სიმცირის მიზეზით მებრძოლი მხარეები იძულებულები გახდნენ ბრძოლის სამხედრო ხელოვნების პრინციპები მიეტოვებინათ და ბედის გადაწყვეტა სიმამაცისათვის მიენდობნენ.

ამ დროს ალექსანდრიაში რომაელებმა, და თვით მკვიდრმა ალექსანდრიელებმაც შეწყვიტეს მუშაობა, ბრძოლა და ყველაზე მაღალი სახლების სახურავებს მიაშურეს, რათა იქიდან ეცქირათ ბრძოლის მსვლელობისათვის და უკვდავი ღმერთებისათვის თანამემამულეებისათვის გამარჯვების მინიჭება გამოეთხოვათ.

რომაელებმა ტყვედ იგდეს თითო კვინკორემი და ბირემა ჯარისკაცებითა და მენიჩბეებით და ჩაძირეს მტრის სამი ხომალდი, თვით მათი არც ერთი გემი კი არ დაზიანებულა. მტრის დანარჩენმა გემებმა თავს უშველეს ქალაქისაკენ ვაქცევით. იქ თავი შეაფარეს კაშხალსა და მასზე მდებარე მაღალ ნაგებობებს და რომაელებს საშუალებას არ აძლევდნენ, მიახლოვებოდნენ.

ბრძოლა კუნძულსა და კაშხალზე

მტრისაგან კვლავ უკუგდება იყო მოსალოდნელი, ამიტომ ცეზარმა გადაწყვიტა, რადაც არ უნდა დასჯდომოდა, მთელი კუნძული ხელთ ეგდო. მას უნდა დაეპყრო კაშხალიც, რომელიც კუნძულს ქალაქთან აერთებდა. ამ კაშხალს ბერძნულად პერსტადიონი ეწოდებოდა, რადგან მისი სიგრძე შვიდი სტადიონია, ანუ დაახლოებით 900 ნაბიჯი. რამდენადაც ალექსანდრიის სიმაგრეების რომაელთა გარნიზონები უპირატესად შხადყოფნაში იყო, შთავარსარდალი ფიქრობდა, კუნძულისთვისაც დაერთყათ და ქალაქში პოზიციები ხელუხლებლად შეენარჩუნებინათ.

ამ მიზნით მან ნაგებსა და კარჭაპებზე დასხა ათი კოპორტა ლეგიონერებისა მსუბუქად შეიარაღებულ რჩეულ ჯარისკაცებთან და შედარებით საიმედო გალელ მხედრებთან ერთად. კუნძულის გაღმა მხარეზე კი იალქნიანი ფლოტით მიიტანა იერიში, რომ მტრის ძალები გაეფანტა; ცეზარი დიდ ჯილდოს შეჰპირდა ყველას, ვინც პირველი დაადგამდა ფეხს კუნძულზე.

კუნძულელები თავიდან წარმატებით იგერიებდნენ დარტყმებს ორივე ფრონტზე. ალექსანდრიის მოსახლეობა სახურავებიდან იბრძოდა, მათი ჯარისკაცები კი ისეთ ციცაბო ნაპირზე იყვნენ გამაგრებულნი, სადაც ასვლა არაფრით არ შეიძლებოდა. ვიწრო გასასვლელს ისინი ნაგებითა და სამხედრო გემებით იცავდნენ, რომლებითაც მარჯვედ და სწრაფად მანევრირებდნენ. როგორც კი რომაელებმა ეს ადგილები შეისწავლეს და ფონი მოსინჯეს, მტკიცედ გადავიდნენ ნაპირებზე და ვაკე ადგილებში მუდგრად შეუტიეს მტერს. ფაროსელები მყისვე უკუიქცნენ, მიატოვეს პორტის დაცვა და მთელი სისწრაფით გაეშურნენ უკან საკუთარი სახლების დასაცავად. ოღონდ ვერც იქ შესძლეს გამაგრება. თავზარდაცემულები კაშხალიდან ზღვაში ცვიოდნენ და მიცურავდნენ ქალაქამდე, რომელიც დაახლოებით ცხრაასი მეტრით იყო დაშორებული. ზოგიერთი მათგანი ტყვედ შეიპყრეს და სიკვდილით დასაჯეს.

ცეზარმა ჯარისკაცებს კუნძულელთა სახლების გაძარცვის ნება დართო. კუნძულის მიმდებარე, ფაროსელების მიერ მიტოვებულ ხიდთან განლაგებული ფორტი გაამაგრა და შიგ გარნიზონი ჩააყენა. უფრო მტკიცე ხიდს, რომელიც ქალაქს ესაზღვრებოდა, ალექსანდრიელები იცავდნენ. მაგრამ ცეზარმა მეორე დღეს მასაც შეუტია, რადგანაც ხედავდა, რომ მისი ჯარისკაცების მიერ ორივე ხიდის დაკავება

ხელს შეუშლიდა ალექსანდრიული გემების ზღვაში გასვლასა და იქიდან რომაელთა ხელთ არსებული პორტისათვის დარტყმას. მსროლელი იარაღითა და ისრებით, რომლებიც ამ პუნქტს სამხედრო ძალით იცავდნენ, მან უკვე მოასწრო მტრის იძულება. დაეტოვებინა სიმაღლეები და ქალაქში შერეკა ისინი. შემდეგ ხმელეთზე გადასხა დაახლოებით სამ-სამ კოპორტანდე ჯარისკაცი, რადგან იმ ადგილებში — სწავიწროვე მეტის საშუალებას არ იძლეოდა. დანარჩენი ძალები ხომალდებზე იყვნენ შემოქმედით მზადყოფნაში.

ამის შემდეგ ცეზარმა ბრძანა, ხიდზე მიწაყრილი მოეწყოთ, ხოლო ხიდის თაღის კამარების ღია ადგილები, სადაც ხომალდები გადიოდნენ, ქვებით ჩაეხერგათ. ისე რომ, ნავსაც კი აღარ შეეძლო გასულიყო მასში. მამინ ალექსანდრიელთა მთელი ძალები ქალაქიდან გამოვიდნენ და ხიდის წინ შედარებით ფართო ადგილზე მოგროვდნენ. იმავედროულად კაშხალს მიაყენეს გემები, რომელთაც, ჩვეულებრივ, ხომალდების გადასაწვავად გზავნიდნენ — ხოლმე. ასე რომ, რომაელები იბრძოდნენ ფორტიდან და კაშხალიდან, მტერი კი — მოედნიდან და გემებიდან.

ვიდრე ცეზარი ბრძოლით იყო დაკავებული და ჯარისკაცებს ამხნევებდა, რომაელთა სამხედრო ხომალდებიდან კაშხალზე აიჭრა მენიჩბეებისა და მეზღვაურების შეიარაღებული რაზმები. მათი ნაწილი უბრალო ცნობისმოყვარეობის გამო მოქმედებდა, ნაწილი კი — ბრძოლის წყურვილით. თავდაპირველად მათ დაიწყეს ბრძოლა, რათა მოწინააღმდეგის გემები კაშხალიდან უკუექციათ და, მიუხედავად იმისა, რომ ქვებითა და შურდულებით იბრძოდნენ, წარმატებასაც მიაღწიეს. მაგრამ, მას შემდეგ, რაც, ბრძოლის ადგილიდან ცოტა მოშორებით, დაუცველ ფლანგზე, ალექსანდრიელებმა გაბედეს და ჯარისკაცთა მცირე რიცხვი გადასხეს, რომაელებმა სირბილით იწყეს უკუქცევა. ამით გათამამებულმა ალექსანდრიელებმა რიცხობრივად უფრო დიდი რაზმების გადასხმა იწყეს თავიანთი გემებიდან და ენერგიულად დევნიდნენ მათ. რომაელთა სამხედრო ხომალდებზე დარჩენილი კიბეების ზევით აზიდვასა და უკან გაცურვისათვის მზადებას შეუდგნენ, რათა მტერს ხელთ არ ეკდო ხომალდები.

რომაელთა სამი კოპორტის ჯარისკაცები, რომლებიც ხიდსა და კაშხალის თავში იდგნენ, ამ ამბის დანახვაზე შიშმა აიტანა; უკნიდან ესმოდათ ყვირილი და ხედავდნენ, როგორ ილტვოდნენ მათი თანამებრძოლნი, ფრონტიდან კი მტრის დარტყმები უნდა მოეგერიებინათ. ტყვედ რომ არ ჩავარდნილიყვნენ, ხიდზე მოწყობილი სიმაგრეები მიატოვეს და უწესრიგოდ გარბოდნენ ხომალდებისაკენ. მათმა ნაწილმა მიაღწია შედარებით ახლო მდვარ ხომალდებამდე, მაგრამ ხალხის სიმრავლისა და სიმძიმის გამო ხომალდები ჩაიძირა. ჯარისკაცთა ნაწილი შეეცადა წინ აღდგომოდა მტერს, მაგრამ არ იცოდა, როგორ; ისინი ალექსანდრიელებმა გაჟლიტეს. მხოლოდ ზოგიერთები გადარჩნენ, რადგან მიაღწიეს ცურვისთვის გამზადებულ ხომალდებამდე.

ცეზარი ცდილობდა გაემხნეებინა და შეეკავებინა ჯარისკაცები ხიდთან და სიმაგრეებთან, მაგრამ თვითონაც საშიშროების წინაშე იმყოფებოდა. ამიტომ, როდესაც შენიშნა, ყველანი უკან ვარბოდნენ, მანაც საკუთარ ხომალდს შეაფარა თავი. თან იმდენი ხალხი გაჰყვა, რომ არათუ ხომალდის გაცურება, ადგილიდან დაძვრაც კი შეუძლებელი აღმოჩნდა. როცა მიხვდა, რამიც იყო საქმე, გადახტა თავისი ხომალდიდან და მოშორებით მდვარ გემებამდე მიცურა. აქედან მან თავის ქანცგამოცლილ ხალხს ნავეები გაუგზავნა და ამგვარად იხსნა ზოგიერთები სიკვდილისაგან. ხომალდი კი ხალხთან ერთად ჩაიძირა.

ამ ბრძოლაში დაახლოებით თოხასე ლეგიონერი და ამაზე მეტი მეზღვაური და მენიჩბე დაიღუპა. ალექსანდრიელებმა ამ ადგილას ფორტი დადგეს და ძლიერი სა-

ბრძოლა მოწყობილობით აღჭურვეს. ხოლო ზღვიდან ქვები ამოყარეს და თავიანთი გემებისათვის გასასვლელი მოასუფთავეს.

„ალექსანდრიული ომების“ საფუძველზე ამგვარად შეიძლება წარმოვიდგინოთ კუნძულ ფაროსისა და კაშხალისათვის წარმოებული ბრძოლის მიმდინარეობა. სხვა ანტიკური წყაროები მხოლოდ გაკვრით ეხებიან ამ ამბებს, თუმცა ძალზე მხატვრულად გადმოგვცემენ ცეზარის გადარჩენის დეტალებს. კერძოდ, სვეტონიუსის მიხედვით, მხედართმთავარმა დაახლოებით ორასამდე მეტრი გაცურებ (სხვა წყაროებში მარცხენა ხელი ცურვისას არ გამოუყენებია, წყალზე მოთ ეჭირა, რადგან შიმობდა წყალს არ დაესველებინა მნიშვნელოვანი საბუთები. რაც შეეხება მეწამულ ტოვას, მისი კალიები კბილებით ეჭირა, მტერს ნადავლად რომ არ დარჩენოდაო. დიონ კასიოსი კი წერს, რომ ცურვისას ცეზარს ხელში ეჭირა საბუთები; ხოლო ტოვა სარდალმა წყალში მოისროლა, რადგან ცურვაში ხელს უშლიდა და სანიშნევ იყო მტრისათვის. ცეზარის ტოვა ალექსანდრიელებმა წყლიდან ამოიღეს და გამოფინეს გამარჯვების ძეგლთან, რომელიც ბრძოლების აღგებზე დაიდგა.

მეფის გაშვება

„ალექსანდრიული ომების“ ავტორი-განსაკუთრებით უსვამს ხაზს, რომ დამარცხებამ ვერ დაჯაბნა რომაელი ჯარისკაცები, პირიქით, დიდი ენერგია შესძინა და ბრძოლისათვის აღანთო. ცეზარის გამხნევებაც აღარ იყო უკვე საჭირო.

ალექსანდრიელები, — განაგრძობს ავტორი, — ხედავდნენ, რომ რომაელებს წარმატება ძალას მატებდა, ხოლო წარუმატებლობა — მამაცობას. ბოლოს ცეზარს ელჩები მიუგზავნეს და სთხოვეს, მეფე გაეთავისუფლებინა და თავის თანამემამულეებთან გაეშვა. თავიანთ მოთხოვნას ელჩები ასე ასაბუთებდნენ:

— მოსახლეობას მეტისმეტად მობეზრდა ქალის დროებითი მმართველობა და განიშედის მკაცრი ტირანია. ახლა ისინი მზად არიან, დაემორჩილონ კანონიერი მეფის ბრძანებებს; და, თუ მეფის ნებით იძულებულები შეიქნებიან შევიდნენ ცეზარის მფარველობის ქვეშ და მასთან მეგობრული კავშირი დადონ, უკვე აღარაფრის შიში აღარ ექნება, ამით მოისპობა მათი წინააღმდეგობაც.

ცეზარი კარგად იცნობდა ამ მატყუარა და ცრუ ხალხს, მაგრამ მიზანშეწონილად ჩათვალა დათანხმებოდა მათს თხოვნას იმ იმედით, რომ თუ მათ ამჯერად მართლა სურდათ რასაც მოითხოვდნენ, მაშინ გაშვებული მეფე ახლა მაინც ცეზარის ერთგული დარჩებოდა; ხოლო თუ სურათ პყავდეთ მეფე, როგორც ბელადი ომის წარმოებისათვის, მაშინ ცეზარს გაცილებით უფრო საპატიო და ღირსეული საბაზი ექნებოდა ეომა მეფესთან, ვიდრე ავანტიურისტებისა და გაქცეული მონების ხროვასთან, რომელთაც გოგო და საჭურისი ხელმძღვანელობდნენ. ამიტომ ცეზარმა პტოლომეუსი გამოიძახა და წაახალისა:

— უპირველეს ყოვლისა, გმართებს იზრუნო სამეფოს კეთილდღეობისათვის და შეიბრალო შენი მშობლიური და სახელგანთქმული ქალაქი, რომელიც უკვე განადგურებულია ნგრევისა და ხანძრებისაგან. გონს მოიყვანე შენი ქვეშევრდომები და იხსენი ისინი; დაამტკიცე შენი ერთგულება რომაელი ხალხისა და ჩემ მიმართ, მე კი გენდობი და გგზავნი რომაელი ხალხის ბეიარაღებულ მტერთან. ამ ლაპარაკისას ცეზარს მეფის მარჯვენა ხელი თავის მარჯვენაში ეჭირა. მერე დაემშვიდობა ყმაწვილ მეფეს, რომელიც თავისი ხალხივით მეჩვეული იყო წრეგადასულ ცბიერებას, იგი არწმუნებდა ცეზარს, არ გაეშვა, რადგან, როგორც ამბობდა, ტახტზე ჯდომაზე ძვირფასი მისთვის ცეზარის ცქერა იყო. ბიჭის ცრემლებით აღელვებულმა ცეზარმა

დაამშვიდა და მალე შეხვედრა აღუთქვა. მაგრამ მან, თითქოს გალიიდან გაუშვესო, ცეზარის წინააღმდეგ ენერგიულად გააჩაღა ომი. როგორც ჩანს, ცრემლები, რომლებიც გამომშვიდობებისას დაბალეუბით სცვიოდა, სიხარულისა იყო. ცეზარის მრავალი ლეგატი, ცენტურიონი და ჯარისკაცი ხარობდა, რომ ცეზარის უზომო გულკეთილობას ცბიურმა ბიჭმა ასე დასცინა, თითქოს ცეზარს მართლა ღმობიერება გამოეჩინოს და უმაღლესი პრაქტიკული მოსაზრებებით არ ეხელმძღვანელოს.

ეგვიპტელებს ახლა უკვე ჰყავდათ ბელადი, მაგრამ მალე დაწინაურდნენ, რომ ამით ისინი უფრო ძლიერები არ გამხდარიან და არც რომაელები დასუსტებულან. განსაკუთრებით სამწუხარო ის იყო, რომ ჯარისკაცებმა წუწუნი დაიწყეს მეფის სიყმაწვილისა და სისუსტის გამო. მოქმედებების წარუმატებლობაში დარწმუნებულებმა, იმ ხმების გავლენით, ცეზარის მისამველებლად სახმელეთო გზით სირიიდან და ქილიკიიდან ძლიერი სამხედრო ძალები მოისწრაფიანო, რის შესახებაც თვითონ ცეზარმა არაფერი იცოდა, ალექსანდრიელებმა გადაწყვიტეს, ცეზარისათვის გამოგზავნილი სურსათისათვის, რომელიც ზღვით მოდიოდა, გზა გადაეჭრათ. ამ მიზნით ალექსანდრიის აღმოსავლეთით, კანოპთან, ხელსაყრელ პოზიციებზე განალაგეს სანაოსნოდ მომზადებული გემები და მოთმინებით დაუწყეს ლოდინი სატვირთო ფლოტილიას. როცა ამის შესახებ ცეზარს მოახსენეს, მან ბრძანა, მოემზადებინათ და შეეიარაღებინათ მთელი ფლოტი, მისი ხელმძღვანელობა კი ტიბერიუს ნერონს დააკისრა. ესკადრილიაში იყვნენ როდოსის ხომალდებიც ევფრანორის ხელმძღვანელობით, რომლის მონაწილეობის გარეშეც არც ერთი საზღვაო ბრძოლა არ იმართებოდა. მაგრამ ზედი უპირატესად უბედურებას უმზადებდა ზუსტად იმათ, რომლებიც აქამდე განსაკუთრებულ პატივში ჰყავდა. ახლა იგი ევფრანორს ძველებურად აღარ ანებივრებდა.

სახელდობრ, როდესაც ხომალდებუ კანოპთან მიცურდნენ და ერთმანეთის პირისპირ საბრძოლოდ განლაგდნენ, ევფრანორმა, ჩვეულებისამებრ, პირველმა შეუტია მტერს და წყალში ჩაძირა მოწინააღმდეგის კვადრირემი. მაგრამ როდესაც მეტისმეტად შორ მანძილზე გაეკიდა მოწინააღმდეგის მეორე გემს, ხოლო დანარჩენი ხომალდები სათანადო სისწრაფით ვეღარ მიჰყვნენ, ალექსანდრიელებმა ალყაში მოაქციეს და ვინც ამ ბრძოლაში ყველაზე უფრო გამოირჩეოდა, თავისი უძლეველი კვადრირემით დაიღუპა.

სამხედრო დახმარება

იმდროინდელი კალენდრის მიხედვით 47 წლის თებერვალი ანდა მარტი იდგა. თითქმის ნახევარ წელზე მეტი იყო გასული, რაც ბრძოლები გრძელდებოდა, მაგრამ არც ერთი მხარე გადამწყვეტ უპირატესობას არ ფლობდა. განუწყვეტელი ბრძოლების შედეგად როგორც ხმელეთზე, ისევე წყალზე, ცეზარის არმია ძალზე შეთხელდა.

საბედნიეროდ, ხმები, რომლებიც ალექსანდრიელთა ყურს უფრო ადრე მისწვდა, მართალი აღმოჩნდა. სასახლის მცველებს დახმარება უახლოვდებოდათ. პალესტინის სანაპიროს გასწვრივ სირიიდან და ქილიკიიდან სამხედრო დახმარება ხმელეთით მოდიოდა. და, გასაკვირია, რომ ეს არ ყოფილა რომაელთა ლეგიონები! ამ მრავალეროვან არმიაში შედიოდნენ სირიელები, ფინიკიელები, არაბები, ბერძნები და იუდეველები. რომაელები კი იქ ძალზე ცოტანი იყვნენ. იმ ქვეყნებისა და ქალაქების მცხოვრებლები, რომლებიც ევფრატსა და სინას ნახევარკუნძულს შორის იყვნენ განლაგებულნი, უგზავნიდნენ დახმარებას ცეზარს და ძირითადად იმაზე ზრუნავდნენ,

რომის მბრძანებლის კეთილგანწყობილება მოეპოვებინათ. რადგან ამ ტერიტორიის მცხოვრებთ ძალზე ეჯავრებოდათ ეგვიპტელები.

არც ამ არმიის მეთაური და ორგანიზატორი, ცეზარის დასახმარებლად რომ მოისწრაფოდა, არ ყოფილა რომაელი. იგი იყო მითრიდატე, რომელიც მცირე აზიის ქალაქ პერგამოსში დაიბადა. მის ძარღვებში ირანული და ბერძნული სისხლი ჩქეფდა, დედის მხრიდან კი იგი კელტიც იყო. მითრიდატე აღიზარდა და უკმაყოფილებაში იყო პონტოს მეფის სასახლეში, თავისი სეხნიის, მეფე მითრიდატეს კარზე. მითრიდატეს პერგამოსის ოჯახებს ნათესაური კავშირი ჰქონდათ. პონტოს მეფე სამჯერ შეებრძოლა რომს; მესამედ შებრძოლების შედეგად მან დაკარგა თავისი სამეფო და თავშესაფარი პპოვია ყირიმში, სადაც ყველასგან მიტოვებულმა თავი მოიკლა. მისი ყრმა აღსაზრდელი, პერგამოელი მითრიდატე კი შეურიგდა რომაელთა ბატონობას. როდესაც რომის იმპერიაში სამოქალაქო ომი ატყდა, იგი პომპეუსის ბანაკში მოხვდა. ამიტომ შემდეგ, როდესაც პომპეუსი დამარცხდა, ძალიან ცდილობდა გამარჯვებულის კეთილგანწყობილების მოპოვებას. მითრიდატე ცეზარს მიეკედლა და, პომპეუსს აღევნებული, 48 წლის შემოდგომაზე ალექსანდრიაში ჩავიდა. ცხადია, მან შესძლო მოეხვეჭა ცეზარის ნდობა, რადგან ეგვიპტეში სამხედრო მოქმედების დაწყებისთანავე მთავარსარდალმა იგი მისამუშევრებად გაგზავნა. მითრიდატე ცეზარის მეგობართაგან ყველაზე სანდო აღმოჩნდა. ამიტომაც ცეზარის ერთგული „ალექსანდრიული ომების“ ავტორი არ იშურებს ლამაზ ეპითეტებს პერგამოსელი უფლისწულის შესამკობად.

სამავიეროდ, იგივე ავტორი სრული დუმილით უფლის გვერდს იუღეველი ანტიპატრის დამსახურებას, თუმცა ანტიპატრი ათას ხუთასი აბჯროსანით შეუერთდა მითრიდატეს კორპუსებს და პირველი აიჭრა ციხე-სიმაგრე პელუსიონის კედლებზე. ხოლო ცოტა მოგვიანებით, როდესაც რომაელთა ჯარები ეგვიპტის ტერიტორიაზე მიდიოდნენ, რომაელთა მხარეზე გადაიბირა ქვეყნის ებრაული მოსახლეობა.

პელუსიონიდან მითრიდატე პირდაპირ ალექსანდრიაში არ წასულა. მან აირჩია მიხვეულ-მოხვეული, გრძელი, თუმცა იოლი ვზა. იმ ადგილს რომ მიაღწია, სადაც მდინარე ორ ტოტად იყოფა, ანუ სადაც იწყება ნილოსის დელტა, ქალაქ შემფისის მიდამოებში მითრიდატეს ჯარები ნილოსის გაღმა ნაპირზე გადავიდნენ და მდინარის დასავლეთი ტოტის გასწვრივ გაემართნენ ალექსანდრიისაკენ. ვზად მითრიდატემ გაიმარჯვა ეგვიპტის არმიის ძლიერ ძალებზე. ამ ცნობამ ჩქარა მიაღწია როგორც პტოლომეუსამდე, ასევე — ცეზარამდე. ცხადი იყო, რომ ომის შედეგები დიდად იყო დამოკიდებული იმაზე, შეერთდებოდნენ თუ არა ცეზარისა და მითრიდატეს ჯარები, ამიტომ ორივე — პტოლომეუსიც და ცეზარიც — საჩქაროდ გამოვიდა ალექსანდრიიდან. მიუხედავად იმისა, რომ მეფე გაცილებით მოკლე და მარჯვე ვზას დაადგა, — იგი გემებით მიცურავდა ნილოსზე, ხოლო ცეზარი ნილოსის ნაპირებს სახმელეთო გზით მიჰყვებოდა, — ცეზარმა მაინც მოახერხა გაესწრო პტოლომეუსისა-ოვის და მითრიდატეს ჯარებს შეუერთდა.

მეფის სიკვდილი

„მეფე თავისი ჯარით შეჩერდა ბუნებრივად კარგად დაცულ ადგილას; მის ერთ მხარეს ნილოსი მიედინებოდა, ხოლო მეორე მხარეს კი — ჭაობები იყო გაშლილი. მათ შორის მთის კალთა აზიდულიყო. ყოველივე ამის გამო რომაელებს მხოლოდ ერთი მხრიდან შეეძლოთ მისდგომოდნენ ეგვიპტელთა ბანაკს.

ეგვიპტის მეფის ბანაკსა და იმ ვზას შორის, რომელსაც ცეზარი მიუყვებოდა,

ძალზე ძალად და ფრიალ კლდეებში პატარა მდინარე მიიკლაკნებოდა. იგი ნილოსს უერთდებოდა. ეს მდინარე მეფის ბანაკიდან შვიდი მილით იყო დაშორებული. როდესაც მეფემ შეიტყო, რომ ცეზარი ამ გზას მიჰყვებოდა, მდინარისკენ გაგზავნა თავისი კავალერია. მათვე გააყოლა კარგად აღჭურვილი და სპეციალურად შერჩეული ქვეითი ჯარიც, რათა ცეზარისათვის საშუალება არ მიეცათ გადაეღობა მდინარე.

გერმანელ კავალერისტთა ნაწილმა, რომელიც ფონის ქვედაში მდებარე ზევით აუყვავა, მდინარე იმ ადგილას გადაცურა, სადაც ნაპირი შედარებით დაბალი იყო. რომაელმა ლეგიონერებმა გადალუნეს მდინარის პირას მდგარი ხე, რომელიც წყალზე გადაწოლილი კენწეროთი მდინარის გაღმა ნაპირს მისწვდა. ეს ხე ტოტებითა და მიწით დაფარეს, ისე რომ, ჯარი სიძნელის გარეშე გადავიდა მასზე და ეგვიპტელებს შეუტია. მოულოდნელმა თავდასხმამ ისეთი თავზარი დასცა მტერს, რომ მთავარმა ძალებმა უკანმოუხედავად გაქუსლა. მხოლოდ მცირე ნაწილმა მიაღწია საკუთარ ბანაკს, უმეტესობა დაუნდობლად გაელიტეს რომაელმა ჯარისკაცებმა.

ამ ბრწყინვალე გამარჯვების შემდეგ ცეზარმა გადაწყვიტა სწრაფი მოქმედებით არეულდარეულობა შეეტანა მოწინააღმდეგის რიგებში, ამიტომ პირდაპირ მათი ბანაკისაკენ დაიძრა. მაგრამ რაკი ეგვიპტელთა ბანაკი ძლიერ იყო გამაგრებული, მიწაყრილზე კი კარგად შეიარაღებული უამრავი ჯარისკაცი ეყენათ, ცეზარი მიხვდა, რომ გზითა და ბრძოლით დაქანცული მეზრძოლები ვერ შესძლებდნენ სწრაფ შეტევას და ბრძანება გასცა, კარავი მტრის ბანაკიდან დაშორებით დაეცათ.

სისხამ დილით ცეზარმა დიდი ძალებით შეუტია მტერს და მალე ხელთ იგდო მცირე ფორტი, რომელიც მეფემ თავისი ბანაკის მიმდებარე სოფელში გაამაგრა. ამ ფორტზე ცეზარმა იმიტომ წარმართა მთელი ძალები (მიუხედავად იმისა, რომ ფორტის აღება მცირე რაზმებითაც შეიძლებოდა), რომ მოულოდნელი თავდასხმით თავზარი დაეცა მტრისათვის, ხოლო შემდეგ დაუყოვნებლივ შეეტია მთავარი ბანაკისათვის. მალე ჯარისკაცები იმავე შემართებით, ფორტიდან უკუქცეულებს რომ დაედევნენ, მისწვდნენ ბანაკის სიმაგრეებს და იწყეს მისი აღება. იმ ადგილას, სადაც ბანაკს შედარებით ადვილი მისადგომი ჰქონდა, ყველაზე დიდი რაოდენობით იდგნენ სულ დარჩეული მცველები. კარგად იცავდნენ თავს ისინიც, რომლებიც ნილოსის მხარეს იმყოფებოდნენ და დიდ ზიანსაც აყენებდნენ რომაელებს, რადგან ეს უკანასკნელნი ორი მხრიდან განიცდიდნენ დარტყმას, ფრონტის ხაზიდან და ზურგიდან.

ცეზარი ნათლად ხედავდა, რომ მისიანები ყველაფერს აკეთებდნენ გამარჯვებისათვის, მაგრამ ბრძოლის ძნელი პირობების გამო ბევრს ვერაფერს ხდებოდნენ. მალე შენიშნა, რომ ეგვიპტელთა ბანაკის ზედა მხარე თითქმის გაშიშვლდა დამცველთაგან. ალბათ ფიქრობდნენ, რომ ამ უბნის აღება შეუძლებელი იყო რომაელთათვის, რადგან ბუნებრივად კარგად იყო დაცული. ისინი დაემშენენ ქვევით, ბრძოლის ასპარეზზე, ზოგი იმ სურვილით, რომ ბრძოლაში მიეღოთ მონაწილეობა, ხოლო ზოგი კი — უბრალოდ ცნობისმოყვარეობის გამო.

ცეზარმა მაშინვე უბრძანა სამ კოჰორტას, რომლებიც მამაცობითა და სამხედრო საქმის ცოდნით ტოლს არავის უდებდნენ, შემოევლოთ მტრის ბანაკისათვის და ზევიდან დაერთყათ. იქამდე რომ მიაღწიეს, მცველთა ძლიერ მცირე რიცხვი დახვდათ და გაშმაგებით დაეძვერნენ. შეძრწუნებული ეგვიპტელები ყვირილითა და იარაღის ჭდარუნით აირ-დაირივნენ. ამან რომაელი მოიერიშენი კიდევ უფრო აღანთო ბრძოლის უინით. მათ ბანაკის ზედა მხარე დაიკავეს და დაიწყეს გამოქცეულების ჩეხვა. ბევრი აღექსანდრიელი მიწაყრილიდან პირდაპირ წყალმარჩხ მდინარეში ხტებოდა. უწინ გაქცეულებმა მდინარის თხელი წყალი თავიანთი სხეულებით დაფარეს და დაწარჩენებს გაუადვილეს წყალზე გადასვლა და გაქცევა.

ცნობილია, რომ მეფე ბანაკიდან გაიქცა და თავი შეაფარა ხომალდს, რომელიც

მაშინვე ჩაიძირა, რადგან მასზე თავის გადასარჩენად უამრავი ეგვიპტელი ავიდა. ასე დაიღუპა პტოლომეუსი.

ოღონდ ახალგაზრდა მეფის სიკვდილის შესახებ „ალექსანდრიული რომების“ ავტორის ეს ლაკონიური ცნობა შოთხვით შევსებას, რომელსაც ანტიკური ხანის სხვა ავტორები გვაწვდიან. პლუტარქე, უბრალოდ, იმ აზრს ადგას, რომ პტოლომეუსის სიკვდილის გარემოებანი საიდუმლოებითაა მოცული. სამაგიეროდ, მან ისტორიკოსები ამტკიცებენ, რომ მეფის სხეული ბრძოლის დამთავრების შემდეგ მდინარის ქვიშაში იპოვეს და ამოიცივნეს მოვარაყებულ ალჭურვილობით, რომელიც შემდეგ ალექსანდრიელებს უჩვენეს, როგორც რომაელთა სრული გამარჯვების უტყუარი საბუთი.

გამარჯვებულის განკარგულებაში

ცეზარი ალექსანდრიაში ახლა იმ მიხვეულ-მოხვეული გზებით აღარ დაბრუნებულა, რომლითაც მიორიდატეს შესახვედრად გაემურა. ახლა იგი ქალაქისაკენ პირდაპირი გზით მიდიოდა და თანაც იმ უბნებზე გავლით, რომლებიც ჯერჯერობით ისევ მტრის განკარგულებაში იყო. მას იმედი ჰქონდა, რომ მეფის დამარცხებისა და სიკვდილის ცნობით თავზარდაცემული ქალაქელები თავშიც აღარ გაივლებდნენ წინააღმდეგობის გაწევას. ამაში იგი ისე ძლიერ იყო დარწმუნებული, რომ არმიის მთავარი კორპუსის წინ კავალერიის სათავეში მოექცა.

ცეზარი არ მოტყუებულა. ბრბო მის შესაგებებლად ქუჩებში გამოვიდა. ისინი იარაღს ჰყრიდნენ და სტოვებდნენ სიმაგრეებს, იმ სიმაგრეებს, ასე შეუპოვრად რომ იცავდნენ მრავალი თვის მანძილზე. ახლა, იმ ტანსაცმელში გამოწყობილი ალექსანდრიელები, ჩვეულებრივ მლოცველები მოწყალებას რომ თხოულობენ, ცეზარს შებრალებას ევედრებოდნენ და ჯგუფ-ჯგუფად მიდიოდნენ მასთან ხატებითა და საკულტო საგნებით — ეგვიპტელები ასე იქცეოდნენ დამარცხების ანდა ზეიმის დროს.

პირდაპირ მტრის პოზიციებზე გავლით ცეზარმა გეზი აიღო სამეფო სასახლისაკენ, სადაც მან ასე დიდხანს გაუძლო ალყას. თავისიანები მას დიდი ზარ-ზეიმით ეგებებოდნენ.

ეს იყო ჩვენს წელთაღრიცხვამდე 47 წლის 27 მარტს.

მცირე ხნის შემდეგ დიქტატორმა გამოაცხადა თავისი გადაწყვეტილება ეგვიპტის მომავლის შესახებ. ბევრი ეგვიპტელი და რომაელი ელოდა, რომ ეგვიპტე, ესოდენ შეუპოვარი და მდიდარი ქვეყანა, იმპერიის ახალი პროვინცია გახდებოდა. ასეთი გეგმები რომში უკვე რამდენიმე წლის წინ დაისახა და მათი ავტორი ხომ სახელდობრ ცეზარი იყო! თანაც უკანასკნელმა ამბებმა დაამტკიცეს, რომ ეგვიპტელებს უზიზღებოდათ რომაელები. ამდენად, აღარავითარი საფუძველი აღარ რჩებოდა იმისა, რომ მათთვის პოლიტიკური დამოუკიდებლობა შეენარჩუნებინათ. მაგრამ გამარჯვებულმა განსაცვიფრებელი კეთილგანწყობილება გამოიჩინა.

უპირველეს ყოვლისა, მან დაადასტურა, რომ პტოლომეუს XII ანდერძი კვლავაც პასუხისმგებლობას აკისრებს რომაელ ხალხს და, მამასადამე, პირადად მასაც, როგორც რომაელი ხალხის წარმომადგენელს. ყმაწვილი მეფის პტოლომეუს XIII ტრაგიკული სიკვდილი, ცხადია, აიძულებს, ანდერძში ზოგიერთი ცვლილების შეტანას. ახლა კლეოპატრასთან ერთად, როგორც მისი მეუღლე, იმეფებს კლეოპატრას უმცროსი ძმა, რომელიც ათი წლისაა. სამაგიეროდ, მეფის ასული არსინოე, რომელიც თავისი დის წინააღმდეგ იბრძოდა, დასტოვებს ეგვიპტეს და რომში გაემგზავ-

რება. თანახმად რამდენიმე თვის წინ გაცემული დაპირებისა, კვიპროსი კვლავ ბრუნდებოდა პტოლომეუსების კვერთხქვეშ.

რა იყო მიზეზი ცეზარის ამ კეთილგანწყობილებისა იმ ქვეყნის მიმართ, სადაც კინადამ სიცოცხლეს გამოესაღმა?



კლემენტა და ომი

ეროვნული
ბიბლიოთეკა

„ალექსანდრიის ომების“ ავტორი მხოლოდ ერთ ადგილას მოიხსენიებს კლემენტას: ცეზარმა თავისი გამარჯვების შემდეგ სამეუო გადასცა პტოლომეუსის უმცროს ვაჟიშვილს და მის უფროს ქალიშვილს, კლემენტას: „რომელიც მისი ერთგული დარჩა და მისი ბანაკიდან არ გასულა“. მაშასადამე, ანონიმური მწერალი დედოფლის საქციელსა და როლს რამდენიმე თვეს გაგრძელებული ალყის განმავლობაში ისეთივე დელიკატური დუმილით უვლის გვერდს, როგორც თავად ცეზარი.

ოღონდ სავსებით ცხადია, რომ კლემენტას არ შეეძლო იმ დრამატული მოვლენების პასიური მეთვალყურე ყოფილიყო, რომელიც მის გარშემო თამაშდებოდა. ეს ომი ხომ მის გამო, მისი მიზეზით და მისი საკითხის მოსაგვარებლად გაჩაღდა. იმ დღეებში, როდესაც ერთი მუჭა რომაელები გაშმაგებით უკუაგდებდნენ ათასობით ალექსანდრიელს, ახილასისა და განიმედეს ჯარისკაცების შეტევებს, ხომ უნდა აედევებინა იგი სამეფოს მომავალს, ასევე საკუთარი სიკვდილ-სიცოცხლის საკითხსაც. დაძაბულად უნდა ედევნებინა თვალი პორტსა და ქუჩებში სისხლიანი შეტაკებების ცვალებადი პერიპატებიისათვის! მდელვარე რომ უნდა ყოფილიყო კლემენტას რეაქცია, ეს უეჭველი და გასაკვებია. ოღონდ, შეიძლებაოდა ესეც გვეკითხა — ნუთუ ზოგჯერ მაინც არ ერეოდა დედოფალი პოლიტიკურ ბრძოლებსა და ინტრიგებში? ბრძოლები ხომ ორ პარტიას შორის ალექსანდრიაში მიმდინარეობდა არა მხოლოდ იარაღით ხელში და არა მხოლოდ — ბარიკადებსა და ხომალდებზე. შეკითხვები, რომლებიც აქ წამოიჭრება, უნდა დარჩეს პასუხის გაუცემლად რაიმე წყაროს, ანდა თუნდაც არაპირდაპირი ცნობების უქონლობის გამო. მიუხედავად ამისა, ასეთი კითხვების დასმა მაინც საჭიროა. მაშასადამე:

რა პოზიცია ეჭირა კლემენტას თავისი დის, არსინოეს, მტრის ბანაკში გაქცევის მიმართ? ნუთუ ეს ფაქტი მისთვის სრული მოულოდნელობა იყო? ან იქნებ პირიქით — წინასწარვე ინფორმირებული იყო, მაგრამ დუმდა ცეზართან ერთად ან იქნებ დას მალულად ეხმარებოდა კიდევ სასახლიდან გასხლტომაში, თანაც სრულიად საიდუმლოდ როგორც რომაელების, ასევე, თავად არსინოესაგანაც? ამაში საკვირველი არაფერი იქნებოდა, რადგან ამ ხერხით დას სახელს უტევდა რომაელთა მთავარსარდლის თვალში და ერთხელ და-სამუდამოდ იშორებდა ტახტის პოტენციურ მოქიშპეს. პტოლომეუსის ქალიშვილები ხომ პატივმოყვარეობით ერთმანეთს არ ჩამოუვარდებოდნენ! ხელისუფლებისათვის ბრძოლაში შეეძლოთ ყოველგვარ დანაშაულზე წასულიყვნენ. არსინოემ ეს დაამტკიცა კიდევ, როდესაც მთავარსარდლობისათვის ბრძოლაში ახილასი იდუმალი მკვლელობის გზით მოიშორა თავიდან. ამიტომაც იყო, რომ ცეზარმა, გამარჯვების შემდეგ, მეფის ასულს გადაუწყვიტა ეგვიპტე დაეტოვებინა, რომში წასულიყო და ცეზარის ტრიუმფალური შესვლა რომში დაემშვენებინა. მართალია, ამით მეფის ასულის ღირსება მცირდებოდა, მაგრამ ამ გზით ქალიშვილს არსებითად სიცოცხლე შეუნარჩუნა. რადგან ძნელი არაა იმის მიხვედრა, თუ რა ბედი ელოდა არსინოეს, თუკი თავისი დის კეთილმოწყალების იმედით ალექსანდრიაში დარჩებოდა.

ახლა პოთინეს სიკვდილი? თავიდან იგი კლემენტას მტერი იყო, შეურიგებელი და ვერაგი, მისი გაძევების ერთ-ერთი ინიციატორი. დედოფალი ალბათ ყოველ ღო-

ნეს ხმარობდა, რათა მისთვის ნილაბი აეხადა, ანდა გაეშავებინა რომაელთა თვალში. ცეზარი ამტკიცებდა, რომ მოკლა პოთინე, რადგან დაიჭირა მისი საიდუმლო მოციქულები ახილასთან და გამოააშკარავა ყველა მისი ინტრიგა. საფუძველი არა გვაქვს ამაში ეჭვი შევიტანოთ. სამაგიეროდ, ყურადსაღებია ის, თუ რადგორი იყო კლეოპატრას მონაწილეობა პოთინეს ღონისძიებათა გახსნაში: ცეზარი და მისი ხალხი თვითონ ხომ ვერ მიხვდებოდნენ სასახლის საიდუმლოებებს. არ უნდა მხდებოდნენ ქალაქს, მის მოსახლეობასა და წეს-ჩვეულებებს. კლეოპატრას მეგობრების პრინციპში დახმარების გარეშე ნამდვილად ვერ დაიჭერდნენ პოთინეს თამაშში. შესაძლოა ისიც, რომ რაღაც მტკიცებები მის წინააღმდეგ დედოფალმა შეთხზა კიდევ.

ბოლოს რჩება საკითხი ყმაწვილი პტოლომეუსის გაშვებისა და ცეზარის მიერ მისი ალექსანდრიელთა მხარეს გადაგზავნისა. ძნელი წარმოსადგენია, ასეთ მნიშვნელოვან საკითხთა გადაწყვეტისას დიქტატორს კლეოპატრასთან არ ეოთბირა. საქმე ხომ მის ძმას, ქმარსა და თანამწყობრებელს ეხებოდა! და კვლავ თავს იჩენს დაეჭვება, მსგავსი იმისა, რომელიც არსინოს გაქცევას უკავშირდება. დედოფალი ალბათ წინასწარ ჭვრეტდა, რომ თავისუფლებამოპოვებული პტოლომეუსი უღალატებდა რომაელთა საქმეს — და მასაც ზუსტად ეს ეწადა! ცეზარი შეიძლება აელეღვებინა და შეეცდინა ბიჭის ცრემლებს. ქალიშვილი კი, და თანაც ალექსანდრიელი, სასახლის ინტრიგებისა და დანაშაულობების ატმოსფეროში აღზრდილი, შემდგომში ნამდვილად იხსენებდა ამ სცენას და ირონიულად ელიმებოდა. მიუხედავად ამისა, არ იხსნა სარდალი შეცდომისაგან. ვინ იცის, იქნებ მხარსაც უჭერდა პტოლომეუსს და ცეზარს არწმუნებდა, რომ ნდობოდა მეფეს. სურდა, ერთხელ და სამუდამოდ თავიდან მოეშორებინა მისი ცხოვრების დამამძიმებელი პიროვნება.

47 წლის 23 ივნისს და, მამასადაძმე, ალექსანდრიის ომის დამთავრებიდან ზუსტად სამი თვის შემდეგ, კლეოპატრას ვაჟი შეეძინა. ცხადია, მას პტოლომეუსი დაარქვეს. იგი დინასტიის მე-15 წარმომადგენელი იყო. საინტერესოა მისი მეორე სახელი: ცეზარი. შემდგომში თავისი დედის განკარგულებით ბიჭი კიდევ ორ მშვენიერ ზედმეტ სახელს ატარებდა: ფილოპატორსა და ფილომეგორს. ხოლო ალექსანდრიელებმა მას უბრალო და მოკლე სახელი შეარქვეს — ცეზარიონი ანუ პატარა ცეზარი.

დიქტატორის სიკვდილიდან სამი წლის შემდეგ მისი ახლო მეგობარი მარკუს ანტონიუსი ოფიციალურად განაცხადებს სენატის წინაშე, რომ ცეზარმა თავისად სცნო კლეოპატრას ბავშვი. მართალია, ოციოდე წლის შემდეგ რომში გამოჩნდა დოკუმენტი, რომელიც სასტიკად უარყოფდა ცეზარისა და ეგვიპტელი უფლისწულის მამაშვილობას, მაგრამ ეს დოკუმენტი იმ პერიოდში შეადგინეს, როდესაც სახელმწიფო პრობაგანდა ყოველნაირად ცდილობდა წარმოედგინა კლეოპატრა, როგორც რომის მტერი. მამასადაძმე, სახელმწიფოს უმაღლესი ინტერესები მოითხოვდა იმ შესედეულების გაბათილებას, რომ შესაძლოა დიქტატორი ოდესმე დანებებოდა ეგვიპტის დედოფლის მომხიბვლელობას. მაშ, ვინ იყო პტოლომეუს ცეზარის მამა? კლეოპატრას ძმა და მეუღლე, პტოლომეუს XIII ხომ არა, რომელსაც დედოფალი 48 წლის გაზაფხულიდან ებრძოდა! არც მით უმეტეს მისი უმცროსი ძმა, პტოლომეუს XIV, რომელსაც კლეოპატრა ცეზარის მოთხოვნით 47 წლის გაზაფხულზე მისთხოვდა, როდესაც ბიჭი დიდი-დიდი თერთმეტი წლის იქნებოდა.

როგორც თარიღებიდან და ფაქტებიდან გამომდინარეობს, ბრძოლის ყიყინა და სასახლის დანაშაულებრივი ინტრიგები ხელს ვერ უშლიდა რომანის განვითარებას. იგი დაიწყო იმ მომენტიდან, როდესაც დიქტატორის განსაცვიფრებლად საძილე ტომრიდან ახალგაზრდა გოგო გადმოხტა. და რომანი არ შეწყვეტილა მაშინაც კი, როდესაც 47 წლის მარტის ბოლოს ალექსანდრიაში შეწყდა იარაღის ჩახაჩუნსი.

ცეზარი და კლეოპატრა 47 წლის გაზაფხულზე

„ამგვარად, საქმეების მოგვარების შემდეგ ცეზარი სირიისაკენ დაიძრა“.

„ალექსანდრიის ომების“ ავტორის ეს წინადადება იმ ამბებს მოსდევს, როცა დიქტატორმა ტახტზე დასვა კლეოპატრა და მისი უმცროსი ძმა, მაშასადამე, ამბავს იმგვარად წარმოადგენს, თითქოს მოიპოვა ბრწყინვალე გამარჯვება ცეზარმა და ეგვიპტეში ხელისუფლების სათავეში დასვა რომის მიმართ ლობჯობის განწყობილი მთავრობა, ხოლო თავად ძალევე მიატოვა ეგვიპტე. ცეზარის მიერ ეგვიპტის დატოვების მაუწყებელი წინადადება ასრულებს ალექსანდრიის მოვლენების აღწერას. შემდეგ საუბარი ეხება სრულიად სხვა ქვეყნებს: მცირე აზიას, ილირიას, ესპანეთს და სხვ. ყველა ამ ქვეყანაში და აგრეთვე აფრიკის ქვეყნებში მოვლენები ამასობაში ცეზარისათვის არახელსაყრელად ვითარდებოდა. ყველაზე საშიში სიტუაცია მცირე აზიაში შექმნილიყო: მითრიდატეს ვაჟიშვილს, ფარნაკს, მამის ყოფილი სამეფოს უკან დასაბრუნებლად ჯარების შეგროვება და წვრთნა დაეწყო. ამიტომ გასაგებია, რომ არასასიამოვნო ცნობების მიღების შემდეგ დიქტატორმა სასწრაფოდ დატოვა ეგვიპტე და სირიაზე გავლით მცირე აზიისაკენ გაემურა.

ინაღდება კითხვა: მართლა ასე უცებ დატოვა ცეზარმა ქვეყანა, სადაც ბრძოლითა და სიყვარულით აღსავსე უჩვეულო დღეები განიცადა? მთავარსარდლისადმი პატივისცემით გამსჭვალული „ალექსანდრიის ომების“ ავტორი განგებ ღუმილით ხომ არ უვლის გვერდს ზოგიერთ ეპიზოდს?

47 წლის გაზაფხულზე ციცერონი იტალიის საპორტო ქალაქ ბრუნდუზიაში იმყოფებოდა. იქ ელოდა იგი ცნობას აღმოსავლეთიდან ისევე მოუსვენრად, როგორც — იმპერიის ყველა მცხოვრები. ამ დროს დიქტატორთან იგი უკვე შერიგებული იყო და მიაჩნდა, რომ ამეამად რომში ასეთი არასასურველი მდგომარეობის გამო ცეზარის დაბრუნება აუცილებელი იყო. ეგვიპტიდან კი ძალზე ძუნწად მოდიოდა რომში ცნობები. ცეზარის უკანასკნელი წერილი, რომელიც ყველაზე ბოლოს მიიღეს იტალიაში, ჯერ კიდევ 48 წლის დეკემბერში იყო გამოგზავნილი. 47 წლის აპრილის ბოლოს თუ მაისის დასაწყისში ჭეშმარიტად ცნობილი გახდა, რომ ალექსანდრიაში ბრძოლები დასრულებულიყო. ცეზარი კი არსად ჩანდა. თავისი მეგობრის, ატიკასადმი მიწერილ წერილში ციცერონი ბოროტად შენიშნავს:

„იგი იმდენ ხანს დაკავდა ალექსანდრიაში, რომ, ვგონებ, რცხვენია კიდევ ამის შესახებ წერა“. ეს წინადადება განგებ იყო ფორმულირებული ორმნიშვნელოვნად.

ხუთ ივლისს კი ციცერონი თავის მეგობარს წერდა:

„დადის ხმები, რომ ცეზარმა დატოვა ალექსანდრია. თუმცა, ეს ხმები თავიდან ნაკლებ სარწმუნო იყო, მაგრამ შემდეგ მრავალი სხვა ცნობით დადასტურდა“.

თუ ვივარაუდებთ, რომ ეგვიპტიდან რომში წერილის მიღებას ერთი თვე მაინც სჭირდებოდა, უნდა ვიფიქროთ, რომ ცეზარი ალექსანდრიიდან ივნისის დასაწყისში გამოვიდა. ეს ჭეშმარიტად ასეც მოხდა. ერთ-ერთი ქრონიკიდან ცხადი ხდება, რომ იგი 28 ივნისს სირიის ანტიოქიაში შეჩერდა. ამრიგად, ყველა თარიღის გათვალისწინებით დგინდება, რომ ალექსანდრიაში ომის დამთავრებასა და ცეზარის ეგვიპტიდან გამგზავრებას შორის ორ თვეზე მეტმა ხანმა გაიარა! ცხადია, რომ განკარგულებების გაცემა ასეთ დიდ დროს არ მოითხოვდა. მაშ, რას აკეთებდა ცეზარი ამდენი ხნის მანძილზე, როდესაც მრავალ ქვეყანაში მოუთმენლად ელოდნენ მის გამოჩენას? რატომ კრინტსაც არა ხმრავს „ალექსანდრიის ომების“ ავტორი დროის ასეთი დიდი პერიოდის შესახებ?

ამ დელიკატურ ისტორიკოსს სხვები შეეშველნენ. ისინი გვამცნობენ, რომ ეს ორი თვე ცეზარმა კლეოპატრასთან ერთად ნილოსის სათავეებისაკენ, თითქმის ეგ-

ვიპტის სამხრეთ საზღვრამდე სამოგზაუროდ გამოიყენა. ამ მოგზაურობისას მათ თან ახლდათ ოთხასი გემისა და ნაუისაგან შემდგარი ფლოტი. მოგზაურობის მიზანს ეგვიპტის წარსული დიდების მთავარი ნაშთების მონახულება შეადგენდა. მოგზაურობისას ცეზარი და კლემენტარა ერთ გემზე იმყოფებოდნენ.

ეგვიპტის არქეოლოგიურ რუკაზე შეიძლება უაღრესი სიზუსტით აღვნიშნოთ ამ შემეცნებითი და სამიჯნურო ექსკურსიის ძირითადი ეტაპები. ეგვიპტის არქეოლოგიურისა და სკულპტურის ბევრმა ძეგლმა მოაღწია ჩვენამდე თითქმის სრულად დაზარალებულ მარეობაში, რა მდგომარეობაშიც იხილეს ისინი ცეზარმა და კლემენტარამ. ხოლო იმ ძეგლებიდან კი, რომლებიც ოცი საუკუნის მანძილზე განადგურდა, შემორჩა ან ცხადი კვალი ანდა სრულყოფილი აღწერილობა.

ვერც დრომ და ვერც ადამიანურმა ძალამ ვერ შეძლო მნიშვნელოვანი ზიანი მიეყენებინა გიგანტური პირამიდებისათვის. დღემდე დგანან ისინი ისეთივე ქედუბრენი და დიდებულნი, როგორც მაშინ, მათ ძირას რომის დიქტატორი და ეგვიპტის დედოფალი რომ იდგნენ. პირამიდები რომ დაეთვალიერებინათ, ისინი უნდა შეჩერებულყვნენ მემფისში, სადაც ღირსეულ წყვილს ქურუმთუხუცესი პშერენი-პტაჰი მიეგებებოდა. ზუსტად ის ქურუმთუხუცესი, რომელმაც ოცდაათი წლის წინ, ჯერ კიდევ ბიჭმა, გვირგვინი დაადგა კლემენტარას მამას, პტოლომეუს-ფლეიტისტს. ეს წელი მის ცხოვრებაში ბედნიერი იყო ისევე, როგორც ოცდაათი წლის წინანდელი. ბედნიერი იყო არა მხოლოდ იმიტომ, რომ ქალაქი თავიანთი სტუმრობით ეგვიპტის დედოფალმა და რომაელმა დიდებულმა გააბედნიერეს. მცირე ხნის წინ პშერენი-პტაჰს სიზმარში ძე ღვთისა, იმპოტეპი გამოეცხადა და ნაოცნებარი ვაჟი აღუთქვა. ოღონდ იმ პირობით, რომ ქურუმთუხუცესს ღმერთის ტაძარში სამხატვრო სამუშაოები უნდა შეესრულებინა. პშერენი-პტაჰის ცოლი უკვე ფეხმძიმედ იყო.

მოგზაურობა ნილოსის სათავეებისაკენ

მემფისში ყოფნისას კლემენტარა და ცეზარი ალბათ მონახულებდნენ ყველა დიდ ტაძარს, რომლებიც ქალაქსა და მის გარეუბნებში იყო აღმართული. მაშასადამე, ისინი პტაჰის, იმპოტეპისა და ხარ აპისის ტაძრებსაც ეწვეოდნენ. პატივს რომ მიაგებდა წმინდა ხარს, ცეზარი ალექსანდრე ბრწყინვალეს ბაძავდა. მოკლე ხანში დაამტკიცებს კიდევ, რომ უკვე მაშინ ფიქრობდა მსოფლიოს დამპყრობლის მაგალითისათვის მიებაძა. ალბათ სერაპიონიც უმასპინძლებდა ღირსეულ წყვილს. პტოლომეუსების დინასტიის მეფეები ხშირად მიდიოდნენ იქ; ზოგიერთი მათგანი კი მრავალგზის სტუმრებია იმ ადგილებს.

ეგვიპტის სამხრეთში მოგზაურობის შემდგომი ეტაპი გახდა ფაიუმის ოაზისის მონახულება. ოდესღაც, თითქმის ოცი საუკუნის წინ, კლემენტარას ეპოქამდე, XII დინასტიის ფარაონები იქ სასახლეებს, ტაძრებს და პირამიდებს აგებდნენ. როგორც ვიცით, ოაზისი იყო აგრეთვე ღვთაება ნიანგის, სუხოსის კულტის ცენტრიც. კლემენტარას დროს უძველეს არქიტექტურულ ძეგლებს შეიძლება ჯერ კიდევ ჰქონდათ დიდებულების პრეტენზია, მაგრამ დღეს მათგან მხოლოდ უმნიშვნელო ნაშთებიღაა შემორჩენილი, რადგან განსხვავებით ეგვიპტის სხვა რაიონებისაგან, სადაც არქიტექტურულ ძეგლებს უმეტესად ქვისგან აგებდნენ, ფაიუმში არქიტექტორები უფრო ხშირად გამოუწვავი თიხის აგურს ხმარობდნენ.

ზემო ეგვიპტედ წოდებული უდაბნოს კლდოვან ნაპირებს შორის გაწოლილი ნილოსის ვიწრო და გრძელი ველი ორივე მხარეს თითქმის დაფარული იყო არქიტექტურული ძეგლებითა და მონუმენტური ქანდაკებებით. მორწმუნე მეფეები და

დიდებულები თაობიდან თაობამდე აფართოებდნენ და ამშვენებდნენ მათ. მოგზაურები ყურადღების ღირს ყოველ ადგილს რომ შეჩერებულყვნენ, ამისათვის თვეები და წლებიც არ ეყოფოდათ. მაგრამ ზოგი ადგილისათვის გვერდს ავლა მაინც არ შეიძლებოდა. ასეთებს კი, უპირველეს ყოვლისა, ქალაქი აბიდოსი მიეკუთვნებოდა. ეგვიპტური რწმენის თანახმად, იქ დაკრძალული იყო ~~ეგვიპტური~~ ყველაზე წმინდა რელიქვია: თავი ღმერთ ოსირისისა, რომელიც მოკლად ~~დააყენეს~~ ხელით; ხოლო ცოლისა და დის, ისიდას წყალობით აღსდგა მკვდრეთით. ამის შედეგად აბიდოსი გახდა უდიდესი რელიგიური დღესასწაულების ადგილი. მრავალი პილიგრიმი მისწრაფოდა მისკენ. უძველეს ხანაში არა მხოლოდ ფარაონები, არამედ უბრალო მოკვდავიც ცდილობდნენ, რომ ამ ადგილებში საკუთარი სამლოცველო თუ არა, თუნდაც ცარიელად დასარჩენი მეორე სამარე მაინც ჰქონოდათ, რათა ღვთის წყალობის მეოხებით გაადვილებოდათ აღდგომა საიქიოში, რომელიც ოსირისის საუფლო იყო. ოღონდ უკანასკნელი პტოლომეუსების ხანაში აბიდოსის დიდებულება უკვე წარსულს ჩაბარებოდა. აქ არათუ ახალ ნაგებობებს აღარ ამშენებდნენ, ძველებსაც აღარ პატრონობდნენ. მაგრამ რაც იქ საუკუნეების მანძილზე შემონახულიყო, განცვიფრებას იწვევდა.

სამაგიეროდ დენდერამ, რომელიც აბიდოსის სამხრეთით მდებარეობდა, სახელდობრ პტოლომეუსების ხანაში და ამ დინასტიის წყალობით მოიხვეჭა ბრწყინვალეობა. პატჰორს, რომელიც სიყვარულის, ცეკვისა და მუსიკის ღმერთს წარმოადგენდა, აქ უდიდესი ტაძარი ჰქონდა. მისი გაფართოება და რესტავრაცია ფლეიტისტის გამეფებამდე ათი წლით ადრე დასრულდა, თუმცა წვრილმანი სამუშაოები, განსაკუთრებით დეკორაციული, აქ რომაელთა ბატონობის დროსაც კი გრძელდებოდა.

და მაინც ყველა ტაძარს, რომლებიც კი მოინახულეს კლეოპატრამ და ცეზარმა მაშინდელი მოგზაურობის დროს, თავისი სიდიადითა და სიმშვენერით ტოლს არ უდებდა ამონის ტაძარი თებეში.

თებეში, ნილოსის დასავლეთ ნაპირზე, გაშლილი იყო „მკვდართა ქალაქი“. ნილოსის დამრეცი ნაპირების სიახლოვეს, რომლის იქითაც უდაბნო იწყებოდა, ტაძრები აღემართათ ფარაონთა სადიდებლად; ამ ტაძრებში, კლდის სიღრმეებში გამოთხრილ აკლდამებში მუმეები განისვენებდნენ. ერთ-ერთი უმშვენერესი ტაძარი მიძღვნილი იყო ქალღმერთ პატჰოროს-ძროხისადმი; ეს ტაძარი პირველი პტოლომეუსების დროს აღემართათ. მაგრამ მაშინაც და შემდგომაც დამთვალეირებულთა ყურადღებას აქ თითქმის ოცი მეტრი სიმაღლის ორი ქანდაკება იქცევდა. ორივე ტახტზე მჯდომს ფარაონი ამენჰოტეპ III წარმოადგენდა. ქანდაკებები ტაძრის შესასვლელში იდგა. ბერძნების მტკიცებით ეს ქანდაკებები ტროასთან აქილევსის ხელით დაღუპული ეთიოპელთა ლეგენდარული უფლისწულის მემნონის ქანდაკებები იყო. სწორედ ამიტომ მათ მემნონის კოლოსებს უწოდებდნენ.

ნილოსზე სამხრეთისაკენ ცურვისას ცეზარსა და კლეოპატრას შეეძლოთ ხარბუხისის მონახულებაც. ჩანს, მისი სახელობის ტაძარმა დედოფლის კეთილგანწყობილება მოიპოვა, რადგან მოგვიანებით კლეოპატრამ ბრძანება გასცა, აქ საკურთხეველი აეგოთ ღმერთ მონტის მეუღლისათვის. საკურთხევლის ბარელიეფი წარმოადგენს ქალღმერთის მშობიარობის რეალისტურად გამოსახულ სურათს. ეს სურათი განსაკუთრებულ ახსნას იძენს, თუ გავიხსენებთ, რომ ქერმონტისში კლეოპატრა ფეხმძიმობის უკანასკნელ პერიოდში იმყოფებოდა. ამიტომ, შესაძლოა, ქორწინების ერთგვარი გაგრძელება იყო ეს საკურთხეველი, აგებული მშობიარობის ბედნიერი დასასრულის მიზეზით.

ყოველ ადგილას, სადაც კი ღუზას უშვებდა მათი ხომალდი, ღირსეულ წყვილს, დადგენილი წესისა და თანამდებობრივი იერარქიის დაცვით, უამრავი ხალხი ესალ-

მებოდა. ამგვარი წესრიგი ჩვენთვის ცნობილი ხდება სხვადასხვა დოკუმენტიდან. ხელისუფლების გვერდით მოსახლეობის სათავეში ყოველთვის იდგნენ ქურუმები. მათ უკან — ჯარში მყოფი ბერძნები, ანდა სამხედრო ვალდებულნი, ალბათ თხემით ტერფამდე შეჭურვილნი. მათ შემდეგ ბერძენთა ოჯახობანი, უფრო მოშორებით — სხვადასხვა წარმოშობის მოსახლეობა, რომლებიც ეგვიპტის მკვიდრი მცხოვრებნი არ იყვნენ. მხოლოდ შემდგომლა მოეყარა თავი უბრალო ხალხს ანუ ჩვეულებრივ გლეხებს და მონებს.

დედოფალი წარმოადგენდა არა მხოლოდ სახელმწიფოს მეთაურს, არამედ ცოცხალ ღმერთსაც, ისიდას განსახიერებას. ამიტომაც ყველგან ცნობილი ტაძრების რიტუალური წესით იღებდა ღვთაებრივ პატივისცემას. ქურუმები სწირავდნენ მსხვერპლს, უკმევდნენ გუნდრუკს და ლოცვასა და ხოტბას ალაგლენდნენ. უდიდესი ტაძრების ჩრდილში დედოფალი მოკვდავთა ბრბოს ფონზე ბრწყინავდა. რომაელის გულში კი, რომელიც თავის ცხოვრებაში პირველად ხედავდა ასეთ ღვთიურ პატივისცემას ადამიანი-ღმერთის მიმართ, იბადებოდა აზრი: ხომ არ აჯობებდა, თავისი ხელისუფლებაც ამგვარი ბრწყინვალეების შარავანდით შეემოსა?

რომაელთა გარნიზონი

როდესაც ცეზარმა ეგვიპტე დატოვა, კლეოპატრას მარტოს უნდა ემეფა, რადგან დედოფლის ათი წლის ძმას უურადლების ღირსადაც არავინ სთვლიდა. მან მიაღწია მიზანს, რომლისკენაც ამდენი ხნის მანძილზე ასე შეუპოვრად ისწრაფვოდა! თანაც რა ძვირად დაუჯდა პატივმოყვარული ზრახვის — ერთპიროვნული მმართველობის მიღწევა. რამდენიმე თვის განმავლობაში გაგრძელებულმა ომმა დაანგრია დედაქალაქი და მოშალა ქვეყნის სახალხო მეურნეობა, რომელიც არც მანამდე ბრწყინავდა მაინც და მაინც. ალექსანდრიელებს მიაჩნდათ, რომ კლეოპატრა უცხო სახელმწიფოს ნებითა და ქვეყანაში დაბანაკებულ უცხო მიწელთა ჯარების მხარდაჭერით მეფობდა. ალექსანდრიის გარეთ, შესაძლოა, მდგომარეობა სხვაგვარი იყო. ეგვიპტელები დედაქალაქში მომხდარ ყოველგვარ ცვლილებას შედარებით გულგრილად ეკიდებოდნენ, რადგან მათი მდგომარეობა სულაც არ შეცვლილა იმით, რომ ქვეყანას ახლა პტოლომეუს XIII ნაცვლად კლეოპატრა და პტოლომეუს XIV მართავდნენ. შესაძლოა აგრეთვე, რომ დედოფლის განსაკუთრებულმა რელიგიურმა პოლიტიკამ, რაც ქალ-ღმერთ ისიდასადმი უჩვეულო თაყვანისცემაში გამოვლინდა, მას ერთგვარი სიმბათიებიც მოუპოვა მკვიდრ ეგვიპტელებში, ქურუმებზე რომ აღარაფერი ვთქვათ.

ცეზარმა ეგვიპტეში სამი ლეგიონი დატოვა. ეს ლეგიონები ცოცხალი შესხენება იყო ეგვიპტელთა დამარცხებისა და, უბრალოდ, თავიანთი იქ ყოფნითაც კი დედოფლისადმი მოსახლეობის ზიზღს აძლიერებდნენ. ამ ლეგიონებმა მნიშვნელოვნად დაამძიმეს აგრეთვე სახელმწიფო ხაზინა.

ლეგიონების სარდლად ეგვიპტეში ცეზარმა ვინმე რუფიონი დანიშნა. იგი ცეზარის ყმადყოფილის ვაჟი იყო და, მაშასადამე, ადამიანი, რომელიც საზოგადოებრივ იერარქიაში მონაზე მხოლოდ ერთი საფეხურით მაღლა იდგა. მრავალი რომაელი თვლიდა, რომ ამგვარი დანიშვნა დიქტატორის გაუგონარი თავხედობის გამოვლინება იყო. რომის რესპუბლიკის არსებობის მანძილზე ხომ ურყევ წესად იყო მიღებული, რომ მცირე ლეგიონებსაც კი საზოგადოების უმაღლესი ფენების წარმომადგენლები სარდლობდნენ. რუფიონის მთავარსარდლად დატოვებას შეურაცხყოფა უნდა მიეყენებინა კლეოპატრასათვისაც.

მაგრამ ცეზარმა კარგად იცოდა, რასაც აკეთებდა. რუფიონი მის სახლს, მის „გვარს“ მიეკუთვნებოდა და „გვარის“ უფროსთან მას, როგორც ყმადყოფილს, მტკიცე კავშირები აკავშირებდნენ. ამიტომ ღალატზე ლაპარაკიც შედგენილი იყო. სარდლის დაბალი საზოგადოებრივი წარმომოხება თავიდანვე გამოირიცხებოდა იმის საშიშროებას, რომ იგი საკუთარი პოლიტიკის გატარებას შეეცდებოდა. სამაგიეროდ, თუკი ისეთ მდიდარ ქვეყანაში, როგორც იყო ეგვიპტე, სამხრეთის სათავეში დადგებოდა ვინმე დიდგვაროვანი, რომელიც ცხადია, მალე მოიპოვებდა დედაქალაქში დიდ ავტორიტეტსა და პატივისცემას, რჩებოდა იმისი საფრთხე, რომ ის მოისურვებდა, ზოგიერთი საკითხი დამოუკიდებლად გადაეწყვიტა. არც ის იყო გამორიცხული, რომ რაიმე გარემოების გავლენით ომიც კი წამოეწყო ცეზარის წინააღმდეგ. მან ხომ თავად უჩვენა იმისი შესანიშნავი მაგალითი, რამდენიმე ლეგიონზე დაყრდნობით როგორ შეიძლებოდა მთელი იმპერიის მმართველობის ხელში ჩაგდება. რაც შეეხება კლეოპატრას, ზუსტად ეს მორიდებული ოჯახის კაცი იყო ყველაზე საიმედო კლეოპატრას მიმართაც.

რომაელი არისტოკრატი ხომ თამამად გაუსწორებდა თავს დედოფალს და შესაძლო იყო, მოსწონებოდა კიდევ ყმად ყოფილის ვაჟის მიმართ კი ამგვარი ეჭვის შეტანაც არ შეიძლებოდა.

ამრიგად, დამოუკიდებელი მმართველობა, რომლისკენაც კლეოპატრა ასე შეუპოვრად მიისწრაფოდა, ილუზორული აღმოჩნდა; რაღა დამოუკიდებლობა უნდა ყოფილიყო, როდესაც საკუთარ ქვეყანაში იძულებული იყო ანგარიში გაეწია უცხო არმიის სარდლისათვის? აქამდე ძალაუფლებით ტკბობის მთავარი დაბრკოლება სასახლის კარზე აღზრდილი და თავისებურად (ეჭვგარეშეა!) ქვეყნისა და დინასტიის ერთგული პოტინე იყო. ახლა კი საჭირო გახდა ყველაფრის კარგად აწონ-დაწონა, რათა არ ეწყენინებინა რომაელი რუფიონისათვის, რომელიც მხოლოდ თავისი სახელმწიფოსა და გვარის წინამძღოლის ინტერესებზე ფიქრობდა.

კლეოპატრასა და ცეზარის ტრიუმფი

ეგვიპტეში ბევრი რამ იყო მოსაგვარებელი. უპირველეს ყოვლისა, საჭირო იყო ომის ჭრილობების მოშუშება, დაზარეული მეურნეობის აღდგენა, მოსახლეობის ნდობის დაბრუნება ხელისუფლების მიმართ. მაგრამ, ეტყობა, კლეოპატრა მაინცდამაინც არ ფიქრობდა ამგვარ საქმეებზე. ყველა თავის მოვალეობასა და ამოცანაზე მაღლა იგი ერთ სურვილს აყენებდა: შეენარჩუნებინა ცეზართან კავშირი!

სხვაგვარად როგორ შეიძლება იმ ფაქტის ახსნა, რომ დიქტატორთან განშორებიდან ჯერ ერთი წელიც არ გასულიყო, რომ თავისი სამეფო მიატოვა და შორეულ იტალიაში — რომში გასწია, რათა იქ თითქმის ორ წელს დარჩენილიყო?

ალექსანდრიიდან გამგზავრების შემდეგ ცეზარს მრავალი ლაშქრობის ჩატარება მოუწია. მან ჯერ კიდევ 47 წელს მცირე აზიაში გაანადგურა ფარნაკი, რომლის სახელმწიფოც უირიმში პერგამოსელმა მითრიდატემ ჩაიბარა. ეს წყალობა მან ცეზარისათვის სამხედრო დახმარების აღმოჩენით დაიმსახურა. თუმცა, მართალია, დიდხანს აღარ დასცალდა საკუთარი ხელისუფლებით ტკბობა, რადგან სულ მალე მტრის ხელით დაეცა. ამის შემდეგ დიქტატორი მცირე ხნით რომში დაბრუნდა, მაგრამ მალევე კვლავ გაემგზავრა; ამჯერად აფრიკაში, სადაც სენატის ერთგული ძლიერი არმია იდგა. იგი მრავალგზისი ლაშქრობის შემდეგ ცეზარმა მხოლოდ 46 წლის გაზაფხულზე დაიმორჩილა. სარდალი ტრიუმფით მოველინა რომს. ერთი თვის სრულიად სხვადასხვა დღეებში მან ოთხი ტრიუმფი გადაიხადა.

თავდაპირველად და ეს ყველაზე მნიშვნელოვანია, ცეზარმა გალიის დამორჩილების აღსანიშნავად ტრიუმფი იხეიმა 58-50 წლებში. ცეზარის ტრიუმფში მოჰყავდათ გალთა აჯანყების მეთაური, ვენცინგეტორიქსი, რომელიც მცირე ხნის შემდეგ, რომაელთა ჩვეულებისამებრ, მიწისქვეშა ციხეში მოაშთეს. რომაელები განაცვიფრა ტრიუმფის დროს მოწყობილმა უჩვეულო ილუმინაციებმა; მწველთა კროდესაც ცეზარი კაპიტოლიუმზე ადიოდა, მას გზას უნათებდა სპილენძის ჩუქრებზე დამაგრებული უამრავი ჩირაღდანი.

შემდგომი ტრიუმფი, ეგვიპტისა, მნახველებში გაორებულ გრძობას იწვევდა. ისინი, ერთი მხრივ, ხარობდნენ, რომ მსოფლიოს უმშვენიერესი ქალაქი იძულებული გახდა ერთ მუჭა რომაელ ჯარისკაცებს დამორჩილებოდა და, მეორე მხრივ, მათ სიბრალულს იწვევდა ტყვექმნილი მეფის ასული არსინოე. იგი მეორე ტყვესთან — განიმედესთან ერთად მოჰყავდათ. სადღესასწაულო მსვლელობას ასევე მატებდნენ ბრწყინვალეებას ახილასი და პოთინე, რადგან ტრიუმფატორებს მათი გამოსახულებები მოჰქონდათ. მიუხედავად ასეთი დამცირებისა, მეფის ასულს მაინც ბედნიერად უნდა ეგულვა თავი, მასაც ვენცინგეტორიქსის ბედი რომ არ ერგო: ცოცხალი დარჩა. სამაგიეროდ, როგორც ჩანს, განიმედიც დაასრჩვეს.

ტრიუმფალური მსვლელობისას ლეგიონერები სახუმარო ლექსებით აქილიკებდნენ ცეზარისა და კლეოპატრას მიჯნურობას. ეს ოდინდელი რომაული ჩვეულება იყო — ტრიუმფის დროს ჯარისკაცებს შეეძლოთ სარდალი გაეზასრათ. ამ ჩვეულებას ალბათ საფუძვლად ედო ის ცრურწმენა, რომ ასეთი ბასრობით სარდალს ღმერთების შურისგებას აარიდებდნენ. თუმცა არ შემონახულა სიმღერები ცეზარსა და დედოფალზე, მაგრამ თუ მსგავსი ქმნალებების შინაარსისა და კილოს მიხედვით ვიმსჯელებთ, რომელთა ფრაგმენტებიც ჩვენთვის ცნობილია, ისინი ძალზე ფრივოლური უნდა ყოფილიყო, დაახლოებით ასეთი:

„ცოლებს გაუფრთხილდით, ხალხო,
ჩვენ მოგვყავს მელიტი მუსუსი“.

ხალხს მოსწონდა, რომ ცეზარი, თუმცაღა ძალაუფლებისა და დიდების თავბრუდამხვევ მწვერვალზე იდგა, დაცინვას ირონიით იგერიებდა. სამაგიეროდ, საეჭვოა, რომ ასევე დიდსულოვნად მიეღო ეს ბასრობა კლეოპატრას.

მესამე ტრიუმფი, რომლითაც ფარნაკის დამორჩილებას ზეიმობდნენ, მაყურებელთა მახსოვრობას შემორჩა უდიდესი დაფის წყალობით, რომელზედაც მხოლოდ სამად-სამი სიტყვა ეწერა: „Veni. Vidy. Vici.“ (მიველ. ვნახე. დავამარცხე). სახელდობრ, ასე ამცნო ცეზარმა სენატს მცირე აზიაში თავისი გამარჯვების ამბავი.

დაბოლოს, მეოთხე, აფრიკული ტრიუმფი; ყველაზე საინტერესო დეტალი, რომლის გახსენებასაც ცეზარი ძალზე ერიდებოდა, ამ ტრიუმფს ახლდა. და თუმცა, უკვე საიდუმლოს აღარ წარმოადგენდა, რომ ცეზარმა აფრიკაში რომის არმიასე მოიპოვა გამარჯვება, ტრიუმფის ოფიციალურ საბაბად მაინც ნუმიდის მეფის დამორჩილება იქნა გამოცხადებული. მეფეს სიცოცხლე შეუნარჩუნეს. იგი იტალიაში იზრდებოდა. ოცი წლის შემდეგ კი ცეზარის მეგვიდრემ მავრიტანიის ტახტზე დასვა და ცოლად კლეოპატრას ქალიშვილი შერთო.

ვინ იცის, იქნებ ზუსტად აფრიკის ეს კამპანია იყო იმის მიზეზი, ეგვიპტის დედოფალი ასე სასწრაფოდ რომ გაეშურა რომისკენ. იმ ხანებში ჭორები იყო გავრცელებული, თითქოს ამ ლაშქრობის დროს ცეზარს მეფის ასული ევნოე შეუყვარდაო. ეს ქალიშვილი მავრიტანიის მეფის ბოგუდას ასული გახლდათ. კლეოპატრას ნამდვილად სწყუროდა გაეგო, სინამდვილეს შეესაბამებოდა თუ არა ეს ხმები. დედოფალი აინუნშიც არ ავდებდა იმას, რომ ცეზარი ცოლიანი კაცი იყო. ცეზარის მეუღლეს,

კალპურნიას, მიუხედავად იმისა, რომ ქმარი მთელი სიცოცხლის მანძილზე ატყუებდა, გულწრფელად უყვარდა იგი და მისი ერთგული იყო. ეს ქალი მეტისმეტად განსხვავდებოდა მაშინდელი რომაელი ქალბატონებისაგან, რომლებიც ხშირად იცვლიდნენ ქმრებს და უფრო ხშირად კი — საყვარლებს.



კლეოპატრა რომში

კლეოპატრას რომში ვიზიტის ოფიციალურ მიზანს ორ სახელმწიფოს შორის მეგობრული ხელშეკრულების დადება წარმოადგენდა. ამიტომაც იმპერიის დედაქალაქში დედოფალი თავის ძმასთან, ქმართან და თანამფლობელთან — პტოლომეუს XIV ერთად ჩავიდა. ბიჭი მაშინ 12 წლისა თუ იქნებოდა. მიუხედავად იმისა, რომ ეგვიპტეში რომაელთა ლეგიონები იდგნენ, კლეოპატრას მაინც ეშინოდა თავისი ძმის ქვეყანაში დატოვება. დედოფლის მტრებს შეეძლოთ ბიჭი თვითმმართველად გამოეცხადებინათ და კვლავ სამოქალაქო ომი ატეხილიყო. კლეოპატრას თან მიჰყავდა ასევე თავისი ერთი წლის ბიჭუნა. უკვე აღარაფერ აღარ ეჭვობდა, რომ ჩვილი ცეზარის შვილი იყო, თუმცა ოფიციალურად ამის შესახებ ლაპარაკს ერიდებოდნენ.

სამეფო ოჯახი რომში შესაფერისი პატივით იქნა მიღებული. დიქტატორმა მათ რეზიდენციად გამოუყო საკუთარი ვილა, რომელიც ტიბროსის მარჯვენა ნაპირზე, ქალაქიდან მოშორებით, იანკულუმის ბორცვზე მდებარეობდა.

ეგვიპტის მონარქიული წყვილი რომში გაჩერდა 46 წელს, ტრიუმფალური ზეიმების დასრულების შემდეგ. მათი ჩამოსვლა წინასწარ ისე იყო დაგეგმილი, რომ კლეოპატრა რომში არ დასწრებოდა სადღესასწაულო ზეიმებს, რომლებითაც მისი საყვარელი და მასპინძელი, ცეზარი, ეგვიპტეზე გამარჯვებას ზეიმობდა. მაშინ ხომ იგი ბორკილდადებულს ნახავდა თავის დას, არსინოეს, რითაც ალბათ გაიხარებდა, მაგრამ სრულიად გასაგები პოლიტიკური და ეთიკური თვალსაზრისით დედოფალი დაზოგეს; აარიდეს ამ სანახაობას.

უკვე თავად კლეოპატრას იმპერიის დედაქალაქში გამოჩენას ძლიერი და ამავე დროს არაკეთილსასურველი შთაბეჭდილება უნდა გამოეწვია. რას არ ლაპარაკობდნენ ცეზარის ალექსანდრიულ რომანზე! ხალხის მაქსოვრობაში ჯერ კიდევ ცხადად შემონახულიყო ჯარისკაცთა სიმღერები და ხუმრობები! სამაგიეროდ, პირდაპირ სკანდალად გადაიქცა ამავე წლის 26 სექტემბერს გამართული ზეიმი. ცეზარმა, რომელსაც წლების მანძილზე ქურუმთუხუცესის თანამდებობა ეჭირა, იმ დღეს ტაძრის გახსნის საზეიმო ცერემონიალი შეასრულა, იმ ტაძრისა, რომელიც მისივე თანხმობით აშენდა იულიუსთა გვარის საწყისის დამდების ქალღმერთ ვენერას სახელზე. ძველი ლეგენდის თანახმად, იულიუსების და, მაშასადამე, ცეზარის გვარი სახელდობრ მისგან, სიყვარულის ქალღმერთისაგან მომდინარეობდა. ტაძრის აშენების აღთქმა დიქტატორმა ფარსალოსის ველებზე დადო, ვიდრე მისი და პომპეუსის ჯარები ერთმანეთს შეეტაკებოდნენ. ერთ-ერთი შემდგომდროინდელი ისტორიკოსი ამ ამბავს ასე გადმოგვცემს:

„შუალამისას ცეზარმა მსხვერპლი შესწირა მარსსა და ვენერას, მათი გვარის წინაპართ და აღუთქვა, თუ გამარჯვებას მას მოუტანდნენ და მათი წყალობით იგი თავის მიზანს მიაღწევდა, მაშინ, მაღლიერების ნიშნად, რომში მათი სახელობის ტაძარს ააგებდა. როდესაც ცას ელვა მოსწყდა ცეზარის ბანაკის მხარეს და პომპეუსის ბანაკის თავზე ჩაქრა, პომპეუსის მომხრეებმა ეს თავის სასარგებლოდ ახსნეს. ხოლო ცეზარმა ეს მოვლენა ასე მიიღო: მისი გამარჯვების შედეგად პომპეუსის დიდება ჩაქრებოდა“.

ერთი შეხედვით, აღთქმის აღსრულება კეთილშობილური და ტრადიციის შესა-

ტყვისი საქმე უნდა ყოფილიყო. მაშ, რამ გამოიწვია მდგომარეობის გამწვავება? ამ ტაძარში, ღმერთქალის ქანდაკების გვერდით, იდგა კლეოპატრას მშვენიერი ოქროს გამოსახულება. მაშასადამე, უცხო სახელმწიფოს მპყრობელი ქალი, რომლის წინააღმდეგაც მცირე ხნის წინ ცხარე ბრძოლები წარმოებდა, ცეზარმა თითქმის ქალღმერთის სიმაღლემდე აღამაღლა.

რამ აიძულა დიქტატორი საკუთარი გრძობები ასე სააშკარადად გამოეტანა? განა ცეზარს არ მოეხსენებოდა, თუ როგორ გაამწვავებდა მდგომარეობის ამოხერხი იმ ქალისა, რომლის საყვარლობის შესახებაც ყველამ იცოდა? ყველაზე უფრო სწორი ალბათ ასეთი ახსნა შეიძლება იყოს: რადგან კლეოპატრა ცეზარის ვაჟის დედა იყო და საკუთარ ქვეყანაში ისიდას განასახიერებდა, რომში მას ასეთივე თაყვანისცემა უნდა მიეღო ქალღმერთ ვენერასთან ერთად, რამეთუ იულიუსების ღვთიური გვარის წარმომადგენელთა ძარღვებში დედოფლის სისხლიც ჩქეფდა.

ქალღმერთ ვენერასადმი მიძღვნილი ზეიმებიდან ორიოდ თვის შემდეგ ცეზარი იძულებული გახდა რომი დაეტოვებინა. იგი იტალიიდან წავიდა 46 წლის გვიან შემოდგომაზე. მას ახალი ლაშქრობები ელოდა; ამჯერად — ესპანეთში.

კლეოპატრა და მსოფლიო მონარქია

პირინეის ნახევარკუნძულზე პომპეუსის ვაჟების — სექტუსისა და გნეუსის მეთაურობით ცეზარის მტრების რაზმები იყვნენ თავშეყრილნი. გნეუსს კლეოპატრა სამი წლის წინ გაეცნო. იგი მაშინ ალექსანდრიაში იმისათვის ჩავიდა, რომ დახმარება მიეღო ცეზარის წინააღმდეგ. ყმაწვილი კაცი, როგორც ცნობილია, მოიხიბლა დედოფლის სიტურფით. რომაელ დიდებულებს შორის იგი პირველი მსხვერპლი შეიქმნა კლეოპატრასი და ეგვიპტის დედაქალაქი მხოლოდ 50 ხომალდისა და ერთი მუჭა ჯარისკაცების ამარაგ დასტოვა. ახლა ის იბრძოდა, რათა მამის სიკვდილისათვის ეძია შური.

მიუხედავად ცეზარის წასვლისა, კლეოპატრა თავის სამეფოში არ დაბრუნებულა, რომში დარჩა. ალბათ ვარაუდობდა, რომ ცეზარის ლაშქრობები დიდხანს არ გასტანდა და ერთ მშვენიერ დღეს მოვიდოდა ცნობა: Veni. Vidy. Vici. მაგრამ საომარი მოქმედებები ესპანეთში მრავალ თვეს გაგრძელდა. გადამწყვეტი ბრძოლა მუნდოსთან მხოლოდ 45 წლის გაზაფხულზე გაიმართა. პომპეუსის ვაჟებმა გაქცევით უშველეს თავს. გნეუსი ამის შემდეგ მალე მოკვდა; ხოლო უმცროსი, სექტუსი, კიდევ მრავალი წლის მანძილზე მოქმედებდა და იბრძოდა. მაგრამ ცეზარმა მტრის განადგურების შემდეგაც ვერ შეძლო რომში დაბრუნება. მას თავდაპირველად ესპანეთის, ამ უაღრესად მდიდარი და მჭიდროდ დასახლებული ქვეყნის საქმეები უნდა მოეწესრიგებინა. ცეზარმა იტალიის მიწაზე მხოლოდ 45 წლის სექტემბერში დადგა ფეხი, ხოლო რომში ტრიუმფალური მარშით შესვლა ოქტომბრამდე ვერ მოახერხა. ამგვარად, კლეოპატრასა და ცეზარის განშორება ცხრა თვეზე მეტი ხნის მანძილზე გრძელდებოდა.

ბოლოს და ბოლოს ცეზარმა იმას მიაღწია, რომ მთელი იმპერია მის ხელთ იყო! როგორც სამარადქამო დიქტატორი — ერთპიროვნულად და განუყოფლად მართავდა მას. ახლა, შინაურ ოპოზიციასთან ანგარიშის გასწორების შემდეგ, შეეძლო შედგომოდა კიდევ უფრო გაბედული სამომავლო გეგმების აღსრულებას. ამ გეგმებში კლეოპატრას, თუ გადამწყვეტი არა, ალბათ მნიშვნელოვანი როლი უნდა ეთამაშა. შესაძლოა, ჯერ კიდევ ესპანეთში ლაშქრობის დროს ცეზარმა წერილობით შეატყო-

ბინა ამის შესახებ დედოფალს. ყოველ შემთხვევაში, დიქტატორის დაბრუნების შემდეგ, მალევე ამბავი გახმაურდა, და თითქმის სააშკარაოზე გამოვიდა.

უახლოეს მომავალში ცეზარს განზრახული ჰქონდა მოეწყო უდიდესი ლაშქრობა აღმოსავლეთში. თავდაპირველად დაკისრებული დაპყრობა ეწადა; ეს ქვეყანა დუნაის ქვემო წელში მდებარეობდა, დღევანდელი რუმინეთის ტერიტორიაზე. მან უნდა გაეღაშკრა პართელების წინააღმდეგ, რომლებიც უკვე მრავალჯერ მასში უნდა არბევდნენ იმპერიის აღმოსავლეთ საზღვრებს. ამ ლაშქრობების წარმატებით დასრულების შემდეგ შეიქმნებოდა უდიდესი სახელმწიფო, რომელიც ატლანტიკიდან ინდოეთამდე იქნებოდა გადაჭიმული. იგი ალექსანდრე მაკედონელის მონარქიაზე უფრო ვრცელი იქნებოდა; რადგან ეს უკანასკნელი დასავლეთის ქვეყნებს არ მოიცავდა.

ცხადია, მსოფლიო იმპერიის წყობა არსებითად უნდა განსხვავებული ყოფილიყო იმისაგან, რის მიხედვითაც მართავდნენ რესპუბლიკურ რომს. წარმოუდგენელიც კი იყო, ასეთ უზარმაზარ სახელმწიფოში ძველებურად ემოქმედათ იმ კანონებს და კვლავინდებურად დარჩენილიყვნენ ის ორგანიზაციული ფორმები, რომლებიც ქალაქი-რომის მოთხოვნილებებიდან წარმოიჩნდა. ცეზარი სრულიადაც არ ფარავდა იმას, რომ რესპუბლიკური წყობა მიაჩნდა არა მხოლოდ მოძველებულად, არამედ პირდაპირ უსიცოცხლოდ. იგი დაუფარავად აცხადებდა:

— რესპუბლიკა, ეს მხოლოდ ცარიელი სახელია სხეულისა, სახის თვინიერ!

მხოლოდ აღმოსავლეთის ტიპის მონარქია შეესაბამებოდა დიქტატორის გეგმებსა და პატივმოყვარეობას. ამავე დროს მრავალი ნიშნის მიხედვით ჩანდა, რომ იგი მისწრაფოდა, მეფედ გამოეცხადებინათ. მაგრამ ჭკვიანსა და ეშმაკ პოლიტიკოსს განზრახული ჰქონდა ისე წარემართა საქმეები, რომ გარეგნულად თავად მიემართა ხალხს ოხონით მისთვის, სამეფო გვირგვინი დაიდგინა. ოღონდ ხალხმა, რომელიც ყველგან და ყოველთვის უფრო კეთილგონიერია, ვიდრე ეს მმართველებს ჰგონიათ, ამ შემთხვევაში საოცარი დაუდევრობა, მოუწადინებლობაც კი გამოიჩინა; თუმცაღა, ცეზარის მეგობრების მხრიდან არ მოჰკლებია წაქეზება და მითითებები.

ცეზარის აზრით, მომავალი სამეფოს გამგებლის ცოლი უნდა გამხდარიყო კლეოპატრა, ვის ძარღვებშიც ძველი დინასტიის მეფური სისხლი დიოდა; ტახტზე ცეზარის გვერდით მჯდარ ეგვიპტის მპყრობელს უნდა წარმოედგინა აღმოსავლეთისა და ბერძნული ქვეყნები მსოფლიო მონარქიისა. მათი შვილი კი, პტოლომეუს-ცეზარი, ნამდვილი შემკვიდრე იქნებოდა აღმოსავლეთისა და დასავლეთის ყველა ხალხების ძალისა და ტრადიციებისა.

მიუხედავად ასეთი გეგმებისა, ცეზარს განზრახული არ ჰქონდა კალპურიასთან განქორწინება. ამიტომ, როგორც ეს აღიარა მოგვიანებით მისმა ერთ-ერთმა უახლოესმა მეგობარმა, მან შეიმუშავა პროექტი დებულებისა, რომლის თანახმადაც მას, მსოფლიო მონარქიის მპყრობელს, ნება ეძლეოდა პოლიგამიისა, „შთამომავლობის გამრავლების მიზნით“. ეს დებულება იმავდროულად ნებას რთავდა ოფიციალურად ეღიარებინა კლეოპატრასაგან უკვე დაბადებული ბავშვი.

შეიძლება გაგვიკვირდეს, ასე დიდხანს რატომ გაჩერდა კლეოპატრა თავისი სახელმწიფოს საზღვრებს გარეთ. ეგვიპტე ზომ უკანასკნელი ამბების შემდეგ მზრუნველობას მოითხოვდა. მაგრამ, თუ მხედველობაში მივიღებთ ყველა ამ გარემოებას, მაშინ დედოფლის გულგრილობა ეგვიპტისადმი გასაგები გახდება. რამდენადაც იგი მსოფლიო იმპერიის დედოფალი და მპყრობელი უნდა გამხდარიყო, შეეძლო, ესოდენ ბრწყინვალე მიზნისათვის უგულვებელყო ერთი ქვეყნის ბედი. ეგვიპტე და განსაკუთრებით ალექსანდრია ძალზე ბევრს მოიგებდნენ მსოფლიო მონარქიის შექმნით, რომლის დედაქალაქადაც, როგორც ეს უკვე ითქვა, უნდა ქცეულიყო ალექსანდრია. ანუ ის ალექსანდრია, რომლის დაპყრობაც მცირე ხნის წინ იზვიამა რომაელმა სარ-

დალმა, დაიკავებდა რომის ადგილს, ეგვიპტე კი — იტალიისას! კლეოპატრასათვის ეს იქნებოდა უსისხლო და სრული გამარჯვება, რომელიც პარადოქსულად შეცვლიდა ყოველივეს.

ახლა, ამ ამბებიდან ოცი საუკუნის გასვლის შემდეგ, როდესაც ჩვენ უკვე ვიცით, თუ როგორ განვითარდა მოვლენები, ეს გვეგები ფანტასტიკურად გვეჩვენება; ოღონდ მაშინ, იმ უჩვეულო დღეებში, როდესაც მთელი იმპერია ცეზარის ფეხებთან ეგო, ეს გვეგები სრულიად სხვა შუქზე წარმოსდგებოდა. არც მათი რქები და მათი ჩანდა შეუძლებლად შორეულად. ყოველ შემთხვევაში, კლეოპატრა სუსტად იღებდა მათ, დარწმუნებული ცეზარის მხარდაჭერასა და მფარველობაში. ცნობილ რომაელ დიდებულებთანაც კი ისე იქცეოდა, როგორც დედოფალი და მპყრობელი. ეს საკუთარ თავზე იწვინია ციცირონი.

კლუბატრა და ციცირონი

„მე შეზიზლება დედოფალი. ამინიუსმა, რომელსაც დაკისრებული აქვს მის მიერ მოცემული პირობის აღსრულება, კარგად იცის, რომ მაცვს ამის სრული უფლება. მე მას ვთხოვე მეცნიერებასთან დაკავშირებულ საკითხებში დახმარება და ამის შესახებ მიტინგზეც კი განვაცხადე. რაც შეეხება სარას, გარდა იმისა, რომ იგი უღირსი ადამიანია, ჩემს მიმართ ქედმაღლურადაც მოიქცა: იგი მხოლოდ ერთხელ ვნახე ჩემს სახლში და ჩემს ზრდილობიან შეკითხვაზე, თუ რა სურდა, უხეშად მომიგო: ატიკას ვეძებო. ხოლო ის, თუ როგორ უხეშად მომიქცა დედოფალი ტიბრისპირა პარკში, არ ძალმიძს გავიხსენო ტკივილების გარეშე“.

რათა მივხვდეთ, რაოდენ განრისხებული იყო ციცირონი, უნდა გავიხსენოთ, რომ წერილი, რომლის ფრაგმენტიც აქ მოვიტანეთ, დაწერილია უკვე რამდენიმე თვის შემდეგ, რაც კლეოპატრა რომიდან გაემგზავრა. როგორც ჩანს, დრომაც ვერ განკურნა წყენა. თავად ამბავი, რომლის შესახებაც ციცირონი ზოგადად ლაპარაკობს, ალბათ შემდეგში მდგომარეობდა:

45 წელს ან შესაძლოა 44 წელსაც კი, შორსმჭვრეტელი და წინდახედული ციცირონი დედოფალს მის აგარაკზე ესტუმრა; მას სურდა, პირადად წარსდგომოდა მანდილოსანს, რომელიც დიქტატორის უაღრესი ყურადღებით სარგებლობდა. სტუმრობის საბაბად მან გამოიყენა თხოვნა რომელიღაც იშვიათ წიგნზე, რომელიც ძლიერ სჭირდებოდა ფილოსოფიურა ტრაქტატის დასასრულებლად, რომელზედაც იმხანად მუშაობდა. დედოფალს შეეძლო ებრძანებინა, ეს წიგნი მისთვის ჩამოეტანათ ალექსანდრიის ბიბლიოთეკიდან. ალექსანდრიის ბიბლიოთეკაში. ხომ ყველაფერი ინახებოდა; რაც კი ოდესმე ბერძნულ ენაზე დაწერილა. აუდიენციის დროს კლეოპატრა კეთილგანწყობით დაეთანხმა სენატორის თხოვნას და ერთ-ერთ თავის დიდებულს, ამონისს, დაავალა, ეზრუნა მის შესრულებაზე. ხოლო მან კი, მიუხედავად დაპირებისა, არაფერიც არ შეუსრულა! დედოფლის თანხმლებმა მეორე დიდებულმა კი, სარამ, როდესაც ციცირონის სახლში მივიდა, სახლის პატრონი კი არ იკითხა, არამედ ციცირონის მეგობარი — ატიკა.

იმ პერიოდში ციცირონი მართლაც რომ ძალზე ბევრს კითხულობდა და წერდა. რომში უკვე აღარ არსებობდა ნამდვილი პოლიტიკური ცხოვრება, რომელიც აქამდე ასე იტაცებდა მას. ახლა გადაწყვეტილებებს იღებდნენ არა სენატის სხდომებსა და სახალხო საკრებულოებზე, არამედ — დიქტატორის კერძო აგარაკის ოთახებში. ახლა ცეზარის ყმადყოფილები უფრო მეტს ნიშნავდნენ, ვიდრე სახელმწიფო მოღვაწეები. ამიტომ რა გასაკვირია, რომ ასეთ სიტუაციაში პატივმოყვარე და განათლე-

ბული ადამიანი ერთადერთ ნუგეშს ფილოსოფიურსა და ლიტერატურულ მუშაობაში ეძიებდა. ამავე დროს სურდა, რომ ეს გონებრივი მოღვაწეობა საზოგადოებისათვის სასარგებლოც ყოფილიყო. თავის ახალ ნაწარმოებში, რომელსაც „ტუსკულუმური საუბრები“ უწოდა, იგი წერდა:

„როდესაც ბოლოს და ბოლოს სრულიად თუ მნიშვნელოვნად გავთავისუფლდი სენატორისა და ადვოკატის მოვალეობისაგან, ბრუტუს, შენგან მხურვალედ წახალისებული, დაეფრუნდი მეცნიერულ ინტერესებს, რომლებიც ჩემს სულში არსებობდა, თუმცა ყოველდღიური საქმეები განვითარების საშუალებას არ აძლევდა. ეს დაინტერესება, საკმაოდ დიდი ხნის განმავლობაში უკუვდებული, კვლავ გაცოცხლდა ჩემში. და ვინაიდან ყოველგვარი მეცნიერების ცნებებსა და პრინციპებს, რომლებიც ჭეშმარიტ პროგრესს ეხება, შეიცავს ფილოსოფიად წოდებული სიბრძნის მეცნიერება, ამიტომ, განვიზრახე ამ მეცნიერების ლათინურ ენაზე წარმოდგენა“.

ეს სიტყვები ციცერონის ნაშრომის შესავალიდან არის მოტანილი. ნაწარმოების სცენარი თამაშდება ავტორის აგარაკზე, ტუსკულუმში, რომის ახლოს, ალბანიის მთების კალთებზე რომ მდებარეობდა; იქ ხშირად იკრიბებოდნენ ხოლმე ციცერონის მეგობრები: მარკუს ბრუტუსი, ტრეპატუსი, კურტიუსი. იქ ხშირად მიდიოდა აგრეთვე მისი სიძეც, დოლაბელა. ვითომდა ტუსკულუმში მომხდარი საუბრები ფილოსოფიის ძირითადი პრობლემების შესახებ ციცერონმა ხუთ წიგნში წარმოადგინა. სრულიად შესაძლებელია, რომ სახელდობრ ამ წიგნზე მუშაობისას მიმართა ციცერონმა თხოვნით ეგვიპტის დედოფალს ალექსანდრიის ბიბლიოთეკიდან რომელიღაც ძველი მოაზროვნის ტრაქტატის ჩამოტანის თაობაზე. არსებითად, „ტუსკულუმური საუბრები“ ხომ მხოლოდ პარაფრაზირებაა და პოპულარიზაცია სხვადასხვა ბერძნული ფილოსოფიური სკოლების პრინციპული დებულებებისა.

„ტუსკულუმური საუბრების“ პირველი საუბარი ეხება სულის უკვდავების პრობლემას. თავის ნაშრომში ციცერონი იმ შეხედულებას ადგას, რომ სხეულის სიკვდილი ჯერ კიდევ არ ნიშნავს ადამიანის მთელი არსებისათვის წერტილის დასმას. ამის საპირისპიროდ მასთან მოსაუბრის სიტყვებში ის აზრია გატარებული (და მას იზიარებს კიდევ მოსაუბრეთა უმრავლესობა), რომ სიკვდილი ბოროტებაა, რამეთუ მას არარაობამდე დაყვავართ. ეს სევდიანი აზრი გამოხმაურებაა შორეულ ეგვიპტეში ქურუმთუხუცესის პშერენი-პტაჰის მეუღლის ტა-იმპოტეჰის სიტყვისა, შესახებ არყოფნისა, ეპიტაფიად რომ წააწერა მეუღლის საფლავის ქვას.

მარტის იდა და კლეოპატრა

44 წლის აპრილს ციცერონი თავის მეგობარს, ატიკას სწერდა: „ჩემთვის სრულიადაც არ არის საწყენი დედოფლის გაქცევა“. და მცირე ხნის შემდეგ, იმავე წლის 11 მაისს ეკითხებოდა მას: „მსურს უფრო მეტი ვიცოდე დედოფლისა და იმ ცეზარის შესახებ“.

იმ დროისათვის კლეოპატრა და „ის ცეზარი“, ანუ მისი ბიჭუნა, უკვე ეგვიპტეში იყვნენ, ვინაიდან ტიბროსის პირას, სადაც თითქმის ორი წლის განმავლობაში ცხოვრობდნენ, მათ აღარ დაედგომებოდათ. რომში დიდხანს გაჩერება, შესაძლოა, საზიფათოც კი გამომდგარიყო ორივესათვის, რადგან მათ უკვე დაკარგეს ძლიერი მფარველი. მსოფლიო მონარქიის მომავალი მპყრობელი, მომავალი მეუღლე და თანამპყრობელი კლეოპატრასი, 15 მაისს განგმირული დაეცა სენატის სხდომათა დარბაზში. შეთქმულთა ხანჯლებმა მას ოცდასამი ჭრილობა მიაყენა. მკვლელებს, რომელთა შორისაც დიქტატორის ბევრი მეგობარი ერია, მეთაურობდნენ მარკუს ბრუ-

ტუსი და გაიუს კასიუსი. მათ მოკლეს ცეზარი, რადგან ეწადათ, გადაერჩინათ რესპუბლიკა ანუ რომის იმპერატორული წყობა. იმ მიზეზთა შორის კი, რომელმაც შეთქმულება დააჩქარა, მნიშვნელოვანი ადგილი ეჭირა კლემენტინას საკითხს: გრძნობას, რომელიც დიქტატორს მის მიმართ ამოძრავებდა და ასევე შიშს, რომ ახლო მომავალში იგი გახდებოდა მფლობელი იმპერიისა, იმ იმპერიისა, რომლის დედაქალაქადაც ალექსანდრია უნდა ქცეულიყო. ასე რომ, მარტის იდა გარკვეულად კლემენტინას დანაშაულიც იყო — მიუხედავად იმისა, რომ იგი ძალზე დამღუპველად მოქმედებდა დედოფლის უაღრესად სასიცოცხლო ინტერესებზე.

ეგვიპტის დედოფლისათვის ცეზარის სიკვდილი ნიშნავდა არა მხოლოდ ყველა, ერთი შეხედვით ფანტასტიკური გეგმისათვის წერტილის დასმას (რეალიზაციისათვის აგრე მომზადებულს). ახლა საქმე იმის გადარჩენას ეხებოდა, რასაც დედოფალი ფლობდა და, შესაძლოა, თვით სიცოცხლის შენარჩუნებასაც კი. კლემენტინამ იცოდა, რომ რომში, განსაკუთრებით სენატორებს შორის, ბევრი მტერი ჰყავდა. რამდენ მათგანს აწყენინა თავისი ქედმაღლური საქციელით! ციცერონი გამონაკლისი არა ყოფილა. საკუთარ ქვეყანაში კი, და განსაკუთრებით ალექსანდრიაში, მოსახლეობის ნაწილის მტრული განწყობილების მოლოდინი უნდა ჰქონოდა. არც ის იყო გარკვეული, დაიცავდა თუ არა მას ეგვიპტეში განწყობილი სამი ლეგიონი ისე, როგორც ცეზარის დროს, თუ ისინიც დაემორჩილებოდნენ რომიდან მოსულ ბრძანებას, რაც ყოველ წუთს იყო მოსალოდნელი — მოეკლათ დედოფალი, რათა ეგვიპტე, როგორც ახალი პროვინცია, იმპერიას შეერთებოდა. კლემენტინას მოძულე სენატორებს ადვილად შეეძლოთ გაეტარებინათ ბრძანება, რომლის გარშემო კამათიც მამამისის სიცოცხლეშივე მიმდინარეობდა.

მხოლოდ ერთ ფაქტს შეეძლო კლემენტინას დამშვიდება: სიტუაცია ნათელი არ იყო თვით რომში. შეთქმულებს მიაჩნდათ, რომ საკმარისი იყო მოეკლათ დიქტატორი (მას ტირანს უწოდებდნენ), რომ ყველაფერი ძველებურ მდგომარეობას დაუბრუნებოდა, რაც მათი გაგებით ნამდვილი თავისუფლება იყო. მაგრამ მალე აღმოჩნდა, რომ არსებობდა მოკლულის ერთგული დაჯგუფება, ხილო სენატმა კი კარგად იცოდა, თუ ვისი მხარე დაეჭირა და რა მოემოქმედა. ცეზარის დაკრძალვის დღეს, 20 მარტს, საქმე არეულობამდეც კი მივიდა. დიქტატორის მკვლელები სახიფათო მდგომარეობაში აღმოჩნდნენ. მალე ისინი იძულებულნი გახდნენ დაეტოვებინათ იტალია.

იმ ხანებში ციცერონი რომში არ იმყოფებოდა. კლემენტინას გაქცევის შესახებ მან მხოლოდ აპრილის შუა რიცხვებში შეიტყო. აქედან გამომდინარეობს, რომ დედოფალს რომი მარტის იდაში არ დაუტოვებია. იგი, ალბათ, მიუხედავად არსებული სახიფათო მდგომარეობისა, ერთხანს კიდევ შეჩერდა რომში, რათა მოვლენების მსვლელობისათვის თვალყური ედევნებინა. ოღონდ სამკლოვიარო ცერემონიული დედოფალს ბოროტ მოულოდნელობას უმზადებდა. ფორუმზე ანტონიუსმა ცეზარის ანდერძი წაიკითხა — თავის მთავარ მემკვიდრედ ცეზარს დის შვილიშვილი, გაიუს ოქტავიანე, 19 წლის ბიჭი დაენიშნა, რომელიც ასევე თავის ვაჟიშვილად ელიარებინა. სამაგიეროდ ანდერძში საერთოდ არ იყო მოხსენიებული დიქტატორის ნამდვილი ვაჟიშვილი, იმდროისათვის სამი წლის — პტოლომეუს ცეზარი!

ამგვარი გვერდის ავლა კი — რაც კლემენტინამ არ იცოდა და არც შეიძლებოდა

სცოდნოდა — გამომდინარეობდა იმ უბრალო ფაქტიდან, რომ ცეზარი, რომელი და რომაელთა დიქტატორი, თავის რომაულ ანდერძში ვერ შესძლებდა საერთოდ გაეთვალისწინებინა პიროვნება, რომელიც იურიდიული თვალსაზრისით სრულიად სხვა სამყაროს ეკუთვნოდა. არ შეეძლო ამის გაკეთება პოლიტიკურ და ნაწილობრივ ფორმალურ მიზეზთა გამო. ამიტომ გეგმებიც, რაც დედოფანმა [და] მისი ვაჟთან (თავის ერთადერთ ვაჟთან!) იყო დაკავშირებული, ცეზარს განზრახული ჰქონდა სრულიად სხვა გზითა და სხვა ხერხებით, რომის კანონმდებლობის გვერდის ავლით, ლეგალურად განეხორციელებინა.

ყოველდღიურად ცხადი ხდებოდა, რომ იმპერიაში სამოქალაქო ომის ხანძარი უნდა ავარდნილიყო — ცეზარის მემკვიდრეობის მისათვისებლად. უკვე შეიძლებოდა აგრეთვე მთავარი ძალების განსაზღვრაც, რომლებიც ერთმანეთს შეეჯახებოდა. ესენი, უპირველეს ყოვლისა, ცეზარის მკვლელები და სენატის მომხრეები იყვნენ. ბევრნი იყვნენ ისეთებიც, რომლებიც თუმცა თავს რესპუბლიკური წყობის ერთგულებად ასაღებდნენ, მაგრამ სინამდვილეში, დიქტატორის ადგილის დაკავებას ცდილობდნენ. მხედველობაში იყო მისაღება აგრეთვე ცეზარის შვილობილი გაიუს ოქტავიუსი, რომელსაც ამიერიდან ოქტავიანეს ეძახდნენ. მას თავდაპირველად თუმცა უგულვებელყოფდნენ, მაგრამ ცეზარის ანდერძმა იგი მნიშვნელოვან პირად აქცია.

კლეოპატრას მეტი დაყოვნება აღარ შეეძლო. მდგომარეობა აიძულებდა ეგვიპტეში დაბრუნებულიყო და იქ დალიოებოდა ქარიშხლის ჩაცხრომას.

(დასასრული იქნება)



ვერდის რომ დღიურები ეწერა

ორმოცდაათიანი წლების მეორე ნახევრიდან უნგრეთში ზედიზედ გამოიცა მეტად ორიგინალური წიგნები, რომელთაც გამოსვლისთანავე მიიჭიეს დართო საზოგადოებრიობის ყურადღება, რადგან თვით სახელწოდებანი წიგნებისა აღძრავდა ცხოველ ინტერესსა და ცნობისმოყვარეობას — „ბაბს რომ დღიურები ეწერა“... „მოცარტს რომ დღიურები ეწერა“... „ვერდის რომ დღიურები ეწერა“... და ა. შ. სათაურებიდანვე ჩანს, რომ ეს წიგნები დღიურები არ არის, მაგრამ რაჟი შედგენილია მხოლოდ და მხოლოდ პირადი წერილებისა და სხვა დოკუმენტური მასალების მიხედვით და, დღიურების დარად, ზუსტი ქრონოლოგიური თანმიმდევრობით — წლიდან წლამდე, დღიდან დღემდე — გადაგვიშლის დიდი კომპოზიტორების მღელვარე ცხოვრებას, მათ თავიდან ბოლომდე გასდევს ამ ეანრიოსათვის დამახასიათებელი უშუალოება და ღინამიზმი. მკითხველი შორიდან, წლების გადასახუდიდან კი არ გასცქერის დიდი ადამიანების უკვე განვლილ ცხოვრებას, არამედ კვალდაკვალ მისდევს მოვლენებს, თითქოს თავად ხდებო ამ ბოზოქარი დღეების მომსწრე და მონაწილე; ეს წიგნები უკვე განვლილი ცხოვრების ცივ ანალიზს კი არ გვთავაზობენ, არამედ შენს თვალწინ მომხდარ მოვლენებს ცოცხალი ემოციებით მუხტავენ...

უფიქრობთ, მკითხველისათვის საინტერესო იქნება გაეცნოს სწორედ ასეთი ცოცხალი ემოციებით დამუხტულ ცხოვრებას კომპოზიტორისა, რომლის მუსიკა ასე შეიყვარა და გაითავისა ჩვენმა ხალხმა.

მთარგმნელი

I

წინასიტყვაობის მაგივრად

ვერდის არასოდეს უწერია დღიურები და არც მოგონებების წერა განუზრახავს. „არასოდეს, არასოდეს არ დავწერ მოგონებებს. ის არ კმარა, რომ მუსიკალური სამყარო ამდენი ხანია მოთმინებით ისმენს ჩემს მუსიკას, ახლა ჩემი პროზის კითხვაც მიფუსაჯო?!“ (გერმანული გამომცემლობის „დოიჩე ფერლასანშტალტის“ დირექტორს, შტუტგარტი, 1895 წ. 21 ივნისი).

წერილებს კი ბევრსა სწერდა ვერდი. მათ შორის შეხვედებით ავტობიოგრაფიული ხასიათისას. მაგრამ სასტიკი წინააღმდეგი იყო თავისი წერილების პუბლიკაციისა.

რა საჭიროა კომპოზიტორის წერილების გამოქვეყნება? ეს წერილები ხომ ნაჩქარევად, დაუდევრად იწერება, ისე რომ ავტორი არავითარ მნიშვნელობას არ ანიჭებს მათ, განა საკმარისი არ არის, რომ მის მუსიკას სტვენით ხვდებიან? არა, ბატონო! ო, ეს წყვეული დიდება! რა ძვირი უჯდებათ თავიანთი პოპულარობა ამ საწყალ, გამოჩენილ, პაწაწუნა, დიდ ადამიანებს. არც ცოცხლებს და არც მკვდრებს ერთი ბეწო მოსვენება არა აქვთ“ (არჩვამენტან მიწერილი წერილიდან, 1880 წ. 18 ოქტომბერი).

მიუხედავად ამისა, უკვე 1913 წელს (ანუ კომპოზიტორის გარდაცვალების 12 წლის შემდეგ) მაინც გამოქვეყნდა ნაწყვეტები ვერდის პირადი წერილებიდან, რომლებიც შემდეგშიაც ბევრჯერ დაიბეჭდა. ეს სავსებით კანონზომიერი, რადგან მუსიკის გარდა, თუ არა პირადი წერილები და მისი ახლობლების მოგონებანი, სხვა ვერაფერი დაგვიხატავს ასე მართლად და დამაჯერებლად ვერდის, როგორც ადამიანისა და ხელოვანის, პორტრეტს. ეს წერილები მუქსა ჰვენენ დიდი კომპოზიტორის ბუნების ყველაზე უფრო დამახასიათებელ თვისებებს: მარად ჭეშმარიტების ძიებას, თავისუფლების დაუცხრომელ წყურვილს და, რაც მთავარია, მის ადამიანურ ღირსებებს.

ესენი გვისხნიან ხელოვანის ორ ყველაზე დამახასიათებელ თვისებას: ჯერ ერთი იმას, რომ ვერდი სიცოცხლის ბოლომდე კლებად დარჩა და მეორეც — დაბადების პირველი წუთიდან გენიოსი იყო.

მაგრამ ხელოვანის დღიური (გინდ ნამდვილი იყოს და გინდ მოგონილი), რა უჩვეულოდ ბრწყინვალე ცხოვრებაზეც არ უნდა მოგვითხრობდეს, მისივე ქმნილებების გარეშე უფერული, მკვდარი მასალაა. მხოლოდ ვერდის მუსიკას შეუძლია ბრწყინვალეობა და სიცოცხლე შემატოს ამ სტრიქონებს.

მეორე მხრივ, როცა კომპოზიტორის პიროვნებასა და ცხოვრებას საფუძვლიანად იცნობთ, მისი მუსიკით განცდილი სიამოვნებაც უფრო ღრმა იქნება.

ამის რწმენამ დაგვაწერინა ეს წიგნი.



ვერდი უდიდესი იტალიელი კომპოზიტორი კი არ არის მხოლოდ (რადგან კომპოზიტორთა შორის ის ყველაზე უფრო იტალიელია), არამედ მოცარტს და ვაგნერთან ერთად, ყველაზე გამოჩენილი წარმომადგენელია სცენური მუსიკის, ოპერისა.

მაგრამ სანამ ფარდა აიხდებოდეს და ჩვენ წინ ეს გრძელი, სხვადასხვა ამბებით მდიდარი ცხოვრება გათამამდებოდეს, პროგრამაში ჩავიხედოთ და მონაწილეებს გავეცნოთ.

ვერდის ცხოვრების მთავარი მოქმედი პირები არიან: მამა, **კარლო ვერდი** (1785-1867), წვრილვაჭარი, სოფელ ლე რონკოლეში დუქნის მფლობელი, და დედა **ლუიჯია უბინი** (1787-1851) — ფეიქარი; წერა-კითხვა არც ერთმა არ იცოდა.

მფარველი, მოგვიანებით სიმამრი — **ანტონიო ბარესი** (1787-1867), ბაყალი და ღვინის ვაჭარი ქალაქ ბუსეტოში, მოყვარული მუსიკოსი.

მასწავლებლები: **ფერდინანდო კროვეზი** (1770-1833) — პარმელი კომპოზიტორი, ქალაქ ბუსეტოს მთავარი მუსიკოსი.

ვიტორინო ლავინია (1776-1836) — საოპერო კომპოზიტორი, დაამთავრა ნეაპოლის კონსერვატორია, მუსიკის მასწავლებელი მილანში.

პირველი მეუღლე: **მარკარიტა ბარესი** (1814-1840).

მეორე მეუღლე: **ჯუზეპინა სტრაკონი** (1815-1897) — გამოჩენილი მომღერალი, სოპრანო.

- მოწაფე: **ვეანუალე მუსიო** (1821-1890) — კომპოზიტორი, დირიჟორი.
- ლიბრეტისტები: **თეოდოსიო სოლა** (1821-1890) — ფერარელი პოეტი.
- ფრანკესკო მარია პიავე** (1810-1878) — ვენეციელი პოეტი, ვერდის აღ-
ფრთოვანებული თაყვანისმცემელი, გამოჩენილი ლიბრეტისტი.
- სელვატორე კამარანო** (1801-1852) — დიდად განათლებული ნეაპოლელი
პოეტი, მთარგმნელი.
- ანტონიო სოპა** (1809-1864) — დრამატურგი; გაზეთის რედაქტორი. მწვე-
ბარე პატრიოტი.
- ანტონიო ბისლასონი** (1824-1893) — მომღერალი, „აიდას“ ლიბრეტოს
ავტორი.
- არიგო ბოიტო** (1842-1918) — ნიჭიერი კომპოზიტორი, პოეტი, მთარგმნელი.
- პირველი იმპრესარიო: **ბარტოლომეო მერალი** (1794-1879) — მილანის თე-
ატრის „ლა სკალას“ და ვენის თეატრის „კერტნერტორის“ ანტრეპრენიორი.
- გამომცემლები: **ჯოვანი რიკორდი** (1785-1853) — მუსიკოსი, ნოტების გადა-
მწერი, მილანის გამომცემლობის დამაარსებელი.
- ტიტო რიკორდი** (1811-1888) — ჯოვანის ვაჟი.
- ჯულიო რიკორდი** (1840-1912) — ჯოვანის შვილიშვილი, მწერალი და კომ-
პოზიტორი.
- პირველი გამოჩენილის ინტერპრეტატორები:
- ანჟელო მარინი** — დირიჟორი და კომპოზიტორი (კენუაში, ბოლონიაში).
- ფრანკო ფანო** (1840-1891) — დირიჟორი და კომპოზიტორი (მილანში).
- ედუარდო მასკარონი** (1859-1941) — დირიჟორი და კომპოზიტორი.
- ტეოფანო შტოლცი** (1834-1902) — მსოფლიოში ცნობილი ჩეხი მომღერალი,
სოპრანო.
- მარია ვალდამი** (1844-1920) — მსოფლიოში ცნობილი ვენელი მომღერალი,
მეცო-სოპრანო, მოგვიანებით პერცოვ მასარის მეუღლე.
- ვიქტორ მორალი** (1847-1923) — გამოჩენილი ფრანგი ბარიტონი.
- ფრანკესკო ტამანიო** (1850-1905) — სახელგანთქმული იტალიელი ტენორი.
- მეგობრები: **ანდრეა მასი** (1798-1885) — პოეტი; და მისი მეუღლე —
გრაფის ასული კლარა.
- ვეილია მოროზინი** (1804-1875) — მილანელი დიდგვაროვანი მანდილოსანი.
- ოვრანდინო არივაბენი** (1805-1887) — მწერალი, ჟურნალისტი, მაღალი
კულტურის ადამიანი.
- ჯუზეპე პიროლი** (1815-1890) — იურისტი-პროფესორი, სახელმწიფო მო-
ღვაწე.
- ჯულიო კარკანო** (1812-1882) — მწერალი, მთარგმნელი.
- ვინჩენსო ლუკარდი** — რომაელი მოქანდაკე.
- ჩეზარე დესანკტისი** — ნეაპოლელი ვაჭარი, მეცენატი.
- სპინელი-კარარა** (1814-1886).

ქნელი ახალგაზრდობა (1813—1840).

1813

ნაპოლეონის იმპერიის ერთ განაპირა კუთხეში, პალმების გადაღმა, პარმასა და
პიანენცას შორის მდებარე ტაროს ოლქში, მდინარე პოს ნოციერ ველზე, პატარა ქა-
ლაქ ბუსეტოს მეზობლად მდებარეობს სოფელი ლე რონკოლე. აქ ერთ უბრალო
სახლში

10 ოქტომბერს დაიბადა ჯუზეპე ვერდი.

11 ოქტომბერს სოფლის მიქაელ-მთავარანგელოზის ეკლესიის წიგნში ჩაიწერა ასეთი სიტყვები: „მე, კაროლუს არკარიმ, სოფელ რონკოლეს მღვდელმა, დღეს დილით მოვნათლე ყრმა, რომელიც წუხელ, რვა საათზე დაიბადა. ყრმის მშობლები ჩვენი მრევლის ცოლ-ქმარია: კარლო ვერდი, ძე იოზეფისა და ცოლი მისი/ალოზია უტინი; ბავშვს დავარქვით იოზეფ, ფორტუნინუს, ფრანცისკუს...“

12 ოქტომბერი. ეს მოვლენა აღზუსტებულია ქალაქ ბუსეტოს მერიის მიერ საბუთის მიხედვით ბავშვის სახელია იოზეფ-ფორტუნინ-ფრანსუა.

ბავშვი იტალიელი, იტალიის სოფელში დაბადებული, მაგრამ მისი სახელი არც ერთ საბუთში არ არის მოხსენებული იტალიურად — ჯუზეპე, საეკლესიო ენა ყველგან და ყოველთვის ლათინურია. ხოლო იტალიაში სახელმწიფო ენა იმხანად ფრანგული იყო.

მაგრამ „ხალხთა დიდმა ბრძოლამ“, რომელიც 16-19 ოქტომბერს ლაიპციგის მახლობლად გაიმართა, ისტორიის ბორბალი შემოატრიალა. ნაპოლეონის იმპერია დაიშალა.

1814

რუსეთ-ავსტრიის მოკავშირე ჯარები გააფთრებით უტევენ ფრანგებს, რომელთაც ალბებზგადაღმა იტალიის პროვინციები დაუპყრიათ. პარმის საჰერცოგოს ვენის კონგრესი მარია-ლუიზას გადასცემს. რონკოლელებმა, ისევე როგორც ბევრმა სხვამ, თავად გამოსცადეს გააფთრებული ბრძოლების საშინელება. ქალები და ბავშვები (მათ შორის ვერდის დედაც თავის პატარა ბიჭთან ერთად) ეკლესიას აფარებენ თავს. ამ ისტორიული მოვლენებით უნდა აიხსნას, თუ რატომ არევია თარიღი დედას და ამიტომ თვით ვერდისაც, რომელიც ისე მოიყარა სამოცდა სამი წლისა, რომ თავის დაბადების დღედ 1814 წლის 9 ოქტომბერი მიაჩნდა.

1815-1822

კარლო ვერდის დუქნისა და ოსტერიას (პატარა სასადილო) მწირი შემოსავალი ძლივს არჩენს ოჯახს. ავადმყოფობა უმცროსი ქალიშვილის — ჯუზეპა ფრანჩესკასი, რომელიც 1816 წლის 20 მარტს დაიბადა, კიდევ უფრო მეტ საფიქრალს უჩენს მშობლებს.

ბიჭი, ჯუზეპე, ღვთის წყალობით, ჯანმრთელია. ცხოვრობს ისე, როგორც ყველა სოფლელი ბიჭი. მისი მთავარი გასართობია ყურისკდება მოხეტიალე მუსიკოსებისა, რომლებიც ზოგჯერ მამამისის ოსტერიაშიც შედიან, ან არა და, ორგანის მოსმენა, რომლის ხმაც მახლობელი ეკლესიიდან მოესმის. ექვსი წლის ჯუზეპე წერა-კითხვისა და მუსიკის სწავლას იწყებს. მისმა პირველმა მუსიკის მასწავლებელმა, ადგილობრივმა ორგანისტმა — მოხუცმა პიეტრო ბაისტროკიმ განსაკუთრებული ნიჭიერება შეატყო ბავშვს და სიამოვნებით ამეცადინებს. მამაც, მწირი შემოსავლის მიუხედავად, რამდენადაც შეუძლია, ხელს უწყობს შვილის მუსიკალურ განვითარებას.

1820 წელს მამა ერთ დანჯდრეულ სამაგიდო სპინეტს¹ უყიდის. ჯუზეპე ნიჭთან ერთად დიდ შრომისმოყვარეობასაც ამჟღავნებს; და ამით უნდა აიხსნას, რომ სტეფანო კავალეტი, რომელიც 1821 წელს ძველ სპინეტს შეაკეთებს, გასამრჯელოს არ გამოართმევს. სპინეტში იგი ქალაღდის ფურცელს ჩადებს, სადაც ჩამოთვლილია, თუ რა და რა შეაკეთა, და იქვე მიაწერს: „ჩემთვის ისიც კარგი გასამრჯელოა, როცა ვხედავ, რა ბეჯითად სწავლობს ყმაწვილი ჯუზეპე ვერდი ამ ინსტრუმენტზე“.

1. სპინეტი — ერთგვარი კლავიშოანი საკრავი, მცირე ზომის კლავესინი.

მალე ნათელი ხდება, რომ ლე რონკოლეში ვერდი მეტს ველარაფერს ისწავლის. ბაისტროკი უკვე ხედავს, რომ მოწაფე მას არაფრით არ ჩამორჩება. კარლო ვერდი ყურად იღებს ბაისტროკისა და ანტონიო ბარეცის შევონებას და შვილს, სწავლის გასაგრძელებლად, ბუსეტოში აგზავნის, მეზობელ პატარა ქალაქში, რომლის მოსახლეობა ორიათასს არ აღემატება.

ეროვნული
ბიბლიოთეკა

1823

შემოდგომაზე კარლო ვერდი შვილს პატიოსანი ხარაზის, პუნიატეს, სახლში აბინავებს.

ნოემბერში ჯუზეპე მეცადინეობას იწყებს გიმნაზიაში, რომელსაც დონ პიეტრო სელეტი ხელმძღვანელობს. თავისუფალ დროს ბიჭი გულმოდგინედ ვარჯიშობს სპინეტზე, კვირაობით და უქმე დღეებში ლე რონკოლეში მიდის და იქ — თუმცა მცირე გასამრჯელოს საფასურად — ეკლესიის ორგანიზტობას ასრულებს, რადგან პიეტრო ბაისტროკის გარდაცვალების შემდეგ ამ ადგილზე აღარავინ აუყვანიათ.

1825

შემოდგომიდან ვერდი სისტემატურ მეცადინეობას შეუდგება ბუსეტოს მუსიკალურ სკოლაში. მისი მასწავლებელი ფერდინანდო პროვეზი ბრწყინვალე მომავალს უწინასწარმეტყველებს. მაგრამ სელეტი ბავშვს მღვდლის კარიერისთვის ამზადებს, რადგან ეს ლუკმაპურით მაინც უზრუნველყოფს.

1826-1827

მოხდა ისე, რომ ერთხელ ეკლესიის ორგანიზტი სადღაც წავიდა და წირვის დროს იგი ვერდომ შეცვალა. სელეტომ რომ მოუსმინა და კომპოზიციაში მის პირველ ცდებს გაეცნო, ასე უთხრა: „განაგრძე მუსიკაში მეცადინეობა... შენ შიმშილით სიკვდილი ნამდვილად არ გელის“.

ბარეცის სახლში ვერდის პირველად ეძლევა საშუალება ფორტეპიანოზე დაუკრას და მონაწილეობა მიიღოს ფილარმონიის ორკესტრის რეპეტიციებში. იგი ეცნობა სხვა მუსიკალურ საკრავებსაც და თანდათან მათზე დაკვრასაც ერვევა. შინ კი პარტიტურებს სწავლობს, რომლებიც პროვეზიმ ათხოვა.

1828

აღდგომა დღეს ბუსეტოს თეატრში პირველად აუღერდა საჯაროდ ვერდის მუსიკა: ფილარმონიის ორკესტრმა შეასრულა ვერდის უვერტიურა როსინის „სევილიელი დალაქისათვის“ (იმ დროს ეს ჩვეულებრივი მოვლენა იყო. სხვათა შორის, როსინიმ თვითონვე „ისესხა“ თავისივე უვერტიურა ოპერიდან „ელიზაბეთი, ინგლისის დედოფალი“, რომელსაც წარმატება არა ჰქონია).

პირველი წარმატება ძალას მატებს ვერდის და მეტი სიბეჯითით განაგრძობს მუშაობას: ბარეცის ანსამბლს იგი უწერს მარშებს სასულე ორკესტრისათვის, არიებს, დუეტებს, საფორტეპიანო პიესებს და ბოლოს ქმნის თავის პირველ დიდ ნაწარმოებს — რვანაწილიან კანტატას ალფიერის ლექსებზე, სოლო ბარიტონისა და ორკესტრისათვის.

1829

შემოდგომაზე პროვეზი განაცხადებს: ვერდის სწავლა დამთავრებულიაო. ამ დროიდან ყმაწვილი ჯუზეპე მის ასისტენტად მუშაობს.

24 ოქტომბერი. ვერდი მეზობელ სოფელში მონაწილეობს კონკურსში ორგანიზატორის ადგილისათვის:

„იმასთან დაკავშირებით, რომ სორანიეს სამრევლო ეკლესიის ორგანიზტი სინორ ფრონდინი ამ დღეებში საკუთარი სურვილის მიხედვით ანებებს თავს სამსახურს, მის ადგილს ითხოვს სოფელ რინკოლეს მცხოვრები ჯუზეპე ვერდი; რაღა თქმა უნდა, მას შემდეგ, როცა იგი ჩააბარებს სათანადო დასტურებსა თუ საჯარო გამოცდებს“.

თავის თხოვნას ვერდემ პროვეზის რეკომენდაცია დაურთო: „მე, ქვემოთ ხელის მომწერი, ვადასტურებ სრულ ჭეშმარიტებას, რომ ოთხი წლის განმავლობაში ვერდი სწავლობდა ჩემთან მუსიკის თეორიასა და პრაქტიკას; ახლა მას უკვე შეუძლია დაიკავოს ორგანიზტის ადგილი, როგორც წირვის დროს, ისე სხვა შემთხვევაშიც, როცა საჭირო იქნება მუსიკალური თანხლება“.

მაგრამ ორგანიზტის ადგილი სხვას შეხვდება; ისე რომ, ვერდის სურვილი, საფუძვლიანად დახმარებოდა მშობლებს, ვერ ასრულდა; ჭაბუკი ბუსეტოში რჩება და სწავლას განაგრძობს. აქ გაეცნობა რომანტიკული ლიტერატურის გამოჩენილ ძეგლს — მანცონის რომანს — „დანიშნულები“. ქმნის მუსიკას.

1830

18 თებერვალი. პროვეზი ქალაქ ბუსეტოს თავს დაპატიჟებს მუსიკალურ-ლიტერატურული საზოგადოების მიერ გამართულ კონცერტზე, რომელიც ბარეცის სახლში გაიმართა. აქ უნდა აჟღერდეს ვერდის ახალი ნაწარმოებები. პროვეზი იტყვის: „კონცერტზე ქალაქის უმაღლესი ხელისუფლების დასწრება... გამამხნეველებელი იქნება გენიოსისთვის, რომლის დაბადების მოწმენი ჩვენა ვართ, და რომელიც მალე სამშობლოს საუკეთესო სამკაული გახდება“.

ახალგაზრდა კომპოზიტორის ნიჭი სულ უფრო და უფრო იფურჩქნება, მისი პოპულარობა დღითი დღე იზრდება. ბარეცი თავისი უფროსი ქალიშვილის, მარგერიტას, მუსიკალურ განათლებას მიანდობს ვერდის.

1831

14 მაისი. ვერდი ბარეცის ოჯახში გადასახლდება: წინა ღამით იქვე, მეზობლად, ვიღაც გაძარცვეს და მოკლეს კიდეც; ბარეცის ცოლი დაფეთებულია — ბავშვების გამოც და ქმრის გამოც, რომელიც ქალაქში ერთ-ერთ უმდიდრეს კაცად ითვლება; ბარეცის ცოლი დარწმუნებულია, რომ ახალგაზრდა კაცი თუ ეყოლებათ სახლში, ყაჩაღებისგან ერთგვარად დაცული იქნებიან.

იმავე დღეს კარლო ვერდი თხოვნას წარუდგენს ქალაქ ბუსეტოს საქველმოქმედო ფონდის „მონტე დი პიეტას“ ხელმძღვანელობას; სტიპენდიას თხოულობს შვილისთვის, რათა მან „საფუძვლიანად სრულყოს თავისი ცოდნა მუსიკის ხელოვნებაში, რაშიაც უკვე გამოამჟღავნა განსაკუთრებული ნიჭი — როგორც შემსრულებელმა და როგორც კომპოზიტორმა“. მამა მოწადინებულია, შვილი მილანის კონსერვატორიაში გაგზავნოს.

მარგერიტა ბარეცის და ვერდის შეუყვარდათ ერთმანეთი. ბარეცი უწონებს ქალიშვილს არჩევანს და, ახალგაზრდებს რომ ცხოვრება არ გაუჭირდეთ, თვითონვე კისრულობს ხარჯებს ვერდის სწავლის გაგრძელებისათვის.

14 დეკემბერი. ბარეცი კარლო ვერდისთან ერთად ხელახლა წერს თხოვნას და პარმის ჰერცოგის ქალს მარია-ლუიზას წარუდგენს; თან ჟაურთავს პროვეზის ახალ რეკომენდაციას.

1832

14 იანვარი. „მონტე დი პიეტას“ საზოგადოება ოთხი ხმით ორის წინააღმდეგ მხარს უჭერს ვერდის კანდიდატურას პირველივე გამოთავისუფლებული სტიპენდიანტის ადგილზე.

10 თებერვალს პარმაში შინაგან საქმეთა მინისტრი ხელს აწერს, ხოლო

13 თებერვალს ქალაქ ბუსეტოს თავმა გამოაცხადა გადაწყვეტილება, ოთხი წლის განმავლობაში ვერდი მიიღებს სტიპენდიას — სამას ლირას. ოღონდ პირველ ნაწილს მხოლოდ 1833 წლის ნოემბერში ძისცემენ. ბარეცი დახმარების ხელს გაუწვდის ვერდის და ავანსს აძლევს, რათა ჯუზეპე წელიწადნახევარი არ გაცდეს.

22 მაისი. რადგან ვერდი „საზღვარგარეთ“ მიდის, პარმაში გაუფორმეს, მის სიცოცხლეში პირველი, პასპორტი.

მაისის ბოლოს ვერდი მამასთან და პროვეზისთან ერთად მილანში ჩადის. ამ დიდმა ქალაქმა, თავისი 130 ათასი მცხოვრებით, მოაჯადოვა ვერდი. იგი დაბინავდა პროფესორ ჯუზეპე სელეტისთან, ვერდის ბუსეტოელი მასწავლებლის ძმისშვილთან.

ივნისის დამდეგს პროვეზი თავის მოწაფეს ჩააბარებს ვიოლინოს მასწავლებელს, სამოცდათხუთმეტი წლის ალექსანდრო როლას.

22 ივნისი. ვერდის „ლომბარდიისა და ვენეციის საიმპერატორო და სამეფო მთავრობის“ სახელზე შეაქვს თხოვნა, რომელშიც

„სთხოვს, მილანის საიმპერატორო-სამეფო მუსიკალურ კონსერვატორიაში მიიღონ იმ პირობით, რომ სწავლისა და კვების ფულს თვითონ გადაიხდის... იმედი აქვს, კონსერვატორიაში შესასვლელ გამოცდებზე აღმოაჩნდება ამ სასწავლებლის წესდების მეათე პარაგრაფით გათვალისწინებული ნიჭიერება და მიიღებს ამავე პარაგრაფით გათვალისწინებულ შეღავათებს, რაც ასე საჭიროა დაწესებულ წლოვანებაზე უფროსი სტუდენტისათვის: იგი ახლა 18 წლისაა“.

ივნისის მიწურულს ვერდი აბარებს კონსერვატორიაში მისაღებ გამოცდას. საგამოცდო კომისიის წევრები არიან: კომპოზიტორი ფრანჩესკო ბაზილი — კომისიის თავმჯდომარე, კონტრაპუნქტის მასწავლებელი ბიანტანიდა, ფორტეპიანოს კლასის ახალგაზრდა მასწავლებელი ანჟელერი და როლა.

2 ივლისი. ბაზილი კონსერვატორიის დირექტორს, გრაფ სორმონის, ატყობინებს: „სენიორ ანჯელერის აზრით, ვერდის ცუდადა აქვს დაყენებული ხელი, რისი გამოსწორებაც 18 წლის ჭაბუკისთვის ძნელი იქნება. რაც შეეხება გამოსაცდელის მიერ წარმოდგენილ საკუთარ კომპოზიციებს, სავსებით ვეთანხმები სენიორ ბიანტანიდას, რომ... თუ ვერდი სერიოზულად და მოთმინებით შეისწავლის კონტრაპუნქტის წესებს, დროთა განმავლობაში შესძლებს წარმართოს თავისი შემოქმედებითი ნიჭი, რომელიც, ეტყობა, ბუნებითა აქვს მიმადლებული, და ამრიგად, კომპოზიციაში წარმატებას მიაღწევს“. მაგრამ, რაკი ვერდი დაწესებულ ასაკზე მეტი ხნისაა, თან დიდი ნიჭიც არ გააჩნია, კომისია რეკომენდაციას არ აძლევს კონსერვატორიაში მისაღებად. სასწავლებელი ისედაც გადატვირთულია, თანაც ვერდი უცხოელად ითვლება.“

9 ივლისი. დირექტორის მოხსენების საფუძველზე გენერალ-გუბერნატორი უარს ეუბნება ვერდის კონსერვატორიაში ჩარიცხვაზე.

10 ივლისი. როლა მოკლედ ატყობინებს ვერდის კომისიის გადაწყვეტილებას: „კონსერვატორიაში შესვლაზე ფიქრს მოემშვიტ. სჯობს მუსიკის მასწავლებელი იშოვოთ ქალაქის მუსიკოსებს შორის. მე გირჩევთ ან ლავინიას ან ნეგრის“.

უარი გულს უტეხს ვერდისა და მის მშობლებს. მაგრამ ბარეცის ურყევად სწამს ვერდის ნიჭისა და მომავლისა. იგი გადაწყვეტს, შემდეგშიაც არ მოაკლოს ფინანსური დახმარება, მიუხედავად იმისა, რომ სწავლის ხარჯი ახლა უფრო ძვირი

დაუჯდება. ბარეცი კისრულობს აგრეთვე ბინის ქირის, ტანსაცმლის, ოპერის ამონემენტების და ნოტების ქირის საფასურის გადახდასაც.

ივლისის დამღევს ვერდი იწყებს სისტემატურ მეცადინეობას ვინჩენცო ლავინიასთან.

8 აგვისტო. ჯუზეპე სელეტი პირველ შედეგებს ატყობინებს ბარეცს: „ჯუზეპეს უკვე ხუთი გაკვეთილი ჩაუტარდა... ლავინია ძალიან ფურცდვებზე იყრდნობა და დოქტორ ფიჯერის განგვიცხადა: ვერდი ბევრს მუშაობს და წარმატების იმედი უნდა ჰქონდესო“.

1833

22 თებერვალი. „როგორც მანესტრო ლავინია ამბობს: ვერდი ძალიან ბეჯითობს, თვითონვე ვხედავ, როგორ თავაუღებლად მუშაობს დილიდან საღამომდე“, — სწერს სელეტი ბარეცის.

ლავინია გაუთავებლად აწერინებს თავის მოწაფეს კანონებსა და ფუგებს; ისინი ერთად განიხილავენ კორელის, ჰაიდნის, მოცარტის, ბეთჰოვენისა და მენდელსონის სიმფონიურ და კამერულ ნაწარმოებებს. განსაკუთრებით საფუძვლიანად შეისწავლიან პაიზიელოს სტილს. „ლა სკალას“ თეატრში ვერდი ისმენს მერკადანტეს, ლუიჯი რიჩის და დონიცეტის ოპერებს.

26 ივლისს ბუსეტოში გარდაიცვალა ფერდინანდო პროვეზი.

9 აგვისტოს ლა რონკოლეში გარდაიცვალა ვერდის უმცროსი და ჯუზეპინა.

აგვისტოს დამღევს მილანს გრიპის ეპიდემია მოედო. ვერდისაც შეეყარა გრიპი.

20 აგვისტო. სელეტი პირველად შესჩივლებს ბარეცს: „ვერდი მეცადინეობს, მაგრამ შენ უნდა შეუცუცხუნო, რომ უფრო იბეჯითოს. როგორმე წელს უნდა მორჩეს სწავლას; მართალი გითხრა, ჩემი ოჯახური მდგომარეობაც ისეთია, რომ აგვისტოს მერე ვეღარ გავაჩერებ ჩვენთან“.

22 ნოემბერი. ჯოვანი ფერარის (გუასტალიდან) თხოვნა შეაქვს, რათა გარდაცვლილი პროვეზის მაგივრად დირიჟორად და ორგანიტად დანიშნონ.

ნოემბრის მიწურულს ვერდიც წერს ასეთივე თხოვნას. ამას ბარეცი აიძულებს, რომელსაც ისევე, როგორც გარდაცვლილ პროვეზის, ძალიან უნდა თავისი აღზრდილი პროვეზის ადგილზე იხილოს ორგანიტად. მაგრამ ვერდის აღარ შეაქვს თხოვნა, რადგან დააჯერეს, რომ ამ ადგილისათვის გამართულ კონკურსში იგი გაიმარჯვებს.

11 დეკემბერი. ლავინია რეკომენდაციას აძლევს ვერდის: „გულწრფელად უნდა განვაცხადო, რომ ამ წუთამდე კმაყოფილი ვარ ვერდის ბეჯითობით და ალლოთი, რასაც იგი ჩემთან მეცადინეობის დროს იჩენს. ასე თუ განაგითარებს თავის ნიჭს კიდევ ერთი წლის განმავლობაში, იგი შეძლებს უხელმძღვანელოს ფილარმონიულ საზოგადოებას და გახდეს კომპოზიტორი“.

1834

მრავალ პატარა პიესასთან ერთად ვერდი წერს ორ სიმფონიას, რომლებიც ვიწრო წრეში შესრულდა. ახალგაზრდა კაცი თანდათან ეჩვევა მილანს და ეფუძნება იქ. იგი უმეგობრდება პიეტრო მასინის — ფილარმონიული საზოგადოების ხელმძღვანელს, მუსიკის დიდ მოყვარულს.

აპრილში ფილარმონიული საზოგადოების ერთ-ერთ რეპეტიციაზე დირიჟორი არ მოვიდა და მასინი ვერდისა სთხოვს, მის მაგივრად ჩემბალოს პარტია შეასრულოს ჰაიდნის ორატორიაში „სამყაროს შექმნა“. ვერდიმ ჩემბალოს პარტიაც კარ-

გად შეასრულა და ორკესტრსაც უდირიჟორა, თან ისე კარგად, რომ კონცერტზედაც მას მიანდეს დირიჟორობა.

ამის შემდეგ მან არაერთხელ იდირიჟორა ფილარმონიის თეატრში, არისტოკრატიულ „კაზინოშიც“ და სხვაგანაც. ახლა უკვე დიდგვაროვანი მფარველები გამოუჩნდებიან. ერთი მათგანი, გრაფი რენატო ბორომეო კანტატას ეწერდის. მასინი კისრულობს კანტატისათვის ლიბრეტოს მოპოვებას.

15 მაისი. ვერდი სულ უფრო და უფრო დამოუკიდებელი ხდება, შინ გვიან ბრუნდება და ამას მოთმინებიდან გამოჰყავს სელეტი, იგი აგვისტომდე აღარ დაიცვალის: „დღეს ვერდი ახალ ბინაზე გადადის“, — ატყობინებს სელეტი ბარეცის.

18 ივნისი. ბუსეტოს პროტოიერიე ჯან ბერნარდო ბალარინი კონკურსს არც კი გამოაცხადებს, ისე დანიშნავს ჯოვანი ფერარის ტაძრის ორგანიზტად და საექლესიო გუნდის ლოტბარად.

იმავე დღეს ვერდი მოულოდნელად ბუსეტოში ბრუნდება. მილანიდან მისი წასვლა გაქცევას უფრო ჰგავს: მან უარი უთხრა ბინის პატრონს და მასწავლებელსაც არ გამომშვიდობებია (მას იმედი გაუცრუა ლავინიამ: ერაზელ, როცა ლავინია ვერდის ინსტრუმენტირებას ასწორებდა თავისი კერპის პაიზიელოს სტილის მიხედვით, ვერდიმ უცებ გაიფიქრა, რომ მასწავლებლისა და მისი გზები გაიყარა: მანეტრო უკან იხედებოდა, მოწაფე კი წინ; სხვათა შორის, სწორედ ამიტომ იყო, რომ ვერდის ბევრი თავისი პიესა არც კი უჩვენებია მასწავლებლისათვის).

28 ივნისი. ფილარმონიის ორკესტრის მუსიკოსებთან ერთად ვერდი საჩივრით მიმართავს პარმის მმართველს იმის გამო, რომ ბალარინიმ კონკურსი არ გამოაცხადა.

პარმიდან პასუხი იგვიანებს, მიუხედავად იმისა, რომ ვერდი და მისი მომხრეები ცდილობენ დაახქარებინონ. ამასობაში მდგომარეობა ბუსეტოში სულ უფრო და უფრო მწვავედება. ორკესტრი ბოიკოტს უცხადებს ფერარის, ისე რომ იძულებული ხდებიან, მუსიკოსები სხვა ქალაქებიდან მოიწვიონ. ეკლესიის მსახურებს ვერდის სახელის გაგონებაც არ უნდათ. ქალაქი ორ ბანაკად გაიყო. „ვერდიელების“ რევოლუციურად განწყობილი პარტია და „ფერარისტების“ კონსერვატიული პარტია ისე გადაეკიდნენ ერთმანეთს, რომ ნამდვილი ომი გაიმართა მათ შორის. დღე ისე არ გავა, რომ არ იდავონ, არ იჩხუბონ, ზოგჯერ ქუჩებშიაც კი ხელჩართული ბრძოლები იმართება. ბალარინის ინფორმაციაზე დაყრდნობით, სან დომინოს ეპისკოპოსი ბორგო პარმის შინაგან საქმეთა მინისტრს ატყობინებს, რომ „მზადდება რევოლუცია“. ვერდი ძალიან შეწუხებულია ამ პროვინციული დავით.

ივლისში ვერდი ლიბრეტოს სთხოვს მასინის. ამაზე ჯერ კიდევ მილანში ჰქონდათ მოლაპარაკება.

5 აგვისტო. ვერდი თავის გეგმებს აცნობს ლავინიას:

„... მასინის მიეწერე, მაგრამ პასუხი არ მიმიღია. თუ სადმე შეხვდებით, გაახსენეთ, რომ მომწეროს იმ ლიბრეტოს შესახებ, რომელიც ტოსკას უნდა დაეწერა ჩემთვის“.

ზაფხულსა და შემოდგომაზე ვერდი, ფილარმონიის მუსიკოსებთან ერთად, კონცერტებს მართავს ბუსეტოში და მის მახლობლად. ამასთან მის ნაწარმოებებსაც ხშირად ასრულებენ. ვერდის პოპულარობა დღითი დღე იზრდება.

15 დეკემბერი. ვერდი მილანში ბრუნდება სწავლის დასამთავრებლად.

1835

22 იანვარი. პარმის შინაგან საქმეთა მინისტრი ხელს აწერს გადაწყვეტილებას: ეკლესიის ორგანიზტად ფერარის დანიშვნა მას კანონიერად მიაჩნია და მხარს უჭერს. ხოლო რაც შეეხება ფილარმონიის საზოგადოების დირექტორის თანამდებობას, ისევე, როგორც მასწავლებლის ადგილს, ამაზე ბრძანებს, რომ უფროსად აცხადდეს. „ფილარმონისტების“ ბანაკი ზეიმობს, ხოლო ფერარის მთავრობის მხარე უფროსად აცხადებენ.

25 ივნისი. მარია-ლუიზას განკარგულებით, ფილარმონიის საზოგადოების დირექტორის დანიშვნასთან დაკავშირებით — ან, უფრო სწორად, მისი ხელფასის საკითხის გადასაწყვეტად — უნდა დაინიშნოს ბუსეტოს საქალაქო გამგეობის რიგგარეშე თათბირი. თათბირს, ქალაქის თავის გარდა, არც ერთი დაინტერესებული პირი არ უნდა დაესწროს. ამასთან მან არ მიიღო ვერდისა და „ფილარმონისტების“ მიერ ერთი წლის წინ შეტანილი საჩივარი, როგორც ყოველგვარ საფუძველს მოკლებული, იმ მოტივით, რომ ეკლესიის ორგანიზტის დანიშვნა ეკლესიის კომპეტენციაში შედის. ამ გადაწყვეტილების მიხედვით, ბალარინის არავითარი კანონი არ დაურღვევია.

მილანში გატარებულ წლის პირველ ნახევარს ვერდი სწავლის დასრულებას ანდომებს. დროდადრო შეივლის ხოლმე ლავინიასთან, მაგრამ უფრო ხშირად „ლა სკალაში“ და კაფეებში ნახავთ.

როსინის, დონიცეტის, ბელინის ოპერებში ვერდი ამჩნევს იმას, რაც ლავინიამ ვერ შეასწავლა: ორკესტრირების ხასიათს, სასცენო მუსიკის თავისებურებას. კაფეებში კი, ამ კულტურული ცხოვრების ცენტრებში, იგი სასარგებლო კავშირებს ამყარებს. აქ დაუმეგობრდება, მაგალითად, „ლა სკალას“ პირველ ვიოლინოს ვინჩენცო მერიგის, რომელსაც დიდი თეატრალური გამოცდილება აქვს და პრაქტიკულ რჩევებს აძლევს ვერდის; აქვე ხდება პოეტ ანტონიო პიაცას, მისი პირველი ოპერის ლიბრეტისტს.

25 ივლისი. ვერდი ბუსეტოში ბრუნდება და თან ორი მნიშვნელოვანი ქალაქი მიაქვს. ერთი მათგანია პიაცას ლიბრეტო (სხვადასხვა დასახელებები, რომლებიც წერილებში ვგვხვდება — „ლორდი ჰამილტონი“, „როჩესტერი“, „ობერტო“ — ეტყობა, ერთსა და იმავე ნაწარმოებს, უფრო სწორად, მის სხვადასხვა ვარიანტებს უხება), მეორე — ლავინიას რეკომენდაციაა, სადაც იგი ქებით მოიხსენიებს ვერდის, წერს, რომ მან უკვე დაამთავრა კონტრაპუნქტის შესწავლა, ბოლოს კი დასძენს: „... მიმაჩნია, რომ ვერდის ისევე კარგად შეუძლია შეასრულოს თავისი საქმე, როგორც ნებისმიერ ღირსეულ კაპელმეისტერს“.

მაგრამ, კაცმა რომ თქვას, ამ რეკომენდაციაზე მნიშვნელოვანი ლავინიას მტკიცე დაპირება იყო, რითაც მან თავისი მოწაფე გამოისტუმრა: თუ ვერ მოახერხებ შეებრძოლო ინტრიგებს, რაც ბუსეტოში მოგელის, ნუ დაღონდები, მე გიშოვი კარგ ხელფასიან სამსახურს — მონცში ახლახან გათავისუფლდა ეკლესიის ორგანიზტის ადგილი.

28 ივლისი. „ვწერ ოპერას... იმედი მაქვს, სანამ შენ მილანში დაბრუნდებოდე, ყველა ნომრის მონახაზი უკვე მზად მექნება. შემატყობინე ყველა მომღერლის შესახებ, რომელიც ამ ბოლო ხანებში აკადემიაში¹ მოვისმენია, რათა მათი ხმების დიაპაზონები გავითვალისწინო“ (ვერდის წერილიდან მასინისადმი).

1. XVIII—XIX — საუკუნეში აკადემიას ეძახდნენ მუსიკის შემსრულებელთა კონცერტებს, რომლებსაც მუსიკის მოყვარულთა საზოგადოება მართავდა, აგრეთვე მუსიკოსების ყრძო კონცერტებს.

11 ოქტომბერი. რაკი ფილარმონიის საზოგადოების ხელმძღვანელის ხელფასი ბუსეტოში დაბალია, ფერარის მომხრეები კი თავიანთ სრიკებს განაგრძობენ, ვერდი იძულებულია მონცში სცადოს ბედი. მაგრამ მისი მომხრე ფილარმონისტები ენერგიულად ეწინააღმდეგებიან ამას, და ვერდიც უყოყმანობს, ვერ გადაუწყვეტია.

11 დეკემბერი. მონცის ქალაქის მმართველობის დაყენებით, ლავინია პირდაპირ პასუხს მოითხოვს ვერდისაგან: „პო თუ არა!“

15 დეკემბერი. ვერდის პასუხი იწყება ციტატით დანტედან („ჯოჯოხეთი“, IV, 4).

„ახალი ვნებანი — ახალი წამებულნი“. როცა ვიფიქრე, ჩემს უბედურებას, როგორც იქნა, ბოლო მოეღო და ამიერიდან მშვიდად და პატიოსნად შემიძლია, ლუკმა პური მოვიპოვო-მეთქი, ერთბაშად ფსკერზე აღმოვჩნდი, სადაც მხოლოდ წყვდიადსა ვხედავ. გასულ შაბათს მილანში ჩამოსვლას ვაპირებდი და ერთი დღით ადრე კაცი გავეგზავნე პარმაში პასპორტის ჩამოსატანად. მაგრამ, გაიგეს თუ არა ბუსეტოში, წასვლას აპირებდნენ, ერთი ამბავი ატყდა. „ფილარმონისტების“ მოწინააღმდეგეები ზეიმობდნენ და ლანძღვა-ვინებით იკლებდნენ თავიანთ მტრებს. ჩემი გულდაწყვეტილი მომხრეები კი მე და ბარეცის მოგვდგნენ. საქმე იქამდე მივიდა, რომ „ფილარმონისტებმა“ შემახსენეს, რა თავგამოდებით მიჭერდნენ მხარს, რა შეურაცხყოფა გადაუტანიათ ჩემ გამო; წამომძახეს, რა სიკეთე მიყო ჩემმა ქალაქმა, და ისიც დამაყვედრეს, ახლაც ჩვენივე ნებით ვიკისრეთ ვალდებულება, წლიური ხელფასი ათას ფრანკამდე გავიზარდოთო; ბოლოს, ჩემი უარით გაგულისებულებმა, დაშინებაც დამიწყეს, დამემუქრნენ კიდევ, თუ მაინც არ დაიშლი და წასვლას დაიწყებ, ძალით დაგტოვებთ ბუსეტოშიო.

მაინც არ დავიშლიდი, მაშინვე წამოვიდოდი, მაგრამ ვიცოდი, რომ თითქმის მთელი ქალაქის სიძულვილი ჩემს კეთილისმყოფელ ბარეცის დაატყდებოდა. არც დაყვედრება, არც დაშინება არ დამაკავებდა, რადგან იმ მცირე სტიპენდიის გამო, რასაც „მონტე დი პიეტას“ საზოგადოება მაძლევდა მილანში სწავლის დროს, თავს ხომ ვერ დავიმცირებ, მონად ხომ ვერავის გავუხდები! მაშინ იძულებული ვიქნები, ეს სიკეთე გულუხვობად კი არა, სიმდაბლედ ჩავთვალო. მხოლოდ ამ ერთი მიზეზის გამო დავრჩი ბუსეტოში. ახლა კი ჩემს დიდ მსხვერპლს ახალი გულისტკივილი დავმატა: იმის შეგნება, რომ ამდენი შეგაწუხეთ და არც კი შემიძლია გამოვიყენო თქვენი სიკეთე. ეს მიკლავს გულს. ნეტა კი შემეძლოს და ახლავე დიდი სიხარულით გამოვასწორებდი ამას... მაგრამ რაც უკვე გითხარით, იმას ვერაფერს დავუმატებ თავის გასამართლებლად“...

(ვერდიმ მართლაც მსხვერპლი გაიღო, შინ რომ დარჩა: მონცში სამჯერ მეტი ექნებოდა ხელფასი).

1836

23 იანვარი. ქალაქის თავი აცხადებს კონკურსს ბუსეტოს ფილარმონიის საზოგადოების ხელმძღვანელის თანამდებობაზე. ხელფასი — 657 ლირა წელიწადში.

27-28 თებერვალი. პარმაში, სასახლის ორგანიზტი მანესტრო ჯუზეპე ალინოვი, ბუსეტოს ორგანიზტის თანამდებობაზე შესარჩევად სცდის კონკურსის მონაწილეებს. პრეტენდენტებმა, ეტყობა, ადრევე გაიგეს, რა ტალანტის პატრონი იყო ვერდი, და ორი მათგანი სულაც არ გამოცხადებულა კონკურსზე, მესამემ კი უარი თქვა გამოცდაზე. ფერარის ფიქრადაც არ მოუვიდოდა, ვერდის გასჯიბრებოდა.

29 თებერვალი. ვერდი ბარეცის სწერს გამოცდების შედეგს:

„შაბათს... ალინოვიმ... გამომცადა შემდეგ საგნებში: ფორტეპიანოზე დაკვრა,

სიმღერა, პარტიტურის კითხვა და იმპროვიზაცია. ჯერ ჩემი ვარიაციები შევასრულე. ალინოვის ძალიან მოეწონა, და ცოტა ხნის შემდეგ თავიდან გამეპოეობინა, რათა უფრო კარგად აღექვა. მერე შემომთავაზა დამეკრა ნაწყვეტები თეატრების სპექტაკლებიდან, მაგრამ ამაზე უარი ვთქვი, რადგან ამ მელოდიებს კარგად ვიცნობდი. გარდა ამისა, შევასრულე დონიცეტის ერთი კვარტეტი სემპრონო-კვარტეტი ბისათვის, პარტიტურით, რომელშიაც უამრავი შეცდომა იყო; მგონო, გმნგმმ კგააკეთეს, რათა დაკვრისას გამესწორებინა. ყველაფერმა კარგად ჩაიარა და ალინოვა ძალიან კმაყოფილი დარჩა... გუშინ დილის რვა საათზე მივედი ალინოვისთან; მომცა თემა ოთხნიმედიანი ფუგისათვის, რომელიც სალამოს ექვსი საათის შემდეგ დავამთავრე...”

იმავე დღეს ალინოვიმ სხვების თანდასწრებით განუცხადა ვერდის: „აქამდე მკაცრი გამომცდელის როლს ვასრულებდი, ახლა კი მინდა თქვენი თაყვანისმცემელი გავხდე. ამ ფუგას დასრულებული მაესტროც მოაწერდა ხელს; ეს ფუგა დაბეჭდვას იმსახურებს. თქვენ ისეთი ცოდნა გამოამჟღავნეთ, ბუსეტო კი არა, პარიზი ან ლონდონიც არ იტყოდა უარს ასეთ მაესტროზე“.

5 მარტი. შინაგან საქმეთა მინისტრის ბრძანებით, ვერდი ინიშნება ბუსეტოს ფილარმონიის საზოგადოების ხელმძღვანელად.

14 მარტი. ქალაქის თავი ცხრა წლით სდებს ხელშეკრულებას ვერდისთან. ეს ხელშეკრულება შეიძლება დაირღვეს მესამე და მეექვსე წლის დამლევს, ოღონდ ექვსი თვით ადრე. ვერდიმ მუდმივად უნდა იცხოვროს ბუსეტოში. მას ეკუთვნის ორი თვის შვებულება (სექტემბერ-ოქტომბერი). ვალდებულია კვირაში ხუთი დღე, დღეში სამ-სამი საათი მაინც ამეცადინოს მოწაფეები, აგრეთვე უხელმძღვანელოს ფილარმონიის ორკესტრის რეპეტიციებსა და კონცერტებს.

16 აპრილი. ვერდიმ ოფიციალურად დანიშნა ბარეცის ქალიშვილი მარგერიტა.

4 მაისი. ვერდი და მარგერიტა ბარეცი დაქორწინდნენ.

ზაფხულში. მთელი დღის მუშაობით დაღლილი ვერდი ბეჯითად მუშაობს კომპოზიციაში. ფილარმონიის ორკესტრის თხოვნით წერს მრავალ, მცირე ზომის პიესებს.

სექტემბერი. ვერდის პირველი ოპერის („როჩესტერი“) პარტიტურა თითქმის მზად არის, მხოლოდ ზოგი დეტალი აკლია.

14 სექტემბერი. მილანში გარდაიცვალა ვერდის მასწავლებელი ლავინია.

1837

26 მარტი. დაიბადა ვერდის პირმშო, გოგონა ვირჯინია.

სექტემბერ-ოქტომბერი. შვებულების დროს ვერდი ცდილობს მოახერხოს თავისი ოპერის დადგმა ჯერ მილანში, შემდეგ კი პარმაში, მაგრამ მოლაპარაკებები უშედეგოდ მთავრდება.

3 ნოემბერს ვერდი მილანელ მეგობარს, მასინის, უზიარებს თავის უბედობას.

„სრულიად დათრგუნვილი, გულგატეხილი დავბრუნდი შინ; ერთი ბეწო იმედიც კი არ დამრჩა. საწყალ ახალგაზრდობას ისღა დარჩენია ისწავლოს! — ჯილდოს მაინც ვერ ეღირსება. იქნებ შენ მოელაპარაკო მერელის და გაიგო, შეიძლება თუ არა, ჩემი ოპერა მილანის რომელიმე თეატრში დაიდგას? უპირველეს ყოვლისა, უთხარი, რომ ჩემი სურვილია, პარტიტურა გამოცდილმა მუსიკოსებმა განიხილონ. თუ ისინი დაიწყებენ, მაშინ სულაც არ მინდა ამ ოპერის დადგმა. თუ ამ თხოვნას

შემისრულებ, დიდად დამავალებ. იქნებ როგორმე ამომათრიო ამ არარაობიდან; სამუდამოდ შენი მოვალე გავხდები. პიაცა ნახე და ერთად მოილაპარაკეთ..."

1838



წლის დამდეგს ვერდი წერს ექვს რომანსს (ორი მათგანი გამოქვეყნებულია "ლექსებზეა შექმნილი — იტალიური თარგმანის მიხედვით). ამ რომანსებს მილანის პატარა გამომცემლობა „კანტი“. ეს ვერდის პირველი გამოქვეყნებული ნაწარმოებებია.

11 ივლისს დაიბადა ვერდის ვაჟი, იჩილიო.

12 აგვისტოს ვარდაიცვალა ვერდის პირმშო, ვირჯინია.

ეს თავზარდამცემი უბედურება კიდევ უფრო განუმტკიცებს რწმენას ვერდის, რაც შეიძლება ჩქარა წავიდეს ბუსეტოდან. აქ რომ დარჩეს, მისი ოპერა ვერასოდეს იხილავს სცენას, მით უმეტეს, რომ ბუსეტოში განუწყვეტელი დავა მხოლოდ ნერვებს უწეწავს.

5 სექტემბერს ვერდი სწერს სიმამრს:

„მას შემდეგ, რაც ბუსეტოში ვცხოვრობ, სულ ვცდილობ, რაც შეიძლება ნაკლებად შეგაწუხოთ და იმედი მაქვს, არასოდეს გამომიჩენია უტაქტობა. არც ახლა მაქვს ამის სურვილი, მაგრამ მაინც უნდა ჩავიდინო უტაქტობა. თქვენ იცით, რომ მე და გეტა გასართობად კი არ მივდივართ მილანში, არამედ ჩემი ნაწარმოების გამო. წესით, იქ მთელი შვებულება უნდა გავატარო, მაგრამ ფული არ მეყოფა. ჩემი გამოანგარიშებით 120-130 ფრანკი კიდევ დაგვჭირდება. თუ სიკეთეს გამოიჩენთ და მასესხებთ ამ თანხას, როცა დავბრუნდები, ვალის ვადასახდელად შემოგთავაზებთ ჩემს ერთი თვის ხელფასს; ჩემს მოგართმევთ განსახდურულ თანხაზე, ხოლო დანარჩენი მე დამრჩება“.

8 სექტემბერი. ბარეცი ხელს გაუმართავს ახალგაზრდებს, და ვერდი მეუღლითურთ მილანში მიდის. მილანში დღესასწაულია: ავსტრიის იმპერატორ ფერდინანდ პირველის კორონაციის აღსანიშნავად გამოცხადებულია პოლიტიკური ამნისტია. იმპერატორისა და დედოფლის პატივსაცემად „ლა სკალაში“ საზეიმო სპექტაკლები იმართება. როსინის ოპერების გარდა ყველაზე მეტი წარმატება კორტეზის ბალეტ „ნაბუქოდონოსორსა“ ხვდა.

ვერდის ოპერის ლიბრეტო „ლა სკალას“ თეატრის გავლენიანი ანტრეპრენიორის, მერელის ხელში მოხვდება. იგი ავტორს ბევრ მნიშვნელოვან შესწორებას სთავაზობს და ჰპირდება, რომ ოპერა გახაფხულზე, სხვა საქველმოქმედო სპექტაკლებთან ერთად, დაიდგება სცენაზე. ანტრეპრენიორი ურჩევს, სცენარის შესასწორებლად ახალგაზრდა პოეტს, თემისტოკლო სოლერას მიმართოს.

ოქტომბრის შუა რიცხვებში ვერდი, მარგერიტასთან ერთად, ბუსეტოში ბრუნდება. ახალგაზრდა კომპოზიტორი ოპერის გადამუშავებას შეუდგება.


28 ოქტომბერს ვერდი მიმართავს ახალ ქალაქის თავს:

„კარგად ვხედავ, რომ ისეთი სარგებლობა ვერ მომაქვს ჩემი საწყალი ქალაქისათვის, როგორც მე მინდა. ვწუხვარ, რომ გარემოება ხელს მიშლის, ჩემი შრომის ნაყოფი ვაჩვენო ქალაქს, სადაც პირველად გამიმართეს ხელი, ჩემს ხელოვნებაში წარმატებისთვის მიმედნია.“

ოჯახზე ზრუნვა მაიძულებს, სხვაგან ვეძიო ის, რასაც მშობლიურ ქალაქში

ვერ მივალწიე... ამიტომ გიცხადებთ, რომ 1839 წლის 10 მაისიდან ველარ ვიმსახურებ მუსიკაში ქალაქის მავსტროს თანამდებობაზე“.

დეკემბრის დამღევს ქალაქის თავი სინანულით ასრულებს ვერდის თხოვნას და ღრმა პატივისცემას გამოთქვამს ახალგაზრდა კომპოზიტორის მიმართ.



1839

6 თებერვალი. ვერდი ოჯახით მილანში გადასახლდა. აქ კომპოზიტორი, სოლერასთან ერთად, ამთავრებს ოპერა „ობერტოს“ ვადამუშავებას. მალე „ლა სკალაში“ იწყება ამ ოპერის მომზადება, მაგრამ ერთი მომღერლის ავადმყოფობის გამო რეპეტიციები შეწყდება.

4 სექტემბერი. სასოწარკვეთილებაში ჩავარდნილი ვერდი ისევ სიმამრს მიმართავს:

„... ბინა ჯერ ვერ დავიქირავე, რადგან ყველა წინასწარ თხოულობს ფულს. მე კი ფული არა მაქვს და იძულებული ვარ, ისევ თქვენ შეგაწუხოთ... თანხა, რომელიც აუცილებლად მჭირდება, ჩემი გამოანგარიშებით, 350 ლირაა. თუ თქვენ არ გამომიწვდით ხელს, იმ კაცის მდგომარეობაში აღმოვჩნდები, რომელიც მიცურავს, უკვე ხედავს ნაპირს, ლამის ხელი მიაწვდინოს, მაგრამ... ძალა გამოცლილი კვდება“.

ბარეცი ისევ ეხმარება ვერდის, მისი მეუღლეს მალულად ხელს უწყობს ახალგაზრდებს.

ოქტომბერი. ვერდის შვილი, იჩილიო, ავად გახდება. ახლა ექიმისთვის და წამლებისთვის სჭირდებათ ფული.

22 ოქტომბერს იჩილიო გარდაიცვალა.

ოქტომბრის მიწურულს „ლა სკალაში“ ისევ იწყება „ობერტოს“ რეპეტიციები. ბავშვის სიკვდილით თავზარდაცემული ვერდი იძულებულია შინ მარტო დატოვოს დარდით განადგურებული მეუღლე, რათა შთააგონოს მსახიობები და თვალი მიადევნოს სპექტაკლზე მუშაობას.

17 ნოემბერს „ლა სკალაში“ წარმატებით ჩატარდა ვერდის პირველი ოპერის „ობერტო, გრაფი სან ბონიფაჩოს“ პრემიერა (ქალების როლები შეასრულეს: რაინერმა და შოუმ, კაცებისა — სალვიმ და მარინიმ). !

კრიტიკოსების აზრი გაიყო: „...ვერდის ნაწარმოები შესანიშნავი ღირსებებით არის შემკული, მაგრამ, სამწუხაროდ, სიახლეებით არ გამოირჩევა („ფიგარო“).

ჟურნალი „ლა ფამა“ (უწყებანი): „მუსიკა ძალიან უახლოვდება ბელინის სტილს, მელოდია უხვად იღვრება, იქნებ შედმეტადაც, რადგან იქ, სადაც ტექსტი თხოულობს ძალას და მგზნებარებას, ჟღერა ფერმკრთალი, ერთფეროვანი ხდება“.

„მოდა“: თავის სტილს, შთაგონებას ვერდი არავეისგან არ სესხულობს: დონიცეტისა და ბელინისაგან ხომ ნამდვილად არა, წარმოიდგინეთ, არც მარ კანდანტესგან და მით უმეტეს, არც ქროსინისგან.

პრემიერას ვერდის ბუსეტოელი თაყვანისმცემლებიც დაესწრნენ ბარეცის მეტაურობით. მათთვის ეს დღე დღესასწაული იყო. სეზონის ბოლომდე ოპერა კიდევ თოთხმეტჯერ წარმოადგინეს.

მუსიკალური გამომცემელი ჯოვანი რიკორდი გამოსცემს ფორტეპიანოსათვის გადაკეთებულ „ობერტოს“. პონორარს, 2 000 ლირას, ვერდი და მერული იყოფენ. ამის შემდეგ იმპრესარიო ვერდის სთავაზობს ახალ ხელშეკრულებას: შეუკვეთს სამ ოპერას, თითოეულს 4 000 ლირად. ვერდი თანახმაა. |

1840

იანვარ-თებერვალი. ვერდი ეძებს ლიბრეტოს. ჯ. როსის ნაწარმოები „განდვენილი“, რომელიც მერელიმ შესთავაზა, არ შეეფერება მის ჩანაფიქრს. ბოლოს და ბოლოს, შეთანხმდნენ კომიკურ ოპერაზე. ლიბრეტოს საფუძვლად აირჩიეს ფ. რომანის „ცრუ სტანისლავი ანუ მეფობის დღე“.

მარტი. ვერდი ავად გახდა. ახალგაზრდა ოჯახი ხელმოკლედ დატოვა კუინის ქირის გადასახდელად მარგერიტა იძულებულია თავისი ძვირფასეულობა დაავიროს.

ივნისი. მარგერიტა ენცეფალიტით დაავადდა.

18 ივნისს მარგერიტა გარდაიცვალა.

22 ივნისი. დამწუხრებული ვერდი ბარეცის მიპყავს ბუსეტოში.

კომპოზიტორს აღარც ძალა შერჩა, აღარც რწმენა, და მერელის სთხოვს, გააუქმოს ხელშეკრულება, მაგრამ იმპრესარიო უარზეა.

ივლისის დამლევს ვერდი, რომელიც მშობლიურ სახლში ცოტა მომჯობინდა, მილანში ბრუნდება, რადგან მერელიმ სთხოვა, თბერა დაემთავრებინა.

5 სექტემბერს „ლა სკალას“ თეატრში გაიმართა „ცრუ სტანისლავის“ პრემიერა (ქალის როლებს ასრულებდნენ — მარინი და აბაღია; კაცებისას — სალვი, ფერლოტი, სკალესე და რივერე).

„ეტყობა ამ „სტანისლავში“ შთაგონება სულ შემოეღია ვერდის“ („ფიგარო“).

ეს ოპერა „... ვერც გამოუვიდოდა მხიარული“ („ლა ფამა“).

კომპოზიტორი ისევ მოიცვა მელანქოლიამ. თვეობით ცხოვრობს ისე, თითქოს სულიერი დამბლა აქვსო.

17 ოქტომბერს მერელიმ განაახლა „ობერტოს“ დადგმა. მას უნდა გამოაცოცხლოს ვერდი, სიმხნევე შთაუნერგოს, მაგრამ ვერაფერს გახდება და ბოლოს იძულებულია, დაუბრუნოს ვერდის ხელშეკრულება. „მე არ შემიძლია ძალით დაგაწერინო ოპერა, მაგრამ მაინც მჯერა შენი. ვინ იცის, იქნებ ერთ მშვენიერ დღეს ისევ დაიწყო მუშაობა. მაშინ საკმარისი იქნება სეზონის დაწყებამდე ორი თვით ადრე შემატყობინო და სიტყვას გაძლევ, უმაღვე დავდგამ შენს ოპერას“.

დეკემბრის მიწურული. ერთხელ მერელი შემთხვევით შეხვდა ქუჩაში ვერდის და შესჩივლა: ნიკოლაი უარს ამბობს დაწეროს მუსიკა სოლერას შესანიშნავ ლიბრეტოზე „ნაბუქოდონოსორი“, მიუხედავად იმისა, რომ კორტეზის ბალეტის წყალობით ეს თემა უკვე შეუყვარდა მსმენელს. ვერდი სთავაზობს როსის „განდვენილს“, რომელიც ოდესღაც ვერდის მეორე ოპერისათვის დაიწერა. მერელი, პასუხის მაგივრად, ხელში აჩრის ვერდის „ნაბუქოდონოსორს“ და ეხვეწება, წაიკითხე მაინცო.

„მივდიოდი ქუჩაში და გულს რაღაც გაურკვეველი ნაღველი შემოსწოლოდა — მთელი არსება ღრმა მწუხარებას და სევდას მოეცვა. მივედი სახლში და ლამის გაცეცხლებულმა დავაგდე ხელნაწერი მაკიდაზე. რვეული დავარდა და გადაიშალა. უნებურად შევაჩერე მზერა ჩემს წინ გადაშლილ ფურცელზე და ერთი სტრიქონი მეცა თვალში: „მამ, გაფრინდი ფიქრო, ოქროსფერ ფრთებით“... გადავხედე შემდეგ სტრიქონებს და — ღრმა შთაბეჭდილება მოახდინეს ჩემზე...“

დილისთვის ვერდიმ მთელი ტექსტი თითქმის ზეპირად იცის. მერელის კი დაუბრუნებს რვეულს, მაგრამ იმპრესარიო მაშინვე შეამჩნევს, რა ხდება ვერდის გულში, უსიტყვოდ ჩასჩრის რვეულს ჯიბეში და მაშინვე შინ გაისტუმრებს.

ვერდის მტკიცედ ჰქონდა გადაწყვეტილი აღარაფერი დაეწერა, მაგრამ ამდენი

ტრაგიკული ამბებით სავსე წელი ჯერ გასულიც არ იყო, რომ ეს გადაწყვეტილება შეირყა.

**„კატორღული შრომის წლები“
(1841-1850)**

1841



იანვარ-სექტემბერი. „დღეს ერთი სტრიქონი, ხვალ მეორე, ერთხელ — ნოტი, მეორედ — სტრიქონი, და ასე თანდათანობით დაიწერა ოპერა“.

ოქტომბერი. ვერდი უცხადებს მერელის, რომ ოპერა დაამთავრა, თან დანაპირებს შეახსენებს და სთხოვს შეიტანოს სეზონის პროგრამაში, რომელიც 26 დეკემბერს იწყება. მერელი სთავაზობს: გაზაფხულამდე მოვიცადოთ, რადგან სამ ოპერაზე უკვე დადებული მაქვს ხელშეკრულება და მეოთხის დადგმა დიდი მატერიალური რისკი იქნება ჩემთვისო. მაგრამ ვერდი ჯიუტობს და მერელიც დაეთანხმება.

21 დეკემბერს გამოაქვეყნეს თატრ „ლა სკალას“ ზამთრის სეზონის რეპერტუარი, მაგრამ „ნაბუქოდონოსორი“ შიგ არ არის! ვერდი მაშინვე მისწერს მერელის: იგი აღშფოთებულია იმპრესარიოს საქციელით.

22 დეკემბერი. მერელი მიიპატიეებს ვერდის თავისთან. „განა ასეთი ტონით წერენ მეგობარს? — ეკითხება იგი. — ეშმაკმა დალახვროს! კეთილი, დავდგათ „ნაბუქო“... („ნაბუქოდონოსორის“ უფრო პოპულარული სახელწოდება). მაგრამ მე ვერ მოგამარაგებთ ვერც ახალი დეკორაციებით, ვერც ახალი ტანსაცმლით; ყველაფერი ეს როგორმე უნდა გადავაკეთოთ იმისგან, რაც საწყობში გვაქვს“. კიდევ ერთი პირობა: ვერდომ უნდა აჩვენოს ეს ოპერა ჯუზეპინა სტრეპონის და დაითანხმოს, რომ მან იმღეროს მთავარი პარტია. ვერდი ესტუმრა სახელგანთქმულ მომღერალს, რომელიც დათანხმდა ემღერა მის ოპერაში.

23 დეკემბერი. ვერდომ დაუკრა და მოასმენინა მთელი ოპერა სტრეპონის, ხოლო შემდეგ თავისივე არჩეულ ბარიტონს — რონკონის. ორივე კმაყოფილია თავისი პარტიით და ხალისით შეუდგებიან როლების დასწავლას.

26 დეკემბერი. სეზონის გახსნის დღეს, პირველსავე სპექტაკლზე გამოაცხადეს ახალი პროგრამა: დაიდგმება ახალი ოპერები: დონიცეტის „მარია პადილა“, ნინის ოდალისკა“, ნიკოლაის „განდევნილი“ და ვერდის „ნაბუქოდონოსორი“.

1842

თებერვლის მიწურულს „ლა სკალაში“ იწყება „ნაბუქოს“ რეპეტიციები.

9 მარტი. „ნაბუქოს“ პრემიერამ დიდი წარმატებით ჩაიარა (ქალის მთავარ როლებში — სტრეპონი და ბელინცაგი, კაცებისაში — რონკონი, მირალია, დერივისი).

„პირველი ოპერიდან მოყოლებული ვერდი შემოქმედებითად თანდათან მდიდრდება, მისმა სულიერმა სამყარომ თავისებური გზა გაიარა, იმდენად დიდი გზა, ზოგიერთ კრიტიკოსს კიდევ რომ არ უნდოდეს აღიაროს, ვერდის ახალი ოპერა დრამატული მუსიკის სფეროში პროგრესიათ, იმას მაინც ვერ უარყოფს, რა უშველებელი, ის კი არა და, უჩვეულო ნაბიჯია წინ გადადგმული მისი შემოქმედებითი ძალების განვითარებაში... ვერდის მულოდინების სამყარო ყოვლისმომცველი, ბუნებრივი, ნარნარი და ნათელია — არსად იგრძნობა ძალდატანება, დვლარჭნილობა...“ („ლა გაზეტა და მილანო“).

„თემა სერიოზულია, დიადი, წარმოსახვის აღმძვრელი... და კომპოზიტორი

თითქმის გაუთანაბრდა მას სიღიაღეში. მისმა მუსიკამ შესძრა მსმენელი, რამდენიმე ნომერს კი აღფრთოვანებული ტაში მოჰყვა („ფიგარო“).

10-19 მარტი. სეზონის დამთავრებამდე ოპერა „ნაბუქო“ კიდევ ერთხელ შესრულდა და ყოველ წარმოდგენაზე წარმატება მატულობდა. ეს, თავისი კონცეფციით ერთიანი დრამა, რომლის სტილი დიდი მწუხარებით გამოწვეულ დაქვეითებულ წლებში მომწიფდა, დიდი ნახტომი იყო ვერდის ადრე შექმნილ ორ ოპერასთან შედარებით. „ნაბუქოს“ ვერ აჯობა ვერდის შემდეგმა ოპერებმა, ხანამ „რიგოლეტო“ არ შექმნა. „ნაბუქოს“ წყალობით ვერდი, მისივე სიტყვებით რომ ვთქვათ, არარაობიდან ამალდა: ამ წარმატების შედეგი იყო, რომ ჯოვანი რიკორდომ შესთავაზა ხელშეკრულება მისი ყველა ნაწარმოების დაბეჭდვაზე. მერელიმ შესთავაზა ხელშეკრულება შეკვეთა ახალ ოპერაზე და მასვე მიანდო პონორარის რაოდენობის განსაზღვრა. სტრეპონის რჩევით, ვერდიმ 8 000 ავსტრიული ლირა მოითხოვა, იმდენი რამდენიც ბელინიმ მიიღო „ნორმაში“... მერელი დათანხმდა.

ზაფხულში ვერდი ჩადის ბოლონიასა და ბუსეტოში. იქიდან სწერს თავის მილანელ ნაცნობს ქალბატონ ემილია მორაზინის:

„ბოლონიაში 5-ნ დღე ვავატარე. როსინის სახახავად ჩავედი. ძალიან თავაზიანად მიმიღო და გულწრფელი მომეჩვენა ეს თავაზიანობა. ყოველ შემთხვევაში, ძალიან კმაყოფილი დავრჩი. როცა გავიფიქრებ, რომ როსინი მსოფლიოში სახელგანთქმული ცოცხალი კომპოზიტორია, მზადა ვარ, თავიც მოვიკლა და ჩემთან ერთად ყველა სულელიც მოვკლა. ო, რა დიდებულია — იყო როსინი!“

21 ივლისი.

„ახალი ოპერა ჯერ არ დამიწყია, ლიბრეტო არა მაქვს“, —

ასე გამოხატავს ვერდი თავისი უკმაყოფილების ერთ-ერთ მიზეზს მორაზინისადმი მიწერილ შემდგომ წერილში.

13 აგვისტო. მერელი „ნაბუქოთი“ სსნის ახალ სეზონს „ლა სკალაში“. ნოემბრის თვემდე ეს ოპერა 57-ჯერ შესრულდა. ოპერაში ზოგიერთი ახალი მომღერალიც მონაწილეობდა.

შემოდგომაზე სოლერა ამთავრებს ახალ ლიბრეტოს. მისი სახელწოდებაა „ლომბარდიელები პირველ ჯვაროსნულ ლაშქრობაში“.

ზამთარში ვერდი ხან მილანშია და ხან ბუსეტოში, ახალ ოპერას წერს.

გუნდს „ნაბუქოდან“ „მაშ, გაფრანდი ფიქრო...“ იტალიელი ხალხი ისე მღეროდა, როგორც სიმღერას სანუკეარ თავისუფლებაზე. ოჯახს ვერ ნახავდი იტალიაში იმ დროს, რომლის წევრიც ავსტრიის ციხეში არ მჯდარიყო; ან ციხეში იჯდა ან პოლიციას ემალეობდა. კარბონარების მოძრაობა ადგილს უთმობდა ასპარეზზე ახლადგამოსულ „ახალგაზრდა იტალიას“, რომელსაც მაძინი ხელმძღვანელობდა. „ნაბუქოს“ ავტორმა თავის ოპერაში პირველად გამოთქვა მშობელი ხალხის ფიქრები და მისწრაფებანი. ამის შემდეგ იტალიელი ხალხის განთავისუფლებისა და ქვეყნის გაერთიანებისათვის მებრძოლნი აღფრთოვანებით ელიან ვერდის ახალ ქმნილებებს.

იტალიის განმათავისუფლებელ მოძრაობას სამი ლიდერი ჰყავდა — მაძინი, გარიბალდი და კავური. ისინი სხვადასხვა ხერხებით და გზებით იბრძოდნენ ერთიანი, დამოუკიდებელი იტალიისათვის. მათ სახელებს მიემატა მეოთხე სახელი — „ნაბუქოს“ ავტორისა.

1843

იანვრის დამლევს მილანის ეპისკოპოსი, კარდინალი გაისრუკი პროტესტით მიმართავს პოლიციის უფროსს ტორესანის: იგი აღშფოთებულია „ლომბარდიელებით“, რადგან ზოგ სცენაში დასცინიან საეკლესიო წესებს. მაგრამ ვერდი თავის აზრს იცავს. რამდენიმე უმნიშვნელო შესწორების გარდა ტექსტი უცვლელი რჩება.

11 თებერვალს „ლა სკალაში“ დიდი წარმატებით ჩაიდენს „ლომბარდიელების“ პრემიერა (მთავარ როლებში: მომღერალი ქალი ფრეცოლინი, კაცები — გუასკო და დერვისი). სეზონის ბოლომდე ეს ოპერა ოცდაშვიდჯერ იდგმება. „ო, სინიორ, ჩემო მოძმევ...“ — ამ არიამ პოპულარობით თითქმის გადააჭარბა გუნდს, — „მაშ, გაფრინდი ფიქრო...“

„ამ ნაწარმოებში, როგორც ნაწილობრივ წინა ქმნილებებშიც, ვერდიმ უკუაგდო მსუბუქი მელოდიები, რაც მანამდე ახასიათებდა იტალიურ მუსიკას. მან შეათავსა ფილოსოფიური აზრი დიდებულ პარმონიასთან და ნარნარ მელოდიასთან; უარი თქვა ღვლარჭნილობისა და სამკაულების ფუჭ სილამაზეზე და ხელოვნება დააყენა დრამატული სიმართლის გამოხატვის სამსახურში. უარყო რთული ტექნიკური საშუალებები და მტკიცედ გადაწყვიტა, დაუბრუნოს სიმღერას პირვანდელი უბრალოება, მომხიბლავი, ნათელი მუსიკალური ენა...“ („ლა გაზეტა მუსიკალე დი მილანო“).

„ერთი სიტყვით, მეტისმეტად ბევრია ერთმარცვლოვანი, ნაწყვეტ-ნაწყვეტი სიტყვები; საერთოდ აქ აკომპანიმენტი უფრო ბატონობს, ვიდრე სიმღერა“ („ფიგარო“).

20 მარტი. ვერდი მიდის ვენაში „ნაბუქოს“ პრემიერაზე.

4 აპრილი. შინ მიმავალი ვერდი ქალაქ უდინოდან წერილს სწერს ვენეციის თეატრის „ლა ფენიჩეს“ გენერალურ დირექტორს, გრაფ მოჩენიგოს, რომელმაც ვერდის სთხოვა ოპერა თავისი თეატრისათვის:

„ნება მომეცით, რამდენიმე შენიშვნა გავაკეთო თქვენს წერილში ხაზგასმული პირობების შესახებ. სამწუხაროდ, თხუთმეტ დეკემბრამდე ვერ მოგაწვდით მთლიანად დამთავრებულ პარტიტურას. მაგრამ შემიძლია გამოვიგზავნოთ დასრულებული კომპოზიცია, იქიდან შეიძლება ყველა პარტიისა და გუნდის ამოწერა. რაც შეეხება ორკესტრირებას, ჩვეულებად მაქვს: ვამთავრებ მაშინ, როცა იწყება რეპეტიციება ფორტეპიანოსთან. სამწუხაროდ, ვერც ლიბრეტოს გადმოცემით, ვინაიდან ალბათ — ის კი არა და, ნამდვილად — ჯერ ვერ მივაგნებ ლიბრეტოს დამწერ პოეტს.“

14 აპრილი. ვერდი ბუსეტოს გავლით ჩადის პარმაში.

17 აპრილი. პარმის თეატრში ხანგრძლივი ავადმყოფობის შემდეგ „ნაბუქოში“ პირველად იმღერა ჯუზეპინა სტრეპონიმი.

3 მაისი. ვერდი პარმიდან სწერს მოჩენიგოს:

„მე ვერ მივიღებ იმ თანხას, რომელიც თქვენმა ბრწყინვალეობამ ამა თვის პირველი რიცხვის წერილში შემომთავაზა. გამოვითვალე, რა დაჯდა „ლომბარდიელების“ დადგმა, აგრეთვე ლიბრეტოს ფული, ვენეციაში ჩასვლა, იქ ცხოვრება, და ვხედავ, რომ ახალ ოპერაში იმაზე ბევრად ნაკლებ თანხას მივიღებდი, ვიდრე „ლომბარდიელებში“ გადამიხადეს. მომავალ წელს კი ეს თანხა აღარ დამაკმაყოფილებს. მე დავდგამ „ლომბარდიელებს“, დავწერ ახალ ოპერას, სრულ პარტიტურას გადავცემ ანტრეპრიზის განკარგულებაში, ლიბრეტოს ფულსაც გადავიხდი, თეატრი კი 12 000 (თორმეტი ათას) ავსტრიულ ლირას გადამიხდის... წინასწარ გაფრთხილებით, ამაზე ნაკლებ თანხაზე არაფრის დიდებით არ დავთანხმდები“.

25 მაისი. მოჩენივთ თანხმობა განუცხადა და ვერდი ახალ პირობებს დაუმართებს: „ახალი ოპერის შემსრულებლებს კომპოზიტორი თვითონ ამოარჩევს დასის წევრებისაგან“.

6 ივნისი. მილანში ჩასვლისთანავე ვერდი ვენეციაში გავზავნის ხელმოწერილ ხელშეკრულებას. ამგვარად, ჯერ არც ლიბრეტისტი პუაეს, არც თემა შეურჩევია...

11 ივნისი.

„ჩემი სურვილია ლიბრეტო გრანდიოზული იყოს და ამავე დროს ვსწავლობთ სავსე, თანაც უნდა განსხვავდებოდეს „ნაბუქოსა“ და „ლომბარდიელებისაგან“. დიდი მგზნებარება და ბევრი მოქმედება უნდა იყოს ლიბრეტოში. და ეს ყველაფერი, რაც შეიძლება, მოკლედ“.

16 ივნისი. ვერდი ჯერჯერობით ორჭოფულად პასუხობს ფრანჩესკო პიავეს, რომელმაც ვენეციის თეატრის დავალებით მიმართა კომპოზიტორს.

8 აგვისტო. ვერდი პიავეს აცნობს თავის მოსაზრებას დრამატურგიაზე (ჯერჯერობით „კრომველის“ ლიბრეტოს შესახებ):

„თქვენ ჩემზე უკეთ მოგეხსენებათ, რომ შთაბეჭდაობას ვერ მიაღწევ ამ თანრში, თუ მოქმედება არ იქნა; ამიტომ რაც შეიძლება ნაკლები სიტყვები...“

მე არასოდეს ვბოჭავ პოეტის გენიას...

მართალია, ზოგჯერ გავბედავ და ჩავერევი ხოლმე, მაგრამ ამას ნაწარმოების საერთო ეფექტისათვის ვაკეთებ და არა ჩემთვის, რადგან ჩემთვის სულერთია — ვინდ ღუეტი დამიწერია, ვინდა არია ამა თუ იმ ლექსის ზომაზე. სიმოკლეს კი იმიტომ ვარჩევ, რომ მაყურებელს სურს ასე“.

27 აგვისტო. „კრომველის“ ლიბრეტოს შესახებ:

„გულწრფელად მიხარია, რომ მუშაობა დაამთავრეთ. ყველას გააცანით, ვისაც საჭიროა, და მერე გამომიგზავნეთ, რათა ჩქარა შევუდგე მუშაობას“.

5 სექტემბერი. მოჩენივთსადმი წერილი პიავეს სასოწარკვეთილებაში ჩააგდებს:

„თეატრის მოთხოვნებს თუ გავითვალისწინებთ, „კრომველი“, რა თქმა უნდა, ვერაფერი საინტერესო იქნება... ო, რომ შეიძლებოდეს „ერნანის“ დადგმა, მართლაც რომ შესანიშნავი იქნებოდა. მართალია, პოეტისათვის დიდი სამუშაოა, მაგრამ, ჯერ ერთი, მე ავუნაზღაურებ შრომას, და გარდა ამისა, ოპერა გაცილებით დიდ შთაბეჭდილებას მოახდენს მსმენელზე“.

2 ოქტომბერი. ვერდი სწერს პიავეს, რომელიც მცირე წინააღმდეგობის შემდეგ თანახმა გახდა:

„მივიღე ორი ნაწყვეტი „ერნანიდან“. შესანიშნავი ლექსებია. ძალიან კმაყოფილი ვარ. ამგვარადვე თუ გააგრძელებთ, ბრწყინვალე პოემა გამოვა“.

ოქტომბერ-ნოემბერი. პიავე ლიბრეტოზე მუშაობს, ვერდი მუსიკას წერს და დროდადრო უამრავი ცვლილებების შეტანას სთხოვს პოეტს.

15 ნოემბერი. ვერდი თავის შეხედულებებს აცნობს თეატრ „ფენიჩეს“ მდივანს ბრენეს:

„როგორც თქვენი წერილიდან გავიგე, პიავეს ძალიან სურს, როგორმე დამითანხმოს, რაც შეიძლება ნაკლები ცვლილებები შევიტანოთ დამთავრებულ ლიბრეტოში. მე არასოდეს არ შევაწუხებდი პოეტს, ჩემი გულისათვის ერთი სტრიქონი მაინც შეეცვალა. მე უკვე დავწერე მუსიკა სოლერას სამ ლიბრეტოზე და, თუ შევადარებთ ორიგინალს, რომელიც ჩემთან ინახება, დაბეჭდილ ლიბრეტოს, აღმო-

ჩნდება, რომ ლექსებში ძალიან ცოტა შესწორებაა შეტანილი, ისიც თვითონ სოლერას სურვილით.

მაგრამ სოლერამ უკვე ხუთი თუ ექვსი ლიბრეტო დაწერა, კარგად იცნობს თეატრს, მის შემოქმედებას მაყურებელზე, და მუსიკალურ ფორმებს. სენიორი პიავე კი პირველად წერს ლიბრეტოს და, ბუნებრივია, ნაკლებად ერკვევა ამ საქმეში. აბა, რომელ ქალს შეუძლია ზედიზედ იმდეროს გრძელი კავატინა, დუეტო, ტრიოს ბოლო ნაწილი და მთელი ფინალი, როგორც „ერნანის“ პირველ მოქმედებაში აქვს პიავეს?.. არ არსებობს ფილტვები, ასეთი დატვირთვა აიტანოს. ან რომელ კომპოზიტორს შეუძლია მუსიკა შექმნას რეჩიტატივის ას სტრიქონზე, როგორც მესამე მოქმედებაშია, და თავი არ მოაბეზროს მაყურებელს? „ნაბუქოსა“ ან „ლომბარდიელების“ ოთხ მოქმედებაში საერთოდ ვერ შეიკრიბება ას სტრიქონზე მეტი რეჩიტატივი... გთხოვთ, ეს ყველაფერი აუხსნათ პიავეს და დაარწმუნოთ. მართალია, მეც არა მაქვს დიდი გამოცდილება, მაგრამ ერთი წელიწადი გავატარე თეატრში, ყველაფერს ვაკვირდებოდი და დავრწმუნდი: ბევრი ნაწარმოები აიცდენდა მარცხს, მათში კარგად რომ ყოფილიყო განაწილებული ნომრები, გათვალისწინებული ეფექტები და უფრო ნათელი ყოფილიყო მუსიკალური ფორმები... ერთი სიტყვით, ლიბრეტისტსა და კომპოზიტორს მეტი გამოცდილება რომ ჰქონოდათ. ხშირად ხდება: საკმაოდ გრძელი რეჩიტატივი, ფრაზა, სენტენცია, რომლებიც მშვენიერი იქნებოდნენ წიგნში და მოსათმენი დრამაში, ოპერაში სასაცილო ხდება ხოლმე“.

1 ლექსების ვერდი მიემგზავრება ვენეციაში.

12 ლექსები.

„ვენეცია მშვენიერია, პოეტური, ღვთიური, მაგრამ... მე ვერ ვიცხოვრებდი აქ. „ერნანი“ წინ მიიწევს და პოეტი ყველა ჩემს სურვილს ასრულებს“.

26 ლექსები. „ლომბარდიელების“ პრემიერა ვენეციაში. ამის შესახებ ვერდი სწერს გრაფის მეუღლე აპიანის:

„ოპერა გრანდიოზულად ჩაფლავდა, ეს იყო ჭეშმარიტად კლასიკური ფიასკო. ყველაფერი უარყვეს ან ძლივძლივობით მიიღეს, გარდა აჩრდილის კაბალეტასი. ასეთია ეს უბრალო, მაგრამ მართალი ისტორია, რომელსაც ვიამბობთ უსიხარულოდ, მაგრამ არა გულსტკივილით“.

29 ლექსები. ვერდი აპირებს „ფენიჩესთან“ ხელშეკრულების დარღვევას, რადგან ერნანის პარტიის შემსრულებლად დანიშნეს მომღერალი, რომელიც არ აკმაყოფილებს მის მოთხოვნებს. ავტორს არა სურს, რომ „ერნანისაც“ „ლომბარდიელების“ ბედი ეწიოს.

1844

10 იანვარს ვერონაში მომღერალი ქალი სტრეპონი მღერის „ნაბუქოში“. კომპოზიტორიც ესწრება ოპერას.

თებერვალი. ვენეციაში საქმე კარგად ვერ მიდის: ვერდი ავადმყოფობს, ოპერის დადგმისთვის ხეირიანად ვერ ემზადებიან.

2 მარტი. ვერდი და პიავე იძულებულნი არიან პროტესტი განაცხადონ:

„ქვემოთ ხელის მომწერებმა საფუძვლიანად აწონ-დაწონეს საქმის ვითარება და თქვენი ბრწყინვალეების ყურადღებას მიაპყრობენ იმას, რომ ოპერა „ერნანის“ დადგმა არ შეიძლება, სანამ კოსტიუმები და დეკორაციები მთლიანად არ იქნება

მზად. ეს მარტო ანტრეპრიზის ინტერესებში კი არ შედის — საერთოდ საჭიროა, სპექტაკლმა კარგი შთაბეჭდილება მოახდინოს მაყურებელზე და თავიდან ავიცილინოთ დამღუპველი მარცხი.“

9 მარტი. დონიკეტი სწერს გრაფის მეუღლე აპიანის ვენაში:

„გწერთ, და ჯერ არც კი ვიცი, რა არტისტულ ბედს ეწია ჩვენი ვერდი. ღმერთსა ვთხოვ, ბედმა გაუღიმოს, რაშიც ეჭვი არ მეპარება. თქვენს კარგად მიცნობთ, ამიტომ ზედმეტი იქნება იმის თქმა, რომ ჩემი სურვილები გულწრფელია. თავის დასაცავად იმასლა დავუმატებ, რომ ყველგან ვაქებ ვერდისაც და მის ტალანტსაც, თავი რომ დავანებოთ ჩემს ძალიან მეგობრულ განწყობას ამ ადამიანისადმი.“

ჯოვანიანო ბარეცი ვენეციიდან სწერს მამას: „დღეს სალამოს უნდა ვიდღესასწაულოთ ვერდის ტრიუმფი და მსოფლიოში პირველი კომპოზიტორის გვირგვინი დავადგათ...“

სალამოს „ერნანის“ პრემიერას (მონაწილეობდნენ ლევე და გუასკო) მაინცდამაინც დიდი წარმატება არა ხვდა.

10 მარტს ვერდი ატყობინებს გრაფის მეუღლე აპიანის:

„წუხელ „ერნანის“ საკმაოდ ნუგეშისმომცემი წარმატება ხვდა. ოპერაში რომ ემღერათ, არ ვიტყვი ბრწყინვალე, მაგრამ ისეთ მომღერლებს მაინც, ვისაც ინტონირება შეუძლია, „ერნანის“ ისეთივე წარმატება ექნებოდა, როგორც „ლომბარდიელებს“ და „ნაბუქოს“ მილანში. გუასკოს ხმა ჰქონდა ჩახლეჩილი და ძლივს მღეროდა. ლევე კი ისეთ შეცდომებს უშვებდა, რომ მეტი არ შეიძლება. ყველა ნომერს ასე თუ ისე უკრავდნენ ტაშს, გარდა გუასკოს კავატიანასი.“

ჯოვანიანო ბარეცი უფრო დაწვრილებით წერს: „რვა საათზე უნდა დაწყებულიყო, მაგრამ არაფერი არ აღმოჩნდა ადგილზე. გუასკო მთელი საათი ყვიროდა და, რა თქმა უნდა, ჩაიხრინწა. მეორე და მესამე, მესამე და მეოთხე მოქმედებებს შორის ორმოცდახუთი წუთი ვიცდიდით, იმიტომ რომ ყველაფერი ყირამალა იდგა. ღმერთმანი, ისეთი მუსიკა რომ არა ყოფილიყო, როგორც გუწინ გწერდი, სპექტაკლს ბოლომდე ვერ მივიყვანდით...“

მეორე წარმოდგენამ უკვე ნორმალურად ჩაიარა. ორკესტრმა და აღფრთოვანებულმა ხალხმა ვერდი სახლამდე გააცილა.

„სადარბაზოებში, ქუჩებში, დარბაზებში და გასართობ ადგილებში ყველას პირზე აკერია ახალი მელოდიები... მუსიკა სავსეა ტკბილი ჰანგებით, დახვეწილი თანაჟღერით და ბრწყინვალე ინსტრუმენტირებით („გონდოლიორი“).

14-20 მარტი. ვერდი ბუსეტოსა და პარმის გავლით მილანში ბრუნდება. კომპოზიტორი ლიბრეტოს ეძებს. „ლა სკალას“ გარდა, რომის, ნეაპოლის, ფლორენციის და პადუის თეატრებიც აპირებენ შეუკვეთონ მას ოპერა.

21 მარტი. ვერდის წერილების ასლები გადააქვს რვეულებში. ეს ჩანაწერები ცნობილია სახელწოდებით „წერილების ასლები“. აქ მას გადააქვს ყველაზე მნიშვნელოვანი წერილები. პირველად ჩაწერა ფლაუტოსადმი, ნეაპოლის თეატრ „სან კარლოს“ ანტრეპრენიორისადმი, მიწერილი ბარათი. ამ წერილში ვერდი ჰპირდება ნეაპოლის თეატრს, რომ 1845 წლის დამლევამდე შექმნას ოპერა კამარანოს ლიბრეტოზე.

3-10 აპრილი. ვერდი დაესწრო „ერნანის“ პრემიერას რომში და მოელაპარაკა თეატრ „არენტინას“ ხელმძღვანელობას ახალი ოპერის თემაზე. მან აირჩია ბაირონის პოემა „ორი ფოსკარი“.

12 აპრილი. ვერდი ახალი ოპერის, „ატილას“, იდეას მიაწვდის პიავეს.

„გივზავნი ვერნერის ტრაგედიის სქემას. აქ არის ორი შესანიშნავი, ეფექტებით სავსე ადგილი... წაიკითხე დე სტალის „გერმანია“... მე მგონი, აქედან კარგა რამ გამოვა. თუ ამას სერიოზულად მოეკიდები, ნამდვილად შენს საუკეთესო ლიბრეტოს დაწერ. მაგრამ მას ჩაკირკიტებული მუშაობა დასჭირდება.“

15 აპრილი. ვერდიმ მოწაფე აიყვანა — ემანუელ მუსციკალისტი ბარეცის ახალი პროტეჟე და ბუსეტოს საზოგადოება „მონტე დი პიეტას“ სტრუქტურისა.

16 აპრილი. ნაწყვეტი პიავეს პასუხიდან რიკორდის წერილზე, რომელმაც ეტყობა უკვე იცოდა, რომ ვიქტორ ჰიუგომ ვერდის ოპერა „ერნანის“ უწოდა პოემის დედნის „სულელური გაყალბება“ და პიავეს სთხოვა ლიბრეტოს გადაკეთება: „თქვენგან შემოთავაზებული გადაკეთება ურთულეს საქმედ მიმაჩნია. მე შემძლია შევცვალო მოქმედების დრო და ადგილი, მოქმედი პირები, ვითარება, მაგრამ ვნებებს ვერ შევცვლი. ვერდის მუსიკა ამ ვნებებიდან იბადება და, თუ ეს ამოვიღეთ, მუსიკაც გაუფასურდება...“

ახლა პიავე იძულებულია შეუდგეს „ორი ფოსკარის“ ლიბრეტოს წერას, რადგან ვერდი აჩქარებს.

14-22 მაისი.

„ახლახან მივიღე „ორი ფოსკარი“. დიდებული, უმშვენიერესი, უბრწყინვალესი დრამაა!.. მაგრამ მე ჩემს აზრს გულწრფელად გამოვთქვამ იმ მეგობრული გულწრფელობით, რაც ჩვენ შორის უნდა იყოს.“

პირველი სცენა ძალიან კარგია, პირველი გუნდის ლექსები შესანიშნავია და, ალბათ, ხვალვე დაეწერ ამის მუსიკას. მაგრამ, ჩემის აზრით, იაკოპოს სუსტი ხასიათი აქვს და სცენური გამომხატველობაც აკლია... ეს როლი აუცილებლად უნდა გაასწორო.

ჩემის აზრით, ბაირონის პოემას აკლია სცენური ბრწყინვალეობა, რასაც ოპერისგან მოითხოვენ. იმტვრიე თავი და მიაგენი რაღაცას, რაც დიდ ხმაურს გამოიწვევს, განსაკუთრებით პირველ მოქმედებაში... თუ ღმერთი გწამს, დროზე გამომიგზავნე სქემა...

მესამე მოქმედებაც ისე გადააკეთე, როგორც მოვილაპარაკეთ, და ეცადე გუნდში დროდადრო შეიჭრას გონდოლიორის სიმღერა.

არ შეიძლება ეს საღამოხანს ხდებოდეს? რომ მზის ჩასვლის მშვენიერება ვაჩვენოთ?“

ამავე დროს, ვერდი ფიქრობს „ერნანის“ მომავალ პრემიერაზე ვენაში. კომპოზიტორი სწერს დონიცეტის:

„მოულოდნელი სიამოვნება ვიგრძენი, როცა პერდონისადმი მიწერილი თქვენი წერილი წავიკითხე, რომელშიც თავაზიანად გეთავაზობთ დახმარებას ჩემი „ერნანის“ რეპეტიციებზე. ყოველგვარი ყოყმანის გარეშე და დიდი მადლიერებით მივიღე ეს თავაზიანი წინადადება; რადგან ცხადზე უცხადესია, რომ ჩემს ნოტებს სარგებლობის მეტს ვერაფერს მოუტანს დონიცეტის მზრუნველობა.“

ამრიგად, იმედი უნდა ვიქონიო, რომ ამ ნაწარმოების სული გადმოცემული იქნება პრემიერაში“ (დონიცეტი გრაფის მეუღლე აპიანის პირით მადლობას უხდის ვერდის ნდობისათვის).

მაისი. ვერდიმ ლა რონკოლეში მცირე მამული შეიძინა.

11 აგვისტო. ვერდი ესწრება „ერნანის“ პრემიერას ბერგამოში (ელვირას როლი სტრეპონიმ შეასრულა).

სექტემბერი. „ორი ფოსკარი“ მზადაა, ვერდი გემით ლივორნოს გავლით მიემგზავრება რომში — პრემიერაზე.

3 ნოემბერი. „ორი ფოსკარის“ პრემიერა (მონაწილეობდნენ: ბარბიერი — ნინი და დე ბასიანი) ცივად მიიღეს, მაგრამ მომდევნო სპექტაკლებს უფრო კარგად შეხვდა მაყურებელი.

17 ნოემბერი. ვერდი მილანში ბრუნდება და იწყებს მუშაობას „^{ვერდის} ჯანა დ'არკაზე“ — ამ ოპერას იგი მერელის შეპირდა. მაგრამ სოლერა ლიბრეტოს აგვიანებს.

26 დეკემბერი. თეატრ „ლა სკალამი“ — სუსტი რეჟისურით და მეტისმეტი ბრწყინვალეობით — განაახლეს „ლომბარდიელები“. ვერდიმ გადაწყვიტა შეწყვიტოს კავშირი მერელისთან და ოპერა აღარ დაწეროს მისთვის.

1845

იანვრის დამლევს ვერდი ამთავრებს „ჯანა დ'არკას“.

15 თებერვალი. „ლა სკალამი“ „ჯანა დ'არკის“ პრემიერამ (მონაწილეობდნენ ფრეცოლინი, პოჯჯი, კოლინი) იმაზე ნაკლები წარმატებით ჩაიარა, ვიდრე ელოდნენ.

16 თებერვალი. ვერდი სწერს პიავეს:

„ოპერა ბედნიერად დასრულდა, მიუხედავად იმისა, რომ ბევრი მოწინააღმდეგე ჰყავდა. უდავოა, ეს ოპერა ჩემს სხვა ოპერებზე უკეთესია“.

„... გამოჩენილმა კომპოზიტორმა, რომელიც სწორედ დაუცხრომელი ძიებებისთვის უდიდესი ქების ღირსია, ამ ოპერაში არასაკმარისად გამოაფლინა თავისი გენიალური შემოქმედებითი ფანტაზია, თუმცა ეს მუსიკა, ისევე როგორც მისი ბევრი ქმნილება, სავსეა ლამაზი პანგებით. ვარდა ამისა, ბევრი მელოდიის სისადავისა და სიმშვიდის წყალობით, ის ჭეშმარიტი მშვენიერების ნორმებს უბრუნდება“ („ლა გაზეტა დი მილანო“).

12 მარტი. რიკორდიზე გაჯავრებული ვერდი მოლაპარაკებას გამართავს ლუკას გამომცემლობის ფირმასთან. კომპოზიტორი პირდება მას, რომ 1848 წლის კარნავალისთვის დაუწერს ოპერას. პიანორარს მოითხოვს 1200 ნაპალეონდორს ოქროთი (დაახლოებით 24 000 ლირა).

21 აპრილი. ვერდი გადალლილია, ავადმყოფობს, ისევე აწუხებს კუჭისა და ყელის ტკივილი. იგი შესჩივის დემალდიეს:

„მოუთმენლად ველი, როდის გავა ეს სამი წელი. ჯერ ექვსი ოპერა მაქვს დასაწერი და მერე — მშვიდობით“.

25 აპრილი.

„სამწუხაროდ, უნდა შეგატყობინოთ, რომ დანიშნულ დროზე ვერ გამოგცემთ ოპერას, რადგან ეჭიმებმა გამომიცხადეს, ერთი თვე მაინც უნდა დაისვენო...“ (სწერს ნეაპოლში ფლაუტოს).

27 მაისი. ვერდი ვენეციაში ისვენებს და იქვე იწყებს ლიბრეტოზე მუშაობას ნეაპოლისთვის. მას მოსწონს კამარინოს პოემა „ალზირა“, რომელიც ვოლტერის მოტივებზე დაიწერა, და მხოლოდ ერთ ნაკლზე მიუთითებს:

„მაპატიეთ ამ შენიშვნისთვის, მაგრამ ხომ არ გეჩვენებათ, რომ ზედიზედ სამი კავატინა ძალიან ბევრია?..“

12 ივნისი. ვერდის უსიამოვნება შეემთხვა: მან ოდესღაც მეგობრულ საუბარში რაღაც თქვა, ბუსეტოელებმა ეს თითზე დაიხვიეს და გამორჩენის მიზნით ლამის სახელი გაუტეხეს ვერდის სხვადასხვა მთაწარმებთან. განაცხადეს: გვირგვინი ავაშენოთ ვერდის სახელობის თეატრი და შიგ კომპოზიტორის ბიუსტი დავდვათო. იმედი ჰქონდათ, რომ კარგ მატერიალურ დახმარებას მიიღებდნენ, რომ ვერდი თეატრის საზეიმო გახსნისთვის დაწერდა ოპერას და გამოჩენილ მომღერლებსაც მიეწვევდა. ვერდი ცდილობს ბარეცის დახმარებით ვნებათაღელვა დააცხროს:

„ვიმეორებ: მიმართვაში არავითარ შემთხვევაში არ უნდა ეხსენებინათ ჩემი სახელი, მით უმეტეს, რომ პატივმოყვარე ადამიანად გამომიყვანეს, რომელიც თავს იკლავს, რათა თავისი სახელობის თეატრი გახსნან და შიგ მისივე ქანდაკება გამოჰქიმონ. ძალიან გთხოვთ, რამე იღონოთ, რომ გეგმა მე არ გამომიგზავნონ და იძულებული არ ვაგხდუ მოვიწონო...“

20 ივლისი. ვერდი ნეაპოლში მიემგზავრება.

30 ივლისი. ვერდი საოცარი ობიექტურობით სწერს მაფეის „ალზირას“ შესახებ:

„ოპერის ორკესტრირებასაც მოვრჩი. ოღონდ მოგვიანებით დაიდგმება, დაახლოებით ცხრა აგვისტოს. ამ ოპერაზე ვერავითარ აზრს ვერ გამოვთქვამ, რადგან თითქმის შეუმჩნეველად დავწერე, სრულიად ძალდაუტანებლად; წარმატებაც რომ არა ხვდეს, გული არ მეტკინება. მაგრამ თქვენ ნუ იღელვებთ, არ ჩაფლავდება. მომღერლები კარგად მღერიან და რაღაც კარგიც უნდა იყოს შიგ“.

12 აგვისტოს ნეაპოლში საკმაოდ კარგად ჩაიარა „ალზირას“ პრემიერამ (მთავარ როლში — ტადელინი). „უამრავი მაყურებელი, რომელიც მგზნებარე მოუთმენლობით ელოდა „ალზირას“, ზეიმობდა... ამ ძალიან მოკლე ოპერამ ტაშის გრი-ალში ჩაიარა. მაგრამ, მე მგონი, ბევრი ლამაზი ადგილი შეუმჩნეველი დარჩა, რადგან ფილიგრანული სამუშაო ადვილად ვერ აღიქმება ხოლმე“ („ლა გაზეტა მუზიკალე დი მილანო“).

„ჩემი პირველი საღამოები სპექტაკლები კი არა — შეხლა-შემოხლაა. იძულებული ვარ ვებრძოლო: პარტიებს, ეშმაკს, ცრურწმენას; ეშმაკსაც წაუღია ესენი. „ალზირა“ ისევე მთეწონათ, როგორც ვენეციაში „ერნანი“ პირველ საღამოს. იმედი მაქვს, რაც დრო გავა, უფრო მოეწონებათ, და ვინ იცის, კიდევ როდემდე დარჩება რეპერტუარში. თუ არა ვცდები, როგორც ჩვეულებრივ, რამდენიმე ქალაქში დაიდგმება, თანაც მალე, რადგან, ჩემის აზრით, ეს ოპერა უფრო შთამბეჭდავია, ვიდრე „ორი ფოსკარი“.

21 აგვისტო. ვერდი დაემშვიდობა თავის ნეაპოლელ მეგობრებს (დე სანკტისს, მერელის, დელფიკოს, ფლორიკოს და ჯენოვესის) და მილანში დაბრუნდა.

სექტემბრის დამდეგს ვერდი ბუსეტოში ყიდულობს სახლს და აწესრიგებს თავის სამეურნეო საქმეებს. იქვე ეწვევა პარიზელი ლეონ ესკიუდიე, რომელსაც უნდა იყიდოს უფლება ვერდის ნაწარმოებების საფრანგეთში გამოსაცემად. ეწვევა აგრეთვე ლონდონელი ანტრეპრენიორი ლამლი, რომელიც კომპოზიტორს სთხოვს დაუწეროს ახალი ოპერა ლონდონის სამეფო თეატრისათვის. ვერდი ორივესთან დადებს ხელშეკრულებას.

12 სექტემბერი.

„ამ დღეებში დავიწყებ ვენეციისთვის „ატილას“ შექმნას. რა საოცარი თემაა! ლექსები სოლერამ დაწერა და ძალიან კმაყოფილი ვარ... რა მშვენიერი იქნებოდა

„ატილა“ პარიზის გრანდ-ოპერაში!.. ნეტა, არ შეიძლება, ორი წლის შემდეგ რომ დადგათ იქ? იმ დროისათვის თავისუფალი ვიქნები და თუკი შესაძლებელი იქნება, ნამდვილად დაიდგას რომელიმე ჩემი ოპერა ამ თეატრში, მაშინ იტალიაში აღარაფერს ვიკისრებდი“ (ესკიუდიესადმი მიწერილი წერილიდან).

ოქტომბერი. ვერდი ხელშეკრულებას დებს ლუკას გამომცემლობასთან. „ალ-ზირა“ რომში დამარცხდა.

დეკემბრის შუა რიცხვებში ვერდი მიემგზავრება ვენეციაში, რათა საძი თვის განმავლობაში უხელმძღვანელოს ჯერ კიდევ შავად დაწერილ, მაგრამ უკვე დამთავრებული „ატილას“ დასწავლას. თანაც ფრანგულ ენას სწავლობს.

„სტრენა თეატრალე ეუროპა“ 1846 წლის ნოემბერში აქვეყნებს ცნობას: „სტრეპონიმ გააუქმა ხელშეკრულებები იტალიურ თეატრებთან და ემზადება პარიზში გასამგზავრებლად; იქ განაგრძობს შემოქმედებას, როგორც მანსტრო (მასწავლებელი და პოპულარიზატორი) ჭეშმარიტი ბელ-კანტოსი...“

(ვაგრძელება იქნება)

ბსკაბვან შრი რაჯნეში

გერმანულიდან

თარგმნა ლაშა დალიანმა

არს ეს, არს ის

ახლავე რომ ჩავხედოთ იმას, რას ატარებს თავის თავში მარცვალი, აუცილებელია მხედველობის სხვა თვისება. თუ გარედან უყურებთ, თქვენ ხედავთ სხეულს, მარცვლების გარსს. თუ უყურებთ შიგნით, მაშინ გარსი პრობლემა აღარაა — შიგნით თქვენც მარცვალი ხართ: თქვენ მიეკუთვნებით ამ არსებობას, გამოხვედით მისგან და ის აღიბეჭდა თქვენში. თუ შიგნით, სიღრმეში უყურებთ, მაშინ გარსი აღარ არის პრობლემა, მაშინ აღარ გჭირდებათ მასში ჩაწვდომა — თქვენ უკვე შიგნით ხართ.

ეს არის ის, რაც მედიტაციაა: ჩაწვდუ მარცვლის არსს, შენს ბუნებას. იქ კი ჰყვავის აზრი — იგი აყვავდება დაუყოვნებლივ, მას ესაჭიროება მხოლოდ თქვენი ყურადღება. თქვენ უგულებელყოფდით მას, გულგრილი იყავით მისადმი, დაფლული იყავით გარეგნული საგნებით — თქვენ ზურგით იდექით საკუთარი თავისვე მიმართ. აზრი კი მუდამ გიცდით თქვენ, სიცოცხლის აზრი თქვენში დაფარული რჩება, „ლოცვა-კურთხევა“ კი, უბრალოდ, განაგრძობს ცდას, ვიდრე თქვენ არ მობრუნდებით... ქრისტიანული სიტყვა „მოქცევა“ ნიშნავს „მობრუნე-

1. ვაგრძელება, დასაწყისი იხილეთ „საუნჯე“ № 3—4, 1996 წ.

ბას“. არ ნიშნავს, ვაქციოთ ინდუისტი ქრისტიანად, ანდა მაჰმადიანი მოვაქციოთ ქრისტიანულ რწმენაზე — ეს ნიშნავს ცნობიერება მივმართოთ შიგნით.

დავუბრუნდეთ ჩვენს თავს, საწყისს — ნიშნავს იპოვნა აზრი, მაგრამ გამოეკიდო გარეგნულ გამოვლინებებს — ნიშნავს დაივიწყო საწყისი, საფუძველი.

„გარეთ“ მხოლოდ გარეგნული გამოვლინებებია, მოვლენები, რა შეგიძლიათ ჩაწვდეთ გარეგნულს მხოლოდ გრძნობის მეშვეობით — ასე მის მხოლოდ გარეგნულ გამოვლინებას ეხებით. მე არ შემიძლია თქვენი დანახვა — მე ვხედავ მხოლოდ თქვენს ტანს, თანაც არა ძოლიანად, მხოლოდ ზედაპირს, კანის ზედაპირს. მე არ ვიცი, ხართ თქვენ იქ, თუ არა. შეიძლება, თქვენ მხოლოდ ავტომატი ხართ, რობოტი, ვინ იცის? ახლა უფრო, ვიდრე ადრე, შესაძლებელია ადამიანი იყოს რობოტი — ის შეიძლება შეიქმნას. და თუ თქვენ წინაშე რობოტია, ამას გარედან ვერ გაიგებთ, რადგან ისიც ახამხამებს თვალებს, ვიპასუხებთ კიდევ, თუკი მიესალმებით, — იტყვის: სალაში, როგორ ხართ? ვერ გაიგებთ, ადამიანია, თუ რობოტი? გარედან, ზედაპირით ზუსტად ისეთივეა, როგორც ნებისმიერი ადამიანი, განსხვავება არ არის.

რობოტი ლაპარაკობს — და ინტელიგენტურად, ზოგჯერ უფრო ინტელიგენტურადაც, ვიდრე თქვენ: იგი ხომ ძოლად „გაჭყიბულია“ ინფორმაციებით და ეს ინფორმაცია უფრო ზუსტია და ვრცელი, ვიდრე თქვენი. ამტკიცებენ, ერთ პატარა კომპიუტერს შეუძლია იცოდეს იმდენივე, რამდენიც 500 სწავლულმა თავისი სიცოცხლის 50 წლის მანძილზე! რობოტი შეიცავს თავის „თავში“ კომპიუტერს, რომელიც, ცხადია, „საზრდობს“ ბატარეით. თუ ეკითხებით, იგი ვიპასუხობა და მისი პასუხები არ არის ისეთი მერყევი, როგორც თქვენი — ის არასდროს არ იქნება სულელი და ჩერჩეტი, ის მუდამ ბრძენი ადამიანი იქნება.

როგორ განვსაჯოთ, ვინ არის შიგნით? თქვენ არ შეგიძლიათ ჩაწვდეთ, შეგიძლიათ იართო მხოლოდ ირგვლივ და ახლოს, შეგიძლიათ მხოლოდ შეხედოთ ზედაპირს. შეგიძლიათ „წახვიდეთ შიგნით“, სიღრმეში, მხოლოდ იქ შეგიძლიათ იყოთ დარწმუნებული წვდომის უნარიანობაში, — სხვაგან არსად.

ძთელი ეს სამყარო შეიძლება იყოს მხოლოდ სიზმარი, ვინ იცის? შეიძლება მეზმანოს, რომ აქ ზიხართ და მე ვლაპარაკობ თქვენთან. თქვენ შეიძლება დაგესიზმროთ, რომ აქ ზიხართ და მე მისმენთ. არსებობს კი რაიმე კრიტერიუმი იმის დასამტკიცებლად, რომ ეს სიზმარი არ არის? ასეთი კრიტერიუმი არ არსებობს. დღემდე ვერავინ შეძლო დაემტკიცებინა, რომ ცხოვრება სიზმარი არ არის, რადგან სიზმარშიც რეალურად გვეჩვენება საგნები, მოვლენები, უფრო რეალურადაც კი, ვიდრე ცხადში, ვინაიდან, როდესაც გაიღვიძეთ, თქვენს გონებას უკვე შეეპარა ეჭვი, რეალური არის ყოველივე ეს თუ არა? სიზმარში კი გონებას არასოდეს არ ეპარებოდა ეჭვი — სიზმარში ყოველივე ისე იღებთ და აღიქვამთ, თითქოს ყოველივე რეალური იყო.

ჩუუან-ცზიზე ამბობენ, რომ ერთხელ დილით მან დაიწყო ქვითინი და ტირილი. შეიკრიბნენ მისი მოწაფეები და ჰკითხეს: ოსტატო, რას შერები? რა დაგემართა? მან მიუგო: გასაჭირში ვარ. დამესიზმრა, ვითომ პეპელა ვიყავი... მოწაფეები შეეპასუხნენ: ასე რად განიცდი? შესაძლებელია ყველას დაესიზმროს, რომ ვიღაც იყო. რა არის ამაში ცუდი?

ჩუუან-ცზიმ თქვა: საქმე ამაში როდია. მე შეწუხებული ვარ ეჭვით და ახლა აღარ ვიცი, რა დასკვნამდე მივიდუ... მაშასადამე, ჩუუან-ცზის დაესიზმრა, რომ პეპელა იყო. მაგრამ, იქნებ ახლა პეპელას ესიზმრება, რომ ის იქცა ჩუუან-ცზიდ?

ვინ გადაწყვეტს ამას და როგორ? თუკი ჩუქან-ცხის შეუძლია სიზმარში გახდეს პეპელა, მაშინ რატომ არ შეიძლება იყოს პირიქით: პეპელას, რომელიც ყვავილზე ზის, შეიძლება ესიზმრება, რომ იგი იქცა ბუდად.

პრობლემები არ არის, ეს მარტივი ამბავია. მაგრამ ჩუქან-ცხის შექმნა მშვენიერი და საბაზისო პრობლემა: როგორ შეიძლება იყოს დარწმუნებული გარეგნულში, რომ ის სიზმარი არ არის? არსებობდნენ მრავლად ფილოსოფოსები, დამტკიცებას რომ ცდილობდნენ, მთელი სამყარო სიზმარიათ. არავის სჯერა ამ ფილოსოფიისა, — მაგრამ ვერც ვერაფერს შეძლო მისი უარყოფა. დასავლეთში ბერკლი ამტკიცებდა, მთელი არსებობა სიზმარი არისო, მაგრამ არავის სჯეროდა მისი, თვითონაც არ სჯეროდა რეალურად ეს და მთელი მისი ცხოვრება ნათელპყროფს, რომ იგი არ თვლიდა ცხოვრებას სიზმრად. კაცს რომ შეურაცხყოფა მიაყენო, გაბრაზდება, ქვა რომ ესროლო, შეეცდება აიცდინოს; თუკი ხელს გაართყვამთ, ექიმთან გაიქცევა, რადგან სისხლი წამოუვა.

აი, როგორ ცდილობდა ერთხელ დოქტორი ჯონსონი ბერკლის თეორიის უარყოფას: ისინი მეგობრები იყვნენ. ერთხელ, როცა სეირნობდნენ, ბერკლიმ უთხრა: ახლა მე კი დავამტკიცე, რომ მთელი ცხოვრება სიზმარია და ვგრძნობ, ვერაფერს შეძლებს ამის უარყოფას. ამ დროს დოქტორი ჯონსონი დაიხარა, ქვას დასწვდა და ბერკლის ფეხში ესროლა — მან ტკივილისაგან შეჰყვირა. ჯონსონმა უთხრა: ეს ქვა რეალურია. ბერკლიმ ჩაიციხა და მიუგო: ეს არ უარყოფს ჩემს ფილოსოფიას, რადგან ჩემი ყვირილი — მხოლოდ სიზმარია, რომელიც მესიზმრება, როგორ დაამტკიცებ, რომ სისხლი, რომელიც ფეხიდან მდის რეალურია, ხოლო სიზმარი კი არა?

ეს იმიტომ, რომ სიზმარშიც, როცა დაგართყამენ, სისხლი წამოვა; თქვენ მრავალჯერ გიყვირიათ სიზმარში. კანკალებდით და ოფლს გასხამდათ, როცა კოშმარები გესიზმრებოდათ, პულსიც გინქარდებოდათ და თუნდაც სიზმარი „წამლილიყო“, საჭირო იყო რამდენიმე წუთი, რათა დამშვიდებულიყავით. თქვენ იცით, რომ სიზმარი დამთავრდა, უკვე გამოიღვიძეთ; მაგრამ გული კვლავ შფოთსიზმრება, როგორ დაამტკიცებ, რომ სისხლი, რომელიც ფეხიდან მდის, რეალური შეიძლება მოხდეს სიზმარში — არ არის საშუალება ამის უარყოფისა.

როდესაც გარეგნულს უყურებ, ყველაზე მეტი, რისი ნახვაც შეიძლება, გარეგნული გამოვლინებებია. საგანი, როგორც ასეთი, არ შეიძლება შეცნობილ იქნას ამგვარი ხერხით.

არსებობს მხოლოდ ერთი რეალობა, რომელშიც შეიძლება დარწმუნებული იყოს, და ეს რეალობა — თქვენშია — შეიძლება დარწმუნებული იყოს მხოლოდ თქვენი არსებით, სხვა არაფრით. და ერთ მშვენიერ დღეს განიმსჭვალეებით რწმენით, რომ თქვენ ხართ. გახსოვდეთ, რომ თვით სიზმარშიც კი ხართ: შეგიძლიათ იქცეთ პეპელად — მაგრამ თქვენ ხართ. იმისთვისაც კი, რომ არსებობდეს სიზმარი, აუცილებელია, როგორც მინიმუმი, თქვენი არსებობა. ყოველივე შეიძლება სიზმარი იყოს, — მაგრამ არა თქვენ, რადგან თქვენ გარეშე თვითონ სიზმარსაც არ ძალუძს არსებობა. ცნობიერება აუცილებელია თვითონ სიზმრისთვისაც კი. შეგიძლიათ დაამტკიცოთ, რომ ყოველივე სიზმარია, მაგრამ ვერ დაამტკიცებთ, რომ სიზმრის მნახველი სიზმარია — სიზმრის მნახველი რეალური უნდა იყოს, სხვაგვარად სიზმარს არ შეუძლია არსებობა. მხოლოდ ერთი რამ არის სამყაროში განსაზღვრული და ეს თქვენ ხართ, ეს თქვენი რეალობაა თქვენი არსების შიგნით. მიქცევა შიგნით, სიღრმეში, შინაგანისკენ, ნიშნავს განუსაზღვრელი სამყაროსაგან, გარეგნულ გამოვლინებათა სამყაროსაგან მოძრაობას რეალური სამყაროსაკენ.

ერთხელაც დადგება მომენტი, როცა შეიცნობთ, რომ თქვენ ხართ, შეიცნობთ ამ შინაგან განსაზღვრულობა-სიცხადეს — და თქვენ მყარი, მტკიცე ხლებით, იცვლება თქვენი ხედვა, მხედველობა, იცვლება თქვენი თვისება. მაშინ გარეგნული სამყაროდან თქვენ „გაგვხსნებათ“ სხვა სამყარო — ეს სამყარო ღმერთია.

როდესაც თქვენ ჩაგენერგებათ, გაგიმყარდებათ განსაზღვრულ რეალობა და, როდესაც ღრმად შეხვალთ, ჩაუღრმავდებით ამ რეალობას, იმისთვის რად განსაზღვრულ რეალობას, თქვენს მხედველობას, აღქმას სხვა თვისება მიენიჭება — თქვენ ხართ რწმენა, რელიგია. თქვენ უყურებთ — და სამყარო იცვლება: აღარ არის გარეგნული გამოვლინებები, არის მხოლოდ რეალობა, არის ის, რაც სინამდვილეშია. რა არის ეს — ის, რაც მართლაც რეალურია? ეს ფორმები არაა — ფორმები იცვლება, მაგრამ ის, რაც მოძრაობს ფორმებით, უცვლელია. თქვენ იყავით ბავშვი, ყრმა, გახდით მოხუცი — ფორმა განუწყვეტლივ იცვლება და; ყოველ მომენტში განუწყვეტლივ იცვლებოდა თქვენი სხეული. მაგრამ თუ „იყურებით“, მიიქცევით შიგნით, თქვენი არსების სიღრმეში, თუკი „შიგნით ხართ“ — თქვენ ასეთივე დარჩებით.

თქვენ იყავით პატარა უჯრედი დედის მუცელში — უჯრედი, უხილავი შეიარაღებული თვალისათვის; შემდეგ იყავით პატარა ბავშვი, ახალგაზრდა კაცი მრავალი ოცნებით აღსავსე, შემდეგ კი მოხუცი, სასოწარკვეთილი და დაღვრემილი, წაგებული. მაგრამ, თუკი იყურებით შიგნით, სიღრმეში — ყოველივე იგივე დარჩა; ცნობიერება არასოდეს იცვლება. თუკი შეიცნობთ, ჩაწვდებით თქვენს შინაგან სამყაროს, განცვიფრება შეგიპყრობთ: თქვენ ვერ შეიგრძნობთ, რომ მოხუცი ხართ, რადგან ცნობიერებისათვის ასაკი არ არსებობს. როდესაც თვალებს ხუჭავთ, არ შეგიძლიათ თქმა, ოცი წლისა ხართ, ორმოცის თუ სამოცის — რადგანაც მიეკუთვნებით სხეულს, გარსს; თქვენი რეალობა ასაკგარეშეა — ის არასოდეს არ დაბადებულა და არ მოკვდება. რადგან აბსოლუტის, მუდმივის, უძრავის ცენტრში იმყოფებით, თქვენი თვისება იცვლება. მხოლოდ ამ დროს შეგიძლიათ ჩაწვდეთ, მხოლოდ მაშინ იქცევით სარკედ, რომელშიც აირეკლება სინამდვილე. მაგრამ ვერ საჭიროა იქცეთ ამ სარკედ... თქვენ ისე დელაუთ, ისე შემდრკალი ხართ, რომ ვერაფერს ასახავთ, ვერაფერს აირეკლავთ — თქვენ ამახინჯებთ. გონება ამახინჯებს რეალობას. ცნობიერება, წვდომა კი აღმოაჩენს მას.

დავუბრუნდეთ პირველსაწყისს, ჩვენს თავს —

— ნიშნავს იპოვნო აზრი,

მაგრამ გამოეკიდო გარეგნულ გამოვლინებებს, —

ნიშნავს დაივიწყო საწყისი, საფუძველი.

მხოლოდ მაშინ ხორციელდება შინაგანი ნათელხილვა, როდესაც თქვენ აღსავსე ხართ შინაგანი სინათლით... სინათლე თქვენშია, მაგრამ თქვენ მას გარეთ „გამოაგდებთ.“ ის მიემართება თქვენი სურვილებისაკენ; სურვილები ფოკუსია, ხოლო სინათლე განაგრძობს მისკენ მოძრაობას. თუ თქვენ ძალიან გაქვთ მიდრეკილება კეთილდღეობისაკენ, ამ შემთხვევაში „დოვლათიანობისაკენ“, მაშინ მთელი თქვენი არსება ფოკუსირებას ახდენს მასზე: თქვენ ხედავთ მხოლოდ ფულს და სხვას არაფერს. თქვენ ადამიანსაც კი ვეღარ ამჩნევთ, თუ ადამიანი ღარიბია, თქვენს გონებაში უბრალო კვალი არ რჩება მასზე, ხოლო თუ მდიდარია, კვალი რჩება. თუკი ის ძალიან მდიდარია, მაშინ იმახსოვრებთ მას, მაშინ ხდება მეხსიერების ფორმირება. თუკი ესწრაფვით ძალაუფლებას და ხვდებით პიტლერს, სტალინს ან მათს — თქვენ შეხვდით ადამიანს, მაგრამ ადამიანი მეორადია, თქვენთვის პირველადია მისი ძალაუფლება. თუ ნიქსონი უკვე პრეზიდენტი აღარ არის, თქვენ ვეღარ შეძლებთ მის დანახვას — შეიძლება გვერდზე ჩაგიაროთ,

მაგრამ ის თქვენთვის ადამიანი აღარ არის. თქვენ ხელავთ მხოლოდ იმას, რაც გსურთ. თქვენი სურვილი — თქვენი ხედვაა, ზმანებაა და ნანახი ფოკუსირება თქვენს სურვილზე.

როდესაც შინაგანი სინათლე, ხილვა მოიქცევა, „მობრუნდება“ და მოქცევა შიგნით — ხდება ნათელხილვა. თქვენ აღსავსე ხართ სინათლით. თქვენ ხდებით სახლი „ნათურით“, შინაგან სამყაროში სიბნელე აღარ არის.

შინაგანი ნათელხილვის მომენტში
ხდება გასვლა გარეგნულ გამოვლინებათა და სიცარიელის
საზღვრებიდან.

მოულოდნელად თქვენ სცილდებით გარეგნულ გამოვლინებათა და სიცარიელის საზღვრებს. მაშინ არაფერი არ არის გარეგნული და არაფერი არ არის ცარიელი — ყოველივე აღსავსეა ღვთაებრივით.

ყოველივე იმსჭვალება ღვთაებრივით — ყოველი ხე, ყოველი მდინარე, ყოველი ოკეანე სავსეა ღვთაებრივით, ღმერთი ყველაფერშია. თქვენ შეგიძლიათ უწოდოთ ამას ჭეშმარიტება, ანდა, რაც გაგებარდებათ — მაგრამ რეალური ყველგანაა.

როდესაც თქვენ რეალური ხართ, სამყარო რეალურია; როდესაც ცხოვრობთ არარეალურ სურვილებში — თქვენ ქმნით გარეგნულ გამოვლინებათა სამყაროს. როგორც ხართ თქვენ, ისეთივეა თქვენი სამყარო. არსებობს იმდენივე სამყარო, რამდენიც ადამიანია, რადგან ყოველი ადამიანი თავის საკუთარ სამყაროში ცხოვრობს, ყოველი ადამიანი ქმნის სამყაროს თავის გარშემო. ეს ჩვენ მიერ შექმნილი პროექციებია.

ცვლილებებს, რომლებიც გვკონია, ხდება
ცარიელ სამყაროში,
უწოდებთ რეალურს
მხოლოდ ჩვენი უეცობის გამო.

თქვენ ამბობთ, რომ ვიღაცა მოხუცია. მოხუცებულობას, სიბერეს თქვენ რეალურს უწოდებთ, რადგან არ იცით, რა არის რეალობა. წინააღმდეგ შემთხვევაში არავინ არის ახალგაზრდა და არავინ არის მოხუცი, არავინ არის ბავშვი. შინაგანი უცვლელია, შეუქცეველია — იცვლება მხოლოდ გარეგნული ფორმა. ჩემი ტანსაცმელი ძველია — მიწოდებთ თქვენ მე მოხუცს მხოლოდ იმიტომ, რომ ჩემი ტანსაცმელი ძველია? ჩემი ტანსაცმელი ახალია, სრულიად ახალი, ეს-ეს არის, მკერავისაგან წამოვიღე — მიწოდებთ ამის გამო ახალგაზრდას? თქვენ უწოდებთ ვიღაცას მოხუცს, ვიღაცას ახალგაზრდას, ვიღაცას ბავშვს, სხეულის გამო, ფორმის გამო, რომელიც გამუდმებით იცვლება. მაგრამ ისინი, ვინც ნათელხილვას მიაღწია, ამბობენ, რომ რეალობა უცვლელია, უშინაგანოა, რომ ის არასოდეს არ იცვლება. რამაკრიშნა მოკვდა. სიკვდილამდე სულ მცირე ხნით ადრე, როდესაც ექიმმა თქვა, იგი ვეღარ გამოჯანმრთელდებაო, რამაკრიშნას ცოლმა, შარდამ ტირილი დაიწყო. რამაკრიშნას უკანასკნელი სიტყვები იყო: ნუ ტირი, მე არ ვაპირებ სიკვდილს! ის, რასაც ექიმები ამბობენ; მხოლოდ ტანსაცმელს ეხება. იგი კიბოთი გარდაიცვალა. მაგრამ რამაკრიშნამ თქვა: რამდენადაც მე ვიცი, ჩემში არ არის კიბო. ის ეხება მხოლოდ ტანსაცმელს. იმიტომ გახსოვდეს: როდესაც ექიმები იტყვიან, რომ მე მოკვდები, ნუ დაუჯერებ მათ, მე დამიჯერე: მე ვიცოცხლებ. და შარდა იყო ერთადერთი ქვრივი ინდოეთში, ინდოეთის მთელს ისტორიაში, რომელიც არასოდეს ყოფილა ქვრივი. როდესაც ქმრები კვდებიან, ინდოეთის ქვრივმა ქალებმა უნდა შეცვალონ ცხოვრების სტილი, თვითონ ცხოვ-

რების წესი, — მათ აღარ შეუძლიათ ჩაიციან სხვადასხვა ფერის ტანსაცმელი, ატარონ სამკაული, რადგან არ არის ის, ვისთვისაც უნდა ატარონ.

მაგრამ შარდა განაგრძობდა იგივეს გაკეთებას, რასაც აკეთებდა, როდესაც რამაკრიშნა ცოცხალი იყო. ხალხი ფიქრობდა, ქალი შეიშალაო. შვიდნენ მასთან და უთხრეს: ახლა მოიცილე თავიდან ეს სამკაულები და მოკმარს, პირველ რიგში კი სამაჯურები. დაამსხვრიე ესენი! შენ ქვრივი ხარ!

შარდამ ჩაიცინა და უპასუხა, ვის უნდა დავუჯერო მე, თქვენ თუ რამაკრიშნას? მან ხომ მითხრა: მხოლოდ ტანსაცმელი მოკვდება, და არა მე. მე მისი ცოლი ვიყავი და არა მისი ტანსაცმლის. ჰოდა, ახლა თქვენ დავიჯეროთ, თუ რამაკრიშნას?

მან რამაკრიშნას დაუჯერა და სულ ბოლომდე გათხოვილი დარჩა — და ცხოვრობდა ექსტაზში, რადგან დაჯერებამ მისი ტრანსფორმაცია მოახდინა. მან შეიცნო ის ფაქტი, რომ **სხეული არარეალურია**.

შარდა განაგრძობდა ძველებურ ცხოვრებას. ეს არანორმალურ შთაბეჭდილებას ტოვებდა — სულელი ხალხის სამყაროში, სადაც რეალურად ითვლებოდა ტანსაცმელი. ვინც ასე წინააღმდეგობრივად იქცევა, ხომ სულელად უნდა ჩაითვალოს. ქალი ყოველდამე შლიდა, აგებდა ლოკინს, შედიოდა რამაკრიშნას ოთახში და ამბობდა: რამაკრიშნა, ახლა წადი, ძილის დროა — იქ კი არეინ იყო. იგი ამხადებდა საჭმელს, დიდინებდა და ისეთივე ბუნდური იყო, როგორც ადრე; შემდეგ მიდიოდა და უძახოდა: მოდი, რამაკრიშნა, საჭმელი მზად არის. ქალი ჩაწვდა, მან შეიცნო და არა ერთი დღით, არამედ მრავალი წლით. რამაკრიშნას უბრალო ანდერძმა — მხოლოდ ტანსაცმელი მოკვდება და არა მეო — იგი წმინდა ქალად აქცია. იგი თავისთავად, დამოუკიდებლად გახდა ნათელმხილველი.

ნუ ეძებთ ჭეშმარიტებას;

უბრალოდ, შეწყვიტეთ — მისდით, ჩაეჭიდით აზრს.

ეს არის ბიჯა, ძალიან ღრმა აღთქმა, ანდერძი: **ნუ ეძებთ ჭეშმარიტებას; მხოლოდ შეწყვიტეთ — მისდით, ჩაეჭიდით აზრს**. როგორ შეგიძლიათ ეძიოთ ჭეშმარიტება? თქვენ დანაწევრებული, დამახინჯებული ხართ — როგორ შეგიძლიათ ეძიოთ ღვთაებრივი? სად მოძებნით, როგორ მოძებნით, რას გააკეთებთ? დიდი-დიდი გონებამ გაგიკეთოს ტრიუკი, ფანდი: თქვენ შეიქმნით ჭეშმარიტებას, წარმოსახავთ, მოგეზმანებათ ჭეშმარიტება.

აი, რატომ ხედავენ ინდუისტები კრიშნას, როდესაც აღწევენ ღვთაებრივს, ხოლო ქრისტიანები იესოს, როდესაც ჩაწვდებიან ჭეშმარიტებას. მაგრამ ჭეშმარიტება არც ინდუისტურია, არც ქრისტიანული — არა კრიშნა, არა ქრისტე: ისინი ფორმებია, ტანსაცმლები. თქვენ აღსავსენი ხართ საკუთარი აზრებით — ქრისტიანულით, ინდუისტური — და თქვენ კმნით მათ, ახდენთ მათ პროექციას.

ხენ-ცანი ამბობს: ნუ ეძებთ ჭეშმარიტებას. თქვენ არ შეგიძლიათ ეძებოთ. თქვენ არა ხართ მზად, რადგან გონება გაქვთ. ვინ ეძიებს? ყოველგვარი ძიება გონებას განეკუთვნება. ყოველგვარი ძიება გონებიდან გამომდინარეობს. ცნობიერება არასოდეს არ ეძებს — ის უბრალოდ არსებობს, არის მისი ყოფიერება — ეს სურვილის არქონაა, უსურვილობაა. ძიება სურვილია. თქვენ ეძებდით სამყაროში კეთილდღეობას, ძალაუფლებას, პრესტიჟს — და დამარცხდით. ახლა ეძებთ ღმერთს და ჭეშმარიტებას, მაგრამ დარჩით ისეთივე — თქვენში არაფერი არ შეცვლილა, მხოლოდ სიტყვები შეიცვალნენ: ადრე იყო ძალაუფლება, ახლა კი ღმერთი — მაგრამ თქვენ კვლავ იგივე მაძიებლად დარჩით.

ჭეშმარიტების მოძებნა შეუძლებელია. პირიქით, როდესაც ყოველგვარი ძიება წყდება, ჭეშმარიტება კარზე ვიკაკუნებთ. როდესაც მაძიებელი აღარ არ-

სებობს, თქვენთან მოდის ჭეშმარიტება. როდესაც წყვეტთ, ბოლოს უღებთ ყველა სურვილს, როდესაც აღარ არსებობს განზრახვა, გულის წადილი ხადმე წასვლისა, ან რაიმეს ძებნისა, პოვნისა, თქვენ უეცრად აღმოაჩენთ, რომ ნათელმზილველი გახდით. თქვენ აღმოაჩენთ, რომ ხართ სწორედ ის ტადარი, რომელსაც ეძებდით. ანაზღად დგება შეცნობის მომენტი, რომ თქვენ ხართ კრიშნა, ხართ იესო. ეს არ არის მოჩვენება, ზმანება — თქვენ თვითონ ხართ ყოველივეს სათავე, წყარო, თვითონ რეალობა. „ნუ ეძებთ ჭეშმარიტებას მხოლოდ შეწყვეტეთ, მისდით, ჩაეჭიდით აზრს“ — ქრისტიანულს, ინდუისტურს თუ სხვას — ნუ ეჭიდებით აზრს. ნუ ინახავთ მეხსიერებაში ნაწერების შინაარსს, რადგან შეიძლება გახდეთ მცოდნე, მაგრამ არასოდეს იქნებით ბრძენი ადამიანი. თქვენ შეიძლება „აივსოთ“ ცოდნით და ძრავალი ინფორმაციით, მაგრამ ყოველივე ეს იქნება უსულო და მოსაწყენი. აზრი არ არის ჭეშმარიტება და არც შეიძლება იყოს ის — აზრი გონებისაგან მომდინარეობს, ხოლო ჭეშმარიტება კი არა. ჭეშმარიტება წარმოიხდება მაშინ, როცა გონება აღარ არის. აზრი — ცნობილია, ნაცნობია, ჭეშმარიტება კი უცნობი. როდესაც ცნობილი შეწყდება, თქვენ მოგველინებით უცნობი. როდესაც თქვენ გარშემო არ არის ცნობილი, ნაცნობი, მაშინ წარმოიხდება უცნობი. გონებით ვერ ჩაწვდებით ჭეშმარიტებას. ეს არის ერთადერთი, რაზეც ხელი უნდა აიღოთ, რაზეც უარი უნდა თქვათ: გონება, აზრებისათვის მიყოლა: ქრისტიანული, ინდუისტური, გიტა, ბიბლია, ყურანი. თქვენ გაქვთ, თან ატარებთ მხოლოდ ცოდნას, გონებას რომ განეკუთვნება და მისგან გამომდინარეობს — არა ცნობიერება, დაუკვირდით განსხვავებას: ცნობიერება — სარკვე, მასში ყოველივე აისახება ყოველგვარი წინასწარშექმნილი აზრის, ყოველივე ამოჩენების გარეშე; სარკვე არ „იტყვის“: „ეს ქალი ლამაზია, მე აესახავ, ავირეკლავ მას“, ანდა: „მე არ მომწონს ეს ქალი, არ აესახავ მას, ის გონჯია“. სარკვე არ მისდევს, არ ეჭიდება აზრს, ის უბრალოდ ასახავს — ეს მისი ბუნებაა.

გონება ფოტოფირფიტას ჰგავს — ისიც ასახავს, მაგრამ ასახავს მხოლოდ ერთხელ, შემდეგ კი იგი ეჩვევა, „ჩააცივდება“ ასახვას: ფოტოფირფიტა „ღამაღული“ კამერის უკან. გონება, ჭკუა — ასეთივე ფოტოფირფიტაა: იგი ასახავს და ეჩვევა ასახვას, შემდეგ თავის თავში ატარებს უსულო ინფორმაციას. ის მუდამ ატარებს ერთსა და იმავე ინფორმაციას. სარკვე გამოასახავს — და კვლავ „ცარიელია“, კვლავ მზადაა მიიღოს. სარკვე კვლავ მზად არის გამოასახად და ის არაფერს ეჩვევა, არაფერს „ჩააცივდება“ — სარკვეს არ გააჩნია აზრი. გონებაში კი აზრებია, აზრები და მხოლოდ აზრები; და აზრთა ამ სქელი კედლის გაუვალობის გამო შეუძლებელია ჭეშმარიტებაში ჩაწვდომა.

ჭეშმარიტება არსებობს. ეს თეორია არ არის — რეალობაა. ჭეშმარიტება განცდილი უნდა იქნას. თქვენ არ შეგიძლიათ იმსჯელოთ მასზე, იფილოსოფოსოთ, რაც უფრო მეტს იფილოსოფოსებთ, მით უფრო დასცილდებით სინამდვილეს, რეალობას, ჭეშმარიტებას. ცოდვილებს ზოგჯერ აქვთ პრობლემა, ფილოსოფიის დოქტორებს კი არასოდეს.

სენ-ცანი ამბობს:

ნუ ეძებთ ჭეშმარიტებას;
 უბრალოდ შეწყვეტეთ მისდით, ჩაეჭიდით აზრს.
 ნუ დარჩებით გათრეხულ მღვთმარეობაში —
 მუდამ მოერიდეთ ასეთ რამეს,
 თუკი არის კვალი ამისა ან იმისა,
 სწორის თუ არასწორის,

გონების არსი ჩაიკარგება უხერხულობა-შეცბუნებაში, დაბნეულობაში ეს ძნელია.

თუ შევიძლიათ გაიგოთ ინფორმაციის უარყოფა, უკუგდებაც — მაგრამ გაცილებით უფრო ღრმად, ვიდრე ჩვეულებრივი ინფორმაციაა, ამოქმედდება თქვენული ცნობიერება, გაგება კარგისა და ცუდისა. თქვენ შევიძლიათ იფიქროთ: „ჩინებულა, მე აღარა ვარ ქრისტიანი, აღარა ვარ ინდუისტი, მაგრამ მორალი: კარგი და ცუდი...“ თქვენ ფიქრობთ, მორალი არ არის ქრისტიანული და არ არის ინდუისტური?

მორალი ჰუმანისტურია. თვითონ ათეისტიც მორალისტად რჩება. იგი არ მიეკუთვნება არავითარ რელიგიას, მაგრამ ისიც ფიქრობს, გულისხმობს ტერმინებში კარგსა და ცუდს. მორალი — ერთ-ერთი უღრმესი პრობლემაა მაძიებლისათვის. ჭეშმარიტმა მაძიებელმა უნდა უკუაგდოს ყოველგვარი კონცეფცია — ყველა ცუდი და კარგი.

ერთხელ პატარა ხომალდზე რამდენიმე კაცი მგზავრობდა, ანახდელ ოკეანე აბობოქრდა და ხომალდს ნაფოტივით აქანებდა იქით-აქეთ. ყველანი მუხლებზე დავარდნენ და ლოცვა დაიწყეს. მათ შორის იყო ერთი ცნობილი წმინდანი და აგრეთვე ცნობილი ცოდვილი. ცოდვილიც მუხლებზე დაემხო და შეჰლაღადა: ღმერთო, გვიხსენი! წმინდანი მივიდა მასთან და უთხრა: ცოტა ხმადაბლა! თუ ღმერთი გაიგებს, რომ შენც აქა ხარ, ვერც ერთი ჩვენგანი ცოცხალი ვერ გადარჩება, ყველანი ჩავიძირებით. ხმადაბლა! შეუძლია წმინდანს იყოს წმინდანი, თუ მას შეუძლია დაინახოს სხვა ადამიანში ცოდვილი? შეუძლია კი მას იყოს ჭეშმარიტი წმინდანი, თუ სხვას ცოდვილად მიიჩნევს? იგი შეიძლება იყოს დიდი მორალისტი — მაგრამ მას მიდრეკილება აქვს კარგისაკენ და ამიტომ ძრახავს, მსჯავრს სდებს სხვებს. რელიგიური ადამიანი კი ასე არ იქცევა, იგი უბრალოდ იღებს. იგი ძალზე თავმდაბალია, როგორ შეუძლია მას თქვას: „მე წმინდანი ვარ, შენ კი ცოდვილი?“ — იგი უბრალოდ განაძეკვებს, უკუაგდებს კარგის თუ ცუდის ყოველგვარ კატეგორიას.

ნუ დარჩებით გაორებულ მდგომარეობაში —

მუდამ მოერიდეთ მას,

თუკი არის კვალი ამისა ან იმისა,

სწორის თუ არასწორის,

გონების არსი ჩაიკარგება შეცბუნებაში, დაბნეულობაში.

ლაფიქრდით — თქვენ ეს საკუთარი გამოცდილებიდან იცით. თუკი ძალიან ბევრს ფიქრობთ იმაზე, რომ იყოთ კარგი, მაშინ რა გამოდის? ცუდი თქვენში დარჩება — თქვენ ჩაახშობთ, ჩაკლავთ მას და თქვენი ზედაპირი „გაპრიალებული“, განწმენდილი იქნება, მაგრამ ღრმად შიგნით კი „ღუღილი“ დარჩება. ზედაპირზე თქვენ წმინდანი იქნებით, ცოდვილი კი ღრმად შიგნით იქნება დაფარული. იგივე ემართება ცოდვილსაც — ზედაპირზე იგი ცოდვილია, მაგრამ ღრმად შიგნით სიწმინდე სწყურია: ისიც ფიქრობს: „ეს ცუდია, მე უკუაგდებ მას“. ისიც ცდილობს აჩვენოს, რომ ცოდვილი არ არის. ორივენი: წმინდანი და ცოდვილი — გაყოფილი, დანაწევრებული რჩებიან, მაგრამ განსხვავება დანაწევრებულობაში კი არ არის, არამედ მხოლოდ იმაში, თუ რა არის ზედაპირზე და რა არის დამალული. წმინდანს ყოველთვის ცოდვა წარმოუდგება. ეზმანება: მას ესიზმრება, იგი ხედავს ყველა იმ „ცუდს“, რომელიც თავის არსებაში, საკუთარ „მეში“ ჩაახშო. ეს უცნაური ფენომენია: თუ თქვენ ნახავთ წმინდანთა ზმანებებს, სიზმრებს, ისინი მოგეჩვენებათ ცოდვილი; ხოლო თუ ცოდვილთა ზმანება-წარმოდგენებს, — ისინი მუდამ მოგეჩვენებათ წმინდა. ცოდვილებს წარმოუდ-

გებათ, რომ წმინდანები არიან, ხოლო წმინდანებს უზმანებათ ცოდვილებად ვიქცითო — ჩაბშობილი, დათრგუნული ზმანებებსა და წარმოდგენებში იჩენს თავს, ქვეცნობიერი აშკარადება ზმანებებში, სიზმრებში, წარმოდგენებში. თუკი გაყოფილი ხართ, თქვენ ვერ უზიარებთ სათავეს, პირველწყაროს. ეს ხედავს ისეა, როგორც ხე — დიდი ხე მილიონი შტოთი, ტოტით, რომლებიც გაყოფილია, დაყოფილია. თუკი ეჭიდებით, ებლაუჭებით ტოტებს, როგორ უნდა წყნარდეთ? რაც უფრო უახლოვდებით, მათ უფრო მცირდება ტოტები — და ბოლოს ხის ტანია, რომელიც განუყოფელია: ყველა ტოტი მასზეა, მაგრამ თვითონ იგი განუყოფელია, მთელია — ყოველივე მისგან გამომდინარეობს, მაგრამ იგი ერთიანად რჩება. და თქვენ უნდა მიაღწიოთ ამ ერთიანს, მთლიანს, განუყოფელს — ეს ფესვია, ეს წყაროა.

თუმცა ყოველგვარი გაორება გამომდინარეობს ერთიდან,

ნუ ჩაეჭიდებით — თვითონ ამ ერთსაც.

ნუ შექმნით ამისგან თეორიას და ნუ გამოეკიდებით მას, ნუ დაიწყებთ ბრძოლას, დაცვას, თუკი ვინმე უარყოფს მას...

სწორედ ასე მოხდა ინდოეთში. იქ არის არა — დუალიზმის სკოლა, შანკარა და მისი სკოლა. არადუალისტი ასე მსჯელობს: არსებობს მხოლოდ ერთი, არადუალური; მას მოაქვს დამამტკიცებელი საბუთები, კამათობს და იბრძვის, თუკი ვინმე დუალისტურ თვალსაზრისს იცავს; დუალისტი კი ასე თვლის: როგორ შეიძლება არსებობდეს ერთი? აუცილებელია მეორე, რათა არსებობდეს ერთი. შეგიძლიათ თქვენ შექმნათ მათემატიკა ერთი ციფრისაგან? არაა საჭირო ათი — მაგრამ ორი აუცილებელია. აინშტაინმა შეიმუშავა ეს: ის ცდილობდა გამოეყენებინა მხოლოდ ორი ციფრი — ერთი და ორი; გამოვიდა რიგი: ერთი, ორი... შემდეგ თერთმეტი, თორმეტი... შემდეგ ოცდაერთი — და ასე შემდეგ. არ არის აუცილებელი ცხრა ციფრი, მაგრამ თქვენ არ შეგიძლიათ იმუშაოთ მხოლოდ ერთი ციფრით.

დუალისტები ამბობენ, რომ არსებობა შეუძლებელია ერთით — თვითონ მდინარესაც ორი ნაპირი სჭირდება, რათა იდინოს. კაცი და ქალი სიცოცხლეს ანიჭებენ ბავშვს; სიცოცხლე და სიკვდილი გარდაუვალია, როგორც ორი ნაპირი სიცოცხლისათვის. ერთი — ეს ძალზე მონოტონურია: როგორ შეიძლება სიცოცხლე გამომდინარეობდეს მხოლოდ ერთიდან. დუალისტები ამბობენ: ორი; და არა — დუალისტები განაგრძობენ ბრძოლას დუალისტებთან.

თუკი თქვენ ნამდვილად გაიგებთ, რომ ყოველივე გამომდინარეობს ერთიდან — მაშინაც კი ნუ ჩაეჭიდებით ამას, რადგან ეს ჩაჭიდება ცხადყოფს, რომ თქვენ რაღაცის წინააღმდეგი ხართ; თუ ამბობთ, მე არადუალისტი ვარო, თქვენ დაცილდით რეალობას, რადგან, თუ არსებობს მხოლოდ ერთი, მაშინ როგორ შეგიძლიათ იყოთ დუალისტი, ან არადუალისტი? და რას გულისხმობთ არადუალიზმში, თუკი სინამდვილეში არ არსებობს დუალიზმი — რა არის მაშინ არადუალიზმი? ხმა აღარ ამოიღოთ! გაჩუმდით! სენ-ცანი — ის მართლაც არადუალისტია — ამბობს:

თუმცა ყოველგვარი გაორება, ორობა გამომდინარეობს ერთიდან,

ნუ ჩაეჭიდებით თვითონ ამ ერთსაც.

როდესაც „მე“ აღუშფოთებელია,

არაფერს ამქვეყნად არ შეუძლია შეურაცხყოფის მოყენება;

და როდესაც საგანს, არსებას არ შეუძლია შეურაცხყოფა,

იგი წყვეტს არსებობას ძველებურად.

ეს ძალზე მშვენიერია, შეეცადეთ დაიმახსოვროთ ეს: „როდესაც „მე“ აღუ-

შფოთებელია, არაფერს ამქვეყნად არ შეუძლია შეურაცხყოფის მოყენება; და როდესაც საგანს, არსებას არ შეუძლია შეურაცხყოფა, იგი წყვეტს არსებობას ძველებურად“!

დავუშვათ, ვიღაც შეურაცხყოფთ. თუ თქვენ მართლაც „არსებითად ალმუფოთებლად“ — მაშინ შეუძლებელია თქვენი შეურაცხყოფა; შეიძლება ვცადოთ ამის გაკეთებას, მაგრამ თქვენ არ შეიძლება იქნეთ შეურაცხყოფილი, არ შეიძლება შეურაცხყოფას. და როდესაც არ მიიღებთ შეურაცხყოფას — შეურაცხყოფელი მარცხდება.

ერთი ფსიქოანალიტიკოსი მეგობართან ერთად სეირნობდა. მათთან მიიღობინა ერთმა პაციენტმა, შეშლილმა, რომელმაც ფსიქოანალიტიკოსს მაგრად სდრუზა ზურგში; იგი შეტორტმანდა და მიწაზე დაეცა, ხოლო შეშლილი გაიქცა. ექიმი გონზე მოვიდა და სეირნობა განაგრძო. მეგობარი გაოცდა. მან თქვა: შენ რა, არაფერს აპირებ? რაღაც უნდა გააკეთო, ეს აუცილებელია. ეს ადამიანი შეშლილია! ფსიქოანალიტიკოსმა მიუგო: ეს მისი პრობლემაა. ეს დარტყმა მისი პრობლემაა, არა ჩემი. მე რატომ უნდა ვინერვიულო?

იგი მართალია: თუ ვინმე ბრაზობს, რისხდება — ეს მისი პრობლემაა; თუკი ვინმე შეურაცხყოფთ, ეს მისი პრობლემაა, თუ იღანძლება — ესეც მისი პრობლემაა. ამ დროს თქვენ აღმუფოთებული არა ხართ, ე. ი. გული არ მოგდით. ხოლო თუ იმწამსვე გული მოგდით, — ეს ნიშნავს, რომ ვიღაცის ბრაზი, წყრომა და შეურაცხყოფა თქვენთვის უბრალო საბაბი იყო. თქვენ მზად იყავით, შინაგანად „დუღლით“ და მხოლოდ საბაბს ელოდით, რათა აღმუფოთებულიყავით. „როდესაც „მე“ აღმუფოთებელია...“ და როცა საწყისს დაუბრუნდებით, თქვენი გონება უკვე აღმუფოთებელია...“ და როდესაც რაიმეს არ შეუძლია შეურაცხყოფის მოყენება, იგი წყვეტს არსებობას ძველებურად“.

თეისება იცვლება დამოკიდებულების შეცვლით. ვიღაც შეურაცხყოფთ და ეს ჩანს როგორც შეურაცხყოფა, იმიტომ რომ თქვენ შეურაცხყოფას გრძნობთ. მაგრამ როგორ შეიძლება ეს იყოს შეურაცხყოფა, თუკი შეურაცხყოფას არ გრძნობთ? როდესაც ვინმეს გული მოსდის — თქვენ ამას გრძნობთ როგორც გულისწყრომას იმიტომ, რომ აღმუფოთებული ხართ. და თუ აღმუფოთებული არა ხართ, თქვენ ეერ შეიგრძნობთ ამას, როგორც გულისწყრომას, რადგან შეიცვალა თქვენი ინტერპრეტაცია, რადგან ახლა სხვა ხართ. ვიღაცას სძულხართ თქვენ — დაარქმევთ ამას სიძულეილს? როგორ დაარქმევთ ამას სიძულეილს — ძველი სახელი არ მოქმედებს; ძველი გონება აღარ არსებობს. შეიძლება თანაგრძნობა კი ვაგიჩნდეთ, სიბრაღულიც კი იგრძნოთ; შეიძლება იფიქროთ: რა მოუვიდა ამ ადამიანს? რა ძლიერად იტანჯება იგი — და თანაც სრულიად უმიზეზოდ! თქვენ შევიძლიათ დავხმართო კიდევ ამ ადამიანს მდგომარეობიდან გამოსვლაში, რადგან, როდესაც ვინმე მრისხანებს, ბრაზობს, ჯავრობს, იგი წამლავს თავის სხეულს, წამლავს საკუთარ არსებას, იგი დაავადებულია. თქვენ შევიძლიათ დავხმართო მას. თქვენ ხომ არ დაუწყებთ ბრძოლას იმას, ვისაც სიმსივნე აქვს — თქვენ ეხმარებით, ემსახურებით მას, მიგყავთ საავადმყოფოში.

ბუდასა და სენ-ცანისათვის თქვენი ბრაზი, წყრომა — სიმსივნეა თქვენს გონებაში; თქვენ გესაჭიროებათ თანაგრძნობა, გულშემატკივრობა; თქვენთვის აუცილებელია დიდი დახმარების აღმოჩენა. და როდესაც სამყარო უფრო ნათელმხილველური გახდება, განრისხებულ, მწყრომარე ადამიანს პოსპიტალში დააწვენს, — მისი თჯახი, მისი მეგობრები მიხედებიან, რომ სისულელეა გაჯავრდე მასზე და „ებრძოლო“ — მას პოსპიტალიზაცია ესაჭიროება. იგი უკვე ავადაა და

თუკი თქვენც მას ეწინააღმდეგებით, ეს სრულიად აბსურდულია; მაშინ როგორ-
ღა დაეხმარებით მას?

ფიზიკური, სხეულებრივი ავადმყოფობისადმი ჩვენ თანაურძნობით ვიმ-
სჯვალებით, გონებრივ, სულიერ სენს კი სიბრაღულით არ ვეკიდებით. ეს იმი-
ტომ, რომ, თუკი ვინმე ფიზიკურად ავადაა, არ აღვიქვამთ ამას როგორც ჩვენს
შეურაცხყოფას: მაგრამ, როცა ვინმე გონებრივად არის ავადმყოფი, ჩვენს
თითქოს ეს ჩვენს წინააღმდეგაა მომართული. ასეთი დამოკიდებულება იმიტომ
არსებობს, რომ თქვენც ავად ხართ.

როცა თქვენ აღუშფოთებელი ხართ, ყველაფერი იცვლება, რადგან იცვლება
თქვენი პოზიცია, დამოკიდებულება. მთელი სამყარო შეიცვალა, გადასხვაფერ-
და — იგი ძველებურად არსებობას წყვეტს.

როდესაც აღარ წარმოიქმნება განმასხვავებელი აზრები,
ძველი გონება წყვეტს არსებობას.

განსხვავება: კარგი, ცუდი, მიყვარს, არ მიყვარს — ეს არის თქვენი გონების
საფუძველი. და თუ განსხვავება ქრება, — მაშინ აღწევთ საწყისს, პირველწყა-
როს. და ეს პირველწყარო შეიცავს ყველა აზრს, ყველა ექსტაზს, ყველა ლოცვა-
კურთხევას.

24 თებერვალი, 1974. წ.

5. სიცარიელის ერთიანობა

როდესაც ქრებიან აზრები — ობიექტები,
ქრება მოაზროვნე სუბიექტიც;
ისევე როგორც, როცა ქრება გონება —
ქრებიან ობიექტები.

საგნები არიან ობიექტები სუბიექტებისაგან, სუბიექტით,
გონებაც ასევეა საგნებისაგან, საგნებით.

ჩაწვლით მათს ურთიერთკავშირს, „გადაბმულობას“

და თავდაპირველ რეალობას — სიცარიელის ერთიანობას.

ამ სიცარიელეში ორი განუსხვავებელია,

და თითოეული შეიცავს თავის თავში მთელ სამყაროს.

თუ თქვენ არ დააცილებთ ერთმანეთს და არ ვაკეთებთ განსხვავებას
უხეშსა და ნაზს შორის,

აღარ შეგაცდენთ წინასწარშექმნილი აზრები და წარმოდგენები.

გარემომცველი სამყარო არსებობს თქვენით — თქვენ ქმნით მას, თქვენ
ხართ შემქმნელი. ყოველი ცალკეული არსება ქმნის სამყაროს თავის გარშემო,
ეს დამოკიდებულია მის გონებაზე. გონება, ტვინი შესაძლოა იყოს ილუზორუ-
ლი, მაგრამ იგი წარმოქმნელია — ქმნის ზმანებებს, ოცნებებს. და თქვენზეა
დამოკიდებული: წარმოქმნათ ჯოჯოხეთი თუ სამოთხე. თქვენ არ შეგიძლიათ
მიატოვოთ თქვენი სამყარო, ვერ დატოვებთ მას. სადაც არ უნდა წახვიდეთ,
თქვენ შექმნით იგივე სამყაროს, რადგან სამყარო განუწყვეტლად გამოძინარე-
ობს თქვენგან ისევე, როგორც ფოთლები ხისგან. თქვენ ცხოვრობთ არა ერთსა
და იმავე სამყაროში, როგორც სხვები, რადგან არ გაქვთ ერთნაირი გონება. სწო-
რედ ავერ თქვენს გვერდზე ვინმე შეიძლება ცხოვრობდეს სამოთხეში, თქვენ კი
შეიძლება ცხოვრობდეთ ჯოჯოხეთში, მაგრამ თქვენ გგონიათ, რომ ცხოვრობთ
ერთსა და იმავე სამყაროში. მაგრამ როგორ შეიძლება ცხოვრობდეთ ერთსა და
იმავე სამყაროში, თუკი ჭკუა-გონებანი განსხვავებულია?

ამიტომ, პირველი, რაც უნდა გავიგოთ, არის ეს: თქვენ არ შეგიძლიათ დატოვოთ სამყარო, ვიდრე ჭკუა-გონება არ გამქრალა. ისინი დაკავშირებულნი არიან ერთმანეთთან, დამოკიდებულნი არიან ერთმანეთზე, ქმნიან მახვილურ წრეს. თუკი არის გონება... — და გონება მუდამ თავისებურია, განცალკევებულია — სხვაგვარად იგი იქცევა გონებად მთავრული ასო „გ“-თი, და ისევე არის: იგი იქცა ცნობიერებად. გონება მუდამ თავისებურია, საკუთარ ბრძანებით თავის გარშემო — ეს თქვენი სამყაროა.

გონება წარმოშობს სამყაროს — და მაშინ სამყარო წარმოშობს გონებას: ეხმარება გონებას დარჩეს იგივე. ეს მანკიერი, ბიწიერი წრეა, მაგრამ მისი წყარო გონებაშია; სამყარო წარმოადგენს მარტოოდენ თანაპროდუქტს. გონება — სუბსტანციურია, სამყარო — მხოლოდ მისი აჩრდილი; და თქვენ არ ძალგიძთ გააქროთ, მოსპოთ აჩრდილი, მაგრამ თითოეული ცდილობს გააკეთოს ეს...

და როცა არ გაკმაყოფილებთ თქვენი ცოლი, ფიქრობთ, რომ სხვა ცოლი დაგაკმაყოფილებთ: თქვენ ცდილობთ შეცვალოთ სამყარო, მაგრამ თვითონ იგივე რჩებით. თქვენ, უბრალოდ, შემდეგ ცოლს გადააქცევთ წინას ზუსტ გამეორებად, კვლავ შექმნით საკუთარ სამყაროს, ხოლო ცოლი უბრალოდ, ეკრანი იქნება. თქვენ შეიძლება გაგაოცოთ ხალხის გამოცდილებამ, რომლებსაც მრავალჯერ ჰყავდათ ცოლი. ეს მართლაც უცნაურია და, ადამიანი, რომელიც იცნობიერებს ამ ფაქტს, საკუთარ თავს ეკითხება: როგორ ხდება, რომ ამოდენა ვეებერთელა სამყაროში ყოველთვის ერთი და იმავე ტიპის ქალს გადავეყრები ხოლმე? თვით შემთხვევითობის დროსაც კი ეს შეუძლებელი ჩანს — ისევ, ისევ და ისევ! პრობლემა ქალში არ არის — პრობლემა გონებაშია. გონება ისევ და ისევ იზიდავს იმავე ტიპის ქალს, აპირობებს რა მსგავს სიტუაციას და მსგავსსავე ჯოჯოხეთს.

ზუსტად იგივე ხდება ყველაფერში, რასაც აკეთებთ. მიიჩნევთ, თუ არა თქვენ, რომ უფრო ბედნიერად იცხოვრებთ, თუკი მოხვდებით სასახლეში? არა ხართ მართალი! ვინ აპირებს სასახლეში ცხოვრებას? თქვენ იცხოვრებთ იქ. და თუ ბედნიერი არა ხართ თქვენს ქოხში, მაშინ არც სასახლეში იქნებით ბედნიერი. სასახლეში თქვენ იცხოვრებთ — სასახლე არ არსებობს თქვენს გარეშე. თუ შეგიძლიათ ბედნიერად იცხოვროთ ქოხში, შეძლებთ ბედნიერად ცხოვრებას სასახლეშიც, რადგან თქვენ ქმნით სამყაროს თქვენს გარშემო. მეორე მხრივ, თუკი თქვენ გაღიზიანებთ ქოხი, მაშინ გაგაღიზიანებთ სასახლეს და თანაც უფრო მეტად, რადგან სასახლე — დიდი „საგანია“. იგი ჯოჯოხეთად იქცევა: უფრო მორთულ-მოწყობილი, მაგრამ მაინც ჯოჯოხეთია, რადგან მორთული, მოკაზმული ჯოჯოხეთი სამოთხე როდია. თქვენ ძალდატანებით რომ ვისროლონ სამოთხეში, შეეცდებით როგორმე გამოძვრეთ იქიდან, თუ არადა იქ შექმნით თქვენს ჯოჯოხეთს.

მე მსმენია ერთ ადამიანზე, დიდ ბიზნესმენზე, ტანსაცმლის მწარმოებელზე, რომელიც გარდაიცვალა და რაღაცნაირად — რომელიღაც „ტექნიკური შეცდომის“ გამო სამოთხეში შევიდა. იქ შეხვდა თავის ძველ პარტნიორს, რომელიც ისევე სევდიანად გამოიყურებოდა, როგორც ამქვეყნად. ამიტომ ბიზნესმენმა ჰკითხა: რას ნიშნავს ეს? შენ სამოთხეში ხარ და ასე ნაღვლიანად კი გამოიყურები? პარტნიორმა მიუგო: აქ საუცხოოა, მაგრამ პირადად მე მაიამის ვამჯობინებ. და ბიზნესმენიც ასეთივე დასკვნამდე მივიდა რამდენიმე დღის შემდეგ; ისინი კვლავ პარტნიორებად იქცნენ და გადაწყვიტეს გაეხსნათ ტანსაცმლის მწარმოებელი საქმიანი საწარმო...

საითაც არ უნდა წახვიდეთ, იგივე მეორდება, რადგან თქვენ ქმნით სამყაროს თქვენს გარშემო, ხოლო შემდეგ ეს სამყარო ეხმარება გონებას, რომელმაც

და, აგენტს გაუკვირდა კიდევ, ისეთი სევდიანი იყო მოლა. მოლამ თქვა: მიძის-
 მინე, ორი კვირა არსად არ ჩამწერო, შევბუღებაში ვაპირებ წასვლას. აი, რო-
 გორ ფუნქციონირებს გონება: იგი აგრძელებს იმედს, თქვენ უკვე უსუსტად
 იმ კარებს, იმავე შეკითხვით და სურვილ-მისწრაფებით და იქ გზავნა / მუდამ
 არა. რა მიიღეთ გონების წყალობით ამ არების გარდა? დიან არ მოდეს კმ წე-
 სით, ამ ხერხით, არ შეუძლია მოვიდეს. გონება — ეს ამათ უმეტესად გონება
 ჰკავს უდაბნოს, მასზე არაფერი არ ხარობს, არც შეიძლება რაიმემ იხაროს; მა-
 გრამ გონება განაგრძობს იმედს. უდაბნო კი ოცნებობს და ოცნებობს მშვენიერ
 ბაღებზე, მორაკრაკე ნაკადულებზე, მდინარეებსა და ჩანჩქერებზე. თვითონ უდა-
 ბნოც ოცნებობს — და ეს გონების ოცნებაა, ზმანებაა.

ადამიანი სხვანაირი უნდა გახდეს. არ ღირს მეტი დროის დაკარგვა, არ
 ღირს უკაცუნო აგენტს კარებზე — თქვენ საკმაო ხანს იცხოვრეთ გონებით და
 ვერაფერს ვერ მიაღწიეთ ამით. ვანა ეს შესაფერისი მომენტი არ არის, რომ
 გავხდეთ უფრო შეგნებული და მიმხვედრი? თქვენ უკვე „დაავროვეთ“ მრავალი
 უბედურება და ჯოჯობეთი; და თუ მათ მიღწევებად თვლით — „საუცხოლოა“.
 თქვენ შეკრიბეთ მრავალი დარდი და გულისგატეხა, იმედის გაცრუება და საი-
 თაც არ უნდა გაეშუროთ გონებით — ყველგან რაღაც ხარვეზი იქნება.

მოლა ნასრედინის შვილი სკოლაში წავიდა. მასწავლებელი გეოგრაფიის
 გაკვეთილს ატარებდა, ლაპარაკობდა დედამიწის ფორმის შესახებ. მან მოლას
 ვაჟს ჰკითხა: იგი ბრტყელია? ბიჭმა უპასუხა: არა. მასწავლებელს იმედი მიუცა
 და უთხრა: მაშასადამე, მრგვალი ფორმისაა? მოლას ვაჟმა უპასუხა: არა. მასწა-
 ვლებელი გაოცდა. მან თქვა: არის ორი შესაძლებლობა: იგი ან ბრტყელია, ან
 არადა მრგვალი; შენ კი ორივე შემთხვევაში უარს ამბობ, მაშასადამე, როგორია
 შენი ვარაუდი? ბიჭმა უპასუხა: მაშინვემთა თქვა, რომ იგი მრუდეა!

გონებისათვის ყოველივე მრუდეა — არა იმიტომ, რომ ყველაფერი მრუდეა,
 არამედ იმიტომ, ასე „ხედავს“ გონება. ყოველივე, რაც დანახულია გონების თვა-
 ლით, მრუდე ხდება, ეს ისევეა — როდესაც რაიმე სწორ საგანს ჩაუშვებთ წყალ-
 ში, თითქოს იქ რაღაც ხდება: ჯობი სწორი აღარ არის; ამოგაქვთ იგი წყლი-
 დან — და ის კვლავ სწორი ხდება... და თქვენ იცით, რომ ჯობი სწორი რჩება
 წყალშიც, მაგრამ თქვენი თვალები განვენებენ, რომ იგი არასწორია. შევიძლიათ
 გაიმეოროთ ეს ასჯერ და, თუკი ახლაც კი კარვად იცით, რომ ჯობი სწორი
 რჩება, — წყლის ვარემო კვლავ ცრუ ინფორმაციას მოგაწვდით.

თქვენ უკვე უამრავჯერ შეიცანიით, რომ უბედურება წარმოქმნილია გონების
 მიერ, მაგრამ კვლავ მსხვერპლი ხლებით, გონება კვლავ უბედურებას წარმოშობს,
 მას არ ძალუძს წარმოქმნას სხვა რამ, რადგანაც არ ხვდება რეალობას, იგი
 მხოლოდ ოცნებობს, ეზმანება — ესაა მისი ერთადერთი უნარი. მას შეუძლია
 მხოლოდ ოცნება, ოცნებათა დაკმაყოფილება კი ვერასდროს ვერ ხერხდება, რად-
 გან, როგორც კი წარსდგებიან რეალობის წინაშე, ისინი იმსხვრევიან. და განაგ-
 რძობთ ცხოვრებას ოცნება-ზმანებათა შუშის სახლში — თქვენ არ ძალგიძთ პი-
 რისპირ შეხედეთ რეალობას; როდესაც არ უნდა „მოვიდეს“ რეალობა, სახლი
 იმსხვრევა, მრავალი თქვენი სახლი, რომლებშიც ცხოვრობდით; გონებით და-
 გაქვთ თქვენი სახლების ნანგრევები, ნამსხვრევები: სევდა, ნალველი, რომელიც
 შედეგს წარმოადგენს.

გონებამ გაქციათ ასეთი გაღიზიანებული, გულჯავრიანი, მწყრომარე... მი-
 ღით ვინმესთან ახლოს, „გაუსინჯეთ მას გემო“ და აღმოაჩენთ, რომ იგი მწარეა:
 ასევეა სხვათა შეგრძნება თქვენ მიმართაც. რასთანაც არ უნდა მიხვიდეთ — ყო-
 ველივე მწარე ხდება. თუკი თქვენ გარკვეული მანძილის დაშორებით იმყოფე-

ბით, ყოველივე საუცხოოდ ჩანს. როდესაც ახლოს მიდახართ, გონებანი ერთიან-
ნეთში შეაღწევენ, ერთმანეთით იმსჯელებიან და ყოველივე მრუდდება — მაშინ
არაფერი აღარ არის სწორი... ყოველივე ეს გაცნობიერებული უნდა იქნას რო-
გორც საკუთარი განცდა და არა როგორც თეორია — სენ-ცანისა ან სხვა.

ყოველივე ეს გაცნობიერებული უნდა იქნას როგორც თქვენ მიერვე განც-
დილი ფენომენი — აქ დახმარებას ვერ შეძლებს სენ-ცანი, ვერც სხვა და
ვერც სხვა. მხოლოდ უშუალო განცდისას იქცევა იგი ჭეშმარიტებად, მხოლოდ
მაშინ იწყებს ტრანსფორმაციას მრავალი რამ, მხოლოდ მაშინ უკვივდება გონება.

და როდესაც გონება უარყოფილია, ყველა სამყარო ქრება, ქრებიან ობიექ-
ტები, ისინი წყვეტენ არსებობას როგორც ობიექტები. მაშინ არ იცით, სად თა-
ვლებით თქვენ და სად იწყება საგნები: ამ დროს ქრება, იშლება საზღვრები, ისი-
ნი აღარ არსებობენ. თავიდან ისე გრძნობთ, თითქოს ყოველივე არეულია, ბუნ-
დოვანია — მაგრამ ნელ-ნელა თქვენ თავსდებით ახალ ფენომენში, რომელიც
წარმოიქმნება გონების არყოფნისაგან. მაშინ ჩნდება ვარსკვლავები, მაგრამ
ისინი თქვენი ნაწილია და არა ობიექტები; არიან ვაკვილები და ხეები, მაგრამ
ისინი ჰევაიან თქვენში, თქვენ გარეთ ისინი არ არსებობენ. მაშინ თქვენ ცხოვ-
რობთ მთლიანობაში. ბარიერი დაძლეულია. ბარიერი კი თქვენი გონება იყო.
პირველად არ არის სამყარო, რადგან სამყარო წარმოადგენდა ობიექტების ჯამს.
პირველად წარმოჩნდება სამყარო, სამყარო კი ნიშნავს ერთიანობას, მთლიანო-
ბას. გაიხსენეთ სიტყვა „უნი“, — მაგრამ თქვენ არ შეგიძლიათ უწოდოთ მას
ქვეყნიერება, სამყარო, უნივერსუმი, თქვენთვის ეს „მულტივერსუმი“ — მრავა-
ლი სამყარო და არა ერთი, ის ჯერ კიდევ არ გამხდარა ერთი. მაგრამ როდესაც
გონება მოიხსნება, სამყაროები ქრებიან. მაშინ აღარ არსებობენ ობიექტები, საზ-
ღვრები ერთმანეთს შეერევიან და ხვდებიან: ხე იქცევა კლდედ, კლდე მზედ, მზე
ვარსკვლავებად, ვარსკვლავი კი ქალად, რომელიც თქვენ გიყვართ — ყოველივე
ერთმანეთს ხვდება და შეერევა. და თქვენ ცალკე აღარ ხართ: თქვენ ამაში ხართ,
პულსაციას ახდენთ უშუალოდ გულთან. მაშინ ეს უნივერსუმი.

რას შვრებოდით თქვენ აქამდე?

ცდილობდით „მიგელოთ“ საუკეთესო ოცნება და, ცხადია, ამაოდ გაისარჯეთ.
გონების მთელი მცდელობანი აქეთკენაა მიმართული, მაგრამ ნუ გექნებათ იმედი,
რომ გონებას შეუძლია მოგანიჭოთ საუკეთესო ზმანება. სიზმარი სიზმარია. თუ-
ნდაც იყოს საუკეთესო სიზმარი, ის ვერ დაგაკმაყოფილებთ, სიზმარი სიზმარია.
თუკი წყურვილს გრძნობთ, თქვენ გესაჭიროებათ რეალური წყალი და არა
წყალი-ზმანება. თუ მოშიებულა ხართ, თქვენ გესაჭიროებათ რეალური, ნი-
ვთიერი პური, მაგრამ არა პური — ოცნება. თქვენ შეგიძლიათ მოიტყუოთ თავი
რამდენიმე წუთით — მაგრამ საჩამდე? ეს ყოველ დამეს ხდება: თქვენ მშიერი
ხართ და გონება წარმოქმნის სიზმარს, რომ ჭამთ, მიირთმევთ დელიკატესებს.
რამდენიმე წუთით ეს კარგია, რამდენიმე საათითაც კი, მაგრამ საჩამდე? შეგი-
ძლიათ დარჩეთ ამ სიზმარში მუდმივად? ეს გეხმარებათ ძილში — თორემ შიმ-
შილი გაგაღვიძებთ და დაგჭირდებათ ადგომა და საჭმელად წასვლა; ეს გეხმარე-
ბათ: თქვენ შეგიძლიათ განაგრძოთ ძილი, რადგან გრძნობთ, რომ მიირთმევთ, და
არ არის საჭირო სადმე წასვლა, მაგრამ დილით გეცოდინებათ, რომ თქვენმა გო-
ნებამ მოგატყუათ.

მთელი ცხოვრება ზუსტად ასეთი სიზმარია — თქვენ ცვლით ობიექტებით —
ზმანებებით რეალობას და ამიტომ ყოველდღე ყოველივე იმსხვრევა, ყოველდღე
ყოველივე ეჯახება რეალობას, რადგან რეალობა აგრძელებს დარტყმებს აქედან
და იქიდან — თქვენ არ შეგიძლიათ მისი თავიდან აცილება. სიზმარი — ძალიან

სუსტი, მყიფე რამ არის: რეალობა უკაკუნებს და ამსხვრევს მას. და ეს კარგია; თქვენთვისვე სასიკეთოდ რეალობა ამსხვრევს, და ნაკუნ-ნაკუნ აქცევს მათ. მაგრამ თქვენ თავიდან იწყებთ ამ ნაკუნების შეგროვებას და ახალი სიზმრების წარმოქმნას. შეწყვიტეთ ეს! თქვენ მრავალჯერ შეიქმენით სიზმრები — არაფერია მიღწეული. უკვე საკმარისია!

რაკი გესმით და ხვდებით, რომ „ოცნებობია“ უნდა შეწყვიტოთ ობიექტების სამყარო ქრება, სამყარო იქნება, მაგრამ არ იქნებიან ობიექტები. ამ დროს ყოველივე ცოცხლდება, ყოველივე სუბიექტური ხდება. რელიგიურ ადამიანთა გამონათქვამების აზრით, ყოველივე ღმერთია. რას ამბობენ ისინი? ღმერთი — უბრალოდ მეტაფორაა. არავინ ზის ზევით ზეცაში, რომელიც აკონტროლებს და მართავს. ღმერთი — უბრალო მეტაფორაა. მეტაფორა იმისა, რომ ყოველივე სამყაროში არასაგნობრივია, — ისინი პერსონებია. ღრმად შიგნით ისინი სუბიექტურები არიან. ყოველივე ცოცხალია და ფეთქავს და ეს პულსირება ნაწილობრივი პროცესი არ არის — ეს ერთიანის, მთლიანის პულსაციაა. თქვენ გრძნობთ გულისცემას — გულთან, გულის სიახლოვეს; მაგრამ თუკი ფიქრობთ, რომ ეს ცემა მხოლოდ გულშია, მაშინ ცდებით — მთელი სხეული პულსირებს. გული მხოლოდ ინდიკატორია, პულსირებს მთელი სხეული. აი, რატომ არის, რომ როდესაც გული ჩერდება, სხეული მკვდარია — პულსირდება სინამდვილეში არა გული, არამედ მთელი სხეული პულსირდება გულით: გული მხოლოდ ინდიკატორი იყო. მთლიანობა პულსირებს თქვენით: თქვენ უბრალოდ ინდიკატორი ხართ. სამყარო პულსირებს და სცემს თქვენით და თქვენში: თქვენ არა ხართ და არის სამყარო. მაგრამ სამყარო — ობიექტების ჯამი არ არის — ეს სუბიექტურობაა: იგი ცოცხლობს როგორც პიროვნება, იგი ცოცხალია, ცნობიერია; იგი მექანიკური ორგანიზმი არ არის, ის ორგანული მთლიანობაა...

ახლა შეეცადეთ ჩაწვდეთ სენ-ცანის სიტყვებს:

- როდესაც ქრებიან აზრები — ობიექტები,
- ქრება მოაზროვნე სუბიექტიც;
- ისევე როგორც, როდესაც ქრება გონება —
- ქრებიან ობიექტები
- საგნები არიან ობიექტები სუბიექტისაგან, სუბიექტით,
- გონებაც ასევეა საგნებისაგან, საგნებით.

საგნები გარშემო არსებობენ თქვენით — თქვენ იზიდავთ მათ. თუ გრძნობთ თქვენ გარშემო ჯოჯოხეთს — სწორედ თქვენ შექმენით ეს. ნუ ბრაზდებით და ნუ იწყებთ მასთან ბრძოლას, ეს უშედეგოა. თქვენ მოიზიდეთ იგი, თქვენ „მოიწვიეთ“ ის, თქვენ გააკეთეთ ეს და მუდამ გახსოვდეთ, რომ ყოველივე, რაც თქვენ გარშემოა, დამკვიდრებულია, ფესვგადგმულია თქვენს გონებაში — მიზეზი მუდამ გონებაა. გონება პროექტია, გარშემო კი მხოლოდ ეკრანებია: იმუშავეთ გონებაზე, ნუ მუშაობთ ეკრანებზე.

მაგრამ აქ წარმოიქმნება პრობლემა, რადგან ფიქრობთ, რომ თქვენ ხართ გონება — როგორღა უნდა უკუაგდოთ იგი?

თქვენ ფიქრობთ, რომ ამქვეყნად შეიძლება ყოველივე შეცვალოთ, ხელმეორედ შეღებოთ. უკუაგდოთ — მაგრამ როგორ უნდა უკუაგდოთ საკუთარი თავი? თქვენ გაუიგივდით საკუთარ გონებას, ტვინს — ესაა ყველა პრობლემის არსი. მაგრამ თქვენ არა ხართ გონება, თქვენ გონების გარეთ ხართ. და მედიტაციის მიზანია მოგცეთ თქვენ ცოდნა და სტიმული იმის გასაცნობიერებლად, რომ თქვენ არა ხართ გონება. თუნდაც გონება გაჩერდეს სულ რამდენიმე წამითაც, თქვენ მაინც არსებობთ. გარდა ამისა, თქვენ გაცილებით ამაღლდით — სავსე

ხართ ყოფიერებით. როდესაც გონება ჩერდება, თითქოს დრენაჟმა მუშაობა შეწყვიტაო, რომელიც თქვენ გამუდმებით გამრობდათ (გწრეტდათ), ანაზღად თქვენ ენერგიით ივსებით, გრძნობთ მეტ მასშტაბურობას და ძალ-ღონეს, თუკი თქვენ წამითაც გაიცნობიერეთ: მე ვარ — თქვენ მიაღწიეთ ჭეშმარიტების ღრმა შუაგულს. მაშინ ადვილად უკუაგდებთ გონებას. თქვენ არა ხართ გონება, სხვაგვარად როგორ უკუაგდებთ თავს? თავიდან უკუგდებულ უნდა წახსნას გონებებზე, შემდეგ შესაძლებელია აგრეთვე გონების უკუგდებაც.

გურჯიევის ერთ-ერთი მეთოდი იმაში გამოიხატება, თუ როგორ გავხდეთ გაუიგივებელი. როდესაც გეუფლებათ სურვილი, დააკვირდით მას, უთხარით საკუთარ თავს: საუცხოოა, მე მივაღვევებ თვალყურს, საითკენ იწევეს ეს გონება. და იგრძნობთ დისტანციას — თქვენ უყურებთ მას. ვინ არის ეს მაყურებელი, ვინ არის ეს დამკვირვებელი? ზოგჯერ თქვენ გავიწყდებათ, უერთდებით, ერწყმით სურვილს, თქვენს ზმანებათ რომ წარმოშობს. განეწყვეთ ხელახლა, დააკვირდით სურვილს კიდევ ერთხელ: ის თავისთავად მოძრაობს; აზრი — ღრუბელია თქვენი არსების ცაზე. უბრალოდ შეხედეთ, თვალყური მიაღვევთ მას. გახსოვდეთ: თუ შეგიძლიათ გაუიგივებელი იყოთ თუნდაც წამის მონაკვეთში, მაშინ სურვილი არ არის იქ, თქვენ კი აქ, არის დისტანციაც — და ანაზღად წარმოიქმნება ნათელხილვა, თქვენ სინათლე გეუფლებათ.

ახლა იცით, რომ გონება მუშაობს თავისთავად — ეს არის მექანიზმი, რომელიც შეგიძლიათ უკუაგდოთ. ახლა შეგიძლიათ ისარგებლოთ გონებით და შეგიძლიათ არ ისარგებლოთ — ახლა თქვენ პატრონი ხართ, არა მონა. მექანიზმმა თავისი ადგილი დაიკავა და ახლა, როცა თქვენ უკვე განსხვავდით მისგან, შესაძლებელია მისი უკუგდება. მედიტაცია, მდუმარე ჯდომა, გონებაზე დაკვირვების წარმოება — დიდ დახმარებას გაგიწევთ. არა ძალდატანება — უბრალოდ ჯდომა და ხედვა, დაკვირვება. უბრალოდ თვალყური მიაღვევთ, როგორც უყურებენ ცაში მოფრთხილვე ფრთოსნებს. ამ დროს არაფერს არ აკეთებთ, არც იმას უფიქრდებით, სად და რისთვის მიფრინავენ ისინი. ეს თქვენ არ გაღელვებთ, არ გეხებათ — ისინი ფრენენ თავისთვის და თავისთავად. აზრებიც ასეთი ფრთოსნები არიან — ისინი მოძრაობენ თავისთავად. ზოგჯერ აზრები გადმოგეცემათ გარშემო მყოფი ხალხისაგან, ზოგჯერ კი პირიქით. აი, რატომ არის, რომ ერთი რომელიმე ადამიანის თანდასწრებისას შეიძლება იგრძნოთ უცაბედი სევდა, სხვა ადამიანთან ყოფნისას კი პირიქით, ენერგიის მოზღვაუებას და ბედნიერებას განიცდით. უბრალოდ ვინმეს შეხედვა, მის გვერდით ყოფნა — და რაღაც იცვლება თქვენს განწყობილებაში. ეს ხდება კავშირში საგნებთან, ადვილმდებარეობასთან, საზოგადოებასთან. რომელიღაც სახლში თქვენ გიპყრობთ რაღაცნაირი გულგატეხილობა, დაღვრემილობა, სხვა სახლში კი შვებას გრძნობთ, თითქოს ფრთები გესხმებათ, უწონობის მდგომარეობაში ხართ. თქვენ მოხვდით ადამიანების გარემოცვაში — და თქვენს თავს რაღაც ამბავია, რაღაც შეიცვალა; თქვენ აღმოჩნდით სხვა ცხოვრებისეულ სიტუაციაში და კვლავ რაღაც იცვლება.

სატსანგის არსი იმაში გამოიხატება, რომ იყოთ ოსტატთან, რომელსაც არა აქვს აზრები. უბრალოდ იყავით მასთან და — როდისმე მისი არაგონება „კარზე მოვიკაკუნებთ“. ეს მოხდება რომელიმე მომენტში — ამას წინასწარ ვერ გამოიწვევ, საჭიროა უბრალოდ ლოდინი, ლოდინი და დაკვირვება. აქ ძალდატანება შეუძლებელია, რადგან ეს აზრი არ არის. აზრი საგანია. ის შეიძლება მოგცენ, მოგაწოდონ. არა — აზრი — ეს არა — საგანია, მისი მოცემა შეუძლებელია.

აზრს აქვს თავისი საკუთარი მოძრაობა და მიმართულება.

როდესაც ადამიანის გვერდით ხართ, რომელსაც ძალზე ბევრი აზრები აქვს,

იგი ვაყსებთ თავისი აზრებით — თავისი გონებიდან თქვენში სცლის თავის აზრებს; თუნდაც უბრალოდ თქვენ ვვერდით იმყოფებოდეს, არა აქვს მნიშვნელობა, ღაპარაკობს იგი თუ არა. აზრები ნაპერწკლებით სცვივიან მისი თავიდან და თქვენ იჭერთ მათ. ზოგჯერ იცნობიერებთ კიდევ, რომ სხვისი აზრი მიიღეთ; მაგრამ უფრო ხშირად თქვენ უბრალოდ ივსებით აზრებით, იგიულებით მასთან. ვიდაც გაბრაზდა — და თქვენ რაღაც იგრძენით შიგნით: ეს თქვენს შიგნით არ არის; ვიდაცამ ანტიპათია გამოხატა და ამან იმოქმედა თქვენზე. ყოველივე გადამდებია: გონება, აზრები — ეს ყველაზე გადამდები აკადემიოფობია ამქვეყნად, ვერც ერთი გრიპი ვერ შეუდრება მას.

თუ თქვენ უნარი გაქვთ ხედვის, შეგიძლიათ დაინახოთ ნაპერწკლებიც კი, ადამიანის თავიდან რომ სცვივა, — ისინი სხვადასხვა ფერისანი არიან. აი, რატომ იყო, რომ ძალიან ბევრმა მისტიკოსმა გაიცნობიერა აურა. დაღვრემილი, სვედიანი ადამიანი გარშემორტყმულია სვედიანი აურით და შეგიძლიათ დაინახოთ კიდევ იგი, თუკი თქვენი თვალები სუფთაა. მაშინ თქვენ უნარი გაქვთ დაინახოთ, როცა ბედნიერი ადამიანი ვიახლოვდებათ; თუნდაც ვერ ხედავდეთ მას, ის თქვენ უკანაა, თქვენ ანაზღად შეიგრძნობთ რაღაცნაირ ბედნიერებას, გარშემო რომ ხდება.

აზრები — თქენი საკუთრება არ არის, აზრები — თქვენ არა ხართ და, როდესაც ადამიანი კვდება, აზრები ირგვლივ იფანტება. მიუახლოვდით მომაკვდავს, დაუკვირდით — ეს თავისთავად განცდას წარმოადგენს: უბრალოდ იჯექით და თვალყური მიადევნეთ, რა „ემართება“ თქვენს გონებას. გაოცდებით: აზრები, რომლებიც არახოდეს გაგანდათ, აზრები, რომლებიც თქვენთვის უცნობია, — მოულოდნელად ამოქმედდნენ. როდესაც ადამიანი კვდება, იგი მიმოფანტავს თავის აზრებს გარშემო, როგორც მომაკვდავი ხე მიმოფანტავს თავის თესლებს: იგი (ხე) პანიკაშია, სანამდე მოკვდება, მან უნდა მიმოფანტოს თესლები, რათა ამოვიდნენ სხვა ხეები. თუ თქვენ გაცნობიერების უნარი გაქვთ, მაშინ არ არის პრობლემა. აღარ იმოქმედებს თქვენზე დაღვრემილობა ან სვედა, რადგან გეცოდინებათ, რომ ეს დროებითაა შეგრძნებაა, რომ იგი ისევ „წავა“ და თქვენც არახდროს აღარ უიგივდებით მას. თქვენ, ალბათ, გიგრძენიათ როდისმე ის, როცა, მაგალითად, ეკლესიაში შესულხართ. ადამიანები ლოცულობენ და იმწამსვე სხვანაირად გრძნობთ თავს. მათი მხურვალე ლოცვის ხილვისას თქვენც ცეცხლი გენთებათ გულში და გრძნობთ ანაზღულ შინაგან ცვლილებას.

იყავით ფხიზელნი!

დააკვირდით, როგორ შემოდის აზრები თქვენში, როგორ უიგივდებით და უერთდებით. ისინი ისე სწრაფად მოძრაობენ, ისეთი დიდი სინქარით, რომ არაფერი შეუდრება ამ სინქარეს — აზრის სინქარეს. მას არ ესაჭიროება დრო, რაიმეს რომ მიაღწიოს, ერთი უსახსრულობიდან იგი მეორეში ხდება, მიხთვის არ არსებობს სივრცე. თქვენ არ შეგიძლიათ ამიტომ დაინახოთ ორი აზრი ცალცალკე.

დაჯექით, დახუჭეთ თვალები და შეანელეთ ყველა პროცესი ორგანიზმში: სუნთქვა ნელდება, პულსი ნელდება, სისხლის წნევა კლებულობს. თქვენ ყველაფერს ანელებთ და დუნდებით, ეშვებით — რადგან, როცა ყოველივე ნელდება, მაშინ აზრებიც უნდა შენელდნენ — ყოველივე ეს ხომ განუყოფელი მთლიანობაა. როდესაც ყოველივე შენელდება და იკლებს, იკლებენ აზრებიც. აი, რატომ არის, რომ ღრმა ძილში აზრები ჩერდება — ყოველივე ესოდენ შენელებულია, აზრი კი ისეთი სწრაფი რამაა, რომ ხდება წყვეტა: პროცესი აღარ გრძელდება — აზრი

ქრება. ღრმა ძილში, რამდენიმე საათით, ორი საათით მაინც, ახრი ჩერდება, რადგან თქვენ მთლიანად მოდუნებული, მოშვებული ხართ.

მოეშვით და უბრალოდ თვალ-ყური მიაღვენეთ, რადგან სააზროვნო პროცესი ნელდება. თქვენ შეგიძლიათ შენიშნოთ შუალედები. ორ ახრს შორის არის ინტერვალი. — ამ ინტერვალში არის ცნობიერება. ორ ღრუბელს შორისაც ინტერვალია. ამ ინტერვალში ღურჯი ზეცაა. შეანვლეთ სააზროვნო პროცესები და დააკვირდით ინტერვალებს; გაამახვილეთ ყურადღება ინტერვალზე, არა ღრუბლებზე; ნუ უყურებთ ფიგურას, უყურეთ ფონს. თუ მე აქ დავდგამ დაფას, დიდ, კედლისოდენა გრიფელის დაფას, აღვნიშნავ მასზე თეთრ წერტილს და შემდეგ შეგეკითხებით, რას ხედავთ-მეთქი, 99%-ით დარწმუნებული ვარ, თქვენ ვერ დაინახავთ დაფას — დაინახავთ თეთრ წერტილს. ეს იმიტომ, რომ ჩვენ ვხედავთ ფიგურას და არა ფონს. დაფა ხომ ასე დიდია, მაგრამ თქვენ იტყვიან: მე ვხედავ პატარა თეთრ ლაქას. უხარმაზარი დაფა არა სჩანს, მაგრამ თითქმის უნიხარი პატარა თეთრი ლაქა კი მოჩანს დაფაზე. ეს გონების ფიქსირებული კანონია: ვუყუროთ ფიგურას და არა ფონს, ვუყუროთ ღრუბელს და არა ცას; ვუყუროთ ახრს და არა ცნობიერებას.

გონების ამგვარი განწყობა უნდა შეიცვალოს, მიაქციეთ მეტი ყურადღება ფონს, ვიდრე ახრის ფიგურას — და უფრო მიუახლოვდებით რეალობას. მედიტაციის დროს ეს განუწყვეტლივ უნდა აკეთოთ. გონება ძველი ჩვეულების მიხედვით ფიგურას მიაპყრობს ყურადღებას; თქვენ უბრალოდ კვლავ მოახდინეთ გადასვლა — უყურეთ ფონს.

ჩვენ აქ-ვართ — თქვენ აქ ხართ და მე ვარ აქ. მაგრამ ჩვენ ერთმანეთს ვუყურებთ ორგვარად. მე შემოძლია ვუყურო ფონს — იქ ხეებია, მცენარეებია, სიმწვანე, ცა, უხარმაზარი სამყარო; ყოველივე ეს თქვენი ფონია. ანდა მე შემოძლია ვიყუროთ თქვენ: თქვენ ფიგურები ხართ. მაგრამ თქვენი გონება მუდამ ფიგურას უყურებს. აი, რატომ ხდება, რომ, როდესაც ახლოს მიდიხართ ისეთ ადამიანთან, როგორც სენ-ცანია, ბუდა ან იესო, გრძნობთ, რომ მათი თვალები არ ვიყურებენ თქვენ: თქვენ, უბრალოდ, ფიგურები ხართ, ხოლო ისინი ფონს უყურებენ, მათი შინაგანი განწყობა სხვანაირია, განსხვავებულია. თქვენ შეიძლება იგრძნოთ, რომ მათი თვალები ცივია, რადგან ისინი ყურადღებას არ გაქცევენ. თქვენ უბრალოდ ღრუბელი ხართ. როდესაც ბუდა ვხედავთ, — თქვენ ხართ, მაგრამ როგორც ფონის მხოლოდ პატარა ნაწილი; ფონი ვეებერთელაა, თქვენ კი მხოლოდ წერტილი ხართ.

მაგრამ თქვენ გსურთ, რომ ვინმე ვიყურებდეთ, როგორც პატარა წერტილს ისე, თითქოს სამყარო ხართ, თითქოს არაფერი არ არსებობს თქვენ გარდა. ბუდას სიყვარული ცივად გეჩვენებათ, თქვენ გჭირდებათ მხურვალე სიყვარული: თვალები, მოპყრობილი რომ არიან თქვენკენ და რომლებიც ივიწყებენ მთლიანობას. ბუდასათვის ეს შეუძლებელია: მხოლოდ პატარა წერტილი ხართ და თქვენი ადვილი გაქვთ. რაც უნდა ლამაზი იყოს, თქვენ უხარმაზარი ფონის მცირე ნაწილი ხართ — შეუძლებელია თქვენთვის მთელი ყურადღების მოპყრობა. აი, რატომ გრძნობს თავს ეგო დამცირებულად, თავმოყვარეობაშელახულად ბუდას წინაშე — მას მთელი ყურადღება სურს: შემომხედეთ, მე სამყაროს ცენტრი ვარ.

მაგრამ თქვენ არა ხართ სამყაროს ცენტრი. სინამდვილეში სამყაროს ცენტრი არ არსებობს, რადგან ცენტრი შესაძლებელია მხოლოდ მაშინ, როცა სამყარო შემოფარგლულია. თუკი ეს შემოსაზღვრული, შემოფარგლული წრეა, მაშინ ცენტრი შესაძლებელია — მაგრამ სამყარო არ არის შემოფარგლული წრე. იფიქრო წრეზე — ეს აბსურდია. არ არსებობს ცენტრი სამყაროში, იგი არსებობს

ყოველგვარი ცენტრის გარეშე — და იგი მშვენიერია ამით; აი, რატომ ფიქრობს ადამიანი, რომ ის ცენტრია, სამყაროში რომ ცენტრი იყოს, მაშინ ეს შეუძლებელი იქნებოდა.

აი, რატომ არ მიიღებენ მაჰმადიანები, ქრისტიანები და იუდეველები ინდუისტურ მტკიცებას: მე ვარ ღმერთი — „ახამ ბრაჰმასი“. ისინი ამტკიცებენ აბსურდია. რას ლაპარაკობ? მხოლოდ ღმერთია ცენტრი, არაუარსებობს სხვა არ არის ცენტრი. მაგრამ ინდოელებს შეუძლიათ იოლადა, თავისუფლად ამტკიცონ: „მე ვარ ღმერთი“. ამით ისინი ამტკიცებენ, რომ არ არსებობს ცენტრი, ანდა ყოველი ცენტრია; მაგრამ როდესაც პრეტენზიას აცხადებთ, რომ მთელი ყურადღება თქვენზე იყოს, — ეს გონების ძველი ჩვეულებაა — უყუროს არა ფონს, არამედ მხოლოდ ფიგურას. მედიტაციაში ფიგურიდან უნდა გადახვიდეთ ფონზე, ვარსკლავებიდან ცაზე. რაც უფრო ხშირად ხდება ეს გადასვლა, ეს გადანაცვლება, მით უფრო ნათლად იგრძნობთ, რომ თქვენ გონება არა ხართ; მით უფრო ძლიერად იგრძნობთ, რომ შეგიძლიათ გონების უკუგდება. ეს ისევეა, როგორც ტანსაცმლის გახდა — შეგიძლიათ იგი იოლადა მოიცვილოთ. მაგრამ ამისათვის საჭიროა გაივლოთ, რომ თქვენ ფონი ხართ და არა ფიგურა.

როდესაც ეს გონება უკუგდება, ამბობს სენ-ცანი, მაშინ ობიექტური სამყარო უბრალოდ ქრება. რას გულისხმობს იგი? მხედველობაში აქვს მას ის, რომ როდესაც ღრმა მედიტაციაში ხართ (როცა თქვენ მიაღწიეთ მიზანს — უკუაგდეთ გონება) ეს ხეები, რომელთაც თქვენ ხედავთ, გაქრება? ანდა აღარ იქნება ეს სახლი და თქვენ აღარ იჯდებით აქ? თუკი მე მივალწიე მიზანს, ქრება თუ არა ეს სკამი, რომელზეც მე ვსივარ? — არა. ობიექტი ქრება როგორც ობიექტი — არც ეს სკამი, არც ხე არ გაქრება, ისინი დარჩებიან, მაგრამ აღარ იქნებიან შემოფარგლულები. ახლა მათ არა აქვთ საზღვრები — ახლა ეს სკამი ხვდება, უერთდება მზეს და ცას: ფიგურა და ფონი ერთიანი ხდება, მათი ინდივიდუალობა დაკარგულია, ისინი აღარ არიან ობიექტები, რადგან თქვენ აღარ ხართ სუბიექტი.

კრიშნამურტს აქვს ლამაზი ფრაზა: ღრმა მედიტაციაში დამკვირვებელი ხდება დასაკვირვებელი. ეს მართალია. მაგრამ ეს შეიძლება აბსურდულად მოგეჩვენოთ. გულისხმობს კრიშნამურტი, რომ, თუ თქვენ უყურებთ ყვავილს, მაშინ ყვავილი ხდება? — მაშინ როგორღა დაბრუნდებით სახლში; და ვიღაცას შეუძლია მოგწყვიტოთ; აქ თავს იჩენს აგრეთვე მრავალი სხვა პრობლემა.

„დამკვირვებელი ხდება დასაკვირვებელი“ ნიშნავს ეს, რომ თქვენ ხდებით ყვავილი? არა, არ ნიშნავს და მაინც რაღაც აზრით — კი. თქვენ არ ხდებით ყვავილი იმ აზრით, რომ შეიძლება თქვენი მოწყვეტა, ხელში აღება, რომ თქვენ ადამიანი აღარა ხართ. მაგრამ, როცა აღარ არის გონება, მაშინ აღარ არის არავითარი საზღვარი, რომელიც გამოგაცალკევებდათ ყვავილისაგან, ანდა ყვავილს თქვენგან. თქვენ ორივენი გახდით სუბიექტური ტბა — თქვენ გაიხსენით და შეხვდით. თქვენ დარჩით თქვენადვე, ყვავილი ყვავილად, მაგრამ არის გახსნა.

ჩვეულებრივ ცხოვრებაში ეს ზოგჯერ ხდება რამდენიმეჯერ და რამოდენიმე მომენტში — როდესაც გიყვართ ადამიანი. ეს იშვიათად ხდება, რადგან ადამიანური გონება არასოდეს გტოვებთ თქვენ — სიყვარულის დროსაც კი — აგრძელებს რა თავისი მახასიათებელი სისულელეების ჩადენას, ქმნის რა თავის სამყაროს; იგი არ აძლევს საშუალებას თავის საყვარელს მიაღწიოს ფონს — ეგო მუდამ ხელს უშლის. მაგრამ ზოგჯერ ეს ხდება. ცხადია, ეს უნდა ხდებოდეს და ეს ხდება — მაგრამ თქვენგან დამოუკიდებლად; ეს თვითონ ბუნებრიობაა და თუნდაც გონებამ ყველა ზომა მიიღო — რეალობა ზოგჯერ „გეჯახებათ“ თქვენ. იგი ანა-

ხდეულად აღწევს თქვენში, სპონტანურად და სრულიად მოულოდნელად, როდესაც არა ხართ ფხიზლად, არა ხართ მობილიზებული, როდესაც ფიქრებში ხართ წასული, ანდა თავდავიწყებას ხართ მიცემული, ან კიდევ რაიმეთი ხართ დაკავებული — ამ დროს უეცრად ფანჯარა იღება და რეალობა იჭრება თქვენს არსებობაში, თუმცა სრულიად არ უყურებთ ფანჯარას... ეს ხდება სიყვარულის რამდენიმე მომენტში: დამკვირვებელი ხდება დასაკვირვებელი. ეს მშვენიერი მედიტაციაა: თუ გიყვართ ადამიანი, დაჯექით მის გვერდით და ერთმანეთს უყურეთ თვალებში ისე, რომ არაფერზე არ იფიქროთ, არც მასზე, არც არაფერზე, სააზროვნო პროცესს რომ წარმოქმნის — უბრალოდ უყურეთ ერთმანეთს თვალებში. და ამ დროს ხდება რამდენიმე გაელვება, — როდესაც დამკვირვებელი ხდება დასაკვირვებელი. თვალები — ეს მშვენიერი კარებია, რათა „შეხვიდეთ“ ერთმანეთში. რატომ ვამბობ, რომ ეს შესაძლებელია მხოლოდ სიყვარულში? იმიტომ, რომ მხოლოდ სიყვარულის დროს არა ხართ ფხიზლად, თქვენ მოდუნებული, დაუძაბავი ხართ. როდესაც სხვისი არ გეშინიათ — თქვენ „ნებას აძლევთ“ თავს იყოს მშვიდად, „გაიხსნათ“ ბოლომდე. სხვა შემთხვევაში თქვენ მუდამ ფხიზლად ხართ, რადგან არ იცით, რას იზამს სხვა, გავნებთ თუ არა იგი რაიმეს. და თუ ფხიზლად არა ხართ, ამ ვნება-ზიანმა შეიძლება ღრმად შეაღწიოს თქვენში, სიყვარულში. თქვენ შეგიძლიათ უყუროთ ერთმანეთს თვალებში.

რამდენიმე ნაპერწკალი, გაელვება — როდესაც ფონი და ფიგურა ერთმანეთში გაიხსნებიან და ეს თქვენზე უღრმეს შთაბეჭდილებას მოახდენს. უეცარი წამი: თქვენ არა ხართ და მაინც ხართ და სადღაც სიღრმეში მოხდა შეხვედრა. ნამდვილი მედიტატორისთვის ეს ხდება ბუნებრივად სამყაროსთან მიმართებაში. არა ის, რომ ის ხდება ხე — მაგრამ იგი მაინც იქცევა ხედ: როდესაც ის ხესთანაა, მაშინ საზღვრები აღარ არის; და როდესაც ის მიქცეულია ამ უსაზღვრო სამყაროსაკენ, მაშინ იგი მოძრაობს უსაზღვროდ. აი, რას გულისხმობს სენ-ცანი შემდეგ სიტყვებში: როდესაც გონება ქრება, ქრებიან ობიექტები. როდესაც ქრებიან ობიექტები — ქრებით თქვენ, ქრება ეგო; ისინი დაკავშირებულები არიან.

ჩაწვდით ამ ორის კავშირს

და თავდაპირველ რეალობას — სიცარიელის ერთიანობას.

თქვენი გონება და გარეგნული ობიექტები შეერთებულია, მათ შორის ხილია. თუკი ერთი ნაპირი ქრება — ხილი ვარდება, ხილთან ერთად კი ქრება მეორე ნაპირიც. ეს იმიტომ, რომ შეუძლებელია ერთი ნაპირის არსებობა მეორის გარეშე — ამაშია დაკავშირებულობის, „გადაბმულობის“ აზრი. და მაშინ არის ერთიანობა — სიცარიელის ერთიანობა. მაშინ თქვენ ცარიელი ხართ და ყვავილიც ცარიელია — რადგან არ არის საზღვრები და როგორღა შეიძლება იყოს მაშინ ცენტრი? ეს ერთ-ერთი უღრმესი აღმოჩენათაგანია ბუდასი, და მხოლოდ ბუდისტებმა თქვეს ეს ესოდენ საუცხოოდ: ისინი ამბობენ, რომ როცა არ არის ატმან, არ არის სული. ეს ძალზე ძლიერად იქნა დამახინჯებული, რადგან ინდუიზმი ამბობს, რომ ყოველივე დაფუძნებულია ატმანზე, სულზე, უმაღლეს სულზე.

ბუდა ამბობს: თუ არ არის საზღვარი, როგორ შეიძლება არსებობდეს სული? როდესაც არ არის საზღვარი და გონება სრულიად მრუდე გახდა, როგორ შეიძლება არსებობდეს „მე“? იმიტომ რომ „მე“ გონებაა. როგორ შეგიძლიათ თქვენ თქვათ: „მე ვარ“, როცა არსებობს მხოლოდ ერთიანი, მთლიანი? როდესაც ფიგურა და ფონი გამთლიანდნენ, ერთიანი გახდნენ, როგორ შეგიძლიათ თქვათ — „მე ვარ“?

ეს არის ბუდას სიცარიელე — ანატტა, ეს საუცხოო სიტყვაა. ანატტა — „არა თვითონ“, „არა — თვითონობა“. თქვენ „აღარ ხართ“ — და მაინც ხართ,

სინამდვილეში პირველად არსებობთ როგორც მთლიანობა, მაგრამ არ არსებობთ როგორც ინდივიდუალობა, თქვენ კუნძული აღარა ხართ — არსებობთ როგორც სიცარიელის უზარმაზარი სივრცე. ასევეა ყვავილი, ხე, ჩიტები, ცხოველები; ასევეა კლდე, ვარსკვლავები და მზე. როდესაც თქვენი „თვითონ“ ქრება, „თვითონობა“ ქრება ყველგან. რადგან ეს „თვითონ, ეს ინდივიდუალობა არსებობდა სამყაროში, არსებობდა თქვენი შემთავლება, უგუნურებას და აღარ არსებობს.

სენ-ცანი ამბობს: როდესაც არის სიცარიელე — არის მთლიანობაც. თუკი ხართ თქვენ — როგორღა იქნება მთლიანობა, ერთიანობა? თვითონ თქვენი განცალკევებული არსებობა წარმოქმნის გაყოფას, განაწილებას (მთლიანობა აღარ არის მთლიანობა — იგი იყოფა, ნაწილდება, რაც გონების თვისებაა). მაჰმადიანები ამბობენ, რომ უყვართ ინდუისტები, რომ ისინი ძმები არიან; ქრისტიანები ამბობენ, რომ უყვართ ინდუისტები. ყველანი ძმები არიან, მაგრამ როგორ შეგიძლიათ თქვენ იყოთ ძმა, როცა თქვენ ქრისტიანები ხართ, როცა თქვენ — იუდეველი ხართ. თქვენი შეხედულება — შემოფარგლულობა, თქვენი საზღვარი შუღლს და განხეთქილებას შეიცავს. უკიდურეს შემთხვევაში თქვენ შეიძლება აიტანოთ ერთმანეთი, მაგრამ თქვენ არ შეიძლება იყოთ ერთიანი, მთლიანი. და სიტყვა „ძმა“ საქმეს არ შევლის — არავინ ისე არ მტრობს ერთმანეთს, როგორც ძმები. როცა ვამბობ: მე ინდუისტი ვარ — მე ამით გამოვეყოფი მთელს. როდესაც ვამბობ, რომ მე ვარ მძლავრი, ძლიერი — მე ამით გამოვეყოფი, ვცილდები სამყაროს. ეს ის არის, რასაც ამბობს სენ-ცანი: „იყავით ბუნებრივნი, ჩვეულებრივნი — ნუ გამოვეყოფით სამყაროს, ნუ მიუყვებით საკუთარ თავს ზუსტ განსაზღვრებებს, მიჰყევით ცხოვრების დინებას, მუდამ მზად იყავით შეხვედრისა და „გაღნობა-გაღლობისათვის“.

ნაწევდით ამ ორის კავშირს

და თავდაპირველ რეალობას — სიცარიელის ერთიანობას.

ამ სიცარიელეში ორი განუსხვავებელია...

ორი არ შეიძლება იყოს განსხვავებული სიცარიელეში — ისინი არ შეიგრძნობა როგორც განცალკევებული ერთმანეთისაგან. ისინი ცალ-ცალკეა, მაგრამ ეს სხვა ცალკეობაა; თქვენ შეგიძლიათ განასხვავოთ ისინი, მაგრამ — ეს განსხვავება არ არის. ეს ისეა, როგორც ტალღები ოკეანეში — თქვენ შეგიძლიათ ისინი განასხვავოთ: ტალღა ტალღაა და არა ოკეანე, მაგრამ ის მაინც ოკეანეა. ოკეანე ირხევა მასში, ოკეანე პულსირებას ახდენს მასში; ის ცალკეა როგორც ფორმა და არ არის ცალკე როგორც არსებობა. თქვენ რჩებით ცალკე და მაინც არა ხართ ცალკე — ამაშია ძირითადი პარადოქსი, რომელსაც განიცდის ადამიანი, როდესაც აქვს ანატტას მდგომარეობა.

...და ყოველი შეიცავს თავის თავში სამყაროს, ცალკეულის დაკარგვით თქვენ იძენთ მთელს. თქვენ მუდამ გეშინიათ დაკარგვისა. თქვენ მუდამ ფიქრობთ, თუ თავს დაკარგავ, თუკი მე დავიკარგები — მაშინ აღარ ვიქნები; რაღას შევიძენ, რის მოპოვებას შევძლებ მაშინ? თქვენ კარგავთ თავს და იღებთ მთელს — თქვენ არაფერს არ კარგავთ, გარდა თქვენი უბედურებისა, გაღიზიანებისა, განგაშისა. რა გაქვთ, თქვენ რომ დაკარგოთ? თქვენ არაფერი გაქვთ დასაკარგავი გარდა თქვენი ტანჯვა-წვალებისა, მონობისა. მაგრამ ყოველი შეიცავს თავის თავში მთელ სამყაროს. როდესაც თქვენ კარგავთ — თქვენ იქცევით მთელ სამყაროდ, ყოველივე თქვენია. თქვენ სულიერად უქონელი ხართ, დატაკი ხართ თქვენივე თავის გამო. შეგიძლიათ იყოთ იმპერატორი, თქვენი გონება კი თქვენივე უქონლობას, სიღარიბეს განაპირობებს.

მე მომიხმენია ერთი სუფიური ამბავი, ეს ერთ-ერთი უძველესი სუფიური რჩევა-ღარიგებაა, ქადაგებაა: იმპერატორის სასახლეს ერთი გლახა მიაღვა. სწორედ ამ დროს იმპერატორი ბაღში იყო და ყური მოკრა, თუ რა უთხრა გლახამ მეკარეს, რომელსაც სურდა მოწყალება გაეღო მისთვის: მე ერთი პირობა/მაქვს. მე ყოველთვის ვიღებ წყალობას ბატონისაგან და არა მსახურსაგან იმპერატორი კარებისაკენ გაემართა, რათა შეეხედა გლახასთვის — ეს აღება უნდა იყოს. გლახაა, რადგან გლახები პირობებს არ აყენებენ. როგორ შევიძლიათ წამოაყენოთ პირობა, თუკი თქვენ გლახა ხართ? ამიტომ იმპერატორი დაინტერესდა მოსულით — და იგი აღმოჩნდა განსაკუთრებული გლახა. მანამდე არასოდეს უნახავს იმპერატორს ასეთი იმპერატორული იერსახის მქონე ადამიანი. იგი განახლებდა დიდებულებას, კეთილშობილებას. ტანსაცმელი შემოფხრწილი ჰქონდა, ნახევრად შიმველი იყო, მაგრამ მისი სამათხოვრო გუდა ძალზე ძვირფასი რამ იყო. ახლავე გეტყვით, თუ რატომ. იმპერატორმა ჰკითხა: ეს რა პირობაა? გლახამ მიუგო: ეს იმას ნიშნავს, რომ მსახურები თვისონ არიან მათხოვრები, მე კი არ მსურს უდიერობა გამოვიჩინო ვინმეს მიმართ. მხოლოდ პატრონს შეუძლია ვასცეს მოწყალება. როგორ შეიძლება გააკეთოს იგივე მსახურმა? ამიტომ, თუკი შენ მზად ხარ, შევიძლია ვასცე — და მე მივიღებ მას. მაგრამ მე შენც ვიყენებ პირობას და ის ასეთია: ჩემი გუდა მოლიანად უხდა გაივსოს. გლახას პატარა სამათხოვრო გუდა ჰქონდა. იმპერატორს ჩაეცინა და თქვა: — შენ მგონი, მთლად დაღაგებული ვერ ხარ. შენ რა, ფიქრობ, რომ მე ვერ შევძლებ შენი მათხოვრული გუდის შეესებას? და მან უბრძანა თავის მინისტრებს მიეტანათ ძვირფასი თვლები და გლახის გუდა გაეცხით. მაგრამ ისინი ძნელ მდგომარეობაში აღმოჩნდნენ — რამდენი არ ავსეს გუდა ძვირფასი თვლებით (ისინა ცვიოდნენ მასში ისე, რომ ჩქამსაც არ გამოსცემდნენ), ისინი უბრალოდ თვალითავე ქრებოდნენ. მათხოვრის გუდა კი ისევ და ისევ ცარიელი რჩებოდა.

იმპერატორი ძნელ მდგომარეობაში ჩაქარდა. მისი დიდება დიდი საფრთხის წინაშე აღმოჩნდა. მას, დიდ იმპერატორს, მთელი მსოფლიოს მპყრობელს, არ შეუძლია გლახაკის გუდის ავსება! მან უბრძანა: მოიტანეთ ყველაფერი — გუდა უნდა აივსოს! რამდენიმე დღე აცარიელებდნენ მის საგანძურს — მაგრამ გუდა ცარიელი რჩებოდა. ბოლოს არაფერი აღარ დარჩა — იმპერატორი მათხოვრად იქცა, მან ყველაფერი დაკარგა. იგი მათხოვრის წინ მუხლებზე დაემხი და უთხრა: ახლა მეც გლახაკი ვარ და მხოლოდ ერთ რამეს ვთხოვ: გამიმხილუ ამ ჯადოსნური გუდის საიღუმლო!

გლახაკმა უპასუხა: აქ არაფერია განსაკუთრებული. უბრალოდ, იგი ადამიანის გონებისაგანაა გაკეთებული. განსაკუთრებული არაფერი.

ყოველი ადამიანური ჭკუა, გონება — ჩვენი მათხოვრული გუდაა. თქვენ აგრძელებთ მის ავსებას, მაგრამ იგი ცარიელი რჩება, ავდებით მასში მთელ სამყაროს, სხვა სამყაროებს — და ისინი ქრებიან ისე, რომ ჩქამსაც არ გამოსცემენ; თქვენ აგრძელებთ მიცემას, გონება კი სულ ითხოვს და ითხოვს.

მიეცით სიყვარული, მაგრამ, თუ გლახაკის გუდა თქვენ ხელთაა — სიყვარული გაქრება; მიეცით მთელი ცხოვრება, მაგრამ მათხოვრის გუდა გიყურებთ თქვენ უწინდებური გაუმაძღარი თვლებით: იგი კვლავ ცარიელია და ეს არის მისი ერთადერთი დამამტკიცებელი საბუთი — ის არასოდეს არ არის სავსე. აქ უბრალოდ ლოგიკაა. თქვენ არაფერიც არ მიგიციათ.

თქვენ მიაღწიეთ მრავალ და მრავალ რამეს — მაგრამ ყოველივე ეს ვაქრა გლახას გუდაში. გონება თვითდამშლელი, თვითდამრღვევი პროცესია. იქამდე, ვიდრე იგი არ გაქრება, თქვენ გლახად რჩებით. ყოველივე, რისი მიღწევაც საერ-

თოდ შეიძლება, ამაო იქნება, რადგან ცარიელი დარჩებით. მაგრამ, თუკი გახს-
ნით გონებას, თქვენ აღივსებით სიცარიელის წყალობით. ვიდრე ხართ, თქვენ
რჩებით გლახად, თუ არა ხართ, თქვენ ხლებით იმპერატორი. არის ერთი საუც-
ხოლო ინდური სიტყვა „სვამი“, რომელიც ნიშნავს ადამიანს, რომელმაც საკუთარი
„მე“ უკუაგლო იმდენად, რომ ის მეტი „აღარ არის“: იგი გახდა მოკლე სამყარო,
ყოველივეს მფლობელი, მათ წინაშე თვითონ იმპერატორებიც მათსივე რჩე-
ბიან — ისინი განაგრძობენ ნატვრას, თხოვნას და ტანჯვას.

თქვენ მალე მიიღებთ ერთიანს, როგორც ეს სინამდვილეშია, ისე, რომ არ
აქსოვთ მასში გონებას და არ ხლებით მსაჯული — თქვენ უბრალოდ ამბობთ:
„ეს ასეა“. არის ვარდი — „ეს ასეა“, არის ეკლები — „ეს ასეა“; არის წმინდა —
თქვენ ამბობთ „ეს ასეა“, არის ცოდვილი — თქვენ ამბობთ: „ეს ასეა“. მთლიან-
ნობამ, მთელმა იცის, — და არავის სხვას არ შეუძლია იცოდეს, — რატომ არსე-
ბობს ცოდვილი; ამას თავისი მიზეზები აქვს — მაგრამ ამ საიდუმლოზე მთლიან-
ნობა იზრუნებს, არა თქვენ. ამას ვერ გადაწყვეტთ, თუკი თქვენი თავის და გო-
ნების ამარა დარჩებით. თქვენი თავის მეოხებით შეგიძლიათ იყოთ დიდი ფილო-
სოფოსი და გექნებათ მრავალი პასუხი — მაგრამ არც ერთი ჭეშმარიტი; თქვენ
გექნებათ მრავალი თეორია, მაგრამ არც ერთი მათგანი ჭეშმარიტი არ იქნება.

მაგრამ, თუკი თვითონ გახლებით საიდუმლოება — მაშინ გაიგებთ, მაშინ გე-
ცოდინებათ. მაგრამ ეს ცოდნა ისეთია, რომ მას სიტყვებით ვერ გადმოსცემ; ეს
ცოდნა ისეთი პარადოქსია, რომ აკავშირებს, აერთებს ყველა ენას; ეს ცოდნა
ისეთი წინააღმდეგობრივია — მაშინ ხომ წინააღმდეგობები კარგავენ საზღვ-
რებს — რომ ვერავითარი სიტყვები ვერ გადმოსცემენ ამას. ფიგურა — სიტყვაა,
ხოლო ფონი — სიჩუმე. ამ ცოდნაში ფიგურა და ფონი ხლებიან მთლიანი, ერთი-
ანი, მდუმარება და სიტყვაც მთლიანი. როგორ შეძლებთ ამის გამოთქმას?

აი, რატომ ლაპარაკობს სენ-ცანი ამის შესახებ, მან იცის, რომ ამის გამო-
თქმა შეუძლებელია, რადგან, რაც არ უნდა თქვათ, — იძულებული ხართ შეამ-
ჩნიოთ განსხვავება, შეარჩიოთ სიტყვები. როდესაც რაიმე უნდა თქვათ, თქვენ
უკვე ამჯობინებთ, უპირატესობას ანიჭებთ ამას მეორესთან, სხვასთან შედარე-
ბით — და უკვე „საქმეში“ ერევა“ გონება. არავინ შეეცადა ეთქვა ეს სენ-ცანზე
უკეთესად, იგი აქ შეუდარებელია. ვერ ნახავთ ვერავის, ასე საუცხოოდ რომ აქ-
სოვდეს დუმილს სიტყვებში. იგი მართლაც დიდი ოსტატია, დუმილის ოსტატი,
და სიტყვის ოსტატი. მან ჩააქსოვა ამ სამყაროში რაღაც ისეთი, რაც არ მიეკუ-
თვნება ამ სამყაროს, მან გაჟღინთა ეს სიტყვები თავისი განცდების ღრმა დუმი-
ლით.

ყური დაუგდეთ ამ სიტყვებს. და მარტო კი ნუ მოიხმენთ, შეიწოვეთ კიდევ
ისინი. მიეცით საშუალება ამ სიტყვებს შეფონოს თქვენს არსებაში, გულში, ნუ
დაიმახსოვრებთ მათ — შევიდნენ ეს სიტყვები თქვენი სისხლის მიმოქცევაში,
აქციეთ ისინი თქვენს სისხლხორცულ ნაწილად. სვით და ჭამეთ, გაიორგანუ-
ლეთ და დაივიწყეთ ისინი. ამ სიტყვებში უზარმაზარი ძალაა, რომელიც თქვენს
სრულ ტრანსფორმაციას აპირობებს.

25 ოქტომბერი, 1974 წ.

(დასასრული იქნება)

